

*image  
not  
available*





















# PHILOSOPHIAE NATURALIS

aduersus Aristotelem

Libri XII.

IN QVIBVS ABSTRVSA  
Veterum Physiologia restauratur, &  
ARISTOTELIS errores solidis ratio-  
nibus refelluntur

A SEBASTIANO BASSONE,  
DOCTORE MEDICO.

Cum INDICE locupletissimo.

*Amicus Plato, amicus Socrates, sed magis  
amica Veritas.*



BIBLIOTHECA  
ROMA  
VICTORIS EMANUELIS



Apud Petrum dela Rouiere,

MDCXXI

*B. f.*

*14*  
*11. L.*

*23.*



1449 14.11.23

11

44.23

*Handwritten signature*

*Handwritten signature*



*Handwritten text, possibly a date or reference number.*

*Handwritten text, possibly a date or reference number.*

*Handwritten text, possibly a date or reference number.*





NOBILI

AC SINGULARIS

SPEI ADOLESCEN-

ti D.D. Carolo Tonar-

do, Domino d'I-

son,

SEBASTIANVS

Baso. S.



LT ERO ferè ab hinc an-  
no cum Salmurij, philoso-  
phia operam dares, To-  
narde Musarum, Chari-  
tumque delicia, rogasti me  
remotum, per litteras, ut  
quædam opuscula quæ nondum lucem vide-  
runt ad te mitterem, legendi, ut aiebas, in eis-  
que proficiendi percupidum. Senti illico non ir-  
ritam quam Patri tuo dederam fidem; elogium-



que singulare, quod præsens ex ore meo retu-  
leras. Sed & recordans quæ esset tua indoles,  
qui in me animus, quàm studiosus, quàm a-  
mans mei, credebam facile te mei causa addu-  
ctum ea petere, quorum publicatione nimirum,  
nomini meo lucis aliquid afferres. Hæc, inquã,  
erat mea de te opinio; & vis amoris hunc as-  
sensum à me facile impetrabat. Scilicet aman-  
tes sibi somnia fingunt. Itaque ut pari studio  
tibi responderem, statueram, primo quoque  
tempore typis mandatum id tibi dicare, cuius te  
videbam lectione, atque tractatione delectari.  
Mutavi tamen postea consilium, indicans iis ce-  
leniusculis aliquid præmittendum quod esset  
Philosopho dignũ, & Medico. Quid sit, videbis  
in hoc volumine. Sed hoc quidquid sit, nondum  
exitum appetebat. Quippe languerat animus  
cogitanti quàm doctorum laboribus, Principũ,  
Procerũque limina frigerent, quamque  
emptorum paucitate, literarum mercimonia vi-  
lescerent, ita ut is abunde gratus habeatur hoc  
tempore, qui gratis datum gratum habet Scri-  
ptoris cuiusvis, quodcunque munus. Propterea  
parturientem vires linquebant. Reuixi repen-  
te ut vidi te nostri memorem, sumpsi animos.  
Vidi nempe esse paratum qui hanc tantorum  
laborum sobolem, lubens admodum susciperet.

Ita-



Itaque flagrantis desiderij calor remoti partus  
editionem maturavit. Nec mirum utique, si  
quod visu venit, ut cuius rei cogitatione, visu-  
que pragnans delectatur, huius in fœtu impri-  
mat imaginem; nobis hac in re contigerit; adeo  
ut hæc nostrorum studiorum genuina proles e-  
xiens fronte ferat amoris in te nostri indelebi-  
lem characterem. Indelebilem inquam. Sibiles  
linor licet, & serpentinis euomat venena pe-  
ctoribus; durabit veritas, & de errore victo,  
prostratoque triumphabit. Quandiu verò sta-  
bit, tandiu, Deo dante, Tonardi nomen nostris  
paginis præsidebit, fausto nimirum omine, ex  
nomine: ut dum Tonardus tonat ardens, ruat  
fulmen inevitabile rationum. Verum exitus  
rem probabit. Nunc esto hoc opus nostrum, ut  
lubet, magnum, parvum: magni, scio, facies, vel eo  
ipso, quod à nobis prodit. Et quãquam non du-  
bitẽ, quin sit futurum tibi gratissimũ. si magnũ,  
si celebre, si illustre fuerit, id tamen nõ me fugit,  
te nostri potius quàm tui causa cupiturum.  
Quippe splendorem ex nostra commendatione  
non aucuparis, qui lucere vis iis ignibus quos  
proprij labores excusserint. Scis quanta de te  
ausus sum promittere. Nec prædixisse pœnite-  
bit. Dubitem quicquam de te polliceri, qui tuũ  
norim parẽtẽ? Quin, mihi crede, etsi possum te  
iis omnib. nominib. cõmendare quæ adolescenti



ingenij acerrimi, expectationisque summa cō-  
ueniunt; eo te potissimum auspicio prosequor  
quòd quàm vultu prae te fers viuum patris i-  
maginem, tam omnibus animi dotib. animum  
paternum, paternosq; mores exprimis, ut quis-  
quis utrumque cognouerit, dicat, quicquid in-  
est genitori, id totū in te à natura magis quàm  
ab arte renouatum. Fælicem te tã bono patre  
progenitum; quem profecto si quis non amat,  
liuore tabescat licet. Dicam ingenuè. (nec opus  
est adulatione) quod omnes boni probent: si ve-  
ram Nobilitatis imaginem essem exhibiturus:  
hoc viuo, patre tuo, inquam, vterer prototypo.  
Quid etenim in illo desideretur, quod vera no-  
bilitatis descriptio requirat? Mitto illam viua-  
citatem ingenij quam in te transfudit, quauis  
in disciplina singularem. Mitto caelestem illam  
perspicacis iudicij puritatem per quam tã ma-  
gna tam fæliciter exequitur. Mitto illud inui-  
ctum animi robur, illam morum suauitatem;  
illam aditus, colloquij, conuersationis, vitæ de-  
nique omnis facilitatem decenti grauitate tem-  
peratam, qua sibi æquè superiorum, inferio-  
rumque animos conciliat, ac deuincit. Mitto a-  
lia multa Natura munera quæ in aliis diuersis  
diuersa in hunc unum collegit vniuersa. Rarè  
Natura opus. Hæc etsi magna, & miranda, quæ  
ipsum magno illi Digniereo totius Orbis mi-  
raculo



147  
runculo tam intimum fecerunt, certè bonitas il-  
la, & humanitas, & charitas incredibilis qua se  
suaque in omnes egentes effundit liberalissi-  
mè, præ cæteris virtutibus, certissimus est cha-  
racter animi verè nobilis, certissimaque ve-  
ra nobilitatis insignia: dum quam potentiam,  
quam gratiam, quas opes multi ut leones in in-  
firmioribus opprimendis; multi ut sues in libi-  
dinibus complendis perversè collocant; ille mi-  
tissimus, humanissimusque in hominum egen-  
tium levamine, atque iuvamine, sedulo impen-  
dit. Ne sit aliud. Pauci sunt Nobiles in ficiorum  
institutores tam largi: Pauci qui eos quorum  
ope non amplius egent, quos ut curent, nihil est,  
tamen in animi grati symbolum, donis tam  
magnis cumulent. Sed præstabat silere quam  
pauca dicere. Quanta enim hanc in rem exur-  
git materies? Ecce turmatim undique confluant  
innumeri, qui se plura ei debere dicant quàm  
memorem; Silebo igitur ea in quib. non possum  
non esse exiguus. Qua tamen potero voce con-  
tendam, ut omnes intelligant, te eo patre sa-  
tum, mi Tonarde, cuius facta, dicta, mores, pie-  
tas, religio, omnis denique vita, atque conuer-  
sationis ratio tibi sint ad virtutes veras, ad ho-  
nores amplissimos, ad Deum denique ipsum  
Opt. Max. certa, securaque vestigia. Et hinc-  
rursum tibi transitus ad Arcanorum nostrorum le-



ctionem, quoties iurisprudentia, forique cura  
permittente, dabitur regressus ad ea Philoso-  
phia studia, in quibus scio te nec leuiter nec  
transeunter institutum, quae qualia fuerint, ex  
nostrorum comparatione poteris cognoscere.  
Non hortor, ut legas, noui lecturum, & per te;  
alios, & quae legerint miraturos. Vale, &  
tuum amica Bassonem.

AD LE-





## AD LECTOREM.

**H**IVS libri minax inscriptio, te inuitat Lector candide, ut vel iniurium ulturus, vel inep- tum irrisurus videas; visum iu- dices, non ante : quod si feceris, quam à te exoptat beneuolentiam, tandem se relatu- rum sperat, ut quem forte risurus acceffe- ris, laudes reuersus. Laudabis, inquam, vel saltem non improbabis, vel sanè, si validis rationibus refelles, tum demum meam a- gnoscens inscitiam, fatebor me tibi deuin- ctum maiorem in modum, qui mihi nebu- las mente excusseris, quas nulli libri, nulli quos adhuc cōuenerim hac de re philoso- phi dissoluere quinerunt : quin eorum re- sponso, sua leuitate maius momētum meis rationibus addiderunt; meæque sententiæ veritatem magis exploratam fecerunt.

Hæc præfatus, precatûsque ne damnes inauditum, rei me accingebam, saltum quem me fecisse iacto re ipsa ostensurus: Sed properantem morata est Aristotelis



quæ maxima est apud omnes doctores authoritas, quos quanti faciam, quàmque de illis & æquabiliter sentiam, & reuerenter loquar, interest vt noris: vt quorum documentis magna lux in his tenebris mihi refulsit, eorum auspicio, ductúque scias moliri me quicquid aggredior; méq; eorum argumentis ac rationibus, tanquam machinis potentissimis instructum magnam muri partem, quem quatio, diruturum.

Hæc enim semper fuit ea de illis incredibilis doctrinæ viris sententia: vt cum in illis legendis assiduus, dissimulare non possem pugnas vehementer, & multiplices, de rebus ferè singulis, inter primarios huius philosophiæ patronos, ex dictis Aristotelis neque leuiter susceptas, neque facile terminandas; tanti dissidij causam in doctores illos nunquam reiiciendam putaerim; quos constat esse grauiissimos, & assertoribus plurimis stipatos, & secundum sua principia rationibus adeò validis innixos; vt cui te credas iudicium superet. Quin plures occurrunt quæstiones, de quibus variæ expositorum sententiæ videntur manifestissimæ falsitatis aliæ alias conuincere.

Verùm causam dissidij errorem, erroris verisimilitudinem agnoscens, in quonam



nam esset hæc veri species videbam inqui-  
rendum. Verebar scilicet, ne ex falsis sup-  
positionibus hæc errata nascerentur, atque  
ex fundamentis ruinosis hæc ædificij rui-  
na sequeretur. Enimverò, si, verbi gratia,  
ignoraueris quid sit Natura, aut in quo cõ-  
sistat istud principium motus & quietis,  
quod Naturam vocant, falsamque eius ra-  
tionem assignaueris, necesse est hallucine-  
ri toto naturalis motus inquisitionis pro-  
cessu, qui cardo est circa quem Naturalis  
philosophia versatur. Et qui error parvus  
est initio, fit maximus in fine, cum admissio  
quod falsum est, necessaria consecutione  
deduceris in labyrinthos & plexus erro-  
rum vnde non datur pedem referre neces-  
sitate consequentiæ ductum, licet & ratio  
contrarium suadeat, & experientia de-  
monstret.

Ergo huius rei examine in plures annos  
protracto, singulisque rationibus accura-  
tius expensis, tandem certò comperi quod  
erat necessarium; malum nempe esse in ra-  
dice, erratumque in multis quæ pro certis  
principiis hac in philosophia supponun-  
tur. Hinc pugnas, hinc obiectiones ultro  
citroq. indissolubiles, dum qui rationibus  
immotis nititur falsis eiusmodi supposi-  
tionib. premitur; & qui ex talib. principiis



procedit, rationum inconcussatum obie-  
cta mole retinetur. Huic sententias Ari-  
stotelis sæpenumero contrarias, quibus ar-  
mati Expositores varij, opinionem quisque  
suam tuentur, Huic quod vno loco eum  
defensuri, alio cogantur offendere. Huic  
quod idem author sibi ipsi repugnans, qui-  
bus rationum iaculis aduersarium petit in  
vna re, iisdem confodiatur in alia.

Eas sententias, quæ huius philosophiæ  
principia suo pondere diruebant, exami-  
naui, vim expendi; si quo modo diluerem  
tentavi, discussi, in omnem partem versa-  
ui, adiectisque plurimis aliis non minoris  
momenti, quas res ipsa ministrabat, prima-  
riæ nostræ philosophis proposui, declaravi,  
institi: Quid respondere potuerint, facile  
iudicabis, si easdem ex hoc codice perpen-  
deris.

Iam ergo videant qui horum authori-  
tate commouentur, quos nobis obiiciant  
philosophos, medicos, theologos semper  
venerabiles nobis futuros. Hi sunt profe-  
ctò, quorum controuersis agitata veritas  
foras prodiit; quorum ex scriptis doctissi-  
mis non paruum eorum quæ demonstra-  
turi sumus partem deprompsimus. Quo-  
rum argumentis, ac rationibus, veritatem  
ipsam in pluribus astruemus. Hi sunt, qui  
suis



fuis diffidiis, ac pugnis hos animos nobis inspirarunt, vt quas multiplices contradictiones, ac repugnantias hac in philosophia reuelassent, nos ex quo fonte promanent conemur ostendere. Hi præeunt, nos sequimur, hi doctores, nos discipuli; Sed enim hi dum ducunt, & docent, dubiis, & quæstionibus plurimis, quarum nodos frustra soluere conati sunt, quàm multis hac via plena esset periculis indicarunt. Nos eorum vestigiis insistentes, etiam vltèrius progressi longè plura, grauioràque conspeximus. Per illos ea vidimus, non pedem referamus? per illos quæ mala essent cognouimus, non quæ bona sunt, quæramus?

Cur igitur Aristotelẽ non deseruerunt? quæ nos vidimus, non viderunt? Iam ad ista respondimus; sed nihil sit aliud. Sanè nil mirum fuerit, si non viderint. Sæpe enim qui sua virtute hostès fregit, occidit in acie: succedens alius viribus integris victoria potitur. Sæpe qui terram multo labore suffodit, venæ auri proximus fatiscit; adueniens nouus qui viam factam sequitur, aurum refert. Laborauerunt hi plurimum, vt veritatem quasi sepultam eruerent; ingentia saxa quæ viam præpediebant, vel submouerunt, vel certè crebis



disputationum ictibus valde concusserunt; vt non difficile esset ea remouere, atque via facili ad veritatē peruenire. Quod tamen non ita dictū velim, vt putem non plures eorū fuisse quib. cōplures Aristotelicæ doctrinæ fallitates paterent, quas neque dissimularunt. Iam enim hoc diximus.

Munus hoc tamen, etsi suis humeris magis congruum, non susceperunt. Quid mirum? opus laboris & inuidiæ plenum defugerunt. Nam ab Aristotele descuerunt. Quid mirum? crimen est ab Aristotele deficere. Nihil in eum scripserunt. Quid mirum? noluerunt se maledictis obiiicere, quibus nostri labores parebunt.

Quanto maior fuit animus Aristoteli, quem nihil tale potuit retardare, quominus Veterū fuerit censor acerrimus? Neq; sibi hanc religionē iniecit, qua nos sui deterrere volunt, nefas scilicet, ac temerariū esse, philosophiā Veterū improbantem se, præcipuè verò Platoni præceptorī suo, cuius viginti annos auditor fuerat, contradicentem; nouā inauditāmq. philosophiam inuehere; eorum fundamenta reuellere, quos fixerant Naturæ terminos refigere: scripta, dicta, sensa eorum expungere, despiciere, irridere. Neque cogitauit, cur discipulus magistros, nouus Antiquos, vnus plu-



plurimos inuaderet? Cur, quibus ut parentibus, atque doctoribus honorē debeat ac reuerentiam; iis tot errorum, tantæque ignorantiae maculas, ac sordes inspergeret? Cur sede, cur possessione, cur finibus philosophiae ipsos sibi philosophiae auctores deturbaret, eiiceret, exterminaret? Hæc si quis alius faceret, quàm proteruè? Quæ tamen Aristoteles quàm licitè? Licitè sanè, si sibi veritatis elucidationem proposuit. Vidit enim vir alta mente præditus, quantumuis præcedentes in veritatis indagatione processissent, plurimum itineris posteris reliquisse; cuius non modò licitum, & apertum, sed pium ac sanctum, in veritatis examine, quæ sentit, aperire: utilem in primis, ac fructuosam omnem controuersiam, quam inter doctos, cordatosque viros, veri studium excitarit. Si quid melius quàm præcedentes inuenisset, posterii acciperent; sicubi à scopo aberrasset, alij iudicarent; & quàm ipse de aliis, tam libere de se alij sentirent.

Neque enim tam iniquus iudex fuerit, ut, quam potestatem in superiorum scripta sibi vendicauit, eandem in sua posteris ademerit: cum nec plus ei reuerentiae debeamus, quàm ipse prioribus, nec tantum quantum ipse Platoni præceptori suo, ut



eius errata dissimulemus.

Dissimulant tamen huius temporis plurimi viri doctissimi ( nec enim iam nobis de Prioribus sermo de quibus actum est ) dissimulant, inquam, & ita dissimulant, ut non modò non deserant Aristotelem, vel saltem eius errata impugnent, aut patefaciant; sed in omnibus quoad possunt, tueantur.

Quid faciant? profitentur Aristotelem, docendus, explicandus, defendendus, in eo mordicus inhaerendum; vel ubi urgebunt rationes in contrarium, diuerticula quærenda unde aliquid dicant, ne prorsus obmutuisse videantur.

Interea quæ plurimum afficit viua vox Præceptoris, si quæ sint errorum semina in animis discipulorum spargit, & irrigat, & fouet; donec tam altas figant radices, ut eas postea nulla vi rationis euellas; Tantam quippe vim habet in animis iuuenilibus, alicuius opinionis anticipatio; præsertim quam magistri docti, grauisque fulciat autoritas. Ut non mirum sit eos, qui ex hoc luto prodierunt, cum inde turbidum, impeditumque habeant iudicium, nefas putent de Aristotelis doctrina dubitare, ac tanquam compertam habeant, tam acres in ea defendenda se præbeant. Horum  
nos



nos moremur iudicium? iudices sint qui patroni : qui quasi ex officio per fas & nefas Aristotelem defendant? quos nullis rationum machinis moucas, nullis errorum monstris deterreas?

Omnia viri pij per summam religionem tolerant, se de re philosophica optimè meritos rati si subterfugia inueniant, quò Aristotelis copia pressæ se recipiant tantisper respiraturæ. Quò enim se vertant? vel quem adeant Aristotele relicto? Perierunt Veterum scripta, paucâque extant eorum fragmenta in libris potissimum Aristotelis dispersa: Et quidem prout exponuntur; ita sonantia, vt febricitantium somnia videantur. Qua enim fide putas ea retulit Aristoteles? Et adhuc mirum si Aristoteli tam pertinaciter adhæreant? Quem alium sequantur?

Aduerte animum Lector, & vide quo iure Aristoteles in philosophia obtinuerit principatum, quo iure eundem conseruet, vt securus regnet. Quemadmodum enim solo cæloque sicco plantæ, atque arbusculæ, vbi non est copia succi melioris, quemuis humorem obuium sugunt, quem in suam naturam conuertant: ita postquam amplissima volumina quæ Veteres de rerum Naturalium causis proprietatibusque



conscripterant, perierunt; homines huius  
scientiæ auidi, quod non esset quo famem  
explerent, obiecta hæc fercula deuorarunt,  
non discernere valentes initio quæ noxia  
bonis immixta celabantur. Neque enim  
semper quæ meliora sunt, aut veriora, ci-  
tiùs eliguntur, sed plerumque verisimilia,  
& quæ falla verè speciem habent, incautos  
suo splendore decipiunt. Huic verò rei  
parùmne contulisse putas nomen Alexan-  
dri Magni, cuius Aristoteles fuerat insti-  
tutor? quantam magistro tantus discipulus  
opinionem conciliauit?

Quamquam non egebant Alexandri  
gratia libri Aristotelis quos satis supérque  
commendabat non modò meliorum, sed  
peiorum inopia.

Pauci supererant Platonis libri pauca;  
extremisque digitis tacta de rebus natu-  
ralibus continentes. Enimverò quid il-  
lud est, quod in Timæo Plato scripsit; ad  
ea quæ Aristoteles octo libris physico-  
rum, libris de Cælo, de meteoris, li-  
bro problematum, libris de anima; de  
generatione & corruptione; de iuuen-  
tute & senectute, de respiratione, de sen-  
su & sensili, de memoria & reminiscen-  
tia, de somno & vigilia, de insomniis:  
de diuinatione per somnium, de historia  
animan-



animantium , de eorum partibus, de eorundem motu, de eorum denique incessu, magnis voluminibus fusè , copiosèque contexuit?

Mirum si in tanta huius scientiæ penuria homines famelici , & sciendi avidissimi hosce libros, tanquam cibos obiectos arripuerunt? Morarentur errata tunc in illis incognita; quæ etiamnum resecta dissimulant? Quem enim alium sequantur? Antequam verò cognitus esset Aristoteles, Assertorum multitudine stipatus regnavit.

Attendant illi, qui nos hac multitudine tanquam instructa acie terrere volunt; vnde nam creuerit hæc multitudo. Quæris vnde creuerit, cum & stultus qui oblatum Aristotelem rececisset, & iniustus qui incognitum condemnasset, & levis qui in iudicando properasset? Quid quæso tunc audiuiisset? Vide quidagas, non capis eius mentem, res est abstrusa, rimare sensum eius; confer locum cum loco; audi Aristotelem seipsum alibi explicantem, vide quid alij hac de re sentiant. Non hæc tunc valuissent, quæ etiamnum vim habent, ubi toties doctorum calculo huius doctrinæ vanitas reiecta est? Quæris, cur eam docti non deseruerunt,



cū alia non esset: hæc iam mentes hominum occupasset, sacrum esset nomen Aristotelis; multitudinis iudicium præualeret? Quid quòd, ut fit, alij inuidiâ moti, alij repugnandi libidine impulsî, alij ostentationis cupidine pellecti semelioribus, ac sanioribus opponerent ingeniis? Quid quòd nec inter probos singulis omnia paterent, ut non mirum sit, si non omnia placerent; sed prout sunt hominum ingenia, diuersis diuersa probarentur? Et, quod omnium est validissimum, quid quòd nulli alij essent authores quos relicto Aristotele sequerentur? Quærisne quid veritatis inquisitioni viam præcluserit? quærisne quid errorum latibula tanquam Asyla quædam sancta inuiolatâque conseruarit? Quid igitur magis hos errores promouit? an casus? an ignorantia? an vis? an discordia? an necessitas? Casus aliorum Aristotelem erexit: ignorantia suæ doctrinæ initio stabiluit: vis multitudinis roborauit; Necessitas professorum propugnauit; philomachia doctorum conseruatit. Ad tempus quidem conseruauit; sed crebis iactationibus tandem labefactauit: donec tanquam Hydræ capitibus, repullulantibus dubiis in varias factiones dissecti Aristotelem ipsum ut canes Acteonis miserè discerpserunt,



551  
runt, ac dilaniarunt; ut nihil eius manserit  
integrum, quod non plures eorum vel la-  
cerarint, vel dentibus contrariis in sensus  
contrarios distorserint.

Attamen veluti Telephus sanatus est  
eadem Achillis hasta qua fuerat vulnera-  
tus; ita Aristoteles eorundem professo-  
rum medicamine conualescit, quorum  
dissensionum iaculis læsus est, ac pene  
confectus.

Enimverò rationem disputandi ser-  
uant ad hoc prorsus accommodam: cum  
non quæstionibus Socraticis procedunt,  
quibus facile in mendacio quiuis quan-  
tumuis lubricus irretitur. Idcirco quæstio-  
nes omnes exceptis quas dialecticas vo-  
cant, excludunt à lege disputationis.

Illa verò, quam servant disputationis  
palestra, Actori quidem arcta, & brevis;  
defensori verò longa & spatiosa dat pressio  
spatium, ut viam pedum videat. Adhæc  
succurrunt distinctiones pene innumeræ,  
quæ licet bonæ essent, iis tamen respon-  
dens facili abutitur, qui vi argumentorum  
pressus velut anguis in spinas, in eas se la-  
tebras coniicit. Tum quid Aduersarius?  
nouo uti medio non decet argumentandi  
peritum: Agat in distinctionem.

In eam verò technam improuisam non



præsto sunt argumenta, & si suppetant, tempus labitur, alius succedit pugnaturus.

Itaque ut causidici solent suis tergiuersionibus litem prorogare, temporisque productione aduersarium vexare quem in magnos sumptus coniiciunt; ita hi rabulæ scholares, dum talibus effugiis horas trahunt, euadunt ruboris periculum.

Quantus demum sit harum distinctio-  
num vltus hinc pater, quod cum diuersissi-  
mæ sint hac in doctrina, qualibet de re  
sententiæ, multipléxque inter authores  
pugna; nulla pars sit quæ harum distinctio-  
num fulcimento non subsistat. Certatur  
enim non ad veritatem illustrandam, sed  
ad acumen ingenij probandum. Isque ma-  
gnus habetur philosophus, atque mirabilis,  
non qui sententiam optimam sequitur; sed  
qui ostentat ingenium in exponendis  
conceptibus suis facile & apertum; in con-  
certationibus subtile & argutum; in elu-  
dendis aduersarij argumentis labile &  
versutum.

Hinc opinionum vicissitudines; ut quæ  
magno omnium consensu longo tempore  
regnauerit, quasi Ostracismo pulsa exulare  
cogatur, rursus iure Postliminij in posses-  
sionem reuersura. Quemadmodum enim  
leges, ita sententiæ in hac Aristotelica  
politia



politia abrogantur, quadam quasi Tribu-  
nitia potestate, & tempore suo renouan-  
tur. Ac si quæ sententia diu vera fuerit, re-  
probata ab aliquo nouo sed celebri philo-  
sopho, falsa fiat, rursus vera futura si quis  
adueniens magnæ authoritatis, eius pa-  
trocinium suscipiat.

Hoc tamen prouida quadam dispensa-  
tione factum dixeris, vt quæ multæ, atque  
discrepantes de vna re opiniones simul sta-  
re non possunt, vicissim teneant imperium.  
Alioquin cum sæpenumero inter se dissen-  
tiant Alexander Philoponus, Themistius,  
Plotinus, Auerroes, Auicenna, Thomas,  
Scotus, Nominales, Reales, Græci, Arabes  
Latini in partes dissecti contrarias, quan-  
tas procellas excitarent, si simul omnes de  
regno contenderent? Parumne prospe-  
ctum putas, ad sedandas has tempestates,  
si quemadmodum in cœlo Castor, & Pol-  
lux, ita in regno Aristotelico horum phi-  
losophorum sententiæ mutatis vicibus te-  
neant principatum?

Parum tamen referret eiusmodi logo-  
machiam ingenij acumen, ac linguæ volu-  
bilitatem ostentare, ni tales nebulæ & the-  
ologicis, & medicis speculationibus tene-  
bras offunderent, magno animarum, &  
corporis humani damno; quas qui dissipa-



ret (opus quidem Herculeum) occisis monstris illis opinionum quorum ex ore virulento efflatur ater ille fumus, non minùs de humana societate mereatur, quam si peremerit monstra quibus Hercules orbem liberauit.

Verum quid fiat istud? peccant quidem ipsi sed necessitate peccant, vel quid agant, iudica. Hanc doctrinam relinquant? quam secuturi? Veterum scripta non extant, sed si extarent? faterentur illis quaecunque Prisci senserunt; ita ut ea vel mota stomachum faciant illis, quibus, quicquid in Aristotele putidum est, sapit.

Miserum sanè ut quos tanquam sapientissimos Antiquitas venerata est, eos pro stultissimis reputent, eorumque sententias ut aniles nugas, aut febricitantium insomnia risui habeant. Ridiculus Empedocles, delirus Democritus, insanus Pythagoras, ineptus Plato, stulti quicunque alij philosophiam professi sunt. Quam diuersa fuit veterum de illis opinio, quos ut veraces Naturæ vates, fidelesque eius interpretes summo honore prosequuti sunt? Equidem de Platone quid commune referam iudicium, de quo non aliter quam de Deorum mysta sapientissimo docti pariter indoctique locuti sunt? De quo quam mul-

ta Ci-



ta Cicero ? qui etiam secundo de Naturā  
Deorum. Audiamus , inquit , Platonem  
quasi quendam Deum philosophorum  
&c. & Tusculana 4. Errare me hercule ma-  
lo cum Platone quem tu quanti facias scio,  
& quem ex tuo ore admiror , quam cum is-  
tis vera sentire. Verum pro Cicerone, &  
omnibus aliis licet iudicibus integerrimis,  
prodeat vnus Augustinus qui pluribus qui-  
dem in locis, sed libro tertio contra Aca-  
demicos sic in eius fertur encomia. Plato  
vir sapientissimus , & eruditissimus tem-  
porum suorum qui & ita locutus est , vt  
quæcunque diceret, magna fierent, & ea  
locutus est , vt quomodocunque diceret,  
parua non fierent , dicitur post mortem  
Socratis magistri sui quem singulariter di-  
lexerat , à Pythagoreis multa didicisse,  
& paulo post. Adeo post illa tempora,  
non longo interuallo, omni peruicacia,  
pertinaciâque demortua, osque illud Pla-  
tonis quod in philosophia purgatissimum  
est, dimotis nubibus erroris emicuit, hæc  
illi. Veniat iam Cicero, veniat Augusti-  
nus, veniat sapientissima patrum veterum  
schola Hilarius, Cyprianus, Irenæus, Iu-  
stinus, Chrysostomus, Basilus, Arhana-  
sius, Theodoretus, Dionysius; veniant  
hi, & cum Platone vt olim sentiant.



Næ inter philosophos heretici habebatur.

Fortè tamen nostri philosophi de Platone mitiùs sentiant, vel modestiùs loquantur, quod quæ extant eius scripta diuinum ipsius prædicent ingenium; de reliquis non item, quos quia sua scripta perierunt, impunè deliros atque insanos vocant. Insanusne Pythagoras cuius fama nulli mortaliū cessit? à quo Plato magnam suæ philosophiæ partem sumpsit, vt quem in omni disciplinarū genere vix vllus adæquauit? vnde docens non pauciores auditores sexcentis habuit, de quo illud Ouidij, Met. 15.

*Mente deos adiit, & quæ Natura negauit*

*Vsibus humanis, Oculis ea pectoris hausit.*

Quem propterea tanti fecerunt Metapōtini, vt ædes eius mortui ipsi pro templo consecrantes diuinis honoribus profecuti sint. De Empedocle verò ne plura dicam, sufficiat honestissimum illud Lucretij elogium.

*Carmina quin etiam diuini pectoris eius*

*Vociferantur & exponunt præclara reperta,*

*Vt vix humana videatur stirpe creatus.*

Democritum autem adeo in omni genere philosophiæ profecisse memorāt, vt pentathlos, siue quinquercio dici posset, quod Naturalia, moralia, mathematica, liberales disciplinas, artiūque omnium peritiā



XXV

tiam callebat. Hunc verò quem Plinius virum sagacem, & vitæ utilissimum fuisse refert dementem reputant, petulantiores in ipsum quam Aristoteles, qui ut suo tempore monstrabimus, quo maximè loco Democritus horum arbitrio delirat, eius opinionem præfert Platonis sententiæ, Paruinne est Democritum ab Aristotele Platoni esse prælatum, & quidem in quo cachinnos Peripateticis mouet? Quin eodem capite secundo libri primi de generatione Aristoteles communi veterum, & Democriti sententiæ ex parte suffragatus, de eo non prætermittendum dedit testimoniū; cum Priscorum in scientia, naturali peritiam extenuans, ita suam concludit sententiam, *Ad summum de nulla mutatione, nisi superficie tenus quicquam ullus definiuit, præterquam Democritus, cui omnia curæ videntur fuisse, in modo tamen, atque ratione discrepauit.* Hoc Aristotelis testimonio qua parte sibi fauet, memoria Democriti fruatur, qua verò officit suspectum sit Aristotelis iudicium; sicut eiusdem testimonium, cum ait veteres omnes alios de nulla mutatione quicquam nisi superficie tenus definiuisse. Num superficie tenus definiuit Hippocrates de natura corporis humani? de ortus & interitus eius principiis? de variarum eius-



dem mutationum causis? de diuersis animæ pathematis? plurimisque aliis humani corporis affectionibus, in quibus speculandis non parua Naturalis philosophiæ pars consumitur?

Hoc ergo testimonium Aristotelis, missa de veteribus quæstione, nos ad ipsum reducit, qui ne quid Priscis illis debere videatur, eos de nulla re naturali quicquam nisi superficie tenus, definiuisse dicit. Non putabat opinor superfutura amplissima Hippocratis de natura animantium monumenta, de quibus audi non nostrum testimonium, sed viri nostri sæculi litteratissimi Laurentij, qui licet Aristotelem præter modum laudet, eum sæpius Genium Naturæ naturamque alteram vocans, tamen quæstione 30. lib. 8. suæ anatomix, Aristoteles, inquit, omnia fere quæ de Natura animalium scriptis mandauit, *ab uno didicit Hippocrate, cum tamen ingratißimus vir eius nunquam meminerit.*

Quam multa igitur cum didicisse putas ab eis quorum tam crebro mentionem facit, quorumque definitiones refert?

Quin vereor, ne propter ea quæ & docuerunt, & scripserunt, malè audiant; sed quomodo diuites propter suas pecunias  
iugu-



iugulantur, vel etiam fictis criminibus, per  
caumnam proscribuntur ab iis qui in eo-  
rum fortunas volunt inuadere.

Quod illi in viuos, facilius Aristoteles,  
potuit in mortuos. Quippe facile est leoni  
mortuo barbam vellere, neque quicquam  
facilius, quam famæ præsertim mortui de-  
trahere, & cuius doctrinam nequeas re-  
darguere, fictis erroribus eum in contem-  
ptum trahere. Verùm quoniam eorum  
scripta perierunt, neget audacter Aristo-  
teles eos habuisse quicquam quos spolia-  
uit, & de illis ipse cum suis liberius lo-  
quantur, quos ex suis scriptis tueri non  
possumus.

Bene tamen res habet quod vnus pro  
omnibus respondeat Hippocrates, cuius  
scripta testatum faciunt, quam verax fue-  
rit Aristoteles, & quam gratus. Ex vnus  
igitur Hippocratis doctrina mirabili, ac  
diuina liceat de illis à quibus eam traxit,  
iudicare. De quibus audi Celsum cap. i.  
lib. i. in hæc verba euntem. Multos ex sa-  
pientiæ professoribus peritos medicinæ  
fuisse accepimus, clarissimos verò ex his  
Pythagorā, Empedoclē, & Democritum.  
huius autē (vt quidā crediderūt) discipulus  
Hippocrates Cous, prim⁹ quidē ex memo-  
ria dignis, ab studio sapiētię disciplinā hāc



separavit, vir ætate, & facundia insignis.

Sed quoniam aliorum scripta interierunt, doceat nos vnus Hippocrates quales fuerint illi philosophi ex quorum principiis naturalibus tam foeliciter in medicina progressus est. Attendat Peripatetici, quos opinor pudeat detrahare Hippocrati cognitionem causarum quæ corpus humanum immutant. Causas autem mutationum eiusmodi non potuit noscere vt medicus, nisi prius quæ corporis Naturalis mutationum causæ essent ac principia, nouisset vt Physicus. Medica enim cum physica subalterna sit, principiorum suorum certitudinem ab illa mutuatur.

Quæ verò mutationum Naturaliũ principia, quas causas, quam viam, quam rationem nouerat Hippocrates tam rectè philosophatus? Veterumne principia norat? an quæ post longam annorum seriem, Aristoteles Priscis contradicturnus commētus est? Quam æquo animo tulisset Aristoteles, si audiuiisset sua principia quibus maximè à Veteribus voluit discrepare, tam multo ante ipsum tempore, Hippocrati nota, atque obseruata fuisse; Non eos in physica sequutus est Hippocrates quos in medicina? Ignorabant illi causas, ac rationes mutationum Naturaliũ, qui mutationes corporis



poris humani, causasque earum Hippocratem docuerunt? Eccum igitur Hippocratem longè ante Aristotelem, ex veterum principiiis optimè philosophatum. Eius interpretes Galenus qui se tanto dictatore dignum præbuit interpretem quibus innixus principiiis tam egregiè de re medica meritus est? Quibus sanè magister eius. Itaque ambo duce, atque auspice veterum philosophiam, in medicis speculationibus, inoffenso pede processerunt.

Vnde verò tot dubia, tot quæstiones inexplicabiles ortæ inter medicos? Quia ex principiiis, ac positionibus Aristotelicis contendunt elicere conclusiones, quas Hippocrates, quas Galenus ex veterum fundamentis extulerunt. Quia aduersus Hippocratem & Galenum, non ex ratione, sed ex Aristotelis axiomatis insurgunt. Non pudet eos, relicta via per quam Hippocrates, per quam Galenus duces sui ad medicinæ fastigium peruenerunt, frustra per contrariam viam niti?

At multa præclara docuit Aristoteles. Ex Hippocrate, inquit Laurentius, quod ex utriusque collatione videre est, imo ex aliis à quibus tamen se quicquam accepisse dissimulat.

Non quod asseram, quæ de illo vulgata



sunt, eum scilicet Priscorum libros Alexandri beneficio vndique congestos, compilato ex illis quicquid magis arridebat, ne sua furta paterent, igni cælandos tradidisse. Nolim inquam, propter hominis reuerentiam, hæc de illo sentire.

Quin potius reuerenter de illo quoad possum loquens, dicam per eum factum esse, ne veterum placita penitus interirent. Et quidem fuisse Priscorum valde studiosum docet Ammonius in eius vita, Platonis testimonio qui quoties domum Aristotelis præteriret, dicere solebat, En domum Lectoris, Lectorem nimirum illum, ex assidua veterum lectione cognominans.

Porro incredibilis summa librorum quos Diogenes Laertius refert ab eo editos, valde dubiam faciunt fidem sua esse inuenta quæ scriptis mandauit. Non parum sanè fecerit si tam multa scriptis veterum dispersa, & vaga, & indigesta, magno cum labore venatus, collegerit ac in ordinem, methodumque digesserit: vt verum sit vnus ex Peripateticorum nostri sæculi principibus Picolominei testimonium, qui tractatum de placitis veterum philosophorum concludens, Aristoteles, inquit cum frequenter eorum sententiis suam sapien-



pietiam illustrarit; eo præsertim cæteris præstitit, quia vocibus propriis, congruente methodo, ordineque aptissimo disciplinas principales absoluit & edidit.

Esto igitur quod de Aristotele dicit Piccolomineus, Dialecticam in præcepta redegerit; multa in Antiquos disputarit, multa forte illis imposuerit; multa alia fecerit variis de rebus opuscula, Noua rerum naturalium affinxerit principia, nouas quandoque causas nouasque rationes protulerit, quò aliorum inuenta sibi vindicaret. Hæc & similia Aristotelis memoriæ non inuideam. Vt autem arcanorum Naturæ, illi tribuam inuentionem, cuius famam aucupatur, non possum adduci, certus vel ex iis quæ de re medica pluribus ante eum annis, scripsit Hippocrates, Priscos illos, & in philosophia, potissimumque physica, & in aliis disciplinis liberalibus apprimè fuisse eruditos. Proinde insanire illos qui venerabiles eos senes, omnique reuerentia dignissimos insaniisse putant: quibus merito acceptum refero quicquid certi, verique de re potissimum physica possidemus, vel sanè maximam eorum partem nequid meritis ac laboribus Aristotelis videar detrahere.

Aduerte igitur animum Lector, vt iu-



dices an rectè concludamus. Si certi essemus Aristotelis esse inuenta quæ scripsit, valdè tamen suspecta essent, ne non satis accurata, ne non satis ad trutinam rationis suspensa. Si enim multiloquio, non deest iniquitas, quam crebras necesse esset inesse iniquitatis incredibili huic librorum multitudini, in quibus quàm multa præcipientanter, & inconsideratè locutum Aristotelem necesse esset? Neq; miraremur multiplices illas pugnas quas tempus in ipsius doctrina reuelauit, ab Aristotele cursim omnia scribenti non animaduersas.

Nunc verò multo minùs mouent nos contradictiones necessariæ inter opera, atque inuenta Priscorum quæ Aristoteles usurpauit, & ipsius principia, quibus ea repugnare necessarium est, cum ex contrariis deriuata sint fontibus. Quippe vetustiorum fundamenta, ex quibus in sua doctrina processerunt Aristotelicis discordant principiis.

Verum quid has controuersias serimus, sintne Aristotelis nec ne? Sint eius inuenta, non sint, quid refert? Vnum refert scrutari, sintne Aristotelici partus pugnae illæ, & digladiationes philosophorum in tam multiplices factiones diuisorum quæ quotidie noua nascuntur, ac crescunt; quæque  
termi-



terminari nequeunt; quin vltro citroque ineptissima, atque absurdissima quæque concedantur. Pugnas inquam illas ex Veterum principiis, certum est non oriri: cum nostri malint omnia ridicula admittere, ac pati, quam ad ea principia, causasque quas veteres assignarunt, gradum reflectere. An verò sint Aristotelis inuenta, an sint eius principiorum soboles, si nondum satis liquet; hoc est quod petimus, vt liceat nobis inquirere.

Itaque iam non sint ea quæ de Aristotele diximus, & quæ plura dicere potuimus; non inquam ea sint. Non fuerit ingratus in Hippocratem cum eius non meminit, non fuerit aliis iniurius cū sæpius eorū mentionem facit; non eorum dicta contra mentem ipsorum torserit, nihil eis imposuerit, nihil affinixerit, nihil debuerit, nihil ab illis acceperit. Veri studio impulsus pura, ac sincera mente eos redarguerit. Redarguit tamen. Et quidem in Platonem magistrū suum, cuius viginti annos doctrinam suserat, quā acer fuerit, non dissimulāt Peripatetici ( neque enim grauius quicquam dixero ) vnde illud Platonis, Aristoteles non pede petiit, vt solent pulli matrem vbi sunt in lucem editi. Quid contra Aristoteles? Amicus Socrates, amicus Plato, magis



tamen amica veritas. Esto veritatis studio fuerit acrior in magistrum, Si igitur nobis amicus Socrates, amicus Plato, amici veteres Philosophi; ne infesti sint Aristotelis assertores.

Magis sanè amica veritas, à qua quia necesse est interdum veteres discordare, cum etiam inter se discordent in quibusdam; illis ad aras, amici erimus. Alioquin, si illis ita addicti essemus, ut sicut cum illis; ita aduersus eos sentire non liceret, in idem vitium laberemur quod carpimus in aliis, qui dum se Aristotelis authoritati manciparunt, viam sibi ad indagationem veritatis intercluserunt.

Hoc tantum petimus ne statim ridiculi habeamur, si ea quæ docturi sumus, in pluribus cum veterum principiis, atque dogmatis consentiant; modo tamen ea certissimis, euidentissimisque rationibus demonstramus. Petimus, ut sine vllis præiudicatis, re integra, rationes vtriusque partis æquali lance perpendantur. Si Aristotelis principia, multa que alia quæ tanquam oracula cuncti venerantur, non modo sint incerta, nullisque firmis rationibus freta: sed si inexplicabilia, si sensui, atque rationi repugnantia: si necessarias atque inuitabiles contradictiones trahentia; petimus ut ab  
illis



illis liceat recedere. Contra si Priscorum sententiæ quæ in scholis exhibitantur non modo nulla ferant incommoda, sed sanè intellectæ ducem habeant experientiam rationibus stipatam inuictis, quæque vel ab inuitis consensum extorqueant, ex quo omnia clara, facilia, naturæ consentanea, petimus, ut veritati liceat suffragari.

Res esset minoris negotij, si quemadmodum sunt ad manum Aristotelis, eiusque expositorum libri, ex quibus non solum eius dicta, sed sensum eliciamus, ita supplerent veterum monumenta, ex quibus mentem eorum rimaremur.

Est tamen quod gratias agamus Aristoteli; cuius operâ factum est, ut per veterum sententias quas ipse utcumque retulit, tanquam per notas quasdam, atque vestigia relictæ, ad mentem eorum accedamus. Quas margaritas, si nobis dabitur, non auro insculpere, sed cæno quo conspurcatæ sunt abstergere, mirabuntur splendorem, qui pedibus conculcant.

Age igitur Candide Lector, sine præoccupationibus ad utriusque partis argumentorum, responsorumque examen, sincerus iudex accede. Rationes non verba expende stilum cuique liberum ne morare nostris



laboribus in publicam vtilitatem sudatis  
fruere , vitia quæ facile in opus eiusmodi  
labuntur , eo quo scribimus, veritatis stu-  
dio corrige, vt intelligas quæ sequuntur,  
quæ præcedunt lege ; nec te principia , si  
forte spinosa , deterreant, quibus non ma-  
gno labore superatis, fructus decerpes sua-  
uissimos , in solutione multarum quæstio-  
num quæ hætenus manent insolutæ; Ad-  
uersus quas verè philosophorum solidas  
rationes expectantes, scurrarum, ac blate-  
ronum cauilla non moramur qui derisores  
deridere valeamus.

PHILO.





DE  
PRIMA RERVM  
NATVRALIVM  
MATERIA AC DE  
mixto librido.

LIBER PRIMVS.

INTENTIO PRIMA

De variis Philosophorum sententiis.

ARTICVLVS PRIMVS.

*Quid per Naturam intelligamus.*

**D**E NATVRÆ variis motibus, ac mutationibus, earumque causis acturi quid per Naturam, ac Naturalia significemus, ordo postulat, ut sciamus. Missis igitur variis huius vocis acceptionibus, quod ad nostrum attinet institutum, per Naturam intelligimus internum illud principium, quo res quævis cum est, & esse persistit; tum agendi, patiendique; item ab iisdem cessandi habet potentiam. Res autem quæ intimum hoc principium causamque ha-



## 2 DE MATERIA ET MIXTO

bent, naturales vocantur, quo nomine maximè ab artificialibus eas excludere intendimus. Neque enim obscurum est res alias dici naturales, alias artificiales. Naturales, vt animantia cuncta, partèſque illorum, stirpium quoque, nec non concharum, vnionúmque genus vniuerſum: omnia demum quæ ex terræ viſceribus eruuntur: quibus adde corpora ſimplicia, ignem, aërem, aquam, terram, & quæcunque ex illis, in aëre, aqua, terra, meteora gignuntur.

Quæcunque verò ab artifice fiunt, vt domus, lectus, currus, calceus, indumentum, quamuis, quòd vel lapidea, vel lignea, vel lanea ſunt, id naturæ debeant, à qua proinde, ſicut ortum, ita per varias mutationes, trahunt interitum: nihilominus quatenus hanc vel illam formam habent, arti hoc debent. Lapides quidem, ligna, lana, corium, & eiufmodi, Naturæ ſunt opera: ædes verò, cubile, ſcānum, indumentum, calceus, currus, nauis & ſimilia, quæ artifex ex illa materia fabricatur, artificialia iure dicuntur, formam ſuam videlicet, ab arte mutuata. Hinc eſt, quòd ſuam ad quemcunque uſum, aptitudinem partim arti debeant, partim naturæ. Gladius v. g. aciem mucronemque accepit ab arte; à natura verò duritiem illam neceſſariā, ac firmitatem. Ars itaque materiam requirit idoneam, cui addat quod deficit. De rebus igitur quatenus ab arte tales fiunt, non agimus: ſed quatenus internum habent illud ſemouendi quieſcendique principium.

Quod vt planius fiat, res omnes ſublunares variis mutationibus, ac tandem interitui videmus obnoxias. Cernimus enim ex ſemine herbam fieri, quæ



## LIBER I.

3

quæ crescat, atque in thyrsum, frondes, flores, semen, variè discriminetur: dum debitum nata incrementum cessat augeri: tum paulatim eam minui videas, donec sensim marcescens are fiat, ac demum intereat. Animantia similiter videre est ex semine prognata crescere; varièque mutari: donec tandem senescentia in interitum facessant. Idem de reliquis esto iudicium. Quippe, prout naturalis; nulla res est sublunaris quæ non multiplices mutationes patiatur: vel enim fit, cum non esset, atque incipit esse; & dicitur mutatio eiusmodi generatio; aut desinit esse cum esset; quod ipsius corruptio nuncupatur; talisque mutationes dicuntur secundum substantiam: Vel iam producta in mole crescit maiorem; aut decrescit, ac minuitur; quæ secundum crementum, vel decrementum sunt in quantitate mutationes, vel secundum qualitatem, v.g. cum quid ex calido fit frigidum, aut tepidum; ex albo nigrum; ex amaro dulce; ex molli durum; & omnibus aliis modis quibus res alterari dicitur: Vel mutat locum, atque aliunde cedit aliò, quæ latitudo, vel motus localis vocatur.

Rursus omnium eiusmodi motuum cessationem observamus, non minus ab eodem principio intimo, quàm motum procedentem: Cessat enim animal augeri, cessat agere, cessat incedere, cessat incallescere: item & herba, & planta cessat crescere, cessat frondescere, florere, virescere; vi quidem ac facultate interna. Internum hocce motus, statimque rerum principium, quid sit, inquiremus;



## ARTIC. II.

*Quo Aristotelis opinio de rerum naturalium principiis  
exponitur.*

**V**iso quid Naturæ, naturaliumque nomine denotetur, sequitur, ut quodnam scit intimum illud rei principium, & an vnum, an plura, & quæ sint illa, queramus. Quoniam verò hac in re potissimum Aristotelis sententia omnibus, qui ipsum præcesserunt, contradicit, quam propterea accuratiùs examinare statuimus; ante omnia mentem eius, qua poterimus perspicuitate, declarabimus. Ad cuius intelligentiam, tyronibus viam straturi; ex rerum mutatione, cum Aristotele rerum principia quaeremus. Atque ut in illis quæ sunt artis nostræ, gressum sistamus; Cibus in stomachum ingestus partim in chilum conuertitur; chilus in sanguinem, & is in carnem, aut aliquam aliam partem corporis: vel etiam in femellis, post conceptum foetum, tandem pars in lac facessit; hoc verò in caseum, butyrum, serum variè transmutatur, ex caseo verò putrefacto, vermes, aliæque bestiolæ nascuntur. ut videas vnius eiusdemque rei (idem puta de aliis) in res tam multas successiue mutationem, quas quidem Natura diuersas nemo dubitarit, qui sensui non repugnet. Neque enim idem est chilus quod sanguis, neque idem sanguis quod caro, vel os, vel neruus.

Clarius etiam, si ab artis consideratione ad Naturæ speculationem procedamus. Quemadmodum ergo videmus ex eadem ceræ massa, alias, atque alias subinde imagines formari posse, vel ex auri seu argenti mole varia ordine vasa fingi, eadem quidem



## LIBER I.

dem materia stante, sed specie variante: eodē pacto, in naturalibus necessarium est subiectū, quod succedentibus inuicem formis subternatur, & in quo fiat hæc formarum mutatio; & quod specie pereunte, nouam suscipiat, nunquam interiturū. Estque illud, quod cū cibi naturam exuerit, chili speciem induit, hinc sanguinis, inde lactis, postea casei, tandem vermis, vel cuiuspiam rei similis rursus in putredinem ituræ, ex qua per successum alia atque alia generentur. Id subiectum vocatur materia, Græcis *ύλη*, id est Sylua; quod sicut è sylua scamna, cathedræ, lecti, trabes, tabulata, & similia educuntur; ita ex materiæ quasi fundo fertili, omnes formæ quæ illic inerant potentia, ab agente erutæ prodeant in lucem. Quæ materia est primum rerum principium.

Cū autem res tam variæ quæ ex eadem materia fiunt, diuersam naturam, licet eadem materia remanente, sortiantur; necesse est dare alterum principium substantiuum, per quod hæc res ab illa diuersa sit. Cū enim v.c. vermis qui ex caseo gignitur, eandem habeat quam prius materiam, nec tamen substantia sit eadem; necesse est, aduenisse aliquid substantiæ diuersum, quo vermis à caseo discrepet, vt natura ac substantia alia. Hoc verò principium Aristoteli forma seu species vocatur, cuius natura est, vt det esse rei, & agere, functionesque differentes obire, ad quas res ipsa determinatur. Ita vt, prout forma diuersa est, res etiam eiúsque actiones diuersæ sint; & quoties forma intereunte, succedit alia, toties res ipsa interire, alia succedente censeatur.

Ecce ergo duo principia substantiua, forma &



## 6 DE MATERIA ET MIXTO

materia; forma quidem temporanea, quæque vni duntaxat rei destinetur, cum qua & oritur & interit. Materia verò perpetua, atque interitus expers, quæque proinde omnes formas successivè subeat: Sed forma actiua, fructumque omnis rei virtutis, actionisque principium: Materia verò iners, omnisque impos actionis: sed ad patiendum idonea, quæ idcirco omnimodas facilè mutationes suscipiat.

Ergo forma quidem caduca est; verum perfecta valde, atque amabilis: materia verò, cum sit perpetua, valde imperfecta est; quæ proinde, ut foemina virum, & turpe pulchrum, appetit formam à qua perficiatur; & sine qua ne puncto quidem temporis possit subsistere, sed pereunte forma novam subeat; sitque vnius corruptio alterius generatio; & vicissim generatio aduenientis sit corruptio præcedentis.

Quod de generatione & corruptione simpliciter dicta intellectum velim; cum nimirum substantia quæ non est, primum incipit esse; vel quæ est, primum cessat esse per interitum. Secus est de generatione & corruptione secundum quid, quum id quod iam est, aliter atque aliter immutatur: ut cum homo qui iam est, fit doctus quod nō erat. In hac siquidē generatione & corruptione talis vicissitudo non est perpetua. Quid namque corrumpitur in eo v.g. qui ex ignorante fit doctus, philosophus, orator, medicus? vel quid, eadem scientia pereunte generatur? Quandoquidem ignorantia quæ perit, adueniente scientia, nihil est, sed tantum defectus scientiæ: ad quam ignorantiam rursus cum destructio scientiæ terminatur, nihil de nouo.



nouo producitur: vt cùm quis ex docto sit ignarus: Quodd ignorantia in quam desinit, nihil sit reale, sed mera præcedentis scientiæ priuatio.

Porrò licet vna eadēque numero materia varias successe. Nūc subeat formas, non tamen in omnibus compositis quæ simul existunt, eadem est numero: quis namque eandem in Alexandro & Aristotele asserat? Specie tamen rerum omnium sub-lunarium, eadem est; quæ in se considerata non magis hanc quàm illam appetit formam, ad quam indifferentem habet potentiam: atque ita intellecta concepta, materia prima nuncupatur. Quatenus verò hanc vel illam subit, eiúsque consortio delectatur; id habet dispositionis præuiæ beneficio, quæ appetitum illum potentiámque vniuersalem, & vagam ad hanc formam limitat: vocaturque sic affecta materia secūda, vel tertia, vel quarta; prout plures habet perfectionis gradus qui ad formam quam vel habet, vel appetit, requiruntur. Vnde patet, non quamuis materiam ad quamlibet formā aptam esse; neque enim ferrum, aut lapis, aut cinis ad chilum, sanguinem, carnem gerendam, debitam habet materiam; sed eam duntaxat quæ præcedentium formarum consortio, quasi per gradus quosdam, ad hanc formam propiùs accesserit. Quippe materia cibi ad chili formam, chili ad sanguinis, sanguinis ad seminis, seminis demum materia ad fœtus speciem est vicinior.

Neque sic tamen, licet tot perfectionis gradibus ornata materia huius vel illius formæ suscipiendæ idonea est: Sed requirit vim agentis, quæ ipsam perfectè disponat, dum illa vaga potentia ad hanc tādē formam limitetur; cuius absolute dis-



positionis ultimo instante censetur priuata ea forma quam habere apta est. Hinc patet, quomodo talis priuatio non formæ quæ perit, sed eius ad quâ materia perfectè disposita est, sit generationis, rei-que dum generatur, principium: quamuis adueniente forma, & re ipsa producta, pereat. Nec obstat quod priuatio nihil sit reale. Nō enim est quid purè negatiuum; cū præsupponat, & connotet aliquid reale, perfectam, vt diximus, materiæ præparationem; determinatamque eiusdem potentiam, quod quidem esse quid reale, nemo dubitarit. En tibi breuis planaque principiorum Aristotelis, secundum communem sententiam expositio.

Quoniā verò in principiis periculosissimè peccatur, statuimus ea non leuiter, nec in transitu attingere; sed acre de illis examen constituere, in quo multa immiscebuntur, quæ lectoris animum cum fructu delectabunt. Primumque materiam exagitabimus, cuius inuestigatione vtiliusne quicquam, ac magis necessarium medico sit futurum, ignoro. Quippe alta naturalis scientiæ fundamenta hac parte iaciuntur.

### ARTIC. III.

*Qua fuerit Veterum de prima materia sententia.*

**D**Et ùrne prima rerum naturalium materia non quæritur: qualem tamen docuit Aristoteles, an detur, est ambigendi locus. Etenim Empedocles, Democritus, Anaxagoras, alique cōplures nobiles Philosophi; Plato etiam ipse, pro materia prima constituerunt naturas diuersas tenuissimas,



mas, ex quarum diuersa coniunctione res fierent, quemadmodum ex lapidibus, luto, lateribúsque domus exurgit: nec tamen ignorarunt aliud principium, à quo motum omnem ac virtutem agendi res illę sortirentur, de quo suo loco. Nunc enim de materia rerum sermo est, de qua Priscorum sententias non tam facile est conuellere quàm multi putauerunt, qui spretas, atque irrisas potius quàm conuictas dimittere voluerunt.

Quin hanc principiorũ materialium multitudinẽ, diuersitatẽq; extra dubiũ posituri nihil aliud quàm lectoris patientiam in re minimè difficili postulamus. Ergo veteres illi quamuis in assignatione horum principiorum inter se discrepare videantur, ex Aristotelis relatione, in eo tamen concordarunt, quod ad rei cuiusque generationem principiorũ eiusmodi præexistentium diuersam compositionem requirerët, qua structura variante, res quotidie diuersimodè mutaretur: haud secus atque videmus typographum ex iisdem characteribus aliter atque aliter dispositis, alias atque alias orationes effingere. Et quemadmodum ædificium fit ex variis partibus materiæ præexistentibus, ex quibus rursus dissolutis aliud atque aliud conflari potest: additis vel detractis lapidibus, assertibus, aliisque partibus, atque eorum situ variato. In eum inquam, modum ex certis principiis, sed quæ interitum nescirent, diuersimodè cõeuntibus, omnes omnium rerum mutationes fieri autumabant. Nec opus est aliis quàm quæ præmissimus, exemplis, ad huius sententiæ declarationem.

Cibus enim varius in stomachum ingestus, sed



prius diligenter tritus, calore ventriculi in suas partes resolvitur, cuius partibus inutilibus excretis, quæcunque ad nutritionem profunt retentæ in chilum coalescunt. Rursus à venis mesaraicis hic chilus in iecur prolectus ibi magis elaboratur, donec visceris illius calore magis concoctus in partes varias discernitur, quarum separatarum vis deprehenditur, quæ prius confusa latebat; vel ab aliis impedita aut nihil prorsus agebat; aut minus agere valebat. Itaque aquosioribus in pituitam, terrestrioribus in melancholiam; magis vero igneis in bilem flauam facessentibus, singulisque in propria conceptacula amandatis, sanguis manet purior ac nutritioni cõmodior. Hic rursus per venas, in corporis partes quoque uersum distributus, tertia concoctione subtilius resolvitur; ita ut partib. serosis, dilutionibusque reiectis, partimque per vrinas, partim per sudores, partim per alia corporis excrementa pulsus, quod sue nature cõuenit, singule corporis particule fugat, reiectis minus aptis.

Atque hoc pacto cõuersio eiusmodi, cibi que mutatio in propriam partis naturam, nihil aliud est quàm post solutionem sufficientem massæ sanguineæ, dissimiliũque expulsionem, similium ab unaquaque particula attractio atque retentio. Nam quæ uni parti, puta carni, dissentiant; ac propterea ab illa reiiciuntur; alij plerumque similes, v.g. neruo, vel ossi, ab eodem, in communionem prolectæ, amicitia vinculo retinentur. Neque partes illas, tales ea coctione factas putandum; nisi quatenus coniunctio facit diuersum quid à partibus seiunctis; ut puluis albus cum nigro commixtus mistum, seu medium refert colorem. Itaque cum prius



prius essent per cibum dispersæ hæ particulae, atque ab aliis quibuscum confundebantur impeditæ, facta iam resolutione, per concoctionem multiplicem, discretæ & liberiores redditæ similes iunguntur similibus; vîque iam nactæ aliæ aliò facile secedant partem illam singulæ quærentes; cui se propter conformitatem adiungant.

Hinc monstrât quomodo & ex corruptione nihil de nouo generetur: sed tantum earundem partiû quarû facta erat copulatio, fiat resolutio; quia singulæ etiâ in minutiores particulas ex quibus cõpactæ sint, concidantur; vnde & ignis, & aer, & aqua & terra, quæ prius iuncta latebant, appareant, & quæ prius impedita non agebant, iam ruptis impedimentis, sui sensum imprimant. Sic ex sanguine lac, & ex lacte soluto butyrum, serum, & caseus generetur. Sic ex sanguine, partibusque aliis coniunctis, semen fiat, animetur, attrahat, concoquat, retineat, expellat: Sic generatio, sic nutritio, sic accretio cõpleatur, rursumque decretio atque corruptio.

Et sanè certum, clarumque faciemus, nihil vel generari, vel augeri, vel vîlo modo fieri ex alio; nisi partium noxiarum, præuia depulsione, aliarumque debita & concinna copulatione. Cæterum quid sit illud, quod rei generatæ partes tam diuersas in optimum concentum concordiamque nectat, atque contineat, motus, actionisque vim imprimens, suo loco dicemus. Nunc tantum de illis materialibus principiis agendum est.

## ART. IV.

*Quod fuerit Aristotelis de illis opinionibus iudicium.*

**A**ristoteles initio libri primi de generatione, productis veterum de rerum generatione,



sententiis, Democritum præfert, cuius sententiam suo tempore communẽ fuisse testatur. De quo, ac Leucippo cap. 8. textu 57. verba faciens, eorũ sententiam ab vniuersalitate laudat, eo quòd talia posuerint principia, vt per ea possent omnium reddere rationem, ac omnes tueri motus, & mutationes. Idcirco cap. 2. eiusdem libri Democritũ Platonĩ anteponit, quẽ dicit egredi cãcellos rationis. Ideo dicit *magis rationi consentaneum fore quod Democritus dicit*. Et licet id quoque putet absurdum, rursus tamen de eo ita loquitur. *At Democritus rationibus propriis, naturaque accommodatis persuasus esse profectò videbitur.*

Hæc pauca de Democrito placuit notare, propter illos qui hocce scientiarũ omnium pelagus, quem initio eiusdem secundi capitis Aristoteles de omnibus inquisiuisse testatur, tanquam delirum, aut insanum ludibrio habent.

Delirus igitur, atque insanus magis ipse sapientissimus, diuinusque Plato, quem in his principiis Aristoteles postponit Democrito: in his inquam atomis propter quas Democritus insanis istis insaniisse videtur. Sed enim facile est irridere quod ignores. Nõ irriserunt communis Philosophorum schola qui ex libris eius genuinum eius sensum rimati, vni Democrito teste Aristotele adhæserunt.

## ART. V.

*Veterum de principiis materialibus conciliatio.*

**N**Ec tamen difficile fuerit, Platonis, Democriti, Empedoclis, Anaxagoræ, aliorũque qui plura principia materialia statuerunt, componere sen-



sententias. Neq; enim omnium Veterum opiniones (quod prolixum esset parúmque vtile) fert animus, hisce contentus, in quibus refutandis magis Aristoteles laborauit.

Plato igitur, & Democritus in eo differunt, quod cum vterque prima rerum principia, atomos constitueret; hoc est particulas præ tenuitate indiuiduas, ex quibus diuersissimis variè coeuntibus corpora fierent; eas particulas Plato putauerit esse superficies, naturasque nullam spissitudinem, seu profunditatem habentes: Democritus verò, eas atomos corpora diceret, sed minutissima, ac proinde diuisionis expertia.

Memini; cum Anaxagoræ sententiam ex Aristotele referret doctissimus præceptor noster Petrus Sinsonius in Academia Mussipontana Philosophiæ professor eximius, ridendo Aristotelicam fidem, Puto, inquit, *Aristotelem hos veteres suis armis spoliasse, ut inermes facilius debellaret.* Alioquin Anaxagoræ de materialibus principiis mentem sanè intellectam, cum Democriti, Platonisque principiis materialibus facile conciliari posse existimo.

Empedocles, si quo modo ab illis differt, discrimen est, quòd illas atomos, ac diuersa illa rerum principia, diuersas ignis, aëris, aquæ, terræque species putauerit; Plato verò in Timæo ex illis diuersissimis atomis differentes ignis, aëris, aquæ, terræ species plurimas composuerit.

Sed esto, hos Veteres circa illa prima rerum principia discrepasse, certum tamen est, illos in eo conuenisse, quod & verissimum esse demonstrabimus, & ad mutationum naturalium causam ra-



tionemque inueniendam sufficit. Quod scilicet agnouerint, omnes ex minimis, diuersissimisque particulis res constitui, quæ ut ab inuicem seiunctæ naturas haberent dissimiles, eandem naturæ differentiam coniunctæ retinerent, quocunque tandem nomine res illas voces. Quod si indubitatum fecerimus, nihil vos morabuntur straminea Aristotelis argumenta, quominus facilem per motus naturales viam inueniamus. Cuius rei testis erit vel hoc de materia tractatu, facilis, apertaque solutio multarum quæstionum quæ doctissimos frustra torserunt. Vnde quantum fallantur qui hæc, veluti leniuscula contemnunt, Lector cum admiratione fructuque iudicabit.

## ARTIC. VI.

*Quales atomos Veteres illi intellexerint.*

**C**UM agimus de atomis, censemus eas à Deo creatas, quod fuit præmonendum. Plato in Timæo de illis primis corporibus, Igne scilicet, Aere, Aqua, & Terra loquitur hunc in modum: *De his omnibus adeo paruis ita putandum est, quod si singula duntaxat singulorum generum capiantur, nullum eorum propter paruitatem cerni à nobis poterit, si multa inuicem congregentur, eorum moles, magnitudinesque cernentur.* Hæc Plato. Quapropter crassius illi de hac subtilitate cogitant, qui has Democriti Atomos putant similes illis minutis quæ loco opaco per transversos Solis radios volitare conspiciuntur; cum in singulis illis corpusculis, vel mille quales agnouit Democritus atomos agnoscere queas; si quod ab experientia ratio



tio clarissimum facit, consideres.

Pediculi illi intercutēs, quos cirones vulgò vocant, cum sint tantæ tenuitatis, ut aciculæ cuspide admotos ad lucem vix capiat visus acutissimus; animalia sunt sensu communicantia; neque enim tantum nutriuntur & crescunt, quod animæ vegetantis beneficio tribuitur: sed suffossione facta, quasi cuniculis incedunt, magna cum mutatione &ensione partis. Est igitur anima sentiens, & quidem in corpore organico, atque adeo ex plurimis organis constructo, quorum singula quàm multis partibus constent, fidem excedit. *Nisi forte quis adeo fuerit imperitus, ut putet eam nutritionem, attractionem cibi, concoctionem, secretionem, sine instrumentis fieri; vel incesum illum sine vi; vel vim illam sine organis fieri; quæ & cutem transforent, & papulam cum pruritu excitent, & aquam veluti nutritionis excrementum relinquant.* Si in illis instrumentis partes duriores cum mollioribus; crassiores cum subtilioribus coniungeremus, si igneas, aerias, aqueas, terreas ad eiusdem instrumenti compositionem in crasim coire diceremus, quis quæso nos ferre posset? Si, quod certissimum est, spiritus naturales, vitales, animales eorum instrumentorum motores, materiales quidem & corporeos, sed innumeris gradib. subtiliores quàm reliquas partes asseramus; nonne quem Democritus risum Auditoribus moueamus? Quid tamen horum, si non sensus, at ratio certè clarissima non iudicat esse verissimum? Neque enim ea quæ dicimus etsi sensui minùs familiaria Medicorum Peripateticorumque iudicium refugiunt. Quippe norunt Medici, norunt Peripa-



tetici, doctore Aristotele, Animam esse actum corporis organici; Animamque etiam vegetantem, maximè verò sentientem variorum instrumentorum concentum requirere: hæc singula ex pluriù, diuersarumque partium similarium symmetria conflare; Rursus partes illas ex omnium elementorum varia coitione coalescere; spirituum diuersorum ministerio animam uti, ad horum instrumentorum motionem; hos spiritus corpora quidem esse, sed præ incredibili subtilitate appellationem sortita spirituum; partes instrumentales, per meatus multiplices his spiritibus esse peruias. Quæ omnia etiam in minutissimis illis animantibus, & ratio ipsa, & sua principia cogunt fateri. Sed mittamus ea instrumenta multiplicia, mittamus multiplices eorum instrumentorum partes. Animales illos spiritus, quos nemo nisi ignarus corporeos esse negauerit, considerantes, quemadmodum & in cæteris animantibus, ponamus paulatim & successiue, & per partes excedere, ut inde sequatur rei interitus, ad quem per eiusmodi spirituum dissipationem fieri dispositionem successiuam, ratio cogit ut fateamur.

Deinde horum spirituum per partes effluentium partem vnā contemplans, reputa tecum, si totum illud pediculi corpus, quod instrumentis variis instructum est, in tam tenues partes dissolueretur, in quot millia partium abiret? Ex aliorum animalium comparatione, cogita quantum sit discrimen inter partes ex quibus organa conflantur, & illas quæ spiritus constituunt, quæ quidem corpora sunt, sed præ subtilitate, spiritus appellata. Quam tenues meatus per illa instrumenta spi-



ta spiritibus huiusmodi viam facientes.

Subtilia quidem hæc, verum si cum iis comparantur quæ Aristotelis exigit dogma, crassa videbuntur. Imaginare minimam spirituum illorum partem, eam Aristoteles probat in infinitum posse diuidi. De quo nos suo loco multa manent. Quin prædicto capite secundo libri primi de generatione, hac potissimum ratione Democriti sententiam insectatur, quod minutas illas rerum particulas primas atomos i. indiuiduas, insectilesque putauerit. Nempe conatur ostendere, nullum adeo exile corpus dari posse quod non re ipsa in partes minutiores possit dispertiri.

Hæc præmissa volumus, ut qualem naturæ subtilitas petit, subtilem lectorem habeamus. Is demum subtilis erit, & ad naturalium speculationem aptus, si cogitare possit, quicquid ipse reputat subtilissimum, id ad naturæ harumque atomorum subtilitatem esse crassissimum: si contemplationem physicam neque vulgi opinione metiendam, neque sensus iudicio terminandam putet: sed ubi sensus obtusus desierit, mentis acies pergat in subtilissima penetrare, duce ratione. Quenadmodum in exemplo proposito, de effectibus illius pediculi iudicat sensus: deinde mens colligit harum affectionum authorem animatum esse ac sensu præditum; Inde penitus ingressa, rationis ductu ea omnia peruestigat.





## INTENTIO II.

Præludens inabsurda, quæ Aristotelis  
sequuntur sententiam.

### ARTIC. I.

*Formam esse causam suæ corruptionis.*



ETERVM, vt, quam hæc Aristotelis  
materia omnibus naturæ mutatio-  
nibus viam præludat, paucis Lector  
percipiat, iuuat de hoc nōnihil præ-  
mittere. Omnem agendi virtutem  
Aristoteles vni rei formæ attribuens omnem mo-  
tus, actionisque vim denegat materiæ. Ex quo se-  
quitur hoc primum grauissimūque incommo-  
dum quod formam sui ipsius in perniciem interi-  
tūque tendere fatēdum sit; dum noxiis illis qua-  
litatibus quæ subiectum suum labefactant, ac tan-  
dem demoliuntur, de suo vim agendi ministrat.  
Quod clarum est in oleo, pice, cera, sæuo, maximè  
sulphure, aqua ardente, & nitro; si, quod isti volūt,  
facilitas illa, atque propensio ad concipiendam in-  
flammationem à forma rei procedit. A quo igitur?  
Profectò talis potētia adeo naturalis est eiusmodi  
rei, vt nō pereat nisi destructione rei cui vt cognata  
est ita cōmoritur. Itaq; frustra hic prætendas ma-  
teriæ dispositionē, nisi q̄ huius rei necessariò natu-  
ra at-



re atque formæ annexa est; ab eâque tanquam à propria scaturigine, fluit. Ergo, si vni formæ substantiali omnem rei vim adscribas, hanc promptitudinem ad ignem concipiendum his rebus naturalem ab ipsarum forma procedere fatearis; quæ proinde forma ad subiecti, cui inest, adeoque sui ipsius destructionem, hanc de se vim emittat. Est enim vis eiusmodi appetitus quidam, qua res ad inflammationem propendet. Cuius ille appetitus? formæ, inquis. Ergo quod volebam, forma tali appetitu fertur in sui corruptionem cui vniuersa rerum natura reclamât, in qua nihil videas quod pro sui conseruatione non laboret. Si catulus fame pressus in aquam deturbetur, aduersus fluctuum vim ad extremum spiritum decertat. Guttulæ aquæ se in orbem cogunt, vt aduersus aerem se tueantur. Ignis in vnum se recipit, contra vim frigoris certaturus. Quæ igitur isthæc philosophia, quæ res ipsas in proprium exitium proprio appetitu ferri docet? Naturæ, inquis, ordinationi se subiicit. Quid? magisne ad flammam nitrum est à natura destinatum quàm animal ad mortem? Minusne animal refugit mortem, ad quam tamen natum est? Quodnam in bonum tendat forma nitri quû sui procurat interitû? Est & aliud malû; quodd, cû corruptionis principium adscribât materiæ; contra fatendû sit, causâ corruptionis, rei à forma procedere, quæ vitæ affecta tædio sibi cõsciscit mortē.

Sed quis appetitus materiæ? Appetitus motus est & propensio. moueturne materia? Negant, quam prorsus inertē, omnisq. actionis, ac motus expertē dicūt. Quomodo igitur appetat vel quid appetat?

In aliis autem rebus hanc corruptionis causam



imputant quibusdam qualitatibus quas res ipsa aliunde contraxerit; quas tamen qualitates negant per se agere: volunt scilicet eas esse virtutes seu instrumenta rei illius à qua processerunt; nimirum, ut ignis, v.g. qui calorem in membrum induxit quavis extinctus, per illum nihilominus calorem, ut per instrumentum agere censeatur. Vel quid ibi est agens? Calor? At caloris non est actio: sed subiecti. Siquidem ex Aristotele, actiones sunt suppositorum. Non igitur agit calor, sed subiectum per calorem. Quodnam est illud subiectum quod agit per illum calorem qui membrum labefactat? Ignisne qui produxit? Dicis extinctum illum ignem, non amplius esse. Quomodo huius caloris subiectum? Agatne ignis extinctus per hunc calorem? Videlicet pater mortuus agat per filium, quia filium genuit; quomodo ignem extinctum volunt agere per calorem quem produxit. Vel quidnam est illud quod per calorem agit? neque enim calor est id quod agit, sed quo aliquid agit. Quid inquam illud est, cuius calor virtus est & potentia per quam agit? Ergo aliqua causa principalis assignanda est, atque aliquod suppositum quod per hunc calorem tanquam per propriam virtutem tales edat functiones. Quæ causa principalis? Formane partis illius quam depascit? an forma totius? an forma humoris quem calor ille corrumpit? Neque enim aliud agens hæc doctrina inuenit, cui hanc actionem acceptam ferat, quum omnem vim agendi subtraxerit materiam. Ergo quod dicebamus, forma est vel totius, vel partis, vel humoris, quæ per hunc calorem ut propriam virtutem, membrum depascit, humorem corrumpit. hæcque actione insana, veluti furēs sui ipsius finem accelerat.

Sed



Sed nunquid est pecus morbida, quæ pecudem inficit, & vna vuâ? At proculdubio causa ipsa quæ in vicinas luë diffundit, eadē est quæ ouem illā corrumpit. Quæ causa? An forma vel ouis, vel humoris? estne principiū, ac fomes illius pestiferæ qualitatis; qua subiecto proprio corrupto ipsamet intereat? ut hac velut iracie in propriū ruat exitium? Vel sanè subiectum; ipsum se corrumpit, quod fatentur. An fortè melius, Veteres hoc malum partibus materiæ pugnantis adscripserint? Sed pauca de plurimis delibasse sufficiat aliò properanti.

Quibus, nota, nihil nos agere de forma, de qua ordine tractabimus; sed tantum de materia quærere, an actiua sit, ut voluerunt Veteres, & an ex diuersissimis partibus principiisque constet, quæ dum in composito à debita symmetria recedunt, hanc seditionem, bellumque intestinum cieant in totius exidium. An autē per se agat hæc materia, vel ab alio mota, & quomodo; quæretur suo loco.

## ARTIC. II.

*Quo dispositio materiæ qualem somniat Aristoteles impugnatur.*

**N**Orunt Peripatetici materiæ diuersitatem ad formas diuersas necessariā. Sed talē materiā vocant secundam non primam, atque ideo non à se hanc differentiā habere, sed à dispositione præcedenti. Bene habet. Mitto nunc herbas calidissimas quæ in montiū recessibus frigidissimis, & ad quos vix solis radij penetrant, nascuntur; cū niues illic fere ad summā ætatem regnent. Mitto argentū viuū quod maximū resolues spagyritæ profitē-



tur,mitto vitriolum,sulphur,omnia mineralia,nec non metallorum genus vniuersum,quę cū maximum in se calorem contineant, in eiusmodi locis frigidioribus oriuntur.De quibus possem dubitare quid in illis locis hunc calorem illi materię impresserit. De nitro quęram,quod tanta promptitudine, atque vi flammam concipit. Vnde huius materia talem nacta est dispositionem? non à coctione. Nam nisi valde moderato calore coquatur nitrum ignitione perdita degenerabit in salē communem.Neq; alia materia quę magis coquitur,hanc aptitudinem acquirit.A loco vnde ea terra sublata est? Terra ex qua sal nitrum conficitur, eruitur ex antris & locis eiusmodi obscuris,ad quę sol minimè pertingit.quid illam ibi ad tam subitam incensionem fecit idoneam? frigus quod per hyemes plurimas eam terram congelauit, vť nequidem ferrum admitteret; non potuit eam potentiam, aptitudinēq; corrumpere? Quā multa de omnium salium natura dicere possim, quę si in aqua dissoluas, quam serues in annum, vāle diligenter clauso; aqua euaporata, eadem inuenias. Quod ipsum & nitro competit, cuius materiam dissolutam aquę frigus humiditasq. nequeat ea potētia exuere, quam illi adimat calor paulo vehementior. Vnde inquam hęc materia talem sortita est potētiam?

Id ipsum miraculum cernas in herbis plurimis admodum calidis, quas riui aquarum frigidissimarum producunt. Quid disposuit materiam ad hanc formam? frigus aquę hunc calorem indidit quem in herba mansa experiris? frigus forte calorem continuit, ne dissiparetur. Quem calorem? fuitne calor cum aquę frigore? Quā multa talia quę rē-



da veniunt? Adeps fit à calore, inquit Aristoteles, quia calidus; fit à frigore, inquit Galenus. Quid philosophi? quid medici? non plura dicam. facient lectori delicias. Ibi & vbiq; ferè, quantas nugas agat Aristoteles mirabitur. Papauer valde frigidum est, inquiunt medici, quia tantum soporem inducit. Rectè. Contrà: est valde calidum, inquit Quercetanus, quia eius succus inflammatur. Rectè quoque. Sed quomodo hæc fiant? nesciuit Aristoteles. Adeps est valde calidus, quippe qui & facilè inflammetur, & vehementer urat. Idem est valde frigidus, quem propterea nequeat stomachus vincere. Quomodo id fiat? non norint qui Aristotelis hæserint principiis. Complurium eiusmodi vera causa cognita manifestum reddet quàm nugatoria sit illa materię dispositio qualem Aristoteles imaginatur: licet non sine dispositione res fiant.

Sed ad hanc dispositionem reuertamur. A quo hæc materię dispositio? ab agente nimirum. At agens idem nempe Cælum, eandem in hanc terræ partem, eodem modo influens, diuersa illinc educit rerum germina; nullo immisso aliunde semine. Facile quidem fuerit Veteribus diuersam elementorum proportionem, vel diuersam materię genera quæ illic delitescunt, huius diuersitatis causam assignare. Quid verò Aristoteles? Idem Cælum; idem Sol, eadē astra, eadē pluuię, iidē venti hanc terræ partem afficiunt. Attamen valde diuersimodè huius materię partes dispositæ sunt, ex quibus formæ tã diuersæ eruūtur. Vnde tã diuersa dispositio? Id scilicet à Cælo, quod vt causa vniuersalis,



omnimodam hanc habet potentiam. At hoc non soluit difficultatem. Quærimus enim cur eadem actione, eodémque influxu potius hanc materiæ partē ad hanc formā preparauerit quàm illā. Forte, inquiūt, sunt per aerē dispersa varia rerū semina, quæ in variâ terræ partes decidentia ibi germināt. Nō refert ea semina in aëre ponant, an in terra, an in aqua: Imò in omnibus esse fatēdum est. Atque inde causam peti, cur herbæ quæ in aquis nascuntur, cū aliæ frigidae sint, aliæ calidæ, ac propter ea diuersum prorsus postulent alimentum; commodum quæque cibum in aqua inueniant; quemadmodum & semen. Illic siquidem sunt rerum semina, atque occultus earum cibus. hinc est quod philosophorum alij aquam rerum omnium principium, alij terram, alij aërem putauerint, quod nimirum, in illis rerum semina laterent. Nec magis nouum est, diuersissima illa rerum semina etsi minutissima in aqua conseruari, quàm nitrū in terræ superficie perseuerare. quod quantumuis dissoluas in aquam, nil nisi prius euadat.

Neque tamen hæc ita dicimus, quasi velimus nobis fidem haberi, donec ea demonstrationibus sole clarioribus euicerimus: Quod mox sumus præstituri, cum aduersus Aristotelem, missionem illam quam magno rei medicæ damno in rerum naturam inuexit, falsissimum eius commentum esse totius naturæ testimonio demonstrabimus. Quam quidem perniciosissimā sententiā, si Thrasonem agere lubeat, ausim iactare me vno letissimo flatu oris euersurum. Illo inquam flatu qui ore presso frigidus, diducto calidus exit. Cuius causam si reddant, malè audiam; nisi prius hoc eiurato.

Ari-



Aristotelis dogmate: ita ut, quod censuerunt Veteres, partes frigidas iunctas calidis, atque ad eo elementa in composito suam naturam seruare cognouerint. Quam cognitionem ausim dicere clauem certissimam ad naturalem scientiam. Hinc facile sit nosse quomodo quæ natura calida sunt, frigidam, & frigida calidam complexionem sortiantur: ut & pituita incalêscat, & bilis refrigeret. Siquidem phlegma partium frigidiorum, per concoctionem, expulsiōe, calidius, bilis calidiorum, subtiliorūque exhalatione, fit frigidior. Hinc quàm malè Aristoteles rebus suam acrimoniam ex adustione venire putauerit. Hinc corruptionis, ac putredinis humorum, hinc caloris febrisque ex putredine nascentis, hinc illius periodici recursus, hinc morborum aliorum causam facilius fuerit cognoscere, rationemque medendi inuenire: ut medicis causam fluxionis, quæ cum à frigore, tum à calore fit, querentibus, non amplius necesse sit futurum, ad illam colliquationem, expressiōemque cōfugere. Vbi namque viderunt, ut quæ calor liquefaceret, exprimeret frigus: calor, ceram adipem, resinam, metalla etiam, & similia colliquefacit; quæ frigus non exprimit; sed magis densat firmatque. Quid illud in cerebro quod sol liquet, frigus exprimat? Vnum id ex multis notari quo pensites, Lector, quanti sit horum principiorum ignorantia, cum ex eorū notitia pendeat certa causarum cognitio.

Ergo ades, & hoc certamē tuis oculis dignum intueri; quo certum est, Aristotelem, magna Rei Philosophicæ, ac medicæ tranquillitate cessurum Veteribus. Erunt quæ te oblectent, erunt quæ



inuent, erunt quæ alibi frustra fortè requiras; & quæ legisse non te pœniteat. Interea si quæ te moueant Aristotelis argumenta, expecta dum eorum solutione videas nihil ab illo prolarum, quod nostræ Veterumque sententiæ veritatem non confirmet. Hoc repeto; vt scias nos hic de materia agere, non de forma, de qua postea. Materiâque talem nos cum Veteribus asserere, quæ constet ex partibus diuersissimis. Ita vt in parte ossis, vel carnis quam minimam reris, sit particularum diuersi generis coniunctio, quæ in illa compositione propriam naturam retineant. De hoc instat, vt disputemus.



## INTENTIO III.

De Mixto.

### ARTICVLVS PRIMVS.

*Quid mistum & quotuplex sit.*



VONIAM misti ratio, maximè mutationibus naturalibus obstat, eam vt promissimus euerfuri, primû quotuplex sit mistum ex Peripateticis discemus, vt quid sit id de quo queritur nosse possimus; inter quos exurgat Aristotelis buccinator Scaliger Exercit. 101. in Cardanû; Tres, inquit, *sive modi. sive gradus. sive species* mis-



*mistionis*. Primus est eorū, quæ vbi coiere, rursus dissolui ac dissita esse possint, cuiusmodi est aquæ & vini. Separatur. n. edere vasis apud Pliniū, vt accepit à Platone, apud nos pannis. Quare tū mulierculæ, tum superstitiosi medici vinum lotum appellant: quod ita comparant, vt sine noxa, quemadmodum nugantur, præbeant febrientibus. *Alter modus est*, veluti in iis corporibus naturalibus, quæ mista imperfecta nominantur. Quorum duo gradus sunt, Alter debilior, vt nubes, pluiæ, venti, grandinis, niuis, roris, pruinæ, & eiusmodi. Sunt enim exhalationes mistæ ex pluribus elementis, quæ haud magna cum re dissolui possunt. Coherent tamen arctius quàm prima illa, lege mistionis. Alter gradus est firmiori nexu compositus: velut in glebis & lapidibus: horum enim partes à partibus haud temerè separantur. Mista tamen vocant potius, quàm alia nobiliore appellatione, quoniam illis entia inchoata. Tertia mistio reliquorū est, & quæ nonnulli arbitrati suo, composita, priuatim nominarunt. Qualia sunt corpora quæ vegetantur, & sentiunt. Tot igitur modis vnio fit. Nunc videamus, an vna eadēque ratione vnio hæc in omnibus dicatur. Dicitur sanè. Quando vnum corpus est, cuius partium omnium extrema vnum sunt inter se.

Cæterū quia omne quod est, vnum est, non solum propter continuationem, & priuationem puræ contiguitatis, sed propter actum quoque: cuius vi fit, vt illæ partes vnū fiant; contēplandū propterea est, an hæc tria genera vnionis, sint sub eiusdem actus ratione. Actū voco formā, per quā fit, vt partes quæ natura sua atque aptitudine coire poterāt,



ad vnionem vnum actu sint. Respondeo, non eodem modo formæ contineri: ac de duobus extremis quidem satis patet. Quippe alia ratione vnum est aqua vino mixta: alia ratione sunt elementa in corpore Leonis. Crama namque illud, id est aqua dilutum vinum, non est vnum forma, sed continuatione sola. Cuius corporis partes tot sunt simul, quot erant in suis totis, priusquam misceretur; vnaqueque scilicet sub pristina sua forma; ut aquæ pars aqua sit, vini vinum. An verò actu sunt partes illæ? Non sanè actu mathematicè, quoniam nō sunt terminis præscriptæ, atq; separatæ: sed sunt actu naturali. Quia sua quæque sub forma propria. Quare nō vnum est formaliter crama: sed tot entia quot sunt intus & extra partes. vnum verò per accidens, sicut vnum est frumenti, fabarumque cumera. hoc minus est sensibus manifestum, i. sapientum intellectibus non occultum. Idcirco sub sua quæque forma seruata partes de integro possunt segregari; ac seorsum sub suæ formæ vi coire ad vnionem. Id quod clarius quoque patet in auro & argento per aquæ illius mirabilis vim separatis. Quæ cum quasi sub vna forma nostris oculis apparerent, artis subtilitate effectum est, ut non vnum corpus naturale, sed duo ita fuisse, uti postea visa sunt, intelligere necesse sit. Quod sanè fieri non posset, nisi formæ ipsæ integræ, ipsæ partes sub suis formis actu naturali seruarentur. Quæ partes si essent siccæ, nullam crearent in animis nostris difficultatem: sed quia liquidæ sunt, alterum amittunt, id est extremorum præscriptionem; alterum seruant, scilicet formas ipsas. Hæc sunt ipsamet Scaligeri verba.



## ARTIC. II.

*Quid sit mixtum secundum Aristotelem.*

**N**Eque latuit virum doctissimum Experientia; neque subtilissimum sequela. Nouit inquam Scaliger vini & aquæ, auri & argenti mistorum partes, licet vnum quid sensui videantur; actu tamen naturali non magis esse vnum, quàm frumenti fabarumque partes confusæ. Excepto quòd illæ sint continuæ; hæ minimè, propter suam, vt ait, siccitatem. Idem fatetur, eadem ratione, de nube, pluuia, ventis, grandine, niue, rore, pruina & eiusmodi: Quod sint exhalationes mistæ ex pluribus elementis, quæ haud magna cum re dissolui possunt: hæc satis candidè, & fideliter: verum quam ad mentem Aristotelis, non video, cum hæc mista asserit, & quidem eadem, qua reliqua, ratione: quòd scilicet, mistio seu vnio sit, quando vnum corpus est cuius partium omnium extrema vnum sunt inter se. Quod aliis verbis in fronte eiusdem exercitationis dixerat, *Mistio est motus corporum minimorum, ad mutuum contactum, vt fiat vnio; vnde infert, quod vna eademque ratione vnio hæc in omnibus qua recensuit, dicatur.* Quæ quidem ex diametro pugnant cum iis quæ Aristoteles contra Empedoclem asseruit lib. i. de generat. cap. 10. Non oportere dicere quæ miscentur esse mista secundum partes exiguas, quæ suam adhuc retineant naturam, perspicuum est. Compositio enim esset, non temperatura, aut mistio, nec pars eandem cum toto haberet rationem. Dicimus autem si quid misceri debeat, quod mistum est similium esse partium: & quemadmodum aqua pars aqua est, ita & temperati tem-



peraturam. Quod si mistio sit compositio secundum partes exiguas, nihil horum accidet, sed solum esse mista ad sensum: atque idem huic quidem si acutè non videat, esse mistum: Lynceo verò non esse mistum videbitur. hæc Aristoteles quibus non minus apertè contra Scaligerum, quàm contra Empedoclem asserit rationem mistionis in eo esse, ut misti partes sint eiusdem naturæ, nec minùs similis quàm aquæ partes, alioquin futuram compositionem, non mistionem: si partes quantumvis exiguæ naturam inuicem diuersam retineant. Idem non minus dilucidè 2. de Generat. cap. 6. cuius loci per se clari audire liceat ex Toletò significationem; Modum istum, quem ponebat Empedocles, redarguit, quia sequitur vnum inconueniens, quod ex qualibet parte misti, non possunt quatuor elementa extrahi, & sic non qualibet pars misti erit mista: sequela ostenditur: quia sicut ex qualibet parte parietis non possunt extrahi lapides, & lateres, quia quo loco erant hi, non erant illi, sic profectò fiet in misto quod eodem modo ex elementis componitur: hæc ille. Verum quid pluribus, cùm mens Aristotelis vel cæco pateat? Cui non solum aduersatur Scaliger, sed sibi ipsi Exercit. 16. vbi negat elementa manere in misto, sed de hoc posterius. Modò sufficiat produxisse quid veritas experientiæ manu à tanto viro extorserit contra Aristotelem, Peripateticorum scholam, adeoque contra seipsum, ut ostendamus.



## ARTIC. III.

*Quid de Miftionis natura fenferint Antiqui quos plurimi fequuti funt prima nota philofophi.*

**Q**Vod igitur Experientia, atque inde ratio manifesta docuit Scaligerum, id ipsum Veteres cognouerunt, innumerique post ipsos etiam ex recentioribus, Philofophi, atque medici clariffimi eadem experientia, rationeque duce fequi voluerunt. Quod fcilicet de vini & aquæ miftorum partibus compertum eft, eas etfi minutiffimas, & alias cum aliis continuas, in fua quamque natura perfiftere, idem de omnibus miftis efle dicendum; difcrimenque folum efle, quòd alia aliis facilius diffoluantur. quod ex Scaligeri dictis licet aduerfus feipfum fatis liquet. Ad quam Veterum veritatem fpectat illud Lucretij lib. 2.

*Cedit enim retro de terra quod fuit ante  
In terras, & quod miffum eft ex ætheris oris,  
Id rurfum Cali rellatum templa receptans.  
Nec fic interimat mors res, vt materiei  
Corpora conficiat, fed cæcum diffuat ollis.*

Quam fuffe fententiam Hippocratis, licet Conimbricenfes dicant nonnullis vifum efle contrarium; nequidem hi nonnulli ignorarint, nifi Hippocratis prorfus ignari, cuius, vt cætera omittam, In libro de Natura humana, magna pars operæ eò tendit, vt demonftrèt quomodo Natura rerum obitus conficiens, eò fingula refert, vnde accepta fuerunt; Proindeque vnumquodque ex iis conftare in quæ refoluitur: quod verò docuit diffolui miftum in elementa,



perspicuum Deo dante faciemus.

Addam Hippocrati diuinum Platonem quem eiusdem fuisse sententiæ Connimbricenses l. i. de Gener. cap. 10. q. 3. art. non audent inficiari. Ne egeamus authoritate Empedoclis, Anaxagoræ, aliorumque Veterum Naturæ interpretum, quorum vestigiis plerisque è posterioribus instituisse fatentur Connimbricenses, inter quos Auicenna, & Auerroe positus; sequenti articulo hos recensent, Albertum, Philoponum, Aurcolū, Gregoriū, Iandunum, Zimaram, Fernelium, aliorumque è recentioribus Philosophis; præsertim rei medicæ professores, qui contrariæ opinioni ita inhaerent, ut dicant eum, qui ipsorum argumenta legerit, nil lapis molaris sit, manus daturum: qui aliter sentiunt Aristotelem aut oscitanter legere, aut negligenter intelligere, Sophistas agere, naturæ operibus imponere, veteris disciplinæ splendorem obterere, & inquinare. hæc illi; qui non illepidè consulunt aduersariis illis, ut rheubarbarum sumant, ad purgandam choleram, uti minori stomacho disputent. Ego adderem aliquid, nime reuerentia teneret: Nā quod hi qui elementa in misto remanere asserunt, Sophistas alios vocant qui huius veritatis splendori tenebras volunt offundere, non reclamabo: Quod dicant Naturæ operibus imponere, veteris disciplinæ splendorem conspurcare, ultro suffragabor: Quod verò hanc sententiæ veterum, ipsiusque Hippocratis, veritatem Aristoteli addicant, non tulerò; ac propterea his Connimbricensium scommatis, sannisque dignissimos iudicaro. Vident quidem veritatem: bonum. Verum cū ab Aristotele nolunt recedere, eam assequi



assequi non possunt: malum. Itaque licet validis argumentis ex ratione, & natura petitis aduersarios petant: his elusis, vicissim aduersarij, argumentis plurimis ex Aristotelis philosophia ductis, eos ita angunt, vt viam pedum ignorent in quatuor sectas diuisi, vt refert Toletus. Etenim bellum hi patiuntur intestinum; dum Auicennam hostiliter insequitur Auerroes, Auerroem sui in varios sensus discerpunt: quem impugnant alij quorum meminit Gregorius; hosque rursus alij quorum sententiam, referente Toletus, audiamus. *Quarta sententia est, quam adducit Marsilius q. 22. aliquorum asserentium Elementa manere cum formis integris, vt dicebat Auicenna, solúmque remissionem esse in qualitatibus; tamen non ponebat formam aliam mixti, nisi proportionem; & elementorum concordiam. Hæc ille. Hi omnium audacissimi, in Empedoclis. Veterumque castra transuerunt. Proximè post hos ad Priscorum mentem accessit, Auicenna, qui, vt referunt Conimbrienses, arbitratur Elementa in mixto formas suas perfectæ, atque integras retinere, dissecta tamen, ac minutatim concisa, ita vt eorum particula ordine quodam composita, & connexa mutuo alia aliis coherescant. Hæc tamen sententiæ Priscorum ac rationi congruenter; incongruè verò quod addit, Ex Elementorum qualitatibus mutua actione interemptis formam mixti consurgere. Si tamen ita sensit. Hæc enim parte nudat iugulum. Quod non illi qui quartam sententiam quæ Veterum est secuti ita consistunt; vt aduersus eos Toletus nihil aliud possit, nisi quod ostendit eos ab Aristotele deficere.*

*Quod autem qui Elementa in misto ponunt,*

C




hanc fuisse Aristotelis sententiam, per consequentiam ex eius dictis inferunt, nihil habet roboris, tantum quæ probat quod est verissimum, Aristotelis doctrinam sibi repugnare. Nec id mirum, quandoquidem ut diximus initio, cum plurima ex Hippocrate, reliqua fere ex reliquis ceperit; necesse est, ut dum illorum doctrinam docet, sibi ipsi, positisque à se principiis discordet.

Atque utinam Aristoteles Veteribus consentiens ex elementis aliis iuxta alia positis mistum fieri putasset: breuior nobis esset ad id quod properamus via. Dum non moraretur necessaria huius doctrinæ probatio. Verum quoniam hoc dogma merito ex Aristotelis doctrina eliminat communis Peripateticorum consensus; quam doctrinam huic assertioni Veterum ex diametro contrariam, tot locis apertissimè videre est: Quoniam denique qui hanc veritatem vident, non aliunde impediuntur, quàm quia volunt eam Aristotelis menti associare; atque hoc pacto lucem cum tenebris, verumque cum falso coniungere; propositum est nobis, omni absterso pulvere; cunctisque quibus huius veritatis splendorem conspurcant, sordibus ablutis, nudam ac puram hanc veritatem, qualemque Veteres agnouerunt propositum, clarissimis certissimisque demonstrationibus illustrare, atque inuictis rationibus euctam à virulentis aduersariorum calumniis vindicare.

INTEN-





## INTENTIO IV.

Qua probatur mixtionem nihil aliud esse  
quàm elementorum remanentium  
compositionem.

## ARTIC. I.

*Quo ex concessis in hanc disputationem præluditur.*



VM Scaliger satis candidè in crama  
& comixto quod ex auro & argento  
fit & plerisque aliis agnoscat natura-  
rum persistentium solam cōfusionem,  
nullam sufficientem causam dederit,  
cur in auro & argento puro, atque naturali talem  
partium diuersarum cōiunctionem neget. Cum &  
eas partes soluant Chymici non multo difficilius  
quàm illud compositum ex auro & argento. Quip-  
pe norunt illi non solum stagnum & plumbum,  
sed argentum & aurum in calcem reducere; quæ  
quidem omni humido absumpto non amplius li-  
quefiat. Neque iam est aurum, aut argentum, sed  
pars auri densior, quæque vim ignis impune susti-  
neat. Atque vt videas hanc calcem eandem natu-  
ram seruare quàm prius, docet experientia, qua  
quibusdam rebus humidis adiunctis, in argentum,  
argenti, in aurum, auri calcem restitunt. Ergo illa  
calx auri pars est auri eadem quæ prius, cui si hu-  
midum quo spoliata est reddas, metallum eius-  
dem naturæ cum præcedenti conficias.

Veniamus ad ea quæ magis sunt ex usu. Vix vlla



res est ex qua non eliciant tres naturas valde inter se differentes, Quarum quæ subtilior est & volatilior, spiritum vocant, seu etiam mercurium, Quæ verò crassior & pinguior, oleum & sulphur appellant, Quæ verò omnium maximè fixa ex intimis veluti partis cuiusque pœntralibus vltima educitur, sal illis nuncupatur. Præter has tres naturas valde vtilis, superest quædam materia terrestris & inutilis quam fæces vocant & caput mortuum. Est insuper aqueus quidam & insipidus liquor quæ phlegma dicunt Ecce inquam non secus atque crama in vinum & aquam resoluitur, res quæque in hasce naturas valde diuersas diuiditur. Scaliger quia cernit aquam & vinum post confusionem separari, fatetur ea in illa commixtione à propria natura nō recessisse; Rectè. à si videat ex re qualibet spiritum, oleum, salem, phlegma, fæces sciuncta ab inuicem; quidni pariter de illis, ac de vino & aqua fateatur, eas scilicet quales iam sunt in mixto præfuisse, licet miro artificio intertextas? Nulla sanè causa est cur de illis confitens, de his eat inficias; Nisi quia viderat vinum & aquam antequam miscerentur; salem verò, oleum, spiritum, phlegma, fæces, antequam rem componerent non viderat. Pulchram sanè rationem, non vidit has naturas Scaliger, ergo non erant.

Sed elementa cernimus ignem, aerem, aquam & terram ex quibus mixtum confici habent in confesso haud secus atque ex vino & aqua fit crama. Rursus mixtum quodlibet in ignem, aerem, aquam, terram dissolui, quemadmodum potionem illam in vinum & aquam, est conspicuum. Quidni igitur quod de aqua & vino id ipsum de his elementis



mentis agnoscunt ea scilicet in mixto durasse, licet alia ab aliis, quominus agerent, impedita? Non sentis ignem, non sentis aquam. Dic age in illa portione sentisne vinum? sentisne aquam? Sentis quidem aliquid quod ex vino & aqua participat. Ita cum piper dentibus teris, percipis aliquid quod igne ceterisque elementis communicat. Ardor ille linguam vrens testatur ignis praesentiam. Verum de his abunde & perspicue suo loco. Vbi enim veritatem in apertum produxerimus, egregia Aristotelis admirabimur argumenta. Et quidem hisce veluti praelusisse sufficiat. Iam ex hac velitatione ad certamen grauius descendamus.

## ARTIC. II.

*Quo probatur contra Aristotelem, ex qualibet misti particula non fieri quatuor elementa, sed ex singulis singula.*

**E**T si qui inter Peripateticos elementa in mixto astruunt, non carent validis quibus id probent argumentis, nulli tamen eorum utemur; non quod ea spernamus, sed quia melioribus, opinor, instructi, eis non indigemus.

Primum quaerendum venit, verumne sit quod Aristoteles cum suis aduersus Empedoclem; pro forriratione ponit, scilicet ex qualibet misti particula ignem & aquam, & reliqua elementa progigni. Ut si id falsissimum demonstraerimus, contrariumque certissimum fecerimus, nempe minutissimas misti partes singulas in diuersas diuersorum Elementorum particulas resolui; rem quae



controuertitur extra contentionem ponamus. Sic enim & euersum fuerit Aristotelis fundamentum, & patuerit, quæ distinctæ in distinctas abeant naturas, natura quoq; in misto distinctas fuisse, quemadmodum in resolutione vini & aquæ prius mistorum & sensus & ratio docet, & Scaliger inficiari non potuit.

Sed ad probandum quod intendimus, notandū quod in schola Peripatetica nemo ignorat, ex carne, aut ligno ignem & aquam produci idem esse, ac si dicas materiam carnis aut ligni forma corrupta, formam aquæ & ignis complecti. Itaque secundum illos, ex qualibet carnis particula ignem & aquam educi, nihil aliud est, quàm partem quamlibet materiæ carnis formam ignis & aquæ suscipere.

Iam quæro; Vel ignis ille & aqua ex quauis eiusmodi carnis particula simul exeunt, vel vnum post aliud. Si primum suppono quod apud ipsos est indubitatum; ad formam ignis, & aquæ requiritur materiæ dispositionem quæ paulatim fit & successiue. Debit igitur quæ ad formam ignis tendebat, esse valde calida & sicca quantumque ignis natura postulabat; Contra, quæ ad formam aquæ, esse apprime frigida, & humida. Iudicent, an eadem materiæ particula potuerit simul ad formam ignis & aquæ, motibus contrariis tendere, vt & fuerit in gradu intenso calida & sicca quod ignis Naturæ competebat; simulque in excessu frigida & humida quod ad aquæ speciem erat necessarium.

Si secundum dicant, vt ignem & aquam vnum post alterum abiisse putent: Clarum est non ex eadem



dem materia prodiisse. Non enim fit de nouo illa materia, sed quæ carni formæ substrata erat, abiens, formam vel aquæ vel ignis accipit. Non autem eadem est materia quæ iam in aquam abiit, & illa quæ adhuc sub forma carnis est speciem ignis expectās.

Sed quid opus pluribus? Materia ignis & aquæ ex carne productorū non alia est, quàm quæ prius erat sub forma carnis, non enim de nouo produci-  
tur. Et quamuis aliud faciat compositum, eadem in se est quæ prius. Sed iam materia ignis non est materia aquæ. Ergo nunquam fuit eadem. Quemadmodum duarum baculi partium vna non magis est altera quando sunt coniunctæ, quàm vbi fracto baculo fuerint diuisæ. Rupto stipite hæc pars non est illa. Ergo neque integro vna erat altera. Ita extra carnem hæc pars materiæ non est illa. ergo in carne vna non erat altera. Sunt enim in se consideratæ idem ipsum quod erant. Sed iam vna non idem est quod altera, ergo nunquam fuerunt idem. Potest quidem eadem materia aliter fuisse affecta quàm iam sit, alia fuisse materia non potest. Sicut idem homo potest fuisse alio habitu, sanus, doctus, diues, qualis iam non est, fuisse alius homo non potest; vt Aristoteles fuerit Socrates. Profectò insaniat qui putarit materiam iam ignem factam, in carne fuisse illam quæ iam induit aquæ speciem.

En quàm forti ratione Aristoteles lib. 2. de General. cap. 7. impugnat Empedoclem, quòd secundum illius opinionem ex vna eademque mixti particula vtrumque fieri nequeat aqua simul & ignis. Non debet inquit Empedocles; & ecce pro Empedocle vicit veritas, ex diuersis partibus misti diuersa



exire; & quæ diuersa exeunt prius diuersas in misto seu composito partes, etsi continuas constituissè. An verò partes illæ in misto similes essent, an dissimiles sequitur vt pluribus quæramus, quamuis ex dictis iam constet fuisse heterogeneas, seu dissimiles.

## ART. III.

*Partes misti esse dissimiles.*

**Q**UOD! Experiētia in vino & aqua, auro & argento mistis manifestat diuersi generis partes, vt prius remanere: quodque haud obscure Scaliger concedit, in nube, pluuiā, vento, grandine, niue, rore, pruina, & eiusmodi. *Sunt enim, inquit, exhalationes mistæ ex pluribus elementis, quæ haud magna cum re dissolui possunt.* Id de omnibus mistis propositum est demonstrare aduersus Aristotelem, qui cap. 10. primi de generatione dicit misti rationem requirere, vt omnes etiam minimè eius partes sint mistæ, habeantque eandem cum toto rationem; haud secus atque minima pars aquæ aqua est.

Quod falsissimum esse, ex iis quæ præcedenti articulo monstrata sunt, etsi liquet satis, vt tamen vel cæco pateat. Supponimus quod in ipsorum schola certissimum est: Illam particulam materiæ quæ vel aquæ vel fumi formam admisit successiue & paulatim ad eam formam esse dispositam: contra verò quæ ad ignis formam reseruabatur minimè, sed aquæ speciem vel abhorruisse, vel fugisse, vel ad eam saltem non tunc idoneam fuisse.



fuisse. Ex quo duo certò colligimus; neque eas vnum & idem numero esse nisi propter conjunctionem fuisse, quod superius comprobatum est: neque eas esse similes, quod restabat inferendum. Quomodo enim quæ ad speciem aquæ toto appetitu naturæ rapiebatur, fuisset idem numero cum ea quæ ab eadem aquæ forma abhorrebat? Quomodo eiusdem generis, vel similes quarum in contrarium tendebat appetitus?

Quod si quis dicat ante dispositionem fuisse similes, quæram à quo dispositas credat? Ab igne scilicet, vel sole æqualiter in eas partes agente. Cùm autem pariter agat in omnes, cur hanc ad fumum, illam ad aquam, illam ad flammam, illam denique ad cineres disposuit? An quia Sol, cum sit causa vniuersales (quod & de igne dixerint) potest diuersas formas producere; ad easque materiam disponere? At quæram, non cur diuersis Sol formas producat, sed cur ex hac parte potius hanc; ex illa verò potius illam effingat; siquidem in partibus nulla est diuersitas. Sol quidem colliquat ceram, & lutum indurat; at non eiusdem luti has partes indurauerit, illas liquefecerit; & si id contingat non sine causa, atque aliquo discrimine factum putaris. Causam similiter certum est inesse, cur siue Sol, siue Ignis, siue quodcunque Agens eiusdem subiecti partes continuas alias ad alias formas admittendas disposuerit. Quis neget inter illas aliquod discrimen? quæ verò discriminis causa? Sanè existit; si enim non existeret, quid



posset? Et quidem in illis existit: Alioquin si extranea esset, semper querendum restaret cur hanc potius quàm illam afficeret, cùm tam minutæ particulæ continuentur. Igitur in vnaquaq; existit illud quod in causâ est, cur ad hâc potius, quàm ad illam formâ præparetur. Non igitur partes illæ sunt similes: sed licet vel contiguæ, vel continuæ, seruant tamen diuersitatem qua hæc ab illa cui connexa est dissentiat. Quæ si agnouisset Aristoteles, certum est neque similes omnes mixti partes, neque mixtas easdem fuisse dicturum.

## ARTIC. IV.

*Quo eadem veritas alia via per plures rationes inuestigatur.*

**Q**Uod si cui neque hæc clarissima plenariam fidem fecerunt, audiat & aliud mirabilius, quod ex præcedentibus deducitur. Cùm v g. ex stipite viridi aqua elicitur (idem puta de reliquis, quo plus humidi inde educitur, eo sicciores euadunt partes reliquæ. Si humiditas illas in misto fuisse fateatur, quarum separatione sicca solæ restantes totum siccius constituent, dixerit quod verum est, sed Aristotele cum exercitu suo repugnante; sin cum Aristoteles, æqualiter omnes misti partes humiditas fuisse contenderit; quæram vnde effectum sit, vt aliis se se exsiccantibus aliæ madescant magis? An quòd aliarum humiditas in has transeat? Hoc nequequam sanus admiserit, vt accidens migret de subiecto in subiectum. Quòd si delirus hoc fieri posse credat; non minùs mirum erit, cur has deferens humiditas in illas se conferat; neque enim solum quærimus quod superius: cur aliæ humidæ, aliæ siccae fiant; sed cur quò plus hæc acquirunt humidi-



humiditatis, eo plus siccitatis illę cōsequuntur. Cū igitur nulla possit assignari causa, nec sanè alia sit, fateantur quod verum est, partes alias in misto fuisse, quarum segregatione reliquę siccę apparuerint, quarum siccitas cum humidis confusa non patebat: vt si liquorem quo pannus, aut aliquid aliud madeat, elicias, pannus siccus erit qui prius madidus partium scilicet humidarum segregatione.

Id ipsum possemus ostendere in refrigeratione. quę fit plerumque partium calidarum separatione. Idcirco Aristoteles in problematis quærens, cur aqua calida citius ad radios Solis refrigeretur, quàm in loco frigido posita, rationem assignat, quòd calor vehementior euincat infirmiores. hoc experiuntur qui sudantes accedunt ad ignem vt sudare desinant, & qui manum adustam igni admovent quo citius curentur, Id ipsum feliciter experti sunt milites illi quos refert Ambrosius Pareus, qui à puluere tormentario accenso ambusti, quòd medicorum manus nil prodesset, desperatione victi ad flumen se præcipites daturi cum current, ab anu quadam obuia cæparum admotarum beneficio, miraculosè sanati sunt,

Vnde & Fernelius ait cæpas ambusta, per miraculum sanare, quas tamen valde calidas esse gustus docet. Hoc facit & Sábuci cortex, vel eius succus qui licet calidus, & siccus ordine secūdo his, aliisque inflammationibus mirificè confert, quas & calx ipsa ex melle admota sedat; vt, cuius aqua licet admodum calida, veluti id genus alia permulta, ambusta sanat. Quę quidem, vt Fernelius de cæpis, miracula sunt, sed iis qui actionum naturalium vera ignorant principia. Quorum omnium facilis esset ra-



tio, si scirent partes calidas per adustionem solutas, apertionem pororum quo liberius exeant, requirere, qua caloris externi beneficio, impetrata erumpant partem afflictam infestare desinentes?

Verum quoniam id ignorant, libet audire quam huius causam ferant. Docent scilicet, omnium sensuum suffragio minorem qualitatem à maiore licet eiusdem generis vinci ac destrui. Quippe visus testis est lumen candelæ à lumine Solis extinguui: Auditus probat præ ingenti fragore vocem vel sonum submissum non audiri: Gustus experitur absynthij vel aloes amarorem chicorij, vel cicerbitæ sensum palato præpedire: Olfactus affirmat, magnum fetorem minoris molestiam tollere: Tactus denique iudicat diros cruciatus doloribus modicis finem afferre. Quidni igitur calor externus maior internum illum vincat, atque corrumpat? Bellè id quidem, & argutè: ni se suo forex indice proderet. Quid namque hæc aliud probant, quàm quod hi minimè volunt, sensuum omnium iudicio, nō odoris, non saporis, non lucis, non soni, non doloris, non denique ullius patibilis qualitatis sensum tolli, nisi maioris impressione, quæque sensum in tantum afficiat, ut eum retrahat à iudicatione minoris qualitatis? Idémne censent de calore maiore minorem extinguente? ut quemadmodum lux Solis maius in aere lumen accendit, quo candelæ lumen ad oculum non pertingat, ita de reliquis dicendum liquet: similiter vel Sol vel Ignis vehementiorem in membro ad iusto calorem imrimat, quo sensus minoris tollatur? Minimè: sed contra omnium sensuum iudicium volunt calorem à calore eiusdem speciei non augeri: sed destrui. Neque mirum,



rum, id illis absurdum non videri, qui accidentia à seipsis, qui formam substantialem sua ipsius opera, atque conatu interire somniant, vt demonstra- uimus.

Sed inpræsentiarum sit satis, cum sensuum om- nium consensu calor externus internum nō extin- guat, tollat tamen eum calorem cum suo subiecto, discedere. Quod communis loquendi formula in- dicat. Dicunt enim communiter eum à calore ex- terno attrahi: & quidem cum suo subiecto, vt di- ctum est: siquidem ipsum non relinquit: & sic ar- dorem manus remittitur partium calidarum abstra- ctione, quæ utique inerant in manu iunctæ cum frigidis. Quam partium expirationem probant manus externæ partes marcescentes: cutis que adu- sta sese contrahens, ac corrugans. Quod inde con- firmatur, quia si membrum ambustum frigori ex- ponatur, obstructis meatibus calor qui exire ne- quit, agat cuniculos, latiùsque circum serpat, vnde malū ingrauescat. Qui ergo à frigore cōclusus te- netur; caloris extrarij aculeis via patefacta exit, non sine subiecto cui inheret partibus scilicet calidis quæ in illa parte iunctæ erant frigidis.

His, tamen quæ de calore diximus, nolumus as- sertionis nostræ inniti veritatem, nisi quemadmo- dum omnium sensuum voce vnanimi intellectum est, quomodo calor intentior remissiore non ex- tingeret, sed augeret: rursus iisdem sensibus de- clarantibus audiamus quomodo calor extrarius intimum cum suo subiecto proliciat.

Primum ex odoribus & saporibus quos res odo- riferæ, & suaues perdūt. Quod fieri partiū subtiliū



expiratione docent qui aromata vendentes ea curant quàm diligentissimè occludi, ne quid expiret. Docet & malum odoriferum marcescens quantum odor eiusmodi efflatur, certum præbens testimonium, partium quæ expirantur. Eas autem esse quæ tuas nares subeant, vt talem sensum eis præbeant, iudicet, & qui ùsne sit sentire, quàm species spirituales, & vt vocant, intentionales, cum quibusdam fingere?

Quicquid sit inficiari non possunt partes subtiliores efflari, quibus egressis, reliquum sine odore fatiscit. Quæro si omnes erant æqualiter odoratæ, cur quibusdam exhalatis reliquæ suum odorem perdunt? An ob continui solutionem quæ fit illis abscedentibus? Quin quo minutius res teruntur eo fragrantiores euadunt? vt inde clarissimum sit, per separationem partium fragrantium, reliquum sine fragrantia remanere.

Id ipsum clarius lucet in eorum extractis, quæ ignis vel aquæ opera fiunt, in quibus partes quæ extrahuntur longè fragrantiores sunt, ac potentiores, quàm fuisset totum? quæ verò relinquuntur, nihil habet nec odoris, nec saporis, nec virtutis. Cur? nisi quia partes illæ solæ erant odoriferæ, quarum odor ab aliis partibus impeditus, vel dispersus, vbi segregatæ sunt, & in vnum coactæ vim suam exercent liberiùs.

Sed quid de salibus qui ex herbarum, aliorumque corporum cineribus educuntur? Aquæ enim tepidæ vel calidæ beneficio sal è cineribus illis elicitus, eadem aqua euaporata, apparet. Non aliquo accidente de cineribus in aquam migrante: Neque enim si migrasset, potuisset esse materia salis neque solum,



solum, neque cum aqua coniunctum, neque Aristoteles agnoscit hanc solam salis materiam qui eam asserit exhalationes terrestres.

Quin si salem, quem eduxeris iterum ac sæpius aqua diluas, lixiuiū cōficiet simile priori, quo evaporante, tuum salem inuenies puriorem. In salistui materia iam fuit sal ipsemet aqua dilutus: igitur & primum fuit talis materia eiusdem salis. Sal scilicet ipsemet qui cum in minutissimis cinerum partibus longè minutior delitesceret, aque virtute eductus est. Ita ut quicquid in illis erat acrimoniæ extracto, remanentibus cineribus insipidis, & insulsis modicum hoc salis prius dispersi, iam coactum, magnam vim obtineat. Cur si partes omnes cinerum erant similes, hæ paucae extractæ sunt? vel cur his acrioribus effectis reliquæ suam acrimoniam penitus perdiderunt?

## ARTIC. IIII.

*Quo idem magis vrgetur.*

**H**ic iuuabit annotare quod Aristoteles libro 2. Meteorologicorum causam falsuginis inuestigans eam ex adustione deducit, probatque rerum adustarum inductione, quas omnes inde acrimoniam conduxisse docet, inter quas urinas & cineres ponit: quin & alibi adipem per adustionem fieri somniat: Quod quàm crassam ignorantiam contineat, libro sequenti demonstraturis, nunc sufficiat querrere. Cur si acrimoniam ab igne per adustionem cineres accipiunt, iidem cineres, si lixiuiō factō partes acres ademeris, non amplius acres euadunt quantumuis aduras? nisi super sint adhuc aliquæ particulæ quæ cineribus igne repetito, mi-



nutius diuifis, educantur; quibus tandem feparatis, cineres haud quaquam amplius hanc acrimoniam ab aduftione acquirant.

Aqua fimiliter ardente expirata, id quod phlegma Chymici vocant, partibus igneis fecretum eoque quamdiu volueris, fi forte ordinem illum concipiet. Oleo pariter expreffo, excrementa reliqua quam diligentiffimè potueris tere, experturus an preffa in oleum conuertantur. Norunt quidem Spagirici fæpius contritione, ac concoctione repetita, poffe aliquid de nouo elici, fed fanè diuerfæ naturæ à priori? tandèmq; exacto quicquid inerat naturæ subtilioris, reftare materiam quandam terreftrem planè inutilem, atque ex aqua nihil elicias.

Iam ad id quod fortè quis ad noftras illas priores demonstrationes refponderit: Scilicet partes omnes in ftipite, qui comburitur, fuiſſe homogeneas, ac naturæ eiufdem? fed neceſſario quasdam prius abiiffe quia prius folutas: vel quia preffæ non fimul omnes exire potuerunt: quæ citius, non diuim ignis paſſas humidiores fuiſſe, quæ diutius ignem fuſtinuerunt, ſiccitas tandem arſiſſe: qui hoc inquam; refponderit, dixerit quod craſſioribus erit probabile. Verùm ſi hoc ita habet, petimus quidni primè diutius ignis violentiam paſſæ in flammam abeant? Cur non & cineres omnium diutiſſimè? An quia magis terreſtres? Ergo non generis eiufdem cum iis quæ vel in fumum vel in flammam mutatæ ſunt.

Sed neque hoc verum eſſe, quod quæ minorem vim ignis fuſtinuerunt minus calidæ, minùſque igneæ



igneæ fiant, apertum facit inter plurima alia, aqua ardens quæ ex vino, aliisque rebus extrahitur ardētissima quidem illa quæ omnium prima exiguoq; ignis motu egressa est: hæc facillimè flammā concipit: quæ sequitur, minus minúsque igneæ naturæ habet, etsi in longum tempus ignem experta Contra verò quod ex aceto distillato, alii quæ rebus acidis primum soluitur, aqueum est; cuius exitū sequitur spiritus ardentissimus. Vnde compertum habemus, nihil interesse ad acrimoniam, priorēsne an posteriores: diuturniore, an breuiore ignis impulsu citatæ aufugiant: nihilque aliud ignem quā earum partium soluere nexionē, qua quæ prius liberatæ sunt, pro diuersitate compositi, siue sint aqueæ quæ igneæ, priores abeunt, in eadem quam prius habebant natura, ac specie: Quæ clariora suo tempore faciemus.

## ARTIC. VI.

*Diuersitatem partium misti esse substantiuam.*

**Q**Vando quidem hætenus dicta extra dubiū posuerunt partes misti esse diuersas, puto in controuersiam non venturum. An secundū suam naturam, ac speciem seu formam inter se dissideāt? An tantum secundum qualitates, quas inter se diuersas, inuicemque pugnantes necesse esset agnoscere; prout sunt formæ ad quas inclinant. Etenim quæ ad formam ignis, cōtraria esset illi quæ ad formam aquæ, particulam quam afficeret, inflecteret. Cum autem Aristoteles neget formas posse subsistere in tam minutis partibus; quin se ipsis marcescentes intercant; quis putet in tam exiguis parti-



culis qualitates inuicem infestas perdurare posse? Cum ergo partes illæ diuersæ sint, clarum est secundum substantiam ab inuicem discrepare.

Sed cur id negemus cæteris mistis quod in vino, & aqua; auro & argento; plurimisque similiter mistis experientia vel inuitos cogit fateri? Neque enim hæc ab aliis mistis differunt, nisi quia facilius resoluuntur, vel minus sunt ordinatè composita.

Scrutemur enim vniuersam rerum naturam, nihil inueniemus, cuius singulas partes maiusculas, ex diuersissimis particulis constructas, earum cum generatio, tum corruptio non annunciet. Nec opus est artis nostræ limites egredi. Hoc declarât lactis, in infantis ventriculo cocti partes, quarum aliæ in sedimenta facessunt, aliæ in chilum conuertuntur: rursus eiusdem chili in iecur prolekti. ibique exquisitus cocti aliæ partes in sanguinem, aliæ in pituitam, in bilem, & melancholiam diuersè commutatae, in regionem quæque propriam amandantur. Rursus eiusdem sanguinis in venis diligentius elaborati pars in corporis alimentum cedit; pars dilutior in vrinas abit, pars in alia excrementa amittitur. Quippe idem Agens, eademque vis ex eodem succo quem æqualiter afficit, partes tam dissimiles educēs, calidiores, frigidiores; humidiores, sicciores; leuiiores, grauiiores; dilutiores, spissiores; amariiores, dulciores; & plurimis aliis modis inter se dissidentes, sibi que contrarias, quid aliud prædicat, quàm diuersarum partium ex eadem massa facta dissolutione, segregationem? calidioresque frigidiorum; sicciores humidiorum; spissiores liquidiorum separatione factas? quas idcirco prius fuisse neces-




necesse est, dum licet diuersæ ab inuicem, quadam tamen proportionē temperatæ, vnum conflabant compositum.

Alioquin si vniformes essent, nequidem ipse Apollo causam assignarit; cur id agens ex æquo in omnes vim suam immittens, eiusdem massæ humidæ, ac liquidæ partes alias in sanguinem, alias in pituitam; alias in bilem; alias in melancholiam transmutarit; Cur ex eiusdem ligni particulis continuis fumos, aquam, flammam, cineres eduxerit. Cur quantumvis suam actionem augeat; atq; continuet, nec prunas in flammam, nec cineres in prunas; nec vini phlegmā, vt vocant, in aquam ardentem, nec recrementa in naturam eorum quæ inde expressa sunt, possit conuertere. Cur quo plus humiditatis illæ, eo plus siccitatis hæc acquirunt. Cur exhalatis calidioribus reliquæ maneant frigidiores. Cur fragrantioribus exspiratis, aliæ restent insipidæ. Quod etiam faciunt euidentius virtutis rerum extractiones; atque illæ quæ prælo fiunt oleorum aliorumque succorum expressiones; maximè verò omnium salium Chymicorum, qui prius latitabāt, ope aquæ, artificiosæ prolectiones: quos quanta volueris aquæ quantitate si diluas identidem, eadem! èto calore euaporata, cum semper iidem, sed puriores euadant; certissimum faciunt, partes mixti non à natura propria recedere; ac propterea falsissimum esse ipsas eandem cum misto seu toto rationem nancisci, vt partes aquæ eadem, quæ totum, naturā participant.

Nec eò absurditatis profiliisset Aristoteles, si credidisset, ac pro fundamēto supposuisset, ex quolibet mixti particula educi quatuor elemēta: Quod



cum in fronte huius disputationis falsissimum esse vel Cæco demonstraerimus : hoc euelso fundamento, omnem illius de mixti ratione structuram vel intactam corruere non mirum est.



## INTENTIO V.

Qua Aduersariorum argumenta refelluntur.

### ARTIC. I.

*Quo rationes eorum ac dubia proponuntur.*



DVERSVS hunc Antiquitatis consensum, inconcussis illis Rationis, atque experientiae firmamentis fulcrum, quibus instructi argumentorum machinis Aristoteles cum suis alienam arcem inuadere conantur? Videamus primum illos factionibus funestis inter se dissidentes, atque in Peripateticam Rempublicam miseranda bella inferentes. Quorum dissidia, quia laboriosum esset, & parum utile singula proferre; & valde molestum ea audire; rem in compendium contrahens, dicam ex Toletio; Primum bifariam hac de re sectas eorum sententias, dum alij formas elementorum in misto conseruant; alij minimè. Qui formas elementorum in misto astruunt eos audiuius in quatuor agmina diuisos; Quibus totidem factiones opponit eorum qui eas formas è misto eliminant.

Tho-



Thomas ex omnium elementorum formis & qualitatibus corruptis, vnam duntaxat resultantem agnoscit in mixto qualitatem, quæ quatuor illarum effectus virtute contineat. Cui sententiæ subscripsit Scotus cum suis. Alij duas volunt genitas in misto qualitates; alteram quæ ex calido, & frigido; alteram quæ ex humido siccoq; temperetur. Alij qualitates elementorum in misto restare contendunt, remissas tamen, inter quos est Poletus. Alij vt Thomistæ omnes qui hanc suam sententiam Thomæ adscribunt, hac in re scilicet, sibi non constanti; dicunt qualitates quatuor in misto esse; non tamen easdem numero quæ in Elementis, quas cum formis ipsorum corruptas opinantur; sed similes, cum forma misti ex aliorum corruptione productas. Ita tamen & hi, & illi quatuor agnoscunt in misto qualitates, vt sint in qualibet misti particula simul calida & frigida; sicca & humida vel actu vel potestate. Nimirum ne si minùs delirare videantur; quàm qui quatuor Elementorum formas in qualibet materiæ particula reseruant, licet remissas; vt eadem pars sit Ignis, Aër, Aqua, Terra simul: qualia opinionum portenta plura profert hæc alma contentionum, ac discordiarum mater, nutrixque philosophia; in qua, si quid reperiant subsidij, dabitur cogitandi tempus, vbi audiuerint quid suis argumentis respondeamus, quæ sunt ista.

Primò negat Aristoteles esse misionem, si eorum quæ miscetur partes quantumuis exiguæ saluæ subsistant; haud secus ac si hordea cum frumento confundantur: sed mixti partes omnes esse homogeneas & similes, nec vnam ab alia differre, sed eandem simul omnes inuicem, & cum toto habere



rationem. Quod procul dubio non fieret, si iis quæ miscentur in minutas partes diuisis, eæ particulæ ab inuicem diuersæ quantumuis paruæ serua-  
rentur.

Secundum quod magis commouet petitur ex hac noua ignis natura quæ ipsum tam amplū spa-  
tium petentem in tam arcto loco concludit; & quæ maximè vrentem & lucidum sensus experitur; vt eas facultates ab eo non separet, quin ipsius natu-  
ram destruas; eum inuisibilem, & frigidum, vel po-  
tius insensibilem facit.

3. Quæ enim assignes formam ignis quæ non agat, sed otietur, cum Ignis sit omnium maximè actiuus?

4. Quæ fieri possit vt idem elementum sit le-  
ue & graue? leue extra mistum, graue in misto?  
Quomodo densum & rarum? Densum cur in mi-  
sto, quod extra rarum est?

5. Quomodo misti particulæ continuæ aliæ  
sint calidæ, aliæ frigidæ; aliæ humidæ, aliæ siccæ?

6. Adde quod nullus esset motus misti nisi vio-  
lentus; cum si deorsum feratur, contra ignis, & aë-  
ris naturam; si sursum contra aquæ, & terræ pro-  
pensionem, tendat.

7. Quæ possint elementa inuicem contraria a-  
lia secus alia quiescere? id enim non minus sit mi-  
rabile quàm si lupo cum agno, miluo cum co-  
lumba pacifici stabulentur. Hæc igitur sunt po-  
tissima argumenta; veluti, saxa ingentia; nec mo-  
tu, vt putant, facilia, quæ quominus in veri eant  
sententiam viam præpediunt.



## ARTIC. II.

*Quo primum Aristotelis Argumentum à Scaligero in  
seipsum & Aristotelem refutatur.*

SCaliger quem superiùs audiuius, priùs exercitatione 16. in Cardanum, art. 3. aduersus Auicennam, inter alia, hanc Aristotelis hastam ita vibrat, *Constantibus autem formis, inquit, mistio aceruus esset: quemadmodum etiam in siccis corporibus, Etenim cuiusque existentiam sequetur sua item cuiusque minimi naturalis quantitas, non continuatio, Quæ verè essent atomi Democriteæ. Igitur essent certæ quantitates, non tanquam misto partes, vt vnus: sed suum sibi quódque totum. Hæc ille aduersus Auicennam quibus vellicat vt absurda, quæ postea ratione, & experientia cogentibus, vt verissima comprobant, quemadmodum superius retulimus. Ponit enim inter misti species crama, hoc est vinum aqua dilutum, de quo liceat nobis ipsius verba repetere. Quare non vnum est formaliter crama: sed tot entia, quot sunt intus, & extra partes. Vñ verò per accidens, sicut vnum est frumenti, fabarumque cumera. hoc minùs est sensibus manifestum, sapientum intellectibus non occultum. Deinde nonnullis interiectis, Quæ partes si essent siccæ, nullam crearent in animis nostris difficultatem: sed quia liquida sunt alterum amittunt, id est, extremorum præscriptionem: alterum seruant, scilicet formas ipsas.*

Hæc inquam & longè plura quæ ab ipso dicta, ibi retulimus, si cum iis quæ priùs contra Auicennam hic dicit, conferas, ex diametro videas pugnantia. Ibi namque ratione misionis in eo ponit, quod mistio est motus corporum minimorum ad mutuū



contactum, ut fiat unio: unde infert quod *una eademque ratione unio* hæc in omnibus quæ recensuit dicatur. Inter quæ ponit hoc crama & mixtum ex auro & argento, de quibus tamen dicit quod non sint quid unum formaliter, sed per accidens, sicut unum est *frumenti fabarumque cumera*, excepta continuatione de qua prius dixerat, *Crama namque illud, id est aqua vinum dilutum non est unum forma, sed continuatione sola*. Continuant ergo quæ diuersa sunt. Hæc ergo ille in misto fatetur, quæ hoc loco aduersus Auicennam, ut absurda, iacit: *formis, inquit, elementorum in misto constantibus, misto aceruus esset sine continuatione*. Ibi partium diuersarum continuationem agnoscit; *non est, inquit, unum forma, sed continuatione sola*. Hic verò quid? *Constantibus, inquit, formis in misto aceruus esset: quemadmodum etiam in siccis corporibus*. Illic. Etenim, inquit, cuiusque existentiam sequetur sua item cuiusque minimi naturalis quantitas non continuatio. Hæc eius ratio. Hic verò quid? *Palinodiam canens partes, inquit, illæ alterum amittunt; id est extremorum præscriptionem, alterum seruant scilicet formas ipsas*. In his fateor fui prolixior; ut ostenderem quod sæpius monui, quantum cōfundant viros acutissimos hæc sua principia, qui non mirum si alibi secundum rationē, alibi secundum Aristotelem loquentes sibi contradicant. Tantum in illis dictorum memoriam requiram. Igitur Scaligero secundum Aristotelem vrgenti, respondeat Scaliger secundum rationem & experientiam procedens, *partes illas scilicet quæ non magis unum sunt in misto quàm hordeorum, & frumenti cumera, amissa extremorum præscriptione, continuari; quanto magis si optimo ordine inuicem collocentur?* Sed de hoc ordine plu-



ne pluribus suo loco. Ergo quemadmodum Diogenes Zenonis argumēta motum negantis, deambulatione soluit; ita Scaligeri argumentorum vanitatem Scaliger ipse refellit, re ipsa scilicet demonstrans in nullo partes quæ à pristinâ forma non recedunt, nihilominus esse continuas.

## ARTIC. III.

*Quo ex Peripateticorum doctrina ignem calore ac lumine perduto condensatum adhuc seruari demonstratur.*

**C**alcis ad infusionem aquæ, inflammationem Calibi tractaturi aduersus Scaligerum & Peripateticos, nunc quam causam eius afferat considerantes, videbimus eum illud sine necessitate admittere, quod & ipse & reliqui cum Aristotele in hac veterum doctrina maximè reprehendunt. hanc igitur affert causam,

*In calcis meatibus consumpta gemina humiditate inest ignis. Is aquæ ingressum fugiens, ac sese in partes solidas induens, stipat seipsum atque acuitur condensatione. &c. Quid veri, vel falli hæc pluraque alia eius in hanc sententiam dicta contineant, alibi discussuri, satis fuerit, si modo obseruemus Scaligerum ponere particulas ignis ex lignorū combustionem relictas, quæ locum aquæ ex calce cedentis subeuntes, licet minutissimæ, ibi sine lumine, sine calore, sine actione, sine motu, sine leuitate vlla; sed inuisibiles, insensibiles, otiosæ, immotæ, grauésque lōgo tempore stabulentur. Non sunt hæc quæ in Empedoclis sententia, magis irrisione, quam refutatione digna iudicant? Verùm de his suo loco.*



Nunc quæ ille ineptè igni tribuit, videamus, vt generalis Peripateticorum sententia per consequentiam necessariam, non possit igni non concedere.

Communis Græcorum, Latinorūque sententia, vt videre est apud Toletum in lib. 2. de Generat. c. 3. q. 8. ignem proximè in aquam mutari contendit, quæ est expressa Aristotelis disciplina. Quod vtique non fiet in instanti, nec sine magna contrariorum colluctatione; qua paulatim & calor à frigore, & siccitas ab humiditate superetur, paulatimque materia ignis quem centuplo rariorem aqua ponunt, ad debitam formæ aquæ densitatem sese contrahat. Non forma ignis perit, quin forma aquæ succedat eodem instanti. Quæro quo raritatis gradu. hæc ignis materia, expulsa forma priori aquæ speciem induit? An cum ignis materia ad aëris quantitatem contracta est? adhuc enim decuplo rarior erit quàm aquæ natura patiatur. Si hoc fateantur, vtrinque æqualiter prementur; Hinc quia materiam habentem raritatem aëris, formæ aquæ suscipiendæ dicunt idoneam, ex quo sequitur necessariò formam aquæ in tenuitatem aëris rarefactæ non interire, cum in tali raritate stare possit, imò creata sit: Illinc, quia si ignis natura ad eum statum contracta salua fuit, nulla ratio est cur nequeat vltius. Si enim non gentis suæ raritatis gradibus amissis, vt ad aëris statum recederet, adhuc erat ignis; quidni, vbi ad aquæ densitatem contractus est? Quod verò de raritate dictum est, idem & de calore censeatur: nec enim calor ignis minùs officit formæ aquæ, quam raritas.

Idem



Idem prorsus esse iudicium de igne, cum misti naturam induit, nemo est qui non videat; ut forma ignis persistat in materia valde contracta, & modicè calida; antequam formam misti subeat, quæ minimum calorem, ac raritatem requirit. hinc inde enim Elementa debent plurimū à propria natura recedere, antequam misti formæ quādam eorum temperiem prærequiranti conueniant: In quo recessu à debita quantitate, & qualitate subsistunt adhuc eorum formæ, quæ non cedunt, nisi forma misti succedente.

Verū hæc paulò abstrusiora mittentes, ad ea quæ oculis cernimus, accedamus. Cum ignis extinguatur, non perit eius materia. quo abit? Dicunt formæ terræ subiici. Cū verò ignis sit millecuplo terræ rarior, & amplius; etsi velocissima sit hæc materiæ contractio, non tamen fit in instanti, Alioquin hanc mutationem instantaneam sequeretur motus alius localis in instanti; aëris nimirum qui ne detur vacuum, eodem instanti replet locū, quem ignis capacitas relinqueret. Qualem aëris motum in momento, cum nemo sit, qui nesciat esse impossibilem; Sequitur neque talem ignis contractionem fieri in instanti, sed successiuè. At contrahente sese materia, non tamen abit ignis forma quin eodem momento terræ species adsit. Quoto densitatis gradu. hæc materia formam terræ subit? An cum est adhuc aqua rarior, & pro mille gradibus raritatis, viginti tantum gradus retinet? Habens materia adhuc viginti gradus raritatis duplo est aqua rarior, quæ tantum habet decem. Nō puto illos admissuros ut materia quæ duplo aqua rarior sit, ad speciem terræ debitè sit disposita.



Non enim hic locum habet coacta illa quam Toletus ibidem magnificat Alberti solutio; cū ostensus non esse inconueniens, vt aqua ad ignis formam properans calorem, & raritatem ignis exuperet, Albertus ait, *quod non est inconueniens, quod aqua, dum est in via corruptionis, sit sub maiore calore & raritate, quam sit aëris calor & raritas: non enim repugnat, quod sit dispositio naturalis aëris minor dispositione violenta ipsius aquae praesertim cum tendit ad id quod calidius, & rarius est ipso aëre, quod est ignis.* Ea, inquam solutio quamuis valeret: hic tamen erit inutilis: Etenim agit de calore, ac raritate violenta aquae qua tendit ad sui corruptionem. Hic verò petimus, An terra possit esse rarior aqua, & aqua rarior aëre, non quando tendunt ad corruptionem; sed cum fiunt, & cum ignis in ipsas conuertitur. Ea quippe raritas non erit ipsis violenta, neque contra naturam ipsarum quae non impediet productionem; imo maximè naturalis quam ab ortu habuerint, & in qua natæ sint.

Vt igitur in statu naturali terræ, forma illa terræ inceperit, atque ex materia densitatem terræ debitam adeptam, educta sit, necesse est, ignis formam durasse donec planè materia ipsa ad terræ densitatem compressa sit. Siquidem ex illorum doctrina durauit ignis species in ea materia donec terræ forma aduenerit. Sed quid altercamur in re tam clara? Si potuerit durare ignis forma dum materia ad aquæ densitatem contracta esset, non potuit donec ad terræ spissitudinem peruenerit? Quod si à statu naturali in tantum remota durauit; unde sciunt illam in eo puncto periisse? Res illa, ignis inquam ille adeo compressus erat adhuc ignis; cur  
esse



esse desierit? An quia non apparet? non calefacit? non sentitur? Ponant ipsum durasse in illa densitate ad quam coactum fatentur, antequam interiret: si in illa densitate duraret, an appareret? Quomodo appareat millecuplo densior quam solet esse cum apparet? Vapor in aquam condensatus speciemne retinet vaporis? vel aqua in vaporem rarefacta eademne quæ prius, videtur? Nihilominus ut veritas cogit fateri multos ex Peripateticis, eadem est aqua siue densa siue in vapores rarefacta. Et hoc distillationes per artem factæ ita clarum faciunt; ut iis velle repugnare, insanix sit proximum.

Vapores illi in capitellum euecti nihil referunt speciei liquoris in quem statim comprimuntur; nec liquor est vaporibus similis. Cum tamen non habeantur nisi decuplo rariores illo liquore? Quomodo ignis millecuplo densior effectus eam speciem visui vel tactui obiiciat, quam rarus solebat?

Verum negent aquam amplius esse aquam cum in vapores soluta est. O præclaram philosophiam, quæ neget vapores in quos aqua resoluitur esse aquam: aquam tamen posse esse rariorem aëre. fateatur; Quæ neget ignem vel flammam in fumos coactam flammam esse, ignem esse; ignem tamen durare, dum ad terræ densitatem proximè accesserit, nequeat diffiteri: quæ quærat quomodo ignis possit sine calore esse; ignem tamen durasse dum ad terræ frigiditatem prope accesserit nequeat inficiari. Huc Aristoteles qui petit quomodo sit idē elementum quod & densum & rarum est: Respondeat ex suis principiis: quomodo sit eadem aqua, quæ densa est; & antequam ad ignis formam per-



ueniat est rarissima? Respondeat, quomodo sit idem ignis qui cum sit rarissimus, antequam formā terræ induat, idem adhuc manens sit densissimus? Proferat inquam rationem aliquam, cur ignis qui ad illam usque densitatem, & frigiditatem durauerit, in ea persistere nequiuert? Quod igitur à veteribus petit, ego vicissim veterum nomine ab eo quæro; quomodo sit ignis ille qui antequam fiat aqua vel terra, iam calorem perdidit, & raritatem? Quomodo ignis frigidus, & densus tantisper consistit? quod cum ex sua doctrina nesciant Peripatetici concipere, quippe quæ in quo consistat caloris, ratio non aperit, id ex Platonis schola accipiant.

## ARTIC. IV.

*Quo ex Platonis sententia caloris natura explicatur.*

**A**Vdiant ergo Platonem in Timæo causam caloris sagaciter indagantem. In primis, inquit, qua ratione ignis calidus dicitur videamus: quod ita demum perspiciemus, si discretionem, diuisionemque ab eo factam consideremus, quod enim acumen quoddam est & passio, fere est omnibus manifestum; Tenuitatem verò angulorum, laterumque subtilitatem, paruitatem particularum, motus velocitatem, quibus omnibus vehemens, & penetrans est, velociterque quod occurrit, diuidit semper, & dissipat considerare debemus, figuræ ipsius generationem animo repetentes, ea quippe non alia natura corpora nostra diuidens, & in partes exiguas partiens, merito passionem illam quæ legitimè calor nominatur, inducit. Eccum igitur non Empedoclem, non Democritum, quem deli-  
rum,



rum, delirantes vocant; sed sapientissimum diuinumque illum Platonem, caloris naturam apprimè describentem. Quod si tenuitas & agilitas partium, & earum acumen agens, ac corporum nostrorum partes diuidens, ac dissipans, hanc producit passionem quæ calor dicitur; quid erit, si partes illæ tenuissimæ in vnum coactæ, agilitate amissa, atque acumine retuso, agere cessent, ab ambiente frigido desatæ, atque coercitæ? Nónne earum actione cessante, cessabit & passio quam producebant, calor scilicet ille qui ab illarum particularum actione manabat? Et mirum adhuc si ignis ille in misto compressus, atque ab inuolvente humido frigidoque coercitus, calidus non sit cum non agat: partium verò illarum ambientium dissolutione facta, liberior exiliat: & qui pressus erat, sese diffundat; natusque agendi spatium, aculeorum suorum vim in res obuias exerceat?

Atque hinc quidē patet solutio clarissima questionis hactenus inexplicabilis; Cur aër ore diducto efflatus sit calidus, angusto verò sit frigidus. de quo quàm nihil dicat Scaliger suo loco monstrabitur. Dicimus non nos, sed res ipsa apertissima, id quod expiratur non esse aërem purum, sed quid ex aliis quoque elementis, mixtum; vt probat species quam oculis nostris subiicit; neque enim aër videtur, vt solet id quod sic efflatur, maximè tempore frigido esse visibile. Cum autem partes calidæ à frigidis inuoluantur, vt in omni re mista est ferè perpetuum; fit, vt dum vapidū illud pressis labiis exit, partes igneæ à frigidis ambientibus pressæ non agant, solæque frigidae externæ sensum afficiant. Sin lato ore exeat, calidæ illæ spatium amplum nactæ



ad agendum, suos in res obuias explicent aculeos. Hinc est quod per nares quæ constringi nequeunt emissus eiusmodi spiritus semper sit calidus. Eandem esse rationem aëris æstiuo tempore per manus, aut flabelli motum refrigerati suo loco docebimus. Quam in re frustra iudauit Scaliger.

Cæterum quam friuolum sit illud quod buccis concrepantibus clamant, quomodo ignis formam esse possit quæ non agat, miror eos non animaduertere: cum videant herbarum, plantarum, arborumque formas totam hyemem otiosi, frigore nimirum quod eas condensat, ipsarum actionem prohibente: Cur quod in illis experiuntur, tam nouum & tam alienum ab ignis natura putet? Quia, nempe non vident ignem, non sentiunt ignem, idcirco ignem esse negant? Præclaros sanè philosophos, si nihil concipiunt, nisi quod sub sensum cadit, longè ineptiores illis, qui ut Aristoteles refert lib. 1. de generat. cap. 3. *Cum ad sensibilem materiam mutatio fieret, tum gigni quidpiam aiebant: cum ad eam quæ sub sensum non cadit, corrumpi. Quandoquidem ens & non ens sentiendo, & non sentiendo definiabant.*

Non idipsum in Aristotelem eiusque sectatores quadrat, qui cum ignis impeditus, & coarctatus se non sentiendum præbet, ignem esse negant? Est philosophi per effectus in investigationem causæ procedere; non tantum per effectus præsentis sed consequentes: Causa enim sæpe impeditur, ne effectum præsentem edat, licet præsens: remoto autem impedimento, ubi exit in actum, se etiam prius fuisse demonstrat, etsi impeditam quominus actione sua præsentiam testatam faceret. Nisi verò & ipsi Solẽ esse non credant, cum vel nubibus obiectis non



emittit radios; vel interposita luna suum lumen nequit diffundere. Cur Solem non minus ortum fatentur? non minus solitum cursum peragere? Quia nimirum ratio id suadet. Ene vlla ratio maior, aut fortior illis quibus elementorum naturas in diuersis multi partibus diuersas perdurare demonstrauiamus? Eas repetant, proponant; experiantur, an sit futurus vllus qui vim earum sine peruicacia sustineat.

## ARTIC. V.

*Quo ostenditur, qua ratione in misto motus fiat  
contra naturam.*

**N**Eque pili fecerim illud quod plurimi indicant Aristoteles, eiusque sectatores: sequuturum, si elementa essent in misto, fieri motum contra naturam; Cum vel ignis deorsum fertur, vel aqua sursum eleuatur. Peto ab illis, nonne cum Animal membra sursum erigit, is motus fiat contra naturam rei grauis, quale est membrum illud? Dicunt nempe mistum esse motum illum, partim naturalem, partim contra naturam, naturalem quatenus membra illa naturaliter obediunt formæ mouenti. Contra naturam, quatenus graue sursum tollitur. Idem respondeo, hunc motum misti partim naturalem, partim contra naturam: toti quidem naturalem, cuius natura postulat. Vt quod in eo dominatur, elementum vincat: violentum verò parti, huic nimirum, vel illi elemento. Quid illudne absurdum in misto, quod hi concedunt in animali? Quasi qui in summa rerum inopia quilibet exponunt venales: ita extrema rationum penuria pressi hoc rationis tamentum extollunt.



## ARTIC. VI.

*Cur ignis in misto non sit levis.*

**Q**Uod verò opponitur de igne qui extra cōpositum levis, in composito grauis esset: nō magis est mirabile, quàm quod auicula quæ libera facilè volat, & sursum se proripit; pedibus, aliisque constrictis, deorsum prouoluatur: eodem ferè modo, ignis in misto vinctus deorsum tendit, qui solutus in altum auolat: ni mauis dicere eum inclusum, atque constrictum à partibus grauib; deorsum ferri, non tendere. Sed quid hoc absurdum putant in igne admittere, quod in aqua experiuntur, quæ grauis in vapores nihilominus eleuatur? eadem nihilominus manens, vt grauissimi inter Peripateticos, experientia cogente, profitentur. Cuius diuersitatis motuum causam quoniam ignorant, liceat nobis indagari.

## ARTIC. VII.

*Quo absurda prædicta in Aristotelem retorquentur.*

**Q**Uod verò monstrum inueniunt in misto, vt contraria, contrariis iuncta stabulentur: lōgè horribilius in eorum doctrina, certum est demonstrare; si ad ea quæ docet experientia animus attendat. Aqua feruens, si ignem submoueas, loco quantumuis frigido paulatim deseruescit, ac calorem remittit. Si quæras, cur quæ ad frigus toto naturæ impetu rapitur, non illicò frigescit; sed gradatim ad frigus accedit; dicunt calorē ex aduerso renitentem esse in causa. Et quidem in eadem parte: ita vt eadem pars aquæ simul sit calida,



lida, & frigida. Frigida quæ calorem conetur expellere; calida quæ frigori reluctetur. Neque id incommodum putant, eam habere quosdam gradus frigoris, & quosdam caloris; modo neutrum è contrariis sit summè intensum; sed quantum vnum crescit, alterum decrescat: Summè calidum v.c. nihil prorsus habere frigidi; tantum verò de calore remittere, quantum accidit frigoris: Ita vice versa, summo gradu frigidum, nihil calidi retinere, cuius quantum aduenit, tantum frigidi deperat, licet nondum tactu calidum sentiatur; nisi quatenus minùs est frigidum: Calorem itaq; paulatim minui à frigore, quod in eadem parte natum paulatim augefcit. Neque enim hoc in sua schola possunt diffiteri.

Iam perpendant apud se: vtrum magis conueniat naturæ contrariorum, an vt sint in eadem parte subiecti, an vt sint in diuersis? Absonum censent, si contraria in eodem composito sese contingere asseramus; non magis absouum, eadem simul in eadem parte habitare?

At sunt tantum accidentia quæ proinde possunt esse in eodem subiecto; modo non nimis intensa: nos verò ponimus substantias, vt ignem, & aquam quas coniunctas, & contiguas posse subsistere, difficile est conceptu.

Verùm dum hæc isti respondent, non recordantur suæ doctrinæ asserentis substantias non esse inuicem contrarias, ignemque & aquam tantum secundum qualitates repugnare. Hæc inquam illorum, ex Aristotele, sententia: secundum quam, si ignem, & aquam diuersas nulli partes constituere dicamus; nō possunt inferre partes,



illas alias aliis pugnantes; nisi secundum suas qualitates; ut alia nimirum sint calida, alia frigida; totaque contrarietas sit penes accidentia.

Quæro inquam, absurdiusne sit, ea contraria, calorem scilicet, & frigus in diuersis misti partibus licet contiguas inherere, quam in eadem parte coire? Illi calorem, & frigus in eadem parte ponunt nos in diuersis; utrum absurdius? Sed utrum magis absolum est, vnum quodque horum contrariorum proprio subiecto fateri inherere, an alieno? Cum dicimus ignem & aquam in misto esse dicimus calorem illum & frigus inuicem pugnantes proprio quoque subiecto fulciri, & conseruari: idem dicimus, cum in aqua calefacta duo principia diuersa statuimus, quorum alteri calorem, alteri frigus sibi proprium adscribimus; Ita ut neutrius natura mutetur. Si verò cum in eadem aquæ particula simul calorem, & frigus admittunt, calorem ponunt in alieno subiecto, quod cum frigore in sua substantia, & veluti arce propriam manus conseruat. Atque nostro dicendi modo non difficile est concipere quomodo in misto calor viuat, atque agat: habet enim subiectum proprium, ignem. v.g. cuius virtute durat, atque agit: in aqua verò calida, habet partem sibi debitam, sibi que naturalem, qua fulciatur, ac vigeat, quæ quid sit, suo tempore declarabimus. Cum verò illi in eadem parte aquæ ponunt calorem extraneum cum aquæ frigore pugnantes: Peto cuius beneficio durat, agitque ille calor? Non virtute materiæ quæ non est actiua: An virtute formæ aquæ, quæ in contrarium toto appetitu, conatûq; reluctatur? vel cuius alius? ignisne qui eum produxit? At dicunt inter illos, Quid verò



verò huius superest quod hunc calorem foueat, nisi ipse calor quem ignis virtutem dicunt? Quam absurdum autem est dicere calorem ignis virtutē ignis virtute consistere atque operari? Aliāne ignis virtute hæc virtus ignis stat atque agit? illa verò per quam aliam? Ergo, igne mortuo stabit hæc ignis virtus, & per se quidem hoc accidens stabit, per seque pugnabit: & in arce contrarij stabit, & aduersus illud seipso pugnabit.

Aduertant igitur animum vter magis desipit: An qui calorem & frigus contraria ponit in eadem parte simul, an qui in diuersis? An qui ea collocat in alieno subiecto; an qui in proprio quodque illorum relinquit? An qui vult illa accidentia in alieno subiecto contra vim illius subiecti seipsis stare, atque agere; an qui virtute propria substantię cui inhærent ea stare, & vigere contendit?

## ARTIC. VIII.

*Quo rationibus, atque principiis Aristotelicis euincitur diuersas esse in aqua partes, atque diuersa principia quorum alterum frigus, alterum calorem foueat.*

**A**ctiones, inquit Aristoteles, sunt supposito-  
rum, vnde negat animam propriè irasci, appetere, dolere: sed hominem per animam. Ergo multo minùs agit frigus, & calor; sed aqua, sed ignis licet per calorem & frigus. Igitur cum sunt in aqua duo motus contrarij, & actiones contrarię; non proprię sunt caloris, & frigoris, sed subiecti vtrique communis; aquę, inquam, quę in duos motus contrarios tendit. Per frigus scilicet contendit, vt quàm citissimè sit quàm frigidissima: per calorem verò renititur, atque, vt remaneat calida,



conatur. Neque enim actio illa est caloris, sed aquæ per calorem. Quod actiones sunt suppositorum. Vel non est aqua quæ digitum immissum calefacit? quæ carnes elixat? quæ rerum virtutes extrahit? Non hæc facit aqua licet per calorem? Est igitur aqua quæ agit: & quæ ad frigiditatem toto appetitu rapitur; & quæ sibi ipsi eadem resistit, atque in contrarium tendit; licet per calorem. Atque hoc quidem motu proprio, atque suapte natura. Alias quid eam coegit, ut sibi ipsi per calorem renitatur? calore? At caloris non est actio sed aquæ per calorem. Aqua igitur per calorem, seipsam coegit, ut sibi ipsi per calorem renitatur. Hoc quàm insanum? quamque insanum id unde sequitur? Cum ergo nec ab alio cogatur, nec à seipsa per calorem cogi possit; minori dispendio fateantur eam motu proprio, & suapte natura, sibi ipsi per calorem reluctari. Sed hoc quoque quàm insanum est cogitare? Neque enim euaserit qui dixerit non coactam, sed necessariò tamen aquam se per calorem retardare. Quæram enim de necessitate, ut de coactione; quid ipsi hanc inferat necessitatem. Idemque monstrum quod prius, sequetur. Ad quod vitandum, eò recedendum erit, ut fateantur id quo nihil insanius quisquam imaginetur: ut dicant, vnum & idem, cum toto nisu in suum finem feratur, sibi tamen, motu atque actione propria moram necesse; atque in contrarium, contrario niti appetitu. Quippe actiones sunt suppositorum.

Cur hæc tam insana Aristoteles cum suis cogitur concedere? Quia nolunt admittere partes in misto contrarias. Quid ita? Quia, inquit, non esset hæc vera mistio, sed partium diuersarum iuxta-po-



fitio. Hoc autem putat absurdum genius Aristotelis. Quid? absurdum est partes contrarias esse in eodem mixto; & non absurdum est eandem aquæ partem pleno conatu ad frigus contendentem, à seipsa in contrarium suapte natura renitenti, retardari? Hæc non sunt monstruosa, ac portentosa? Quæ ut fugiant, necessariò agnoscendæ sunt vel contrariæ, vel diuersæ in aqua partes, quarum aliæ aliis aduersantur; ut inde mora hæc motuum struatur, dum contraria pars contrariæ agenti enixè reluctatur.

## ARTIC. IX.

*Quo ex Scaligeri, aliorumque positionibus quid sit in aqua calidum ostenditur.*

**S**caliger Exercitatione 12. in Cardanum. art. 3. docet æs ignitum fieri per partium ignis in poros eius intrusionem; quod de aliis quoque metallis asserit. Quam opinionem non improbant Connimbricenses in 1. de generat. c. 7. q. 18. art. 4.

Fundamentum verò suæ sententiæ hoc posuit Scaliger articulo præcedenti; *Quod non sit intensum qualitatum, sed accretio: sicut & quantitatis.* Vnde infert quod non est igitur maior calor intensione eiusdem partis, sed aliarum partium accessione. Alioquin si intenderetur, intenderetur etiam ipsa essentia. Quam verò huius affert rationem? Est enim, inquit, omne accidens proprium non solum æquale essentiæ, ita ut conuersione mutua fiat vtriusque de utroque prædictio: sed etiam, ut voluit subtilissimus Ioannes Dus, idem. De quo verò accidente proprio agit. De calore ignis nimirum, non quidem ab



igne, separato. Neque enim tam demens fuit, ut qui exercitatione 14. improperat ardano quod accidenti raritatem attribuat, ipse calori partes attribuerit; sed subiecto scilicet igni. Quod paucis, supra, lineis ita exprellerat. *Sint ferri partes nondum laborati A.B.C.D. in quarum singulis, verbi gratia, totidem sint ignis partes E.F.G. H. Malleo condensati ferri partes coeant in vnum quod sit. I. Sic ignis partes coibunt, & agent actione quadrupla in ipso. I. Ea actio appelletur K. Manifestum est eosdem gradus esse qui prius: verum ob coniunctionem efficiaciores. Quod autem de omni calore loquatur, & titulus manifestat qui talis est, *Quomodo calor nullus, alio alius sit maior.* Et ratio clara est. Cur enim potius in metallo fuso ignis particulas, quarum ille calor sit, admittat; quam in aqua calida; aliisque cum liquidis, tum spissis? Non aqua calida calefacit, coquit, adurit? Non actiones illae igni debentur aequali ratione? Alioquin en tibi contra Scaligeri assertionem, in aqua calida, calorem per gradus intensum, non partium additione auctum. Sed audiamus illū expressē id ipsum exercitatione decima quarta de aqua asserentem. *In aqua feruente qualitas est qua vrit. Ergo sicca est. Non vrit lignum. sed vrit cutem. Quia in hac est proportio, in illo non.* Neque aqua feruens est ignis, quatenus aqua est: sed quatenus ignita. Est igitur habens ignem & siccitatem, quam in fumo abeunte comprehendimus, intellectione, atque etiam sensu; vrit enim. Qui calor in aqua est, ignis est, contrarium suo mistus ab it igitur. Hec nostra ratio etiam tua definitione fulta est. Ignis, inquis, est maximus calor. Argumentum procedit sic: Aqua feruens vrit; omne vrens est ignis: Appropinquat conclusionem: haec ille ad Cardanum.*

A R T.



## ARTIC. X.

*Quo id ipsum aque euaporantis experientia confirmatur.*

**Q**Uoniam verò de fumis in quos aqua euaporatur, mentionem fecit Scaliger, eorum naturæ scrutinio, res etiam melius intelligetur. Quorum ascensus non minùs clara voce nostræ huic sententiæ suffragatur, quam contra Aristotelem vapores non esse aërem, conuincit. Et quidē, si aër esset, vt vult Aristoteles, is regionem propriam sortitus non vltcrius ascenderet. Etenim & ipsius sententia, & communi omnium iudicio elementa quiescunt regionem propriam assequuta. Neque hic vapor est reliquo aëre purior, ac leuior; vt propterea superiorem gradum requirat: cū, si quid ei opponas, statim in aquam reuertatur: adeo aqueus est; atque idcirco aëre longè crassior.

Cū itaque constet non esse aërem, qui aëris regionem transcendere conetur; sitque in eo aqua eadem quæ priùs, vt experientia docet; quid aliud est quod ipsam aquam sursum euehit? Calor inquit. Cur igitur diebus canicularibus aër æstuās non ascendit, vt aqua? Adeone calor citiùs attollit res crassiores? mirum si non & lapides, & ferrum. Vel, negentne aëre crassiorem fumum illum qui tam facilè propter aptitudinem ac propensionem, in aquæ densitatem reuertitur? Videant ergo, vel sanè sentiant igniculos per aheni, vel ollæ poros sese induentes cōtinuo aquam subire; donec multitudine corroborati sese explicantes, ac rarefacientes minutam illam aquæ sphæram quam ingressi sunt, extendunt, partibus eius diductis quæ



prius cohærebant. Hinc fieri, vt aliam oculis speciem obiciant; haud secus ac byssus subtilissimus qui compressus, & conuolutus candorem ostēdebat, explicatus, præ tenuitate, vix ab oculo percipitur, pristino candore, speciēque vanescente. Hinc ab illis ignibus in sublime raptam illam aquam, vbi frigus cogens, ignes illos partim expresserit, partim remanentes coarctarit, vinxeritque, in pristinum statum reuerti, densamque deorsum ferri.

Discant igitur etiam cur non solum frigidum, sed vel metallum, vel maximè vitrum obiectum eos vapores retineat, cogatque. Partibus enim aqueis vitro adhærescentibus, igniculi illi per poros tenuissimos erumpunt, vnde aqua rursus in libertatem vindicata, propriūque iuris facta, quasi postliminio reuertitur. Quin hoc ipsum alij sensus confirmant, gustus nimirum & olfactus. Quippe si ignis fuerit vehementior, aqua eiusmodi adustionem retinebit. Non qualitate aliqua in ea impressa, sed partibus terrestribus cum igne in aquam asportatis. Quas, si denuò aquam euapores, in fundo vasis deprehendes etiam materiam illam ex qua prodierunt redolentes. Quod arguit errorem illorum qui aquam in has partes terreas mutatā putant. Quomodo verò nō ignis modo sed & aër & aqua, vasa metallica transmeet, ponemus ob oculos alibi. Magnū fateor hæc doctrina patitur incommodum. Quod ex ea videtur necessario cum Platone ac veteribus dicendum Solis radios aquam euehentis non accidentia esse sed substantias. Si hoc sequatur, videbimus.



bimus. Quicquid sit, certum est potius cum Platone, priscisque naturæ mystis verum fateri; quam cum Aristotele, ac sequacibus falsum tueri.

Quæ autem de aqua dicta sunt ob eandem causam de rebus reliquis æquo iure asserantur; quæ ut aqua, calefactæ, plus, minùs, rursus ut aqua, citius, aut tardius refrigerant. De quibus eadem quæ de aqua quæri, atque inferri posse manifestum est. Ut si non aliæ suppetere, vel hæc una ratio sufficiat, ad demonstrandam evidentissimam illam partium in re qualibet, contrarietatem, ob quam sibi inuicem aduersantur: dum calidæ resistunt, quominus res ipsa citò frigescat; frigida verò quominus calefiat. Ita ut rei illius calefactio, sit partium calidarum; refrigeratio verò frigidarum vincientium actio. Quid igitur suis argumentis isti proficiunt, nisi quod veritatem, quam obnubere conantur, clariorem reddunt? Et enim si prius non tam euidenter coniunctionem elementorum in misto aliorum secus alia positorum demonstrassemus; ex his quæ illorum argumenta ministrarunt, luculentum feceramus. Vide inferiùs libro primo de Forma, Intentione secunda, articulo tertio, causam, cur lebetis aqua feruente pleni fundo possis manum indemnem supponere.

### *Epilogus.*

Hoc libro prima simpliciaque veterum principia materialia persueimus; atque in quo maximè



conuenirent, aperuimus; in eo scilicet, quod ex primis illis quas constituebant, rerum particulis, ita res omnes componi assererent, vt in cōposito propriam naturam retinerent: licet aliæ ab aliis impeditæ longè minùs agerent quàm solutæ: hinc non mirum si non sentirentur; nisi quantum agerent: Calorem, nimirum ignis in patiente, nihil aliud esse quàm affectionem ex eius actione procedentem; in igne verò esse ipsius actionem: & ita de reliquis. Propterea non falli sensum qui de ignis actione, non de eius præsentia iudicet; non autem posse agere, nisi quantum soluitur, vel à partium frigidarum constrictione relaxatur: de quibus fusiùs libro sequenti. Cæterùm Aristotelis sententiæ mistionem asserentis, minimasque misti particulas mistas & eiusdem inter se naturæ, eiusdemque cum toto rationis, haud secus, atque singulæ aquæ partes cū toto conueniunt, affirmantis; falsitatem absurditatemque non modò argumentis omni hominum astutia, argutiaque maioribus conuicimus, in lucemque produximus: Verùm si quid dubij restitisset, aduersariorum opera sustulimus; quibusque illam labefactare volebant argumentis, veritatem confirmauimus, quorum si lector meminerit, satis est. Quicquid absurditatis in hac doctrina veterum, frustra quærebant; id ipsum monstruosum in modum in eorum dogmate latitans reteximus, ac palam fecimus. Vt mirer quem colorem rei tam horribili possint inuenire. Porro modum huius elementorum coniunctionis suo tempore monstraturi, eos in præsentiarum remittimus ad huius vniuersi compositionem, in quo aqua terræ, aër vtriq; ignis aëri cohæret; nulla tamen forma com-  
muni



muni hanc firmissimam connexionem faciente. Quod de toto, iudicent de partibus, nec quem elementorum consensum in hoc vniuerso fateri coguntur, eandem in compositi particulis nouam putent; mirabili arte naturæ contextis; de qua suo loco.



# DE MATERIA ET MIXTO,

## LIBER II.

*ARGVMENTVM, vel. TRANSITVS ex præcedentibus ad ea quæ sequuntur.*

**Q**UONIAM Peripatetici in diiudicatione rerum calidarum & frigidarum, nituntur sensu: nos verò probauimus sensum de actione calidi, & frigidi, non de præsentia iudicare, calorem nempe misti, non esse nisi actionem ipsius ignis sensu perceptam; similiter & frigus. Quod Platonis sententia doctrinæque rationi cōsentanea comprobatur, id ipsum nunc confir-



mandum est, vniuersæ Naturæ testimonio; ex quo & ratio litem nobis adiudicet, & multæ quæstiones quæ hætenus Physicos, Medicosque vexarunt hac positione dirimantur, in quibus nullus, nisi qui vltro cæcutire volet, veritatem non videat clarissimam.

Probauimus quidem & Sole clarius fecimus lib. præcedenti, frigidas in misto partes non esse sine calidis, nec calidas sine frigidis. Nunc verò addimus & hæc. 1. Ita necessarias esse frigidas calidarum retentioni, vt quo plures fuerint calidæ eo plures frigide requirantur quæ illas inuoluant. 2. Quo melius calidæ à frigidis inuolutæ fuerint, si cetera sint paria, eo firmiorem fore mixturem. 3. Hinc fieri, vt plurima sint sensu & in extimis frigidissima quæ intus sint calidissima. 4. Quod ex his sequitur, tantum abesse vt, quod putat Aristoteles, res adustione partes calidas acquirant; quin contra longè plurimas deperdunt, paucissimasque retinent, cum aliis paratas auolare. Hæc sunt quæ Deo dante extra dubium ponenda suscepimus; non quidem seorsum singula probando; sed ex iis quæ natura suggeret, vel singulis, vel simul iunctis, per necessariam consequentiam omnia deducendo. Age igitur Lector, & hanc partem non ingratham nec inutilem gratus accipe.

INTEN-



## I N T E N T I O I.

De diuersitate partium compositarum ex  
quarum harmonia, totum resultat.

## A R T I C. I.

**S**Vperiùs necessariò non pauca præmisimus  
quæ id quod proposuimus ostendere non ob-  
scure designant; Non tantum prima elementa in  
misto seu maui composito manere, sed diuersissi-  
mas quibus mistum cõstat, particulas, ex iis primis  
rerum principiis diuersimodè constructas; quas se-  
cundas, docendi gratia vocare liceat. Ex his se-  
cundis variè coeuntibus, tertiæ fiunt non minùs  
quàm secundæ inter se differentes. Eundem in mo-  
dum, & ex tertiis quartæ, & ex quartis quintæ fieri  
intelliguntur. Ad cuius rei confessionem nos vel in-  
uitos ducit Experiẽtia in rei cuiusuis dissolutione.  
Quippe, res in ea resoluitur, ex quibus componi-  
tur. Atqui compositum naturale non primò resol-  
uitur in prima illa elementa, sed in partes quasdam  
inter se natura discrepantes; quarum singulæ spe-  
cies rursus in alias multiplices diuiduntur; & hæ in  
alias minutiores conciduntur. Sæpiùsque hæc par-  
tium diuersarum in minutiores semper diuersas sub-  
diuisio repetitur. Exemplo sit vva quæ pressa, in  
iustum primò & recrementa resoluitur. Mustum  
deinde feruescens partim in vapores abit, partim  
in spumas; partim subsidit in fecibus: nobilissima  
verò pars vinum est. Quod rursus si distilletur, pars



eius magis ignea sublimè fertur : ex aquea verò quod phlegma vocant , iterum educitur natura quædam subtilissima; quam salem Chymici vocāt. Ut omittam quam multa ex fœcibus vini eliciantur. Pauca de multis in quæ pars eadem subdividitur. Et quod de vua , idem ferè de omnibus putandum. Et si varia eorum diuisionis ratio; sicut & compositionis. Ad quæ, qui animum præparat , repetat sæpius quàm subtiles sint illæ particulæ etiā multiplicem compositionem sortitæ, vt vix sensu percipiantur. An verò præter hasce particulas materiales quas prima principia diximus, sit aliquid aliud, dicemus suo tempore.

## ARTIC. II.

*De partium differentia quæ sensum afficere solent.*

**S**I in anima spectes, differentiâmq; eorum motus contempleris, corpora omnia composita, in quatuor genera commodè possunt distribui; vt alia sint liquida & fluida; alia firma & constantia; alia vtramque naturam participantia qualia sunt fusilia omnia; alia denique meteora quæ sublimè feruntur; vt halitus & vapores.

In meteoris quandiu ascendunt, ignem superare, à quo ferantur; superiùs demonstratum est. In liquidis clarum est aquam excedere. In firmis terram. In fusilibus videtur plus inesse terræ quàm reliquorum, licèt non tantum quantum in constantibus.

Neque hæc diuersitas tantùm inter corpora inuenitur; sed inter ipsorum corporum composito-  
rum



torum partes: nam & vinum plurimas habet particulas subtiles, quæ seipsis facile exhalantur. Quod & in rebus siccis, vt aromatis obseruare est. Item in siccis, & maximè terreis insunt partes fluidæ, quas haud difficulter extrahas: & in pluribus eorum partes sunt fusiles, quæ coeuntes olea illa crassiora componunt, quale est gummosum illud quod è nuce myristica prolicitur.

Et quemadmodum in siccis corporibus partes quædam sunt liquidæ, sic in fluidis partes sunt firmæ, & stabiles, si secernantur. Porro esse liquidum duplex, notum est; aqueum scilicet & oleaginosum. Rursus est viscosum & glutinosum, quod quomodo ex prædictis constet; atque sit vinculum, & nexus rerum terrestrium ordine suo patefiet.

Cæterum quomodo ex illis diuersissimis particulis primis partes in infinitum discrepantes conflari possint; atque per aliquarum particularum, vel detractionem, vel additionem, vel situs partium variationem, aliæ in aliarum naturam facile transeant, non intellectu est difficile.

His ad faciliorem intelligentiam præmissis; sequitur vt ad propositum accedamus.



## INTENTIO II.

De Natura adipis.

## ARTIC. I.

*Quo differentes de causa efficiente adipis, sententia  
proponuntur.*

**S**olemne est inter Peripateticos, Medicosque de adipis generatione, contentio; quam dum componere se posse putat Laurentius qua st. s. lib. 6. non tamen soluit nodum. Galeni opinio secundo de *Temperamentis* est à frigido cogi adipem, quã veteres ferè omnes Græcos, atque Arabes tenuisse dicit Laurentius.

Qui contrariam tuentur opinionem, dicunt adipis materiam esse calidam, & agens calidum, quam sententiam attribuit Aristoteli, aliisq; Philosophis doctissimis Vegæ in primis, Argenterio, Laurentio Ioberto. Ipse verò Laurentius in Galeni sententiã inclinãs, eã exponit, vt pro frigido quod dicit causã esse adipis intelligat minus calidũ, vt v. c. plumbũ liquefactum dicitur à frigore cogi, non quod sit actu tale; si quidem plumbum iam coactũ manũ admotam vrit: non igitur actu frigidum est; minus tamen calidum. Hoc itaque modo vult ipse à minus calido adipem condensari, atque generari. Crediderim ego eam fuisse Galeni sententiam quã veram esse cõmonstrabimus. reliquæ verò partim veræ sunt, partim falsæ. Rectè quidem Laurentius cum à frigido, idest à minùs calido adipem dicit concreescere; malè verò cum adipem putat esse frigidum. Contrariæ opinionis authores malè à calido hanc concretionem fieri putauerunt, siquidem calor eam liquefacit: nec satis rectè cum adipis

mate-



materialiam calidam dixerunt; neque enim tota est calida, nec tota frigida; sed quod ea philosophia non agnouit; partibus constat aliis calidis, aliis frigidis; ita ut frigida calidas in se concludant.

Quod quomodo fiat, exponemus, si prius monuerimus, quam falsus sit Laurentius in solutione huius oppositæ rationis, qua probatur adipem esse calidum: quia nimirum accendatur. Cuius hanc affert causam: *Quod flammam concipiat facile, id habet à pingui, & aëria materia.* Hæccine dubij solutio? At quaeritur, cur pingue comburatur. Imò quaeritur quomodo materia illa quæ comburitur sit aëria; cum aër flammam non concipiat. Si enim quod ex aëre constat facile inflammatur; cur non & aër ipse magis? Aër non habet illam ex se aptitudinem; quomodo illam misto dabit? Nunquid isti dicunt refractas in misto qualitates? quomodo refractus ille calor aëris in adipe, si adeps inde tantam ad inflammationem, habet propensionem? Nullus igitur vnquam afferet causam, cur adeps, vel hæc materia pinguis, tam facile flammam admittat, accendatque tantam vim habeat in comburendo; quin Aristotelis militiam eiurans, in Antiquæ, veræque philosophiæ castra se recipiat. Rursus, non ille soluit argumentum quo ex adipe qui circa cor nascitur, causam eius calidam aduersarij inferebant. Neque enim causam eius finalem afferre, est quæstioni satisfacere, quæ non finalem, sed efficientem petebat.

## ARTIC. II.

*Quo Aristotelis sententia refutatur.*

**A**ristoteles lib. 3. de partibus animalium cap. 9. *Pingue, inquit, plenius renes ambit quam*



reliqua viscera. Quod & necessario fit, cum excrementum per renes transmissum coletur. Quantum enim relinquitur sanguinis puri, facile coqui potest. Finis autem proba concoctionis sanguinea, adeps & sauum est. Vt enim in combustis siccis, velut cinere, aliquid ignis relinquitur, sic in concoctis humidis nonnihil caloris qui effecerit, relinquitur. Hæc Aristoteles, qui adipem per adustionem calidum esse censet. Quomodo calor per adustionem generetur, dicemus inferiùs. Nunc cōtra Aristotelem. Facit experientia qua regionem cordi vicinam in qua viget calor adipe vacuum videmus: Animalium quoque calidissima minimè pingua, sed ea potius quibus calor deficit: vnde & castrata longè magis pinguescunt. Quod nequaquam fieret, si adeps adustione calidus euaderet. Sic enim quò quidque esset calidius eò facilius adipem adustione acquireret. Sed hæc falsitas magis liquebit explicandis. Quibus quid quoque sit illud pingui simile quod cordi hæret aperiemus.

### ARTIC. III.

*Quo vera adipis natura declaratur.*

**S**I igitur hætenus ea demonstrauiamus, quæ nemo nisi inuidus non videat, eandem philosophandi viam sequentes causam adipis cum materialem, tum efficientem inquiramus. Ineptè hi cum ex eo quod à frigido adeps concrescit, negant eius materiam esse igneam; ineptè illi, cum ex eo quod materia adipis ignea est; negant à frigido cōdensari. Nos contra materiam eius, magna ex parte, igneam asseruentes, causam tanti ignis in ea conseruati



uati, frigidum, humidumque demonstramus facile illis qui in nostris demonstrationibus videre potuerint elementa in misto propriam naturam conseruantia; mistumque ex partibus dissimilibus conflatum.

Atque ut rem aggrediamur, præmittenda sunt quædam omnibus nota ex quibus procliue sit ad id quo tendimus peruenire.

Notum est quomodo substantiæ calidiores, ac partium magis tenuium, coctionem non patiantur; quin quicquid subtilis in eis est; atque in quo vis earum præcipua consistit, auolet, atque euanescat. Id habent compertum illi qui aquæ vix tepidæ infusione earum rerum substantias eliciunt, quas decoctionis calor dissiparet. Et quidem hoc omnibus Pharmacopolis est exploratum. Chymicis verò præcipua cura est, ne nimio calore materia aduratur; ac eius ignea substantia exhaletur.

Sed quid opus Chymicorum operationibus? Norunt id coqui, norunt mulierculæ quæ condiendis ferculis postremum ponunt piper, gingiber, cariophylla, reliquasque aromatum species bene tritas; ne si diutius vim caloris maioris exciperent, illarum igneæ particulæ aufugerent.

Iam ad rem. Cor esse calidissimum, & caloris totius veluti fontem, qui per totum corpus sese diffundat, norunt philosophi, ac medici omnes. Nec quemquam latet quam calidus sit sanguis qui calorem & vitam, motumque corpori toti imperiat. Qua de re iuuat Platonem in Timæo audire. *Cum verò cognoscerent Di, cor rerum terribilium obiectu trepidaturum, & ira sæpius flagraturum, idque opus omne per ignem fore (nota per ignem fore) astus huiusmodi tem-*



*Perandi gratia, pulmonum tegmen cordi adhibuerunt. Ecce ut ignem in corde agnoscit Plato, quem inde per sanguinem in omnes corporis partes deriuari dixerat paulò antè. Sed hoc nostræ demonstrationes, vel circo clarum fecerunt.*

Ergo iam videre est, ut, quemadmodum decoctio subtiliores, calidiorésque, ac magis igneas aromatum substantias: ita cordis calidioris æstus quicquid in sanguine subtilius, ac magis igneum est, dissipet, atque amandet. • Et quamuis restent partes calidæ; ut quæ carni compingendæ, similibusque partibus, idoneæ sint; tamen illæ sunt crassiores, quæque multa terra ignem internum coërceant, quominus possit auolare. Subtiliores verò, & quæ minore terræ pondere grauantur, vi caloris interni solutæ sursum sese proripiunt.

At contrà, regionibus quæ procul sunt à corde calorem esse remissiorem, ac idcirco sanguinè minùs esse feruidum ratio demonstrat. Hinc qui è iecore sanguis deorsum fluit, longè minùs torretur: tum quia à corde remotior, tum quia cordis æstum transitu non passus est; sicuti qui in partes superiores sese diffundit: tum quia serum quo dilutus est, ipsius calorem temperat. Idcirco sanguinis illud igneum, & subtile quod in partibus cordi vicinis vi caloris exhalatur; in locis illis minùs calidis calore mediocri adiutum, exitum & si non minùs molitur; partes tamen illæ igneæ ubi sanguinis massam reliquerunt, loco non quidem frigido, sed longè minùs calido à partibus serosis, frigidisque quibus inuoluuntur, retinentur; ibique circa renes, ac partes alias inferiores concrescunt.

Haud aliter atque vapor ille qui permeatus corporis



poris euadebat ab proprio igne uestus vbi in superficie corporis peruenit, externo frigore comprimente facessit in sudorem. Ac ferè in eundem modum fuligo generatur, cum ignis qui humidum, ac terrestre fert veluti indumentum, parte subtiliore euadente, reliquum ab ambiente illo frigore sistitur ac condensatur.

## ARTIC. IV.

*Quo hæc causa pluribus aliis naturæ exemplis illustratur.*

**C**Æterum etsi hæc causa minimè est obscura; natura ipsa suis operibus eam reddit illustriorem. Herbx enim plurimæ quæ in paludibus, stagnis, riuis, aquisque frigidissimis nascuntur valde calidæ sunt. Imo in extremis montium recessibus qui niue ad æstatem teguntur, herbx oriuntur calidissimæ, inter quas sunt ferè omnes hellebori species. Cuius rei causa eadem est quæ ad adipis cōcretionis. Frigus nempe ambiens, ac humidum retinens obstat quominus ab æstu solis, calidum internum dissipetur. Hinc fit vt herbx illæ magna ex parte primo occurso gustui frigide videantur, propter externas partes quæ frigidæ sunt; mansæ verò diutius acerrimum emittant calorem: Solutis scilicet partibus igneis, vt dictum est. Hinc fit, vt multæ earum, propter eam partium contrarietatem corpori graues sint; quæ noxiis fecibus expurgatæ summum afferunt corpori leuamen. Plura in hanc sententiam metallorum aliorumque mineralium natura suppeditat. Qui enim quæ ex metallis calidissima eruuntur, quale est illud viride aëris animo perpendet; nequaquam



ea secundum omnes suas partes frigida iudicabit. Ac propterea intempestiuè mordax est Scaliger, cum Cardanum canina dente petit, quod is hydrargyrum extremè frigidum, & extremè calidum diuersis locis asseueret. Extremè quidem frigidum in extimis tactus docet. Extremè verò calidum in intimis, probat sublimatum illud quod partibus humidioribus discussis adeo acre est ac violentū; vt & admotum maximè corrodat, & assumptum præsentissimum sit venenum. Ideoque quod de adipe diximus, tanto igni continendo, atque coerendo: magnum frigus in exterioribus partibus necessarium fuit; Ad quod & loci frigiditas requirebatur. Vnde factum est vt montium frigidiorum penitioribus partibus metallorum natura deleatur. Quippe subtilissima illa natura quam Chymici Chrysurgi tantopere commendant, cito auolaret; ni & loci frigus à radiis Solaribus remoti, & rupium in quibus coalescit densitas, & humidum frigidum ipsam complexum retineret.

## ARTIC. V.

*Quo idem confirmatur ab adipis & similium effectis.*

**Q**Uod verò pro magno habetur incommodo, vt & adeps sit igneus, & nihilominus sit concoctu difficilis; atque propterea stomacho infestus; id maximè sententiæ nostræ confirmat veritatem. Causa enim sunt partes illæ humidae, & frigidae quibus plurimis ignea illa vis comprimitur, alioquin citò euasura, ni firmis illis veluti muris partium contrariarum cohiberetur. Sed  
tem-



temporis lapsu, muris illis à calido exteriori labefactatis, hæ partes igneæ liberiùs sese diffundentes adipem senescentem reddunt calidioré. Quod videre est quoque in oleo veteri quod calore acrius euadit. Quin quodcunque oleum inflammationi sedandæ admoueris; principio vi partium eiusmodi frigidarum ardorem compescēs, tandem, calido interno vincente auget inflammationem.

Sed animaduerte quo artificio ex oleo, vel adipe in lampadera infuso flamma cieatur. Ponitur elychnium siccissimum quod partes illas humidas quæ flammam coercent ad sese trahat. Hinc fit vt flamma admota quæ humidum illud dissoluat, dū id stupæ rapiunt, ignis exeat liberior, ac purior: qui alioquin eas secum auheret: vt in fumis omnibus videre est. Ac ne quis putet stupas in lucerna poni vt sint igni materies; videat elychnia quæ facta ex illo alumine quod plumosum vocant non vruntur, tamen si continuam olei inflammationem sustineant: Accenditur tamen oleum in illius aluminis extremo; quod solum flammæ nutriendæ non sufficeret nimirum ob illam humidi attractionem ab alumine factam, vt in stupis dictum est.

Sed vt vnde digressa est quæstio reuertatur: non mirum est, si ventriculus partes eas frigidas quæ ignem in adipe ambiunt, nequeat vincere: cum non nisi adimoto igne, vel longo temporis tractu superentur.

Hoc ipsum in vino videas quod cum sit partibus tenuium, atque calidarum, vt pote ex quo aqua illa ardens, & pene tota ignea facile eliciatur; nihilominus à stomacho difficile vincitur, ac coquitur; quod scilicet partes illæ igneæ non nisi partium



valde frigidarum ope vinciantur; quas idcirco stomacho superare non est facile.

Eadem est ratio, quod sulphur, cum admodum igneum, ac tam subito flammam capiat; prunas tamen iniectum à quibus accenditur, extinguat; ita ut vix postea ignescat. Quippe partes frigidae quas tanto potētiores in sulphure necesse est esse; quanto plus in eo ignis concludunt; subeuntes prunarum poros, igni exitum præcludunt sua densitate. Porro quid sintillæ partes frigidae docet salis natri conficiendi ratio, quod totum conuertitur in purum salem, si aqua vnde extrahitur diutius ignem sustineat: nimirum abeunte illo igne volatili qui hoc sale includebatur.

Venit mihi in mentem sententiæ Quercetani qui acutè contra communem opinionem, papauer valde frigidum iudicantem. idem valde calidū asserit: Id ab eius probat effectibus, inter quos hic est notabilis, quod eius succus in lampadem immissus, haud secus atque oleum flammam concipiat. Veruntamen (quod pace eius dictum velim) minùs consultè loquutus videtur; cum vim oppii, seu succi papaueris narcoticam, ex eius virtute frigida prodire negat, quam spiritibus sulphureis acceptam refert, qui ventriculos cerebri subeuntes, letheum illum soporem inducant; Id sulphuris & vini probans exemplo quorum spiritus cerebrum opplentes longè magis ipsum infrigident, quam aquæ niuis, aut glaciei quantumvis in extremo recessu frigidissimæ. Non inquam satis intellexit vir alioquin peritissimus, quam frigidas partes haberet vinum igneis continendis necessarias, quarum frigus, ut dictum est, stomacho tantum faceffat negotium.



negotium. Quod tamē frigus apertius in sulphure deprehenditur frigiditate humida prunas extinguente. Hæc partium contrarietas magis euidens, ac sensibilis est in aceto de quo si Deus dabit, longior, nec inutilis nos manet disputatio. Vt de pluribus aliis quorum speculatio non parū huic quæstioni seruiet. Denique si naturam consulas, videbis in omnibus id necessarium, vt quod de adipe diximus, partes calidæ frigidis includantur, & quo plus inest calidi interni, eo plus sit frigidi ambientis, & quo subtiliores sunt illæ partes calidæ, eò debiliorem velut calorem habeant, alioquin à vehementiore facillè dissoluendæ.

Superest vnum argumentum ductum ex adipe cordis quod Laurentius non soluit; id verò magis nostram confirmat sententiam. Quod vt liqueat, notandum, quod Fernelius observauit, album illud cordi adhærens, non adipem esse puram, sed quiddam inter adipem & carnem, mediam naturā sortitum. Quod eo patet, quia non, vt adeps liquefit. Causa verò hæc est, quia partes subtiliores ob caloris vehementiam abierunt. Aqua tamen illa pericardio contenta qua cor perpetuo madet, alias partes non tam subtiles cohibuit; vt ibi concrecentes speciem quandam adipis retineant. Quod igitur minus pinguis sit ea materia, causa est caloris vehementia: quod tamen pinguedinis naturam participet, causa est aqua circundans; atque partes aliquas minùs subtiles vel pauciores ibi retinens. Ob eandem causam oues, boues, capræ, & similia animalia in pectore vbi pulmonum refrigeratio sentitur, contrahunt substantiam quæ accedit ad naturam pinguedinis.





## INTENTIO III.

Quot modis aliquid calidum  
actu fiat.

### ARTIC. I.

*Argumentum.*

**C**Um ergo quod rationes clarissimæ à princi-  
pio commonstrarunt; totque iam modis cō-  
firmaueramus, nunc quoque experientia euident  
fecerit in adipe, & aliis permultis; scilicet ad cali-  
di retentionem, necessarium esse vinculum frigidi  
ambientis; vt quo rei partes magis igneæ fuerint  
interius, eo copiosius haberent frigidum exterius.  
Sequitur clarè, causam, cur res frigore sensum af-  
ficiat, non esse solam partium calidarum absentiam,  
quòd solis frigidis per adustionem contingit: sed  
calidarum à frigidis ambientibus constrictionem;  
vt sæpiùs diximus. Primo modo frigidi sunt cine-  
res ex quibus quod superat calidi, lixiuio eductū  
est. Altero plurima sunt frigida; vt herbarum plurimæ,  
vt metalla, & animalia non pauca. Et quidem nota-  
bilis est inter vtrasque res differentia: quod eius-  
modi quæ per partium calidarum extractionem  
infrigidantur; nulla postea ignis facultate calida e-  
uadunt; nisi forte ad tempus; dum ignis particulæ  
subeuntes in illis tantisper morantur, mox abitu-  
ræ. Alia



rx. Alia verò ita frigescent; ut si vel ignis beneficio, vel aliter partium calidarum sub frigidis delitescientium vincula solvantur; calida statim euadant, eum calorem etiam postea sensui probatura. Ex quibus sequitur cineres, & eiusmodi per combustionem facta, nullas ab igne partes calidas accepisse; sed ex plurimis quas ignis iniuria perdiderunt, pauculas facile euasuras retinere; quas tamen vis ignis per subiecti partium dissolutionem eduxerit, ac sensui admouerit, quæ prius sensum fugiebant. Ac propterea nullam esse vel herbæ, vel similis misti speciem quantumvis tactui, vel gustui frigidam quæ non longè plures in se partes calidas seu igneas contineat, quam cineres. Quod vel ex hoc euidentius fieri potest. Quia data quælibet herba talis, si partium humidarum euaporatione aruerit, paulatim incalescat. Et ne sit aliud; ignis inde elici possit copiosus, quem quidem ibi prius fuisse ita luculentum fecimus; ut leuitatem animi arguat longior hac de re disputatio: cineres verò, ubi quod in eis restat modicum calidi, lixiuio eduxeris; si centies igni admoneris, accendere non possis. Ex quibus sequitur & aliud quod pluribus demonstrare intendimus; calidum actu fieri per partium subiecti resolutionem, quæ est vel violenta, vel per consensum. Rursus violenta duplex vel per attritionem; vel per caloris externi actionem, de quibus ordine agentes ea quæ superius probata sunt illustriora faciemus. Nota tamen prius nos non negare ferrum & alia eiusmodi prius incalescere ignearum particularum introductione, qui tamen calor igniculis illis excedentibus citò præterit, de quo propterea non agimus.



*Quod demonstratur res gustu frigidas, contritione  
partium fieri valde calidas.*

**Q**Uercetanus initio suę pharmacopę restituta modũ docet eliciendi aquam ardentem ex rosis frigidis quidem actu & potentia, ut tactus, gustus, effectusque probant. Collectis nempe in magna copia, contulisque dolium complet, in quo diligenter obturato, ac in cella vinaria posito, tandem tantum calorem concipiunt, ut accendant. Cetera eo loco videre est. Iam quę prius frigida: erant, tactus calidas, sine dubio, iudicabit. unde calidas? Per antiperistasis inquirunt; Quippe calor à frigore retinetur, ne exhaletur; ibique additis gradibus, quasi coaceruatus, maior ac maior euadit. Euge, pulchram sanè rationem. Quasi verò quæratur, cur talis calor non abeat, atque euanescat, cum sit: non autem unde calor is incipiat ibi esse, atque incrementum capiat, si prius ibi non erat. Si enim quæratur, cur aqua calida diutius in loco frigido seruet suum calorem, quam si Soli appositae, Aristoteles rectè in suis problematis hanc reddiderit rationem; quod aer frigidior ambiens impediat partes calidiores ne ex aqua euadant; quę Sole aquam solvente, citius, ac facilius exeunt. At in re presenti nihil est tale: Non enim agitur de retentione partium calidarum quas Aristotelici negant in rosis pręfuisse: Sed de productione caloris eiusmodi; Si quidem nullę partes calidę in rosis illis ipsorum iudicio, pręfuerunt. Nec euaserint; si pro causa, putrefactionem assignent: Etenim putrefactio pręsupponit calorem, non contra; quod calor



calor & humiditas sint causa putredinis. Vnde Chymici ad rerum putrefactionem balneo, & fimo equino vtuntur. Vnde ergo calor ille qui hanc in re frigida putredinē excitauit? An à frigore? nuge. non lanè frigus produxit calorem, quē extinguit. Et si per accidens quandoque illum fouet, partes eius retinens, vt diximus. Vt hoc pacto vis caloris coniuncti sit maior non dissita. Quaro ergo, non quideum calorem contineat, ne dissipetur; sed quid eum ibi producat? Quod non ignorauerint, si cer- nere potuerint, quod iam toties demonstrauius, ignem internum qui ab humido frigido arctatus erat insensibilis; contritione partium solutum, & expeditum paulatim erumpere: cūque vase, ac loco frigido coerceatur, quominus aufugiat, ibi partium adiectione auctum vim suam, quoad humidum comes permittit, expromere. Quippe partes calidæ paulatim soluuntur, atque congregantur, retentæ à frigido circundante.

Quantum conferat illa partium contritio, cū alia pleraque, tum maximè racemi torsi fidem faciunt; Sic enim triti statim feruent, qui integri diutius illum feruorem differunt. Quod ipsum videre est in vulneribus, contusionibus, aliisque omnibus continui solutionibus, quas illicò partis calor vehemens consequitur: igne nimirum liberiùs grassante qui priùs per nexum partium ab humido frigido coerceretur.



## ARTIC. III.

*De solutione violenta facta à calore externo.*

**N**on agimus de illa solutione qua Sol fructus immaturos concoquit, quæ peculiarem postulat tractationem: sed de illa qua Sol, magis verò ignis res humidas exsiccant, vel siccas accendunt: quam exsiccationem, & incendium fieri per partium humidarum, frigidarumque extractionem; ignearumque solutionem, ad nauseam dictum est. Inter quam solutionem, & illam quæ fit partium attritione, hoc discriminis inest: Quòd in illa humidum remanet; In hac, ab igne vel radiis solari- bus abripitur. In illaeductio ignis interni fit paulatim; in hac, confertim; propter vim agentis crebros aculeos immittentis.

Hinc illa differentia inter utriusque effectus; quod ille ignis humido temperatus non inflammatur: ut hic, tanta humiditate liberatus. Cur verò hic ignis in quibusdam flammæ speciem non habeat, ut in ferro & lapidibus accensis; causa breui dicetur.

## ARTIC. IV.

*Quid solutio partium per consensum.*

**Q**uantam vim habeat aqua, ad partes rei calidas eliciendas, usus quotidianus, cū in multis aliis; tum in carne elixa facit perspicuum; ex qua videmus succum oleaginosum, atque igne plenum vi aquæ feruentis elici qui vix vnquam vi ignis cederet. Vnde fit ut carnes elixæ longè sint assatis sicciores. Causa autem hæc est. Quia licet ignis assando carnes, partes earum alias ab aliis ducat;



ducat ; atque ita facile se induens in humidum aqueum, id secum auferat ; vt superius de aqua in fumos euadente dictum est ; tamen humidum illud oleaginosum crassius & compactius, non facile igni cedit ; sed condens se, & stipans magis condensat, atque munit aduersus hostem. At in aqua feruente plurimus ille ignis quem inesse monstrauimus, ad stipulante Scaligero ; vbi partes carnis diduxit ; non solum humidum carnis aqueum aquæ humido facile coniungitur ; & frigidum frigidum ; sed & humidum oleaginosum à calido igneo vexatum vtrò se aquæ humiditati adiungit. Eadem est ratio aromatum, aliarumque rerum, quarum partes calidæ & sulphureæ vtrò in aquæ calidæ transeunt consortium.

Propter eandem causam oleum, & adeps, & resina, & bitumen, omniaque pinguia id genus, longè vehementius, ac celerius comburunt quàm ignis. Quoniam humidum illud viscosum, quod v. c. carnis partes connectit, cum, facta partium crassiorum diductione non cedat, nisi ægrè, paulatimque, igni ipsius aqueas partes successiuè abducenti, tum reliquas dissipanti ; id, inquam, humidum in oleo vel adipe accenso vtrò sequitur simile. Quandoquidem singulæ illius humidi visceris partes aliquid in oleo, vel adipe, vel similibus inueniunt quod suæ naturæ respondeat, vt ab aqueis aquea ; ab aëriis aëria ; ab igneis ignea ; à terrestribus denique terrestria non abhorreant. Vnde fit vt id humidum minùs resistat igni distrahenti partes quas compingit ; & faciliùs ignis acumen admittat, partium suarum spontanea dissolutione facta ; dum vnaquæque inuenit quod sequatur. Verùm de his fusiùs suo



tempore; quæ tamen hic visum est obiter tangere; ad faciliorem reliquorum intelligentiam. Hanc attractionem probant quoque rugæ illæ quas manus immersa in aquâ tepidam contrahit; præ iactura utriq; humidus illius quod aqua humida prolexit.

Hæc doctrina clarior erit, cum monstrauerimus quid sit in re vnaquaque illud vinculum quod ipsius partes connectit. Tunc enim apertius erit, quid fiat, ut metalla violentiam ignis, despuentia, rerum quarundam admixtione tam facile soluantur. Quid fiat ut res quædam corporis partibus minime noxiæ renum calculum tam facile comminuant. Vnde fit, ut Struthij stomachus ferrum concoquat: ut aurum quod ignis tormenta patitur illæsum, in catapotis, aliisque pharmacis assumptum aliquid emittat, quod cedat in ægroti salutem, ut referente Plinio in vicesimo nono, auro liquefacti, si gallinæ carnes admisceantur, ab illis rapiatur; unde concludit, auri venenum esse. Dicerem plura, si præsens materia pateretur. Sufficit autem ostendisse quomodo, per naturalem consensum, humido frigido, humidum frigidum attrahente, exitus pateat calido, atque ipsi igni, quem humidæ illæ frigidaque particulae quasi carcere concludebant. Vnde rei prius tactu frigida sequatur calor. Quod manifestum est in aceruo tritici vel similium, qui se aqua madeat, calorem inde contrahat magnum, unde sequatur eius corruptio.

#### A R T I C. V.

*De causa inflammationis calcis ad aquæ infusionem, opinio Scaligeri, eiusque exagitatio.*

**H**Oc quoque manifestum est in calce ad aquæ immersionem feruescente, de qua lubet



lubet audire hunc sagacem naturæ investigatorem Scaligerum, qui nihilominus, dum aliorum opiniones meritò redarguit, nihil ipse melius adinuenit. Exercit. 5. art. 8. *Inditum*, inquit, *calcis globum in aquam*, ita ut non totus submergatur, subit aqua etiam quæ non circumstat. Recentiores philosophi ea de re ita censuerunt, Calx sicca est præter modum naturæ suæ; idcirco quasi repetit humidum quod deest: ac propterea trahit. Hic, inquit, attribuitur actio siccitati. Hæc prima dubitatio. Alter error. Calx est lapis mortuus: cuius forma non sit assumpta, si qualitatis appetat instaurationem. At lapidis ibi quæ prius erat forma nulla superest. Loca potius quæ ab aqua tanguntur circumstante, ab ἰμπερὺμαles calore deserui videntur: Fugit enim valentio rem inimicum. Tum ibi duo euenire; alterum, aquam cale fieri, atque exhalare, à qua etiam superiora impetantur: alterum, magno impetu calorem sese subducere, propter sui contrarij vim, & interitus vitiationem; cuius in locum subeat aqua. Hæc Scaliger. Ut autem quid per eum calorem intelligat, noris, paulò post addit, Ex his intelligi potest, quare calx incalcescat. In calcis meatibus consumpta genuina humiditate inest ignis is aqua ingressum fugiens, ac sese in partes solidas induens, stipat se ipsum, atque acuitur condensatione. Quia calcis gleba, cuius verbi gratia, semissis tantum aqua tegitur, quanta extra aquam extat, incalcescit, recepto scilicet, intro calore illo qui exul sit. Ignis igitur est quem prius calorem vocauit; ignis scilicet ab incendio calcis relictus. Miror verò quod dicit Scaliger ignem illum ad aquæ aduentum, fugientem se in calcis partes solidas abdere, cum contra, & in aqua ignis ille reperiat, & acrimonia illa quæ in calce prius erat, non tanta postea sentiatur; ut facile sit cuius eius ignis à calce



in aquam transitum videre. Vel Scaliger tantæ Experientiæ vir, non expertus est sensu, non modò calorem, & acrimoniam in aqua; sed eadem aqua exhalata, non vidit partes calidas, acerrimásque subsidentes? Atque ita quidem causticas, & vrentes, vt ad cauteria nihil sit efficacius. Itane partes illæ quod fugiebant, in id sese immerferunt? Bene vertit quod non in interitum ceciderunt quæ vitare cupiebant. Quomodo in aqua intereant, quas si centies immergas, lymphæ exucta, puriores, subtilioresque recipias? Fugerint interitum quem inuenire non possunt? Scaliger superiùs ignem in aqua calida sentiebat; hic non illum sentit? ibi negabat calorem augeri per gradus; sed hunc, partiù ignis additione, crescere autumabat; hic sentit aquam calidam sine igne? calore auctam sine igne? bullientem sine igne? Interno, inquam, igne? Quid enim ad internum aquæ calorem externus ille ignis, qui aquam fugiens, se in calcis partes magis solidas recepit, seque ibi condensauit? Ibi verò ignem in aqua calida sentiebat.

Verùm his omissis, aggrediamur Aristotelicum ducem, atque ex Aristotelicæ Physicæ principiis impetum in eum faciamus. Aristoteles aduersus Democritum, & Empedoclem, necessariam elementorum corruptionem infert; ex eo quod non solum à contrariis corrumpantur; sed etiam in minutas partes diuisa per se intereant. Idque peculiariter de igne. Ignem, inquit, duobus modis corrumpi videmus: nam & à contrario corrumpitur, cum extinguitur, & ipse à seipso marcescens. Non hoc legerat vir peritissimus; qui minutissimas illas ignis particulas; in calcis actu frigida, gremio, etiam hybernis rigoribus



ribus credit foueri? nedum corrumpi? nedum mai-  
cessere? A quo nutritur ille ignis? à quo fouetur?  
Quomodo ignis qui non lucidus? qui non calidus?  
qui non leuis? cur ibi quiescit? sphæramne propriā  
consequutus? Grauisne ille ignis extra propriam  
sphæram? Si leuis, cur non sursum erumpit? Nun-  
quid hæc sunt argumenta, quibus Aristoteles cum  
suis, Empedoclem, Democritumque infestat? Sed  
Empedocles dicit ignem in mixto, à frigido con-  
strictum, & impeditum non ascendere, non agere,  
non moueri: impeditum nimirum. Hæc Aristoteles  
cum suis exhibant. Quid Scaliger? Ignem ponit so-  
lutum, otiosum tamen, nec agentem, nec ascende-  
tem; inertem prorsus, & insensilem? Non agit,  
inquis, nisi condensatus: Demus hoc illi. Cur non  
se condensat? Cur non in solidiores calcis partes se  
intrudit? Ne daretur vacuum? Non erat aër qui po-  
ros illos repleret? Adeone ponit ignauum ignem;  
vt non agat, non se moueat, nisi instante contra-  
rio? Dormiebat scilicet illic somnum Endymionis,  
cum repente ingruente hoste, quasi tubicinio ex-  
citatus secessit in arcem; vnde furens in hostem  
vicinum sagittas imaginarias iaculatur. Quid in-  
telligebat Scaliger perillum ignem? quid cogita-  
bat? quid volebat? vt pro errore simplici tam lon-  
gam insaniarum catenam produxerit? Non hæc  
vidit Cardani corrector acerrimus? Ita nimirum in  
alienis Lyncei, in propriis Talpæ sumus. Verum  
quid faciant homines acuti sanè; sed qui dum qua-  
si per transfennam cernunt veritatem; obiectis Ari-  
stotelicæ doctrinæ nebulis impediuntur.



## ARTIC. VI.

*Continens veram causam cur calx ad asperginem  
aqua accendatur.*

**H**is ergo cæcis ducibus relictis, nos, qua via  
cepimus, pergentes è proclivi rationem ho-  
rum in ellectu facilem assequemur; Si memoria  
repetierimus quæ sæpius iam de cineribus dixi-  
mus; à quibus aqua elicit igneas particulas quæ  
nulli ignis violentiæ cedere voluerunt.

Cur eas nequiverit educere, non est huius loci;  
dicemus alibi, si Deus dabit, atque ita dicemus, ut  
sufficienter dixisse videamur. In lapide, quemad-  
modum & ligno fuisse plurimum ignem, sed ar-  
tissimè compressum, testantur illæ scintillæ quæ  
elisione, ex lapide excutiantur. Combustione au-  
tem euadit ignis è lapide quemadmodum è ligno,  
atque pruna. Verùm quod contingit in cineribus,  
quiddam igneum restare quod nullà vi ignis eli-  
ciatur: id longè copiosius fit in calce quæ veluti  
cinis lapidis est, sed longè densior, ac propterea  
plurimum ignem in se continens, quem ignis ex-  
terni virtus intensissima extrahere nequivit. Ca-  
ius, inquam, dabimus alibi rationem. Superesse au-  
tem illi calci quantumvis aridæ, aliquid humidi re-  
statum nexus partium. Vinculum enim est ab hu-  
mido; quo propterea, per tempus abeunte, solun-  
tur partes in puluerem. Auolatque cum humido  
calidum illud, seu igneum eiusmodi solutum. Un-  
de fit ut aqua iniecta, calx illa nullum ampliùs det  
stridorem. Quippe soluto vinculo, ignis ille abiit  
qui talem in aqua solet strepitum excitare.

Pauxillum autem illud humidi quod in calce  
viua restat appetere similis consortium, extra du-  
bium



bium est. Rursus infirmius à firmiori, potentiori-  
que trahi non contra. Vt iam nihil mirum sit, si  
protinus aquæ iniectæ sese adiungat, veluti infir-  
missimum longè validiori. Vnde hiatu partiu fa-  
cto, copiosus ignis impetu exiliens, quid mirum si  
in aqua effrænâ suam virtutem explicabit? Et qui-  
dem, veluti ex olla feruenti, pars ignis liberior, ac  
volatilior per Bullas in fumos aquam auehit. Pars  
verò magis fixa quam Chymici vocant salem, in a-  
qua remanet; quem olim saxi partibus pro suo mo-  
dulo nexum dedit, illius materiæ partibus præsti-  
tura. Sed de hoc alibi.

## ARTIC. VII.

*Quo eadem solutionis ratio de similibus datur.*

**N**Ec parui momenti est ad eiusdem veritatis  
confirmationem, vitri, testarum, similiūq;  
rerum contemplatio, quas si candentes frigida in-  
spergas; franguntur, humido scilicet, quod partes  
nectit, ad vitandam calidi vexationem ad frigidū,  
humidūque laticem accedente; atque ita cōne-  
xionem partium deferente.

Hoc ipsum non minùs perspicuè videas in fer-  
ro quod ignitū si per se refrigescat, mollius est quā  
prius; partibus scilicet plurib. magis terreis deposi-  
tis. Sin aqua extinguas, indurefcit: quin si diutius  
in ea sinas, sæpiūsq; id repetas, fiet fragilius, humi-  
do nimirū quod partes vinciebat in aquā recepto.

Huc spectat illa tumultuosa metalli fusi ad frigi-  
dæ aspergiñe eiaculatio. Durius namque metallū  
ignis vehementis ardore continuo tandem lique-  
scens ad iniectā aquam magno cum stridore exilit  
in altum. Dicunt causam esse calidum in contra-  
rium renitens. Verum quidni & ignis vehemen-  
tissimus aqua iniecta facit talem eruptionem?



Quin vel extinguitur, vel ad tempus remittitur.

Causa igitur eadem videtur quæ reliquorum: humidum illud viscosum quod in metallo nativum ignem præ tanto ardore furentem cohibet. Hoc namque humidum in illa vehementi pugna dum advenientem aquam prosequitur, laxant se partes igneæ, liberioresque profiliunt; quantisper loci calor adhaeat, subito rursus à frigidiore reprimendas. Est igitur in re dissimilis, non absimilis ratio illi quam de inflammatione calcis protulimus.

### A R T I C. IIX.

*Quo eadem quæ superius rerum quarundam calefactionis causa demonstratur.*

**E**X his & aliis quæ diximus, facilis erit cognitio causæ, Cur aceruus frumenti, vel hordei, vel alius, id genus rei suum non satis fuerit exuctus humor, siue siccum rursus madeat; incalescit, ac putrescit. Etenim maturitas, egesto inutili succo, poros laxat; ut subtiliores partes paulatim exhalentur. Vnde fit ut plurimum annorum frumentum non parum substantiæ genuinæ perdiderit. Subtiles autem & igneas particulas humido frigido involui, ad raurum fuit declamatum. Si igitur frumenti aceruo (idem esto de reliquis) humiditas externa adfuerit; ad eam se humidum illud frumento internum deficiens, exitum calido permittit. Quod additione partium tandem crescit; ut in floribus attritis, & inclusis dictum est. Quod enim in his vas ambiens, ac loci frigiditas; id in aceruo tali præstat tritici ambientis ac densati veluti murus huic igni viam præcludens. Ad quod accedit calefactio fæni spontanea; quod vtrum si congeratur, in tan-



in tantum incalescit; ut interdum indigenam, atque intestinam flammam concipiat.

## ARTIC. IX.

*Conclusio.*

**Q**ui hunc librum cum superiori contulerit, ita conformes videbit, ut quæ de elementis inuiolatis mistum componentibus certissimis, apertissimisque rationibus conuicimus, id ipsum hoc libro particularium naturæ operum testimonio comprobasse iudicemur. Quippe quod hic adipis, & pinguium, aliorum, quod plurimarum herbarum, quod metallorum omnium exemplo demonstrauius; partes quæ intus sunt calidissimæ, foris esse frigidissimas; quantoque plus est calidarum interius, tanto pluribus opus esse frigidis externis à quibus calidæ vinciantur. Quod insuper calcis, frumenti, fæni congesti, florum contusorum, aliorumque permultorum testimonio clarum fecimus, reitactu frigidæ calefactionem fieri partium frigidarum remotione ad subiecti resolutionem; quocumque modo tandem ea fiat: Quid inquam, illa omnia demonstrarunt, quod non necessarium norit ille qui sciat mixtum vel potius compositum ex diuersis partibus coalescere quæ ex illis primis elementis propriam utique naturam seruantibus conflata sunt? Ibi nostræ demonstrationes posuerunt certissima principia; ex quibus, per necessariam sequelam, conclusiones hæc deducuntur: hic nostræ conclusiones, rationibus ab experientia ductis claruerunt, quæ nos ad illa principia vinculo consequentiæ reducant. Ita & hic nostrarum positionum probatio illa principia: &



ibi principiorū nostrorū demonstratio hasce positiones secum trahit. Illud autem in primis clarissimum fecimus, quod ex Platonis doctrina docueramus; non mirum esse si ignis compressus, & coarctatus non agat, nec sensum afficiat, quæ solutus sui sensationem infert. Ita ut non de eius præsentia, sed de actione sensus ferat iudicium. Quodq; nos ibi docuerat aer efflatus labiorum compressione frigidus, diductione calidus: hîc probatum, testatūque alia plurima reliquerunt. Contrariarum in composito materiæ partium pugnam illam, actionemq; reciprocam ita vidimus, ut non vidisse nequeamus. Cætera verò quæ per occasionem, elucidandæ rei gratia interiecimus; ut de humido compositi partes connectente, atque ad humidum adventitium secedente; ad aliam disputationem, locūque suis exquirenda reseruantur. Cæterum quoniam nonnulla ex prædictis dubia surrexerunt; aliqua supersunt, quorum luce exorta dubiorum illa caligo evanescat.



## INTENTIO IV.

Qua reliqua quædam dubia  
tolluntur.

### ARTIC. I.

*De iis quæ sensui calida suapte natura apparent.*

**S**I quo plures sunt interius particulæ igneæ; eo  
plures frigidaæ exterius ambire debent; unde  
fit ut



fit, ut quædam gustu acria sint? Si enim à frigidis ambientibus arcentur, quomodo quæ in eis sunt calidæ sensum afficiant? hoc est primum dubium.

Et quidem si de liquidis tantum quæstio esset, ut de aqua ardente, non tanta esset difficultas. Responderetur enim particulas illas, quia non retinentur à frigidis, facile exhalari. Verum quæstio est de duris ut de aromatibus, quæ cum valde sint calida diu permanent. Si in illis partes calidæ impediuntur à frigidis, quomodo sentiuntur? Si non impediuntur, cur non euaporantur?

Ad huius non magnæ difficultatis solutionem, notandum; rei eiusmodi duritiem, naturam eius valde terrestrem, densamque arguere: quæ etsi plurimum ignis in se habet, non tamen affatim in aliqua parte, sed in minutas particulas disseminantur per totam rei substantiam: ex qua per poros subtilissimos egrediatur; non tamen sine difficultate; dum singulas particulas eiusmodi non nihil humidi interiectum moratur. Unde nec tactum afficiunt hi minuti ignes; sed gustum potissimum: Quod lingua humiditate sua humidum illud igneæ substantiæ vinculum attrahat; calidum verò, atque igneum ubi solutum est, linguam afficiat. Adde quod tenuissimi eiusmodi igniculi non facile se frigore aeris permittant, nec homogeneorum viciniâ, societatemque relinquunt; ni facilius & copiosius exiliant. Atque hinc est, ut Cœlo calido maior fiat eorum exhalatio. Hinc est, quod ad linguæ contactum libentius erumpant calido linguæ, palatique sese ultro commissuri. Nec tamen quantumvis cōdas, ita seruaueris, quin aliquid expiret. Cuius rei



argumento est rei superficies minùs aëris quàm partes internæ; lapsis, nimirum, pluribus eiusmodi igniculis. Denique qui ad genus particulas expertus fuerit arte elicitas phialam ipsas continentem quàm diligentissimè obturatam sua subtilitate transpirare; sciet à contrario, pororum angustia in causa fuisse, cur adeo parce, ægré que è naturali domicilio migrarent. Conclusio igitur sit, tametsi inodicum quidem sit frigidi humidi; at sanè plurimum esse frigidi sicci quod has igneas naturas coerceat.

## ARTIC. II.

*Qui sit, ut res alie inflammentur; alia, licet ignescant, & solvantur, vix flammam emittant.*

**O**Rtus fontium etsi contrarius, nos tamen ad ortum flammæ quasi manu ducet. Ad fontis enim naturam duo requiruntur. Primum est, ut natura loci qui vapores continet in aquam soluendos dura sit, & bene compacta; ne alioquin vapores liberiùs transpirent, quos tale retinaculum in aquam conuertit. Alterum est, ut sit meatus aliquis amplus, & capax in quem guttulæ vndique confluentes copiam aquæ suppeditent. Similiter, inquam, ad flammam necesse; ut & igniculi illi per subiectum diffusi non possint ob nimiam pororum solutionem vndique egredi; sed amplioribus duntaxat laxatis; in eos hæ particule sese recipiant, è quibus affatim erumpentes, flammæ referant speciem. Hinc est quod è ligno in principio paucioribus solutis meatibus flamma exeat; è carbone verò quantumvis ardente, non item; facto, ni-



cto, nimirum, iam exitu vndique libero, per omnium pororum dilatationem, per quos diuisi igniculi non in vnum coeant; quod ad flammam requiritur. Item altera causa, rei scilicet nimia densitas flammæ impedit generationem. Enimvero quemadmodum si locus in quem vapores se recipiunt ita stipetur saxis, vt nullam habeat aqua viâ satis capacem, vndique per saxorum tenues rimas, videas minutim stillantem quam nullus alueus cōmunis excipit. Hunc in modum in saxi vel rei similiter densæ adustione, cum non sint meatus latiores in quos confluant igniculi, inde vbertim prodituri; dum illæ particulæ euadunt per poros tenues quos ignis agentis aculei vndique moluntur; nil mirum si flamma non appareat; quæ non fit nisi per copiosum fluxum huiusmodi ignium simul exeuntium.

## ARTIC. III.

*De puluere tormentario, & similibus.*

**S**I ignis qui tam copiosus exilit, fuit in illo puluere, cur non terreum illud vinculum æquè facilè soluit, atque ille qui extrinsecus admouetur? Modicus enim ignis hanc flammam excitat.

Claram huiusce causam dicemus inferius, cum quaeremus cuius virtute ignis agat; Est enim magnum naturæ arcanum adytum Peripateticis. In præsentiarum sufficiat, quod cum ignis punctim agat, ac findat acumine suo, non mirum sit, si illi aculei ita compacti, vt nullum acumen habeant; nō possint agere, nec pungere. Ignis verò externus cum sit liber nullo negotio soluit hoc leue impedimentum.



Rursus, cum pulvis eiusmodi sit siccissimus cur ad aspersionē aquæ modicum illud humidi quod connectit siccum non se recipit; ut vinculo soluto ignis erumpat, quemadmodum de calcis inflammatione docuimus?

Quantum sit discrimen utriusque siccitatis, probat calcis infra paucos dies in puluerem solutio: cum pulvis tormentarius consistat partibus firmiter compactis. Quod non fit nisi humidi viscosi beneficio quod utique potius humidum externum ad se attraheret, quam ab illo traheretur: vel sanè si illud humidum cedat, id fit paulatim, ut inde nullus fiat sensibilis exitus igneæ substantiæ. Multo etiam plus est humiditatis in aqua ardente; ut minùs quoque mirum sit, si non aquæ, sed ignis admotione humidum tale resoluatur.

Rursus, si herbarum ac florum attritione, partiumque corporis contusione ignis solutus exit: quidni huius pulueris contritione ignis eiusmodi soluitur atque euadit? Hic scrupulus non vexabit eum qui ex dictis superiùs nouerit, particulas quæ hunc ignem copiosum continent, esse minutissimas, ut difficilè sit eas conterere. Idcirco initio primi libri mirabilem minutissimam illius animalis fabricam oculis mentis obiecinus sæpius animo repetendam; ne crassum harum partium speculatores habeamus. Ergo si quid ignis tali contritione exit tantillum est ut non appareat, nec quicquam possit. Adde quod si maximè accensus esset ignis; pistillo vel alia retundente extingueretur; nedum ut est compressus, accenderetur; et si alioquin solueretur à tali vinculo. Quippe quem solueret pistillus, non sineret rarefieri, negato per suam compressionem



pressionem spatio, quod ignis accensio requirit.

## ARTIC. IV.

*Cur motus sit causa caloris.*

**S**Caliger exercit. 16. asserit, *Non fieri calorem, nisi propter aeris attenuationem: qui propterea igniatur. Itaque, inquit, fit non solum à corporibus solidis, sed à fluidis quoque cuiusmodi nubes sunt. Earum namque motu fit elisio. In solidis autem fit celerius, ac frequentius; propterea quod aer qui interea intercedit; atque is etiam fortasse qui est in eius superficie paruo momento ignescit. Distentum enim attenuatur. Id quod euenit in sagittæ quoque traiectione. Idem namque efficitur recta productione vna longa: quod breui frequentique iterata confricatione.* Hæc Scaliger. Nos verò his non contenti, vnde fiat, vt aer attenuatus calefiat, ambigimus. Melius fortasse dux eius Auenrois, quando Scaligero ibidem referente, sed non probante, ait, *Ignem à motu non fieri immediatè, sed à celesti calore in aere diffuso.* Ita scilicet quasi per nubem, veritatem vidit Auenrois solis principiis Peripateticorum impeditus quominus clarè videret. Calor igitur ille celestis ignis est Platoni, antiquisque cognitus, qui per aerem diffusus est. Quomodo verò per motum agat videbitur, si prius quod addit Scaliger examinauerimus; cum dicit in sagittæ traiectione, *idem effici recta productione vna longa: quod breui frequentique iterata confricatione.* Dubiū. n. per aliud dubiū soluit. Etenim querā, quā fiat, si tamen fiat, vt breui, frequentique aeris confricatione sagittæ igniatur. Nō ergo causā asserit quæ talis videtur.

Totā quā pertransit sagitta via, igniculi sunt eiusmodi, veluti cuspides intentatæ, in quas non minùs sese induerit currens, quàm si firma



ictus earum excipiat. Pone iam omnes illos igniculos simul; vt quorum acumina eo cursu pallum est telum, vno firmum loco, eorum omnium vim excipiat; valde profectò calefactum iri ratio docet manifesta. At illa traiectione sagitta non minùs ignium ipsorum licet diuersis locis oppositorum obit aculeos, quàm si eodem loco manens eos recipiat. Cur minus ab eis afficiatur? Eadem est ratio molæ circum actæ, vt videre est. Eos verò igniculos etsi quamplurimos, ita tamen dispersos non sentiri nil est quod miremur; in quos omnes cum breuissimo tempore incidat sagitta, ij tanto penitiùs suos infigunt aculeos quanto vehementiùs in eos sese allidit.

Sed quàm illud frigidè, quàm meticulosè, Scaliger, vel potiùs quàm ambiguè. *In solidis autem fit celerius, ac frequentius: propterea quod aer, qui interea intercedit: atque is etiam fortasse qui est in eius superficie, paruo momento ignescit. Distentum enim attenuatur.* Si loquitur de duobus corporibus solidis, inter ea mediet aër non requiritur, ad calorem: quæ enim ita cohærent; vt exterioris concauitate, interioris cōnexitas, nullo aëre medio contingatur, mutua collisione, quæ motu eorum aduerso fit, velocissimè igniuntur. Dum scilicet illa attritione igniculi ex superficie vtraque eliciuntur. Quorsum igitur ad hunc calorem aëris tenuitas? Sin verò Scaliger intelligit id quod exemplo illustrat. Quæso in sagittæ traiectione vbi inueniet illa solida corpora, inter quæ aër intercedat? Rectè ergo adiecit hanc particulam *fortasse*. Caterùm quomodo nubes flament suo loco dicemus.



## ARTIC. V.

*Cur aër flabello motus refrigeret.*

**E**T quamvis non pūtem impossibile, aërem vehementi agitatione calefieri: Si quemadmodum cremoris lactis agitati partes soluuntur, butyrūque à sero separatur: ita rapida iactatione solutis partibus aëris, ignis quē continet erumpat liberior. Tamen alio motu qualem facit res plana ipsum pellens, aërem frigesieri nedum incallescere sensus experitur in motu flagelli quo aër frigesceus æstuantia corpora refrigerat. Qua de re quid Scalliger? Exercit. 27.2. in Cardanum. Statuendum, inquit, *Aërem sua natura non esse frigidum, sed nostri corporis calori comparatum. Idcirco sentiri illum, qui nos ambiens, nostro contactu non sit concalfactus: id quod fit in manus translatione.* Obiicit autem: *At leniter mota manus atque in alium reducta locum, ibi eum frigidum cur non sentit? quia, inquit, leni motu illo secum hærentem trahit aërem: neque novum sine illo medio inuenit, cui occurrat.* hæc Scalliger. Quæ cum lego, an rideam, an miserear, dubius; miror virum tantæ experientiæ, dum aërem æstivum nostris corporibus minus calidum putat à nostro calore calefieri, ad Solis ardorem, aëris calorem nō sensisse: vel si minùs calidus ille aër quàm corpora nostra; unde fit, vt lapides, & ferrū igniat? Num fortè vult ab illis, imo etiam ab aqua aërem calefieri? Ego verò quæram, cur ad motum flabelli, aër qui lapidem igniuit, eiusdem minuat calorem, ac refrigeret?

Est igitur ratio facilis eadem quam superiùs de frigefactione aëris per contractionem labiorum



efflati attulimus. Flabello scilicet densante aërem quem pellit, aër quoque densior ignem comprimit, à quo res hunc calorem pati secundum Platonis Veterumque doctrinam, probabimus. Ignis igitur ille qui per laxatum aërem corpora inuadebat, dum ab aëre densiore comprimitur, frigidiores aëris partes facile sentiuntur; dum & fugant calidiores partes corpori adhærentes; & frigidum sui sensum imprimunt. Atque hæc est causa cur motus omnis æstiuum refrigeret aërem. De quo lubet etiam audire Scaligerum ibidem hunc in modum, in Cardanum insultantem. *Vnam reliquum est: quod neque ab aliis, neque abs te aliorum castigatore in tuis istis censuris, aut supplementis inuenio declaratum. Quare motus æstiuum refrigeret aërem. Id fit: quia calor ille nimius, factus per solis accessionem, quo aër calidior est, quam suapte natura erat, calor ille inquam, discutitur, atque dissipatur. Vtrum igitur? Calefitne, an frigescit aër motu? vtrumque. Nam qui aër calidus disturbatur, rarefit. Ab eo igitur multæ calidæ partes auertuntur. Ibi propterea frigescit. Partes verò aliæ partibus illis disitis circumstantes condensantur: quod & in sagittæ fit traiectione: atque concalescunt. Propterea quod multæ aëris partes in vnum coguntur: atque idcirco multus calor, cuius illa fundamentum. Hæc hunc ad modum resolvimus; ad primam vsque causam. hæc ille. Putabam Scaligerum sensisse aërem motu calidum effectum. Verum, vt coniicio, tantum abest, vt senserit calidum, quin quod ipse paulo ante calefactum à motu pronunciabat; nunc contra frigefactum rationibus conatur demonstrare: ita scilicet calidum & frigidum eodem ore efflat, cuius rationem reddere quærebat. Ecce*  
nimi-



nimirum motu rarefit aër, è quo dum multæ partes calidæ factæ auertuntur, frigeſcit. Illæ verò diſturbatæ quò ſe recipiunt? an in ſagittam traiectam quam pro exemplo ponit? Quis namque eſt ille aër qui in ſagittæ traiectione diſturbatus rarefit, & à quo parte multæ calidæ auertuntur? Nunquid ille eſt aër qui ſagittæ volanti proximus eſt, atque contiguus? Si ipſius multis calidis partibus auerſis, frigeſcit, quomodo ſagittam calefaciet? Ni fortè calidæ illæ partes vi ſagittæ, diſcuſſæ, in ipſam ſagittam præ ira impetum faciant. Mirum ni Scaliger cauſam imprudens inuenerit: Cur illæ venuſtiſſimæ veneres aulicæ ſuos accendant Adonides. Dum enim illæ ſuis flabellis aërem refrigerant, partes calidæ multæ quæ ex illo aere auertuntur iuuenes illos inuadunt. Et mirum adhuc ſi medullitus vrantur? Hoc ſi ita eſt, non parum ſibi deuinxerit medicos Scaliger; cuius beneficio norint horum iuuenum ardorem à flabello ſuæ amaſiæ promanare. Quis nempe hoc refutatione dignum putet? Aërem ſcilicet motu frigeſcere non poſſe, quin partes aëris circumſtantes inflammantur; proximarum nimirum calore cum ſuo cumulado? Atqui hæc, hunc ad modum, reſoluit ad primam uſque cauſam. Sed pergamus.

## ARTIC. VI.

*Cur aër efflatus calidus, frigiduſve ſit.*

**N**Eque enim, inquit, placent quæ in vicesima ſexta, & in triceſima quarta ſectione legimus. Ex oris anguſtiis parum prodire aëris, multumque peregrini aëris excitare. Quamobrem illius calorem ab huius exter-



*ni frigore superari.* Hæc inquam, non magis nobis placent. Quantulum enim aëris labiis diductis efflaris, calidum; quantumvis verò compressis, frigidum manus probabit. Non ergo paruitas, vel magnitudo aëris hoc discrimen faciunt. Nec tamen telum quod contra vibrat Scaliger, hebes est ac retusum. *Tubulum, inquit, in os indas, per quem efflaueris: Digito quamproximè exitum admoto frigidum percipies aërem prodeuntem: cui tamen nihil aëris extimii fuerit admistum.* Ego verò contra Aristotelem atque Scaligerum, quam superius assignavi causam paucis repeto. Pressus aër angustia labiorum ignem internum premit; laxatus verò laxat: quandiu tamen ab interno animalis calore ignis ille adhuc vicinus adiuuatur. Alioquin remotior factus facilè comprimitur à frigidis partibus; quemadmodum vapores ex olla prodeuntes paululum sublatis frigescunt. Atque hæc est causa, cur exiens è tubo, frigidus aër ille sentiat. Quam verò huius discriminis causam attulit Scaliger? Nullam sanè potuit, nec ullus poterit Peripateticus. Quicquid potuit Scaliger, id fuit: quod Aristotelis rationem improbarit.

Vt ergo paucis rem concludamus, & secundum Antiquorum philosophiam, & secundum rei veritatem; certissima causa; cur aër motu, atque compulsionem compressus, frigidus appareat, est coarctatio ignis intimi facta ab aëre presso. Quod præcipuè in ventorum flatibus experimur: exceptis illis qui plurimos vapores calidos secum circumferunt. Porro tali motu aërem comprimi superest, ut planum faciamus.

ARTIC.



## ARTIC. VII.

*An motus aërem condenset.*

**V**Entorum quidem materia quæ est exhalatio cum sicca, tum humida magno conatu aërem subiens non potest tam copiosa in aërem se intrudere, quin eam condenset, quod clarum est. Alioquin, cum non detur vacuum, quo se recipiat aër ille hisce halitibus cedens? Motu quoque rerum qui fit in planum, aërem comprimi duo reddunt perspicuum. Primum est ipsius aëris resistentia; alterum est vis eiusdem in pellendis, ac dimouendis rebus obiectis. Ne addam tertium quod egimus, ipsius scilicet frigiditatem. Quoad primum: Aër, ut omnia, refugit sui solutionem, unde acumine facilius finditur, planitie difficilius. Causa est, quia omnia symmetria, & syncrasia quadam partium connectuntur. Dum simile similis consortio delectatur. Esse autem & inter partes aëris dissimilitudinem supra dictum est ex Platone, & aliis. Quæ igitur partes conuenienter naturæ suæ connexæ sunt, nolunt dissolui. Vnde resistunt; faciliusque compressionem patiuntur quam solutionem. Quantum ad secundum attinet, videmus aëris motu res deici. Causa quærenda est. Auiculam. v. g. quæ libero alarum remigio aërem diuidebat; aër aquilæ volatu reuerberatus repellit. Fortior igitur aër quam prius, Alioquin non esset firmior in auiculam illisus, quam dum se illa in ipsum illidit. Hoc probat testa vel vitrum, quæ si contra lapidem iacias, tam facile confringuntur, quam si lapidem in illa proiicias. Atque manum




æquè læseris ea lapidem impetens, ac si lapide manum verberes. Quod ergo aër commotus, & in aduersum actus tantam vim habeat, argumentum est certissimum maioris ipsius firmitudinis, ac duritiei. Quod utique fit per partium adiectionem, dum aër resistendo sese condensat. Tunc enim vis vnita maior. Quam vim maiorem in modum videre est in vehementi ventorum flatu: quo firmissima non deturbantur modo; sed etiam radicitus euelluntur. Quod qui sine magna aëris compressione factum putet, non minus fuerit ridiculus, quàm si vi telæ aranæ magno impetu immissæ arborem euelli posse dicat.

Verùm de his plura quàm putabamus. Nectamen pœnitet rem difficillimam, quamuis pluribus verbis, ita facilem, claràmque reddidisse; vt nemini futurum sit dubium, aërem motu comprimi; nec obscurum, compressione frige fieri: dum, quod diximus, igniculi, qui laxati pungebant, compressi ab actione desistunt.

INTEN-





## I N T E N T I O V.

De quibusdam ad rem medicam  
pertinentibus.

## A R T I C. I.

*Quo rheumatis causa inquiritur.*

**E**T s i iam longè prolixiores fuimus, quàm  
rei qua de agimus, probatio require-  
bat; tamen cuius restorationem nunc primùm  
molimur. Veterum de multiplicibus principiis  
materialibus sententiam, viribus calumniarum  
prostratam; anticipationum pedibus conculca-  
tam, ac diuturno, tot sæculorum contemptu, at-  
que obliuione sepultam, tantæ moliserat, om-  
nium Philosophorum numerosissimo exercitu  
repugnante, ex Antiquorum ruderibus eruere;  
atque in suum splendorem restituere: vt solus  
aduersus tantas copias certaturus, auxiliares co-  
pias ex omnibus naturæ operibus accersere sim  
coactus. Hæ profectò nostram, veterumque cau-  
sam ita sustinebunt, imò euincant, vt victa perui-  
cacia manus datura sit. Sed quoniam ea philoso-  
phia maximè commendatur, quæ vsui humano  
plurimum confert; visum est hic pauca addere,  
quibus videat lector, velut ex vngue leonem a-  
gnoscent, quantum ad rei medicæ vsum conferat  
hæc disciplina. Potissimùm verò id quod ferè in  
huius concertationis exordio capimus de fluxio-  
nis causa absoluendum.

Querēbamus enim qui fieri posset, vt quod vo-



lunt, materia fluxionis quæ à calido liquefieret, à frigido exprimeretur. Id autem gratis dictum ostendebamus. Quando quidem nihil potest ostendi in natura tale quod, & à calore colliquetur, & idem à frigore exprimatur. Cera, sebum, adeps, metalla, viscum, gluten, & id genus omnia fusilia, cum calore liquecant, frigore condensantur non exprimuntur. Falsum igitur est id quod calore liquefiat exprimi frigore; falsumque est, id fluxionis materiæ convenire.

Quod ergo ex suis principiis nequeunt invenire; id clarum perspicuumque faciet prædictorum antiquitatis principiorum observatio. Dicimus igitur, etsi plures sint ac differentes fluxionis causæ remotiores; vnam tamen, eandemque in omnibus causam esse proximam; scilicet expressionem; quod quàm sit verum nobis propositum est ostendere. Exprimit frigus, exprimit calor, exprimit sanguinis copia; exprimit bilis; exprimit cerebri moles. Neq. de frigore, opinor, erit disputandum. De calore verò, potissimum solis, maior erit dubitandi causa. Quomodo inquã sol calore suo fluxionis exprimat materiam? Quia scilicet refrigerat cerebrum. Si frigefaciat, clarum est, quomodo exprimat. Cerebrum nempe frigore contractius angustiora reddit illa humorum receptacula; vnde necesse est eos defluere.

Eandem ob rationem cùm cerebrum succo vberiore refertum est, vel sanguinis copia venæ ipsius turgent, alvei humorum receptores angustiores effecti eos depellunt necessario.

Sed ad calorem reuertamur. Quomodo Sol calore suo cerebrum frigefacit? Eodem nempe quo ignis violentia,



lencia, salis nitri dū coquitur, calorem, ignémq. extrahit eodem quo è manu ambusta ignem ignis extraneus elicit. Eodem quo per agentis calorem, rei cuiusque partibus subtilioribus, calidioribúsque solutis, atque abstractis, quod restat frigidius manet. Prolectat inquam calor solaris partes cerebri igneas, magisque spiritales. Hinc frigida quæ relinquuntur potentiores effectæ, quod superest calidi condensant, vel in intimas cerebri mansiones cogunt. Longè enim minorem cerebrum habet capedinem. Atque hæc est causa, cur sanguis ab extremis partibus in intimas receptus, atque collectus cogatur per nares effluere; & quandoque aliunde. Quod si sanguis, longè magis serum, vel pituita. Pituita ergo ita compressa defluit abundanter, vel si ibi sistatur ab ambiente sanguine calefacta sæpe contrahit saluginem; vel propter miltionem putrefacta calefit.

Ergo in fluxionis curatione quæ prima intentio? Tollenda nimirum causa, quam qui non norint nequaquam sustulerint. Quæ causa? Nempe illa conceptaculorum coarctatio. Ergo cerebrum in debitam constitutionem reducendum. Ut vaporum quos recipit, vel humorum in quos hi vapores resolvuntur sit capax.

Quomodo verò hæc cerebri restitutio facienda? Vide quæ causa contractionis vasorum. An cerebri refrigeratio? An sanguinis abundantia pituitæ loculos contrahentis? An bilis copia, quemadmodum in intestinis; humorum profluuium citantis? An denique succo pleniore turgens cerebrum, quod veluti in pinguioribus adeps venas coarctat,



nis horis somnus ferè necessarius nos inuadat, præsertim cælo calidiori : Prolectis siquidem ab extrario calore partibus calidioribus, frigidiores ad tempus sensuum organa grauant, hanc inducunt necessitatem. Hinc quoque causa petenda est, cur Celso (si bene memini) teste, qui difficulter dormiunt, post coitum interdum in somnum soluantur. Nimirum per eiusmodi spirituum emissionē humido frigido prævalenti, calorēque reliquum sapienti. Consensum enim cerebri cum testibus spirituūque communicationem probat cerebri ex re venerea debilitatio, ut inde sequatur oculorum hebetudo. Quin propter hunc consensum & ea quæ consequuntur, Hippocrates, coitum speciem quandam epilepsis non dubitauit appellare.

## ARTIC. III.

*De causis cur papauer somnum inducat, & aliis eiusmodi.*

**I**am liquet, cur papauer quod valde calidum succi ipsius inflammatio testatur, sit adeo soporiferum : Quippe præditum est partibus valde calidis quæ magnam faciunt spirituum attractionem, partibus quoque valde frigidis : quæ partibus cerebri spiritalibus, subtilibusque dissipatis, in ita societate cum simili cerebri frigido residuum caloris facile consopiant. Idque iuxta ea quæ probauimus, quo quidque intus plus calidi continet, eo plus frigidi requirere quod huius calidi interni sit vinculū. Quod si arte vehementioribus illis tum calidi, tum frigidi partibus ipsum repurgaris, ex papauere summū lenimē conficies,



ac prorsus innoxium. Propter eandem humiditatem frigidi cum calido compositionem, sulfuris, ac carbonum fumus caput grauat somnūque infert; & multa similia. Hinc est quod narcoticum sit papauer, torporēque afferat parti inflammatae; calidum scilicet illius partis calido papaueris potenter attrahente; frigidūque partis, ad residuum caloris comprimendum, herbae frigido fortiter adiuuante. Eadem est ratio psyllij quod cum ad refrigerium adhibeatur, Mesue testatur ex partibus valde contrariis esse compositum, ut cuius medulla sit calida siccaque in extremo recessu, acris admodum, & corrosionis ulcerationisque vim nata prae potentem: unde & inter venena numeretur. Quae omnia de psyllij semine intellecta volumus. Hinc est quod si narcotica diutius membro cuiquam incubuerint ex tanta calidi dissipatione sequatur partis veluti caries, quam gangrena comitetur. Non autem corpora, corporūque partes quae frigore exstinguuntur, tam subitam corruptionem admittunt, non si praefrigore in glaciem concreuerint. Remanent nempe in illis naturae calidae, quamuis à frigore externo potentiori strangulatae. Verum haec sufficiant, quae cum praecedentibus coniuncta Lectorem, ad similem contemplationem quasi manu ducant. Haec scio non noua videbuntur pluribus medicis, qui Galeni Hippocratisque principia sequuntur, quorum doctrina multiplices naturas etiam in minimo seminis grano agnoscit. Talia viderunt qui in eiusmodi Medicorum libros inciderunt: verum principijs Aristotelis adeo aliena, ut destruant illam eius missionem; propter quam non mirum est si



est si multi medici in his quæ sunt clarissima cæcutiunt; qui cum Galeni Hippocratisque velint haberi discipuli, ignorant hæc prima illorum doctrinæ principia; quæ pro fundamento hanc, in parte quauis, naturarum diuersitatem constituit. Ex quarum actione mutua omnes corporis humani motus ac mutationes pendeant. Quod quidem principium ad Naturæ arcana clauem meritò nuncupauimus; vt & dicta hæctenus, & in posterum dicenda comprobabunt.

## ARTIC. IV.

*Quo precipua capita huius doctrine in summam conferuntur.*

**S**Ed iam tempus vt decurso satis amplo spacio; hic liber metam contingat, si tamen prius quasdam propositiones primi, ac secundi libri, memoriæ gratia, reduxerimus in synopsim.

1. Materia rerum ex minutissimis particulis diuersæ naturæ comparata est; quæ quidem naturæ siue sint quatuor elementa ignis, aër, aqua, terra; siue quid aliud prius ex quo hæc elementa componantur, speciei diuersissimæ sunt. Cæterum, naturas illas quæ ad ignem conficiendum sunt magis idoneæ nos ignem vocamus, & ita de cæteris.

2. Hæc principia post primam creationem ortus, interitusque sunt expertia.

3. In mixto propriam naturam seruant, aguntque aliter quàm ex vi alicuius formæ quæ sit composito vel mixto singularis.

4. Mixtum eiusmodi non dicitur ad mentem Aristotelis, cum sit tantum partium diuersi generis, secundum harmoniam compositio.



5. Res diuersi generis posse continuari, seruata propria natura, docent vini, & aquæ, multorumque aliorum commistio solutu facilis.

6. Melius hoc videtur in naturalibus compositionibus, in quibus est debita, cum proportione, partium collocatio.

7. Hæ primæ particulæ adeo minutæ sunt, vt nisi plurimæ in vnâ molem cocant, sensum non afficiant.

8. Ex his primis secundæ, & ex secundis tertiæ, ex tertiis quartæ, quintæ, sextæ componuntur, &c.

9. Hinc per tantam compositionis varietatem, res possunt in infinitum variari.

10. Hinc, licet primæ sint immutabiles quantum ad essentiam, secundæ, & tertiæ, & reliquæ facile possunt aliæ in aliarum naturam transire, paucioribus, aut pluribus mutatis, prout magis vel minus aliæ ab aliis recedunt.

11. Corpora quæ ex his fiunt alia sunt solida, & firma; alia liquida & fluxa; alia media, qualia sunt fusilia, alia meteora quæ sursum efferuntur.

12. In liquidis plurimum aquæ, in firmis plurimum terræ, in fusilibus plus terræ quàm aquæ, in meteoris plus ignis inesse necesse est.

13. In horum corporum partibus rursus hæc diuersitas inuenitur: dum aliæ magis igneæ: aliæ magis aqueæ, aëreæ, vel terreæ sunt, vt propterea aliæ ascendant, aliæ fluant, aliæ fundantur ac liquefiant, aliæ firmæ sint ac stabiles.

14. Elementa vt ignis, vt aqua, non præsentia sed actione sua sentiuntur.

15. Hinc



15. Hinc sensus non de ignis vel aquæ præsentia, sed de illorum actione testatur.

16. Quippe ignis punctione & diuisione, quæ fit per aculeorum ipsius inmissionem sentitur.

17. Hinc, ignis compressus non sentitur, quia non agit, non agit, quia impeditur.

18. Grauis ignis, quoties constrictus sursum auolare non potest.

19. Leuis aqua, quoties ab igne gremium suum subeunte, ipsamque extendente, sursum euehitur.

20. Extinctio ignis nihil aliud est quàm partium ipsius conseruatarum ab aqua vel aëre facta compressio, ac condensatio.

21. Melius agit ignis, partibus magis unitis ad debitam mensuram, non tamen compressis.

22. Magis congruum est rationi, ut hæc contrarietas, atque pugna sit in diuersis mixti partibus, quàm in eadem.

23. Magis congruum est rationi, ut in eodem composito pars diuersa diuersam impediat, quàm ut eadem res sibimet obsit, ac aduersetur.

24. Magis congruit rationi, ut in eodem composito substantia substantiæ aduersetur, quàm ut accidens aduentitium impugnet substantiam cui inhæret, cuiusque beneficio existit, atque agit.

25. Ignis in composito non maneret, nisi à partibus frigidis coerceretur.

26. Quo plus ignis est in aliqua parte, eò plus requirit naturæ frigidæ à qua vinciat.

27. Ut calor nimius loci atque agentis, qua-



lis est calor ignis aut solis calorem, rei dissipat: ita frigus calore temperatum calorem eiusmodi conseruat.

28. Hinc quæ sunt adusta, licet gustui calida sentiantur, longè minus calidarum partium habent quàm reliqua.

29. Quæ tactu, atque gustu frigida sentiuntur, partim partium frigidarum dissipatione, soluto igne intimo incallescunt, partim igne aliunde adducto, nūquam ibidem genito, cum ignis non generetur, si ignis pro primo elemento sumatur.

30. Solutio illa duplex, violenta & per consensum.

31 Violenta duplex per contritionem rei, & per solis, aut ignis ictionem.

32. Solutio per consensum fit, cum humido solo extimo intimum rei patientis humidum attrahente, ignis solutus agit, qui prius ab illo humido frigido retinebatur: vt in calcis inflammatione: Vel cū humido externo internum alliciente extrarius quoque calor innatum, ac genuinum rei calorem prolecat: vt in aqua calida rerum substantias attrahente. Vel quādo rei agentis singula elementa ob proportionem, singula patientis elementa attrahunt: vt in olei, adipis similiumque feruentium fit attractione quæ validissima est.

33. Humidum cōpositi non facile externū sequitur, nisi prius partiū nexus à calido dissoluatur, vt in calce & similibus: nisi etiā intimum illud rei humidum valde modicum sit. Hinc fit, vt aquæ ardentis humidum nō attrahatur ab aqua, sed eam, in societatem trahat.



34. Res etiam actu frigida incalescit, per calidarum partium immisionem; ut in aqua per igniculorum receptionem feruente.

35. Nunquam res incalescit per partes calidas quæ in illis generentur; sed quæ aliunde in ipsas adferuntur; vel sanè iam insunt, sed impeditæ.

36. Ad inflammationem rei requiritur; ut per paucos poros laxiores interni igniculi confertim exeant.

37. In densis corporibus, quæ terrea sunt maxime, pororum crebrorum tenuitas, crebros ignes, sed modicos, interposito modico humido facile retinet: qui solutione terrenarum partium prolecti ægrè vlla re continentur.

38. Motus ærem comprimit ut plurimum.

39. Aër compressus coercet igniculos qui liberiore in obiecta corpora inuadebant.

40. Aër efflatus strictis labiis comprimit internos igniculos; hinc frigidus; diductis verò labiis laxat; hinc pungentibus ipsis igniculis calidus sentitur.

41. Sagitta longa traiectione illidit in quamplurimos id genus igniculos per totam viam diffusos, à quibus ob sagittæ impetum infixis, ipsa incalescit. Quæ nouissimè ad rei medicæ usum pertinentia adiunximus non opus est repetere.

Hæc sunt quæ memoriæ consultum volentes in compendium contraximus: quorum quæ iam mirabilia viderentur, ea tam clara, certaq; fecimus; ut credam Lectori candido satisfactum. Quæ tamē suo loco dicetur consensu mirabili rem iam certam reddent etiam certiore. Si quidem non pauca ex occasione protulimus, quorum amplior probatio ad alios tractatus pertinebit.





# DE FORMA

## LIBRI TRES.

### *Liber Primus.*



V M haftenus vniuersae naturae viribus primam illam Aristotelis materiam de rerum natura sustulerimus; nec tamen quibus eam rationibus fundaret produxerimus: non deerunt qui putent nos eius argumentorum pondera dissimulasse. Quibus nunc satisfactum volentes, dicimus idcirco hunc in locum ea reiecisse; quoniam quicquid ponderis est in illis, in huius alterius principij formae nimirum substantiae suppositione consistit; ita vt si formam hanc substantialem euerterimus, falsissimumque esse vnius Aristotelis commentum quod rerum naturam destruat vniuersa natura suffragante conuicerimus; huius ruina simul illa quam excogitauit materia prima corruerit. Porro hanc materiam qualem ipse posuit hoc vno niti fundamento, non dicam ego; sed audiam acutissimum, verèque philosophum Zabarella, qui mota quaestione quomodo materia pri-



prima demonstrari possit, excussisque variis aliorum sententiis, dicit nullam esse aliam viam qua ad primam materiae notitiam peruenire possimus, nisi illam vanam qua Aristoteles in illo primo libro usus est, sumptum à mutatione substantiali; etenim hoc vno medio ostendi potest primam materiam dari, & nullo alio. Et post longam in aliis rationibus diluendis operam, addit; Quod verò aliqui dicunt, posse primam materiam, sine mutatione probari medio mathematico, sic, datur purus actus, ergo pura potentia, vanum est, Dialectica enim & probabilis est ratio, quæ nihil habet necessitatis &c. Atque hunc in modum ostensa reliquorum argumentorum leuitate, ita concludit. Vt igitur omnia quæ diximus paucis colligamus, summa hæc est; primam materiam dari, nullo alio medio ostendi potuit, quàm mutatione substantiæ per demonstrationem ab effectu. hæc ille pluribus.

Certum est autem, ni detur forma substantialis, non dari mutationem substantiuam qualem isti volunt, sed generationem esse nihil aliud quàm quod veteres voluerunt, debitam scilicet diuersarum naturarum in optimum ordinem compositarum harmoniam. Hoc ergo euicerimus si formam substantiuam impossibilem, commonstrauerimus nullam scilicet fieri mutationem substantiuam qualem Peripatetici intelligunt; Atque hoc euerso fundamento, corruit illa materia prima quæ hoc vnico firmamento suffulcitur. Neque tamen velim putes, nos idcirco in formæ substantiæ euerfione sudaturos; quo per illius destructionem, materiam illam primam euertamus. Quin iam adeo manifestis rationibus illius materiæ vanitatem reuicimus; vt inde per hanc Zarabellæ,



argumentationem inuersam nullam dari formam substantiuam nullamque mutationem substantialem, certò inferamus. Attende Lector, nisi datur mutatio secundum substantiam; datur materia prima. Ergo si non datur materia prima, non datur illa rerum secundum substantiam mutatio, qualem isti intelligunt. Sequela est necessaria. Sed non vnā esse rerum materiam, imo diuersissima principia, rerum natura nobis hactenus demonstrauit; Quid sequitur? Sanè res non mutari secundum substantiam quomodo volunt Peripatetici? Quod si non est mutatio substantialis, ergo neque forma substantiua. Quid ergo adhuc in euerfione formæ talis laboremus, quam materiæ illius Aristotelicæ ruina secum traxit?

Norunt Peripatetici quid dicamus, argumentationis nostræ vim percipiunt. Sciunt quid per substantiæ mutationem intelligant. Non enim animal v. g. vel rem aliam mutari secundum substantiam putant, cum nutritione, decretione, accretione, fluenti materiæ noua succedit materia; Quamuis, inquam, tunc res secundum materiam mutetur; vel materiæ tunc fiat commutatio: substantiam mutatam non intelligunt; sed tantum, si forma substantiua, quam imaginantur, pereunte; materia nouam subeat formam substantialem. hanc inquam substantiæ vicissitudinem volunt: Ex qua vicissitudine sola Zabarella probat materiam illam primam qualem ponit Aristoteles inferri posse. Nos contra quid? Per conuersionem necessariam. Non datur talis materia prima: Ergo neque talis mutatio substantiæ: Ergo neque forma talis substantiua.

Ante-



Antecedente certissimo, consequentia necessaria; quid adhuc in consequentis probatione laboremus? Si enim non est vna rerum omnium materia, quæ prorsus iners, omnisque expers actionis; sit mera potentia? Si contra diuersissimæ sunt naturæ ad rerum materiam præparatæ, quarum actio mutua naturæ mutationes efficiat; certum est non esse formam substantiuam. Si meminit Lector eorum quæ luculenta fecimus, non dubitabit conclusionem addere. Ergo non datur forma substantialis. Nos longè alia via procedimus quàm Aristoteles, ac post illum Zabarella. Ecce ex mutatione substantiæ, atque forma substantiua quam gratis supponunt, astruunt illam imaginariam materiam: nos contrà, illorum testimonio freti, ab euerfione commentitiæ illius materiæ, ad euerfionem fictitiæ illius formæ procedimus. Datur, inquiunt, forma per quam fit mutatio substantialis, ergo & talis materia. Vnde necessitas huius consequentiæ? Quia nempe nisi sit eiusmodi materia, impossibilis est hæc mutatio, atque hæc forma substantialis. Hic est Aristotelis, hic Zabarellæ processus. Nos verò contrà. Falsum est dari talem materiam. Scit Lector an hîc sit dubitandi locus. Ergo falsum est dari talem mutationem, talémque formam substantialem. Quid ultra laboremus? Probat Aristoteles, probat Zabarella, probant Peripatetici, ni sit materia, quam Aristoteles statuit, non fieri mutationem secundùm substantiam; nec dari formam substantiuam: An falsitatem talis materiæ perspicuam fecerimus, Lector iudicet. Quid ultra laboremus? Ergo sanè nulla est talis secundùm substantiam mutatio. Ergo nulla forma.



substantialis.

Hic ergo quiescere, causæque adiudicationem petere poteramus: Verùm de iure nostro decedentes, causæ nimirum iustitia freti, quicquid hæcenus fecimus infectum volumus. Nihil igitur aduersus illam fictitiæ Aristotelis materiam probauerimus. Sit Aristoteli res integra. Ecce Aristoteles nouus Antiquos, vnus plurimos, discipulus magistros impetit, ac possessione depellere conatur. Videamus quibus nixus firmamentis eam sententiam veteribus receptam de pluralitate elementorum ortus, atque interitus expertium expugnare præsumpserit, qua stante corruit Aristotelis de materiâ primâ sententia. Nam qui de arce quam obtineat, alius eum expellere conetur, vi maiori polleat ipsum oportet. Quo iure, inquam, bonæ fidei possessores exturbauit, atque in eorum fundum se intrusit? Hoc vnico quod ita colligit Zarabella. Summa hæc est, *primam materiam dari, nullo alio medio ostendi potuit, quàm mutatione substantiæ, per demonstrationem ab effectu.* Norunt autem illi, talem mutationem sine formâ substantiali non fieri. Quæ si non datur, corruit talis mutatio, talisque materia. Ergo de illa forma diligētius inquiramus. Sic enim quemadmodum prius per materiæ destructionem, formam euertimus; nunc vicissim in formæ euerfione, materiam destruamus. Quandoquidem iuxta illorum processum, hæc mutuo sese astruunt, ac destruunt.

Antequam tamen hoc grauissimum certamen ineamus; nolim Lectorem ignorare quàm anxius fuerim: an in euerfione fundamentorum Aristotelis pergerem, atque illa quæ firmissima restituere cœpimus,



cœpimus, doctrinæ Priscorum fundamenta, ex vniuersali Peripateticæ disciplinæ per partes excussæ, atq; dirutæ ruina stabilirem; an verò Lectori ex iis quæ hætenus demōstrauimus iam satis affecto, atq; ad audiendum parato; utpote auido veritatis cognoscendę satisfactorius, statim à principio omnium naturalium mutationum causas aperire conarer; expositis ordine in hanc rem Antiquorum principiis usq; & rationibus inuictis, & experientiæ certissimæ sensuque iudicio comprobatis. Vtrumque me angustię premebāt, ut quid eligerẽ, non facile esset iudicare. Multorum enim impatientia, longā, molestāq; futurū in hac confutatione disputationē à principio remouens in extremum reicere suadebat. Sic nempe visis prius illis quæ curiosam mentem alliciunt; deprehensisque naturæ operantis vestigiis, atque Veterum sensis à Peripateticorum calumnia vindicatis, Lectorem postea maiori cum patientia, & attentione in Aristotelicorum dogmatum discussione miraturum: quæ si in fronte ponerentur, animum laborum diuturnitate frangerent; antequam rerum nouitas recrearet.

Contra verò non satis utiliter, neque fini intento satis conuenienter facturus videbar; si dogmata vetera quidem, & olim celeberrima, iam tamen noua; utpote dudum antiquata, in animis Lectorum de nouo pangere tentarem, non prius eunclis radicitus quæ nostris maximè contraria, in illorum mentibus penitus insita sunt, ut hanc inueteratam opinionem eradicare in primis arduum sit ac laboriosum. Quis namque nos patienter ferat, cum formam substantialem negamus; donec omnibus modis eam exagitauerimus;



omniq̃ue natura teste falsitatem eius clariorem Sole fecerimus; Atque in conspectum omnium produxerimus illud principium, quod in re qualibet motuum, mutationum, operationumque eius causa est, vt tandem mirentur homines quod tandiu passi sint se veri specie deludi? Hoc si faceremus, deterſo prius fūco, veloq̃ue figmentorum, vt incepimus, prorsus detracto, innumera quibus naturalis Peripateticorum disciplina referta est, absurda, reſecta, atque ſummota, victrici veritati locum darent, fugataq̃ue caligine purior lux veritatis ſuccederet.


His igitur in vtramque partem agitatīs, viſum eſt conſultius in Ariſtotelice doctrinæ reſutatione fortiter cōſiſtere, antequam Antiquorum philoſophiæ reſtitutionem moliamur. Præſertim cum multorum quæ de Priſcorum doctrina dicturi ſumus, intelligentia magna ex parte pendeat ex iis quæ hiſce tractatibus aperiemus. Ariſtotelica deſtruēdo, Veterum fundamenta iaciemus. Nec deerunt quæ diſputationis leuent faſtidium. Quamuis roſa creſcat inter ſpinas, nec plana ſit via quæ ducit ad ſcientiam.

Hoc primo libro tria ſummatim quæremus. Primum, An verum ſit prima rerum elementa alia in aliorum naturam tranſmutari; qua, vt Peripatetici putāt, Experientia, maximè ſuam illam materiam primam, formamque niti volunt. Secundum: illius ipſorum aſſertionis falſitatē confirmabimus, cū formas omnes ex nihilo fieri, ac propterea creari eas oportere cōuincemus. Tertium, Idipſum clarius faciemus, cū eas formas à nullo, præterquam à Deo fieri demonſtrabimus. Atque hic liber  
erit



erit quidā velut apparatus ad Secundū, quo quæremus quodnā sit hocce in re qualibet agens internū, quod sit eius motuū, actionumq; principium. Atque inde demōstrationibus luce meridiana clarioribus euincemus non dari talem formam seu naturam in vnaquaque re singularem.

Tertio libro, Vanitatem rationum quibus hanc formam stabiliunt ostendentes, eorum argumentis nostræ sententiæ veritatem confirmabimus. Tandem, quod ad huius formę destructionem nimium est, corollarij loco, talem formam quam comminiscuntur continuè fluere; nouasque formæ partes pereūtib; succedere; ita vt in animali vetere nihil sit aut formæ, aut materiæ quæ iuueni inerat, Aristotelicos duces sequuti, aduersus Aristotelem, rationibus omnem pertinaciam frangentibus, extra dubium ponemus. Age igitur Lector & Deo Opt. Max. duce mecum hanc viam non multum difficilem ingredere. Erunt enim frequentes arbores, quæ fœllis vmbra ac refrigerium præbeant.



## INTENTIO II.

An Elementa prima alia in aliorum naturam conuertantur.

### ARTIC. I.

*Quo fundamenta pro Veterum opinione iaciuntur.*

**Q**Vandoquidem hæc intentio quædam est ad sequentem via; non erit abs re pauca præmittere, quæ vtique actioni sint communia. Primum ac Philosophis omnibus in Natu-



ræ inuestigatione receptissimum principium fuit,  
*Ex nihilo nihil fieri, & in nihilum nihil reuerti.* Quod  
 quidem vsque adeò verum est ac certum, vt Ari-  
 stoteles id negare palàm erubuerit : ipsum tamen  
 est quod vel solùm primo impetu eius de forma  
 substantiali diruit assertionem : quod eiusmodi  
 formas, cum ex quo fiant, non pollint assignare,  
 ex nihilo fieri, fatendum esse, iam Peripateticis non  
 sit obscurum, quamuis suam opinionem plerique  
 dissimulent. Vbi enim Toletus, vt alij, se in partes  
 omnes torfit, aliter effugere non valens, dicit illud  
 quidem esse mirabile quomodo formæ fiant,  
 non tamen quia mirabile, id esse negandum. Alij,  
 quo magis in responsione animos obstinant, eo  
 magis præbent se ridiculos. Alij demum vi argu-  
 mentorũ conuicti formas quotidie de nouo creari  
 autumant. Auicenna quidem ab Intelligentia  
 quadam huic prouinciæ præfecta : Theologi verò  
 ab ipso Deo Optimo Maximo. Quod profectò  
 dicere Aristotelem puduisset. Quali verò Deus  
 rerum propagationi tam negligenter prospexerit,  
 vt cum non sit vnde fiant, quotidie creentur. Mitto  
 alia plurima longè ab'urdiora, suo loco videnda,  
 quæ secum trahit hæc formarum substantiarum  
 excogitatio.

Quæ facilè erat vitare Veterum vestigia pre-  
 mentibus, in quos nullum telum vibrare conan-  
 tur quo se ipsos non transuerberent : vt palàm fa-  
 ciemus.

Quid igitur Prisci illi de præsentì quæstione?  
 Nullam esse necessitatem, vt talis elementorum  
 inuicem transmutatio cogitetur, quæ fiat per no-  
 uarum formarum substantiarum productionem.  
 Elementa scilicet quæ inuicem conuerti putantur  
 non



non esse pura, neque prima illa, sed iam alia ex aliorum consortio mixta, sed ab eo cuius plurimæ sunt partes denominationem sortita. In terra, verbi gratia, dicunt alia latere elementa; terram verò hanc molem vocari; quòd longè plus terræ quàm reliquorum contineat, quæcùm vel à Sole, vel ab Igne soluuntur, pateant, priùs absconsa.

Et quidem hæc sententia magnum nacta est præsidium in autoritate plurimæ selectæ Peripateticæ Principibus, quos magna Philosophorum turba secuta est, præfractè asseuerantes, vt retulimus, elementa formaliter in mixto remanere. Si enim in ligno, osse, carne, reliquisque mixtis, ac partibus eorum, sunt actu, & secundum proprias naturas hæc quatuor elementa, terra, aqua, aër, & ignis, vt plures eorum fatentur, cogente ratione, & nos clarissimum certissimùmque reddidimus: quid mirum Veteres illos iisdem argumentis ductos, ac victos in vnaquaque mole elementari, terrestri potissimum, reliquorum communionem debita proportionem temperatam agnouisse? ideoque nouam hancce formarum elementarium productionem, vt inutilem reieccisse, quod nihil vrgeret, cur eam admitterent? Non Experientiam, quam Aristoteles cum suis iactitat, quæcùm nullum elementum totum, vel notabilem eius partem in aliud aliquod elementum totum conuertat; sed eiusdem molis particulas alias in aquam, alias in aërem, alias in ignem, alias denique in terram seu cineres abire demonstrat; potius monet, vt inquiramus quid causæ subsit, cur diuersæ partes in diuersa cedant elementa. Cuius diuersitatis cum causa nulla possit assignari, vt demonstrauius, si illæ particulæ omnes sint



eiusdem generis, ut vult Aristoteles; sanè perspicuum est eas diuersas fuisse partes, quæ in tam diuersa elementa recesserunt. Sed de hoc fusè egimus.

## ARTIC. II.

*Quo Aristotelis argumenta perpenduntur.*

**A**ristoteles tertio de Cælo cap. 6. & 7. Empedoclem Democritumque hac de re exagitat. Huius autem hæc sunt verba, *Cum ex terra fit aqua, ex terra aliquid aufertur, si generatio est segregatio, & iterum, & reliqua simili modo oritur aqua. Si igitur hoc semper erit, eueniet in corpore finito inesse infinita. Cum autem hoc sit impossibile, non semper ex sese mutuo generabuntur. Cum hæc lego, miror Aristotelis subtilitatem; aut veriùs futilitatem: ne dicam cæcitate. Cæcus sanè, qui non videt quantam suis rebus infert calamitatem. Cum ex terra fit aqua, aliquid ex terra aufertur, si generatio est segregatio.* Respondent Peripatetici, cum suo dicendi modo, ex terra fit aqua, nōne aliquid ex terra aufertur? Volunt enim partem terræ corrumpi, cuius materia formā aquæ subeat; & illa pars materiæ è terra aufertur, si quidem in aquam abscedit. Quid igitur ferrum acuit aduersus Empedoclem, & Democritum; quo pectus induat? Reputent secum Peripatetici, quoties aliqua pars materiæ semper à terra separatur, quæ in aquam conuertitur; sequiturne in finito esse infinita? vel generationem tandem cessaturam? Cur hoc non fit? Respondebunt, Quia nempe quæ materia terræ ab illa separatur, ut aquæ formā sustentet, rursus in terram mutua scilicet conuersione reuertitur. Eia. Non hoc vident multò clarius ex Empedoclis, ac Democriti disciplina? Scilicet  
illam



illam aquam, quæ in terræ gremio delitescens vi Solis educta est, rursus à frigore aëris condensatā, in terram suo tempore recidere, iterum ac sæpius surrecturam? Necesse éstne illam aquam esse infinitam, quæ eadem mutatis vicibus sursum ac deorsum feratur? Valida scilicet Aristotelis argumenta, quæ cùm illum vehementius concutiant, non nisi risum præ ineptitudine sua auditoribus moueant.

Habétne aliquid melius Aristoteles? Elementū separatum à corpore cui erat impressum, non maius spatium obtinet; ac proinde, cum videamus aërem egressum longè ampliorem locum implere, quàm id quod in aqua erat, quis dixerit aërem fuisse illud, non aquam, quæ suo spatio contenta, ubi in aërem conuertitur, maiorem postulat capacitatem? *Humido, inquit, euaporato, spiritúque turgente, ea vasa, quæ molem continebant, præ angustia rumpuntur.* Hac ratione probat vaporem in quem aqua resoluitur esse aërem; de quo Meteorolog. i. cap. 9. *Atque considerasse oportet hunc veluti fluuium aëris & aquæ promiscuum in orbem sursum ac deorsum fluere. Nā cùm Sol prope terram fertur, vaporis fluuius in sublime effertur: cùm verò se dimouit, aquæ fluuius in terram defluit.* Quid ad hæc Empedocles? quid Democritus? Estne vapor aqua, qui tantum spatium requirit? Imò pro Empedocle, & Democrito respondebunt Peripatetici aduersus Aristotelem. Superiùs enim commemorauimus, quomodo Toletus post alios de conuersione elementorum disputans, probat vaporem nihil aliud esse quàm ipsam aquam rarefactam sine substantiua mutatione. Porro quid aquam rarefaciat docuimus, quidque illam sursum vehat: ubi, quibus rationibus euicerimus eos va-



pores non esse aërem, iuuabit Lectorem meminisse. Nec opus est repetere quæ de causis grauitatis ignis ibi docuimus. Cur, inquam, ignis & aer in mixto sint grauius. Dictum est sufficienter. Sanè has Aristotelis ineptias irrideant præcipui Peripateticorum duces, qui cùm elementorum naturas in mixto stare præfractè asseuerent; hæc omnia norunt admittere quæ Aristoteles redarguit. Si enim ut alia infinita exempla præteream, ignis erat in puluere tormentario, ut ipsi volunt, & est verissimum; quanto grauior, densiorque erat quàm ibi solutus mira agilitate erumpens in altum, ac præ loci amplitudine quem occupat, aërem discutiens, muros, turesque sublimè portat? Siccine quæ ex mixto separantur, non ampliorem petunt capedinem? Siccine quæ rara sunt, si densentur, grauiora non fiunt? & his rationibus Aristoteles Priscorum impetit doctrinam, quas inter suos præcipui ratione conuicti falsissimas esse pronunciant?

Eiusdem fabricæ est primum eius argumentum. Elementa in exiguas partes concisa longè citius hac diuisione corrumpi, quàm maiora corpora, quæ tamen diuisione constaret interire. Contra quos, inquam, hoc telum vibrat? Empedoclemne & Democritum? quin aduersus suorum sectatorum principes, qui hoc argumentum despicientes, elementa in minutas particulas concisa, in mixto nihilominus durare cõtendunt. Audiuius superius Scaligerum qui minutissimas ignis particulas, in calce superesse assereret. Quid ergo Aristoteli sui respondeant? Non mirum est, si res compositæ ex partibus diuersi generis; per diuisionem, solutione  
elemen-



elementorum facta, intereant: partes autem illas primas & simplices nequaquam posse interire. Quid contra Aristoteles? Nihil.

Profectò longè grauioribus Peripatetici alij alios vulneribus petunt, quàm Priscos Aristoteles. Quantas ille tragœdias, seu potius cruentas digladiationes inter suos excitauit hac de re; dum in diuersas factiones diuisi, quærunt quî fieri possit; vt, quod docuit Aristoteles, aqua in ignem, & ignis in aquam; aër quoque in terram, & vicissim terra in aërem contraria inuicem transmutentur? Communis quidem sententia Græcorum, ac Latinorum, ipsiusque Auerrois, verbis Aristotelis per se claris hærens, dicit aquam in ignem immediatè mutari, & ita de reliquis. Alij verò id negant validissimis nixi argumentis, hique bifariam diuisi, attamen in hoc consentientes, quod negent vnum ex contrariis posse in alterius naturam mutari; quin priùs formam aliam mediam subierit: aquamque, verbi causa, non posse ignem fieri, quin priùs fuerit aër, inquiunt primi; vel corpus aliud, vt volunt secundi. Eodem pacto aërem in terræ naturam non posse transire, quin priùs sub aquæ forma fuerit, inquiunt Primi; vel sub alicuius alius corporis specie, aiunt Secundi.

Toletus verò, qui eorum argumenta refert; vt tantum impetum sustineat, in quartam hæresim labitur, tanto magis Aristoteli noxius, quanto iniustiùs illum nititur defendere. Is namque vt Aristotelem labantem sustineat, ictu grauiori ipsum deturbat, dum negat quod Aristoteles ex-



pressis verbis asserit; vapores scilicet, in quos aqua conuertitur, aërem esse. Atque hac sua negatione euertit illud quod vnum habebat aliquam speciem elementorum mutuae conuersionis; aquae nempe in aërem, his vaporibus mutationem.

Enimvero in mole terrestri, non minùs quàm in aliis mistis, præcipui inter Peripateticos alia elementa actu inclusa fatebuntur. Nec aliam patitur confessionem diuersum elementum successiuo tempore ab eodem tempore è terra eductum. Aquam verò in ignem; & terram in aërem; vel contrà, posse mutari, meritò negant contra Aristotelem ipsius rigidissimi satellites. Aëris autem in ignem conuersionem nemo est qui viderit; licet id omnes habeant exploratum, magis Aristotelis auctoritate ducti, vt cæci; quàm eius friuolis, anilaribusque rationibus conuicti. Ignis denique in aërem transmutationem ratio falsi contuincit, si aërem putant id in quod flamma facessit. Nam iter suum in altum sequens, probat se non esse aërem; alioquin si aër esset, in aëre remaneret. Atque eadem ratione Toletus vaporem non esse aërem potuisset euincere, qui trans aërem sese proripere conetur, vt diximus. Sed quid esset probauimus, & quæ hîc repetimus, ratione euidenti singula in apertum posuimus.

Nunc, vt quod incepimus, absoluamus; quod aquae locum in vase decrescantis aëris occupat, non aquae in aërem commutationem arguit: tum quia aër aliunde potuit obrepere, tum quia cùm aqua nō sit purum elementum, quod aëris exit ex parte corrupta aquae, potest locum vacuum repleere; inest enim



enim huic aquæ non paræ magnapars aëris. Supererat vnus modus quo elementum vnum in aliud totum mutatum esse putabatur, cum scilicet aqua in vaporem conuertitur. quod dum Toletus, Massilius, aliique multi negant mutatione substantiali fieri, sed aquæ duntaxat calidioris rarefactione; Quid superest quo remaneant aliqua mutæ huius elementorum mutationis vestigia; cui & ratio ipsa non contradicat; & primi ipsi Aristotelis sectatores cum magna Peripateticorum multitudine non reclamant? Audiuimus ex Aristotele mentem Veterum de elementorum generatione, qui ea non de nouo fieri; sed cum mixta essent, & quasi vincta, ea resolui, & exire in lucem crediderunt. Quid possit in eos Aristoteles, audiuius. Mentem: erò ipsius Aristotelis sui ex eius libris intelligere; vel intellectionem probare dum nequeunt, inter se dissidentes mutuis vulneribus concidunt.

## ARTIC. III.

*Quo demonstratur quomodo aër vas quodlibet quantumvis densum & obruratum subeat.*

**S**Ed illud quod diximus, planum est faciendum, Quomodo scilicet constet, aërem intrare posse in vas quoduis quantumvis diligenter clausum; locumque aquæ supplere. Esto vas æneum operculo æneo apprimè clausum, vt nihil expirare posse videatur; certum est vi ignis totam aquam consumptum iri vt nequidem gutta supersit. Quo se recepit? In aërem inquis conuersa est. Attende. Dicunt aërem decuplo rariorem aqua. Scaliger dicit longè magis & rectè. Ergo si aqua in



aerem conuertatur decuplo amplius spaciū obtinebit. Et qui ē cernimus cum aqua euaporatur, quanta vaporum multitudo exeat, aqua tamē minimum decreſcente. Audi igitur. Ad ſumum decima pars aquæ in aerem cominutata vas complet. Quò nouem partes abierunt? Non enim reductæ ſunt in nihilum. Siue enim ſub eadem aquæ ſpecie, ſiue ſub alia forma exceſſerunt; certum eſt abiſſe. Si dicas, mutatam in aerem è vafe exiſſe: iam fateris quod probaturi ſumus, aerem poſſe in vas quamuis denſiſſimū, ac diligentiffimè clauſum ingredi, ac locum aquæ abeuntis ſupplere. Quĩ ſcis igitur an aer ille qui vas replet extrinſecus aduenerit; ita vt tota aqua tranſpirarit? Nunquid potuit tam facile is aer ingredi, quàm reliquus egredi?

Poſſe inquis, aerem ſubire, & exire compertum habeo; quomodo autem aqua, ni in aerem tranſformetur, tranſpirare poſſit, non video. Iam igitur efficiam vt oculis mentis, ſi non corporis, exeuntem cernas. Eſto lebes æneus aqua plenus; igne ſuppoſito ferueat latex: ſublato ex igne lebeti poteris indemnis manum ſupponere atque imam illam partem quæ ignis impetum ſuſtinuerit manu inoffenſa tractare, quam ſi in aquam immergas, ſine dubio vras. Huius refrigerij in ima vaſis parte cauſam ſi Peripateticos rogem, quid reſpondent? Igitur cauſa accipe clarā quæ libris ſuperioribus probata confirmet. Humidum aeris quod vim ignis patitur, attrahit ad ſe aquę internæ ſubſidium. Audin? At, inquis, lebetis partes quæ laterales ſunt, non minus aquam attrahunt; cur fundo ferè frigido hæ ſunt calidiſſimæ?

Si me-



Si memor es quomodo ignis aculei subeant poros vasis atq. in aquam sese insinuent, facilis erit huius causæ cognitio. Ignis particulae quæ vase vacuo ibi sillerent se, atque in obiectâ partem coeuntes vim totam coactæ in illam exererent; aqua quam aeris humidum in auxilium vocat, impediente, non ibi moram faciunt, sed qua possunt celeritate transeuntes partem illam relinquunt illam. Iam verò in aquam coacti illi igniculi, dū exitum moliantur in latera lebetis impingunt frequentes; unde & incalescunt: imum verò unde ascenderunt vix repetunt, ut nil mirum sit si non calefaciant.

Ergo, sentisne aquam in poris imi lebetis, ignis viribus obstitentem? Minimè, inquis, sed frigus sentio ab aqua productum. Quæ aqua produxit? Quam lebes continet. At est calidissima. Tantus calor utrinque, hinc aquæ feruentis; illinc ignis agētis id frigus produxit? Hoc est Peripateticis miraculum; nō illis qui aquam in imi vasis densitatē insinuare sese cognouerint; atq; ibi ignis actioni resistētē. Qui id cernit quod sensus docet; videt quomodo aqua per vas quoduis quentūvis obturatū possit transpirare natura eadē manēte. Est aqua in imi lebetis duritie. Et quidē uallo cogēte illuc se recipit humido aeris, aduersus ignē opē latura. Quæ ultro aeris duritiem subit; quidni possit hæc aqua per vasis duritiē trāsire, cū ab igne vrgetur? Quippe minutissime sūt illius partes. Ergo vides, ut in exēplo posito, aqua tota per vasis poros exire potuerit, salua specie. Aerē qui locū aquæ supplet; et, trāsire potuisse, nō est dubiū. Ita ut nulla experientia arguat aquæ in aerē mutationē. Egreidente nimirū aqua, aer ingreditur. Sed mirum aquam in illa vasis densitate



non esse calidam; cum hinc inde instet calor maximus. Qui ita cogitat, non recordatur, calorem in aqua feruente non esse aquæ, sed ignis qui aquam copiosus ingressus est. Ergo hæc aqua in imo aëre non est calida nisi modicè, quia non inest ignis nisi modicus, propter rationes prædictas. Quippe ignis est qui sensum caloris infert, non aqua. Videbis inferiùs, cur propter eandem rationem, aër mediæ regionis non sit calidus.

Hæc cōuenissent illi tractationi qua quærebatamus quid esset quod aquam calidam redderet, eamque sursum veheret: quæ iuuerit recordari. Non tamè minùs congruunt huic quæstioni. Si quidem hac experientia constat, quàm decipiantur qui putant aquam aëris naturam induere. In his summum secretũ est, vt meminerimus semper summę illius naturæ subtilitatis de qua principio præmonuimus.

Haftenus igitur patuit vanitas rationum quibus Aristoteles probabat mutuam elementorum conuersionem. Quæ tamen conuersio erat præcipuum argumentum, quo aduersus Empedoclem generationem substantialem arguebat.

## INTENTIO III.

Qua probatur formas ex nihilo fieri ac proinde creari.

### ARTIC. I.

*Quo Aristotelis distinctio examinatur.*

**A**ristoteles libro 1. de generat. cap. 1. Proposit argumētum Veterum, generationē substanti-



stantiâ negantiû; nihilque aliud esse generationē  
asserentiû, quàm partium priûs existentium con-  
structionem, quemadmodum ex diuersis partibus  
præexistentibus domus componitur. Fuit enim  
hoc Philosophis omnibus receptum principium,  
*Ex nihilo nihil fieri*. Hinc rectè inferebant, nihil fie-  
ri quod non præfuiſſet secundum suas partes. A-  
lioquin estne aliquid in ea re quod non præfuerit,  
saltem secundum suas partes? Ex quo igitur factum  
illud aliquid, si partes ex quibus fieret non erant?  
Sanè ex nihilo factum sit, necesse est. Quod est im-  
possibile. Quod si omnes partes illius rei, licèt mi-  
nutissimæ præfuerunt. Certum est illius rei gene-  
rationem esse tantum certam eiusmodi partium  
præexistentium compositionem, vt Prisci vole-  
bant. Quid Aristoteles? Negat rem secundum o-  
mnes suas partes præfuisse actu, sed tantum po-  
tentia: præfuit inquit rei materia, non autem for-  
ma, nisi potentiâ præfuit. Dicit tamen hanc formâ  
esse præcipuam partem Physici compositi. Fitne  
hæc forma ex nihilo? Non audet dicere. Quid er-  
go? non fit forma, inquit; sed compositum totum.  
Quid? Compositum physicum fitne ex partibus  
quæ non essent? Erant potentiâ, inquit, forma sci-  
licet inest materiæ, potentiâ; ex qua potest educi.  
Sed formam esse potentiâ in materia, éstne par-  
tes formæ inesse ex quibus illa fiat? Minimè. Quid  
ergo? Quærendum.

Ergo formam inesse materiæ potentiâ, nihil a-  
liud est quàm asserere materiam fuisse potentem  
vt ex eâ, forma educeretur. Neque vnquam Peri-  
patetici declarabunt quid sit aliud. Materiam  
autem esse potentem, nihil aliud est quàm pro-



pter aliquam in ea potentiam posse talem formam ex illa produci. Esto ergo in materia potentia, ut forma fiat vel educatur. Ex quo fiat hæc forma? Negant enim Prisci esse ullam potentiam, ut vel forma, vel quicquam aliud fiat ex nihilo. Dicit Aristoteles inesse materiæ, ut forma educatur quæ quidem prius non erat. Petunt ergo Antiqui ex quo fiat hæc forma. Alioquin pergunt, nullam esse potentiam, ut forma incipiat esse quæ non fiat; ut fiat, quæ non ex aliquo fiat. Dicere namq; educi ex potentia materiæ, nihil aliud est, ut diximus, quàm si dicat Aristoteles materiam esse potentem, seu habere potentiam, ut ex se forma educatur. Atque hoc ipsum est quod in questione inuenit, Possitne educi forma ex materia; quæ forma non fiat ex aliquo. Potestne educi quæ non fiat? potestne fieri ex nihilo?

### A R T I C. I I.

*Quo variæ hac de re ponantur Peripateticorum sententiæ.*

**H**Oc excitato puluere aufugit Aristoteles; verum dū præ caligine quâ enaserit, sui ignorant, variis viis eū quærent, in varias diuisi sententias. Prima est quorundam quos refert Durandus 2. sentent. d. 18. qui dicebant, in materia præcedere quasdam entitates, ut vocant, ex quibus sunt factæ postea formæ, ut singulæ sint pro singulis formis: quas entitates vocabant possibilitates formarum. Secunda fuit eorum qui dicebant partes formarum præcedere in materia; sed remissas valde; postea generatione intendi, & ita quamlibet formam præcedere in materia subesse remisso & debili. Tertia fuit Alberti, tract. 3. c. 3. & 15. qui dicit for-



cit formas omnes secundum esse & existere, produci, in materia nihilominus secundum essentiam præcedere, ita ut materia sit, ut quidam habitus formas omnes secundum essentiam prius habens. hæ tres sententiæ licet diuerse, in eo tamen concordant, quod formæ aliquid in materia præfuisse dicant. Quas omnes æqualiter hunc in modum Toletus exagitat. *Illud forma quod in materia ponitur, vel est idem numero cum forma vel non, si est idem numero cum forma producenda, non de nouo fit: si verò non est eadem, vel ipsa conuertitur in formam, & hoc est naturaliter impossibile, quod vna substantia in aliam conuertatur. prorsus ut vna fiat altera: si verò non sit, sed ex ea fiat altera, tunc oportet aliud superaddere, ex quo simul cum præcedente illo, fiat forma: petam igitur ex quo factum est illud additum, esset enim ex nihilo vnde eadem rediret difficultas.* Et licet plura alia possint in eas fieri argumenta, id sufficiat: siquidē ex sententiæ vel intactæ seipsas interimunt. Ergo, ne in ea absurda incidat Auicēna, formas creari putat, ut multi Theologi. Nec aliud sentit Fernellius cum ex materiæ potentia negat educi. Negant tamen id Peripatetici communiter alij alias ob causas quas longum esset referre. Piccolominecus lib. 2. de prima rerum materia capite vltimo et si concedat formam ex parte sui fieri ex nihilo, quod nihil eius præcesserit, negat tamen creari, quia præsupponit subiectum ex quo educatur.

At contrà. Cùm formam longè nobiliorem materia prædicent, utpote quæ det esse rei & agere. Si Agens naturale possit hanc nobilissimam rei partem ex nihilo sui producere, quidni possit & ignobi-



lissimam, scilicet materiam Non potest materiam rerum omnium infimam ex nihilo facere, cur formā possit rerum excellētissimam? Si animæ è corpore humano egressa materia recens, atque ex nihilo facta substerneretur quam illa anima informaret; hæc materia diceretur creata, licet sola, ac sine forma facta esset; quia nimirū ex nihilo facta. Quidni maiori ratione cūm forma longè nobilior pars compositi naturalis (vt aiūt) fiat ex nihilo creata censeatur? Sed vocetur quocumque vocabulo libuerit. Non morer nomen. Dico si ad productionem materiæ quam ignobilissimam putant, requiritur vis infinita; ad producendam ex nihilo formam, quam innumeris gradibus materia perfectiorem arbitrantur, potentiam requiri infinitam. Hinc Toletus, *profectò si productio primò est ipsius formæ, cūm nihil forma præcesserit, dicetur creatio. Quid ergo?*

### A R T I C. III.

*Quod Toleti euasio ostenditur.*

**V**T euadat Toletus lib. i. phys. cap. 9. qu. 17. Negandum, inquit est prorsus cum Aristotele formas fieri aut produci, sed composita fiunt, non ex nihilo, sed ex materia, formæ verò consequenter fiunt & comproduciuntur: vnde non est ipsarum creatio, quia creatio est actio, qua aliquid primò fit. formæ verò non primò fiunt, hæc autem est vis concessa agentibus naturalibus, vt compositum producerent, ac simul mediante formas attingerent, quod non est creare, nec aliam philosophiam habemus ab Aristotele & est optima & notanda. Fateor hanc esse philosophiam Aristotelis quæ nugis plena nequeat nisi nugis defendi. Ipse enim Toletus primo de generat.



nerat. ca. 3. q. 2. dicit, *Profectò si productio primò est ipsius forma, cum nihil forma praecefferit, dicetur creatio.* Sed quæ illi hæc est philosophia? forma nō fit, sed confit; nō producitur; sed cōproducitur. Quare? Quia, inquit, nō fit primò, sed tātū secūdo. hoc excutiamus.

Quid fit prius? an principiū rei, an res ipsa? nō-ne partes sunt prius toto? Muri tabulata, tectū, non prius sunt quam domus? forma, vt volunt, est pars compositi naturalis, eiūsque principium. Quomodo ergo compositum primò fiat, forma secundo? Videlicet agens intendit compositum non formam. O acurè excogitatum! Ergo quod prius intenditur; illud primò fit. Quorū igitur illud Aristotelis? *Quod primum est in mente, vltimum esse in operatione?* Audite verò quam aſſert rationem. Compositum, inquit, est primò in potentia materiæ, ergo primò fit. Est primò in potentia materiæ? At contra, primò educitur forma de potentia materiæ, ergo primò est in potentia materiæ. Nunquid principium? nunquid pars? Meminerint dictorum, partem esse prius toto, & principium prius re cuius est principium. Præterea, inquit, id primò fit, est cuius esse. Ain tu? non prius fit id quod dat esse? Quomodo erit, id quod habet esse, nisi id quod dat esse? At non fit forma nisi consequenter. Ea scilicet consequentia qua fiunt muri, fenestræ, portæ, tabulata, vt fiat domus. Facturus enim domum, necesse est vel consequens, vt faciat illa: sed tamen vt prius illa quam domum.

Sed respondeant; Quòd muri fiant propter domum; minúsne fiunt? minúsne fiunt ex re aliquâ? minúsne quæritur qua ex re fiant? Idem est de



forma. Sit pars; fiat propter compositum, fit tamē, ex quo igitur fit? Siue primò, siue secundò, siue tertid fiat; fit tamen; ex quo inquam fit? Siue sola fiat, siue cum composito fiat, fit tamen, ex quo tandem fit? Quia oculus fit cum capite, non fit ex aliquo? quia digitus fit cum manu, non fit ex aliquo? quia os fit cum crure, nō fit ex aliquo? Quia deniq; singula membra fiunt cum corpore, non fiunt ex aliquo? non meritò querretur ex quo fiant? non debet assignari ex quo fiant?

Vt ar contra Toletum eodem argumento, quo conuellit sententiam illorum qui dicebant aliquid formæ in materia præextitisse. Quæro. Quando cōpositum fit ex materia, sitne materiæ in compositum conuersione? hoc negabit. Quomodo igitur? Quomodo aliter nisi formæ productione? Quid igitur aliud est compositum fieri, quàm formam produci, & fieri?

Prodeant ex Græcis Themistius, Philoponus, Simplicius, Alexander, & Eudemus: ex Latinis Durandus, Ægidius Romanus, Gregorius Ariminensis; omnis denique schola nominalium, Boetius quoque, atque diuinus ille Plato asserentes compositum nihil differre à suis partibus simul iunctis, adeoque hominem ipsum nihil aliud esse quàm corpus & animam simul iuncta: bouemq; esse corpus & animam vnita. Quam sententiam longè maxima pars Thomistarū amplexi eam meritò Thomæ adscribunt, atque hoc ipsum Toletus qui eam sequitur, ex variis Thomæ locis probat, eamque dicit esse Auerrois, atque Auicennæ. Cum igitur, per eos nihil aliud sit compositum naturale quàm  
materia



materia & forma; nec materia fiat; quid aliud sit quam forma? Audet Thomas, audet Toletus, audent ferè omnes Peripatetici negare formam fieri; quam solam fieri hac assertionem docent?

Hanc tamen Toletus vocat sententiã diui Thomæ singularem. Quæ scilicet formam fieri negat; cum ex aduerso nihil in composito fieri velit, præter formam. Sed audiamus præclaram Toleti similitudinem lib. 1. de gener. cap. 3. q. 2. Sicut, inquit, qui virgam incuruat, non facit curuitatem, sed facit curuum. i. dum lignum tale facit, curuitatem comproducit, ita nõ producitur forma, nec fit, sed compositum, ad cuius productionem comproducitur, & confit ipsa forma. Itane? ligni productio pendetne ex curuitate? non posset lignum produci nisi curuaretur? curuitas est pars ligni eaque principalis? Quid? qualis est hæc similitudo? Curuitas est situs ac talis partium collocatio, quæ quidem si quis quærat, ex quo fiat, non ille opus habeat, qui conspuatur? Forma verò si qua est qualem dicunt, ea substantia est, pars compositi nobilissima quæ dat esse rei; & ex cuius productione fit ipsa res, non ea fit? non ex aliquo fit?

Sed audiamus conclusionem, Quod si dicas quomodo, dum circa materiam agit, potest fieri, vel produci illa forma, & entitas. Respondet Ægidius non carere admiratione. Quidam dixerunt ex nostris, quod creatur forma, & agentia naturalia habent virtutem participatam creandi: Auicenna attendens hoc esse ultra vires agentium naturalium, dixit, causam quandam separatam formas producere. Nos diximus, quod non est neganda, virtus productiua causis particularibus, vt alibi probauimus, tamen non ob id dicenda sunt creare. Fateor tamen



esse virtutem mirabilem, quæ participat aliquid virtutis creativæ: sed non est, cum semper circa subiecta operetur: est etiam mirabilis virtus materia ex cuius potentia educuntur, quæ actu non sunt; non tamen quia mirabilis, est neganda. Non sanè quia mirabilis est neganda; sed quia mirabilis est eorum vanitas, qui è materiæ potentia educunt quod est impossibile: qui educunt substantiam, quæ neque erat, neque facta est: qui negant id fieri, per cuius solius productionem res fit, & à quo res habet, ut sit; imò id præter quod, in composito nihil fit, ex illorum sententia. Vide hunc Proteum se in diuersas formas insinuātem. *Quidam ex nostris dixerunt, quod creantur formæ. Tum, Negat Auicenna creari ab agentibus naturalibus. Quid ipse porro? Agentia naturalia non dicenda sunt creare. Quid igitur? Fateor tamen esse virtutem mirabilem quæ participat aliquid virtutis creativæ: sed non est, cum semper circa obiecta operetur. Quàm formidolosè; quàm titubanter; sed quid aliud dicat?*

## ARTIC. IV.

*Quo Conimbricensium sententia refutatur.*

**E**T si has nugas euoluere nihil aliud est, quàm nugari; vnā tamen, aut alterā paginam in illis infumemus. Meliusculè videntur Conimbricenses se expedire, vel saltem honestiorem recessum facere; cum dicunt formas omnes præter animam rationalem non propriè fieri, quia non possunt per se subsistere. Non tamen sic euadunt. Hoc Aristoteles? Tuentur enim Aristotelis sententiā. Quæritur quomodo id nosse potuerit Aristoteles formas alias, præter animam rationalem non  
per se



per se subsistere posse. Non potuit nosse nisi aliquo ex his quatuor mediis; aut per causam, aut per effectum, aut per certam authoritatem, aut per euidē-  
tiam. Neque superest alia ratio. Non nouit per e-  
uidē-  
tiam; neque enim formarum aliarum magis euidens est interitus quā animæ humanæ. Non per effectum, aut consequens. Quippe quod res ipsa discedente forma corrūpatur, vel in aliā commutetur; non arguit formæ interitum, siquidē corpus humanum anima immortali separata corrūpitur. Non per certam authoritatē. Si enim id norunt Conimbricenses per sacros codices, non iis credidit Aristoteles, vt per eorum authoritatem, in huius rei notitiam deueniret. Superest igitur, vt nouerit per causam. Quam autem causam earum interitus potuit indicare quā ipsarum originē? At non potuit earum ortum cognoscere. Quia nō potuit ad earum principium deuenire nisi per earundem interitum; si tamen ipsi venerabiles patres rectē procedunt qui ab formarū obitu earum ortum deducunt. Si enim ab eis quæras, cur formæ non fiunt? respondēt, quia intereunt. Si hoc ipsum quæras ab Aristotele, cur forma nō fiat, Quid putas, respondeat? An quia interit? Dicunt Conimbricenses. Cur verò interit? vel vnde id nouit Aristoteles? ab eius origine, quia nimirum non propriè fit. Cur verò non fit? Quia interit. Estne hic manifestus circulus, & petitio principij, & idem probare per idē? Si igitur Aristoteles nouit formarū interitum quē docuit, nouit per causam, & originē earum, quam cognouit aliter quā per earum interitum. Doceant igitur quomodo Aristoteles id norit; formas scilicet nec fieri, nec creari.



Si nouit Christianus formas alias interire, non aliunde quàm ex sacris scripturis. Philosophus autem vnde, nisi ex earum origine? Quis igitur hic philosophalis procellus, quo venerandi isti patres, per corruptionem earum, occultam quidem naturaliter, formarum rimantur originem? Solemus causas à posteriore probare per effectus. Nunquàm tamen, nisi vbi effectus sunt manifesti & certi. Hi verò Aristotelicotati Philosophi ab effectu occultiori causam occultam deducunt. Quomodo impagnassent errorem Manicheorum formas perire negantium, earumque de subiecto in subiectum migrationem nugantium? Dixissentne illas interire quia non propriè fiunt? Cur verò non propriè fiunt? Quia intereunt? Sic opinor respondissent. Vel nunc aliter respondeant. Hoc autem fuissetne aliud quàm delirare? Vnde scis eas obire? Quia nō propriè fiunt. Vnde scis eas nō propriè fieri? Quia obeunt. Proferant rationes quibus Augustinus, alique Ecclesiæ doctores hunc errorem confutarunt. Probentque formarum interitum ab earum ortu, non ortum ab interitu. In hoc inquam consisto. Dicant, cur formæ non propriè fiant. Dent aliquam rationem quam Aristoteles nosse potuerit: quandoquidem propter ipsius sententiam orta est hæc contentio.

Rationem ergo petamus ex Aristotele metaph. cap. formas scilicet non fieri, quia daretur processus in infinitum, dum de eo ex quo fieret forma, non minùs quæreretur ex quo fieret ipsum, fit forma: Ergo ex aliquo. Illud verò ex quo fit? & sic in infinitum procederetur. His positis ex Aristotele, sic concludo. Si substantiæ formæ sint de nouo, necesse



cesse est eas fieri. Id clarissimum fecimus. Sed ex Aristotele impossibile est formas fieri; Ergo nullæ sunt formæ substantiæ.

Ecce quàm diuersus est noster ab Aristotelis processu. Ille probauit formas substantiuas ex mutua elementorum mutatione. Nos falsam esse illam elementorum commutationem ostendimus, idque nunc confirmauimus ex eo quod alioquin sequeretur eorum formas ex nihilo fieri ac creari, quod est impossibile. Hæc autem absurditas longè maior apparebit, quando sub Aristotelicæ philosophiæ principum auspicio, argumentis Sole clarioribus enincemus, formam ex plurimis particulis componi, quæ sint in fluxu continuo; ita ut dum excedentibus nouæ succedunt, nihil in animali vetere sit eius formæ quæ insuit iuueni. Quàm indignum erit speculatione philosophica fateri tales formæ particulas continuè creari; vel ex nihilo fieri, totidémque alias in nihilum abire?



## INTENTIO IV.

Qua quæritur à quónam forma fiat.

### ARTIC. I.

*Quo questionis sensus explicatur.*

**V**idimus formas substantiuas ex nihilo fieri; quid si nunc à nullo fieri intelligamus? Prius tamen de formarum gradibus ex Peripateticorum sententia, præludendum. Primus



gradus est formarum simplicium; quales liceat vocare formas elementorum ignis, aëris, aque, terræ, quæ corpora simplicia nuncupant. Secundus gradus est formarum mistorum, qualis sit forma vini, aceti, butyri, mellis, lapidis, plumbi, grandinis, niuis, aliorumque tum mineralium, tum meteororum & similium. Superiores gradus sunt animarum, quæ sunt in triplici differentia; Prima est animæ vegetantis quæ stirpibus, & brutis & hominibus est communis, quippe quod æquè per eam crescunt atque nutriuntur. Et hæc anima vegetans habet tertium gradum. Secunda est anima sentiens, communis brutis & hominibus: & hæc quartum obtinet dignitatis gradum. Nobilissima omnium est anima rationis compos; de qua nihil nobis in præsentiarum, quandoquidem certum est dari talem animam, eamque esse immortalem. Quamvis, an hæc anima sit forma informans hominis, sit ambigendi locus. Verum quicquid sit, nihil ad nostrum institutum. Hoc tamen notandum cum tam multiplices motus mutationesque homo patiatur; non esse horum authorem illam animam consortem rationis. Proinde sciendum quod aduersus communem Peripateticorum opinionem mordicus tenent Auerroistæ, cum multis aliis magni nominis philosophis; in homine re ipsa differre has tres animas vegetantem, sentientem & rationalem; quæ fuit Platonis sententia; cuius argumentis eam probat Galenus. Eamque inter alios acerrimè defendit Zabarella libro de facultatibus animæ; & libro secundo de anima. cap. 8. qua de re non est hic disputandi locus.

Longè



Longè autem aliter Antiqui de anima reli-  
quisque formis sentiunt, quàm Peripatetici (me-  
mineris nos de rationali non agere). Aristoteles  
enim asserit animam esse causam principalem:  
Antiqui verò dixerunt esse instrumentalem. Dif-  
ferunt autem, sicut faber & instrumentum: Idcir-  
co Aristoteles animam formamque rei cuiusvis  
causam principalem asserens omnium eius actio-  
num, eam putavit esse substantiam quandam.  
Prisci verò qui veluti quoddam instrumentum  
formam cognouerunt, eam in certa rei partium  
compositione, ac proportionem consistere credi-  
derunt. Hinc facile est Veteribus quomodo for-  
ma fiat, à quo & ex quo fiat ostendere: Ex certis  
partibus scilicet certa ratione coeuntibus paula-  
tim componi: donec qui eam construxit Artifex  
iam aptam moueat. Quemadmodum rota par-  
tium coagmentatione componitur, quarum quan-  
diu aliqua deest, aut redundat, inepta est: Absolu-  
ta autem constructione, sublatiisque impedi-  
mentis, aqua, vel ventus eam mouet. Eundem in  
modum quandiu in structura rei partes aliquae  
necessariae desiderantur, vel redundat aliquid:  
non habet suam formam, neque motus sibi debi-  
tos potest à principali causa suscipere. Ordine  
autem optimo fit hæc partium concinnitudo, ita  
ut quæ desint successiuè ponantur. Hinc est quod  
ubi senio, vel alia causa partes necessariae plures  
æquo perierint, nequeant restitui, nisi de integro  
hæc compositio repetatur. Deest enim instru-  
menti ratio necessaria ut reliqua possint resarci-  
ri. Sed de his non est disputandi locus.

Aristoteles autem, etsi agnoscat aliquam in re



instrumentorum rationem; veluti debitam partium conformationem; longè aliam tamen quàm Antiqui putauerunt. Neque rationem formæ vel animæ in ea partium collocatione constituit; verum formam talem comminiscitur, quæ & rem ipsam construat, & constructa utatur; quo nihil aut ineptius, aut repugnantius excogitari posse demonstrabimus. Ergo quæ sit illa causa principalis rei cuiuslibet architecta motrixque libro secundo Deo duce demonstraturi: Nunc de hac commentitia forma, quam momento fieri autumant quærimus à quo fiat; de quo prior Aristoteles audiendus.

## ARTIC. II.

*Aristotelis de ortu animæ sententia.*

**A**ristoteles libr. 2. de generatione animalium cap. 3. Animam igitur vegetalem in seminibus, conceptibus scilicet nondum separatis haberi potentia statuendum est, non actu priusquam eo modo, quo conceptus, qui iam separatur, cibum trahant, & officio eius animæ fungantur. Principio enim hac omnia vitam stirpis vivere videntur. De anima quoque sensuali pari modo dicendum est, atque etiam de intellectu. Omnes enim prius haberi potentia, quàm actu necesse est. Hæc Aristoteles de seminis potentia quæ sæpius eodem capite repetit. Et capite primo eiusdem libri ita concluderat. Semen igitur & habere animam, & esse potentia palam est. Propius autem & remotius idem à se ipso potentia esse potest, ut geometra dormiens remotius, quàm vigilans; isque remotius quàm qui iam



*iam contemplatur. Quibus Aristoteles ostendit semen quod potentia habet animam, paulatim disponi, ut eam tandem actu habeat; ubi scilicet separatum fuerit, atque cibum traxerit.*

*Si quæras quomodo & à quo hæc potentia reducitur ad actum, atque quid in hoc semine disposito & apto hanc animam producat? Ipsemet eodem cap: 3. Semen autem, inquit, cum excrementum sit, eodemque moueatur motu, quo augetur corpus, digestionem ultimi alimenti, ubi uterum subiit, constituit, & mouet excrementum femina eodem motu quo ipsum mouetur. Nam illud quoque excrementum est, habetque omnes partes potentia, actu nullam.*

*Sed quomodo semen maris quod etiam excrementum est, possit in semine feminae, & partium discretionem, & animæ productionem absolvere? Audi ergo eundem lib. 1. de generat. anim. cap. 22. Hinc etiam quemadmodum mas conferat ad generationem, acceperis; nec enim mas omnis semen emittit, & quibus emittitur maribus nulla pars fetus hoc est: sicut nec à fabro quicquam secedit ad lignorum materiam, neque pari vlla artis fabrilis in eo quod efficitur est. Sed forma, & species ab illo per motum in materia existit. Atque anima, in qua forma, & scientia est, manus mouet, aut aliud membrum, motu certæ qualitatis, vel diuerso à quibus efficitur diuersum, vel eodem à quibus efficitur idem: manus autem instrumenta que materiam mouent; in illis enim quodammodo motio artis est. Quæ igitur semen emittunt, hoc modo ad generationem conferunt: hæc Aristot.*

*Verum hæc similitudo potius magnam ostendit diuersitatem. Faber enim ni præsens manus*



moueat & per has instrumenta, instrumenta non  
 mouebunt materiam. Vbi verò mas discesserit,  
 semen, quod veluti suum instrumentum in vul-  
 uâ fœminæ proiecit, quomodo mouebitur, vt fœ-  
 minæ semen moueat? Faber abest nempe mas,  
 quid mouet ipsius instrumentum, semen inquam  
 eius? Agit ergo semen per se absente mare, nec vt  
 maris instrumentum agit, sed virtute propria li-  
 cet à mare sibi collata. Qua demum virtute? quo  
 motu? Dixit Aristoteles: *Semen autem cum excremen-  
 tum sit, eodémque moueatur motu quo augetur corpus, di-  
 gestione vltimi alimenti, vbi vterum subiit, constituit, &  
 mouet excrementum fœmina eodem motu quo ipsum mo-  
 uetur.* Quo motu mouetur? Fateatur Aristoteles au-  
 geri corpus motu animæ. Ergo & motu animæ  
 moueri, etiãne excrementum, animæ motu mo-  
 ueatur? etiãne vbi extra vasa maris fuerit, mo-  
 tu illius animæ moueatur? Estne in hoc excre-  
 mento maris anima quæ ipsum moueat? Qualia  
 ignorantia inuolucra? Ergo hoc excrementum  
 non ab anima motum, sed seipso vique propria  
 agit; vndeunque vim illam acceperit. Excremen-  
 tum verò producat in fœtu animam? Non ferat  
 Scotus cum suis; Reclamet Auerroes cum secta-  
 toribus; Repugnent fortissimi Peripateticorum  
 duces, excrementum posse formam tam nobilem  
 producere. Sed est, quod ipsi non aduertunt, lon-  
 gè mirabilius, vt huic excremento Aristoteles  
 tribuat animalis formationem cui vix sufficiat  
 angeli scientia, vt libro secundo docebimus. Vo-  
 cat fœbrum. hic spiritus est, de quo. *Distinguuntur  
 animalium partes spiritu, sed non aut genitricis, aut suo,  
 vt quidam Naturæ interpretes voluere. Hoc enim in genere*  
*animi*



auium & piscium & insectorum palam fit quæ partim se-  
iuncta à parente nascuntur, & ouo, in quo nascuntur ex-  
planantur. Partim non spirant omnino, & tamen aut ouo,  
aut vermiculo nascuntur: alia quanquam spirant, & in  
utero capiunt explanationem, tamen non prius spirare in-  
cipiunt quàm pulmo perficiatur. Articulantur & hic &  
omnes priores partes antequam animal spiret. Palam au-  
tem est talem spiritum animalis conditorem non  
aliū esse posse quàm eum seminis masculini  
spiritum à quo fœtum productum sæpius dixit.  
de quo etiā lib. 3. c. 11. Principium genitale à mare pro-  
fectum, mouens potentia tale quale est illud de quo venit,  
animal efficit. Nec aliū poterat animalis Archi-  
tectum Aristoteles assignare, cum fœtum prius-  
quam discretus esset membrisque distinctus, actu negaret  
animatum. Eundem spiritum; idēque genitale  
principium lib. 2. cap. 4. vocat naturam, ut igitur  
incremento iam addito mens aduena facit hac, sic in ortu  
ipsa natura ex materia syncerissima carnem ceterorum  
sensoriorum corpus conficit, in excrementis ossa, nervos, pi-  
los, ungues, ungulas, & reliqua generis eiusdem con-  
stituit.

Porro hæc Natura, seu hoc genitale princi-  
pium à mare profectum, quonam abit fœtus  
absoluta conformatione? ubi animam operi con-  
tinuando suffectam reliquit, quorsum euadit?  
Etenim ut audiuius ab ipso, Quibus semen emit-  
titur maribus nulla pars fœtus hoc est: sicut nec à fabro  
quicquam secedit ad lignorum materiam. Quò igitur  
abit opere peracto faber? Docet libro 2. cap. 3.  
Hoc genitura semen dissoluitur, versumque in spiritum  
evanescit, cum naturam habeat humidam & aquo-  
sam. Quamobrem an semper id foras exeat, quarendum.



non est, neque an pars vlla sit forma constituta: quomodo nec de succo à quo lac cogitur, quæri tale conuenit. Nam u quoque mutat, & nulla pars constituta magnitudinis est, Egregium scilicet fabrum tam admirabilis templi Architectum. Et quidem tam imbecillum, caducumque, vt absoluto opere fatiscat, in spiritum facessens; prius tamen operi tanto suffecta anima quam produxit. Perinde quasi non sit eadē Natura quæ animal formauit, formatumq; nutritione amplificat, Verum quid dicat Aristoteles? Constitui, inquit, formā substantiuam. A quo fiat, non video, nisi à maris semine circa se in ē feminæ, veluti fabro circa ferrum vim suā exercēte; donec opere peracto animam inducat: Inducta autem anima video illud semen maris illic inutile futurum Abierit igitur.

Profecto abierit, per me licet, Si permittāt Peripatetici. Qui vbi Aristoteli hac parte subscripserint, vel inter se conuenerint, subscribam & ego.

### ARTIC. III.

*Diuerſa Peripateticorum ſententiæ propoſitæ, ac reſutatæ.*

**A** Deò varij sunt hac in re Peripatetici, vt illorum opiniones definire non sit facile. Alij dicunt accidentia per se formas substantiales producere; Experientia fulti qua ferrum ignitum flammæ producendę stupisque comburendis, cernūt idoneum. quæ accensio cūm formæ ferri non competat, aiunt id calori accidenti nimirum adscribendum.

Alij contrā, vt Scotus, Durandus, Ochamus, Iandunus, & plures alij, cum suis ſectatorib. ſolā ſubſtantiam



stantiâ substantiæ producendæ sufficientem arbitrantur; ita vt substantia produciens sit eiusdē generis cū forma producenda. Verū quī fiat vt formam maris, vel mas ipsum producat fætū aut formam eius. Quandoquidem discessit mas, & mori potuit antequam cōceptus fieret? antequam hæc fætus forma produceretur?

Idcirco Auerroes ait, semen esse animatum. Cuius sententiam eius sectator Scaliger tuetur exercit. 6. in Card. 10. & 11. Generat, inquit, igitur arbor cum producit semen, Non autem generatur arbor cum pullulat è semine. sed tūc generatum cum erat imperfectum perficitur. Sic canis non gignit cum nascitur catellus, sed cum semen gignit. Sed obiicies. Ergo canis animarum plenus est. Non sequitur. vnam enim habet animam qua plurium sufficit generationi. Sic in ramis oleæ in quibus multa sunt taleæ, vnica tantum anima est à qua multa. Quod autem non tunc fiat generatio, manifestum est. Quia multi in ipso coitu obiere ante seminis vllam penitus in vtero dispositionem, aut affectionem. Illud in plantis luculentius videmus. Emortua enim amygdalo, satum amygdalum amygdalus fit. Insurgit tamen quaestio, an geniti anima sit pars animæ genitoris. Cur non? Diuiditur enim ad materia diuisionem materialis anima, tota que est in sui parte, quod in plantis manifestum est. Et paucis interiectis. Gignit autem animam anima sui promotione, eadem sanè ratione qua in accretionibus induit sese in alimenti materiam nouam. Et habemus præ oculis exemplum, quemadmodum à lampadis flamma flammam excipimus, illa nihilo secius integra remanente. Ex quos in vortices errorum, fluxus ex illis principiis præclara inuoluit ingenia, hanc sententiam quibus rationibus exagitet Fernelius, videre



est libro primo de abditis rerum causis; quæ licet sit in se ridicula, vix vlla est quæ minori iactura se expediat: Ac propterea immeritò è communi Peripateticorum schola exhibilatur. Si quidem hæc procedit ex falsis suppositionibus quæ ex Aristotelis doctrinâ surgunt: scilicet quod sit aliqua vna in arbore forma quæ in ramos sese diffundat: Quòdque anima in incremento, sui promotione nouam subeat materiam; quod quàm sit à ratione alienum, non nostræ, sed Peripateticorum sententiæ suo tempore declarabunt.

Exemplum etiam de lumine lampadis ineptum est. Non enim lumen à lampade in alio corpore productum pars est luminis quod erat in lampade; quemadmodum animam catuli partem asserit animæ parentis.

Quid autem sequitur monstruosius, quàm quod ex illa sequitur, omnes scilicet canes qui ab vno prodierunt, vnum esse cum illo canem? Nam si catulus ipse est in semine, quod est in suo genitore, cum formatus remaneat idem prorsus qui erat, erit semper pars animæ parentis, nec nouum erit animal; nisi quia iam diuisus est qui prius erat cum patre coniunctus; non enim de nouo fit, sed tantum à patre separatur qui iam erat. Atque omnes canum qui à primo prodierunt animæ in illo primo actu fuisse censebuntur. Anima catuli eadem est quæ erat in semine. In semine erat eadem numero cum anima parentis nec de nouo producta, vt ipse ait. Tantum enim diuiditur ad *materia diuisionem materialis anima*. Diuiditur illa quæ iam erat, non ergo noua generatur; Ex-

tendit



tendit sese anima in semen, sed eadem quæ iam erat. Ergo anima catuli cum esset in semine, erat prorsus anima parentis. Rursus huius parentis anima eadem est quæ erat in semine: Cum autem esset in semine, erat anima sui parentis. De quo parente idem dicetur. Atque hoc modo ad primum canem venietur, in quo, necessario sequitur, actu fuisse quicquid animarum in canibus fuit, qui ab illo traxerunt originem. Melius hanc absurdorum concathenationem videbis libro 3. intent. 2. cum aduersus hanc animæ extensionem disputabimus.

## ARTIC. IV.

*Quo Thomistarum sententia refutatur.*

**M**Aluerunt viri acutissimi hæc, etsi absurdissima dicere, quàm vt, quo nihil absurdius est, animalis productionem accidenti attribuerent; quod alioquin fatendum est. Hoc incommodum putant se vitare Thomas, Albertus Magnus, Paludanus, Maior, Richardus, Argentinas, Hispaliensis, & Ferrariensis, & alij complures, cum dicunt accidentia non propria virtute, sed substantiæ à qua procedunt, posse formam substantialem, atque ipsum animal producere. Id autem ita exponunt, vt dicant accidentia ipsa esse virtutes formæ à qua promanant. Atque hoc modo volunt, vt mortuo mare virtus eius remaneat in semine quod sæminam subiit, quæ quidem virtus hanc formam, ipsūque animal efficiat.

Non sic tamen euaserint. Hæc enim anima-



lis mortui virtus nihil aliud est quàm accidens. Accidens autem non potest substantiam procreare. Quæ verò isthæc est distinctio? Accidens non secundum se, sed quatenus est virtus substantiæ potest substantiam generare? Accidens, in ipsorum philosophia estne aliud quàm virtus substantiæ? Vel, potestne aliter agere quàm prout est substantiæ virtus? Potestne ex se accidens operari? Apud ipsos vnumquodque ab eo habet esse, à quo & operari. Ergo si accidens à se potest agere, à se poterit esse; quod falsum putant. Ergo non habet à se accidens vt agat; Ergo nunquam à se agit: Ergo semper agit, vt virtus substantiæ. Qualis ergo hæc distinctio: accidens non producit substantiam à se, sed quatenus est virtus substantiæ? Calor cum producit calorem, numquid virtus est substantiæ? numquid vt virtus substantiæ hunc producit calorem? Ergo accidens non alia ratione producet substantiam quàm qua producit accidens. Ergo distinctio vana & ridicula.

Sed accidens cum sit virtus substantiæ non agit; imò substantia est quæ per illud agit: vnde dixit Aristoteles, actiones esse suppositorum. Quæ ergo substantia agit per illud accidens? an substantia mortua? Ridiculum prorsus, atque insanum rei mortuæ actionem tribuere. Quæ igitur substantia per hanc virtutem agit, nisi illa cui inhæret? nisi semen ipsum? Ergo seminis est hæc actio, quod, quidem semen agit non vt instrumentum animalis mortui, quod Aristoteles nequicquam putauit, sed seipso virtutē.



virtutēque propria ; vndecunque nactum sit hanc virtutem. Agit inquam seipso semen quippe quod ab alio non mouetur ; neque enim à mortuo mouetur. At semen quancunque habeat virtutem nihil aliud est quàm excrementum , vt ex Aristotele retulimus. Excrementum possit animal generare ? Neque hoc ipsi in animum induxerint.

Sed urgente Scoto , fatentur Conimbricenses non vnum esse accidentia quæ hanc formam substantialem procreent. *Ad quartam, inquit, quæ non mediocriter fauet opinioni existimantium , generationem non veram esse actionem , sed terminum duntaxat, alterationis præeuntis, dicendum est, (nota hæc verba) ignis generationem non à calore tantum elici, sed communiter à cæteris accidentibus , quæ ignis formam inducunt , nec esse absurdum , vnā eandemque actionem à multis instrumentariis principiis , quatenus omnia materiam ad vnā formam preparant , atque ordinant , proficisci. Quasi verò ipsa accidentia calor, frigus, humiditas siccitas aliāque per multa ad eam actionem concurrentia , acceptum à principali causa absente mandatum, non audeant violare, sed naturalem agendi modum , vimque deferens vnumquodque se aliis conformet, vt diuersissimorum agentium in hoc fœdus coeuntium, vna simplicissima sit actio à qua effectus vnus simplicissimus oriatur. Calor calefacit & calore idem producit, quod frigus refrigerando : diuersis, contrariisque motibus idem vnum simplicissimūque operantur. Hoc non absurdum. Non pudendum. Nimirum homini egenti pudor est inutilis. Quid enim dicant?*



Verùm ne curemus an vnum hæc virtus, an plura sint accidētia. Sit quicquid ipsi voluerint, operetur absente agente, cuius est virtus, hæc quæ sunt absurdissima, sint verissima: Non latet eos quanta sit inter ea quæ sunt eiusdem speciei diuersitas, ac dissimilitudo, quantùmque moribus, & ingeniis discrimen, vt ad quod vnum sit aptum, ad illud ipsum, aliud eiusdem speciei videas ineptissimum: & quod vnum refugiat, ad ipsum, aliud impetu naturæ feratur: vt omittam formæ exterioris varietatem, cùm in diuersis coloribus, tum in dimensionum differentia, dissimilique partium conformatione, quæ si quis referre velit, nox diem adimat. Quæ quidem à genitore in fætum fluere, arguit eadem sæpius parentis, prolisque constitutio. Neque per aliud fit illa transfusio quàm per hæc accidentia semini impressa quæ isti dicunt virtutem agentis, qua formæ fœtus productionem attingat. Diuersissima autem esse hæc accidentia, in diuersis eiusdem speciei seminibus, probat diuersissima fætuum eiusdem speciei complexio. His quæ certissima sunt positis.

Dicant, quæ accidentia, ita in diuersis seminibus ab inuicem discrepant, vt tam dissidentia in fœtibus temperamenta, mores, ingenia, aliâque naturam comitantia producant; ea possuntne formam illam substantialem gignere, quam Peripatetici prorsus similem in omnibus eiusdem speciei indiuiduis esse volunt?

Sed eadem causa eodem planè modo agens, si diuersis vtatur instrumentis, eundémne prorsus effectum generabit? Cum enim in eodem homine iu-



mine iuvene, viro, sene, eadem prorsus sit anima, quam negant mutari; vnde fit vt aliter, atque aliter videat, audiat, gustet, odoretur, ratiocinetur, recordetur? Vnde fit, vt non solum meliorem chylum, vel sanguinem eadem, seipsâ diuersis temporibus faciat; sed quam partem nunc in chylum conuertit, alias mutet in fæces? & quam chyli partem nunc in sanguinem transformat, alias in bilem, vel pituitam, vel melancholiam commutet? Hanc nimirum operationis diuersitatem variæ potentiarum, instrumentorûque compositioni, atque affectioni tribuendam putant. Esto. At idem animal ad diuersas generationis diuersis dissimilibusque vtitur instrumentis; vt quæ accidentia ad hanc generationem vices eius ob- eant; longè dissimilia sint illis quibus ad aliam vsus est procreationem. Hoc monstratum est. Quæ forma dissimilibus vsa organis eandem materiam nunc in sanguinem, nunc in bilem commutat, quæ sunt species diuersæ; eadême in generando dissimiles exercens potentias, non modo non diuersas species, sed formas prorsus inuicem similes progignet? Si- quidem forma fætus quem iuuenis generat, nullo modo differt ab ea quam senex creat. Quâ ipsi causam tanti discriminis attulerint, vt quod nulla in re visum est, quôdque omnem ordinem naturæ inuertit; idem agens, eodem modo agens, si dissimilibus vtatur instrumentis; non tamen dis- simile operetur?

Verùm has nugas tractantibus accidit vt nu- gati simus. Si enim hi philosophi concedunt ca- lorem & frigus contrariis motibus idem pror-



sus efficere; miramur quod diuersis dissimilibusque virtutibus formarum nulla re differentium permittat productionem? Scilicet acceptum ab agente absente vel mortuo mandatum hæc virtutes ne latum quidem vnguem transgrediuntur. Quid dico? non transgrediuntur? Imò ipsummet Agens absens, Agens mortuum, nihilominus per hæc instrumenta operatur, quæ mortuum mouet, vt non errant.

Est longè maius quid quod omittebam. Audi Conimbricenses ibidem. *Intellige autem oriri ab iis accidentibus generationem, non quasi ea tum existant (omnia namque, vt in primo de generatione statuimus, pariter cum re corrupta, ipso generationis momento intereunt, sed quia, cum non nisi per accidens, vtpote alterius occasu occidant, perinde sese ad generationem eliciendam habent, ac si etiam tunc in rerum natura permanerent. Quid addam? Sanè in hac philosophia sapientes desipiunt, & insaniunt sani. Non satis erat mortuum animal suam hancce virtutem ad fætus productionem mouere; ni mortuum mortua virtute vteretur? Accidens quod non est cum forma præcedenti perit nihilominus hanc formam subsequente gignit. Quid faciant? desipiunt quidem. Verùm in illa philosophia non possunt non desipere, quamcumque in partem se flectant.*

#### ARTIC. V.

*Quo Fernelij opinio diluitur.*

**V**iderat hæc vel pleraque horum magnus ille Fernelius; idcirco omnibus aliis contemptis, vnâ Auerrois sententiam, quamuis ineptam, refutatione dignam putauit; quod dignè præstitit. An verò ipse quicquam melius quàm reliqui,



reliqui, alij diiudicent. Mihi quidem si quis erit inter illos locus, ut quid hac de re sentiam liberè liceat aperire; dicam, quod verum est; quod rationibus non valuit, artificio dicendi quo plurimum pollet eum euincere voluisse. Neque quicquam probare illam argumentorum *παραλίαν*; quàm quæ in confesso sunt apud omnes; Deum scilicet, Cælum, Solem, cæteraque astra, cum his causis inferioribus ad rerum generationem concurrere. Non tamen magis in formæ productione, quàm in materiæ præparatione. Quod manifestant exempla quæ ipse profert, terræ potissimum, vere adueniente, vim suam proferentis. Non enim tunc primum novam aliquam speciem indit Solis aduentus, sed eius inuat vires, causasque, ac rerum semina quæ in illis latitant, ad procreationem disponit ac promouet; antequam novæ illæ rerum species generentur. Quid igitur Fernelius hanc materiæ præparationem adscribit elementis, formæ verò productionem Soli attribuit? Quorsum tantum apparatus, nisi ad detinendos eorum oculos qui eiusmodi splendore capiuntur?

Cæterum cum multæ sint aliæ formæ principibus illis animantium formis præuiæ, quales sunt seminis, sanguinis & chyli, ex quibus semē fit, species quæ ordine quodā illā fætus formā in materia antecedunt; quā incredibile est illas omnes à Sole sine animalis cōcursu creari? Quandoquidē de formis generaliter loquens nullū ponit inter eas discrimē; nec est quod ullū agnoscat, cū neget eas è materiæ potentia educi, ac proinde necesse sit eas creari. Neq. hic solus est eius error licet gravissimus, quòd Soli, Cæloq. creādi cōcedat potē-



tiam. Sed alius longè grauior ac periculofior; quod sanguinis, ac bilis, ac fimilium, ignis quoque formas non magis ab agente pendere existeret, quàm animam rationalem ab homine. Imò longè minùs: siquidem aliorum eiusmodi formæ breuem materiæ dispositionem prærequirunt: Animæ verò rationalis infusio diuturnam corporis compactionem, ad conformationem præoptat, ad quam plurimum confert vteri materni calor. Formas verò seminis, sanguinis, bilis, pituitæ chyli, non magis sed etiam vel minùs ab animante procedere quàm animam ipsam immortalem, quam omnem excedit fidem? Sed hæc frigescent disputationes cum euicerimus quascunque putant formas, si quæ dantur, continuè fluentes, continua partium novarum additione reparari; Ita vt si tales formæ dentur; continua sit earum à Sole creatio.

Verùm, cum hyberno frigore ex otio loco tepenti posito, nascitur pullus; hanc formam pulli Sol produxerit? Cur non aliis in locis pariter? Quia non est disposita materia? Cur non disponit? An quia eius non est? At verno tempore, vt dictum est, Solem terram ac semina omnia præparare, extra dubium est. Quod igitur ouum non possit disponere, multò minùs in id pulli formam inducere. Quippe minus est disponere quàm informare.

Quod si mentem conuertisset ad ea quæ arte Chymica fiunt diuersissima; inter quæ iam plus satis vulgata est aqua illa Chrysulca, cuius non minùs diuersam formam ab iis ex quibus facta est quàm quæ à natura fiunt, ipsemet fatetur; di-



tur; dixissetne ea quæ ignis operatione loco, cœloque maximè frigido fierent, à Sole hanc formam accepisse? Quid autem de metallis quæ in intimis, abditissimisque terræ visceribus fiunt locis colorem Solis fugientibus? quorum ut aliorum subterraneorum formæ originem è cœlo deducit, Aristotelis in eam partem torfa sententia. Quasi verò, si hoc maximè sensisset Aristoteles, pluris nobis eius, quàm Fernelij esset, contra rationem authoritas. Quasi verò quæ cœli fugientia vim, in penitissimos terræ recessus se abdunt, hæc à vi cœlesti fiant. Vnde igitur calor ille eorum opifex? Rogas? Vnde calor ille qui ex infimis terræ penetralibus, haud secus ac Sol è mari vapores euehit, qui à frigore superiori in aquam resoluti fontium scaturigines perennes efficiunt? Et hoc locis præduris ac maximè petrosis quibus quasi dura quadam fornice vapores, ne quid expiret, continentur. Scilicet vis Solis remotioris hæc saxa penetrans excitat eum calorem qui eiusmodi vapores sursum vehat? Scilicet, ut hac ratione, qui fontes hyeme sunt abundantiores, tunc Sole remotiore parcius aquas emittant? Sed quis ignorat hybernis frigoribus subterranea loca feruescere? hocne à Sole?

Non norat ille quo artificio quibûsque locis hortulani hyemali rigore, infestoque cœlo herbas ac plantas nutriant, ut ad ipsorum nutum fructus suos ferant? Scilicet hoc facit cœlum? Et quod fruges vere colore humido gignit, id ipsum si frigore sicco facit hyeme? Ecce quas in angustias hunc virum compulerunt aliorum deliria. Cùm enim non videret, à quo formæ substantiæ promana-



rent, is veluti Orpheus saxa & ligna? eas eloquio suo conatus est de cœlo deducere.

## ARTIC. VI.

*Quo præmissa Aristotelis sententia expenditur.*

**Q**Uod Aristotelē sui deseruerunt, nostrā causam iustificat: Quod illorum singuli Aristotelem in suam opinionem trahere conantur, nihil aliud, quàm eius arguit inconstantiam, qui in re sibi incognita varius, variorum errorum semina reliquit. Cæterum qui tot locis tam clarè semen masculinum mirabilis illius in animalis formatione fabricæ opificem asseruit, quem veluti fabrum astare, nihilque sui in illius fabricæ molem immittere, sed opere peracto abire, haud secus ac succus lacte coagulato discedit, affirmavit, dubitaritne illi ipsi introducendæ formæ credere provinciam? Ac si maioris sit virtutis, talem formam, si quæ sit, è materia educere, quàm admirabilis illius texturæ rationem observasse. De qua libro sequenti. Verum quoniam huic illius doctrinæ consentire non possunt; quippe quæ est ineptissima; Cum illis diuersis, atque pugnantibus; diuersa, pugnantiaque senserit, per me licet. In singularum opinionum refutatione, fatis refutatus est Aristoteles, quæcunque fuerit eius de causa efficiente formæ sententia.

Quomodo igitur fit forma substantiua? Memineris nos ex eo quod fieri non possit, quippe cum nec sit ex quo fiat, nec à quo fiat; inferre non dari talem formam, esseque merum Aristotelis figmentum, omniumque errorum qui in naturali



rali philosophia committuntur, fertile principium. At experientia, rationesque clarissimæ dari conuincunt. Imò nec experientia, nec ratio potest astruere quod est falsissimum. Quæcunque verò pro illius probatione argumenta ponuntur, libro tertio; ita diluemus, ut vel inde clarum sit futurum non dari formam eiusmodi. Nolo tamen illa argumenta soluta nobis referri, nolo eorum quæ hætenus contra talem formam probauimus, rationem haberi, nisi libro sequenti certissimum fecerimus, indubitatumque, formam substantialem non modo non dari, sed esse prorsus impossibilem. Is inquam, nisi euidentissimum fecerint non nostræ, sed Peripateticorum rationes. Futilia illa argumenta quibus eam formam sufficiant, fuerint firmissima: formamque illam ex nihilo, & à nihilo fieri non fuerit incommodum.

Aggredimur enim ex fundamento quærere quid sit illud quod ea præstat omnia quæ huic fictitiæ formæ perperam Aristoteles adscripsit. Si prius vnum huic tractatui pro coronide addiderimus, quod ad sequentem disputationem sit veluti transitus. Aristoteles qui semen maris, formationi corporis animalis præficit, nihil eius in fœtus naturam transire arbitratur. Quod quam sit absurdum probat fœtus ipse plerumque genitori similis. Hanc enim similitudinem ex materiæ similitudine procedere docet naturæ nostræ ex alimenti diuersitate mutatio. Præcipue verò in illis primordiis tanta vis est nutritionis, ut memoriæ proditum sit, puerum à cerua educatum ceruos fugientes per saltus ac iuga



montium pedum pernecitate sequi solitum. Quæ res probatione non indiget. Sed cui obscurum est maiorem esse vim materiæ in generatione, quàm in nutritione, vt pro diuersitate materiæ, ex qua fit proles temperamentum diuersum ingeniũq; sortiatur? Vel vnde fit, vt parens morbidus morbidum, sanus sanum; generosus generosum, imbellis imbellem generet; sobolẽque genitor in plurimis sibi assimilet? Vnde hoc inquam si nihil paternæ contrahit materiæ?

Forte has qualitates semen patris suo contagio materno impressit semini. Scilicet quæ lac ceruinũ contagione hanc velocitatem alumno infanti impertiuit. Sed si solo contactu semen masculinum feminino tãtam vim insperfit; quidni materinus uterus tanto tempore semini contiguo qualitatem delere valuit? Verũm maris semen impresseritne virtutem quam non habeat? Pater qui quadragesimo vel quinquagesimo ætatis anno futurus est calculosus, vicesimum annum agens, adhuc integer, & sanus gignit filium simili morbo successu temporis laboraturum. Quam vim tum habuit patris integris viribus semen? Habuit illam vim potentia. Verũm. Sed adhuc valdè remota. Qua nimirum potentia hydrargyrum est calidissimum, ex quo fit illud sublimatum quod summè corrodit. Quidni hydrargyrum admotum corrodit; quidni contactu vrit? Est enim in extremo recessu corrodens; sed potentia duntaxat, & quidem remotã: quam nondum contagione potest exercere. Multa intercedant necesse est, antequam illa potentia quicquam possit. Similiter illa in semine patris sani morbida vis est remotissima,



tissima, quàm contactu posse semen maternum inficere est insanissimum putare. Quid quod sæpe fœtus matrem, imò auum, vel auiam maternam refert. Virtus illa seminis masculini hoc fecit? Nempe sic dispositum erat semen maternum. Mirum, ni in illo semine fuerint ductæ lineæ quas fabricando virtus illa maris sequeretur. Vel num fortè aui, vel auia ideam atque exemplar habet hæc virtus, ad cuius similitudinem fœtum conformet? Mittamus sexcenta eiusmodi deliria, verissimâque atque certissima principia ponamus, ex quibus si Deus dabit, verissimam horum causam demonstrare suo tempore valeamus.



# DE FORMA

## LIBER II.

### *Propositio.*



ANTI momenti mihi visus est hic liber & quæ in eo tractantur, ut an ab illo inciperem diutius anceps fuerim. In eo enim quæritur & inuenitur illud principium quod unicuique rei intimum ipsam articulatim format, factâque nutrit, & auget, atque omnis cum motus, tum cessationis eius author est,



quod quidem principium Aristoteles cum suis rei naturam, formamque eius substantiuam vocauerunt. Nos ergo quid sit hocce internum rerum motus, statusque principium actiuum inquirimus. De passiuo quidem dictum est abundè.

Hoc autem actiuum rei cuiusque principium, cum res omnes prædicent, siue illud vnum sit, siue multiplex; siue vnicuique rei singulare, siue omnibus vniuersale, quidnam id sit adeo est obscurum, vt de eo facile determinare sit erroris principium. Quis enim facile intelligat, quis sit artifex ille qui hominem in vtero matris ita fabricauit, vt vix intellectus angelicus, nedum humanus, mirabilem eius structuram indagetur? De reliquorum animalium, plantarumque fabrica, secundum cuiusque ordinem, non absimilis est ratio, quæ tam artificiosè composita, nutrita, in amplitudinem congruam producta, functiones proprias, in finem sibi præscriptum, tam certo dirigere qui casu putauerit, is mentis, ac sensus expertus fuerit. Neque crediderim quenquam sanæ mentis hoc in animum induxisse, licet hæc opinio quibusdam Priscorum Philosophorum, sed falso, vt alia multa, imponatur.

Cum ergo extra dubium sit vniuscuiusque rei naturam propter finem agere in quem determinet suas actiones quænam sit illa natura in re qualibet quærimus. Ad cuius inuestigationem mēdico veluti filum sit humani corporis structura mirabilis, cuius qui nouerit authorem, naturamque



que opificem, aliorum causas facile rimabitur. Qui verò in hoc cæcutiet, quænam sit factrix, motrixque rei cuiusvis non satis assequetur.

Galenus post longam huius quæstionis agitationem, tandem labori cedens, ita queritur. *Quamobrem maximo dolore affectus mecum capere ipse inuestigare, an aliquam de natura animalium validam rationem possem inuenire, ac nullam deinde inueniens (id quod in hoc libro fateor ingenuè) Philosophos, quibus ad hanc rem plus est vel ingenij, vel facultatis hortor, ut in hanc quæstionem sedulo incumbentes, si quid pro sua sapientia inuenerint, nobiscum id velint, sine inuidia communicare.*

Hæc meritò Galenus, quippe tanti momenti est hæc cognitio, ut ex huiusvnius rei difficultate ortas crediderim, quotquot philosophorum pugnx naturalem scientiam turbaerunt.

Huc igitur omnes nostræ disputationis nervi sunt contendendi, ut sciamus; Primò, an ut natura propter finem agit, ita cognitione, ac deliberatione ad talem finem quærendum utatur: cuiusque sit illa cognitio an singularum rerum naturalium, an alicuius causæ vniuersalis, Dei scilicet, qui eas moueat, atque regat. Secundò, si maximè demus Deum rerum omnium authorem ac motorem, an ita rebus ipsis præsentem agnoscamus, ut illis incumbens, aut potius intimus eas proximè formet, impulsuque suo, ac regimine ducat? an verò cœli ambitu, quasi



conclusus, virtute quadam quam Cælorum influxu in hæc inferiora mittat, hæc omnia producere, impellere, ac regere censeatur. Tertio, andato quod Deus præsens res ipsas formet, creet, ac ducat, sit nihilominus in re quavis proprium aliquod principium quod vi insita, actioneque propria Deum agentem comitetur: ita ut utriusque Dei nimirum, & illius causæ singularis sit vnus effectus qui utrique tanquam agenti principali æquè primo adscribatur; an verò Deus ita sit omnia in omnibus, ut cum sit omnium actionum causa principalis, res naturales sint mera ipsius instrumenta. In quibus tamen nota nos de anima rationali, ut neque de mentibus illis à materia separatis, verba non facere.



## INTENTIO I.

An Natura cognitione agat?

### ARTICVLVS I.

*Quis sit sensus questionis.*

**D**Vos potest habere sensus præsens dubitatio: primum, an sine vlla prorsus vllius vel præsentis vel præterita deliberatione natura agat. & certum est hanc non esse mentem Aristotelis. Qui enim neget Naturæ authorem saltem de singularum specierum proprietatibus, atque affectionibus deliberasse, ut leuia sursum, graua deorsum



sum ferrētur? ut hic canis esset appetitus, ille equi, & ita de reliquis; ut homo certam figuram haberet, suam similiter vnumquodque animantium, stirpium, metallorum, eamque qualem ipse Deus voluisset, seruaret: hæc, inquam, qui inficias iuerit, omnia casu ferri, ac fieri dixerit: quod Aristoteles acerrimè impugnat, qui ordine pulcherrimo, cuncta succedere docet? non utique sine præuia illius ordinis cognitione, quam nulli alij præterquam Deo, tribuerit. Nec opinor opus fuisse multa concertatione, quod mihi persuadere non possum, contrarium, mentem cuiusquam, nisi aut insani, aut prorsus stupidi intrare potuisse. Sensus ergo propositæ quæstionis est, an natura præsentis deliberatione, atque singulorum suorum effectuum notitia feratur ad agendum. Et cum vel homo, vel bos, vel equus, vel planta quævis sit, an natura, seu causa præcipua quæ huius rei partium ordinem disponit id quod facit, norit, atque speculetur: an verò vis vlla sit quæ tam pulchrum mirabilēque ordinem sine præsentis cognitione possit obseruare.

## ARTIC. II.

*Qua sit communis Theologorum sententia.*

**C**ommunior Theologorum, Peripateticorumque sententia est illud quidem principium, quod in re qualibet agnoscunt singulare naturæ nomine designatum, rem quandam esse omnis sensus, ac cognitionis expertem; tamen à Deo ipso cognoscente, ac dirigente in finem



suum ratione certissima impelli : quem sensum esse Aristotelis volunt. Hanc sententiam ita exponunt Conimbricenses libro secundo Physicorum , capite nono , quæstione secunda , articulo secundo : Dum Natura in opus incumbit , à prima intelligentia , hoc est à Deo , quasi diuina artis instrumentum , mouetur , & artificis ratione dirigitur . Hinc est , quod Hippocrates Naturam modo indoctam vocat , vt in libro de alimento ; modo doctam & eruditam , vt in libro de arte . Quod imitatus est Galenus libro primo de vsu partium , & libro sexto de locis affectis : videlicet indoctam vocant , quia in se consilij & rationis expertus est ; doctam , quatenus eius intelligentia instat , ipsamque regit : Et sequenti articulo . Nam id quod gratia finis operatur , aliquò rectè contendit , ac velut in scopum collimat : id verò quod ita se habet , non temerè , sed ordinatè , necesse est rationes suas per se ordinet , vel ab alio circa eas ordinetur . Cum igitur ordinare , intellectus , rationisque opus esse constet , & res naturaliter , excepto homine , intellectus , rationisque expertes sint , ac nihilominus vniuersa propter finem agant ( vti superius probatum est ) planè sequitur recurrendum esse in iis ad aliud Principium , supra ipsam Naturam , à quo moueantur , ordinenturque in fines suos : at hoc non aliud esse potest , quam ipse totius Natura author , qui certis numeris , & mensuris , certaque serie singulis rebus suos fines prescribit , & ad eos querendos propensionem , & idonea media concedit .

Hæc illi . Toletus verò in caput tertium secundi Physicorum quæst. 8. probat Deum concurrere immediatè cum omni causa particulari ad



ri ad quemlibet effectum, Quia, inquit, oportet necessario naturam omnem dirigi ab intellectu non errante, cum ipsa non cognoscat, & nesciat quò tendat, quare necesse est, ut ad fines suos ordinetur, & in his effectibus dirigatur. Et pluribus interpositis, hæc addit de modo, quo Deus cum causis secundis concurrit: Præter hos modos, est unus alius quartus, quo aliquid mouet per instrumentum, ut artifex penicillo pingit: ex parte effectus una est operatio, at ex parte principiorum duplex est, nam instrumentum agit, artifex etiam agit, sed non separatim, non enim instrumentum sine artifice, nec artifex sine ipso instrumento operatur: vide igitur quomodo actio instrumenti ab artifice dependet, & effectus ab utroque, sed magis ab artifice. Sic te oportet eleuare mentem, & intelligere de Deo glorioso, qui cum his causis sic operatur, ut simul operentur, sed à Deo motæ, & directæ, sicut instrumentum ab artifice. Et quemadmodum artifex non eodem instrumento omnia facit, sed pro diuersitate effectuum accommodatis utitur instrumentis; ita Deus non idem omnibus causis facit, sed diuersis diuersa, & concurrit cum ipsis iuxta ipsarum naturam, cum liberis liberè, cum necessariis necessario, cum debilibus debiliter, cum fortibus fortiter, pro sua suauissima dispositione vniuersa operando. Item eiusdem libri capite primo, quæstione decimatertia. Dices, inquit, quomodo potest esse, quod aliquid in certum finem tendat, & non præcognoscat illum: non enim poterit ipsum attingere, sicut qui clausis oculis aliquid tendit, respondet. Dico quod hoc conuincit esse aliquam vniuersalem causam, omnes omnium fines præuidentem,



atque facientem , & inclinantem omnia in proprios fines , & hic est gloriosus Deus : vt enim sagittarius scopum inspiciens , impetum sagittæ imprimit , quo illum attingat , sic Deus gloriosus omnibus Naturam dedit , qua etiam non prauis finibus , absque errore , vsque ad eos perducerentur . Et hoc est quod dicit Aristoteles 2. Physi. 58. & 1. Eth. 13. & 10. Eth. cap. 10. hominem agere , ceteras res naturales potius agi quàm agere , & ab aliqua intelligentia , quæ ipsarum fines cognoscit , ad illos dirigi . ob id dicitur opus Naturæ esse opus intelligentiæ non errantis . Hæc Toletus .

Quibus consonant sacra eloquia Iob cap. 10. Manus tuæ fecerunt me , & plasmauerunt me totum in circuitu , & sic repente præcipitas me ? Memento quæso , quod sicut lutum feceris me , & in puluerem reduces me . Nōne sicut lac mulsisti me , & sicut caseum me coagulaisti ? Pelle & carnibus vestiisti me , ossibus , & nervis compegisti me . Diuinus verò Psaltes Psalmo 139. in huius admirabilis opificij contemplatione extra seipsum rapitur , dum quocunque tendat , Deum comitem & renum suorum scrutatorem , priusque membrorum formatorem agnoscit , atque graphicè hanc eius operationem depingit . Hac consolatione fulta generosa illa virago mater Machabæorum septem filios vnus die tempore pereuntes animo virili hortabatur . Nescio , inquit , quomodo in meo apparuistis vtero , neque ego spiritum & vitam dedi vobis , neque cuiusquam conglutinationem ego compegi : igitur mundi conditor , qui formauit hominis naturitatem , & omnium inuenit generationem , & spiritum , & vitam vobis iterum dat cum misericordia , vt nunc despiciatis vos , propter eius leges .

ART.



*Quo aduersantium ponuntur rationes.*

**C**VM hæc sententia clara sit, & rationi, sacrisque voluminibus prorsus consentanea, patitur tamen aduersarios non contemnendos, quos in varios sensus distraxit dictorum Aristotelis vel authoritas; vel obscuritas, dum iis quisque ad opinionis propriæ confirmationem abutitur. Audire iuuat hac de re Conimbricenses loco citato. Pletho siue Gemistus auctor graecus, in opere quod inscripsit, de iis quibus Aristoteles à Platone dissentit, in Aristotelem inuehitur, quod docuerit, naturam nullo proposito fine agere, dum ei deliberationem subtrahit, sed prorsus sine causa, cum non omnia quæ propter finem operantur, consilio aut delectu egeant. Omisso tamen Plethone, sunt è recentioribus philosophis, quibus nec Aristotelicè nec Philosophicè dictum videtur, naturam ideo agere propter finem, quia etsi finem non per se ipsa cognoscat; vt in lapidibus, & plerisque aliis liquet: regitur tamen ab ipso rerum omnium auctore, qui & fines intelligit, & agentibus naturalibus ad illos consertandos, propensionem, virtutemque indidit. Venere autem in hanc sententiam hisce potissimum argumentis. Primum quia superuacanea videtur illa motio, & directio. Nam si fingamus, sine intelligentiis mundum esse, adhuc graua in infernum, leuia in superum locum, vt in fines suos peruenient. Deinde, quia ridiculum fuerit, si interrogatus quispiam, cur lapis descendit, respondeat, quia mouetur ab intelligentia, cum reuera moueatur à gra-



uitate, cuius impetu deorsum vergit. Tertiò quia intelligentie apud Aristotelem, aut prorsus ignorant sublu-  
naris mundi species, aut non eas, nisi generati, & con-  
fusa notitia dignoscunt. Ex quo sequitur in Peripateti-  
ca doctrina, subcaelestem naturam non dirigi ab intelli-  
gentiis, cum nihil nisi à cognoscente dirigatur. Hac  
tamen opinio neque vera neque Aristotelica est. Hæc  
illi & quidem hanc opinionem esse falsam, &  
ipsi, & Toletus argumentis citatis satis, su-  
pérque demonstrarunt; eam verò non esse Ari-  
stotelis, difficilius est ostendere. Proinde in o-  
pinione Aristotelis examinanda; nostra ut ope-  
ra versetur, rei dignitas præscribit.

## ARTIC. V.

*Quo dicta Aristotelis de Natura expenduntur:*

**Q**Uæcunque fuerit mens Aristotelis, vide-  
tur Plethoni anam dedisse, quod de i-  
pso scripsit, sentiendi. Nempe Aristote-  
les 2. *Physicor.* Absurdum est; inquit, alicuius gratia  
fieri non putare, si id quod mouet, non viderint de-  
liberatione præmissa mouere. Et quidem id; ut osten-  
dat Naturam in finem certum tendere, licet si-  
nè præuia deliberatione. Cuius hæc sequitur  
ratio: Etenim si ars extruendarum nauium inesset li-  
gnis perinde atque Natura, faceret nauim. Maxime au-  
tem hoc patet, cum quispiam sibi ipsi medetur. Huic e-  
nim persimilis est Natura. Videtur hac similitudine  
perspicuè negare, Naturam ab alio dirigi dum  
operatur. Ars enim non dirigitur ab alio, sed  
ipsa



ipsa dirigit operantem : pari igitur ratione videtur de Natura hoc sensisse , vt sine Dei moderamine , seipsa , quemadmodum ars , ad agendum feratur : licet ignara operis agendi. Vel sanè si hoc noluit Aristoteles parum commoda vsus est similitudine. Poterat enim aptius, quemadmodum Conimbricenses , Toletus , & alij, exemplo instrumenti , quod ab artifice dirigitur , declarare quomodo Naturâ licet operis inscia in id tamen certa ratione, diuino motu duceretur. Si modo fuit hæc Aristotelis opinio quam illi affingunt Conimbricenses & plures alij, quod parum est verisimile. Sed de hoc inferius.

Nunc aduersus illos recentiores , monstrandum est, hanc Aristotelis similitudinem in qua vt in multis aliis eius scriptis , præsidium ponunt, sic intellectam , vt volunt , & vt sonat, esse prorsus ineptam, eorûmque doctrinam conuellere, quam asserere intendit. Ars, inquit Aristoteles, cùm nihil norit , certò tamen agit, ergo & Natura. Contra. Authore Aristotele , & ratione vindice , ars non agit , sed homo per artem. Ergo , pari modo , actio non Naturæ , sed subiecto naturali tribuetur : quod si verum est, cui subiecto adscribetur actio illa, qua Natura dicitur fatum formare ? Item cùm ars non cognoscat, nec deliberet, tamen hominem cognoscentem , deliberantemque reddit : atque hoc pacto, constat ; id quod certa ratione agit, per deliberationem, & cognitionem agere. Homo enim est qui agit per artē, & quidē cognitione, ac deliberatione. Quorsū ergo hæc similitudo ad declarandū



quomodo natura quamvis inscia, certo tamen in suum finem tendat? Ars inquam non cognoscit, quippe quæ non agit, sed hominem cognitione impertitur qui agit. Ergo si eadem sit ratio naturæ, ipsa licet ignarâ subiecto suo cognitionem pariet? Atque hoc pacto, non solum homo naturæ beneficio sciet quæcunque in seipso fiunt, ea scilicet faciens: sed truncus, & lapis, actionum suarum naturalium habebit notitiam. Sic nempe artifex per artem agendorum notitiam assequitur. Quæ quidem quàm sint absurda quis non videt?

Verùm missis hisce ineptiis, ne & nos ineptire videamur, dicimus ad alteram similitudinem, cum medicus seipsum sanat, artem quidem neque cognoscere, neque deliberare, sed medicum per artem, quam non mirum est nihil nosse, cum nihil agat. Medicus verò per artem agit sed cognitione. Vel nunquid medicus sine morbi cognitione, sine remediorum scientiâ, sine methodi observatione quam norit, suâ curationem aggreditur? Non id artis beneficio, quæ etsi non cognoscit, neque deliberat, reddit tamen medicum & peritum, & deliberantem. Proinde magna cum licentia dixit Aristoteles *artem fabricandarum navium, si in lignis esset, navim extructuram*. Quasi verò ars possit esse in subiecto aliquo quod non sit rationis particeps, quòdque cognitione non possit impertiri. Viderint ergo illi, quàm bellè sua similitudo declaret, quomodo natura sine cognitione, ac deliberatione, finem suum nihilominus per se assequatur.



assequatur. Assignent illud cui Natura ad agendum, sicut Ars artifici, notitiam largiatur.

Quin sicubi Aristoteles id Dei regimen debuit ostendere locus erat libro de spiritu. cap. 9. ubi hæc dubia grauissima mouens, nullum tamen verbum facit de Dei præsentis moderamine. Hæc sunt eius verba. *Magis in illo difficultas est quo pacto Natura hoc instrumentum (id est, spiritum) ita regat, & affectiones quibusque rebus suas, ac modum omnino reliquum inurat, ut planè cognoscere scilicet, & ratione quadam uti videatur. Neque enim absque ratiocinio, & cognitione hæc peragi posse videntur. Neque quo pacto Naturæ, vis cognoscendi tribui queat satis apparet. Atqui in ignem solum, atque naturam spirituum hoc artificium referri non potest: at vim quampiam talem hisce admistam esse, omnem admirationem vincit. Eadem quoque de anima admiratio subit: nam in iisdem consistit. Non igitur ineptè aut in idem referetur simpliciter, aut in partem quampiam eandem vis formatrix. Mouet quidè has difficultates Aristoteles quas nō soluit. Cum enim dicit aut in idem simpliciter, aut in partem quampiam eandem referendam esse vim formatricem: Non utique per illam eandem partem intelligit Deum. Neque difficilè erat mētē suā exponere, si, quod Toletus & Conimbricenses, aliique illi tribuunt, de Dei præsentia sensisset.*

## ARTIC. VI.

*Quæ sit Scaligeri de natura corporis humani formatricis sententia.*

**L**icet huius opinionis fuerit Scaliger, secundū plures Naturæ operationes, quibus quod Conimbricenses retulerunt, pronunciauit, parum philosophicè dici, Deum ad lapidis descensum concurrere; vir tamen acutus ignorare non potuit, huma-



ni corporis, aliorumque animantium opificium mirabile, in artificem ignaram non cadere, opusque esse Naturæ intelligentis. Verum cum nolle à Peripateticorum doctrina recedere, in qua, secundum Aristotelem, absurdum putat illum Dei concursum, regimenque quo naturas singulares suorum finium compotes facit; maluit Aristotelis sententiam, quod omnes expositores eius solent, ex alia parte restringere: ita ut, cum Aristoteles negat Naturam ex deliberatione operari, id non vniuersaliter dixisse de qualibet Natura, censeatur; neque comprehendisse eam quæ tam stupendæ, ac prorsus diuinæ structuræ esset Architecta.

Audiamus ergo illum exercit 6. in Cardanum. *Hæc, inquit, fabrica sit aut à substantia, aut ab accidente, aut ab utroque. Non ab accidente solo. Primum quia nullum accidens agit, nisi per vim suæ substantiæ. Deinde quia nullum accidens cognoscit. Illa verò virtus tam nobilis templi architecta sapientissima ab omnibus philosophis, iudicata est. Aedificabitur igitur à substantia. At hæc forma seminis est. Sanè seminis forma si non est anima bruta res est. Et si fabricat est æqualis animæ. At incrementis, & amissæ carnis repositione opus illud animæ est. Erit igitur in semine anima formatrix, antecedens animam, cui parat illud domicilium. Quare prior illa posteriore hac sapientior, ac nobilior, Quemadmodum nos anteit potestate, ac sapientia Creator Opt. Max. qui nostra hæc vtenda dedit nobis. Oportet enim fabricatricem illam non ignorare, quid & quantum opus habeat illa altera ingressura. Ergo cum cor adificat, scit quid sit vita; cum alias molitur partes, notum habet earum partium finem & usum. Hæc Scaliger, quæ ex falso principio falsissima quidem, sed tamen rectè infert:*



fert : Si enim, quod ex Aristotele supponit, Deus naturam non mouet, neque regit; certum est Intelligentia singulari præditum tam admirabilis ædificij quicquid structuram absoluerit.

## ARTIC. VII.

*Quo hæc sententia refutatur.*

**M**irum tamen, virum tam oculatum non animaduertisse quantos errores hæc assertio inuolueret; ex qua sequatur Naturas, seu formas singulas rerum opifices, intelligentia præditas admirabili. Et quidem quantum ad illam formam attinet quæ corpus hominis construxerit, si cognitione id fecisse dicas, necesse est eam Intelligentiis supremis adæquare. Si quidem admirandum totius orbis ædificium in hoc corpusculum, quasi in compendium, artificio non minus mirabili, contractum conspicitur: vnde priscis philosophis homo microcosmus dictus est.

Id autem asserere est eam formam non modò immortalem fateri; sed animæ rationali partibus innumeris antepondere. Aliàs tam sublimi, ac prope diuina cognitione donatam qui materiale mortalemque putauerit, is ad Anticyras fuerit mittendus.

Tales autem formas si fateamur hominum Architectas, & cæterorum animantium formatrices hisce non multo inferiores, credamus, cogit necessitas; & quæ adeo variam, ac multiformem structuram molitæ, atque operatæ, longè anima, ra-



tionali sint sapientiores; quàm veluti tabulam rasam, omni scientia nudam Aristoteles fatetur. Nec dum hic gradus sistet; sed singularum stirpium formis animam hominis, plurimos notitiæ gradus debere, quis non videt dicendum? Nī fortè non videas materiæ diuersitatē ad radicem, ad thyrsus, ad frondes, ad flores, ad fruges, ad partes internas, externas; molles, duras, cuiusque requisitā; earundem quoque partium in specie, in figura, in colore seruata varietatem; vt ordinem in situ, proportionem in distantia, symmetriam in dimensione, concentum in numero non turbent. Quis quantumuis exercitatus artifex sæpius tentatum opus assequatur, quod forma hæc, sine præmeditatione, sine hæsitatione, sine errore, direxit, fecit, absoluit? Quæ qui per cognitionem ab illa forma singulari fieri dicit; agnoscat, non, vt Pythagoras, animarum rationalium in bruta migrationem; hoc enim parum est: non, vt Manichæi, plantas, herbas animæ rationali præditas; hoc quoque est parum: sed quædam veluti numina, vel intelligentias seipsis doctas, ac sapientes; vt sine errore opus suscipiant, regant, ac peragant, ad quod author Naturæ ipsas ordinauit. Quod forte indicabant primi illi philosophi; cum vnicuique arborum suam nympham asseriebant; quæ vt illi cognata erat; ita commoretur; eo tamen magis insanientes si talem quasi deitatem, quæ proprio docta ingenio arborem fabricasset, vestiuiſſet, ornasset, mortalem putauerunt. Quod si verum sit, quis non piaculum se commiſſe credat, quoties cædens arborem, talem animam, quæ rationalem longè notione superet, interemerit?



Eò tamen traxit Scaligerum sua de Natura corporis humani fabricatrice sententia, quam Naturam dum singularem, ac sapientissimam asseuerat, eas quoque sapientia, licet minori prædita agnoscat, necesse est; quæ stirpes condiderunt.

Verum illas ne moremur: nos meritò anxios tenet huius nobilissimæ ac verè diuinæ formæ quæ corpus humanum struit conditio : Eo absoluto quò pergit? vel si vitæ curriculo idem opus amplificat, ac restaurat, quod prius condidit; homine mortuo quonam hæc nobilis Architecta se recipit? Moritur? an non?

Hæc præcipitiâ facilè declinasset Scaliger, si in his operibus Dei supremi manum cernere potuisset operantem; hac vsus ratiocinatione; Quicquid minimam ex rebus animatis construit, ratione, ac intelligentia duce eam construit; At non dantur Naturæ singulares quæ intelligentia propria res eiusmodi fabricentur, ergo fiunt à Natura quadam vniuersali, quæ sanè alia quàm Deus ipse esse nequit.

Manifestis igitur rationibus conuincitur Deum Opt. Max. omnia continuè facere, eaque seipso mouere, atque ad proprium cuiusque finem perducere.





## INTENTIO II.

An ita Deus res ipsas moueat, vt ad hunc motum eius præsentia requiratur.

### ARTIC. I.

*Quis sensus questionis.*

**E**T si supradictæ cùm authoritates, tum rationes Dei non vtcunque operantis, sed rebus singulis præsentis probarunt actionem; nihilominus quoniam post Auerroem, plures quos in hunc errorem traxit Aristotelis authoritas, putant non necessariam esse Dei præsentiam, nec requiri vt Deus rebus intinuis eas moueat; sed sufficere, vt per virtutes administras, causasque subordinatas id regimen, motumque perficiat: in id omnes nerui disputationis sunt contendendi, donec præclusis omnibus subterfugiis, Error coactus manus det Veritati.

### ARTIC. II.

*Qua fuerit Aristotelis sententia.*

**Q**Voniam verò præcipuè Aristotelis dicta quæ diuersè exponunt his nubibus philosophorum mentes inuoluerunt; propositum est nobis de eius opinione inde, ac syncerè loqui fretis grauissimorum philosophorum authoritate, licet & Aristotelis scripta per se satis aperta videantur,

Toletus qui dicit Aristotelem non negasse rebus



bus singulis Deum præsentem, sed tantum id voluisse, ut propter eximios suos effectus præcipuè in Cælo habitare censeatur; inter multos alios suæ opinionis authores citat Fernelium, qui tamen contrarium prorsus de Aristotelis sententia concludit cap. 10. lib. 1. de abditis rerum causis. Iuvat, inquit, ea de re Aristotelis sententiam epilogo concludere. Deus sempiternus, immensus, incorporeus, indiuiduus. non in mundo corporeo, sed supra hunc in excelso habitans domicilio, immutabilis quidem cum sit, nulli affectioni subiectus, habeatque ex seipso vitam optimam, & sempiternam, non præter rationem rerum principium statuitur, omnium primum, omnia mouens, à quo sit rerum omnium ortus, omnium vita & conseruatio. Quacunque mentes infinitatem illam supra extimam Cæli conuersionem, incolunt, in Deo vitam agunt, quæ tota est illius contemplatio. Deus porro cælos, & mundum procreans singulos singulis diuinitatis suæ seminibus conspersit, quæ proprias vires infererent, easque naturales ad naturalem omnium mortalium administrationem, & conseruationem comparatas. Is demum stirpes, & animantia procreans, viribus diuinis insigniuit, & suis quaque seminibus facundis impleuit, quorum continuatione perpetua sobole sese propagarent. Quacunque olim Deus tum in Cælis, tum in terris progeniuit, omnia vnus tuetur atque regit, cælestia quidem per se, & proximè, animantia verò, & stirpes, aliæque mortalia Cælorum ope, & interuentu, quibus natura leges tum procreatrices, tum conseruatrices indixit, & imposuit. Itaque animantium, stirpium, lapidum, & metallorum omnium quæcunque & fuerunt, & esse possunt, formas vna Cæli forma potestate cōprehendit & innumerabilibus illa quasi grauidata formis, omnia gignit, & fundit ex sese: vna illius vis & facultas præ se fert omnium caduco-



rum vires, quæ vel olim comparuerunt, vel posthac vnquam comparebunt. Has autem vector mundi spiritus, calo in totam vniuersitatem diffusus, rebus omnibus impertit, simul & speciem, & natium, vitalémque calorem gignendis illis, atque conseruandis accommodatum. Iso-  
 mnia continet, omnia calore, vitæque fouet, vt nihil vsquam sit non huius vbertate confertum. Huius vi & ope & inanima quæque persistunt, & animata sui quæque generis animam habent, alia quidem nutrientem, alia sentientem, alia mentis, rationisque participem. Sic illa se rebus accommodat, sic singulorum naturis inseruit, vt quantum cuiusque natura & conditio desiderat, quantum ipsa subiecti preparatio ferre potest, tantundem illa exhibeat. Sol quanquam abest longissimè, aduersis tandem corporibus lumen sic impertit, vt niteant, splendeantque illa fulgoribus: sed aliter aqua, aliter lapis, aliter lignum, aliter argentum. Ita propemodum, & vis illa calitus demissa, omnibus quidem est vitalis, sed ita, vt aliis tantum largiatur, vt sint, aliis, vt animam insuper habeant, idque aut nutrientem aut mentis compotem: non enim ab omnibus illa suscipitur. Sed & hoc velim postremò admone-  
 re, ne illam quidem ipsam vim sui semper similem esse, aut vno se semper modo rebus exhibere, sed alias aliter pro stellarum statu multiformi, quarum commixtio, implexioque plerumque euariat, tametsi vectoris spiritus vna est & im-  
 permutabilis substantia. Hæc retulinus, vt Fernelius quæ pollet facundia nobis mentem Aristotelis exponeret, & simul se ab illo errore purgaret quæ ipsi per imprudentiam, aut incuriam Toletus imposuit. Iudicet enim Lector, an Fernelio Aristoteles Deū vbique esse fateatur, quæ iudice Fernelio Aristoteles negat in mundo habitare corporeo, sed  
 supra



supra hunc, in excelsis habitare domicilio: quem iudice Fernelio, negat per se, & proximè, sed Cælorū ope, & interuentu hæc inferiora tueri, ac regere? Sentiâtne Fernelius spiritum illum quem Deus è Cælis emittit, vimque illam quam negat semper sui similem Aristoteli Deum fuisse? vel spiritum illum è Cælis emissum, vimque illam non semper sui similem Aristoteles Deum esse putauerit? Sed videantur quæ de hoc spiritu ex Aristotele citauimus. Verum hæc indigna sunt in quibus Lectoris patientiam lædamus.

Non igitur hac in re Fernelius aliter Aristotelis sententiam retulit, quam debuit, quam inter permultos alios, audire est à Picolomineo primo in Academia Patavina philosopho, viróq; inter Philosophiæ professores doctrinæ singularis. hic enim libro de Cælorum motoribus cap. 30. ex pluribus libris Aristotelis demonstrat illius fuisse sententiam, ut Deus quemadmodum cæteræ Intelligentiæ primi mobilis globum non excederet, licet ipse Picolomineus contrariam Aristoteli sententiam constanter asseueret.

## ARTIC. II.

*Quo ex scriptis Aristotelis eius sententia  
eruitur.*

**S**ED omiſſis aliorū de Aristotelis sentētia iudiciis præstabit ipsum audire, qui libro de mundo cap. 6. pluribus similitudinibus hoc absentis Dei regimen declarare conatur. Proinde, inquit, id præstabilius esse censemus, Deoque tum decentius, tum magis consentaneum, ita de Deo opinari, ut dicamus pote-



statem illam in Calo sedes suas habentem incolumita-  
 tis causam rebus omnibus prestare, iis quoque quæ lon-  
 gius ab ea remota sunt. & pluribus interiectis. Quapro-  
 pter, inquit si è dignitate regis haudquaquã esset Xerxem  
 functione propria administrare omnia, & absoluerè qua-  
 cunque facta cuperet ne ipsis quidem operibus instantem  
 curatoris operum officio perfungi longè id nimirum minùs  
 Deo conuenit. Quare augustius id, decentiùsque existi-  
 mandum est, Deum summo in loco ita esse collocatum, nu-  
 minis ut tamen eius vis per vniuersum mundum pertineat,  
 tum solem, lunamque moueat, tum Calum omne cir-  
 cumagat, simulque causam prabeat eorum quæ in terra  
 sunt salutis, atque incolumitatis. Et inferius id ipsum  
 alio exemplo facit explanatius. Nam statim, in-  
 quit, ut classicum exaudiri in exercitu captum est, alios  
 ipse videas scuta sibi aptantes, lorica alios induentes, a-  
 lios ocreas, vel galeam sumere, vel baltheo se cingere fe-  
 stinantes. Rursus videas qui franatos equos admittant;  
 alios qui currus conscendant, qui denique tesseram per ex-  
 plicatam aciem prodant. Tum manipuli ductor ad ma-  
 nipulum: Centurio excurrit ad centuriam. Postremo e-  
 quites ad cornu, velites ad stationem quisque suam festi-  
 nant: cum initerim sub vno ductore omnia moueantur:  
 qui imperia & ipse significanda accepit ab eo apud quem  
 summa est imperij. Eodem nos & ipsos modo censere con-  
 uenit de vniuerso. Quum enim ab vna vi impultrice ciean-  
 tur omnia: fit utique quod cuique commodum est & con-  
 ueniens. Quid his clarius? vel quis nisi lubens cæ-  
 cutit, in his sensum Aristotelis de Deo non intue-  
 tur, qualem profus illi Fernelius, ac Picolomi-  
 neus attribuunt? ut Auerroem Aristotelis inter-  
 pretem, multosque alios primi, nominis philoso-  
 phos



phosomittamus, quos Aristoteles in hanc opinionem traxit. ut Deum cælorum finibus conclusum putauerint. Et quamuis sint qui dubitent an hic liber de Cælo sit Aristotelis, satis manifesta est in alijs eius libris ipsius opinio, quam ex illis hi philosophi eruerunt.

## ARTIC. III.

*Quo hac fuisse mens Aristotelis ex alijs eius placitis ostenditur.*

**P**ORRÒ hanc fuisse mentem Aristotelis testatur liber primus de motu animalium cap. penul. ubi dicit, animam non in omnibus corporis partibus inesse, sed in vna tantum præcipua, cui cæteræ partes adnascuntur, & ea ratione participant vitæ, idque declarat eodem exemplo regis quo libro de mundo vsum ostendimus. Rex enim non omnibus regni sui partibus interest, secundum substantiam, sed soli regiæ, ad alias verò partes tanquam ab illa pendentes transmittit vim gubernandi per varios ministros, & ita regere dicitur non solam regiam, sed regnum totum. Sic igitur in solo corde residet anima secundum substantiam suam, non in alijs membris, sed ad illa varias facultates transmittit ad varia munera obeunda. Hanc Aristotelis sententiam secutus est Albertus in lib. 2. de Anima. cap. 7.

Nobis sufficit inde certo concludere, nihil mirum esse si Aristoteles absenti Deo per administras virtutes huius orbis regimen crediderit; quandoquidem ipse animæ ignaræ, & insciæ in solo corde habitanti partium aliarum



à quibus abest, per varias facultates moderamen commiserit. Repete quæ superius de Aristotelis sententia retulimus, quidque de natura sentiat vide. Quid de illo spiritu. Quid de anima. Quibus quamuis pressus, non potuit adigi ut Deum præsentem agnosceret. hæc te qualis fuerit Aristotelis de Deo sententia docebunt.

#### A R T I C. I V.

*Quo hac opinio supradictis similitudinibus refutatur.*

**S**I dura visa est aliis Peripateticis hæc Alberti atque Aristotelis sententia, de animæ in corde solo residentia, hanc eiusdem de Deo sententiam longè minus tulerint; idcirco eam esse de Deo mentem Aristotelis, licet hac de re nimis apertè loquatur, plerique eorum, ob veri reuerentiam, dissimulant. Verum missa hac quæstione, quæcunque fuerit Aristotelis de Deo sententia. Dei Opt. Max. rebus singulis præsentiam, certum est, iisdem similitudinibus; rationibúsque convincere, quibus contrariæ sententiæ authores eam negare præsumunt.

Si enim Deus eo quo Rex subditos, modo, regat, ac moueat vniuersum, sequitur res ipsas naturales cognitione sui finis ad eum prosequendum excitari. Id quod declarant illæ similitudines quibus hanc suam doctrinam Aristoteles illustravit: Naturam scilicet rei cuiusque cognitione, atque ratione præditam, quas summi illius, regis mandatum excipiat, & secundum ipsum, agendi, partèque suas exequèdi rationem discat. Quomodo enim Xerxes subditos regit? quomodo manipuli  
ductor



ductor manipulum , centurio manipuli ductorem, dux exercitum mouet ? Imperio scilicet, pollicitationibus , remunerationibus , minis , multis, suppliciis. Subditus verò, & miles quomodo ad hoc imperium mouetur ? Spe remunerationis, gloriæ stimulo, ignominiae fuga, prædæ cupiditate, victoriæ fiducia, iræ quoque, ac furoris cuiusdam impetu in hostem abreptus : quæ omnia præuenit cognitio præsertim imperij, ac voluntatis eius qui præest. Neque sufficit hæc notitia, sed necessaria est quoque rei militaris, vel muneris cuique sui peritia, longo usu, atque exercitatione comparata : Et hæc cum adsint omnia, peccatur tamen non rarò grauissimè, mandatúmque superioris ab inferiore violatur. Quod si eodem modo rerum inferiorum naturam, primæ illius causæ moderamine regi credat, quomodo Naturam cæcam, & ignaram dicat, sensusque ac cognitionis expertem, quæ in finem ad quem ordinatur, tam certò, certaque ratione pertingit ? Quomodo res in infinitum diuersæ, ad Dei illius absentis ac remoti nutum in actiones maximè differentes pro conditionis, loci, temporis varietate ferantur insciæ ? atque ita ferantur, vt à fine non aberrant ? Vt subditi Regi, vt milites duci obediunt, Cognitione igitur obediunt, & metu, & cupiditate, vel certè absenti Regi, vel duci nequaquam obediunt, si obediendi facultate carent.



*Quo alia similitudines Aristotelis eius sententia  
opponuntur.*

**N**Eque soluit hunc nodum Aristoteles cū in sequentibus volens ostendere quomodo diuinitati sit maximè consentaneum, vt formas omnes rerum omnium citra difficultatem, simplicique motu absoluat; non secus, inquit, atque illi machinatores solent, qui instrumento vno demittendo multos, & varios effectus edunt: aut illi prestigiatores faciunt, quos neurospastas ob id appellant, quod imagunculas animatas esse fidiculis ductitandis ementiantur: qui cū funiculum ipsi, aut neruum adduxerunt, cieri ceruicem, & manum quasi animantis, simulachri, humerūmq; itidem & oculum faciunt, interdum etiam omnia membra: idque quadam cum venustate atque equabilitate motus. Hoc igitur modo Natura diuina ab vno, eodem, simplicique motu primo vim suam immittit in ea quæ sunt primò continentia, ab illisque subinde in ea quæ longiùs atque longiùs absunt, quo ad permeauerit per vniuersa. Quippe alterū ab altero motū, rursum ipsum quoque aliud mouet, cū mundo. Hæc inquam similitudo rem minimè declarat, ni duo fateatur Author suæ doctrinæ maximè aduersantia; Primum est, vt quemadmodū singula membra singulis fidiculis diuersisq; motibus ciet præstigiator; ita Deus ad singulos rerum singularum motus, diuersorum instrumentorum agitatione concurrat; alterū est, vt causas secundas, ita agnoscat Dei instrumenta, vt ipsæ in suo genere non sint principales, neque magis vi agant propria, quàm illa simulachra quæ præstigiatoris artificio mouentur.

ARTIC.



## ARTIC. V.

*Quo res tota altius repetitur.*

**Q**uin commentitia illa vis per quã Deus hæc inferiora agere, ac ducere ab Aristotele censetur, tantum abest vt obscuritatem demat, densioribus tenebris dubium inuoluit. Siue enim ea virtus sit accidens, siue substantia, vt spiritus, per omnia diffusus, certum est eam rem non fuisse Aristoteli naturam aliquam vniuersalem cognitione, sapientiãque singula moderantem: sed vim illam, quicquid tandem sit, sensus, ac cognitionis exortem esse.

Mirabamur quomodo natura cuiusuis animalis, plantæ, herbæ, cum sit prorsus inscia, ad scopum, finemque suum, agendo certissima ratione collimaret; hoc merito magnam admirationem mouebat. En tibi longè maiori miraculo cæcæ huius virtutis quam Deus per omnia diffundit, cæco regimine, natura cuiusque dirigitur.

Puderet Aristotelem pertinaciter asserere Naturam cæcam seipsa tam difficile opus aggredi, qualis est corporis humani constructio, ipsũque tam certo ad finem perducere: idcirco aduocat Dei auxilium, absentis tamen, & qui cæci, huius ducis ministerio cæcam hancce Naturam doceat: ita tamen doceat, vt hæc natura nihilo minus ignara maneat. Integram itaque, & intactam linquit difficultatem, aliãque superaddit.

Certum est secundum eius doctrinam, virtutem eiusmodi non posse esse nisi vnã vel numero



vel specie, per omnia diffusam. Neque enim virtus illa qua Deus vel Sol proximè bonis generationem attingit, specie diuersa est ab illa, qua cum lepore, vel fele, vel etiam rapa, ad fætus productionem cōcurrit. Vna inquam, eadēq; specie vis est, qua cū singulis singula progenerat, naturas singulorum conseruat, ac dirigit. Nec puto quemquam sanæ mentis futurum qui diuersas virtutes vel à Deo, vel à Sole exire sentiat, quarum alia ficus, alia pyri, alia amigdalæ, alia racemi productionem moliatur.

Vna autem cū sit per omnia diffusa vis eiusmodi qua Deus absens res formet, ac regat; alterum è duobus est necessarium; vel conformiter naturę vniciq; operantem eam vim, pro rerum diuersitate, diuersas quoq; promere functiones; non modo aliter in leonis, aliter in canis, aliter in muris, caulibus, brassicæ productione congreduendo, sed in diuersis eiusdem animantis partibus, diuersimodè naturam formatricem regendo, ac impellendo: vel semper vniformiter agentem, ac indifferenter, non aliter naturam in oculi quàm pedis formatione; intestinorum multiplici conuolutione, quàm crurium simplici extensione vis illa rectorix moueat, ac impellat: vtrum quis concedat è duobus, æqualibus sese implicat absurditatibus. Si primum; quæram à quonam virtus illa cæca & operis quod orditur nescia ad tam differentes motus determinetur. Nec, opinor, quis somniarit eam à cœlis, astrisque limitari, quorum motus ad quoslibet effectus est prorsus indifferens. Cur aliter agit in cordis, quàm ossis structura? Quia  
materia



materia diuersa est? At ignorat hanc diuersitatem. Fabri quidem appetitus à diuerso ligno, ad differentia ex eo conficienda opera terminatur: vt ex hoc lecti spondam, ex illo columnam, ex alio capitellum, ex alio mensam, cathedram, orbem, vel aliud id genus, sibi proponat: at proculdubio talis eius appetentiæ ad tam discrepantia, impetus cognitionem prærequirit, qua & res conficiendas nouit; & cui pars vna quæque ligni sit aptior, calleat: Verùm hæc virtus non magis nouit materiæ sibi propositæ differentiam, vt eius potentiæ suam conformet actionem, quàm natura illa cuius ipsa motrix, moderatrixque fingitur. Quia natura non nouit, eget duce; hic verò dux cæcus, & inscius à quo alio duce regetur?

Quod si quis ex his angustiis in alteram contradictionis partem confugiens, eam virtutem semper vniformiter agentem, ducem nihilominus naturæ asserat, ad tam diuersas partes ordine certò construendas, *incidet in Scyllam cupiens vitare Charybdin.* Quid namque propius accedit ad insaniam, quàm dicere naturam per obscurissimas difficillimarum actionum ambages vno semper eodemque motu duci; atq; regi? vt dux ille non aliter naturam dextrorsum, quàm læuorsum tendentem, moueat; non aliter sursum quàm deorsum impellat; & tamen causa sit, cur has vias contrarias, certo, statutoque tempore sequatur: non aliter in illis cerebri plexibus, atque anfractibus variis, quàm in frontis æquabili læuitate ducat, & tamen natura quæ ducitur tam differentes edat operationes. Quis hæc sanæ mentis ferat?



## ARTIC. VI.

*Quo ex aliis Aristotelica similitudinis improbatione veritas magis ac magis illustratur.*

**F**Rustra verò id Aristoteles tentavit ostendere similitudine eius qui ex eodem vase iaciat globum, tesseram, turbinem, & columellam; nempe vnumquodque, inquit, eorum accommodatè suæ formæ mouebitur. Aut si quis animal vnum aquatile, aliudque terrestre, & aliud volucre à finis suo emittat; planum est enim quòd natatile eò profiliens enatauerit, vbi ei commodum est victitare; terrestre ad suas ades, pascuæque suæ erepserit: at aërium è terra sublime raptum euolauerit: vna vtique eadèmq; prima causa propriam eorum vnicuique aptitudinem reddente. Eadèmq; ratio est in mundo. Si quidem ab vna calis vniuersi conuersione quæ die nocteque finitur, aliæ, atque aliæ permeationes fiunt. Parum, inquam, commodæ similitudines, quibus nihil aliud quàm petitur principium, dum id ipsum quod similitudine declarandum erat, pro simili usurpatur.

Proposuerat enim Aristoteles ostendere quomodo diuinitati maximè sit consentaneum, vt formas rerum omnium citra difficultatem, simplici que motu absoluat. Eiusdem prorsus est rationis: quomodo res omnes naturales eodem motu faciat, atque regat: & quidem qui vnum norit, omnia norit. hoc Aristoteles ostendit iactu globi; tesserae, turbinis, & columellæ. At priusquam iacerentur, hæc diuersimodè facta sunt, non eodem motu: ergo si valida sit similitudo, potius ostendunt Deum diuersis motibus, diuersorumque



que instrumentorum , ac virtutum usu , hæc tam diuersa fabricasse. Vel sanè quod quærebatur quomodo Deus vnico motu tam discrepantia faciat, debuit ostendere ; quod non fecit. Nihil igitur hæc ad rerum productionem , quod Author proposuerat , sed ad productarum motum , operationemque pertinet ; si tamen pertinet. Atque adeo illa similitudo non declarat , quòmodo siue Deus ipse , siue spiritus ille quisquis sit ; siue virtus illa , quicquid tandem illa sit , vno simplici que motu tam diuersas eiusdem corporis partes formet ; vel naturam ad eas formandas moueat atque ducat.

Rursus, non satis aptè, simplicem illum Dei motum explicat, per motum eius qui res eiusmodi diuersas iaciat. Perinde quasi iactu illo , non naturali propensione res illæ moueantur ; quæ sublato impedimento, ac retinaculo, non minùs deorsum ruerent, quàm ab aliquo proiectæ. Quorsum ergo talis proiectio ? Quin, quod res eiusmodi diuersimodè cieantur eidem naturæ acceptum ferunt , quâ grauioribus imum occupantibus , partes leuiiores in sublimi tenentur. Hinc fit, vt res ferà quiescat, quia hæc moueri non potest, quin contra naturam grauias sursum ferantur ; secus de globo cuius nullæ partes prominent, quod consideranti liquebit.

Cùm ergo Aristoteles naturalis motus causam inuestiget ; & motus eiusmodi fiat à natura ; pro simili positum est idipsum , quod similitudine quærebatur. Quærebatur, inquam, cum res illæ finem suum non norint , si non aliter à Deo grauias , quàm leuias , moueantur ; quæ fiat,



vt natura grauium potius rectà deorsum , quàm sursum , dextrorsum , læuorsum , prorsum , aut quoquouersum sese proripiat. Debit id Author , vt obiscurum , sua similitudine planum facere, non idipsum, tanquam notum pro simili usurpare.

Possem hanc Aristotelis doctrinam alia similitudine illustrare, ignis scilicet, & Solis qui vna eademque actione quædam colliquant, alia indurant. Verùm hæc similitudo, vt præcedentes, petit principium. Nam cùm Sol, & ignis nihil aliud agant, quàm suo calore partes corporum dissoluant, ac rarefaciant; quorum partes subtiliores facile euaporantur, ea siccantur, crassioribus duntaxat subsidentibus; quorum verò partes rarefactæ non sursum auolant, sed circum circa sese diffundunt, ea colliquantur. Igitur idem manet dubium, eademque quæstio insoluta; cur cùm partes illæ finem suum nesciant, diuersæ tamen finem diuersum, vbi solutæ fuerint, tam certò prosequantur; vt eas errare sit impossibile; dux, inquam, adhuc ille manet quærendus qui res ipsas singulas in locum sibi destinatum perducatur.

Clarior etiam est hæc principij petitio in altera similitudine. Agebatur enim, quomodo animantia terrestria, aquatilia, aëria singula Deus, aut ille spiritus, seu vis illa diuina, vnico, eodemque motu proprios in fines deduceret; quomodo loca commoda, pabula necessaria, remedia conuenientia quærant, & inueniant; quæ non norunt; quomodo auiculæ nidum quæque suum, ex certa materia, certa methodo, in certam figuram componant; Quærebamus cum Galeno, *Cur cornu*  
petat



petat vitulus etiam ante nata cornua, & equinus pullus calce, nondum satis firmis ungulis, cur & catellus mordere conatur, etiamsi adhuc infirmos habent dentes, cur & auium genus omne volatum molitur, etsi per infirmitatem nondum potest. Apum deniq; industria, cura formicarum, aranearum solertia, & alia innumera eiusmodi naturæ miracula quærebantur: quâ fiat, ut sine cognitione, hæc animalcula, vnico Dei impulsu ad finem quodque suum perueniant. hoc Aristoteles similitudine voluit explicare, nec fecit: quid autem fecit? Rem ipsam protulit pro simili, quæ similitudine declaranda veniebat. Produxit nimirum animalia terrestria, aquatilia, aëria, quæ ex sinu cuiuspiam prodeuntia, in finem quodque suum raperentur. Nec in hoc duntaxat viciosa fuit processio, sed quia quod de re illa dubium voluebatur, posuit pro dubij solutione. Agebatur nempe, quomodo Deus vnica, simplici que motione vnicuique animanti aptitudinem propriam redderet; qua sese ad finem proprium quodque recipiat, hoc agebatur. Quam huius rei causam profert Aristoteles? quia, inquit, Deus vnicuique eorum propriam aptitudinem reddit. Quomodo verò rebus tam diuersis aptitudinem suam reddit? Vnico, inquit, simplici que motu. At hoc ipsum inquirebatur, quomodo simplici motu tam varia perageret. Quis vel inuitus circulum tam manifestum non cernat?

Sed de his satis, siue hic liber sit Aristotelis, ut fert illius nomen, siue, ut quidam volunt, sit Aristoteli alienus, non tamen aliena doctrina, quam ex libris eius Aristotelicam esse



fatendum est. Verùm authorem non curantes, hocce tam periculosum dogma plurium animis penitus insitum volumus auellere, reuulsis his spinis in quas pressus se abdit lubricus error: ut non sit quo se recipiat, quin de manus huic certissimæ communique Theologorum, ac Philosophorum, de Dei præsentia, sententiæ. Patet enim quàm dissimiles sint illæ rationes, quàmque absonæ rationes, quibus Diuini illius numinis absentis opem rebus remotis per administras virtutes sufficienter deferri, frustra conantur ostendere: Quæ stomachumne an risum citiùs moueant, ambigitur.

In his examinandis, fateor, prolixiores fuimus, præsertim cùm nihil aliud probauerimus, quàm quæ de Deo communis Theologorum, Philosophorumque fert opinio: verùm dum eò plures eorum conantes trahere dicta Aristotelis; rem per se claram reddunt obscuriorem, ac pugnantia non rarò proferre coguntur: spero hanc nostram proximitatem non infructuosam fore, si hoc examine harum pugnarum fomitem extinxerimus.

## ARTIC. VII.

*Quo id ipsum totius Antiquitatis testimonio confirmatur.*

**Q**Uod si hæc victrix rationum inuictarum acies quibus cōsonant sacra eloquia, aliarum authoritatum subsidium desiderarent, præstò esset vniuersa Antiquitas, quæ quid de Deo senserit, malo ex aliis, quàm ex me referre. Toletus in lib. 8. ph. c. 10. tex. 86. q. de illis ita loquitur: Neque verò  
Peripa-



Peripateticorum inuentum proprium fuit, imò, vt ex Eugubino, Leonico, & Marsilio, ex authoribus ab eis citatis constat, id tota fatebatur Antiquitas. De Mercurio Trimegisto, eius Pimander refertus est hac re. Mundum esse vas plenum Deo. Dei spiritum omnia continere, &c. Idem ex Orpheo, Holoastro, Musæo, & aliis habes apud Eugubinum. Item ex Platone, & Plotino loca iam attuli, ex quorum sententia idem asserit Macrobius libro primo in somnium Scipionis. Proclus item in Timæum pauld post initium sic argumentatur: Deus est vbique, anima non, ergo anima non est Deus: Hinc illud Virgilij,

Iouis omnia plena,

& Lucanus,

Iuppiter est quodcunque vides.

Empedocles, cuius fit mentio in lib. de mundo, vbi supra asserit, omnia esse plena Deo. Quæ loca, inquit Toletus, Paucapro multis quæ afferrî possunt, adducta sufficiant, vt appareat contra Auerrois impietatem, non esse pueros, qui sic opinantur, sed ipsum potiùs impium, qui sic opinatus fuerit. Hæc quidem vera verè dixit Toletus, quæ tamen non minùs, meo iudicio, in Aristotelem, quàm in Auerroem quadrant, quem Aristoteles in hanc impietatem traxit.

Verùm, vt pateat, quàm Toletus, vt alij Peripatetici Aristotelem sibi, & se Aristoteli accomodare conentur in omnibus, proferam eiusdem Toleti de Antiquis philosophis aliud hac de re testimonium præsentî ex diametro pugnans. Is in lib. 2. Physic. c. 9. tex. 92. q. 13. Isti, inquit, Antiqui negantes Naturam agere propter finem, in alio principio peius errabant, non enim existimabant Deum omnium esse causam vniuersalem omnia prouidentem, ac disponentem. Hæc Toletus, quæ tamen opinor eum non ex se dicere,



à quibus abest, per varias facultates moderamen commiserit. Repete quæ superius de Aristotelis sententia retulimus, quidque de natura sentiat vide. Quid de illo spiritu. Quid de anima. Quibus quamuis pressus, non potuit adigi ut Deum præsentem agnosceret. hæc te qualis fuerit Aristotelis de Deo sententia docebunt.

## ARTIC. IV.

*Quo hac opinio supradictis similitudinibus refutatur.*

**S**I dura visa est aliis Peripateticis hæc Alberti atque Aristotelis sententia, de animæ in corde solo residentia, hanc eiusdem de Deo sententiam longè minus tulerint; idcirco eam esse de Deo mentem Aristotelis, licet hac de re nimis apertè loquatur, plerique eorum, ob veri reuerentiam, dissimulant. Verum missa hac quæstione, quæcunque fuerit Aristotelis de Deo sententia. Dei Opt. Max. rebus singulis præsentiam, certum est, iisdem similitudinibus; rationibûsque conuincere, quibus contrariæ sententiæ authores eam negare præsumunt.

Si enim Deus eo quo Rex subditos, modo, regat, ac moueat vniuersum, sequitur res ipsas naturales cognitione sui finis ad eum prosequendum excitari. Id quod declarant illæ similitudines quibus hanc suam doctrinam Aristoteles illustravit: Naturam scilicet rei cuiusque cognitione, atque ratione præditam, quas summi illius, regis mandatum excipiat, & secundum ipsum, agendi, partè que suas exequèdi rationem discat. Quomodo enim Xerxes subditos regit? quomodo manipuli  
ductor



ductor manipulum , centurio manipuli ductorem, dux exercitum mouet ? Imperio scilicet, pollicitationibus , remunerationibus , minis , multis, suppliciis. Subditus verò, & miles quomodo ad hoc imperium mouetur ? Spe remunerationis, gloriæ stimulo, ignominiae fuga, prædæ cupiditate, victoriæ fiducia, iræ quoque, ac furoris cuiusdam impetu in hostem abreptus : quæ omnia præuenit cognitio præsertim imperij, ac voluntatis eius qui præest. Neque sufficit hæc notitia, sed necessaria est quoque rei militaris, vel muneris cuique sui peritia, longo usu, atque exercitatione comparata : Et hæc cum adsint omnia, peccatur tamen non rarò grauissimè, mandatúmque superioris ab inferiore violatur. Quod si eodem modo rerum inferiorum naturam, primæ illius causæ moderamine regi credat, quomodo Naturam cæcam, & ignaram dicat, sensúsque ac cognitionis expertem, quæ in finem ad quem ordinatur, tam certò, certaque ratione pertingit ? Quomodo res in infinitum diuersæ, ad Dei illius absentis ac remoti nutum in actiones maximè differentes pro conditionis, loci, temporis varietate ferantur insciæ ? atque ita ferantur, vt à fine non aberrent ? Vt subditi Regi, vt milites duci obediunt, Cognitione igitur obediunt, & metu, & cupiditate, vel certè absenti Regi, vel duci nequaquam obediunt, si obediendi facultate carent.



*Quo alia similitudines Aristotelis eius sententia  
opponuntur.*

**N**Eque soluit hunc nodum Aristoteles cū in sequentibus volens ostendere quomodo diuinitati sit maximè consentaneum, vt formas omnes rerum omnium citra difficultatem, simplici que motu absoluat; non secus, inquit, atque illi machinatores solent, qui instrumento vno demittendo multos, & varios effectus edunt: aut illi prestigiatores faciunt, quos neurospastas ob id appellant, quod imagunculas animatas esse fidiculis ductitandis eumentiantur: qui cū funiculum ipsi, aut neruum adduxerunt, cieri ceruicem, & manum quasi animantis, simulachri, humerūmq; itidem & oculum faciunt, interdum etiam omnia membra: idque quadam cum venustate atque aquabilitate motus. Hoc igitur modo Natura diuina ab vno, eodem, simplici que motu primo vim suam immittit in ea quæ sunt primò continentia, ab illisque subinde in ea quæ longiùs atque longiùs absunt, quo ad permeauerit per vniuersa. Quippe alterū ab altero motū, rursum ipsum quoque aliud mouet, cū mundo. Hæc inquam similitudo rem minimè declarat, ni duo fateatur Author suæ doctrinæ maximè aduersantia; Primum est, vt quemadmodū singula membra singulis fidiculis diuersisq; motibus ciet prestigiator; ita Deus ad singulos rerum singularum motus, diuersorum instrumentorum agitatione concurrat; alterū est, vt causas secundas, ita agnoscat Dei instrumenta, vt ipsæ in suo genere non sint principales, neque magis vi agant propria, quàm illa simulachra quæ prestigiatoris artificio mouentur.

ARTIC.



## ARTIC. V.

*Quo res tota alit̃us repetitur.*

**Q**Uin commentitia illa vis per quã Deus hæc inferiora agere, ac ducere ab Aristotele censetur, tantum abest vt obscuritatem demat, densioribus tenebris dubium inuoluit. Siue enim ea virtus sit accidens, siue substantia, vt spiritus, per omnia diffusus, certum est eam rem non fuisse Aristoteli naturam aliquam vniuersalem cognitione, sapientiãque singula moderantem: sed vim illam, quicquid tandem sit, sensus, ac cognitionis exortem esse.

Mirabamur quomodo natura cuiusuis animalis, plantæ, herbæ, cum sit prorsus inscia, ad scopum, finemque suum, agendo certissima ratione collimaret; hoc merito magnam admirationem mouebat. En tibi longè maiori miraculo cæcæ huius virtutis quam Deus per omnia diffundit, cæco regimine, natura cuiusque dirigitur.

Puderet Aristotelem pertinaciter asserere Naturam cæcam seipsa tam difficile opus aggredi, qualis est corporis humani constructio, ipsumque tam certo ad finem perducere: idcirco aduocat Dei auxilium, absentis tamen, & qui cæci, huius ducis ministerio cæcam hancce Naturam doceat: ita tamen doceat, vt hæc natura nihilo minus ignara maneat. Integram itaque, & intactam linquit difficultatem, aliãque superaddit.

Certum est secundum eius doctrinam, virtutem eiusmodi non posse esse nisi vnã vel numero



vel specie, per omnia diffusam. Neque enim virtus illa qua Deus vel Sol proximè bonis generationem attingit, specie diuersa est ab illa, qua cum lepore, vel fele, vel etiam rapa, ad fœtus productionem cōcurrit. Vna inquam, eadēq; specie vis est, qua cū singulis singula progenerat, naturas singulorum conseruat, ac dirigit. Nec puto quemquam sanæ mentis futurum qui diuersas virtutes vel à Deo, vel à Sole exire sentiat, quarum alia ficus, alia pyri, alia amigdalæ, alia racemi productionem molitur.

Vna autem cū sit per omnia diffusa vis eiusmodi qua Deus absens res formet, ac regat; alterum è duobus est necessarium; vel conformiter naturę unicuiq; operantem eam vim, pro rerum diuersitate, diuersas quoq; promere functiones; non modo aliter in leonis, aliter in canis, aliter in muris, caulibus, brassicæ productione congreduendo, sed in diuersis eiusdem animantis partibus, diuersimodè naturam formatricem regendo, ac impellendo: vel semper vniformiter agentem, ac indifferenter, non aliter naturam in oculi quàm pedis formatione; intestinorum multiplici conuolutione, quàm crurium simplici extensione vis illa rectrix moueat, ac impellat: vtrum quis concedat è duobus, æqualibus sese implicat absurditatibus. Si primum; quæram à quonam virtus illa cæca & operis quod orditur nescia ad tam differentes motus determinetur. Nec, opinor, quis somniarit eam à cœlis, astrisque limitari, quorum motus ad quoslibet effectus est prorsus indifferens. Cur aliter agit in cordis, quàm ossis structura? Quia  
materia



materia diuersa est? At ignorat hanc diuersitatem. Fabri quidem appetitus à diuerso ligno, ad differentia ex eo conficienda opera terminatur: vt ex hoc lecti spondam, ex illo columnam, ex alio capitellum, ex alio mensam, cathedram, orbem, vel aliud id genus, sibi proponat: at proculdubio talis eius appetentiæ ad tam discrepantia, impetus cognitionem prærequirit, qua & res conficiendas nouit; & cui pars vna quæque ligni sit aptior, calleat: Verùm hæc virtus non magis nouit materiæ sibi propositæ differentiam, vt eius potentiæ suam conformet actionem, quàm natura illa cuius ipsa motrix, moderatrixque fingitur. Quia natura non nouit, eget duce; hic verò dux cæcus, & inscius à quo alio duce regetur?

Quod si quis ex his angustiis in alteram contradictionis partem confugiens, eam virtutem semper vniuniformiter agentem, ducem nihilominus naturæ asserat, ad tam diuersas partes ordine certò construendas, *incidet in Scyllam cupiens vitare Charybdin.* Quid namque propius accedit ad insaniam, quàm dicere naturam per obscurissimas difficillimarum actionum ambages vno semper eodemque motu duci; atque regi? vt dux ille non aliter naturam dextrorsum, quàm læuorsum tendentem, moueat; non aliter sursum quàm deorsum impellat; & tamen causa sit, cur has vias contrarias, certo, statutoque tempore sequatur: non aliter in illis cerebri plexibus, atque anfractibus variis, quàm in frontis æquabili læuitate ducat, & tamen natura quæ ducitur tam differentes edat operationes. Quis hæc sanæ mentis ferat?



## ARTIC. VI.

*Quo ex alius Aristotelica similitudinis improbatione veritas magis ac magis illustratur.*

**F**Rustra verò id Aristoteles tentarit ostendere similitudine eius qui ex eodem vase iaciat globum, tesseram, turbinem, & columellam; nempe vnumquodque, inquit, eorum accommodatè sua forma mouebitur. Aut si quis animal vnum aquatile, aliudque terrestre, & aliud volucre à sinu suo emittat: planum est enim quòd natatile eò profiliens enatauerit, vbi ei commodum est victitare; terrestre ad suas ades, pascuaque sua erepserit: at aërium è terra sublime raptum euolauerit: vna vtique eadèmq; prima causa propriam eorum vnicuique aptitudinem reddente. Eadèmq; ratio est in mundo. Si quidem ab vna calì vniuersi conuersione qua die nocteque finitur, alia, atque alia permeationes fiunt. Parum, inquam, commodæ similitudines, quibus nihil aliud quàm petitur principium, dum idipsum quod similitudine declarandum erat, pro simili usurpatur.

Proposuerat enim Aristoteles ostendere quomodo diuinitati maximè sit consentaneum, vt formas rerum omnium citra difficultatem, simplici que motu absoluat. Eiusdem prorsus est rationis: quomodo res omnes naturales eodem motu faciat, atque regat: & quidem qui vnum norit, omnia norit. hoc Aristoteles ostendit iactu globi; tesserae, turbinis, & columellæ. At priusquam iacerentur, hæc diuersimodè facta sunt, non eodem motu: ergo si valida sit similitudo, potiùs ostendunt Deum diuersis motibus, diuersorumque



que instrumentorum , ac virtutum usu , hæc tam diuersa fabricasse. Vel sanè quod quærebatur quomodo Deus vnico motu tam discrepantia faciat, debuit ostendere ; quod non fecit. Nihil igitur hæc ad rerum productionem , quod Author proposuerat , sed ad productarum motum , operationemque pertinet ; si tamen pertinet. Atque adeo illa similitudo non declarat , quomodo siue Deus ipse , siue spiritus ille quisquis sit ; siue virtus illa , quicquid tandem illa sit , vno simplici que motu tam diuersas eiusdem corporis partes formet ; vel naturam ad eas formandas moueat atque ducat.

Rursus, non satis aptè, simplicem illum Dei motum explicat, per motum eius qui res eiusmodi diuersas iaciat. Perinde quasi iactu illo , non naturali propensione res illæ moueantur ; quæ sublato impedimento, ac retinaculo, non minùs deorsum ruerent, quàm ab aliquo proiectæ. Quorsum ergo talis proiectio ? Quin, quod res eiusmodi diuersimodè cieantur eidem naturæ acceptum ferunt, quâ grauioribus imum occupantibus , partes leuiiores in sublimi tenentur. Hinc fit, vt resera quiescat, quia hæc moueri non potest, quin contra naturam grauia sursum ferantur ; secus de globo cuius nullæ partes prominent, quod consideranti liquebit.

Cùm ergo Aristoteles naturalis motus causam inuestiget ; & motus eiusmodi fiat à natura ; pro simili positum est idipsum , quod similitudine quærebatur. Quærebatur, inquam, cum res illæ finem suum non norint , si non aliter à Deo grauia , quàm leuia , moueantur ; quæ fiat,



vt natura grauium potius rectà deorsum , quàm sursum , dextrorsum , læuorsum , prorsum , aut quoquouersum sese proripiat. Debit id Author , vt obsecrum , sua similitudine planum facere, non idipsum, tanquam notum pro simili usurpare.

Possem hanc Aristotelis doctrinam alia similitudine illustrare, ignis scilicet, & Solis qui vna eademque actione quædam colliquant, alia indurant. Verùm hæc similitudo, vt præcedentes, petit principium. Nam cùm Sol, & ignis nihil aliud agant, quàm suo calore partes corporum dissoluant, ac rarefaciant; quorum partes subtiliores facile euaporantur, ea siccantur, crassioribus duntaxat subsidentibus; quorum verò partes rarefactæ non sursum auolant, sed circum circa sese diffundunt, ea colliquantur. Igitur idem manet dubium, eademque quæstio insoluta; cur cùm partes illæ finem suum nesciant, diuersi tamen finem diuersum, vbi solutæ fuerint, tam certò prosequantur; vt eas errare sit impossibile; dux, inquam, adhuc ille manet quærendus qui res ipsas singulas in locum sibi destinatum perducatur.

Clarior etiam est hæc principij petitio in altera similitudine. Agebatur enim, quomodo animantia terrestria, aquatilia, aëria singula Deus, aut ille spiritus, seu vis illa diuina, vnico, eodemque motu proprios in fines deduceret; quomodo loca commoda, pabula necessaria, remedia conuenientia quærant, & inueniant; quæ non norunt; quomodo auiculæ nidum quæque suum, ex certa materia, certa methodo, in certam figuram componant; Quærebamus cum Galeno, *Cur cornu*

*petat*



petat vitulus etiam ante nata cornua, & equinus pullus calce, nondum satis firmis ungulis, cur & catellus mordere conatur, etiam si adhuc infirmos habent dentes, cur & auium genus omne volatum molitur, etsi per infirmitatem nondum potest. Apum deniq; industria, cura formicarum, aranearum solertia, & alia innumera eiusmodi naturæ miracula quærebantur: quâ fiat, ut sine cognitione, hæc animalcula, vnico Dei impulsu ad finem quodque suum perueniant. hoc Aristoteles similitudine voluit explicare, nec fecit: quid autem fecit? Rem ipsam protulit pro simili, quæ similitudine declaranda veniebat. Produxit nimirum animalia terrestria, aquatilia, aëria, quæ ex sinu cuiuspiam prodeuntia, in finem quodque suum raperentur. Nec in hoc duntaxat viciosa fuit processio, sed quia quod de re illa dubium voluebatur, posuit pro dubij solutione. Agebatur nempe, quomodo Deus vnica, simplici que motione unicuique animanti aptitudinem propriam redderet; qua sese ad finem proprium quodque recipiat, hoc agebatur. Quam huius rei causam proferunt Aristoteles? quia, inquit, Deus unicuique eorum propriam aptitudinem reddit. Quomodo vero rebus tam diuersis aptitudinem suam reddit? Vnico, inquit, simplici que motu. At hoc ipsum inquirebatur, quomodo simplici motu tam varia perageret. Quis vel inuitus circulum tam manifestum non cernat?

Sed de his satis, siue hic liber sit Aristotelis, ut fert illius nomen, siue, ut quidam volunt, sit Aristoteli alienus, non tamen aliena doctrina, quam ex libris eius Aristotelicam esse



Peripateticorum inuentum proprium fuit, imò, vt ex Eugubino, Leonico & Marsilio, ex authoribus ab eis citatis constat, id tota fatebatur Antiquitas. De Mercurio Trimegisto, eius Pimander refertus est hac re. Mundum esse vas plenum Deo. Dei spiritum omnia continere, &c. Idem ex Orpheo, Holoastro, Musæo, & aliis habes apud Eugubinum. Item ex Platone, & Plotino loca iam attuli, ex quorum sententia idem asserit Macrobius libro primo in somnium Scipionis. Proclus item in Timæum pauld post initium sic argumentatur: Deus est vbique, anima non, ergo anima non est Deus: Hinc illud Virgilij,

Iouis omnia plena,

& Lucanus,

Iuppiter est quodcunque vides.

Empedocles, cuius fit mentio in lib. de mundo, vbi supra asserit, omnia esse plena Deo. Quæ loca, inquit Toletus, Paucapro multis quæ afferri possunt, adducta sufficiant, vt appareat contra Auerrois impietatem, non esse pueros, qui sic opinantur, sed ipsum potius impium, qui sic opinatus fuerit. Hæc quidem vera verè dixit Toletus, quæ tamen non minùs, meo iudicio, in Aristotelem, quàm in Auerroem quadrant, quem Aristoteles in hanc impietatem traxit.

Verùm, vt pateat, quàm Toletus, vt alij Peripatetici Aristotelem sibi, & se Aristoteli accommodare conentur in omnibus, proferam eiusdem Toleti de Antiquis philosophis aliud hac de re testimonium præsentem ex diametro pugnans. Is in lib. 2. Physic. c. 9. tex. 92. q. 13. Isti, inquit, Antiqui negantes Naturam agere propter finem, in alio principio peius errabant, non enim existimabant Deum omnium esse causam vniuersalem omnia prouidentem, ac disponentem. Hæc Toletus, quæ tamen opinor eum non ex se dicere,



sed ut Aristoteli consentiat. Cæterum hæc Veterum sententia clariùs in sequentibus exponetur.

## ARTIC. VIII.

*Huius rei veritatem illustrans.*

**Q**uoniam verò inter omnia Naturæ opera, admiranda illa, ac prorsus diuina corporis humani constructio coegit virum acutissimum Scaligerum, licet Aristotelicæ doctrinæ hyperastâ acerrimum; ut hac in re ab illo recederet; naturam eam ratione, intelligentiaque singulari præditam agnoscens cui tam nobilis ædificij peragendi cura committeretur: apertissima verò veritas aduersus illum clara voce testatur eam Naturam tanta cognitione conspicuam, cum non sit singularis; aliam esse non posse quàm ipsum Deum sapientissimum rerum omnium opificem, ut argumenta prorsus invicta, ac sole meridiano clariora probauerunt: Hoc mihi condonetur, si hac parte paulò fusior, docendi cancellos excessero. Non enim video, cur non quoque meam rem agam; si eam quæ vulgo percrebruit de medicis, opinionem cōuellero, quasi naturalis scientiæ vi in atheismum ducantur: quod adeò à ratione alienum res ipsa demonstrabit, ut nulla facultas altiore diuinitatis notam mentibus inurere, acutioremve eius operationis sensum cordibus imprimere, quàm medica speculatio iudicetur.

Ferunt Zeuxinr, cum canistrum vuis refertum, pro artis specimine pinxisset, ad quas auiculæ specie deceptæ conuolarent; rursus picto puero qui

canistrum



canistrum supportaret, quòd humana figura non deterreret aues, quominus ad vuas accederent; do-  
luisse, se in puero fingendo, non æquè atque in v-  
uis naturam imitatum. Tale ingenium, tot labori-  
bus, præceptis, exercitationibus ad eam artis suæ  
perfectionem progressum, externam humani cor-  
poris figuram satis exprimere nequiuit.

Neque sanè facilis est artificij, faciem illam, to-  
tiusque corporis membrorum compaginem benè  
imitari; vt geminos illos Soles, ex orbibus suis  
prominentes effingas, vt auricularum patentium,  
ac recuruatarum plicas, nasum processu sensim sur-  
gentem; nares hinc inde patulas interstitio cartila-  
gineo diuisas; vt labiorum decentem coitum re-  
præsentantes; ad hæc obserues ceruicis eminentiam,  
pectoris amplitudinem, alarum expansionem, pro-  
pensionem abdominis, clunium crassitudinem,  
reductionem coxarum, rectitudinem crurium, ex-  
tuberationem malleorum, plantarum latitudinem;  
& alia innumera, quæ quis dicendo prosequi suffi-  
ciat? Quid vt spatiû seruetur inter ipsas requisitum?  
vt debitum sit interstitium inter oculos, inter au-  
res, inter scapulas, inter mammas? vt nasus medius  
ab oculis, auribusque, debitam seruet vtrinque di-  
stantiam? Vt os, nares, mentumque æquali inter-  
capedine diuidat? Idem esto de reliquis partibus  
sensus. Quid vt proportio seruetur in lon-  
gitudine, latitudine, crassitudine, ne pars  
aliarum respectu vel excedat magnitudine, vel  
excedat paruitate? In quibus quàm sæpè pecca-  
tur, cum à pictoribus, tum statuariis & quidem  
peritissimis? Cum tamen vna sit simplex mem-  
brorum omnium moles vel terrea, vel lignea, vel  
lapidea, vel ex aliquo metallo conflata? Quid si



ex ossibus, articulis, nervis, vinculis, cartilaginibus, carne, cute, distinctè composita? Quid si ex peculiari materia singula fingerentur? ut oculi ex fluida & lucida; frons ex fixa & opaca; os ex duriore, nervus ex viscidior, vinculum ex tenacior formaretur? Quæ cum meritò nos in admirationem rapiant, quàm parva sunt ad ea quæ intus diuinum hoc opificium complectitur? quod velle imitari, non dicam temerarij, sed insani esset artificis.

Proinde insanirent Poëtæ, ni sensus alius fabulæ subesset, cum à Prometheo virilem statuem ex luto ita constructam fabulantur, ut anima sola desideraretur. Est enim hæc admirabilis structura Naturæ sapientissimæ opus vix dæmoni, aut angelo imitabile.

Quanti quæso fuit medicis nosse tot nervorum coniugationes, hæc ex cerebro, illas ex spinæ medulla ortas. hinc inde in varias fibras, ac tandem in filamenta tenuia diuisas per vniuersam corporis molem optimo ordine distributas, quarum aliæ motui, aliæ sensui, aliæ vtrique destinatæ sint? Quanti, nosse iecoris cum corde, cum cerebro, totoque corpore, per venas communionem? Cordis quoque cum omnibus consensum, per arterias, quas singulas venis singulis associat? Quot corporum sectiones non ab vno, sed ab innumeris medicis tentatæ hanc qualemcumque huiusce structuræ notitiam attulerunt? Et medicus vllus Atheus est qui non bestia, cum hæc videns eorum factorem ignoret? Quem verò nominem eum qui hæc omnia ab opifice cæco, ignoroque; tam appositè constructa putet? Cæcane virtus  
illa



illa quæ pulmones fecit spongiosos, vt quem ac-  
rem per asperam arteriam attraxissent, cordi defe-  
rentes æstum ipsius ventilatione temperarent?  
Cæcane quæ septum transuersum duxit, quod  
tanquam folles, aut flabellum respirationē effice-  
ret? Cæcane quæ ventriculum fecit, qui cibum quē  
per œsophagum recipit, conficeret? Cæcane quæ  
duos ordines dentium in ore distinxit, qui cibum  
atterentes stomacho præpararent? quæ tot costas  
vtrinq; tanquam ramos tam scitè exporrexerit, alias  
veras in sternū eocuntes, alias nothas paulatim ab  
inuicem sese diducētes: illas duriores, & cōiunctas,  
vt pulmones, & cor stiparēt; has molliores & seiū-  
ctas, ne ventriculo, intestinisq; officerent. Quæ spi-  
nā tot vertebriis distinxit, tot vinculis cōnexuit, tot  
tunicis vestiuit, vt & corpori ferendo subsisteret, &  
incuruando inserviret? Adde tot cavitates, has  
quidem, quod vsui essent futuræ, vacuas relictas;  
illas verò, quod nocturnæ, carne suffecta reple-  
tas: vel vt tanquam stragula obiecta partes mol-  
liores à duriorum contactu vindicarent, vel du-  
riorum collisionem molestam reprimerent; vel  
vt hiatus atque inæqualitatis deformitatem cor-  
rigerent; vel vt neruorum, membranarum, vena-  
rum, arteriarumque syncrasiam ad sensum, mo-  
tumque componerent. Hæc, inquam, si coniun-  
gas, captū hominis longè exuperātia; multò plura  
intacta prætermittes; & in iis quæ tetigeris, plurima  
præteribis, quæ si quantumvis anatomix peritus te  
scire profiteberis, impudens iure habearis. Hæc, in-  
quā, appeti sine cognitione, tētari sine cognitione,  
perfici sine cognitione potuerunt? Non videt  
hæc Deus qui facit? absens ea facit? per ministrum



inſcium ea facit? Inſcius ea facit ? Non videt cum oculus formatur? cum ex tot tunicis, humoribuſq; compingitur ? cum in globos æquales tornatur? palpebris, vt inuolucris operitur, pilis tam decenter ornatur, oſſe cauato, veluti vallo munitur ? Non videt Deus, nescit Deus cùm iſta fiunt? & tamen tam ordinate, tamque fabrè fiunt, & à miniſtro cæco, ignaroque ita fiunt ? Nesciebat artifex ille qui præcipua ſenſuum organa in capite tanquam in arce collocauit? qui cerebrum ſapientiæ fontem in ſublimi poſuit, vnde per quatuordecim decen-tes ſentiendi vim in ea deriuaret ? Nesciebat, cum cerebrum tot partibus diſtingueret, tot plexibus contexeret, tot membranis inuolueret, tot oſſibus ſtiparet, tot riuulis rigaret; tot ventriculis ſpirituum manſioni patulum, tot meatibus peruium relinqueret ? Mirum proſectò ſe mirificum illum contextum, quem propterea vocant rete mirabile, neque videns, neque ſciens fecit, cuius ſtructuram cùm videret, nemo adhuc aſſequi potuerit.

Quod ſi hiſce coruſcantibus Diuinitatis radiis perſtriſta oculorum acies ad obſcuriora, eaque quæ homini cum bruto communia ſunt, ſe referat; in illis viliffimis quæ fecibus excipien-  
dis, egerendiſque abdomine concluduntur, nequidem diuinitatis præſentis ſplendorem effu-  
gies, in mirabili ſingulorum ſtructura, fine, ope-  
ratione lucentis. Euolue tantum varios intelli-  
guntur plexus; vide membranas ex quibus com-  
ponuntur, rimare villos alios rectos, alios tranſ-  
uerſos: illos extensioni, hos contractioni famu-  
lantes; & ſi cellulas multiplices fecibus retinen-  
dis



dis ordinatas minùs lubet intueri; vide riuulos illos iniecur tendentes, chilumque exuctum ducentes, quibus vbique hæc intestina perforantur. Vide eorum compages, vincula, inuolucra, retinacula, firmamenta: quæ fortuito coiuisse, vel ab authore cæco seu ignorante facta qui putauerit, is pecus fuerit non medicus. Cùm autem horum formatrix natura sapientissima, non sit in vnoquoque corpore singularis, maneat extra calculum, Deum esse Opt. Max. qui præsens intimusque omnibus omnia operatur.

Haftenus de secunda quæstione, in qua, sacra Scriptura reuelante, concordantibus vniuersis Ecclesiæ doctoribus, summo Veterum omnium consensu, aduersus Auerroistas, ipsumque Aristotelem, rationes certissimæ atque euidentissimæ, Deum vbique præsentem, omniaque proximè operantem astruxerunt.



## INTENTIO III.

An ita Deus in omnibus operetur: vt res ipsæ nihilominus agant vt causæ principales.

### ARTIC. I.

*Quo status quæstionis exponitur.*

**N**ON quæritur an Dei respectu omnia mouentis, ac per ipsa agentis, res aliæ instrumentales causæ censeantur; quod in confesso est apud omnes. Verùm de instrumentali ratione



ambigitur, quomodo nimirum res naturales Dei instrumenta vocentur: An scilicet merè sint instrumenta, ita vt quamuis ad effectum, habeant aptitudinem, haud secus quam ferra ad scindendum, & malleus ad tundendum, non magis tamen se ipsas moueant, quàm ferra, vel malleus; sed totus eorum motus atque impulsus à Deo proueniat solo agente principali: An verò ita Deus, vt primum agens, per illas agat, vt nihilominùs illæ seipsis cum Deo in eadem actione principaliter concurrant; atque eadem actio Deum, & res illas, vt causas principaliter in effectum influentes sortiat. Hac difficultate vtcunque exposita, ad eius enodationem accedamus.

## ARTIC. II.

*De Priscorum authoritate.*

**S**Vnt quibus ideò vilescit venerabilis Antiquitatis authoritas, quia in abditâ eorum sapientiam penetrare nō possunt. Hi audiant doctissimum Piccolomineum cap. 12. de placitis veterum Philosophorum. *Hæc sunt, inquit, principalia opinionum capita, quæ quamuis primo occurso videantur absurda, latere tamen nos non debet, hunc fuisse Veterum philosophandi modum, nonnulla extrinsecus, præter communem, & cum sensu pugnantia proferre, quæ intus insignia mysteria includerent, vt vulgarium aures illuderent, admirationem in ingenuis animis excitarent, & mysteria Sapientia, tanquam Dei arcana puriora seruarentur, eaque ab inanibus vulgi opinionibus, Sophistarumque garrulitate secer-*  
rent.



rent. Aristoteles verò cum frequenter eorum sententiis suam sapientiam illustrarit, eo præsertim cæteris præstitit, quia vocibus propriis, congruente methodo, ordinèque aptissimo disciplinas principales absoluit, & edidit: neque ob id aditum ignavis ad eas patefecit, cum ea usus sit orationis breuitate, & explicandi arte, ut soli ingenio perspicaci præditi, nec quidem sine cura & labore, latentem eius sententiam valeant elicere. Frequenter Platonis, Verustiorumque sententias insectatur, & turbat, nonnunquam quia reuera ab eis dissentit, & tunc concilio non datur locus; sæpe verò, quia malè docent, vocibus vtuntur minus propriis, metaphoras adhibent, Mathematicas cum Physicis, & diuinis permiscēt, adeò ut aliis occasionem errandi præbere valeant; & eò magis, quo fama fuerunt celebriores, & tunc lites faciliè componuntur, cum in externis sint posita. Hoc indicauit Plato in Theæteto, inquiens, Etsi Melissum, atque alios, qui vnum immobile vniuersum dicunt, vereor ne fortè onerosi videamur, illos exagitantes, minùs tamen, quàm vnum Parmenidem vereor; Parmenides autem (ut Homericis vtar verbis) verendus mihi, acérque videtur; loquutus sum olim cum illo sene admodum adolescens, mihiq; visus est profundam, generosamq; sapientiam possidere, formido itaque ne dicta eius, vocèsque nequaquam intelligamus, quod autem verbis subintelligit, multò magis nos lateat, &c. indicat itaque Plato veteres mysteria philosophica sub velaminibus recondidisse, & ob id frequentes lites in verbis esse positas.

Hæc Picolomineus, in quibus animi verè philosophici nitor elucescit; dum & Aristoteli nihil derogare, & Veteribus ius suum seruire nititur. Factu tamen difficile, quod eorum scripta non extent, quæ sicuti seruarentur, quanti essent redimenda, libri Hippocratis docent, qualèsq; philo-



Silicet vetustissimus ille theologus sacris suis carminibus pridem cecinerat, quæ post ipsum summi philosophi; ac pluribus post eos seculis musæ Romanæ parens Georg. 4. Virgilius.

*Deum namque ire per omnes*

*Terrasque tractusque maris calumque profundum.*

*Hinc pecudes, armenta, viros, genus omne ferarum.*

*Quemque sibiennes nascentem arcessere vitas.*

Quo verò pacto id fiat aperit 6. Aneid.

*Principio calum, ac terras camposque liquentes,*

*Lucentemque globum Lunæ, Titaniamque astrâ.*

*Spiritus intus alit: totamque insasaper artus.*

*Mens agitat molem, & magno se corpore miscet.*

Mentem illam esse quam Anaxagoras, Democritus, Parmenides, Pythagoras, Plato, aliique philosophi sapientissimi per vniuersum orbem diffusam rerum omnium Architectam, motricemque agnouerunt, nemo ignorat, qui in Veterum lectione mediocriter sit versatus; per quam mentem Deum ipsum ab Orpheo Iouis nomine signatum intellexerunt.

Et quidem Platonis, à quo Virgilius hæc mutuatus est, hæc fuisse sententiam extra dubium est; cuius mentem ex doctissimorum sensu scrutabimur. Pythagoras autem quem sapientissimum Veterum monumenta proclamant, vt refert Polydorus Virgilius, lib. 1. cap. 1. de rerum inuent. Deum definiuit, animū esse per Naturam rerum omnem intentum, & commeantem, ex quo omnia quæ nascuntur, animalia vitam caperent.

Sed quis de Pythagora quærat qui Platonem consuluerit, quem in diuinis aliisque quæ ad intelligentiam pertinerent, Pythagoreis adhæsisse re-



sententiam testatur Picolomineus in fine secundi Physicorū, vbi ex Platonis sentētia; *Causa*, inquit, *secunda solum sunt instrumēta primæ causa, non autē sunt causæ primæ, & sūma productionis vt putat Aristoteles.* Hęc ille ex Platonis sententia. Quā talē fuisse legere est apud Damascenū in sua philosophia c. 9. vbi hac in re veteri Academiæ suffragatur: item apud Simplicium li. 2. Physicor. ad text. 29. Ficinum lib. 2. de immortalitate animorum c. 11. & Bessarionem lib. 2. contra calomniatorem Platonis.

Quin plures ex Peripateticis in hanc venerē sententiam, quam Toletus lib. 2. Phys. c. 3. q. 8. quibusdam tribuit Arabibus, prauē tamen torsam, vt moris est. hęc sunt eius verba: *fuit enim sententia quorundam Arabum, quorum meminit Auer. 9. metaph. Comm. 7. & disput. 3. c. 18. qui dicebant causas has inferiores nihil operari, sed Deum solum ad ipsarum præsentiam effectus facere, vnde solus Deus ad præsentiam ignis comburit, ad præsentiam cuiusque alterius agentis operatur, ipse particulares causæ solum se habent, vt signa actionis diuine.*

Hoc recepit inter Theologos Gabriel 4. sentent. d. 1. q. 1. & c. Voluerunt, inquam, hi philosophi quod Plato, Deum solum causam principalem reliquis vt, vt instrumentis.

## ARTIC. III.

*Quo varia Peripateticorum hac de re sententiæ exponuntur.*

**C**ontrariam sententiam tenent Peripatetici communiter, qui & res naturales vi sibi insita, principaliter agere contēdunt: non tamē in modo cōsētiūt. Auerroes enim cū suis, vt dictū est, ita



censet eas agere per se, vt neget Deum quem primi mobilis finibus concludit ; aliter cum illis, quàm per influxum cælorum, concurrere. Quam fuisse mentem Aristotelis, quicquid velint alij, & quæ diximus, & quæ dicemus, clarum faciunt.

Huic sententiæ quam manifestissimæ falsitatis conuicimus, reclamant communiter Theologi, & philosophi reliqui, asserentes quidem res naturales; etsi interno principio in proprias quæque actiones ferantur, egere tamen Dei præsentis ductu atque auxilio, sine cuius concursu vis illa rerum propria sit inutilis. Dixit enim supra Toletus, *Deum esse causam vniuersalem inclinantem omnia in proprios fines. Dixerunt Conimbricenses res naturales à Deo moueri, & propensionem ab eo accipere.*

Sed nec ipsi inter se concordant. Thomas enim cum suis, vt referunt Conimbricenses, dicit, *omnes causas secundas, antequam operentur, accipere à Deo influxum quendam, & motum, qui sit quasi esse intentionale virtutis diuine, quo ad promēdas actiones excitentur; eo modo quo artiū instrumenta, vt dolabra & securis præuiam motionem à fabro accipiunt, cum ad opus conficiendum applicātur. Namque esto, dolabra præacuta sit, & ad expolien- dum lignum idonea, haudquaquam tamen expoliet, nisi artificis impulsu, motūque cieatur. hæc ille.*

Conimbricenses verò cum reliquis sui ordinis, nec non aliis viris doctissimis, etsi fatentur res naturales Dei cōcursu, atque ope ad agendum indigere; negant tamen, talem Dei motum natura priorē; asseruntq; res ipsas simul, atque æquē primò cum Deo agere. Ex harum opinionū examine patebit solutio propositæ quæstionis principalis. An scilicet ita Deus in rebus omnibus operetur; vt

ipsæ



ipsæ cum illo concurrant tanquam causæ principales.

## ARTIC. IV.

*Quo sententia Thomistarum excutitur.*

**S**I Thomistæ res illas ita excitatas à Deo, & quasi somno solutas, ipsi postea coagere volunt, ut causas principales; parum circumspectè loquuntur. Sic enim Natura illa quæ in hominis mutatione cibum attrahit, concoquit, retinet utilem, expellit inutilem, nihil horum quæ facit appetet facere: sed quia Deus ad hanc, vel illam partem ducit, huc vel illuc sequetur. Cur hunc non illum cibum attrahit? Deus nimirum ad hunc, non ad illum mouet. Cur tantum prolestat, non amplius? Quia Deus non ad plus eam impellit. Cur tandiu concoquit, non diutius? non ampliùs in opere illo Deus ipsam detinet. Cur hanc retinet particulam, illam abiicit? Deus scilicet eam hunc in modum agit, ac dirigit. Namque cum hæ sint actiones diuersissimæ, si hæc natura non possit agere, nisi priùs à Deo excitetur, neque sanè poterit actionem mutare, & nouam inchoare, quin priùs à Deo ad hanc actionem moueatur. Simile erit in corporis formatione. Cur potiùs hominis, quàm bouis, aut ranæ corpus fingit? Quia sic à Deo dirigitur; ex se quippe non magis ad vnum quàm ad aliud ferebatur. Nō. n. vnum magis appetebat quam aliud. Enim uerò appetere est moueri, & tendere. At non mouetur ex se in id obiectum, priusquam à Deo in ipsum moueatur.

Ridiculus quidem esset qui de hac Natura, idem, ac de homine dormiente iudicaret, quem, ubi quis excitaret, secum postea deliberat quid facto sit



opus. Non inquam idem est de hac Natura, quam à Deo excitari nihil aliud est quàm ad hunc actum determinatè moueri. Itaque si quæras, cur in partium formatione, hæc à corde incipiat, vt placet Aristoteli: respondendum, quia Deus in illo prius eam occupauit. Similiter, cur duas manus, non plures fecit? non plures Deus voluit. Cur ex hac non illa materia? cur tali forma? cur hoc loco? cur hac dimensione? Deus ita eam mouit, non aliter. Quæ si de instrumento dicuntur rectè; de causa verò principali talia proferentem Aristoteles baculo abigat ex Lyceo. Talémne, quæso, intellexit causam, cùm libro secundo Physicorum, text. 38. dixit *querendam semper esse vniuscuiusque rei causam summam quæ sit propria eius*: Causámne quæ non magis hominis, quàm alini fabricā ex se moliatur? vel quī moliatur, si nō appetit? quomodo verò appetat quæ non mouetur? vel in quo differt vna ab alia, si tollas hunc agendi appetitum per quem alia in alium actum tendit; & in aliud obiectum? An quia diuersam diuersa habet aptitudinem? & hæc Natura humani corporis, illa bubuli, illa lupini fabricæ conuenit? At dolabra etiam, & ferra differunt aptitudine: Quin hæc natura vbi structuram cordis absoluerit; cū non sit mutata, æquè apta erit, vt aliud cor construat; & quæ oculum fecit in fronte, æquè apta vt in pede. Quod igitur non fecit, non eius aptitudini tribuendum: at neque appetitui; Cur igitur?

Quid, quod in hominis frabrica, continuè ferè fuit actio varianda, in varianda forma, varianda materia, variando modo agendi? Si quoties mutanda fuit actio, toties Deus hanc naturam mouit,

vt me,



vt merum instrumentum; & vt faber scalprum, aut dolabram, aliter, atque aliter regit; qui solus hos motus toties mutat, non poterit solus eosdem tantisper continuare? lassusne eget illius formæ cooperatione, quasi tantillo laboris leuamine? At quod illa Natura tunc quoque coagit, si tamen coagit, hanc, inquam, opellam quam ex sua parte confert, etiam à Deo accipit; à quo, secundum omnes theologos, ac patres Ecclesiæ, communemq; philosophorum sententiam sacris litteris conformem, habet non modo vt sit, sed vt conseruetur, & consequenter vt agat. Vel quid sibi vult illud Theologorum axioma; rerum à Deo conseruatio, est continua earundem creatio? qui continuè eas creat, non continuè eisdem dat vt agant? Vel dicentne illam actionem quatenus à natura eiusmodi venit, non à Deo sustentari? Quid ergo reliquum est huic naturæ, vt tanquam causa principalis agere censeatur? Itane philosophantes se Peripateticos dicant?

## ARTIC. V.

*Quo aliorum opinio examinatur.*

**E**Rgo vel causæ secundæ mera sunt instrumenta, vt volunt Academici; vel si ex se aliquam vim agendi habent, concurrunt cum Deo in omnibus, ita vt, quod asserunt Conimbricenses lib. 2. Phys. cap. 6. q. 15. art. 2. *tota actio, & totus effectus causarum secundarum simul à Deo, & à causis secundis procedat.*

Verùm hac vrget canis, hac lupo angit. Si enim cum Conimbricensibus naturam simul à Deo ad agendum seipsa excitari asseramus,



quem neque nouit, neque scit? Quid cæcum iuuet ductor qui ipsum non moueat, quémque euntem non sentiat? Quid discipulum ignarum scribendi magister, quem scribentem ipse nō videat? quem docentem non audiat? Eadem ratione, quid iuuet cæcam naturam Dei regimen incognitum? Sola nesciebat oculi formationem; sciuit cū Deo? At Deus direxit; quomodo si non mouit? Imitata est; quomodo, si non nouit?

Quid, quod necesse est ea quæ ducuntur, vel reguntur; si non ut instrumenta cieantur, sequi ductorem ac rectorem tempore in actione præeuntem; præit dux. Imò pone quasi sub eodem iugo incedentes, tamen qui ducit, cum ab hac in illam partem declinandum est, præit, alter sequitur; & qui docet, actione sua discipuli conatum præit; & sic de omnibus. Quomodo igitur dux Deus, si Naturam agendo non præit? Quomodo regitur Natura, si simul ac Deus in singulas actiones vi propria propendet? Ducit Deus? Fortè ducit Natura. Quæ enim, inter ipsos acriter concertatur, vter vtrum ad agendum determinet? Sed potius neuter; Siquidem vterque simul in actum seipso fertur. Neuter igitur ducit, neuter ducitur.

Perpende quæso Lector. Non potuit ordine agere Natura, nisi cognosceret, vel à cognoscente ordinaretur. Hæc erat ratio fortissima, murusque inexpugnabilis. Quomodo possit ordinari à Deo quæ non moueatur? quomodo moueri, quæ non, aut sicut instrumentum, aut cognitione moueatur? quomodo moueri, quæ prorsus simul agat cū Deo? quomodo moueri, quæ quoquoersum propria propensione feratur, licet non sine Deo?



Verùm cur non sine Deo? Est quoque hac parte opus attentione, vt cognoscamus quid per hunc appetitum intelligant; Si petam an quemadmodum pue appetit litteram formare, sed nescit, nisi ducatur à magistro, eodem pacto putent, Naturam appetere formationem cordis. v.g. sed nescire quomodo procedendum sit: negabunt; certum quippe est, quæ ita appetunt, nosse quod appetunt. Qui vult ire Romam, sed viam ignorat, nouit Romam in confuso, vel aliquid cuius causa Romam petat. Qui vult operari, sed nescit, nouit opus quod intendit. Ergo & Natura scit quid sit cor, si ipsum appetit procreare. Appetit tamen; quid ergo appetit? Agere nimirum. At profectò agere aliquid determinatum. Alioquin si sine vlla actionis determinatione appetat agere, nihil aliud vna natura appetat, quàm alia, nec aliter appetat natura bouis, quàm natura vitis. Ergo si appetunt, determinatus est cuiusque Naturæ appetitus. Et nunc, & postea, & continuè propendet, ac fertur in aliquid certum ac limitatum. At, inquis, dirigente Deo. Contra. Quæro num Deus agens cum illa, eamque dirigens, ducat quò propēdet ipsa, necne. si non quò inclinat, ergo contra ipsius appetitum; ac proinde motus is violentus est, qui naturæ appetitui repugnat. Si quò per se ipsa tendit. Ergo non à Deo dirigitur. Cur enim regatur, quæ seipsa motuque proprio tendat illuc quò dirigitur? Itaque si per se tendit, per se ordinatur, si per se ordinatur, cognoscit, per dictam ipsorum rationem. Quod si per se non appetit, nec tendit, sed tantum quatenus à Deo mouetur; iam, quod Plato voluit,



voluit, merum est Dei instrumentum.

Sed neque hic obiter tangenda est altera ipsorum ratio à Naturæ appetitu petita; vel potius à fine quem vt ipsi fatentur, nouit, si appetiuit: appetiuit autem si egit. Quæ enim appetitu carent, eorum nulla est actio ex Aristotele lib. 1. moralium. c. 9.

Agit autem natura per se vt hi volunt. Ergo agit ea ratione qua appetit ex eodem Aristotele qui lib. 3. de anima. c. 10. *mouetur enim, inquit, id quod appetit ea ratione qua appetit, & appetitus est motus quidam, vel operatio.* Ergo quomodo agit, eo modo agere appetit, vt eo loco, eo tempore, ex ea materia, ea forma, ea dimensione, eo ordine, proportionem, mensura quas numerosissimas, seu potius innumeras corporis humani particulas componit, prorsus agere appetat; quippe mouetur ea ratione qua appetit. Harum autem operosissimam diuersitatem quis possit oratione complecti? Quæ si non potuit absque cognitione fabricare, potuit sine cognitione eorum fabricam appetere? Minimam ex innumeris particulam scrutemur. Non potuit v. g. venam cauam è iecore sine cognitione ducere, potuit sine cognitione hanc educationem appetere? Non potuit eam tam amplam, neque tam firmam, sine cognitione compingere, potuit sine cognitione hanc amplitudinem, firmitatemque appetere? Non potuit alteram eius partem sursum, alteram deorsum rectà sine cognitione ducere; potuit sine cognitione hunc ductum rectum appetere? Non potuit, vbi ventum est ad eum locum, sine cognitione vtramque bifariam secare; potuitne sine cognitione hanc bisulcam sectionem appetere?



Qua namque potissimum ratione, probant homines acutissimi atque doctissimi, alij Naturam hanc corporis humani formatricem esse sapientissimam, alij à duce sapientissimo regi? Quia nēpe non potest ferri in finem difficillimum, atq; obscurissimum, nisi vel eum cognoscat, vel à cognoscente ducatur. Hæc est turris tutissima, atque immobilis; ut quæ natura cor molitur, sciat id necessarium ad vitam; quæ pulmones, ad refrigerationem; quæ diaphragma, ad respirationem, quæ iecur, ad sanguinis elaborationem, quæ ventriculū ad cibi concoctionem, & ita de ceteris. Sed ad quē pertinet magis finem rei cognoscere, an ad eum qui appetit rem ita fieri, an ad eum qui eam facit? Est profectò eius qui domum vult in loco perflabili construi, quæ fenestris perforet Orientem, scire, quem in finem id velit, non fabri qui eam ædificat: Est eius qui aliquod instrumentum, vel utensile, vel machinam ab artifice petit, scire cur ex tali materia, & tali forma velit, non opificis qui eam struit: Est medici qui potionem ex his, & his compositam vult, nosse, cur talem velit, non pharmacopolæ qui eam præparat. Eodem modo proculdubio, est eius qui singulas humani corporis partes hoc loco, ea forma, ex tali materia appetit, ac intendit construi, nosse cuius gratia id appetat: ita ut si ab alio in actione sua dirigeretur, magis tamen esset necesse, eum qui eiusmodi constructionem appetit, finem illius fabricæ nosse, quàm illum à quo in operatione sua dirigatur.



*Quo Aristotelis error cum Peripateticorum errore  
comparatur.*

**Q**Vi igitur monstrosam meritò iudicarunt, Naturam omni cognitione carentem ad finem propositum seipsa tendere: iidem eadem, ac maiora portenta admittunt, dum declinato illo principio, atque illa via quæ Aristotelem, & Auerroem in eos plexus errorum traxit, ne Aristotelem deserere videantur, in easdem ambages ultro sese iniiciunt. Fuerat enim mens Aristotelis, Deum quem primæ Intelligentiæ nomine significat, ita primo mobili assiduam esse, ut non ultra sese extendens rerum inferiorum moderamē causarum subalternarum ministerio perageret. Quod iacto fundamento, necessariò sequebatur, res naturales seipsis agere, ut causas principales, atque in proprios fines quamque virtute sibi innata moveri: licet ea vis languida, & quasi sopita Cælorum, astrorumque influxu iuuaretur, atque excitaretur ad agendum. Sed cum hoc principium, Dei scilicet absentis regimen in alterum ex duobus errorem traheret, aut ut quemadmodum Scaliger, & alij, naturas rerum singularum formatrices intelligentia præditas diceremus, aut ut cum Aristotele, & qui eum secuti sunt, naturam cæcam, & ignorantem posse nihilominus virtute propria in finem debitum pertingere, fateremur. Vtramque periculosissimam errorum abyssum ut vitarent Theologi, ac philosophi qui cum sacra scriptura, cum patribus antiquis, cum ratione evidentissima sentire voluerunt, tutiorem viam felicioribus aurbus



auspicati Deum immensum atque infinitum rebus omnibus astantem, easque moderantem ac regentem agnouerunt: & quam Dei præsentis curam sacræ litteræ mille in locis resonant, defixis oculis in huius cæcæ naturæ tam rectas certasque operationes, admirati, ac venerati sunt. Verum ecce, nescio quo fato, quam declinarunt voraginem, in eandem periculosius ruunt; dum res naturales autumant principaliter agere, vique propria cum Deo agente concurrere. Sic enim quicquid negantibus Dei concursum impropere, ipsi turpius admittunt; & alias absurditates accumulunt, Aristotelis genio reclamante.

Peccauit quidem Aristoteles, & qui eum secuti sunt, simplex tamen fuit peccatum. Minus enim peccauerunt affirmantes naturas rerum seipsis sine Dei regimine, atque ductu in finem ferri quem ignorent; quàm si, id negantes, dicerent Naturam, quæ cæca non potest per se finem suum sequi; cæcam tamen posse sequi ducem, qui tamen ipsam agendo nullo modo præcedat, sequi doctorem qui docendo nequaquam præeat. Minus peccarunt, quam si dicerent, Naturam quæ virtute sibi innata, proprioque appetitu in omnes quantumcunque varias actiones æquè primo ac Deus ipse fertur, à Deo tamen concurrente, & comitante in illas ordinari, ac dirigi. Minus peccarunt, quàm si dicerent Naturam quæ inscia nequeat ordinem actionis obseruare, eandem, si Deus simul agat, quem non sentit, & à quo non mouetur, seipsa motuque proprio hunc ordinem certissimum tenere. Quæ proflus absurda non tulissent Aristotelis aures; indignè insuper ferentis, vel forte ridentis, se ab iis desertum qui



qui incommoda eadem, propter quæ ab ipso defecissent, aliæque plura, & grauiora vltro subirent. Vltro, inquam, necessitas quidem consequentiæ coegit Aristotelem, vt qui Deum præsentem rebus non admitteret, res ipsas agendi per se virtute fecundaret. Quæ assertio trahebat hoc absurdi, vt etiam Naturam vi propria, proprioque impetu in finem certum tendere putaret. Quam quidem assertionem de rerum naturalium agendi virtute, quàm rectè, & philosophicè Aristoteles ex eo licet falso principio deduxit: tam malè atque imprudenter, negato illo, admittunt isti; cum per illam vltro, & sine necessitate admissam, multiplicibus illis, atque inexplicabilibus errorum absurditatumque nodis sese illaqueant; quibus facile expediebat eos Dei præsentis, & res singulas in fines suos mouentis, ac dirigentis confessio; si quem diuinum Platonem cum antiquis illis nascentis ecclesiæ luminibus, in hoc erant secuti; eundem cum illis doctissimis patribus audiissent, vbi res Naturales mera Dei mouentis, ac regentis instrumenta sapientissimus asseuerat.





# DE FORMA

## LIBER III.

### *Propositio.*

**E**RNELIVS ille, cuius merita non nostris egent elogiis, lib. de facultatibus animæ cap. 13. de Peripateticis ita loquitur, *Tanta est eorum in vnius opinione pertinacia, ut errare malint, & in controuersia, concertationeque perpetuè versari, quàm synceram, puramque rerum cognitionem capere: atque cum perspicuis dubia debeant illustrare, dubiis perspicua tollere conantur.* Hæc magnus ille vir. Quæ si vera sunt, nihil spei subest, eos tam certis, firmisque rationibus commotum iri, qui ex instituto tuentur errorem, eoque tuto gaudent, ac glorianantur. Esto. Non tamē oberit multorum peruiicacia, quominus in aliorum gratiam pergamus in veritatis illustratione. Ut ubi, non modò eorum argumenta diluerimus, sed illis, veritatem quam impetunt magis ac magis confirmauerimus, atque illustriorem fecerimus, quicquid obstrepat inuidia, nostri labores sudati in publicum bonum, boni con-



ni consulantur. Ades igitur Lector, atque animo patienti rationes illas expēde quibus aduersus receptam Platoni, Veteribúsq̃ sententiam, commentum suum de natura singulari, quam nomine formæ substantiur significabimus, defendere conantur. Causas expectas vehementes, quæ Aristotelem à trito Veteribus calle abduxerunt, Et sanè vehementes esse debuerunt. Miraberis autem cū nullas reperiēs; sed quicquid illi machinantur, aduersus ipsos veritatem Priscis cognitam astruere comperiēs.

## ARTIC. II.

*Quo paucis in Veterum sententiam præludatur.*

**E**T si non est nostri instituti hoc loco Veterum sententias de rerum naturalium principiis examinare, paucis tamen in illas præludere non erit incommodum, quo facilius ex hac suppositione Aristotelicis argumentis respondeamus.

Ergo Vetustiores omnes qui in formali principio, inente scilicet, illa in omnibus omnia operante consentiebant; licet (prout Aristoteles refert eorum sententias) in materialibus discrepare videantur; in eo tamē concordabant, quod cū nihil ex nihilo fieri cōstanter assererēt, negarēt cuiusquā generationē aliud esse, quam principiorum præexistentium diuersam compositionem: haud secus atque videmus Typographum ex iisdem characteribus aliter atq. aliter positis, alias, atque alias orationes effingere. Et quemadmodum ædificium fit ex variis partibus materiæ præexistentibus, ex quibus rursus dissolutis, aliud atque aliud conflare po-



test additis vel detractis lapidibus, lateribus, asscribus, aliisq, partibus; eorúmque situ variato. In eû, in quâ, modû, ex certis principiis diuersimodè coeuntibus, omnes rerû omnium mutationes fieri autumabant. Atque vt in iis quæ nostræ sunt artis pedem figamus, Cibus in stomachum ingestus, sed priùs diligēter tritus, calore ventriculi in suas partes resoluitur; cuius partibus inutilibus excoctis, quæcunque ad nutritionem profunt, retentæ in chilum coalescunt, nihil de nouo accedente.

Rursus à venis mesaraicis hic chilus in iecur prolectus ibi magis elaboratur; donec visceris illius calore magis concoctus in partes varias discernitur, quarum separatarum vis deprehenditur, quæ prius confusa latebat. Itaque aquosioribus in pituitam, terrestrioribus in melâcholiam, magis verò igneus in bilem flauam facessentibus; singulisque in propria conceptacula amandatis, sanguis manet purior; ac nutritioni commodior. Hic rursus per venas in corporis partes quouersum distributas, tertia concoctione subtilius resoluitur; ita vt partibus serosis, dilutioribusque reiectis, partimque per vrinas, partim per sudores, partim per alia corporis excrementa pulsas, quod suæ naturæ conuenit, singulæ corporis particulæ sugant, reiectis minùs aptis. Atque hoc pacto, conuersio eiusmodi, cibi que mutatio in propriam partis naturam, nihil aliud est quàm post solutionem sufficiētem massæ sanguineæ, dissimiliūmq; expulsionem, similium ab vnaquaque particula attractio, atque retentio. Nam quæ vni parti, puta carni, dissentiant, ac propterea ab illa reiciuntur; alij plerumque similes, v.g. neruo, vel ossi, ab



si, ab eodem in communionem prolectæ amicitia vinculo retinentur. Neque partes illas tales concoctione factas putandum, nisi quatenus coniunctio facit diuersum quid à partibus seiunctis: ut puluis albus cum nigro commixtus nistum, seu medium refert colorem. Itaque cum prius essent per cibum dispersæ hæ particulae; atque ab aliis quibuscum confundebantur impedita, facta iam resolutione per concoctionem multiplicem discretæ, & liberiores redditæ similes iunguntur similibus; vînque iam nactæ aliæ aliò facile secedunt, partem illam singulæ quærentes, cui se propter conformitatem adiungant.

Hinc monstrant quomodo & ex corruptione nihil de nouo generetur: sed tantùm earundem partium, quarum facta erat copulatio, fiat resolutio; quia singulæ etiam in minutiores particulas, ex quibus compactæ sint, conciduntur; vnde & ignis, & aer, & aqua, & terra quæ prius iuncta latebant, appareant, & quæ prius impedita non agebant, iam ruptis impedimentis sui sensum impriment.

Sic ex sanguine lac, ex lacte soluto butyrum, serum, & caseus generetur. Sic ex sanguine, partibusque aliis coniunctis semen fiat, animetur, attrahat, concoquat, retineat, expellat; Sic generatio, sic nutritio, sic accretio compleatur, rursusque decretio, atque corruptio. Et sanè certum est nihil vel generari, vel augeri, vel vîllo modo fieri ex alio, nisi partium noxiarum præuia depulsione, aliarumque debita & concinna copulatione. Cæterum quomodo fiat elemento-



rum quæ contraria videntur, tam arcta inuicem copulatio; dicemus suo loco; Et an detur ille spiritus corporeus quidem, quem Stoici per omnia permeare arbitrati sunt, quique omnium nexus esset. Item an hæc elementa prima alia in aliorum naturas transmutentur; vt putât Aristotelici: Item dato quod talis fieret transmutatio elementorum; an continuo sequeretur dari formam substantialem; vt illi perperam inferunt. De quibus omnibus quoniam longè amplior nos manet disputatio in locum proprium reseruanda, quemadmodum & de illis Antiquorum principiis, atque opinionibus: sufficiat hæc pauca prælibasse, recordantibus quæ de principio formali secundum illos Veteres exposuimus, de mente inquam illa quæ hæc materialia principia quodque prout postulat, mouens, motûque vnicuique debito impellens, propter proportionem variam partium attractioni destinatarum, varias hæc rerum species certo modo ac ratione perficiat.

INTEN-





## I N T E N T I O I.

Qua Peripateticorum argumenta  
refelluntur.

## A R T I C. I.

*Quo rationes quibus Conimbricenses probant  
formam substantialem, conuellantur.*

**P**Rodeant ergo Conimbricenses, & quicquid  
pretij pro hac sustinenda doctrina iudicant,  
exponant i. phys. c. 9. q. 10. art. 2. Solet autem substan-  
tialium formarū assertio multis ex capitibus, longo ratio-  
num ductu, à philosophis comprobari. Nos potiora tantum  
argumenta in medium afferemus, quorum primum ita ha-  
bet. Res naturales sunt compositae, non ex materia duntaxat;  
quia cum hominis, lapidis, & leonis eadem sit communis  
materia, eadem foret omnium essentia, & definitio. Itane?  
Scamni, lecti, mensæ, cathedræ vna eademque erit  
materia; an propterea vna eademque omnium essen-  
tia, ac definitio? Ex iisdem characteribus, vel litte-  
ris, vel etiam vocibus plures fient orationes; tan-  
quam ex eadem materia iam propterea eadem est  
omnium orationum essentia, ac definitio? Nulla  
tamen in scamno, lecto, mensa, nulla in oratione  
forma substantialis reperitur quæ talem essentia  
differentiam cōstituat. Cur potius in rebus natura-  
libus id genus formæ requirentur? Pergunt Co-  
nimbricenses. Quòd si quis occurrat, composita physica  
constare ex materia quæ sit substantia, atque etiam ex for-  
ma, non tamen quæ substantia sit, sed accidens, is facile con-



faciatur. In primis hoc modo. Materia est nuda potentia, ut superius demonstrauimus, & tamen est substantia, ut aduersarius fatetur. ergo & forma multo maiori iure substantia erit.

Ecce verissimum quod Pernelius illis improperat, dubiis scilicet perspicua tollere conantur. Valde enim dubium est an materia sit pura potentia, quod quam bellè probent, visum est suo loco. Sed esto. Ergo forma est substantia? Negatur sequela. Scamni materia est substantia, ergo & forma? Domus materiæ est substantia; ergo & forma? Attamen materia scamni æquè est nuda potentia ad diuersa facienda, sicut materia ex qua & homo & canis possunt fieri. Quo sensu materia dicitur nuda potentia, si tamen est? Quia nulla forma magis conuenit ipsi quàm quæuis alia. hoc modo ferrum est nuda potentia fabro; quia non magis ad ferrum pertinet, ut sit triangulare quam quadrangulare, vel rotundum, vel alia quauis figura. Adi Platonem, docebit te quomodo, ut faber ferrum, ita Deus materiã mutet. addunt tertio vel ipsa composita naturalia sunt accidentia, vel substantia: si accidentia, non igitur constituntur ex materia quæ sit substantia; si substantia non ergo constant ex forma quæ sit accidens; alioqui aut non substantia ex substantiis, aut non accidens ex accidente coalesceret. Hæc ratio, sicut præcedentes, diluitur eodem quo Diogenes pacto Zenonis motum negatis argumenta refutauit; ambulauit scil. Similiter huic argumento sicut prædictibus opponimus experiëntiã. Domus nempe est substantia, nec tamen eius forma substantia est. Quomodo ergo domus substantia? materialiter. formaliter verò accidens. Similiter: Composita naturalia materialiter sunt substantiæ, formaliter accidentia. Constant scil. ex partibus quæ sunt substantiæ; earum tamen partium talis compositio, in qua ratio for-



mæ consistit, est merum accidens. En tibi ex omnibus Peripateticorum rationibus, quas firmissimas Conimbricenses elegerunt; quæ tamen ad eo leues sunt; ut nisi Authorum grauitas dissuasisset, potius irridendæ fuissent, quàm refutandæ.

Nihilne amplius Conimbricenses? Nihil quidem quod conuincat, verùm Rursus, inquit, idem hunc in modum suadetur. singulis rebus naturalibus aliqua propria, & peculiare functiones conueniunt, ut homini ratiocinari, equo hinnire, igni calefacere, atque ita cæteris: sed eiusmodi functiones oriri nequeunt à materia, quæ, ut supra ostendimus, nullam effectricem vim habet: oriuntur ergo à substantiali forma. Nec satisfaciet, qui dixerit proficisci à materia instructa accidentibus. Quæro enim cur isthæc potius accidentia in hac materia quàm illa conspiciantur, cur igni potius calor, quàm frigus competat? cur aerem leuitas, non grauitas sequatur? Cū igitur huius rei causa ad materiam referri non possit, tum quia ob insitam inertiam, nudaque potentia sterilitatem, nullum ex se accidens profundit tum quia, cū vna eadēque sit in rebus sublunaribus, eadem iisdem accidentia promiscuè inissent: planè sequitur talium accidentium originem ad formam substantialem vti ad ipsorum fontem referendam esse. Proinde negari non potest, vnicuique rei naturali suam inesse formam substantialem; ex qua constet, à qua gradus præstantiæ, & perfectionis in compositis physicis desumantur, à qua omnis rerum propagatio dependeat, à qua sua cuique nota, & character insideat, quæ quicquid operis in natura sit, pro sua facultate moliatur, quæ omnes eliciat, tū vitæ, tū reliquorum omnium actiones, cui accidentia tanquam instrumenta, subsidio veniāt, quæ deniq; spectabilis huius mūdi theatrū, sua varietate, ac pulchritudine mirificè distinguat, atq; exornet. hæc Conimbricenses. Quid nos? Nō probauerimus superi⁹,



res cuiusque Naturalis proprias illas actiones quibus certò in finem suum collimat; ac pertingit, non Naturæ singularis quæ in ipsa sit, motu, atque impetu elici; sed esse causæ illius vniuersalis, Dei inquam ipsius operationes; qui veluti artifex, res ipsas tanquam instrumenta, quasque mouet, agitq. prout ipsarum patitur aptitudo. Vnde per partium detractionem, additionem, inuersionem, immutatis continuè talibus instrumentis, non mirum sit, si artifex ille per ea mutet actiones, ita vt res eedem alio tempore alia, & aliter agant. hæc, inquam non dixerimus, horum nihil probauerimus, quod tamen rationibus inconcussis obfirmauimus. Tamen non fecerimus. Sufficiunt nobis hæ Conimbricensium rationes atque argumenta quibus formam substantialem frustra conantur stabilire; Quippe iisdem certum est eam conuellere: vt aliis aduersus eos machinis non sit opus.

#### A R T I C. I I.

*Quo Conimbricensium argumenta discutiuntur.*

**O**Missis igitur quæcunque superius hanc in rem prælosumus; ac si res integra esset, horum argumentorum vis est perpendenda. Conimbricenses, vt summam sensum eorum referamus, ex propria cuiusque speciei figura, virtute, functione, siue, certum in ea principium inferunt quod formam substantialem dicunt. Ergo pari ratione, certa cuiusque partis in animali, vel planta, formatio, figura, vis, actio, atque vsus; certam, propriamque in ea formam euincet substantialem; à qua peculiaris illa quæ huic parti conueniunt, adiuncta promanent. Ex figura enim, colore, sapore quem hæc herba à Natura adepta est, cau-



est, causam quandam in ea vnam agnoscunt, quam formam substantialem putant. Cur cum in singulis eiusdem plantæ partibus, radice, caule, frondibus, floribus, fructu, semine, eandem inueniant diuersitatem, non eandem ob causam, in eis diuersas formas substantiuas excogitant?

Similiter in eodē animali, medulla figurā, odorē, saporē, colorem, tactum, reliquāque omnia habet, eāque longē diuersa quā quæ caro, vel neruus, vel quælibet alia pars eiusdem animantis: illæ partes in illa diuersitate tanquam sibi naturali ac debita perseuerant. Cur inde non inferunt singula in singulis partibus propria principia, formāsque substantiales, quātū vnaquæq; certam hanc adiunctorum complexionem in parte quam afficit, producat? Idem esto de effectibus, virtutibûsque rei cuique peculiaribus, quas ex propria forma substantiua autumant deriuari. Nunquid eiusdem herbæ virtus alia est in medulla, alia in cortice, alia in radice, alia in frondibus, floribus, ac semine? Imo eiusdem fructus corticem, & pulpam ita virtute, atque effectū videas discrepare; vt cū illa calefaciat, digerat, atque abstergat: hæc contra refrigeret, repellat, ac constringat.

Idem esto de animantis eiusdem partibus; quæ virtutibus prorsus dissident ab inuicem. Nec tamen hi dicunt esse propriam unicuique parti vel herbæ, vel plantæ, vel animalis formam à qua peculiare eas vires, ac proprietates sortiatur. Cur igitur in virtutibus, ac functionibus unicuique speciei peculiaribus, formam eiusmodi substantialem venantur? vel hæc figura, virtus, functio, finis rei cuiusque, non arguit singulare in illa prin-



cipium à quo talia procedant: vel formatio, vis, actio cuique parti peculiaris certam, peculiarémq; huic parti formam substantialem euincant.

Evidentiùs etiam seipsam destruit huius argumenti confirmatio; qua dicunt, si compositi naturalis functiones propriæ abs materia prouenirét, cum vna eadémque sit in rebus sublunaribus materia, eadem iisdem omnibus accidentia promiscuè inessent. Cuius consequentiæ valor ex hac pēdet. *Quia, scilicet, eadē causa eosdem semper effectus producit.* Quæ si vera est, sequitur eandē formam substantiuam easdem vbique, & semper edere operationes, præsertim cum immutabilis ipsa cēseatur. Vel afferant causam aliquam differētiæ; cur si materia esset mater accidentium, ac proprietatū subiecti; eadem specie materia in omnibus, eadem in omnibus accidentia produceret: eadem verò forma specie, non eadem in singulis eiusdem speciei edat operationes. Sanè causa nulla est. Ergo ex vi argumentationis ipsorum, non eadem specie forma erit, quæ in singulis hominibus tam diuersos exerit effectus. Eadem enim specie materia in omnibus hominibus si ageret, eadem accidentia produceret; ergo & ab eadem specie forma eadem promanarent.

Sed quis ignorat, quantum figura, atque ingenio, cunctisque tum corporis, tum animi dotibus homo ab homine differt? Tanta quidem est dissensio facierum, vt quotquot homines vnquam fuerunt, ausim asserere, eorū nequidē duos facie prorsus simili. Discrimē autem facierū ingenij discrepantia sequitur. Sed hæc parua sunt. Mittamus figuræ, staturæque differentias; quod hic pusillus,  
ille



ille procerus; hic gracilis, ille carnosus, hic infirmus, ille robustus, hic rectus, & bene conformatus, ille vel claudus, vel gibbosus, varus, vel malè pedatus, vel alios patiens corporis defectus, & impedimenta: Mittamus, inquam & has, & alias differentias siue in colore, siue in corporis, membrorumque conformatione multiplices; quibus non ouem à capra, nec auem à pisce magis, quàm quosdam homines à quibusdam aliis videmus recedere.

Si spectes eorum ingenij diuersitatem, quodnā animal inclinatione naturæ alij magis diuersum reperiemus, quàm quosdam homines quibusdam aliis comparatos: Hunc videas docilem, facileque omnia documenta capientem; illum verò prorsus obtuso ingenio, vt in eo docendo nil aliud quàm oleum, & operam perdas. Si diuersa studia mente adeas, ad quæ diuersi suapte natura feruntur; alij literis vltro se dedunt; & quidem alij alia literarum genera, prout sua fert natura, proseguunt; poesim, oratoriam, philosophiam, iurisprudentiam, medicam, mathematicas; aliasque artes, ac scientias liberales; quarum ad hanc vel illam quispiam à Natura propemodum, effectus cum sit, ad reliquas vel omnes, vel plures prorsus est ineptus: prout vel memoria, vel intellectus, vel imaginatio magis, minúsve in illo valet, aut deficit. Alij verò literarum exercitia abhorrentes, ad alia opera quodam Naturæ impetu rapiuntur; qualia sunt plurimarum artium quas diuersas homines diuersi profitentur.

Complures contra videas omnem laborem detrectantes, otio, atq; incuria torpere; quos eneces, si



loco moucas. Alios ventri deditos, strenuos compotores, ganeones, vappas, lurcones, in popinis omnia bona obliguriētes: alios contra, parcos, sobrios, tenaces, & rei familiari addictos quibus ex ore detem citius, quā obolum ex crumena excutias. His nihil liberalius, nihil splendidius, nihil magnificentius; illis contra nihil sordidius, nihil auarius, nihil denique abiectius. Sunt qui voluptatibus diffluunt venereis, sunt qui vino perpetuo madēt; sunt quos alea tenet assiduos, sunt quos venatio sola delectat; sunt qui nihil aliud quā bella, pugnāsque respirant: quibus alij sunt prorsus contrarij, vel misogenes qui omnem mulierum congressum reformidant, vel abstemij qui nequidem vini ferant odorem, vel imbelles, ignaui, timidi, quos vel tympani, vel tubæ sonitus examinet.

Atque ita impressæ sunt à Natura hæ affectiones; vt vel ex solo vultu facile sit deprehendere hunc, vt corpore prauum, etiam animo prauiorē, & qui ad omnia scelera procliuus, tanquam monstrum immane nil nisi ad hominum perniciem natus esse videatur: illum verò corpore, ac vultu præferentem quam habet à natura optimam indolentem ita ad omne genus officij, & pietatis Naturæ, bonitatem propensum; vt non alius rei magis, quā communis, bonique publici amore stimuletur.

Videantur ne lupus, & ouis; miluus, & columba, natura magis oppositi quā homines isti corpore, ingenio, naturæque motibus admodum contrariis inuicem opponuntur? Atque à Deo pertinaciter inhaeret illis hæc Natura, vt frustra studiū in contrariū adhibeas, ni naturam ipsam euellas; quin merito dixerit Horatius *Naturam furca expellas licet, vsque recurrit.*

Hæc



Hæc infinita diuersitas, non à materia venit, vt aiunt Conimbricenses; quia si materia eadem specie in omnibus eadem accidentia produxisset. Ergo à forma, ergo propter eandem rationem, non à forma eadem specie: sed quot quot sunt homines tot sunt in eis formæ specie differentes, quæ tam differentes promunt effectus. Nam quæ ratio probat ex eadem materia non posse manare nisi eadem accidentia: Ipsamet ratio idem de forma eodem iure pronunciat.

Sed ad ipsorum argumentum redeamus. *Singulis, inquit, rebus naturalibus aliqua propria, & peculiare functiones conueniunt, vt homini ratiocinari, equo hinnire, &c.* Ex propriis cuiusque speciei functionibus, proprium cuique speciei principium substantiale, formam scilicet asserunt. Ergo ex propriis cuique homini affectionibus propriam unicuique formam substantiuam eadem ratione inferemus. Quippe nullus est hominum qui cum ullo alio facie conueniat, nedum aliis prope innumeris quæ ferè in singulis hominibus diuersa reperiatur. Quod si dicant hanc diuersitatem esse per accidens, respondebimus similiter, discrimen inter bouem & equum esse tantum in accidentalibus partibus, ex quibus constant compositione, vt sæpius dictum est. Adde quod Conimbricenses negant hanc accidentium differentiã à materia procedere. Ergo à forma, quæ proinde in diuersis hominibus diuersa sit. Nullum enim tertium admiserunt, cui talẽ affectionũ differentiã adscriberemus.

Sed observa quæ sunt ætatis cuiusque naturalia, non solum figura, & constitutio corporis; verum animi facultates, & studia. Non alio infantia, alio



pueritia, alio iuuentus, alio virilis ætas, alio senectus oblectatur? non sunt ætatis cuiusque sui fructus? non propriæ actiones in quas illa ordinatur? Habétne ætas quæque formam substantiuam peculiarem, à qua peculiaris illa figura, peculiarisque procedant actiones? Cur igitur ex certa figura, certisque virtutibus, atque functionibus cuique speciei propriis, certam vnicuique speciei colligunt inesse formam substantialem?

Animaduertant igitur quàm pulchrè argumententur qui suis rationibus astruunt sententiã Empedoclis, Democriti, Leucippi, Anaxagoræ, eorumque omnium qui res omnes ex partium certarum debita compositione nasci dicerent; vt supra indicauimus; Atque hinc fieri, vt eiusdem rei diuersæ partes diuersam vim nactæ essent, quod aliis aliæ constarent elementis; vel aliter inter se mixtis, & temperatis. Similiter eiusdem speciei res, ob compositionem variam essent inter se dissimiles; atque inde fieret, vt idem homo, propter mutationem elementorum, eorundemque compositionis varietatem, qua veluti continuo fluxu, toto vitæ curriculo mutatur, variis etiam feratur affectibus; vt quantum senex statura, figura, corporisque conformatione, atque elementorum discrepantia differt à sese puero; tantum etiam moribus, animique motibus dissentiat. Vnde inquam illi elementorum variorum multiplicem complexionem rimati sunt? Ex effectuum nimirum mutatione, ac diuersitate, causæ quoque mutationem, ac diuersitatem intulerunt. Et qua via Peripatetici diuersa in boue, & equo principia quæsiuerunt, per differentes scilicet eorum figuras, ac functiones, eadem



dem Veteres illi, in diuersis hominibus, imo in eodem homine iuene & sene principia discrepantia inuenerunt, quod admodum diuersa, in eodem homine puero & sene sint omnia, ac quælibet ætas peculiaris sibi cuncta habeat. Ergo & peculiaris principia. Noui responsuros eā actionū facultatūq; differentiam non modo in diuersis hominibus, sed in eodem homine, ex instrumentorum mutatione procedere, quibus variatis, eadem forma substantiua varias edat functiones. Esto. Verū dicius formam talem nondum ab ipsis probatā, quod expectamus: tantūque suis rationibus probasse quod volebamus, esse rerum singularū plurima, diuersissimāque principia, quæ continuè variantia in eodem homine, continuam ipsius mutationem efficerent. At ea principia sunt organica, non causæ principales. Sint. Veteres hoc ipsum voluerunt: nec de hoc quæritur. De causa verò principali cum sit quæstio nondum probatum est eam in vnaquaque re esse singularem, quam Platonem vetustioresque sequuti commonstrauimus esse vniuersalem, quæ diuersis rebus veluti variis instrumentis, ad differentes operationes vtatur.

Ad cuius veritatis confirmationem, fruamur hac ipsorum ratione, qua errorem fulcire voluerunt. Non probarunt dari formā singularem, sed si daretur, eadē variatis instrumentis, variaret actiones. Dari causam illā vniuersalē quæ rebus omnibus insit ipsimet demonstrant. Quidni igitur variatis subiectis veluti instrumentis, diuersas edat operationes? Detur forma rei substantiua, res bruta erit, imo sensus omnis expers, quāque Aristoteles vno principali membro concludit. Talis tamen



si detur, absque aliarum formarum vicariarum ministerio, quam diuersis, pro partium diuersitate, vteretur instrumentis, tam diuersimodas exercet functiones. Causa verò illa vniuersalis quam omnipotentem, omnisciamque, ac nullo loco circumscriptam, sed omnia peruadentem fatentur, rebus omnibus, cunctisque earum partibus intima, non possit per instrumenta id præstare, quod forma ignara, vnoque membro circumclusa faceret, si daretur?

Sed sole clarius fecimus superius, non dari alias causas principales actionum naturalium quam hanc vniuersalem. Aduersus illas inuictas rationes quid possent, expectauimus. Probarunt, non vnā formam substantiuam, sed plurimā, continuè variantia rei cuique inesse principia. Dicunt esse instrumentalialia, vt aint. fatemur. At aliud in re quaque principium dari minimè probarunt. Quid si libro sequenti; ducibus præcipuis Aristotelis assertoribus, euincamus, atque extra dubium ponamus, nullam dari formam singularem rei cuiusuis quæ continuè per partes non fluat, ita vt nihil penè sit in animali vetere formæ illius, quæ infuerit? Quid si ipsi Peripateticæ disciplinæ principes aduersus ipsum Aristotelem luce meridiana clarius id demonstrèt? forma quæ per partes facta, per partes sensim mouetur, ac fluat, fueritne aliud quā Supreme illius causæ singula mouētis ac regētis, instrumentū?

Quod tamen de anima rationali minimè dictum, cautum volumus, à qua proinde, brutos illos motus, de quibusegimus, procedere negamus; idque non tantum Platonis, sed Principum inter Peripateticos auspicio, qui plures in homine animas rationibus euidentissimis commonstrarunt.

Caterum



Cæterum & hoc aduersus Conimbricenses iu-  
uabit aduertere. Cum hanc in singulis compositis  
instrumentorum mutationem, in solis accidentib.  
putent consistere; negentq; materiam, quam aiunt  
in omnibus eandem, diuersorum accidentium cau-  
sam esse posse, necessariò id discriminis formæ tri-  
buendum: cum illi tertium non relinquunt, ni hæc  
affectuum differentia accepta referatur. Quod si  
non ab eadem materia; cur ab eadem forma poterit  
tanta diuersitas oriri? Attendant ergo. Diuersitas o-  
perationum formæ, à diuersitate organorum, diuer-  
sa verò organa ab accidentibus diuersis: diuersa tã-  
dem accidentia vnde? Si non à diuersa forma vnde?  
negant enim à materia. Præclaras sanè Peripate-  
ticorum rationes, vel potius nugas, quibus diutius  
lusimus in lectoris patientiam. Quàm dubiis incer-  
ti que certissima tollere conantur? Nihil amplius?  
Audiamus.

## ARTIC. III.

*An ex eo quod vnumquodque generat sibi simile forma  
substantialis arguatur.*

**A**Ristotelis aduersus Empedoclem argumen-  
tum lib. 2. de gener. c. 5. tex. 39. refert Tole-  
tus ibidem his verbis, *Argumentatur tertio contra Em-  
pedoclem: qui in doctrina sua non poterat reddere rationem  
generationis Naturalis, i. quæ naturæ cursu fit, non arte, aut  
casu. Nam generatio talis, aut semper ita est, aut plerumque,  
vt ex homine nascitur homo, ex vite vitis, ex frumento fru-  
mentum, raròq; deficit. At apud Empedoclem, nulla huius ra-  
tio redditur: non enim aliud de generatione dicit, nec aliam  
causam ponit, quàm elementorū mixtionem, & coniunctio-  
nem, ac per hæc, non est ratio huius generationis, nisi pona-*



tur forma, cuius natura est, simile producere, vel semper, vel frequenter. Hæc Aristotelis aduersus Empedocle ratio. Quæ si vera est, vt similis à simili productio sit formæ substantialis argumentum. Ergo parâ ratione, quod rufus rufum, fuscus fuscû generet, arguet formam substanti- le in fusco dissimilem formæ rufi. Quippe non minùs quàm bos bouem, & equus equum; solet Afer nigrû, & Pigmeus Pigmeum, & Gigas Gigantem generare. An formæ hæ tam differētium effectuum authores sunt inter se dissimiles? Negat Aristoteles. Vt tamen valida sit eius ratio, debent dissimiles effectus à dissimilib. causis prodire. Sic enim quia discrepat ouis à capra, diuersitatē formæ efficientis colligit. Alioquin si sufficiat forma quæ in oue similis sit illi quæ in capra; quid opus esset singulas in singulis agnoscere; cū sufficeret mēs illa causaque vniuersalis quam omnia permeātem omnium causam effectricem Plato veteresq; agnouerunt. Ergo ex diuersis effectibus diuersas causas agentes Aristoteles intulit. Ergo in Afro, & Anglo diuersas dissimilēsq; formas agnoscat, sua eum cogit ratio. Cum autem neget attribuendum formæ substantiæ, quod Afer ab Anglo, & Pigmeus à Gigante tantum differat; neque quod canis à lupo, & miluus à columba tantum discrepet, formæ substantiali ferendum. Sed quemadmodum, quòd Afer nigrum, & pater similē sibi gignit filiū, causa est penes materiā similem: Ita quod ouis ouē, & capra caprā edat, ex materiæ similitudine procedit: Cui conformiter dū agit causa illa Vniuersalis, effectus sequuntur, materiæ, elementorumq; proportioni respōdētes.

Cur enim potius necessaria est forma substantialis quæ canē generet, quàm cū ranas, mures, vermes,



mes, muscas, aliaque eiusmodi animalia Sol producit, vna eademque vniuersali actione, materiae vim conatumque promouens? Non opus forma muris quæ murem; nec ranæ quæ ranam creet; vel materiã disponat; quippe elementorum proportio à Sole, cæterisque astris adiuta eò tendit. Cur potius in capræ formatione sit opus formæ substantialis adiutorio? Quia capra fere semper capram, & ouis ouem gignit? Quid tum? Scilicet magis fixa est in illis elementorum proportio, vt non multum immutetur: vnde semen simile, vel ferè simile temperetur.

In terra verò, aqua, palude, cum proportio facile varietur, fit, vt pro cæli diuersa influentia, varios edant foetus. Propter quas causas multas fruges in alias speciei diuersæ videmus degenerare.

Quid quòd non magis ouis ad productionem ouis apta est quàm Tellus alia res alias certasque suapte natura profert? Vnde illud Virg.

*Hic segetes, illic veniunt felicius vna,  
Arbori foetus alibi, atque iniussa virescunt  
Gramina.* Et rursus.

*Nec verò terra ferre omnes omnia possunt,  
Fluminibus faciles, crassisque paludibus alni  
Nascuntur, steriles saxosis montibus orni.  
Littora myrtetis latissima, denique apertos  
Bacchus amat colles, Aquilonem, & frigora taxi.*

An forma terræ producit has plantas? An hominis forma producit pediculos qui solent in ipso, atque ex ipso nasci & vesci? An forma traxini gignit cantharidas? forma lanæ tineam? forma cadaueris vermes? non enim magis hædus capræ, agnus ouis, quàm hæc illorum certissima sunt soboles. En quæ validis argumentis Empedoclem petit Aristoteles.



*An aliis rationibus forma substantialis possit demonstrari.*

**I**gitur firmioribus argumentis, si quæ sunt, hanc formam substantiuam astruere conandum est. Videtur sic posse demonstrari. Quia partes ipsæ neque operari, neque nutrirî, neque constare possent; ni esset aliquod commune vinculum quo inuicem conneâerentur; visque aliqua cõmunis omnibus; cuius cura, motuque fiat, vt partes aliæ aliis præbeant alimentum, aliæ aliis in totius perfectionem inseruiant. Itaque quamuis admitteremus, quod aliqui dicunt, formas particulares esse cuique parti proprias, vt formam ossis, nerui, venæ, & id genus aliæ; nihilominus, vt ipsi volunt, necesse esset fateri formam aliam partibus omnibus communem; quæ vnica, & toti corpori vniuersalis, partibus omnibus præsit; & à qua earundem pendeant actiones. Tantum abest igitur, vt in partibus ea figuræ diuersitas, facultatum discrimen, actionũ differentia vnicam in subiecto formam substantialem impediat, quin, dum ordine certo in pulcherrimam symmetriam suauissimumq; concentum, hæc licet diuersa, consentiunt, videre est quasi Cytharædum quas adaptauit in testudine sua fides varias mirificè pulsantem; hanc formam substantiuam quæ diuersissimas partes, potētias, functiones in gratissimam harmoniam concordet. Magnum si quidem discrimen est inter formas elementares, quæ vt earum simplex materia requirit, simplicem habent virtutem, & formas corporum compositorum quæ quo  
perfe-



perfectiores, nobilioresque; eo pluribus instructæ sunt potentiis ad varias actiones; quas tamen partiū diuersarum, tanquam organorum ministerio exequuntur. Hæ quædam rationes eminus aliquam habent speciem firmitudinis, quas tamen si excutias, corruunt. Loquatur experientia. Ad multipliciū, inquis, partium connexionem, communi vinculo opus est. Age; vidistine picem, viscum, gluten, res diuersissimas, & sibi, & alias aliis connectens? vel strictiū sine pars parti adhæret, quàm ferrum, & lapis glutine, vel mastiche copulata? Ad hanc verò tam firmam coniunctionem, opus estne forma aliqua substantiali quæ glutini, ferro, & lapidi sit communis? Quod si quis dicat glutinis formam huius vinculi causam; non tamen dixerit, eam formam lapidi & ferro communicari, vel in ea se insinuare. Dicunt ipsi formam glutinis diuersam à forma lapidis, & ferri, ecce igitur res diuersas arctissima necessitudine copulatas, sine communi vinculo formæ quam res illæ diuersæ participant. Cur potius opus est forma substantiali quæ communis omnibus partibus corporis viuentis, eas inuicem connectat? Quin Zabarella in cadauere probat remanere formam mixti, imò in diuersis partib. diuersam, nec vllam admittit de nouo aduenientem formam substantiuam, quam validissimis refellit argumētis. Ergo secundum hanc viro-  
rum acutissimorum doctrinam, naturaliter vnus, eiusdemq; corporis partes diuersissimæ, diuersisq; formis substantialibus præditæ firmissimo inuicem vinculo connectuntur; cum tamen nulla sit forma substantialis cōmunis huius tã arcti vinculi causa. Quod si hæ partes mortuæ cōmuni hocce vinculo nō egeāt, cur viuæ eguerint.



At, inquit, non ex sola partium connexione, sed earundem communione qua alia aliis, v. g. alimentum ministrant, hanc formæ substantiæ necessitatem colligimus.

Sa'tem paucis, hoc pluribus demonstrandum, evicimus, ex partium coniunctione formam substantialem illis communem non probari. Atque ista cessio cogit aduersarios in angustum.

Verum non in his vim facimus, ad hanc alimenti distributionem properantes, simulq; partium connexionem, quam videre est in viscis quæ arboribus adnata, licet nullam formam arbori & visco communem agnoscas, magis ab illis pendet arboribus, quam pars arboris ab alia; cum viscū excisum, aut auulsum non aliunde queat vivere, ramus verò arboris excectus, ac terræ mandatus, radices agat, ac in arborem crescat. Quam ob causam Mathiolus negat viscum esse arborem ex se, quia vitam aliunde mutuatur. En firmissima visci cum arbore copulatio, en communicatio alimenti tam certa ut (quod arbori non competit) viscum omni tempore virescat: Cōmunisne formæ beneficio id factum putet?

Veniamus ad capillos, qui nihil aliud sunt, quam quædam corporis excrementa: non aliter tamen, quā quævis pars corporis, cū illo coherent, atq; ab illo capiunt nutrimentum. Non hoc videas in vnguibus, quæ cum rescentur, ut reiectitia quædam, nihilominus non solum ut alia partes, nutrimenti communicatione crescunt, sed adeò tenaciter digitorum extremis hærent, ut nulla pars ab alia, maiori dolore diuellatur. Mitto alia plurima quæ præter naturam corpori adnascuntur. Hoc est philosophorum, medicorumque astrum, quo perciti  
infana



insana praelia conferunt: dum ratū vnicū esse principium, vnamq; formā substantiuā, à qua partiū nexus, & cōmunicatio, & incrementū, & functiones pendeāt; videre nequeūt, cur hæc quæ alioquin cōstat esse recrementa, neque habere eandē corporis formā; nō minūs tamē arcto vinculo, quā aliæ partes corpori cōnectantur; nec aliter ab eo trahāt incrementū: imò iongè vberius, quippe quæ resecta statim repullulēt, ac breui in longiorē quàm prius, mensurā producātur. Quod si ad nexū, cōmunioneq; visci cū arbore, capilli cum cute, vnguis cū digito, nullā cōmunē formā admittūt; cur potius ad cerebrum cum neruis, ossa cum vinculis, iecur cum venis, cor cum arteriis coniungendum?

Quod si dicāt viscū in arbore, tanquā terra propria radicatū ab ea vitā, & nutrimentū capere, haud secus atq; abs terra herbæ, atq; plātæ alūtur, idēq; dicendū de capillis ad cutē, & de vnguibus ad digitos. Respondebo hoc si valeat, idem censendum de venis ad iecur, de arteriis ad cor, de neruis ad cerebrum comparatis; esse scilicet in illis tanquam in terra propria radicata; hacq; ratione ab illis succum sibi conuenientem elicere: nec maior est ratio de vno quàm de aliis. Ex quo sequitur, non necessariam formā substantiuā illis partibus cōmunem.

Addā aliud de tunicis quibus fætus in vterō inuoluitur, quarū quæ choriō dicitur, vasa habet vtero, & vmbilico pueri cōtinuata, de quibus Galenus lib. de dissectione vteri. *Vasi inquit, quod in chorio est principium dat finis illius quod per vterū propagatur, vt duo hæc vnum dicere possis. Osculis enim ita vniuntur, vt vena, à vena sanguinem, arteria ab arteria spiritum hauriat. Idē Aristoteles cap. 8. lib. 7. de histo. animal. Vmbilicus, ait,*



*veluti putamen est circa venas, quarum origo est ab utero.*  
 Hic nexus huius vasis cum utero, cum umbilico, atque per hunc, communio uteri, pueri, & secundinarum, seu membranarum quibus foetus inuoluitur, cum sit perspicua; Quæro, Eruntne forma aliqua substantialis utero membranis, pueroque communis? Quis dicet matrem, membranas illas, & foetum esse quid unum? qui tamen non minorem inuicem habent connexionem, quam quævis pars corporis cum alia. Si non sunt unum, quomodo habeant formam unam? Foetus in lucem editi eadem est forma quæ prius, non utique forma matris, aut membranae, à quibus nemo dubitat esse diuersam. Ergo & prius erat diuersa: siquidem eadem erat tunc eius forma, quæ post partum manet. Quis igitur dicat ad nexum partium, communionemque, formam communem esse necessariam; qui matris, membranarum, & foetus copulam consensumque tam necessarium viderit, nulla tamen forma substantiua communi intercedente?

Quid de trunco, & surculo, ubi coaluerunt, dicendum putant? Neque enim negauerint ex utroque, æquè unum per se fieri, atque ex diuersis eiusdem corporis partibus. Quod si negent; pari iure ex corde, & arteria, & ita de reliquis partibus, unum per se fieri negabimus. Sin verò ex surculo & trunco unum per se fieri concedant, iam ex duobus specie differentibus, unum per se fieri fatebuntur; & quidem pristinam speciem retinentibus. Quod manifestum faciunt rami, si qui infra commissuram nascantur; pristinam naturam seruantes; eamque diuersissimam ab illis qui supra eam fruticantur. Nunquid rami illi, & fructus quos  
 pars



pars vtraque producit, conuincunt truncum, & furculum eandem quam prius naturam seruare? nunquid diuersam à natura furculi, trunci naturam, vt priùs demonstrant? Si vni ex pluribus ramis primi, furculum cerasi inferas; nequaquã erit natura vna, quæ pruna simul, & cerasa ferat. Abscinde reliquos ramos, vt ille solus vigeat, cui Cerasus insita est: manebit truncus idem qui priùs, naturam Pruni seruans, ex quo trunco & Cerasi furculo arbor vna coiuerit, trunco vtique & ramis naturam, vt priùs, specie diuersam seruantibus.

Cernant igitur hic ex rebus diuersi generis, aut speciei; seruata cuique sua specie, vnum quid fieri, non minùs quàm ex corde, & arteria vnum resultat: vt, si nullam esse trunco & furculo communem formam, per quam hic nexus, atq; communio fiat, sensus cogit fateri: eandem de corde cum arteria, cæterisq; partibus confessionem extorqueat; non ex eorum copula atque consensu formam communem probari.

Quod si diuersi generis partium coniunctio, atque communio formæ regimen vniq; non requirit, quanto minus ad partium quæ eiusdem generis habentur (quales sunt partes ossis, vel nerui, vel carnis) coitum, ea forma necessaria est: Et, si ad stirpis, & furculi connexionem nulla eiusmodi forma communis interuenit; cur ad rami eiusdem partes copulandas, eam intercedere necesse est? Opinor eos hoc nexu magis quàm partes illas constri-ctum iri, vt quò se vertant, ignorent. Qui quidem nexus me cogit fateri, ex partium coniunctione, atque consensu non euinci formam aliquam substantiuam partibus omnibus communem.



## A R T I C. V.

*Quo nexus huius, atque consensus causa inquiritur.*

**P**icolomineus cap. 10. lib. de mundo, agens de eius unitate. Mirari, inquit, profectò sublimia ingenia possunt qua ratione, cuius munere, & qua virtute valeat Mundus esse vnus, cum in eo inueniantur partim pugnantia, vt contraria, partim distincta genere, vt attinentia ad varia predicamenta, partim etiam distincta plusquam genere, vt aeterna, ac mortalia, & praesertim quia vnum numero est maximè vnum, ea autem valdè multa, & distincta, nec apparet quid ea detineat, ne secernantur: vt ratio admirationis est conspicua, ita apprimè latet, & obscura est causa, per quam proximè Mundus sit vnus. hæc ille. Quam in rem multiplices philosophorum pugnas apud ipsum videre est: quæ ad præsentem rem nihil attinent, in qua de mundi unitate agere nobis non est propositum. Sufficiat id quod in confesso est apud omnes, diuersissimarum mundi partium, tantum esse intericem consensum, atque concordiam vt huius ordinis atque unitatis retinendæ causa, grauius sursum, & leuius deorsum præter ordinarium cuiusque impetum ferantur. Quibus positis ita procedimus.

Vel datur aliqua causa vniuersalis siue assistens, siue informans, quæ has omnes mundi partes artissimo necessitudinis nexu coniungit, vel absque vlla causa vniuersali, atque communi, singulæ nihilominus partes, etiamsi diuersissimæ hanc inter se concordiam; amicitiamque conseruant inuiolabilem. Si posterius: cur vnus animalis, aut plantæ partes



tae partes minùs poterunt sine formæ substantialis nexu coherere, atque consentire; quàm totius vniuersi partes, siquidem sine tali connexionem, firmissimam tamen inter se concordiam seruare fatearis? Lōgè profectò minùs est mirabile, si res caduca, ad breue tempus, sine formæ substantiæ retinaculo, ex partibus diuersis constet; quàm mundi huius molem immensam ex partibus diuersissimis conflata, sine formæ vniuersalis connexionem perpetuam incorruptibilemque perdurare.

Sin prius dicas; & quod ex Antiquorum, maximè verò Platonis doctrina deductum certissimis, clarissimisque rationibus commonstrauimus, mentem diuinam, per omnia diffusam, singulis rebus astantem motum ad finem proprium dare, ac virtutem cuique suam & dare & conseruare. Quid quærent in rebus singulis singulas formas substantiales, cum vna vniuersalis causa per omnia extensa singulis sufficiat?

Esto quicquid voluerint, hæc vniuersalis causa, sit substantia, sit accidens. Hæc causa quæ vniuersi partes connectit, non potest vnius plantæ vel animalis partes coniungere? Cur non possit, nullam dabit rationem.

Et si causam illam vniuersalem quæ partium orbis compagem iungat, ac singula moderetur demonstratum est esse sapientissimam. Quippe est ille cytharædus qui quas aptauit fides suauissimo modulatu pulsât, quem in toto, concentum seruans in partibus. Et quidem vnius animantis numerosissimas partes, ac multiplices earum vires, functionesque ab vnico singularique volunt pendere principio: cuius virtute hæc agentia



in optimam harmoniam conueniant. Quanto perfectius est, atque infinitæ illi sapientiæ conuenientius, vt & res omnes, earumque partes, ac virtutes ab vno ortæ principio, eoque interno, atque omnia permeante, vt sunt in illo, & ab illo, ac per illud subsistunt, & perseverant, ita ab illo motæ, & rectæ operentur?

Sed prolixiores fuimus ostendendo tale principium in re qualibet, singulare, non posse demonstrari, cum superius demonstrauerimus non posse dari, vnicamque motus naturalis causam principalem in omnibus esse, eamque sapientissimam. Quæ pro illa natura singulari haberent argumenta expendimus, quæ talia reperta sunt, vt qui aduersus tam potentes rationum moles, quibus pro veritate certamus, tam inanes, futileque nugis audet opponere, non minùs ridiculi videantur, quam si araneorum telis, tormenti bellici impetum velint retundere. Quomodo insuper ipsos suis armis cõfoderimus, propriisq; rationibus conuicerimus, mera mora esset repetere. Insuper meminimus quæ fuisse docuimus, res diuersæ speciei in vnũ coalescentes naturam propriam seruare, vt & corporis anima destituti partes diuersissimæ, nulla adueniente forma noua pristinum nexum retineant; & crinis cuti, vnguis digito, viscum arbori, membrana pueri & matri, sine vlllo substantiali vinculo communi cohæcant; vt ex trunco & surculo vnum resultet, vtraque nihilominus parte naturam priorem, proprietatēq; retinente, in quibus videre est res diuersæ naturæ inter se firmissimè coniunctas, alias ab aliis nutritionem, accretionemque mutuari: Ergo alio vinculo, quam sit illa forma seu natura quam fingunt



fingunt in re quaque singularem. Quod quidem vinculū vniuersale sit Dei præsentis, quem Theologi vocant naturam naturantem, operatio continua, qua principiis materialibus imprimens impetum ad quem apta sunt, dum similem materiam simili coniungit: virtute proportionis elementorum ex quibus semina compacta sunt, res omnes exurgunt atque crescunt; vt suo loco clariùs demonstrare conabimur.



## INTENTIO II.

*Qua probatur formam rei continuè fluere.*

### ARTICVLVS I. vice

#### ARGVMENTI.

**T**Andem vocamur ad id quod sæpius polliciti sumus, vt quam formam substantiam (si qua tamen est) à Deo creari probauimus, eam ex plurimis, innumerisq̃ue factam particulis quotidie per partes fluere demonstremus, in quarum vices succedentibus aliis ipsa continuè renouetur: ita vt animalis senectuti vel nihil, vel parum restet formæ quam recens natū habebat. Nec est quod in eo demonstrando laboremus. Id Peripateticorum principes aduersus Aristotelis placita euincunt. Quo probato non est quod præcedentibus rationibus vtamur ad cōmonstrandum formā nihil aliud esse, quàm certam partium harmoniam, vt Antiqui voluerunt. Si quis spiritus extremis adhuc pertinaciæ naribus pendeat, hic expiret necesse est. Quamuis rationibus victa Pertinacia euadat viuacior. Hoc dico. Quæ dicturi sumus ita rem manifestant, vt præcedentibus non indigeant; quemadmodū neq̃;



præcedentia his indigebant. Nisi quatenus Veritatem reſtitutam omni rationum præſidio tueri congruum eſt.

## ARTIC. II.

*Quo Platonis ſententia refertur.*

**A**Ntequam ad Peripateticorum hac de re controuerſias accedamus, non erit abs re diuini Platonis hac de re mentem aperire citatis ipſius verbis ex Timæo; vbi agens de elementis, & conſequenter de aliis rebus omnibus, vt videre eſt, omnia in continuo fluxu eſſe demonſtrat, his verbis. *Atque ita videmus, hæc omnia circuitu quodam ſibi inuicem vires, fomentaque generationi viciffim tribuere. Quæ cum nunquam eadem appareant permanere, quiſnam ſine rubore redargutionisque ſuſpicionem poterit iſtorum aliquid vnum potiùs quàm aliud certò & firmiter appellare? Nemo certè. Quare tutiſſimus in his hic erit loquendi modus, hoc quod ſemper alias aliter formatum videtur, & plerumque iuxta ignis effigiem, non eſt vtique ignis hoc aliquid, ſed tale ideſt, igneum, nec aliud quicquam, velut vllam habens ſtabilitatem. Denique neque pronominiſus quidem vllis hæc ſignanda ſunt quibus in rei cuiuſlibet demonſtratione, cum hoc vel illud dicimus, vti ſolemus. Fugiunt enim, nec expectant vel eandem demonſtrationem, quæ hanc vocem hoc, & huic & huius deſignat: vel appellationem quæ de his tanquam exiſtèntibus, & ſtabilibus habeatur. Igitur huiuſmodi omnia neque hoc, neque illud, ſed tale potiùs, aut tale propter ſimilitudinem aliquam appellare debemus. Et ignem talem, vbi-que tale, ac de cæteris quæ gignuntur eodem pacto. Et poſt pauca, ſed apertius quod volumus, exponamus. Si quis enim cunctas figuras ex vna eadèmq; auri materia fictas,*  
*continuo*



continuò in alias, atque alias reformet, deque vna quadam illarum præsens quid sit quærat, verè admodum & tutissimè respondere possumus, aurum illud esse; triangululum verò esse, aut aliam figuram earum quæ impressæ eò sunt, & continuò permutantur, quasi reuera sint, non licet dicere. Sola quippe illa responsione, tanquam tutissima contenti esse debemus. Eadem de illa natura (materiam intelligit) quæ cuncta recipit corpora, ratio est. Idem semper esse dicenda est. Si quidem ex propria potentia recedit nunquam. Suscipit enim omnia, nec ullam vnquam similem illis vllò pacto sibi formam contrahit. Omnis sanè natura fictioni subiecta est, agitataq; ab ingredientibus figurata quodammodo, alias aliter se habere videtur. Hæc Plato nobis aliàs repetenda, quibus tantùm abest vt formam agnoscat substantiuam, quin rem nullam tantisper eandem autumat persistere Sed Peripateticos audiamus.

## ARTICVLVS III.

*Quo Peripateticorum hac de re sententia proponuntur.*

**V**Temur Zabarellæ relatione; quippe qui omnium iudicio doctissimus, atque planissimus aliorum sententias clarè fidelitè quæ exposuit, & suam magno cum iudicio, liberè, candidèq; aperuit. Ponam caput integrum tertium decimum libri primi de accretione, & nutritione. Caterùm, inquit, vt res manifesta per se esse videtur, ita obscurissima est ratio, & modus, quo id sit intelligendum. Dua contraria hac de re opiniones existunt, quarum alteram sequi necessarium omnino est: vtraque tamen cum maximis difficultatibus est coniuncta, & vtraque sectatores habuit, atque habet. Vna est quæ in libro primo de generatione Marsilius



tuetur, & Scotus in 4. Sentent. distinct. 44. q. 1. & alij complures, qui dicunt non manere per totam vitam idem numero viuens, nisi secundum quandam aequiualentiam, propterea quod in viuento non remanet per totam vitam eadem materia, neque eadem forma numero. De materia quidem certum est: ea namque continuè fluit, & alia quotidie ex alimentis aggeneratur: quare in homine sene non est eadem numero caro, quæ fuit in eodem puero: eadem tamen est secundum aequiualentiam, quia non tota simul est renouata, sed pars post partem: hoc modo etiam integritates elementorum eadem manere dicuntur tanquam indiuidua aterna, quia seruantur eadem secundum aequiualentiam solum, in partibus enim fit continua mutatio, non in toto simul elemento: sic etiam nauis dicitur eadem numero longum tempus seruari, licet tamen omnes partes in ea sint renouatae, hodie namque nouatur temo, alio die malus, alio hac tabula, alio illa, adco vt post aliquod tempus sint omnes partes mutatae & nulla earum quæ initio factæ sint, remanserit, eandem enim numero nauim dicimus remansisse per aequiualentiam: at si omnes simul partes eodem tempore renouarentur, non eadem nauis esse diceretur. sed esset alterius numero diuersæ generatio: quod autem de materia dicitur, idem necessario dicendum de omni forma, quæ de potestate materiæ sit ducta: forma enim materialis non est à sua materia separabilis, & ad materiæ extensionem extensa est: quare ita est pars forma in parte materiæ, vt tota forma in tota materia: fluentibus igitur partibus materiæ, necesse est vt simul partes formæ fluant, & alia nouæ partes cum noua materia generentur, hoc est de illius potestate educantur.

Quoniā igitur viuēs est viuens, & augetur per illā animæ partē quā altricem vocamus, hæc cum sit forma materialis, fluit cū materia secundū partes, & alia eius partes quotidie generantur,



tur fluente enim carne secundum particulas, fluunt etiam particula huius anima cum particulis carnis, & quando fit mutatio alimenti in nouam carnem, generatur in illa particula carnis alia noua anime particula, qua de illius materia potestate educitur. Sic igitur neque eadem numero materia, neque eadem numero anima remanet ab ortu uiuentis ad finem vsque vite ipsius, sed remanet vtraque per equivalentiā, quia secundum partes vtraque continuè renouatur. Altera est opinio huic contraria, quam Albertus, & Thomas, & alij multi secuti sunt; inter quos Petrus Pomponatius in libro de accretione eam efficaciter tueri contendit: \* quamuis enim hi non parum dissideant in modo dicendi, vt in dicto Pomponatij libro videre est, in hoc tamen omnes consentiunt, quod sola materia secundum partes fluat, & renouetur, anima verò vegetans non fluat, sed per totam vitam maneat penitus eadem numero tam secundum se totam, quàm secundum partes; & adueniente noua materia extendatur ad eam informandam, & animandam, fluente verò aliqua parte materia, non fluat cum illa, sed ad alias remanentes materia partes retrahatur. Hanc opinionem sequentes facile ostendunt, quomodo viuens idem numero per totam vitam seruetur: quum enim à forma, que anima est, constituatur, necesse est, manente eadem forma, qua nec secundum se totam, nec secundum partes mutata sit, vt idem indiuiduum maneat. Vtraque hac opinio magnis difficultatibus vrgetur: nam si hanc posteriorem sequamur, & dicamus animam transire ab vna parte materiae ad aliam nuper genitam, asserimus formam materialem migrare de subiecto in subiectum, quod videtur, vt Buccasferreus ait, totam euertere Aristotelis philosophiam: etenim Aristoteles censuit formam materialem de potestate materiae educi; non in materiam induci; cum prius



extra illam extiterit, ut secundum hanc opinionem assertur. Ex alia vero parte si cum aliis dicamus animam una cum materia fluere, & in partibus materia ex alimento genitis novas anima particulas generari; ita ut non eadem penitus anima per totam vitam seruetur, communi hominum existimationi aduersari videmur; omnes enim eandem numero vitam, idemque numero animal ab ortu ad mortem usque seruare arbitrantur, cui opinioni attestatur etiam conseruatio specierum in memoria, nam multa bruta animantia ad mortem usque retinent multarum rerum species in memoria impressas, canes enim inuenti sunt, qui cum multos annos à domino suo absentes fuerint, eum postea visum statim agnouerunt: quod non videtur posse contingere, nisi eadem numero anima absque aliquo suarum partium fluxu seruata sit, nec solum per æquiualentiam eadem, facit enim æquiualentia, ut animal eandem rem addiscere similiter aptum sit, sed non ut eandem actu retineat: quod quidem ostenditur similitudine accepta à naui secundum partes renouata, qua ipsi quoque utebantur; nam si quis in naui characteres aliquos imprimat, & post tempus aliquod mutantur una post aliam, trabes & tabulae omnes illius naui, manebit quidem naui eadem per æquiualentiam, sed characteres non seruabuntur. Vtramque igitur opinionem maximis, & vix solubilibus difficultatibus urgere manifestum est.

## ARTIC. IV.

Quomodo Zabarella non soluat rationes quibus probatur formam, atque animam (non quidem rationalem, sed vegetatiuam cum materia accedere, & recedere.

**P**ROposita quaestio neque melius, neque fusius exponi potuit quam à Zabarella, neque ab ullo cuius minus suspecta sit fides; Quam vero sen-



rò sententiam dicit fuisse Scoti, & Massilij, aliorumq. complurium, Toletus qui eam amplexus est, addit fuisse Alexandri, Alberti Saxonis, Petri Mantuani, & omnium Nominalium. Eam tamen reprobatur Zabarella, & quidem meritò: quia profectò si datur forma substantialis, ea non fluit per partes, nec particulatim quotidie renouatur, sed ut docuimus, cum Veterib. dicendū est, formam quæ fluat, nihil aliud esse quàm certam partium diuersi generis aggregationē in optimū concētū. Frustrā tamē anhelat Zabarella in tuēda opinione cōtraria quæ vult formā materialē eandem numero per totā rei durationē cōseruari. Et quoniā, tātū fuit huius viri acūmē ingenij, ut ausim credere rē esse desperatā, quā ipse tueri nequiuerit, idcirco propugnātē Zabarellā volui efferre: ut cū inanes videbim<sup>9</sup> quas pressus excogitauit euasiones; idipsū quod toties iā demōstrauimus, vel hoc vno clarissimū fiat, nullas scilicet dari formas substantiales. Vel enim forma substantiua qualē Aristoteles cōmētus est, naturāq. illa singularis eadē numero durat, vel profectò nulla est. Non autē durare, cōuincunt argumēta euidentissima in quorū solutione quàm inanē sumat laborē Zabarella videamus. Eius igitur defensionē c. 16. cum hac præcautione aggreditur. *verū sententia hac ita magnis difficultatibus vrgeri videtur, ut multi eas nullo modo solui posse arbitantes hac reiecta, alteram quam nos modo confutauimus, sequi maluerint: has igitur soluere nitendum, ut si nobis non ita eas diluere datum erit, ut omnes conquiescant, id saltem præstemus, ut iis qui mediocri ingenio pradi sunt, & ritē philosophari volunt, eam cum contraria opinione contulerint, hanc cum minoribus*



*difficultatibus coniunctam esse cognoscant, & fateantur. Audiuius non Platonem, non Priscos Philosophos, non Peripateticorum nobilissimos quia animam vegetantem continuò mutari enixè contendunt; sed inter eos qui contrarium tenent, audiuius fortissimum ducè Zabarellam coactum fateri rationes oppositas esse inuictas, atque indissolubiles. Quod verò dicit eam tamen quam tenet opinionem minoribus premi difficultatibus quàm contrariam; id rectè aduersus Peripateticos qui animā, quæ continuè flueret, substantiuā putabant; qualem nimirum Aristoteles diuinavit. at contra nos malè qui Veteres, veritatēq. secuti, hanc formam Aristotelicam impugnamus rationibus quas inuictas indissolubilesq. fatetur Zabarella. Quid tamen respondeat audiamus. Duo potissimū dubia sunt, quæ maximè infirmare nostrā hanc sententiam videntur. Vnum est quod ponitur forma migrare de subiecto in subiectum, quod & de accidentibus, & de formis omnibus materialibus impossibile prorsus esse omnes existimāt, quodd autem hoc sequatur, patet: nam si illa eadem numero anima, quæ est in carne vetere, transit ad informandā carnem nuper ex alimento aggeneratam; & illa eadē quæ erat in particulis materia consumptis nō fluxit cum illis, sed remanens contrahitur, & restringitur ad alias materia partes remanentes, absq; dubio eadem numero anima migrat de subiecto in subiectum. Alterū dubiū est, quoniam Aristoteles in lib. 1. de anima, docuit animam non esse per se mobilem, sed solum per accidens, ad motum corporis, nam in libro 6. physica auscultationis ostenderat sola corpora esse per se mobilia: at secundum hanc sententiam, anima per se moueretur, non ad motum corporis. quando enim ad aggeneratam carnem extenditur anima, & quando à parte*

*carnis*



carnis consumpta ad remanentem carnis partem retrahitur, non potest hunc transitum facere, nisi loco moueatur; itaq; mouetur loco per se, quia nulla corporis pars tunc mouetur, sed sola particula animæ locum mutat. quod est moueri per se. Hæ sunt validissimæ obiectiones, ut multis videtur, quæ sententiam hanc prorsus euertere. & impossibilem reddere videntur. ad quas quid dici possit, proponitur nobis in presentia considerandum. Ego quidē arbitror priorem dubitationem non esse tanti momenti quanti eam esse plures arbitrantur, quum ex ipsamet resolutio sumi videatur; migratio enim quæ à philosophis impossibilis esse existimatur, est illa solum quæ accidens, vel forma totum suum subiectum derelinquat. & eadem numero ad aliud trāscat; sed dummodo forma totum suum subiectum non deserat, sed in eo maneat, potest absq; vlla absurditate ab vna eius parte ad aliam informandam transire; neque hac dicenda est migratio; sed quedam nomine carens transitio, quæ in nulla forma vel accidente materiali est admittenda, nisi in sola anima ob eius Naturā aliquantum eleuatam. & mediam, sicut antea declarauimus: in aliis igitur omnibus formis & accidentibus naturalibus, nullam siue secundum totum subiectum, siue secundum partem fieri posse migrationem concedimus; at in anima est possibilis, imò est necessarius transitus, ac diffusio ab vna corporis parte ad aliam: & huius discriminis ratio ex eo quod alias declarauimus, satis clara desumitur; nam cetera præter animam formæ naturales, sunt formæ corporum similariū, in quibus eadem est natura, & conditio totius & partis cuiuslibet, proinde in ea forma participanda, nullus est in partibus ordo natura, sola anima est forma corporis organici, & dissimilari, & eius corporis partes, quarū magna est varietas, informat, ac perficit, certo quodam, ac necessario ordine, vnā quidem primò ac præcipuè, deinde alias per illam, & per deriuationem



ab illa, quamobrem necesse est ab vna precipua viuētis parte ad alias partes anima diffundatur, & hoc quemadmodū in prima totius viuētis generatione fieri certum est, ita in quotidiana nutritione est concedendum, eāque migratio, si modo migratio vocanda est, non est impossibilis in anima, sed necessaria, & ipsi nature animæ maxime consona. Mutatis igitur per successionem partibus viuētis, toto tamen corpore per æquivalentiam seruato, potest anima à membro precipuo, in quo est radicata, ad aggeneratas partes protendi, & ita semper informare, atque viuificare totum corpus, quod per totam vitam idem per æquivalentiam seruari dicitur: quocirca ea non est animæ migratio vocanda, quum semper in eodem corpore seruetur, neque de illo toto ad aliud totum transeat. Hæc pluribus quidem Zabarella, quippe quod cui desunt rationes, verba succurrunt. Me profectò capit tanti viri commiseratio, qui vt primum illud argumentum non quidem soluat, quod falsus est non posse; sed utcunque coloret, recens ipse cogitur, hoc in agone, excogitare motum Aristoteli, cunctisque qui illum secuti sunt, adhuc incognitum: si quidem adhuc nomine caret hic motus quo anima de parte in partem transit. Probat tamen huius motus necessitatem. vnde? ex tali scilicet forma, atque anima quam supponit. Quid mirum si falsum antecedens ad illud falsum trahat consequens? At contra sic erat procedendū. Hic motus animæ non potest dari, ergo non est talis anima quam imaginatur Aristoteles, quæ talem motum requirat. Neque ego suppono non dari talē motū seu talē animæ transitū, neq. hoc est meū inuētū: hæc est Aristotelis doctrina, vt propterea motus ille quē Zabarella fingit, adhuc nomine careat.

Per



Per me quidē licet, defensor Aristotelē, ipsum destruat : neq. enim eū aliter quisquā tueri potest : at profectō ægrē id ferūt Peripatetici, qui Aristotelem hac parte grauissimē læsum queruntur.

Sed pergat ad alterius argumenti solutionem. Maioris, inquit, momenti esse videtur altera obiectio de anima motu. ab vna enim corporis parte ad aliam, transire eadem anima non posse videtur, nisi loco moueatur. Ego quidem non absurdam responsionem fore puto, si cum Ioanne Baconio, in distinct. 18. lib. 3. sentent. diceremus, animam ad informandas aggeneratas partes transire non per motum, sed modo quodam alio nobis occulto, & abscondito, fateamur enim, velimus, nolimus, necesse est, plurima fieri in Natura, quorum rationem & modum non intelligimus, quemadmodum igitur, fatui hominis esset, negare illam quam videt pluuiam, de sublimi loco descendere, quod modum generationis eius ignoret, ita ingenui, ac verē philosophi animi est, humani ingenij infirmitatem, & nostram ignorantiam confiteri, qua frequentissimē fit, vt rerum manifestissimarum causas, & modum generationis intelligentia nō assequamur : dicere igitur possumus animam ad aggeneratam partem informandam effundi absque motu, quis autem, & qualis sit ille transitus nos ignorare. hoc enim asserentes vel non erramus, vel multo minùs erramus, quā qui trāsitum illum, licet per se manifestissimum inspicari audent, propterea quod modum, & rationem eius non intelligant.

Quid hoc quæso quod vir inter Peripateticos acutissimus non potest nisi precariò tueri ? Quid tam insanum, quod regi non possit ignorantie clypeo ? Nescit quomodo anima de parte in partē transeat sine motu, attamē transit. Credite Philosophi ; Zabarella dicit. Pulchra verò id similitu-



dine suadet, pluuiæ scilicet quæ cadit, licet multi eius casus causam ignorent. Hanc præclaram similitudinem attendamus.

Primò qui pluuiæ cadentis causam ignorant, nullam tamen, nisi valde imperiti, repugnantiam vident, qualem peritissimi in hac animæ extensione non possunt non videre; vt scilicet illa sine motu, aliò atque aliò feratur. Deinde nemo est qui dubitet pluuiam cadere, quam videt: Interroga asinum, si loqui possit, eam de alto cadere respondebit. Ecquis est qui hanc animæ extensionem videat? Videat, quam adeo luculentis demonstrationibus dari nō posse toties iā probauimus? Videat, quam homines acerrimi tantum abest vt videant, quin fretitationibus inconcussis, arguunt, atque conuincunt falsitatis? Scit tamē Zabarella. Vnde? Scilicet ex Aristotele supponit. hoc cōne est scire, id quod in controuersia est, supponere? Viden' quantum sit discrimen? Liceat imperitis, imò liceat philosophis, multorum quæ cernunt oculis, causam nescire. At sanè parum iustè licuerit, id pertinaciter astruere, non modo quod non est euidentissimæ repugnantia falsissimum demonstrant. Quæ licentia cum vbi que sit mala; pessima profectò in stabiliendis primis principiis; quæ si incerta, & falsa per talem licentiam pro certis, veris que ponis, quomodo certa alia quæ ex dubiis, & falsis principiis deducis?

Vidit vir perspicacissimus, non posse stare eam quam fingit Aristoteles, animā vegetatiuam, nī de parte in partem ea transeat. Scit eandem animam tamen per se non moueri Aristotele ventante, quomodo verò transeat sine motu? Nescit,

attamen



attamen transit, inquit, nec mouetur. Quare: Quia alias non esset illa forma seu anima vegetans qualem ex Aristotele supponit.

Verum aduerte quam melius, meo quidem iudicio procedam, ab absurditate consequentis, ad falsitatem antecedentis.

Non potest transire de parte in partem, ni per se moueatur. Hoc vt clarissimum non erat negandum. At per se moueri anima non potest, ex Aristotele. Ergo non potest de parte in partem transire. Hoc certum est. Rursus. Non datur anima vegetans qualem vult Aristoteles, ni de parte in partem fiat eius transitus. Sed talis transitus est impossibilis. Ergo impossibilis anima quæ transitum impossibilem requirit. Ecce quomodo ex falsitate consequentis, qualis est transitus animæ sine motu, arguenda est falsitas antecedentis, ex quo hæc consequentis nascitur absurditas. Non autem, vt principium quod Aristoteles posuit, per fas & nefas tuearis, quæcunque inde nascuntur absurda non videnda.

Verumtamen non nostris argumentationibus, sed eius responsionibus veritatis vim perpendamus. Ita pergit, *Sed si quid hac de re dici potest, illud est quod Pomponatius dicit libro suo de accretione. cap. 15. eaque mihi videtur tuta, firmaque responsio, animam vegetantem partim materiale, partim immateriale esse, vt Aristoteles dixit in contextu 41. primi de ortu & interitu, quem locum Pomponatius optimè intellexit: materiale quidem, quatenus de materia educta est, & est necessario addicta materia quanta, sine qua existere non potest, materiale verò, quatenus transit secundum partes eiusdem corporis ad informandam aliam materiam similem, de*



qua non est educta, propterea quod non est ita addicta statui materia, ut ad aliam transire non possit, eo scilicet modo quem in prioris dubitationis solutione declarauimus: quum igitur protendatur eo modo anima à parte materia ad partem, hoc prestat, quatenus immaterialis & indiuidua est, non quatenus materialis atque diuidua, id autem quod immateriale & indiuiduum est, ut locum non occupat, ita nec loco moueri dici potest: ideo transitus ille non est vocandus localis motus, neque omnino motus, quia non mouetur, nisi id quod corporeum est, sed est accessio subita rei non materialis. Non iuuat plura dicere his similia. γλῶτται πάλιν χοίριον, neque suilla aliud quam suillam sapi. Neque diuersum condimentum impedit, quominus eadem maneat absurditas; quum vult Zabarella animam vegetantem transire de parte in partem sine motu. Quid absurdius amabo, quam animam spiritualemente materia educi? vel eam formam quæ est materia procedat, esse spiritualemente? quam eandem animam esse simul materialemente, & spiritualemente? Quia materialis est materia prodit; quæ verò spiritualis, vnde? vel quomodo id quod natura sua materiale est, simul est spirituale? Homo quidem materialis est & spiritualis, sed secundum diuersas partes, materialis quoad corpus, spiritualis quoad animam. Idemne est de anima vegetante, ut habeat diuersas partes quarum hæ sint materiales, illæ spirituales? Quod idem corpus humanum, post resurrectionem, sit aliquo modo spirituale futurum, nemo nescit hoc naturæ ordinem transcendere. Quenam igitur isthæc philosophia quæ nobis dat formas quæ naturaliter sint materiales & spirituales: imo materiales & immateriales? Sed hoc diligentius inspiciamus.

*Transitus*



*Transitus ille, inquit, est accessio subita rei immaterialis. Quomodo verò immaterialis, quæ à materia venit, & materialis est? Quia transit subito, & in momento. Quomodo transeat in momento quæ materialis est? Quia est immaterialis. Vel quid aliud Zabarella? Si enim quæras, cur anima vegetans, cum materialis sit, transeat sine motu: Respondebit, quia propter suam excellentiam est simul immaterialis. Si roges, vnde norit hanc eius excellentiam, vt sit immaterialis quæ ex materia oritur, respondebit, quia transit de parte in partem sine motu. Quid aliud hoc est, quàm ludere in petitione principij? Sed hæc forma cum transit, perditne suum esse materiale? quis hoc dicat? Est igitur semper materialis, & sic res materialis transit sine motu. velim notet lector, quam hoc loco animam Zabarella pressus asserit indiuiduam; alibi eandem diuiduam ad corporis diuisionem, ex professo tueri, vt sequentibus clarebit. Hæc tamen sunt quæ ad propositas obiectiones, dicenda esse putat, & proficetur sibi per illa ita esse satisfactum, vt de hac re non dubitet. Multi vellent tales nancisci fæneratores qui in exigendis debitis eiusmodi satisfactionibus cōtēti essent. Quid tamen virum tātū coegit, vt his ineptiis necessariò acquiesceret? Quia non inuenit modum alium meliorem. Cū enim rem ipsam ita sese habere constanter existimet, de modo quo id fiat, cōtētus esse vult eo quod in re difficillima, & sensū maximè latēte assequi & cōplecti humana ratio potest. At rē lōgè aliter se habere multis inuictis prorsus rationibus cōuicimus; nullā inque talē animā vegetantē, aut naturā singulārē dari. Proinde malè profectò Zabarella, non cōstāter, sed ignorāter rē ita sese habere existimat. Vt ideo nō mirū sit, cū mo-*



partem plantæ habere partem illius animæ, sicuti nos diximus, sed per abscissionem rami à planta, corrumpi partem illam animæ, quæ in ramo coniuncto erat, & generari statim in illo ramo aliam nouam animam eiusdem speciei, ad quam nouam animam ramus ille prius erat in pura potentia. Sed hæc expositio admittenda non est, quia multa eam sequuntur absurda. Primum enim sequitur, quod forma substantialis educeretur de materia sine vlla praua dispositione, sequitur etiam, quod esset transmutatio substantialis de forma simili ad formam similem in specie, quod est impossibile. Fieret etiam mutatio substantialis in instanti absque vlla alteratione, & alia plura eiusmodi absurda sequerentur quæ quisque considerare potest. Ideo aduertendum est, quod quando Aristoteles inquit in planta tota vnā esse animam actu, plures verò potestate, non debemus intelligere, quod in planta nondum diuisa illæ plures animæ ita habeant esse potentiale, vt sint in potentia ad esse simpliciter, & ad esse reale Hoc enim falsum esset, propterea quod iam actu sunt. & habent esse reale, sed non habent esse diuisum, & esse totale, sed partiale quælibet enim existit vt pars animæ, non vt anima tota, sunt igitur in potentia ad esse totale, & mutantur ab esse partiali ad esse totale, & hoc significat hic Aristoteles. Non autem dicuntur esse in potentia ad esse reale, nec mutantur de non esse simpliciter, ad esse simpliciter, sicut illi imaginantur. Hæc Zabarella, cuius testimonio etsi res per se clara non egebat, iuuat tamen notare animi ingenui candorem, qui quod ingenij sui perspicacitas non potuit ignorare, dissimulare non valuit. Licet, quod viris contingere solet, in quibus vigetratiocinatio, memoriæ parum fælicis fuisse videatur: quandoquidem ipsius hæc sententia illa, euertit quæ libro de nutritione tanti



pertinaciter astruere conabatur: nostramque sententiam ab omni dubio vindicat. Sed hoc videndum est.

Si quærat, an hæc animæ arboris pars quæ inest ramo, fuerit actu priusquam ramus ederetur, quid respondeat? Neget? Ergo falsum quod ait animam præexistentem se ad nouam materiam informandam extensione sui insinuare. Si enim prius non erat actu, ergo iam de nouo aggeneratur illa pars animæ; ergo non quæ prius esset extenditur. Alioquin si animam de parte in partem extendi, esset partem eius de nouo produci, non tantum sudasset Zabarella in exponendo, quomodo, sine migratione, atque motu, fieret imaginaria illa animæ transitio: dixisset nempe animam extendi esse nouam eius partem in noua materia produci. atque hac confessione, dixisset quod negauit, ac seriò impugnavit. Dixerit ergo Zabarella animæ partem quæ est in ramo priusquam ramus ederetur, eandem actu fuisse in arbore nec de nouo productam.

Hoc posito sequitur omnes animas salicum v. g. quæ fuerunt, sunt, & erunt per vniuersam terram si ab vna prima salice prodierint, vt fieri poterat, in illa prima coacervatas fuisse, quod est insanissimum. Id non egebit longa disputatione. Videre tamen iuuat. Accipiatur prima salix à qua cæteræ omnes ortæ sint. Quod de hac dixerimus, de aliis omnibus quæ ab ea prodierint, intellectum volumus. Hæc salix prima, etsi quamplurimos edat ramos, in eorum ramorum ortu nihil animæ generatur, sed eadem trunci anima in eos sese insinuat sui extensione. Scindantur omnes illi rami, eandem



eandem habent animam quàm prius non de nouo, illa sectione productâ, vt Zabarella agnoscit. Plantati, atque radicati rami illi eandem animam seruant, quæ quidem vt de priori salice, se extendit in ramos qui ex qualibet salice fruticantur. Nihil enim formæ de nouo productum volunt. Hi rursus rami excisi eadem anima præditi sunt, quam plantati diffundunt in taleas quæ ex se prodeunt, sine nouæ animæ productione. Atque hunc in modum si in infinitum procedas, quotquot salices à prima traxerunt originem, idem esto de aliis arboribus, nihil animæ habent quàm id ipsum quod erat in prima quoad esse reale, vt ait Zabarella, nec de nouo productæ sunt quæ prius actu essent, licet non diuisæ: quæque procedente tempore in plurimas salices diuisæ, necessario longè pauciores sint in singulis, quàm erant in illis prioribus, ex quibus tanquam ex solo nimis angusto in diuersas colonias hæ salicû animæ trāsmigrarunt. Quæ quidē insania est tribus Anticyris insanabilis.

Quid ad hæc respōderi possit? Producuntur ne animæ de nouo? Si nō producūtur. Ergo actu erāt omnes in illa prima arbore. Si producūtur. Quando? Nō quādo ramus exciditur. fit enim ibi rerum præexistētīū diuisio, nō nouarū productio. Hoc veritas coegit Zabarellā fateri. Quādo ergo hæ ramorū animæ generātur? Cū rami sūt? Nequaquā. Negāt enim tūc quicquā animæ de nouo gigni, sed tātū arboris animā in ramū extendi, animā in quā quæ præerat; id inquam animæ quod actu erat, volunt è trunco per extensionem migrare in taleam. Atque hoc pacto lucet, quàm sit necessarium id quod intulimus: cum nihil animæ vsquam



nunc viuit cum cauda, vixisset tunc cum capite. hoc certum est. Et quidem, ob superius deductas rationes eâdem animâ vixisset quâ prius, neque enim sectione, nouam ea pars animam acquisiuit. Diuisum vides, nil genitum. Aduerte animum. Cum hæc anima iam sit cum cauda, non est anima capitis à quo separata est. Staret tamen hæc anima iuncta capiti. Non ergo hæc est anima caudæ quæ à cauda separata persisteret. Quod autē de hac particula monstratū est de singulis quas in serpente notaueris, asseri iure intelligis. Ergo manifestum est tot vel animas, vel animæ partes actu esse, quot sunt actu partes anguis in quas ipse possit dissectari: nullamque assignari posse partem quæ animam propriam non habeat, qua viuat si serpens ibi diuidatur.

Sed mitto serpentes, mitto alia animantia id genus, vt omnem insectorum naturam in quibus hoc fere ordinarium est. Age cum animali cuiuspiam auris, vel pes, vel membrum quoduis, aut pars corporis abscinditur, quò se recipit forma illa, atque anima partis eius? reuertiturne in corpus reliquum, quando vno veluti momēto membrum illud exciditur? Estne eadem anima quæ perit, & quæ viuit in corpore? Vel dixeritne Zabarella animam partis reuerti in corpus sui contractione? Ipsum contra se audiamus lib. de partit. animæ cap. 6. Dicere possemus compertum esse quandoque membrum aliquod abscissum corpore pusillum tempus vivere, vt ait Alexander in 1. lib. de Anima, cap. vlt. quandoque caput humanum à toto abscissum vixisse paruo quodam tempore &c. Deinde pluribus interiectis, per hoc tamen non stat, quin fieri possit, vt membrum



*separatum uiuat paruo aliquo tempore, vt modò dicebamus.* hæc Zabarella. Dicant tamen alij eam animæ partem sui contractione reuerti. Non quæro quo se receptura? cum reliqui corporis nulla sit pars informis, quam partem informatura? an partes quæ illam recipiant plus formæ habeant quàm priùs? & alia id genus absurda quæ Toletus, alique ante ipsum notauerunt. Quæro quando eam partem relinquat? Cùm partes quædam cæsæ, modò vel filo tenui pedeant, si resuantur, faciliè coalescant; nondum anima ea parte excessit, alioquin à priuatione ad habitum non fuisset regressus. Cur sibi metuens, nō se contraxit? an quia nondum erat necesse, & quia, cum sit indiuidua, vt volunt, potest per spatium indiuiduum transire; ac proinde expectauit, dum ad tale spacium facta esset concisio? Quid si operi suo accuratiùs attenda ferrum tam subitum non aduertit, vel festinans redire in os aliquod vel partem duriorẽ illisa est; vel, vt fit, in tã arcto meatu, pars quæ in extremitate erat, ab ea quæ præcedebat trãitu prohibita est?

Sed mittamus hæc ridicula, quæ meritò risimus. Iam seriò. Potest Deus cum aliquod membrum obtruncatur, impedire, quominus ea membri forma in reliquum corpus se contrahat. Qui id negauerit, parum sanè de Dei potëtia sentire videatur. Ea vel in eo membro conseruabitur Dei curâ, vel interibit. Si intereat, idẽmne fuit quod interit, & id quod in corpore superstat? Si seruetur, erunt iam duæ formæ diuisæ, nec quicquã nouum in brachio vel mēbro alio exciso productũ est: sed hæc brachij excisi forma manebit res eadẽ quæ priùs; nō utiq; res eadẽ cū reliqui corporis anima: Ergo propter,  
rationes



rationes, quas de ramo exciso fusiùs examinauimus, nunquam fuit res eadem cū illa. Ergo semper fuit ea forma diuidua, atque ex plurimis partibus conflata. Quid horum non est certissimum? quid non clarissimum? quid non maximè necessarium?

Sed quid opus supernaturali Dei operatione, cum id naturaliter fieri videamus; vt membrum amputatum naturaliter animam retineat? Quippe calcaria capis recisa, eorundem cristæ, excisæ loco insita coalescunt atque nutriuntur. An quæ anima cæso calcari in crus se receperat, prorepto ad caput gradu se rursus in id calcar appositum insinuauit? An à priuatione ad habitum factus est regressus? & quæ pars mortua erat, reuixit? Quin digitum penitus excisum, si adhibito medicamine conueniente resuatur, nihil prohibet coire. Zabarella, qui modò pro impossibili tenebat formam substantiuā sine præuia dispositione in instanti fieri, minùsne absurdum putat eam sine præcedenti præparatione, atque mutatione in instanti interire? vel saltem hoc membrum relinquere? Sed calcari amputato anima excesserit, quæ noua forma aduenit, formæne cadaueris, sine præuia dispositione? Sed rursus cū calcar capiti appositū anima subiit, quæ dispositio præcessit? Tempusterimus. Certum est non posse ad eandem vel numero, vel specie formam fieri talem regressum. Ac proinde certum est in digito vel calcari capi, vel alio membro cæso non statim animam interire. Videmus hoc naturaliter fieri, non tantum supernaturaliter possibile. In serpente conspicuum est, non minùs quàm in planta; cuius vt de serpente monstrauimus, nulla pars est, quæ ab alia quauis separata,



licet non sola non queat viuere. Abscinde ramū, pars cæfioni proxima terræ mandata radices suæ vitæ testes emittet: quæ pars si cæfura paulo superius facta eſſet, arbori hærens in ramos, & frondes pullulaſſet. Idem de quauis parte ſentiendum quæ ſi ramum exciſum comitatur, cum illo uiuit; ſi arbori coheret ibidem; eadem tamen vita qua prius, propria utique, propriâque anima, non arboris, neque rami; ſi quidem ab vtrouis eadem partis huius anima ſeparatur, licet ut poſſit ſubſiſtere, neceſſariam habeat vtriuſuiſ adiunctionem.

Conſtat ergo non modo animam ex plurimis partibus componi, ſed vnâ eius partem ab alia poſſe ſeparari; ita ut vel vtraque uiuat, vel altera viuente altera moriatur, hoc certum eſt. Quo tamen caſu non tantum aliqua pars materiæ corpori perit, ſed partem quoque animæ intereat, neceſſe eſt. Quid hæc Zabarella? Quæſtio erat an abſcedente parte materiæ pars animæ periret. Videmus partem materiæ abſciſſa partem formæ abſcindi. hoc clarum eſt. formæ pars non recipit ſe in corpus, ſed ſuam ſequitur materiam. Cur in decretione, vel nutritione anima non ſequatur fluentem materiam? Cur ſe ad aliam partem corporis contrahat?

Quid? tot animæ partes quæ vaſtum Crocodili corpus veſtiunt, erantne omnes ſimul cum ex ouo prodiit Crocodilus? Quot millia partium animæ, partem vnâ materiæ tegebant? Nam cogente ratione, fatetur Zabarella tot eſſe animæ partes quot corporis, neque partem animæ magis eſſe aliam, quàm hæc pars corporis ſit illa, quàmve pes ſit manus, aut auris ſit oculus; niſi quod omnes animæ partes vult eiufdem eſſe naturæ, ut omnes  
a quæ



aquæ partes eandem naturam participant. Ergo innumeras illas animæ particulas quæ vastum animalis corpus diuersæ informant, fateatur omnes concepto animali infuisse; ac decem millia partium animæ, singulis materiæ particulis incubuisse, vel sanè ad nouæ materiæ adiunctionem, nouas animæ partes aduenisse concedat, quod tam acriter impugnauit.

Est quoque quod hîc Aristoteli cautû velit, animam illam à cordis structura opus incepisse affirmanti. Quid enim in cordis pusilli formatione tot animæ partium myriades agebant? Plurè sine tunc animæ partes erant necessariae corculo particulatim construendo, quam cordi; magno ubi animal creuit, continuè renouando, ac reformando requiruntur? Sanè pauciores initio sufficiebant. Reliquæ verò quæ per vniuersam animalis molem distributæ sunt, vt nulla tam exigua possit concipi animalis particula, quæ partem animæ non habeat, ubi tunc erant? An etiam in corde? paucissimis laborantibus, quid infinita prope reliqua multitudo agebat? Ociabantur scilicet. Parum commodè utique in loco tam angusto.

Verum in his nugis ultra modum nugati sumus: cum prius argumentis omnem pertinaciam superantibus, ac demonstrationibus Sole clarioribus extra dubium fecissemus in viuento quouis, cum singulis materiæ partibus partes formæ seu animæ accedere, ac recedere. Licet prius validissima complurium inter Peripateticos Principum argumenta eandem veritatem conuincerent, quæ quâ bene soluant Aduersarij, auditum est. Aduer-



sus quam veritatem, opinor, non sine rubore, Zabarellam, quæ scripsit, cogitasse. Vnde quasi veritati violatæ debitas pœnas luens præclaram locis dictis confessionem edidit, quæ necessaria tot absurditatum consecutione, propriam de extensione formæ sententiam pessundedit. Scilicet priori loco, ex falsissimis Aristotelis principiis procedens non potuit nisi falsissima elicere; posteriori verò experientiæ certissimæ consentiens, non potuit sibi manifesta reticere.

## ARTIC. VII.

*Quo Zabarella argumenta refutantur.*

**Q**Uamobrem non mirum, si suis telis aduersum veritatem vibratis seipsum confodit. hæc sunt quæ cap. 15. libri de accretione, & nutritione dicit, *Primum quidem, si de noua particula carnis, noua animæ particula educeretur, anima esset primò actus corporis homogenei, quare nõ esset essentialis conditio animæ quam Aristoteles in eius definitione accepit, animam esse actum corporis heterogenei; sed etiam de simili corpore anima educeretur, & anima quidem tota: cum enim animæ essentia diuidua non sit, necesse est vt vbicunque esse dicitur, ibi sit integra.* En primum eius argumentum. quod si quid habet roboris, in ipsum, atque Peripateticos habet. qui cum asserant totam animæ essentiam singulas corporis particulas informare, asserunt consequenter eam esse actum corporis homogenei: Nihil autem contra Antiquos, qui negant animam esse talem actum; sed diuersarum partium senserunt harmoniam: ac proinde negarunt indiuiduam.

Præ-



Præterea, inquit sequeretur nullum esse in viuen-  
te præcipuum membrum, sed omnes corporis partes esse æ-  
quæ præcipuas, siquidem præcipua pars non alia ratione iu-  
dicatur, quàm ex primo animæ ortu in illa, & ex præcipua  
eius sede à qua ad alias partes anima diffunditur; quocir-  
ca si vbique anima oritur, vbique est membrum præci-  
puum: falsa igitur erit Aristotelis sententia de primatu cor-  
dis, quia sic omnis aliarum partium à corde pendentia  
tollitur: ab eodem enim res pendet secundum conseruari, à  
quo pendet secundū esse &c. Hæc Aristotelis de cordis  
primatu sententia falsa est: totūmq; argumentū &  
falsum & falsò inniti docent serpentis diuisi par-  
tes, in quibus nulla est particula quæ non possit  
viuere seiuncta à quolibet membro præcipuo.  
Suo quidem loco, si dabitur ex instituto agere de  
anima, Aristotelis rationes expendemus, quàm-  
que leues sint, videbimus. & qui nunc in patefa-  
cienda Aristotelicæ sententiæ falsitate nauamus,  
tunc omnem animæ rationem rimabimur: vnde  
nam internus ille rerum animatarum motus, vnde  
actio illa & reactio; vnde attractio, concoctio, re-  
tentio, & expulsio; vnde nutritio, denique, accre-  
tioque, atque decretio: & quod maximè quæritur,  
vnde ortus earum atque interitus. Quæ quantum  
humano datur ingenio, speramus nos adeo plana  
ficturos, vt consensus ipse omnium inter se ratio-  
num, ex principiis per se notis, atque ab experien-  
tia ipsa petitarum, lectoris facile consensum im-  
petret. Tunc videre erit, sitne vnum an plu-  
ra membra, ex quibus hæc anima quam Veteres  
harmoniam putarunt, dependeat: ( de rationali  
non agimus ) & quomodo, vt hic concentus



perseueret, requirantur spiritus qui à cerebro per neruos diffunditur, & calor qui à corde per arterias erumpit, & alimentum quod à iecore per venas distribuitur.

Sicut enim ab his principiis fluxit omnis partiū totius corporis substantia. atque per dita restauratur; ita ad agendum, ab iisdem excitatur: adeo ut illis cessantibus principiis, pereat partium substantia, & quæ remanet, iners fiat. Atque hinc patet, quomodo hæc anima, hæc inquam harmonia quæ per totum corpus inuenitur, potissimum pendeat à cerebri, cordis, iecorisque influxu, sine quo statim partium ille concentus confunderetur, dum calor, deficiente humido, expiraret; vel cessante cordis adiumento fatisceret, atque à frigore extingueretur. Hinc clarum est, cur pars vel membrum exectum à corpore non propriè viuat, licet animam propriam habeat, propriam inquam harmoniam; quoniam à totius harmonia deficiens, influxus illos à cerebro, corde, & iecore non habet qui sunt instar venti è follibus in organorum tubos sese insinuantis, eorumque concentum excitantis. Illius quidem partis harmonia durat ad tempus, verum sine præcipuorum membrorum adiumento inutilis, & impotens. Quæ quidem in præsentī, extremis digitis attigisse sufficiat, non quibus Aristotelis sententiam premamus, sed Zabarelle argumentis satisfaciamus: Quæ, an quid ponderis habeant Lectoris esto iudicium. Nostra enim hæc expositio refutat & tertium eius argumentum. Quapropter, inquit, sequeretur etiam oportere quodlibet membrum ab animali separatum viuere aliquandiu: nam si membrum non habet animam à corde influentem, sed in ipso



ipso primùm exortam, nulla potest esse ratio, cur separatum membrum à toto non debeat aliquandiu animam retinere, quum substantialis interitus non fiat sine prauia alteratione, quæ non potest esse subita, sed in tempore fit necessario: imò non solum membrum sed etiam qualibet carnis particula deberet ob eandem rationem, aliquandiu viuere: hoc tamen omnium consensu falsum est; & experientia ac sensui repugnat. Hæc ille, quæ vi principiorum Aristotelis, Peripateticos premunt, non Antiquos, ex quorum doctrina visum est, cur membrum excectum propriè non viuat, licet propriam habeat animam. In quibusdam tamen & experientia, & sensus docet partes excisas aliquandiu viuere: hoc in talea excerpta, hoc in partibus serpentis diuisi, hoc in aliis plerisq; sensus docet, hoc ipsum fatetur ipsemet fieri posse vt membrum excectum paruo aliquo tempore viuat.

Cur semper nō viuat pars excecta dedimus rationem. Cæterum quòd membrum quoduis amputatum non ita coalescat, vt calcar galli, causam te docebit ramus quernus qui terræ infixus radicem non mittit, vt salignus: Minusne quàm hic ille viuit? Minimè verò. Cur alter faciliùs radicatur? quia faciliùs alitur: Ita calcar galli decurtato vertici insitū faciliùs alitur quàm aliud membrū, ac proinde faciliùs cohæret. Id clarius demonstrat ramus aliquis grandior qui trunco insitus nō viuet, vt furculus exiguus: quī sic? plusne vitæ est in furculo quàm in ramo vnde excisus est? Quasi verò. Viuit tamen ille facilè quia exiguo contentus alimento, moritur, hic quia multo indiget, quod non facilè fugit. Eandem ob rationē, licet particula aliqua membri excisa posset reuinciri; minimè ipsum membrum,



quod tamen plus vitæ participat, quàm illa particula. Hoc videas in exemplo allato. Non enim crus galli abscissum in eius vertice figet radices, calcar maximè.

Quid prætereà Zabarella? Sequeretur etiam, non vnam esse animam in viuento, sed plurimas, in singula enim aggenerata carnis particula inesset anima, ac proinde non vnum animatum, sed plura quotidie in vno animanti nasci animata. Hæc ille contra seipsum, qui fatetur tot esse animas partiales quot sunt viuentis partes, idcirco huic argumento quod ipsius sententiam petit, audiamus eum respondentem cap. 6. libri de partitione animæ. Negamus, inquit, consequens: & ratio negationis est, quia, vt aliquod vocetur animal, non satis est si habeat animæ essentiam integram, hæc enim indiuidua est, & vbi est, ibi non potest nisi integra & tota esse; sed etiam oportet, vt habeat totam suam materiam, & corpus integrum, in quo recipiatur: quum enim anima sit prædita pluribus facultatibus, per quas apta est plures edere operationes, requirit necessario corpus varia obtinens instrumenta, quæ omnibus facultatibus corresponsdeant; ideo licet in oculo insit animæ essentia integra, oculus tamen non potest dici animal, quia non habet ibi omnia sibi necessaria instrumenta, neque integram suam materiam, cui adiuncta possit animal constituere; quare oculus non est animal, sed pars animalis. Eccum Zabarellam sibi contradicentem respondentemque quomodo vt aliquod dicatur animal non sufficiat vt habeat animæ integram essentiam. Labilis scilicet fuit memoriæ. Verum id non Patroni imprudentiæ, sed causæ iniustitiæ imputandum est: quæ optima quæque confundit iudicia.

Omisit



Omisit Zabarella illud argumentum quod in difficultatis controuersiaque propositione attulerat, ab animalium reminiscencia petitum : videbat nempe vir oculatus hoc argumentum seipsum interimere ; ideo inter sua non illud collocauit. Paucis expediam. Aliquorum seruant memoriam animalia in plures annos : At multorum perdunt memoriam. Si eadem durat anima, cur non eorum conseruat memoriam? Quid respondent? Quia nimirum pereunt species earum rerum. Quia pereunt? excedente scilicet materia cui inhærebant. Ergo à contrario, quod nonnullorum diutius manet memoria, causa potest esse quod materia cui inhærebant ex parte perstiterit, vnde ex parte durent hæ species, ac per eas rerum illarum memoria.

Certius aliquid responderemus, si constaret de eiusmodi specierum natura; quæ, opinor, longè alia est quàm ipsi putent: & fortasse species illæ sunt corporeæ; ac proinde, sicut crassiores corporis partes, adiectione similis materiæ, reparantur: & fortasse hæc causa est, cur eorum quæ nobis è memoria exciderunt, si semel ea audiamus, aut legamus, facile reminiscamur; imò firmiùs ea teneamus, quàm si non priùs lapsa essent. Quippe quæ supersunt specierum partes, similibus aduenientibus occurrunt illis que coniunguntur.

Et fortasse hæc causa est, cur cum aliquid audimus, vel videmus quod dudum obliti eramus; recordamur tandem nos prius illud vidisse vel audiuisse; non vtique sine aliqua vetere rei illius specie quam anima speculetur, ac veluti cum recens adueniente comparet: quam tamen veterè rei



imaginem anima nūquam vidisset, ni recens veluti delitescentem excitasset. Ignoscatur mihi si de his abditissimis, non nisi incerta proferam. Me enim ad id cogunt illi qui quod Fernelius ait, rationibus incertissimis ea quæ sunt certissima conantur euertere. Certissima sanè sunt quibus evidentiissimè fluxum animæ vegetantis probauimus: ad quod improbandum hi nihil nisi incertissima protulerunt. Adde quod de sola vegetante egimus de sentiente quid sit Deus dabit, suo tempore quæsitus.

## ARTIC. IIX.

*Præcedentium conclusio.*

**N**on tamen irrideam, doleam potius sortem virorum doctissimorum, atque subtilitate sua de philosophia optimè meritorum, quos hæc Aristotelis doctrina sæpius necessariis contradictionum plexibus illaqueat, vt sese explicare non possint. Videant igitur, quàm facilè sit se eiusmodi vinculis expedire, argumentorūque suorum nexus resolvere: si quæ pro veris supponunt, Aristotelis principia, ad rationis calculum velint exigere: neque conclusiones quas alibi suæ rationes clarissimæ verissimas demonstrent; hoc loco reputent absurdissimas hac sola ratione ducti, quia scilicet Aristotelis euertunt principia. Neque enim aliam in eis Zabarella reperit absurditatem præter hanc quam suæ rationes evidentiissimæ probarunt certissimam esse veritatem. Quod sequeretur, animam vegetantem non esse substantiam aliquam vnā, neque actū vnum substantialem, neque rem aliquam vnā, sed debitum partium diuersarum concen-



concentum, atque harmoniam qualem Veteres agnouerunt: de qua sententia Aristoteles lib. I. de Anima cap. 4. *Est autem & alia quadam opinio de anima tradita probabilis quidem compluribus, & nulla eorum inferior quæ de ipsa dicuntur: reprobata tamen & his rationibus quæ in communibus sermonibus fiunt: Animam enim harmoniam quandam inquiunt esse. Harmoniam namque temperationem esse, compositionemque contrariorum dicunt. Et corpus ex contrariis compositum esse.*

Si eorum iam aliquis rediniuus ius suum repetiturus, atque aduersus Aristotelem sententiam suam vindicaturus; victricem illam rationum inuictarum phalangem produxisset; fractoque illo Aristotelico figmento, forma inquam substantiali, animum vegetantem rursus rem non vnā, sed plurimas esse conuicisset: idque rationibus Zabarellæ quæ duce experientia ab Aristotele deficientes, venerint in subsidium veritati, confirmasset: aduersus hunc Victorem intrepidum, qua fronte Zabarella cum hac formidolosa argumentorum manu procederet? Talem inquam fingamus quēpiam ex priscis illis philosophis Zabarellæ, vel si mauultis Aristoteli ipsi respondentem: Næ argumentis illorum sententiam suam confirmabit; atque Aristotelis fundamenta vi necessariæ consequentiæ euertet. Ecce igitur ut ex illis rem conficiet. Si verum est cum noua carnis particula, nouam animæ partem produci, falsum est animam esse actum vnum, atque substantiam vnā, qualem vult Aristoteles, dum vocat eam actum corporis organici, atque heterogenei: sed verum est prius, ergo & posterius. Minor ita firmiter probata est, ut nihil firmitus. Maior est ipsius Zabarellæ.



Forma argumenti optima. Constat nouas formæ, atque animæ particulas cum materiæ particulis accedere, & recedere. Quo dato asserit Zabarella animam non fore actum vnum substantiuum corporis organici. Et hoc ipsum est quod Veteres docuerunt. Quid contra Zabarella? At hoc, inquit, absurdum est, animam non esse actum corporis organici, atque heterogenei. Cur ô Zabarella, id absurdum putas quod rationes quas neque tu, neque ullus alius soluerit, verissimum demonstrant? Quia scilicet, id repugnat Aristoteli. Absurda igitur veritas, si Aristoteli contradicit; non absurda dogmata Aristotelis, si contradicunt veritati? Ecce Prisci illi, vt probent animam vegetantem non esse actum vnum substantiuum, neque rem vnā aliquā; vtuntur hoc medio; quia anima sequitur materiam accedentem & recedentem, ergo non est aliqua vna substantia quæ continuo fluxui subiaceret. Quid Zabarella, & alij? Cū videant sequelę necessitatem, negant antecedens, ex quo sequitur. Illi non argutiis, non sophisteriis, non obscuris argumentis, sed demonstrationibus euidentissimis, ac sole clarioribus, quibus experientia, in vniuersa rerum natura testis citatur, antecedens illud probant ita dilucidè, vt Zabarella nō dissimulet se argumenta illa soluere non posse, licet quę precipua sunt, non viderit. Nihilominus antecedens illud non vult cōcedere, maūltque absurdissima quęque, atque insanissima admittere. Quare? Quia, inquit hoc admissio sequeretur quod inferunt Veteres illi, animam vegetantem non esse substantiam aliquā, aut actum substantiuum, neque rem aliquā vnā. Hęc ratio refutationis si valet, quid est quod



quod ritè negari non possit? Id argumētū aduersus Peripateticos, validū, verūm contra Priscos illos, quā nugatoriū? Non repeto alia eius argumenta, quæ ipsemet, vt ostendimus, alibi refutauit.

## ARTIC. IX.

*Quo infertur ex prædictis animam vegetantem aliud nihil esse quàm debitam partium harmoniam.*

**E**Rgo quicertissimis viri rationibus continuū illum animæ fluxum euicerunt relicto Aristotele, cum illis sapientissimis Veteribus agnoscant talem animam aliud nihil esse quàm partium contrariarum in debitam symmetriam temperationē. Absit, inquiunt, vt cum Priscis consentiamus, Peripatetici sumus Aristotelem sectamur, formam rei substantiuam asserimus. Eia. Sint Aristotelici, per me licet. In se tamen reuersi, secum prius reputent, quid dicant; vel quid per eam formam intelligant. Certè per formam significant virtutem agēdi qua res est prædita. Sed primariam illā inquiūt, à qua reliquæ promanant. Esto. Talem virtutem si qua est, ex nihilo fieri ex eorum confessione conuicimus. Atque à Deo ipso. Sed à Deo qui rei sit intimus, omnem rei virtutem, sine intermissione manare profitentur, qui quam semel infudit vim, cōseruando pergat infundere. Hoc illorū est dogma, nec tantum vim agendi, sed taliter agendi Deum dare cōtinuè. Verūm identidem rei variātur actiones ex variatione partium materiæ; ita vt aliæ iuuenis, aliæ senis; aliæ sani, aliæ sint ægroti functiones: quantūque materia mutatur, tantum in dies animantis actio varietur. Hoc norunt. Cū actiones sint prioribus dissimiles, & sæpe contrariæ, cur virtus eas agendi non sit priori dissimilis?



Deus enim rei intimus eam vim continuè infundit ut fatentur. Pergátne Deus semper similem vim inspirare ad actiones prorsus dissimiles? Nempe quasi qui eadem tinctura ad album utatur, quæ prius ad nigrum.

Hoc tamen, ut sint Peripatetici, pertinaciter asseuerant, negántque, quamvis materia variata varietur actio, formæ partes quæ aduenientem materiam comitantur, à præcedentibus discrepare. Sed omnes formæ particulas prorsus homogeneas, eiusdemque naturæ contendunt cum peruicacia: Adeo ut pars illa materiæ, quæ iecori vel lieini per nutritionem innascitur, formam, seu virtutem habeat eandem, quam vel auris, vel oculus, vel quævis alia pars corporis: quam quidem virtutem, ni prorsus sit merum nihil, Sapientissimus ille rerum Opifex, non cesset immittere, iuxta receptum hoc axioma, *Rerum à Deo conseruatio est continua earundem creatio*. Dat quippe huic parti materiæ, quæ vel pedi, vel etiam podici recens additur, formam formæ totius corporis omnino similem. Hoc enim dicunt. Ergo habet eandem virtutem quam quævis alia pars corporis. Aiunt. Ergo potest agere vi propria quicquid omnes aliæ partes agunt. Fatentur, si adsint instrumenta. Sed & organorum fabricandorum, non minùs quàm mouendorum vim nactam esse hanc aduentitiam formæ particulam fabulantur. Adeo scilicet largam, prodigamque suæ influentiæ mentem illam infinitam, ut huic nouæ atomo quæ vsquam accrescit, vim omnem toti corpori debitam inspirare non desinat? Ut formæ veluti ramentum quod nutritio, cum noua materia, pedi extremo affixerit, eandem



dem cum forma oculi, auris, cordis, iecoris naturam participet? ut videndi, ut audiendi, ut gustandi, ut odorandi facultatem habeat? imaginationis quoque, ac reminiscentiæ virtutibus prædita sit? nulla denique sit actio ex innumeris quas diuersissimas animal exerit, cuius faciundæ vim non habeat nouitium hoc formæ supplementum: Penes quam particulam, totius corporis construendi, si opus sit, omniumque quæ in eo sunt, organorum fabricandorum, sit potentia; quam flamen diuinum indefinenter inspiret huic partiкулæ breui per quotidianam corruptionem, in excrementum, putredinemque abituræ? Talia ferentem ferat, non feriat Aristoteles?

Quid enim Aristoteles? quia Deum supremum Cæli volumine concludens sapientissimi illius rerum omnium Opificis manum efficacem rei cuique præsentem non putabat; tales formas rebus singulis affingere coactus, naturamque in re quaque singularem quæ sit actus eius primus, à quo & sit, & ita vel fabricata sit, vel fabricata conseruetur, à quo vigeat, & moueatur, à quo habeat quicquid possit, agat, aut moliatur. Idcirco qualem tanti muneris poscebat nobilitas, formam commentus, non illam ex partibus componi voluit, nec paulatim crescere, nec decrescere, nec per partes labi, ac restitui putauit: sed quamuis multifariam res ipsa varietur, omnem mutationem soli tribuens materiæ, formam eandem perstare autumauit, donec quæ tota momento prodiisset, tota rursus, eademque momento interiret. Id Aristoteles, id communis Peripateticorum schola. Quid? adeone dementem Aristotelem putant, ut



quam naturam per partes cum rei partibus fieri nouisset; eandem tam subtilis structuræ author: m, rei q. totius architectam crederet? quam interitui, ac fluxui continuo vellet obnoxiam; eandem vitæ, virium, motuum, actionumque cunctarum causam ac ducem vocaret? quam identidem partium suarum iacturam facientem, vix tantisper eandem persistere sciret, eandem totius continuationi, restorationi, ac conseruationi præfectam iudicaret? Hæc qui dicunt, Aristotelicos se, ac Aristotelem sequi profitentur? Planissimè: Sed vt dies noctem, & calor frigus sequitur, contrariumque succedit contrario. At quicquid tādē sit, certum est formam animamque vegetantem continuè per partes fluentem, nouis partibus restaurari, vt tandem nihil sit eius quod erat initio. Certum, Quid ergo? Certum ergo formam ita fluētem nihil aliud esse quàm certam, congruamque partium symmetriam; quas naturæ suæ conuenienter mouet causa illa vniuersalis, quæ proinde pro multiplici partium variatione, multifariam rei variet actiones.

Superiùs quidem illam in composito particularum diuersitatem extra controuersiam posueramus, vbi de mixto ageremus: quarum cum vnæquæque naturam seruet propriam, motumque ac virtutem, prout permittit compositio, naturæ suæ congruam, Quid necesse est Deum, qui talē vim, ac motum partibus illis inspirat diuersis quidem diuersum; rursus, singulis illis particulis, virtutem rei totius indefinenter afflare? Non ferant aures quàm multas absurditates hæc doctrina profert. Sufficiebant dicta superiùs. Et quidem naturæ  
lingu-



singularis concursum cum causæ illius vniuersalis motu intimo prorsus impossibilem conuiceramus. Nec vllum proferunt argumentum ad hanc naturam singularem probandam, quod non potius probet contrarium. Quid pluribus opus erat? Corollarij tamen loco adiecimus hunc tractatum; quo præclaram illam rei opificem naturam mirareris, quæ continuè fiat; continuè fluat, continuâque aliarum partium accessione renouetur.

## ARTIC. LX!

*An etiam anima sentiens fluat, vt vegetans.*

**S**Vperest dubium non facile soluendum; an quod de anima vegetante dictum est, etiam de sentiente intelligatur, nam rationalis diuersa est ratio. Respondeo clarum non esse, rationes quæ vegetantis fluxum probant, id ipsum de sentienti conuincere. Non enim leue est dubium, quomodo anima sentiens nihil aliud sit quàm talis partium harmonia. Quomodo namque harmonia sentiat, quæ purum est accidens? Possum tamen respondere, neque harmoniam, neque animam sentire, sed rationem esse sentiendi in subiecto, vocari tamen sentientem metonymicè, quemadmodum & mors pallida dicitur, quia pallidos homines reddit. Neque hoc mirum debeat videri Peripateticis, qui dicunt animam non agere, aut pati, sed compositum per animam; quod actiones, vt aiunt, sint suppositorum. Totum igitur compositum sentit, sed per animam, per illam, inquam harmoniâ. Non quod hic concertus solus talè sensationem pariat: Quis hoc putet?



Sed quia ratio est necessaria, quam talis sensio consequitur. Vnde hæc sensio? Pete à Platone. Ab idea inquit, malim dicere ego ab illa causa vniuersali, quam toties Deum Opt. Max. esse ostendimus. Quam enim causam mirificæ illi totius compositi fabricæ incumbentem, miróque ordine idipsum iugiter inuertentem demonstrauimus, parumne potentē putamus quæ huic massæ quam fingit, mediante tali concentu conuenientē imprimat sensationē? Quid opus est animæ Peripateticæ vel naturæ singularis ministerio? Dico, ministerio. Nam fingamus talem animā dari, nihil tamen subiecto impertiet quod non ab illa causa vniuersali præsentī mutuetur. Quod si mireris quomodo mouente Deo moles hæc carnea sensum recipiat, longè mirabilius est quomodo anima mouente, eadem caro sensu prædita sit. Plura si Deus dabit, cum ex instituto tractatum de anima suscipiemus. Vbi quid possit Aristoteles contra hanc Veterum sententiam, fideliter expendemus. Simulque lites componere tentabimus, quas inter Peripateticos, tot animarum, totque potentiarum differentiæ concitarunt. Interea hæc dicentem, etsi sufficiat, quod eadem tueatur ratio quæ dicere coegit, tamen solatur etiam Veterum, potissimum verò diuini illius Platonis authoritas, cuius placitis nostra, præcipuè hac in re consentiunt. Neque hæc obsunt animæ rationali quam verè substantiam, sed spirituales, ac propterea fluxus, interitusque expertem, & fides, & ratio nos docet, de qua plura dicere non est huius loci. Cæterum, quia his de materia, ac forma Aristotelica tractatibus finem imponere res suadet,




suadet, si quæ probauimus recordaris, an hæc Aristotelis fundamenta euerterimus, Lector candide iudicato.



LIBER  
DE NATURA  
ET ANIMA MVNDI.

*Propositio.*



LATO, qui in se iunctis à materia Pythagoram est sequutus, Deum constituit primum omnium principium, quem sequitur Mens. Mentem Anima, Animā Natura. Naturam materia. Quominus hunc docendi ordinem sequeremur, obstitit doctrina Aristotelis refutanda, in quam eo quo visum est ordine processimus. De Deo pauca diximus. Sed de mente illa quam Dei verbum benedictum Augustinus alique vocant, quantum præsentis erat negotio. De materia pluribus. De Natura atque anima mundi superest vt agamus.

Superiùs Deum Deique verbum, Deum ipsum Naturā vocauimus. Verùm in alia significatione



per naturam intelligentes vim illam quæ omnia mouet, ac regit per se & vt causa principalis. Nūc verò nomine Naturæ denotamus optimum illum ordinem cū in rerū creatione, tum in earundem conseruatione constitutum: In quibus etsi veritatem scrutamur, pergratum tamen est, quod dum eam ratione duce sectamur, in sapientissimorum Philosophorum Platonis, ac Pythagoræ placita inciderimus. Non quod de Platonis sensu velimus contendere. Sufficit, si nostram sententiam rationi, ac veritati conformem ostendamus. Hoc ergo libro tria queremus. Primum, rationem Naturæ rimabimur. Secundum. An Natura patiatur vacuum, disputabimus. Tertium, quid sit anima mundi, scrutabimur.

## INTENTIO I.

### De Natura.

#### ARTIC. I.

##### *De Natura acceptione.*

**T**Ritum est illud, Ars imitatur Naturam; vt ab Artis consideratione quali explorato ad Naturæ contemplationem accedamus. Artis autem rationem certum est consistere in certa agendi methodo quam Artifex sequatur. Similiter & Naturæ ratio in certis regulis posita est, quas sapientissimus ille rerum opifex constituit. Quales sunt, vt leuia sursum, vt graua deorsum ferantur. Vt terra medium locum obtineat, quam aqua permeet, vt has aër inuoluat, aërem ignis includat, & similia. In quo sensu nomen Naturæ communiter vsurpatur, cū dicitur hoc vel illud naturaliter



turaliter fieri, vel naturaliter esse necessariū. Hoc est secundum illam optimam rerum constitutionem quam Conditor præscripsit. Quæ quidē ordinē in tribus consistere Sapiens nos docuit. *Omnia*, inquit, *fecit Deus in numero, pondere, & mensura*. Numero, ut v.g. Quod tot sint elementorum genera, tot species, tot cuiusq; speciei individua. Pondere, ut v.c. ignis & aër sursum, aqua & terra deorsum tendant, ut maximam agendi virtutem ignis habeat, minorem aër, longè minorem aqua, minimam denique terra. Mensurâ, ut maximam ignis raritatem, spatiūque requirat, amplissimum, Aër breuius, minus etiam Aqua, Terra tandem angustissimum. Quam multa de his tribus numero, pondere, & mensura dicerentur, in quibus verò Deus omnia constituit?

## ARTIC. III.

*De Natura instrumentis.*

**Q**uemadmodum artis, ita & naturæ ratio in instrumentorū aptorū, cū motione tum dispositione consistit. Verū hoc differt Ars à Natura: Quod in arte materia circa quam sese exercet artifex, diuersa sit ab instrumentis quibus utitur, in natura verò, materia & instrumenta idem sint. In hoc enim dissentiūt Plato & Veteres ab Aristotele: quod hic materiam merè passiuam posuerit: illi verò talia principia materialia agnouerint quæ essent Causæ illius supremæ instrumenta. Itaque superioribus libris hæc principia quatenus materiæ naturam habent, tractauimus; nunc in iisdem instrumentorum rationem consideramus. Primum quod in illis venit aduertendum, est eorum aptitudo, ad vsum in quem sunt



per naturam intelligentes vim illam quæ omnia mouet, ac regit per se & vt causa principalis. Nūc verò nomine Naturæ denotamus optimum illum ordinem cū in rerum creatione, tum in earundem conseruatione constitutum: In quibus etsi veritatem scrutamur, pergratum tamen est, quod dum eam ratione duce sectamur, in sapientissimorum Philosophorum Platonis, ac Pythagoræ placita inciderimus. Non quod de Platonis sensu velimus contendere. Sufficit, si nostram sententiam rationi, ac veritati conformem ostendamus. Hoc ergo libro tria queremus. Primum, rationem Naturæ rimabimur. Secundum. An Natura patiatur vacuum, disputabimus. Tertium, quid sit anima mundi, scrutabimur.

## INTENTIO I.

### De Natura.

#### ARTIC. I.

##### *De Natura acceptione.*

**T**Ritum est illud, Ars imitatur Naturam; vt ab Artis consideratione quali explorato ad Naturæ contemplationem accedamus. Artis autem rationem certum est consistere in certa agendi methodo quam Artifex sequatur. Similiter & Naturæ ratio in certis regulis posita est, quas sapientissimus ille rerum opifex constituit. Quales sunt, vt leuia sursum, vt graua deorsum ferantur. Vt terra medium locum obtineat, quam aqua permeet, vt has aër inuoluat, aërem ignis includat, & similia. In quo sensu nomen Naturæ communiter vsurpatur, cū dicitur hoc vel illud naturaliter



turaliter fieri, vel naturaliter esse necessariū. Hoc est secundum illam optimam rerum constitutionem quam Conditor præscripsit. Quæ quidē ordinē in tribus consistere Sapiens nos docuit. *Omnia*, inquit, *fecit Deus in numero, pondere, & mensura*. Numero, vt v.g. Quod tot sint elementorum genera, tot species, tot cuiusq; speciei individua. Pondere, vt v.c. ignis & aër sursum, aqua & terra deorsum tendant, vt maximam agendi virtutem ignis habeat, minorem aër, longè minorem aqua, minimam denique terra. Mensurâ, vt maximam ignis raritatem, spatiūque requirat, amplissimum, Aër breuius, minus etiam Aqua, Terra tandem angustissimum. Quam multa de his tribus numero, pondere, & mensura dicerentur; in quibus verò Deus omnia constituit?

## ARTIC. III.

*De Naturæ instrumentis.*

**Q**uemadmodum artis, ita & naturæ ratio in instrumentorū aptorū, cū motione tum dispositione consistit. Verū hoc differt Ars à Natura: Quod in arte materia circa quam sese exercet artifex, diuersa sit ab instrumentis quibus vtitur, in natura verò, materia & instrumenta idem sint. In hoc enim dissentiūt Plato & Veteres ab Aristotele: quod hic materiam merè passiuam posuerit: illi verò talia principia materialia agnouerint quæ essent Causæ illius supremæ instrumenta. Itaque superioribus libris hæc principia quatenus materiæ naturam habent, tractauimus; nunc in iisdem instrumentorum rationem consideramus. Primum quod in illis venit aduertendum, est eorum aptitudo, ad vsum in quem sunt



ordinata. Neque tamen in præsentiarum agimus de eorum aptitudine quatenus ad compositum naturale rerum Conditor iis utitur non tantum ut materiâ sed ut instrumētis idoneis. Loquimur de eorum aptitudine extra compositum : & cum soluta vnumquodque suam repetunt regionē, vel in ea versantur, vel id exequūtur muneris ad quod ipsa, Natura cōparauit. Atque ut ab igne incipiamus; eius circa cōposita naturalia clarū est officiū; ut scilicet vstione, & coctione partes dissoluat, ut calefaciat, & luceat. Cum autē ea solutio acumine fiat, ut Plato ostendit, subtilissimum esse oportuit. Liquet enim cuneum debere fissuræ respondere, alioquin, si crassior sit, partes cōtūdet, nō diuidet. Est autem ignis instar Cunei per interstitiū partium, viam molientis; qua nimirū ipsæ possunt ab inuicē diuidi. Quod quidē interstitium est minimum. Quin & qua inuicem cohærent partes illæ minutissimæ ingressum tentat per illorū diuisionem. Quam igitur subtilem esse necesse est? Sed de hac ignis actione hætenus. Velocissimum quoque esse multa demonstrant quæ non sunt huius loci: potissimum ipsius illuminatio, quod suo loco luculentum erit. Nunc sufficiet hanc eius in rerum diuisione potentiam intueri, quæ maximam eius velocitatē requirebat. Siquidem quāto quid velocius mouetur, tanto maiore vim habet, ut in machinis videbimus, & in motu proiectorum, & hæc de igne.

Aer est quasi quoddam spaciū per quod & animalia gradiuntur, & plantæ crescunt, & cælestes influxiones descendunt in hæc infima : & aqua per vapores ascendit, & in vnā molem ingentem



tē coacta: per ipsius diuisionē spatiatur; Tandēmq; in minutas guttas decidens, terram repetit. Necesse ergo erat artem etiam esse valde tenuem, & rarum, vt facilē cederet. Non tamen tantam subtilitatem eius officium, quantam ignis postulabat. Neque enim debuit ita res diuidere, sed conseruare. Et cōsequēter nō debuit esse tātę velocitatis.

Aqua quæ & nauigationi, & piscium natationi destinata est; debuit esse minus firma quā terra quę cum non cedat, talem gressum non permittit: magis tamē quā aer, vt ponderi ferendo par esset. Item aqua debebat ab igne gremium suum subeunte sublimē ferri, vt dictum est superius. Hinc necesse fuit esse aliquod inter partes spatiū in quod se facile conderet, & vt partes quasi à cētro recedentes per circumferentiam tamen vniarentur, ne ignis facilē abiret; itē ad refrigeriū debuit esse tenuis, quō facilē flueret, & poros intraret, debuit tamen esse densior aere, vt ignis interni nimium ardorem sua densitate reprimeret.

Terra, quæ omniū animantiū, plantarum, metallorum, aquarū quoque sedes est, ac firmamentum: item quæ quasi penu quoddam est locupletissimum refertum omnibus rebus quæ ad omniū nutrimentum, incrementūque requiruntur: firma debuit esse atque immobilis. Ideoque exiguū inter partes interstitiū volebat. Quippe quod ad motum solummodo est necessarium. Crassiorum quoque partium debuit esse, quōd nullam subtilitatem petat earum vsus. Minutissimæ enim particulæ in quas terra queat diuidi, crassæ sunt, si cum aliorum elementorum subtilitate cōparētur. Hæc ipsa magis illustrabuntur iis quæ suo tem-



pore de eorundem elementorum in composito naturali, functionibus docebuntur.

Porrò non te moueat, quod inter ignis partes, & aliorum elementorum ponimus distantiam. Hoc libronecessariam inter eas dari distantiam compertum certúmque faciemus? an autem propter tale interstitium admittendum sit vacuum, videbitur.

#### ARTIC. IV.

*Quid elementa actione intendant.*

**E**X iis quæ diximus, liquet, hanc à natura illa vniuersali propensionem inditam ac conseruatam elementis: vt eum statum appetant, qui maximè confert illis functionibus in quas natura ea ordinauit. Status autem igni conueniens est vt partes eius sint ad agendú liberrimæ, aëris minùs, aquæ etiam minus, terræ minimè. Non tamen sequitur contra. Ergo terra debuit maximè partium connexionem appetere ad firmitatem, aqua minus, aër etiam minus, ignis minimè. Hoc enim etsi de tribus aliis verum sit, de terra tamen non videtur. Cuius nempe partes solutæ non nisi humidi vinculo connectuntur. Quare? Quoniam Terra quæ omnium mater, ac nutrix erat futura, non debuit esse pura, sed in se admittere omnimodam aliorum elementorum communionem. vnde quoque in herbas, plantas, aliósque terræ fætus facilè ascenderent. Congruebat igitur terræ vt neque contractionem illá partium appeteret, quam humidi beneficio obtinet; neque earundem disiunctionem. Sed omnium minimè efficax esset cõmunis



munis ædificij veluti saxa, & lateres; aqua verò & aër veluti bitumen, seu materia quæ saxa, lateresque conglutinat.

## ARTIC. V.

*Quomodo eadem elementa possint esse naturæ instrumenta ad compositi naturalis constructionem.*

**H**Actenus non obscurum fuit, quomodo iis elementis veluti instrumentis natura vteretur, Patet enim v.c. quomodo ad incendium igne natura instituerit. Nunc verò quomodo eadem elementa ad compositi naturalis fabricam, cuius materia futura sunt, eiusdem naturæ possint esse instrumenta, non æquè est luculentum. Id conandum est explicare.

Ergo naturæ author duplicem finem in his elementis proposuit: alterum qui est elementorum proprius de quo egimus, alterum qui est compositi naturalis ex ipsis & per ipsa constructio, in quam proprias illas elementorum dirigit actiones. Tali enim arte, vt cum Platone loquar, id facit, vt propter mirabilem eorum proportionem, dum hæc elementa (quod mirum est) ad finem quodque suum mouet, ac dirigit, finem illum præcipuum assequatur, multiplicēsque illorum concursu, mutuāque actione rerum species perficiat; Neque enim aliter Deus per ea agit, quàm si ipsa met in finem quodque proprium impetum suum innata sibi virtute dirigerēt; neque magis cessat ea mouere, quàm ipsa cessarent si per se mouerentur. Et quàm cito, quàmque fortiter contrariorum vinculis soluta contenderent, tam subito, tamque vehementer à Deo concitantur. Quàmque



viam agendo sequerentur; per eandem Deus ipsorum promouet actionem. Atque, ut vno verbo dicam, non aliter illorum actione in compositis naturalibus utitur, quam si singula per se agendo, nihil aliud, nisi finem proprium assequi conarentur. Quem enim singulis dedit impetum à principio, seu potius quam unicuique dedit ad certum finem sibi proprium, aptitudinem, eandem semper ipsi seruat; eademque quantum contrariorum vincula permittunt, finem huic elemento debitum prosequitur. Atque hinc est quod monstra, & fœtus imperfecti, & abortus fiant; dum Sapientissimo illo Artifice hæc elementa secundum ipsorum naturam mouente, propter indebitam proportionem, deformitates necessario sequuntur. Mauult enim constantissimus ille moderator, tales defectus quos præuidit permittere, quam, ut illos impediat, ordinem pulcherrimum, quem instituit immutare. Neque hæc naturæ vitia propterea dicenda sunt; ni vitio vertendum sapientissimo illi rerum omnium Architecto, quod optimo, ac pulcherrimo agendi ordine meliorem inuenire nequiverit, vel ubi ordo ille in quibusdam non sufficit, eum violare nolit. Maximè cum hi singularem defectus ad vniuersi decorem pertineant: & aliquorum deformitas, reliquorum commendet pulchritudinem. Haud secus atque umbræ in pictura eius lumina magis illustant.

Verum pergamus in proposito. Atque ut quomodo fiat hoc, intelligamus facilius; ponamus hæc principia vi sibi insita vnumquodque in finem proprium contendere. Perinde enim est, si ea dicas se ipsis agere; quandoquidē Deus per illa agit, haud  
aliter



aliter ac si se ipsis illa mouerentur. Id igitur ad faciliorem intelligentiam supponamus.

Iam similitudine rerum moralium declarabimus, quomodo Deus per horum elementorum actiones finem sibi propositum assequatur; animalis v.g. vel plantæ generationem, incrementum aliasque mutationes: quamuis hæc elementa aliud intendant, finis nimirum quodque proprii consequutionem. Atque ut per opus nostræ redēptionis, opera naturæ illustremus; Iudas in proditione, Iudæi in accusatione, Pilatus in condemnatione Christi, diuersum quique finē intuebantur. Deus tamen Opt. Max. sapientissima sua dispensatione, per illorum actiones, quod proposuerat, nostræ salutis opus adimpleuit. Hunc in modum Deus ipsemet sapientissimus à principio cuncta elementa, cum in corporibus compositis, eorumque seminibus, tum extra ipsa composita, secundum cuiusque naturam tanta sapientia ordinauit; ut propter illum ordinem, ac dispositionem; dum vnumquodque agit secundum propriam naturam, licet aliud alium finem sequatur ex eorum coitu, certissima quasi texturæ necessitate, opera ipsa naturalia consequatur. Quin præclaram huius similitudinem nobis suggerit Sapientis illius Catonis œconomia; qui plures eiusdem nationis seruos nolebat; amabatque dissensionem inter ipsos; ne scilicet in damnum domini consentirent. Ita nimirum per illorum discordiam, sua cōmoda procurabat. Hunc inquam in modum per contrarias elementorum actiones, rem quam ipsa minimè intendunt, Opifex naturæ exequitur.

Quod optimè intelligebat Democritus, qui



hunc in sensum locutus, in prauum detorsus est. Cum dixit concursu elementorum fortuito singula fieri: fortuito profectò ipsis elementis quæ agendo nihil minus quàm talis rei structuram intendunt. Non autem fortuito primæ causæ, neque respectu optimis ac sapientissimi ordinis ab ipsa constituti, secundum quem elementa ipsa concurrunt, atque agunt.

Quippe hic concursus ipsis elementis est fortuitus habita ratione finis cuique proprii, & ad quem proximè tendit: non respectu finis ultimi in quem ordinantur.

Quemadmodum aquæ, cuius impetu quis utitur ad rotæ motum, quæ variis interpositis instrumentis folles moueat, tubosque organorum ordine aperiat, atque claudat: item aëri folles illos subeunti, & inde tubos ingredienti, sonumque edenti, motus ille multiplex, suauisque ille concentus est fortuitus. Aliud quippe aqua, & aër intendunt. Non sanè artificii fortuitus, neque ratione dispositionis instrumentorum, neque ratione finis, in quem & illa instrumenta, & aqua, aërisque naturalis operario ordinatur. Non inquam elementa magis intendunt compositi structuram, dū coalescunt, quàm hæc aqua & aër illam harmoniam. Attamen quemadmodum hæc symphonia ab illis venit per artē, ita propter ordinem ab vniuersi Architecto inter elementa constitutum, dū illa in suum quodque finem nauant; concursu sibi fortuito naturale construunt compositum.

Hinc etiam patet quomodo in composito elementa contra suam naturam sint, atque moueantur. Contra suam naturam quidem, si finem cuiusque



que proprium spectes, non contra naturæ communis finem in quem ipsa elementa diriguntur.

Cùm igitur duo sint elementorum fines, alter proximus quem ipsa intendunt, alter remotus, & ultimus, in quem primi finis prosequutio tanquã via deducit. de primo fine, rationibúsque, ac mediis quibus ad illum perueniunt, iam egimus: sed plura dicemus tempori. Nunc pauca de rationibus per quas præcipuus ille finis petitur, quãque via hæc elementa ad compositorum naturalium structuram concurrant, iuuabit prægustare.

## ARTIC. VI.

*Qua ratione elementa ad compositionem rei concurrant*

**M**oses in principio Geneseos dicit, Deum rebus creatis indidisse semen quo potestatem haberent gignendi similia quæque iuxta speciem suam. Seminis autem ratio in eo consistit, vt sit debita inter elementa proportio qua possint inuicem agere & pati ab inuicem. Alioquin si vel frigidum comprimat vt nequeat agere vel calidum frigus dissoluat & humidum, vt possit ipsum auolare, non fiet generatio. Priori namque modo pugna non erit, posteriori verò breui dissoluetur calore euadente. Generatio autem ex moderata pugna contrariorum procedit, iuxta illud, *Discors concordia fatibus apta*. Concordiam vocat, Quia nõ debet eorũ vinculũ solui, quod euenit si calidũ exuperet. Discordẽ vocat, quia non debet eorũ actio impediri, quod fit, si calidũ à frigido superetur. Si quidem calor est motus principũ. Atque hũc in modũ Heraclitus verissimè enũciauit, Naturã ex bello esse genitã. Homerũsq;




cecinit, eam in contentione & lite esse positam. Melius tamen Empedocles quando litem cum amicitia coniunxit: ex quibus omnia prodire affirmavit: eo quod elementa in suo consensu discordent, necesse est, ut dictum est. Quomodo autem ex hac concordia pugna, fiat attractio, retentio, concoctio, expulsio fusè declarabimus, Deo dante, cum agemus de generatione. Nunc scire sufficiat quomodo externo calido semen subeunte, igneum illud seminis primigenium viribus auctis exitum quærens conatur humidum frigidumque à quo inuoluitur, excutere. Illud verò veluti auxiliares copias simile humidum attrahit, cuius aduentu vis ignis interni ad tempus reprimitur. Verum & in eo humido aduentitio inest calidum cuius pars cum nativo calore coit, & extrinsecus calidum, recens veluti ex radiis solaribus ingrediens cum illis in societatem: Vnde iunctis viribus primum humidum illud concoquunt, deinde quicquid humido nativo non consentit facile expellunt, nullo repugnante. Tum hæc igneæ vires exitum molientes ipsum naturale humidum conantur expellere. Ex quo rursus in subsidium fit humidi externi recens attractio.

Hæc pauca utcumque delineasse satis est in præsentia: Vnde enim tanta fuit partium discretio; dicere, operæ est longioris: sed omnia cum tempore. His paucis unde fiat attractio, concoctio, retentio, expulsio ac consequens accretio clariùs patet, quam tot potentiis, quas in anima vegetate fingunt, quarum vanitatem documenta clarissima facient luculentiores.

Ergo in hac elementorum varia, pro subiecti natura, proportionem, quam compositi naturalis semen



meritò Moses appellauit, ratio magna ex parte sita est. Cur ad horum attractionem extrema elementa coeant in syncrasiam. Attamen & ex elementorum situ atque ordinatione pender hæc ratio: Maximè verò ex astrorum motibus, in quib. omnibus videre est illam litē, sed cum amicitia coniunctam. Quæ quoniam à principio sic fuerunt disposita iure meritò ex amicitia & lite mundum deduxit Empedocles: atque huic liti & amicitiae omnes omnium rerum vicissitudines attribuit. Sed quia plurimum ad naturæ cognitionem attinet, nosse de tūne vacuum in natura, hanc quæstionem aggrediamur.



## INTENTIO II.

### De vacuo.

#### ARTIC. I.

##### *Quo Aristotelis sententia exponitur.*

**Q**Voniam Veterum de vacuo sententiæ rerum rarefactio, atque condensatio potissimum fauet, de ea mentem Aristotelis iuuabit intelligere. Cuius hac de re Veterum argumentis satisfacere volentis l. 4. phys. c. 2. tex. 84. sensum ibidem refert Toletus his verbis. *Suam sententiam de rarefactione exponit, quæ breuiter primò in hoc consistit, quòd raritas & densitas sunt duæ contrariæ qualitates eductæ de potentia materiae, sicut & aliæ. Cum autem aliquid condensatur, aut rarefit propriè non est quia expellatur aliquid, aut ingreditur aliquid, vel quod partes coniungantur inter se, vel separentur ratione vacui; sed quia educitur de potentia*



*materia talis qualitas, raritas, aut densitas, ita ut subiectum mutetur, sicut cum sit calidum, aut frigidum. Antiqui enim nullam partem rei in rarefactione, vel densatione mutari dicebant, sed solum magis appropinquari, aut remoueri inter se. Aristoteles verò non sic: sed cum rarefit, aut condensatur aliquid, totum mutatur, & partes mutatione accidentali recipiendo qualitatem eductam de potentia materiae, quod apparet, quia in raro qualibet pars est rara, quod si rarum solum esset per partium separationem inter se, partes utiq<sup>3</sup> manerent densae, quod falsum est, ut apparet in his quae rara sunt, & maximè in elementis. Hæc igitur Aristotelis sententia ex Toletio: quos miror adeo Lynceos fuisse, ut de minutissimis elementorum particulis iudicare potuerint, quantæ molis essent, viderintque raritatem ipsarum, ac densitatem.*

*Eodem verò textu exponens Aristotelem addit. Est notandum quod ex magno fieri paruum est densari: ex paruo magnum est rarefieri: Et quidem quæstione quâ mouet, quid sit condensatio, & rarefactio pluribus exemplis ostendit, aërem, & aquam rariorem, & densiorem fieri; rarioremque plus loci, densiorem minus occupare. Nō quod in condensatione quicquā exhaletur, vel in rarefactione quicquā ingrediatur. Quod omnes admittūt de rarefactione propriè dicta: Cum enim corporis valde porosi ut pumicis, cavitates aëre replentur, impropriad vocant rarefactionem.*

## ARTIC. II.

*Quo supposita rarefactione, & condensatione qualem ponit Aristoteles, probatur dari vacuum.*

**H**Is elucidandæ rei gratia præmissis; ex tali rarefactionis & condensationis suppositione pro-



probaturn dari vacuum; Ita vt vel falsum sit quicquã  
ita rarefieri, ac condensari; vt nihil adueniat, vel re-  
cedat; vel si talis sit rarefactio; sane detur vacuũ in-  
ter partes. Pono quod clarum est. Cum res con-  
densatur, partes eius extensas, maiorẽque capedi-  
nem implentes ad centrum vnum sese cõtrahere; vt  
quæ erant extrema aliũ locum quã prius occupent,  
& ita reliquæ consequentes. Omnes enim ad cen-  
trũ accedunt propius quàm erãt. Suppono ex Ari-  
stotelis doctrina partes extremas nõ esse in cõden-  
satione propinquiores proximẽ sequentibus quàm  
prius. Alioquin, vt volumus, fuerit prius vacuũ in-  
ter ipsas. Quomodo enim quæ se cõtingebãt, possint  
propius inuicẽ adire? Ergo secundum ipsos, nõ sunt  
primæ propinquiores secundis, nec secundæ tertiis,  
nec tertiæ quartis quàm prius: & sic puta de reli-  
quis. Ne autem sit tergiuersatio, intellige nos loqui  
de omnibus partib. quantumcunq; minimis, inter  
quas, & proximẽ sequentes, si nihil fuit vacuum, nõ  
possunt propinquiũs inuicem coire. Attende. Ergo  
facta condensatione, quãtum extremæ illæ partes à  
spatio suo præcedenti recedentes, ad centrũ sese ad-  
mouerunt, tantũ & proximæ ab illo quod tenebãt;  
& ita reliquarũ vnaquæq; tantũ distabit ab eo loco  
quẽ prius occupabat, & ad centrũ appropinquabit.  
Iã ponamus extremas rei illius rarę partes duob. di-  
gitis recedere. Per consequẽs quæ duob. digitis ab-  
erãt, cum æquẽ ac primæ à suo loco remoueãtur, in  
centro erunt. Quæ verò interiũs erant, centrumque  
attingebant, quõnam se cõdent penitiũs? Ita gene-  
raliter ponam argumentum. Omnis pars interior in  
cõdensatione æquẽ attingit proximã atq; prius; ergo  
æquẽ distat à suo præcedenti spatio, quàm illa à suo.



Hoc argumentū vniuersaliter positum subterfugiis viam præcludit. De omni enim parte loquitur.

Sed id quoque clarius, ac breuius inuerso ordine monstrabimus. Rei etenim raræ partes minimæ quæ centro proximæ erant se contingebant (vt volunt.) Ergo non propinquiùs accesserunt, neque moueri potuerunt. Item minimæ aliæ quæ has minimas sequebantur, eas contingebant; Ergo moueri nequiverunt his primis immotis quæ moueri nequibāt. Tertiæ quoq; minimæ secūdas proximās contingebant, ergo illis immotis moueri nequiverunt, neq; propiùs ad cētrum propiùs accedere. Quod de omnibus partibus ita ponā. Si nulla sit pars vel actu vel potentia quæ ad proximè præcedentē possit magis accedere, sequitur nullā posse cētro propiùs ad moueri: Sed verū est prius, ergo & posterius. Minor est ex illorū doctrina. Si enim pars vlla proximè posset propiùs accedere; sequeretur, esse vacuū inter illas, vt clarū est. Cōnexi necessitudo patet; cū enim præcedētes nequeāt se magis ad centrū promouere; necesse est illis immotis, neq; moueri sequētes. At nullæ præcedētes possūt, vt liquet. Nec est quod respondeatur. Quod enim dicūt quidā partes hasce nō esse cōtiguas, sed continuas, hoc arguit illorū inopiam. Quippe omne continuū, simul est contiguū; sed nō cōtra. Vel sanè si cōtinui partes non inuicē contingunt, datur vacuū inter illas, quod volumus. Dicere autē quòd quæ se contingūt partes possint magis inuicē accedere, est naturā rerū euertere, & q̄ manifestè repugnat asserere. Partes quidē spōgię pressę fiūt inuicē propinquiores; sed abeūte aëre qui medius erat. hic autē sermo est de cōdēsatione partiū quæ nihil abscedēte, magis ad inuicē, quàm prius accedūt.

Ridi-



Ridiculum quoq; est exemplum ceræ, cuius prefæ partes propius adinouentur lapidi prementi; cū tamen cera iam lapidem tangeret. Cera enim non tangebat saxum secundum omnes suas partes; idcirco quæ ceræ partes lapidi non adhærebant, possunt magis appropinquare; secus de contingentibus lapidem.

## ARTIC. III.

*Quo Toleti euasio inutilis ostenditur.*

**N**ON dudito, quin Toletus vir acutus & hæc & alia viderit impedimenta, quæ vt tolleretur, eò confugit, vt diceret. *Quantum*, inquit, ego existimo, imò ita est secundum Aristotelem, non fit mutatio secundum raritatem, vel densitatem, quin aliquid quantitatis deperdatur, vel acquiratur de nouo: loquor autem de propria condensatione & rarefactione. Secundum tamen Auerroem, qui tenet, materiam semper habere coniunctam quantitatem sibi, vt nunquam de nouo acquiratur, vel deperdatur, nec tota nec vlla quantitatis pars, dicet, in condensatione, vel rarefactione non deperditur quicquam quantitatis, aut acquiritur, sed aliter & aliter se habet. Hæc Toletus in illa quæstione de rarefactione, & condensatione.

Miror Scaligerum non hoc animaduertisse virū oculatissimum; vt argumentum solueret, quod liquit insolutum. Ita scilicet in Cardanum. exercit. 4. Luculentior fuisset subtilitas, si nos docuisses, quemadmodū fieri quit rarum id quod erat densum: siquidem non datur vacuum. Ergo inter vnum minimum naturale ignis puri, & minima. continua. circumstantia nullum medium corpus intercedit. Quonam igitur modo queunt esse propius, aut lōginquius sine intervallo, mutuāve corporum penetratione



Vidit inquam Scaliger hoc impedimentum quod remouere non valuit. Facile autem erat, si Tolei sententia placuisset, dicere, minimum illud naturale, licet solum non possit minus fieri, cum aliis tamen coniunctam posse, minuta quantitate, diminui. Atq; hunc in modum, dum omnia eiusmodi minima naturalia minuantur, rem densari, cum verò augmentur, aucta quantitate, rem rarefieri. Verum hoc, ni fallor, commentum risisset Scaliger: & consectoria quæ ex hac quantitatis diminutione deducuntur. Multi enim eò iam venerunt licentiæ, vt dicant Deum posse vniuersum mundum seruatis omnibus partibus, atque eorum ordine sub grani millij quantitatem reducere. Et hoc, memini, præceptor nos docebat esse probabile. Licentiosa profectò hæc philosophia, parumque philosophica hæc licentia; Nec ferenda Genio Scaligeri. Sequitur autem facilè ex hac positione. Nempe si res, seruatis omnibus partibus, omni que partium substantia integra, possit naturaliter minor fieri, minuta nimirum quantitate. Cur Deus non possit facere minorem? cur non etiam minorem, & minorem? vel vbi ipsius potentia terminabitur? Si eatenus rem potuit, seruata omni substantia, minuere, cur non possit vltcrius? Eadem via sequetur, minima parte aëris vniuersum mundum per Dei potentiam repleti posse. Si enim ad duplū naturaliter augetur sine vacuo interposito, cur per Dei potentiam non possit ad quadruplum? cur non ad decuplum? cur hoc decuplum non ad centuplū? & ita in infinitum. Vel vbi Dei virtus terminabitur? & quia, si Aristoteli credendum est, densitas & raritas sunt tantum qualitates: hinc aëris particulae  
ad



ad totius mundi repletionem rarefactæ, Deus sine vlla contractione, poterit densitatem addere, vt sit lapide densior, ac durior. Vtile profectò esset diuitibus, & mercatoribus posse suas fortunas tã paruo volumine complicare, quas vitato periculo rursus explicarent. Sed hæc parum philosophica mitamus. Quæ quoniam illis à ratione aliena non videntur, conemur eos sententiæ suæ vinculo ad eam absurditatem trahere quam videant.

## ARTIC. IV.

*Quo diminutio quantitatis, remanente tota substantia ad impossibile deducitur.*

**L**euior fuit illa velitatio, præludiumque pugnae grauioris qua euincamus, quantum res deperdit quantitatis, tantum necessariò perdere partium suæ substantiæ: aduersus Toletum, qui, ad tuendum Aristotelem, dicit quantitatem raritate augeri, densitate verò minui. Neque enim aliter poterat euadere quin cogeretur fateri, si rarefactio fieret sine nouæ substantiæ interiectione, necessariò dari vacuum. Hoc vt euaderet commentus est quãtitatis rarefactione accretionem, decretionem verò densitate. Retegenda falsitas.

Pono quod est clarissimũ, res eiusdem quãtitatis tot partes cõtinere potentia; hoc est vnã in tot partes diuidi posse, in quot & alterã. Nec est quod discrimen ponamus inter res densas & raras; si, vt vult Toletus, raritas fit per additionẽ quãtitatis. Res. n. secundũ quantitatem sunt diuiduæ. Ergo crescente quantitate, dum rarefit aliquid, crescit & ratio diuiduitatis, vt possit magis diuidi. Certum quippe est



quò plus res quævis habet quantitatis, eò magis posse diuidi, atque eo plures partes virtute continere, in quas sit diuidua. Iam ponamus aërem densatum ad sui dimidium: totus aër non maiorem habebit quantitatem quàm priùs eius semissis. Siquidem, vt vult Toletus, tantum deperdit quantitatis, quantum raritatis.

Sic argumentor, Æquale in quantitate non plures habet partes in quas possit diuidi, quàm aliud æquale: sed aër condensatus æqualis est in quantitate dimidio sui rarefacti. Ergo aër totus condensatus non plures habet partes in quas diuidi possit, quàm rari dimidium habebat. Ergo priùs plures ad duplum continebat partes in quas diuideretur. Ergo habet tantum dimidium partium in quas priùs erat diuiduus. Ergo habet solum dimidium substantiæ quam habebat. Quod nos monstrare intendebamus.

Ad sequelæ probationem; norandum, siue res in infinitum possit diuidi, vt vult Aristoteles; siue nò, vt vult Plato, non tamè diuidi in partes quæ priùs in ea non fuerint, quantum ad suam substantiam. Non quidem erant actu diuisæ, at sanè erant actu secundum suam substantiam. Neque enim pars generatur, cum diuisione separatur, sed quæ reuera erat coniuncta seiungitur. Neque quisquam sanæ mentis aliter senserit. Res igitur non est diuidua in partes quarum non habeat substantiam, seu quas substantialiter non habeat, licèt non diuisas. Possem & hoc addere; etsi non sint diuisæ, esse tamen re distinctas, vt quod vna est, id ipsum non sit alia. Nam quod in maioribus videmus, id ipsum & de paruis censendum est. At in hac carne

v.c.certum



v.c. certum est hanc partem non esse illam, vel non esse id quod illa est. Ita & inter illas minimas particulas, in quas res quæpiam partiri potest, certum est vnam non esse aliam, quamquam coniunctæ sunt. Iuuabit meminisse quæ de formæ partitione libro præcedenti diximus. Nunc scire sufficiat rem nequire diuidi in partes quas secundum substantiam non habeat actu, & si non diuisas.

Ex quo sequuntur hæc correlatiua. Quo plus habet res substantiæ, eo in plures partes esse diuiduam, & consequenter, Quo magis diuidua est, eo plus habere substantiæ. Et quo minus est diuidua, eo minus habere substantiæ.

Iam ad rē. Ex prædictis aer duplo rarior, in partes duplo plures diuidi potest seipso densiore. Hoc enim ex Toleti sententia intulimus. Ergo duplo plus habet substantiæ rarior quam densatus. Sed hoc coniectarium est absurdissimum. Ergo & illa doctrina ex qua sequitur.

At partes illæ potentiales sunt infinitæ. Ergo nō plures vna res habet quàm alia. Fortè fuerint qui hac in fuga salutem ponant. Ad quos, quicquid sit de anteceddēte quod suo tempore examinabimus, Dicimus consequentis falsitatem iis quæ probauimus esse conuictam, quæ repetere esset molestū. Addimus hanc demonstrationem. Sint vnus rei duæ partes æquales: vna tot in partes est diuidua in quot altera. Quis neget rem totam duplo plures habere, quæ vtriusq; partes potentiales continet, vel quæ in omnes illas partes est diuidua? Insanum sanè esset dicere manum non magis esse diuiduā quam digitū. Hoc autem omnes fatentur ratione quantitatis fieri vt res vna magis diuidua sit quàm



alia. Quóque maiorem habet quantitatem, eò magis esse diuiduam. Ergo si, vt vult Toletus, aër duplo rarior duplo plus habet quantitatis, duplo plures habebit partes potentia, & in quas possit diuidi quam densior. Quod est absurdissimum. Alioquin duplo plus haberet substantiæ rarior quàm densior. Quod esse falsissimum fatentur. Quæ præcipitia vt declinent, necessarium est agnoscere, vel vacuum inter aëris rarioris partes; vel sanè noui alicuius corporis ingressum, quod spatium illud distantiamque inter aëris partes occupet.

## ARTIC. V.

*Quo eadem impossibilitas alia demonstratione confirmatur.*

**Z** Abarella, vt subtilis est, quàm Aristoteles putat in accretione, omnium materiæ partium fieri, extensionem impossibilem pronunciat. Hæc enim sunt eius verba lib. de accret. c. 14. De reliqua etiam conditione altercatio magna est, quomodo quælibet eius quod augetur pars fiat maior: quum enim id quod augetur, corporeum sit proinde in infinitas partes diuiduum, & alimentum itidem corpus sit, non videtur fieri posse, vt omnibus prorsus corporis augendi partibus fiat accessio magnitudinis ex alimento adueniente, quin corpus à corpore penetretur, quod philosophi omnes impossibile penitus esse existimarunt: ideò Aristoteles vt hoc absurdum vitaret: dixit conditionem hanc de forma, non de materia intelligendam esse, ita vt quando dicitur, quamlibet partem rei crescentis maiorem fieri, id verum sit secundum formam tantummodo, non secundum materiam: quod Aristotelis



*ristotelis dictum magnas interpretum controuersias excitauit, &c. Deinde, post longas interpositas disputationes tandem cap. 20. ita concludit. Partes igitur maiores extenduntur & rarefiunt; sed necesse est dari partes minimas quæ non rarefiant, neque extendantur, omnes enim extendi neque possibile, neq; imaginabile est; esset enim omnes euanescere, & nihilari, & continuum esse actu diuisum in partes infinitas quæ ne imaginari quidem possumus. Et post pauca. Idque ostendimus tum ratione additionis nouæ materie ad materiam veterem, tum etiam ratione extensionis, quia neque omnibus partibus additio fit, neque additione facta omnes extenduntur. hæc ille.*

Negat rectè Zabarella partes omnes per accretionem extendi posse, idque dicit non esse imaginabile. Verùm longè magis excedit imaginationem minimas aëris, vel alicuius alius corporis partes per rarefactionem posse dilatari. Etenim impossibilitas quam Zabarella comperit in dilatatione minimarum partium per incrementum, fundatur in communi opinione Peripateticorum dicentium cum Aristotele, rem quamlibet in infinitum diuidi posse; atque propterea, nullam dari partem minimam: alioquin darentur actu infinitæ partes.

Nos alia via procedimus. Ponimus enim infinitas dari posse, quæ aliter quoque possint dilatari: & quamuis hoc sit absurdissimum, hoc tamen supponimus. Hoc dato, si tamen minimæ sint illæ particulæ, ita ut in minores nequeant diuidi, implicat contradictionem, eas per rarefactionem posse dilatari. Hoc paucis expediam.

Minimam raritate extensam dicis? Ergo iam plures habet partes: Extensio namque dicit




partium pluralitatem, & esse diuiduum. Sed rarefacta nullas habet partes quas priùs non haberet: partes nempe illæ substantiæ sunt & corpora. Ad-ueneruntne de nouo? Minimè sanè. Neque hoc dixerint. Ergo erant priùs. Neque simul erant, alioquin se penetrassent: quod est impossibile. Ergo plures habebat partes, eratque diuidua illa pars quã tu minimã indiuiduamque vocabas. Nimirũ constabat ex pluribus partibus, si extendi poterat. Atque hac ratione clarum est partem quæ possit raritate extendi non esse minimã neq; indiuiduã. At inquis, non dantur partes minimæ rei cuiuspiã: nedum possunt minimæ extendi. Accipio quod volebam. Si enim minimæ nequeunt extendi. Ergo dantur certæ partes, & in certa mole in quibus illa extensio terminatur: Ita vt hæc quidem rarefactione extendantur; his verò minores nequeant ampliùs extendi, hoc inquam necessarium. Vel sanè minimæ dilatantur, quod demonstrauius impossibile. Esto igitur hoc certissimum.

Ex quo sic procedo. Partes illæ minimæ inter eas quæ in rarefactione extenduntur, cum consistant ex minoribus, nec aliud sint quàm minores illæ simul iunctæ, non poterunt diduci, minoribus illis non dilatatis; nisi vel aliæ partes addantur de nouo; vel vacuum inter illas partes minores intercedat. Minores non extendi comprobatum est. Ergo vacuum est necessarium, aut sanè aliqua alia substantia intercedit, qua ingrediente fiat vt partes, vel aëris, vel ignis, vel aquæ, vel cuiusvis rei aliæ ab aliis diducantur. Hæc paucis. Dantur particulæ quæ nō extenduntur rarefactione: ex his particulis solis fiunt maiores, quas proinde minoribus  
non



non dilatatis impossibile est crescere, nisi noua accedat substantia, vel detur vacuum.



## INTENTIO III.

### De anima mundi.

#### ARTIC. I.

*Quæ sit illa substantia quæ in rarefactione ignem subit & aërem, & reliqua corpora.*

**H**Abemus igitur illud luculentissimè demonstratum, atque euictum, ni concedamus vacuum inter partes à quo natura abhorret, admittendam esse substantiam aliquam corpoream, tenuissimam quidem, quæ in aëris, v.g. rarefactione, in partes aëris sese insinuans alias ab aliis diducat, vt plus loci occupent, tali substãtia spatium quod relinquunt, adimplente, quod alioquin vacuum remaneret. Si quæ sit illa substantia nosse laboras. En tibi Stoici clarè manifestarūt. Quum spiritum omnibus elementis rebusque communè sapientissimè cognouerunt. Qui quidem spiritus in rebus omnibus, idem esset quod ventus à follibus in organa immissus vnde sonum edant. Sic ab illo spiritu ineūte res cūctas moueri prout ipsarū fert aptitudo. Si enim materiam ignis subeat, illos in quā minutissimos aculeos, eos motu quā citissimo diducit mouetq;, prout petit eorū naturæ cōditio. Hunc in modum si aëris, si aquæ, si terræ materiã



ineat, cuiq; mensuram dat congruam, partes quoad requirunt, alias remouens ab aliis: atque mouet vnumquodq; prout ordinatum est. Itaque idem ille spiritus cum ignis materia, ignē, cū aëris aëi ē efficit; & ita de reliquis. Estq; in rebus omnibus, vel sicut omnium forma; vel potius sicut instrumentū proximū, & vniuersale, quo mēs illa sapientissima vtitur, ad rerum omnium debitam motionē. Adeò vt ausim, cum bona venia, dicere, de hoc spiritu prophetam locutum his verbis, *Auertente te faciem tuam turbabuntur, auferes spiritum eorum, & deficient, & in puluerem suum reuertentur*. Excedat enim ille spiritus, quid erit ignis? contrahet se ocyùs, formamq; terræ, vel pulueris subibit: nihilque virtutis in eo supererit, nisi illa instrumentalis aptitudo, qua in alium motum, finemque ordinatus est, quàm sit aut aëris, aut aquæ, aut terræ materia. De quibus idē, pro modulo suo, quod de igne, censendum est.

Hinc clarum est, quomodo elementa sint in mixto, insunt scilicet secundum propriam cuiq; materiam, propriamque eius aptitudinem. Quæ quod ibi non agat, nō mirum, si ab hoc spiritu non cieatur. Non mouet autem illam nisi quantum moueri apta est. Quantum tamen ipsa se moueret tunc, si vim illam motricem ex se haberet. Quemadmodum enim tunc ignis impeditus seipsum non impelleret; ita materiam ignis constrictam, impeditamque mouere cessat hic spiritus: nisi quantum materia illa relaxatur: Eundem in modum de aliis iudicetur. Solutam verò materiam rursus subit; ac particulas, prout quæque natura fert, alias ab aliis reducens, debitam illis reddit speciem. Haud secus atq; aër vtrem, aut follē cōpressum ingrediens, eo

com-



complemento dat illi formam, ac figuram, quam ipsius structura postulat.

Cæterum hunc spiritum rerum omnium motorem Platoni notum fuisse, nō erit obscurum ei qui in Timæo legerit, quomodo omnia elementa discernuntur ab inuicem motu cōtinuo; veluti cribro res agitatae aliae aliò secedunt. Non utique motus ille fit sine motore. Et quamuis adsit mens illa diuina ut causa principalis; utitur tamē anima mundi quæ nihil aliud est quàm hic spiritus vniuersi. Quippe mens illa est sapientissima quæ immittit illum spiritum vnicuique ut decet; eoq; ipsum mouet, quomodo & quò sua natura petit. Hoc denotauit Virgilius, inquiens 6. Aeneid.

*Principio calum & terram, &c.*

*Spiritus intus alit, totamq; infusa per artus,*

*Mens agitat molem, & magno se corpore miscet.*

Ponit hunc spiritum mundi Altorem, mentem verò motricem, quippe quæ hunc spiritum infundat. Vnde & alibi hanc mentem Deum vocat, 4. Georg.

---- *Deum namque ire per omnes*

*Terrasq; tractusq; maris, Calumq; profundum.*

Deum vocat respiciens ad illam Mētem quæ est causa principalis, moderatrixq; motus eiusmodi.

Verisimile est Platonē hunc spiritū intellexisse, cū dicit in principio Deū fecisse ignē & terrā, pro eo quod Moses dixit, *In principio creauit Deus calum & terram.* Ita ut idem Plato per ignem, quod Moses per cælū significarit; Naturā nēpe hanc spiritualē, quā ob suā sūmā celeritatē agēdiq; virtutē nō poterūt meliùs quā vel ignis vel cæli nomine denotare. nomine Terræ; Ignis, Aeris, Aquæ, Terræ deniq;



materiam, ac diuersissimas illas atomos ex quibus omnia fiunt intelligentes. Quandoquidem hæc omnia multiplicia naturæ instrumenta hoc spiritu abeunte in molem veluti terream comprimuntur, fiuntque iners, & inutile pondus. Eundem in sensum Parmenides, referente Aristotele, statuit ignem & terram ex quibus mens illa cuncta componeret. Spiritum scilicet & diuersissimè elementum materiei congeriem.

## ARTIC. II.

*Quo Peripateticorum argumenta ponuntur  
quibus hanc Stoicorum impetunt  
sententiam.*

**P**icolomineus lib. de mundo, cap. 20. quærens per quid mundus sit vnus, refert hanc Stoicorum sententiam. Stoici, inquit, imaginati sunt spiritum quendam communem per omnia effusum, quo cuncta ligari, in vnūque redigi affirmarunt, hunc nonnulli aiunt esse quintam essentiam cunctis insertam, ex omnibusq; per sublimationes natam elici, ex nonnullis magis, ex aliis minus, aduersus quem communem spiritum disputat Alexander in cap. de mixtione, & iure profecto: cum enim asserant spiritum illum esse corpus, meabit corpus vnū per aliud, quod fieri nequit: Insuper vel est simplex, vel mixtum, non simplex, quia non datur infra cælum aliud corpus simplex præter quatuor elementa, & longè minùs poterit esse corpus mixtum, quia mixta mouentur per elementū prædominās, & sunt posteriora simplicibus, quare non poterit ligamentum simplicium. Insuper vel est graue, vel leue, si graue, præter naturam erit in igne, si leue,



*si leue præter naturam in loco deorsum: At nil præter naturam æternum. Demum corpus omne aliquo sensu percipitur, hoc nullo. sed eos mittamus. Hæc præclara argumenta examinemus.*

Primum nil minùs quàm intelligunt Stoicorum sententiam. Neque hic spiritus est illa quinta essentia quæ ex rebus elicitur. Diximus quid sit.

Ad primum argumentum, falsum est hunc spiritum per corpora meare, ita vt duo corpora sint simul; sed inter corporum particulas sese sua subtilitate incredibili insinuat; Estque illarum nexus adinuicem. Tantum autem abest vt propterea detur corporum penetratio, vt isti inferunt. Quin contra: ni detur hic spiritus, quotiescunque aliquid condensatur; fatendum, fuisse vacuum inter partes. vel profectò, quæ se contingebant, fatendum iam sese penetrare. Quod demonstrationibus adeo necessariis euicimus; vt de ea veritate non possit ambigi. Ad secundum. Respondeo esse corpus simplex. Quid contra? *Non simplex* inquiunt. *Quare? Quia non datur infra cælum aliud corpus simplex præter quatuor elementa.* Quis dixit? vel vnde sciunt? hoc scilicet tanquam certum præsupponunt. At id ipsum est quod controuertitur, & quod eget probatione. Quid? Nullum corpus simplex infra Cælum præter quatuor elementa? Contra ipsa elementa etsi purissima darentur, non tamen sunt corpora simplicia. Ignis non est corpus simplex. Sed vt docuimus, cōstat ex sua materia id est ex iis aculeis subtilissimis, & ex hoc spiritu qui hos aculeos mouet & ab inuicem disgregat, inter eos sese insinuans. Ita de reliquis elementis docuimus.

Ad tertium. Respondeo, neque esse graue, neque



esse leue, sed indifferenter se habere ad quemuis motum: pro materiæ vero natura qui sese immiscet motum suum vel sursum deorsum vel aliorum determinat. Neque enim mouetur vt corpus simplex, sed quatenus est pars corporis compositi cuius naturam sequitur.

Ad quartum verò quid respondeamus? Corpus omne aliquo sensu percipitur. hoc verò quo? Omnibus inquam. At non discernitur. Quid mirum? Aqua mistum vinum non discernitur, cum tamen naturam seruet. Mistio impedit. At in alia materia aliter apparet, & aliter sensum afficit. Quid mirum? Et homo aliis indutus vestibus alius videtur. Sed misce vinum cum aqua, nūquid aliud videbitur quam cum sale, vel oleo, vel melle coniunctum? Non differet colore? odore? sapore? Sic inquam pro diuersitate materiæ cui cōiungit se, variat speciem hic spiritus. Sensumque aliter atque aliter afficit pro diuersitate instrumentorum quæ mouet. Quemadmodum aliam sensationem nobis inferret qui membris nudis caudam vulpinam induceret, quàm qui ferreos immitteret aculeos.

Sed quæ sunt hæc argumenta? Peripateticorum nimirum. Ecce nos euidentissima demonstratione certum fecimus in rerū rarefactione necessario alterutrum admitendum; vel nouæ substantiæ ingressum quæ rei partes diductas subeat: vel sanè vacuum fatendum. Vtrum malint? Non vacuum: Ergo velint, nolint huius substantiæ ingressum agnoscant, necesse est. Non eiusmodi friuolis argumentis quæ incertiora sint, quàm id quod quaeritur; Rationibus certamus omnem pertinaciam frangentibus.

Cur ve-



Cur verò non sectamur Democritum & alios qui vacuum alleuerunt? Profectò non iurauimus in verba Democriti: nec satis constat quæ fuerit eius aliorumque de tali vacuo sensus. Quandoquidem si vera refert Aristoteles, induxerunt vacuum quod esset corporeum, habens nimirum dimensiones corporeas, quod propterea ingredi, atque egredi corpora voluerunt. Itaque vel eorum sententiam non intellexit Aristoteles, vel sanè dissimulauit. atq; in primum sensum detorsit. Neque enim, per tale vacuū corporis dimensionibus præditum; accedens quoque, ac recedens; aliud quam hūc spiritum Stoicorū intellixisse videatur.

Verum, non in his insitimus: Intellexerint illi per vacuum, spatium inter elementorum particulas corpore carens: In eo rectè processerunt: Et enim, si detur corporum rarefactio sine alterius corporis ingressu, necessario datur vacuum, vt demonstrauimus. At Aristoteles admisit talem rarefactionem quares dilataretur nil de nouo accedente. Ergo debuit admittere vacuum. Turpiusque quam Veteres errauit. Si enim errauerunt illi; error illorum fuit Aristoteli communis. In quo errauerunt? Quia (vt Aristoteles) ignorauerunt illum spiritum qui corpora in rarefactione subiret, & ab iisdem in condensatione recederet. hanc inquam ignorantiam cum Aristotele participarunt; At, negato noui corporis ingressu viderunt necessario dari vacuum; Aristotelis verò Genius huius sequelæ necessitate videre non valuit. Negauit enim ille vacuum, quamuis id allereret, ex quo vacuum necessario sequebatur. At, inquis, Natura abhorret à vacuo. fateor. Quid igitur



Ergo fatendum est, dari talem spiritum qui inter ignis, vel aeris, vel aquæ vel cuiusvis corporis particulas rarefactione diductas ab inuicem, locum occupet relictum.

Ecce qua via ad huius spiritus notitiam peruenimus; non sanè mouente nos Stoicorum, aliorumve philosophorum autoritate; Sed ratione inuicta urgente, ac cogente; ni vellemus vacuum concedere; quod ne faceremus, eadem ratio Naturæque dissuasit. Subitò magna lux nobis refulsit, ut videremus, quid sit illud vinculum quo mundus hic ex tam diuersis rebus constans, vnus tamen sit. Siquidem hic spiritus per omnia diffusus rei cuiusque pars est melior, ac nobilior, & secundum quam omnia sunt vnum.

### ARTIC. III.

*An per animam mundi Plato intellexerit hunc spiritum.*

**P**Lato in Timæo animam mundi ex certa partium proportionem constituit, quomodo ergo per animam illam, intellexit hunc vniuersalem spiritum, quem diximus ipsum innuere voluisse, per illum ignem de quo, *In principio inquit, creauit Deus ignem & terram?* Respondeo igitur. Cum Plato hunc spiritum ignem vocauit, considerasse ipsius naturam, quatenus præ summa tenuitate apta esset, qua, prima illa causa ad vniuersam mundi compagem mouendam vteretur; At in eo ratio formalis animæ non consistit, sed in diuersissima, certissima tamē motuum proportionem, quam in mundi partibus obseruare debet. Propterea hanc animæ rationem in certa proportionem constituit. Ut gra-  
uia deor-



uia deorsum, leuia sursum ferret: vt ignem tanta velocitate, aerem minori concitaret. Vt certam inter aque partes latitudinē, maiorē inter aerias, lōgē maiorē inter igneas obtineret. Vt firmamētū tanta velocitate raperet; planetarum quemque celeritate sibi debita circumferret. Et alia multa quæ longum esset referre.

Verūm, moueat quēpiam, quod hos motus, eāmq̃ proportionem ad Naturam videmur antea reuocasse; Quomodo nunc id ipsum Mundi animæ tribuamus, quando quidem Naturam ab Anima mundi ex ipso Platone distinximus? Respondeo idem esse discrimē inter Naturam, & animā Mundi, quod est inter instrumentum & manum quæ illud mouet. In instrumentis quidē certa requiritur aptitudo: in manu verò vis quæ quodq; instrumētū agat, prout ipsius fert aptitudo. Natura rerum cōstitit in eiusmodi quasi instrumētali aptitudine quæ proinde in diuersis diuersa est. Animæ verò Mundi ratio in ea vi posita est, qua veluti Mentis illius sapientissimę manus rem quamque, prout nata est, moueri, impellit. Itaque illa motus proportio pertinet & ad naturam, & ad mundi animam. Ad naturam quidem, quatenus rerum naturę talis motus debetur. Ad animā mūdi quatenus eū motū efficit.

Quod ergo dixeramus: idipsū repetimus. Deum per hunc spiritum nempe, non aliter elementa singula mouere, quàm ipsamet se mouerent si vis illa motrix ipsis innata esset, Verbi gratia, cōiuncta ipsa peterent maximē sui solutionem vt quodque regionem sibi debitam, similiūque consortium obtinerent. Idipsum intendit hęc anima, atque hic spiritus; vt vnumquodque elementum solutione



facta, eò deducat quò ipsius natura propendet: in eò que potissimum occupatur, vt dissimilia segreget, & singula in suum locum vehat. Quoniam verò ad id potissimū igneis illis vtitur aculeis: quippe qui ad reliqua dissoluenda acumine suo maximè sunt idonea; hinc fit vt vbi illa ignis materia ab humido liberata est, in eam hic spiritus incredibili celeritate se immittat: Quod in pulueris tormentarij inflammatione est conspicuum.

Cur igitur, inquis, omnia non dissoluit, vt elementa singula sui finis faciat cōpotia: Quia ea mouet elementa, vt seipsa mouerēt, vt sæpius diximus. Illa verò si vi propria ferreūt; vbi sunt debita proportionē temperata, nō solutionē appeterent. Vel sanè si calidum intinū eam moliretur; frigidum, humidumque continēs impediret; quā ratione superius ostendimus de Natura agētes, fusius id Deo dāte explicaturi. Humidæ enim si hoc maximè cuperent, nequeunt tamen exire nisi per particulas, propter miram earum texturam: Particulæ autem eiusmodi nolūt aliarum cōmunionē relinquere. Ergo quod illæ facerent appetitu proprio regente; in id ipsum huius spiritus impulsione mouentur.

#### A R T I C. I V.

*Quo hæc doctrina cum Aristotelica comparatur.*

**E**Cce Peripatetici formas interitu in nihilū abire, quemadmodum ex nihilo factas opinantur. Res continuè mutari cernentes, non modo nouas qualitates fieri, alias perire; sed pereūtibus formę particulis nouas ex nihilo factas succedere coguntur fateri. Quid nēpe est quod in puluere tormentario accenso modicum materię ita diducit, vt  
tantum



tantū spacij occupet? forma, inquit. Népe recens edita; & quidē ex nihilo. Videsis. meliúsne sit Naturæ authorē in nouis cōtinuè formis formarūque partibus creandis occupari; quàm talē formā perpetuam agnoscere, quæ prout materia disposita est, eā subeat, eāq; eieat, prout sua fert aptitudo? Verissimū enim est illud Aristotelicū Naturā nihil agere frustra: & frustra fieri per plura quicquid paucioribus fieri potest. Quorsum igitur tot formarum creationes, tot earundem corruptiones, in quibus Author Naturæ sit assiduus?

Mitto multimodas rei cuiuslibet mutationes, in quibus nouas agnoscūt naturas nouas scilicet qualitates. Quid Veteres? ostēdunt nihil de nouo fieri, omnesq; illas mutationes nihil aliud esse quàm migrationē huius spiritus ex vna parte in aliam, prout sit materiæ mutatio; quæ quantum vel additione vel detractiōe, vel situs diuersitate, vel quauis alla ratione mutatur, tantum hic spiritus motus suos diuersos facit: Ita vt quàm multiplices Peripatetici imaginantur qualitates subinde nascentes, & morientes; nihil aliud sint quàm eiusdem spiritus actio variata; prout diuersitas materiæ quam subit, instrumentorūque quibus vtitur variatio, requirit. Quippe in hoc collucet immensa Conditoris sapientia, quod talē ordinē, talēq; rerū proportionem cōstituit, vt ex hoc ordine, atq; proportionē, dum hic vnus spiritus, materiæ diuersissimæ partes quisque mouet, quatenus earum natura postulat, vno motu locali, tã diuersas, tãque mirificas rerum mutationes edat. Certi sumus inquam, nos hoc vnico motu locali mutationū naturalium causas longè facilius, certius, ac clariùs reddi-



turos, quā Peripateticos infinitarum qualitatum, formarumque substantiarum creatione; in quibus, particulatim continuè creandis, Author naturæ sit assiduus.

Plurima iam absurda in eorum doctrina palam fecimus, plurima tamen iisdem in rebus alia præterimus. Quātum laborant, vt ostendant quomodo ex rebus diuersissimis forma illa imaginaria, & materia, vnum fiat? Quod vbi commenti sunt, hæc vnitas longè magis obest ipsis, quàm profit. Quippe Aristotele probante, in vnaquaque re dari partem mouentem & motam, torquent sese miseris modis, vt in elemento corpore, vt putant, simplici, inueniant quæ sit pars mouens, quæ mota. Non autem audent, sine pudore, dicere, partem mouentem esse formam, partem motam esse materiam, siquidē actu iam vnum sunt, cuius sit agere, & pati, ita vt illud vnū & moueat & moueatur. Id cruentas inter ipsos digladiationes excitant, in quibus commemorandis, & vt vt potest; componendis. Zabarella, libro primo de motu leuium, & grauium, à principio, viginti quinque ingentes columnas insumit & amplius.

In veritate autem nihil est laboris, nihil difficultatis. Ecce in elemento quod corpus simplex arbitrantur, veritas agnoscit duas naturas, re ipsa distinctas, spiritum scilicet, & materiam elementarem quam velut instrumenta mouet hic spiritus. Mouens hic spiritus, mota est e; materia. Motor verd qui immotus hunc spiritum & per ipsum materiam mouet, est mens ipsa, seu, vt clarius loquar, Deus ipse Opt. Max. qui est omnia in omnibus. hunc omnium sactorem, formatorem,



rem, conseruatorémque omnibus intimum, omnium generatio constructióque manifestat. Hæc omnia ex diuersissimis materiæ generibus constare, Natura rerum vniuersa testata est. Ordine sapientissimo, atque debita cum maximarum, tum minimarum mundi partium motúsque earum proportionem, illam rerum texturam fieri nemo, nisi valde imperitus dubitarit: quam quidem partium, ac motus earum proportionem naturam vocauimus.

Formæ illius imaginariæ difformitate incredibili resecta, atque ob oculos posita; rerum rarefactio, atque condensatio vel inuitos induxit in cognitionem vitalis illius spiritus cuius cum varia materia, coitu vario, rerum species in infinitum variantur. Pendantur argumenta quæ nobis rerum rarefactio, atque condensatio suggessit: ni planè conuincunt vel dandum vacuū, à quo Natura abhorret; vel hunc spiritum inter partium materiæ diductionem admittendum; falsissima sint quæcunque hætenus verissima demonstrauius. Cæterum quæ hinc dubia cuique possunt surgere, si tam facilè esset diuinare, quàm diluere; non detrectaremus laborem. Quanquam, ex dictis & dicendis facilis futura sit eorum solutio. Quantum autem huius spiritus cognitio conducat ad motus naturam explicandam sequens tractatus comprobabit.





# DE MOTV

## LIBER.

### *Propositio.*



ASTIDIOSVS præter æquum esset Lector, si in quibus intelligendis, & declarandis impensè laborauimus; ea, quòd, propter subtilitatem, difficiliora essent, hîc inseri molestè ferret: præsertim cum sit in eius arbitrio, illa vel legere vel omittere. Neque tamen omnia pari difficultate laborabunt. Quæ enim prima ponentur; Cur scilicet motus grauium successu fiat velocior; Cur alia aliis sint grauiora; Quæ causa sit motus proiectorum; etsi nō erunt in procliui, non tamen erunt ardua; quin, si rectè iudicau, delectatione sua non carebunt. Neque molestiora erunt quæ sequentur de ponderibus; licet intelligenti futura gratissima. Vnde nempe fiat, vt, quod in statera videmus, ac plerisque aliis, quò magis pondus ab hypomochlio, seu fulcro recedit, eò magis vis eius augeatur. De his pulchra sanè, nescio an cuiquā hactenus obuia. Subtilissima verò & quæ auditorem subtilem, patientemq; desiderant



siderant, ea erunt, quæ postrema de motu indiuiduo disputabuntur. Detur ne scilicet motus minimus quo minor dari nequeat: quemadmodum: detur ne pars corporis minima & indiuidua, quæ ex aliis partibus non constet, nec multò facilia erunt quæ hunc tractatum præcedent, licet ferè eundem scopum habeant.

Si quæ nos hac de re; Pythagoras rediuius doceret; nactus quales habuit discipulos qui se indicto per septennium silentio, patienter audirent; non dubito quin hæc facilia viderentur; Non tanta patientia in his est necessaria; imò minor etiam quam quæ in legendo Aristotele quotidie requiritur. Quod si longè minorem operam nobis Lector non denegabis, videbis quam longè hac quoque parte Aristoteles à scopo aberrarit. Patere ut potiaris.

## I N T E N T I O I.

Cur motus grauium deorsum successu fiat velocior?

### A R T I C. I.

*Qua sit Zabarella sententia.*

**N**ON paruas inter Peripateticos pugnas ciuit hæc difficultas; cur scilicet lapis deuolutus magis ac magis acceleret.

Ex variantibus eorum hac de re sententiis, pauca refert Zabarella lib. I. de motu leuium & grauium; sed longas tamen, adeo ut lectori quantumuis auido tædiū sint allaturæ. Quibus tandè omnibus cōiectis erroris, ac reiectis, suam c. 16. exponit.



Quam vtrum proponerem, ac refutarem, diutiùs anceps fui; hinc veritus ne prolixitate Lectoris patientiam læderem; illinc, ne dum studeo gratus esse, breuitati consulens; neruos meæ sententiæ præciderem. Neque enim parum firmamenti nostram accepturam putabam ex illius euerfione: vel si mauis, ex discussa vanitate illius commenti quod tantus author magnificat, veritatem splendidiorum futuram arbitrabar.

Ergo Zabarella post longas præcautiones, tandem mentem suam ita explicat. Supponit primò lapidem, v.c. à forma sua substantiali moueri, ac proinde ex parte ipsius lapidis motum vbique æqualem esse, vtpote ab æquali semper principio: diuersitatis verò motus causam his verbis refert. *Statuamus igitur lapidem in aere descendentem, substat illi in initio illius motus prima aeris pars quiescens, quam vi mouere incipit lapis descendendo, quia resistantiam illi aliquam facit, non potest autem prima aeris pars premi, ac deorsum pelli, nisi similiter pellat, ac moueat secundum ei substantem partem, lapis igitur ad secundam aeris partem perueniens, inuenit eam motam, & ad eandem partem, nempe deorsum, ergo velociùs in ea descendit, quàm in prima quiescente, quum autem velociùs descendat in secunda, quàm in prima, necesse est, vt tertiam magis premat, quam priùs secundam presserit: Tertia igitur deorsum premitur vehementiùs, ac velociùs quàm in secunda, quemadmodum nauis quæ secundo flumine moueatur, eo velociùs mouetur, quo velocior sit fluxus amnis: velociùs autem latus lapis in tertia, quàm in secunda, magis premit quartam, quàm priùs tertiam presserit. ideo quarta velociùs deorsum pellitur, quàm tertia, & ita lapis ad quartam perueniens mouetur per eam velociùs quàm per tertiam, & ita deinceps, quamobrem augetur*



getur semper velocitas motus, & in fine est maxima, non tamen quod grauitas, seu vis lapidis motrix fiat maior, hac enim eadem manet, sed quia continuè imminuitur resistentia mediū, proinde augetur excessus virtutis motricis ad resistentiam aeris, qui ab ea mouetur, & ita velocitas motus augetur. Hæc Zabarella.

## ARTIC. II.

*Quo Zabarella sententia refutatur.*

**E**T si id Zabarellæ inuentum optimū est, quod à Peripateticis excogitari potuerit, reuera tamen nullius est precij, non quia Aristotelis auctoritatem vt seruet, sibi que conciliet, vehementer laborat capite sequenti: sed quia ipsius rationes contrarium probant eius quod intendit. Ad cuius rei declarationem vtemur similitudine quam attulit, nauis scilicet quæ secundo flumine eo velocius mouetur, quo velocior sit fluxus amnis. Ac primū dissimilitudo in hac similitudine contrarium ostendet. Quippe flumen eodem modo se habere debet ad nauim quo aer ad lapidem prouolutum. Magna autem est diuersitas. Etenim vult Zabarella aerem à lapide moueri. Ergo, vt constet similitudo, debet fluxus amnis à naui mota procedere. Sed enim est contrarium; fluminis nempe vis rapit secum nauim, datque illi, quod per Zabarellam, forma lapidi. Hæc contrarietas ostendit falsum Zabarellam. Amnis enim trahit secum nauim, nedum ab ea mouetur.

Ponamus ergo nauem ita moueri à flumine quemadmodum lapis à forma feratur. Et sicut formam ait Zabarella eundem semper lapidi motum



Quam vtrum proponerem, ac refutare, diutiùs anceps fui; hinc veritus ne prolixitate Lectoris patientiam læderem; illinc, ne dum studeo gratus esse, breuitati consulens; neruos meæ sententiæ præciderem. Neque enim parum firmamenti nostram accepturam putabam ex illius euersione: vel si mauis, ex discussa vanitate illius commenti quod tantus author magnificat, veritatem splendidiorē futuram arbitrabar.

Ergo Zabarella post longas præcautiones, tandem mentem suam ita explicat. Supponit primò lapidem, v.c. à forma sua substantiali moueri, ac proinde ex parte ipsius lapidis motum vbique æqualem esse, vtpote ab æquali semper principio: diuersitatis verò motus causam his verbis refert. *Statuamus igitur lapidem in aere descendentem, substat illi in initio illius motus prima aeris pars quiescens, quam vi mouere incipit lapis descendendo, quia resistantiam illi aliquam facit, non potest autem prima aeris pars premi, ac deorsum pelli, nisi similiter pellat, ac moueat secundum ei substantem partem, lapis igitur ad secundam aeris partem perueniens, inuenit eam motam, & ad eandem partem, nempe deorsum, ergo velociùs in ea descendit, quàm in prima quiescente, quum autem velociùs descendat in secunda, quàm in prima, necesse est, vt tertiam magis premat, quam priùs secundam presserit: Tertia igitur deorsum premitur vehementiùs, ac velociùs quàm in secunda, quemadmodum nauis quæ secundo flumine moueatur, eo velociùs mouetur, quo velocior sit fluxus amnis: velociùs autem latus lapis in tertia, quàm in secunda, magis premit quartam, quàm priùs tertiam presserit, ideo quarta velociùs deorsum pellitur, quàm tertia, & ita lapis ad quartam perueniens mouetur per eam velociùs quàm per tertiam, & ita deinceps, quamobrem au-*  
getur



getur semper velocitas motus, & in fine est maxima, non tamen quod grauitas, seu vis lapidis motrix fiat maior, hæc enim eadem manet, sed quia continuè immittitur resistentia mediū, proinde augetur excessus virtutis motricis ad resistentiam aeris, qui ab ea mouetur, & ita velocitas motus augetur. Hæc Zabarella.

## ARTIC. II.

*Quo Zabarella sententia refutatur.*

**E**T si id Zabarellæ inuentum optimū est, quod à Peripateticis excogitari potuerit, reuera tamen nullius est precij, non quia Aristotelis auctoritatem vt seruet, sibi que conciliet, vehementer laborat capite sequenti: sed quia ipsius rationes contrarium probant eius quod intendit. Ad cuius rei declarationem vtemur similitudine quam attulit, nauis scilicet quæ secundo flumine eo velocius mouetur, quo velocior sit fluxus amnis. Ac primū dissimilitudo in hac similitudine contrarium ostendet. Quippe flumen eodem modo se habere debet ad nauim quo aer ad lapidem prouolutum. Magna autem est diuersitas. Etenim vult Zabarella aerem à lapide moueri. Ergo, vt constet similitudo, debet fluxus amnis à naui mota procedere. Sed enim est contrarium; fluminis nempe vis rapit secum nauim, datque illi, quod per Zabarellam, forma lapidi. Hæc contrarietas ostendit falsum Zabarellam. Amnis enim trahit secum nauim, nedum ab ea mouetur.

Ponamus ergo nauem ita moueri à flumine quemadmodum lapis à forma feratur. Et sicut formam ait Zabarella eundem semper lapidi motum



imprimere: ita fluminis impetus eadem, semper virtute nauim pellat. Si rationes Zabarella vim habent, eadem, qua lapis, ratione, processu fit velocior; nauis motus progressu velocitatem acquireret. Pars enim aquæ inferior quæ nauim moratur à naui pulsa, pellit quoque sibi inferiorem, & hæc aliam; quemadmodum de partibus aeris Zabarella dixit. Non tamen propter has Zabarella rationes velocior fit cursus nauis successu quàm principio. Nempe non magis cedit aqua præcedens quàm initio. Ergo neque aer præcedens lapidem magis cedit prementi lapidi quàm motu incipienti. Neque enim maior est ratio cur aer progressu magis cedat ruenti saxo, quàm aqua naui currenti: imò minor. Siquidem aer non vltro deorsum tendit, sed quantum potest findenti lapidi resistit; amnis verò suapte natura fluens faciliùs naui pel-  
lenti obediret. Quantum verò aqua inferior cederet, tantundem superior quæ nauim vehit, succederet.

Sed vt aptior sit similitudo; ponatur nauis in palude cuius aqua non fluat, quam nauim velis expansis ventus vehemēs semper æqualis pellat. Sicque vêtus nauis quod forma lapidi. Fietne progressu violentior motus nauis? Experientia contrariū demonstrabit; neq; aquam successu magis ac magis cessuram. Quamuis deberet, propter eandem quam attulit Zabarella de aere, rationem; si tamen ea ratio vera esset.

Ergo in quo peccent Zabarella rationes videndum est. In eo igitur falsus est, quod cū dixit partē aeris à lapide motam mouere consequenter aliam aeris partem; non animaduertit omnes illas quas  
simul



simul mouet, ipsi simul resistere, eiusque vim minuere. Haud secus ac si quis tres aut plures consequentes pelleret, etsi prior pulsus contiguum sequentem, & hic alium moueret, difficilius tamen omnes, quàm vnus solus, mouerentur: Quoniam omnes resistunt. Eodem planè modo, si lapis per se ac formam suam aerem mouet; dum in principio plures consequentes aeris partes resistentes pellit, vis eius debilitatur: minorque erit cum ad secundam partem veniet, & minor cum ad tertiam. Hoc perspicuum facit aqua quam si manu lata verberes, non dubium est, quin pars superior à manu pulsa pellat sequentem: nihilominus quæ minor è in principio inuenit resistantiam successu breui debilitabitur. Et quidem si pisciculus iuxta superficiem aquæ occurrat ab ictu lædetur; sin paulò inferior sit, ictus languidior factus erit innoxius, propter dictas rationes. Ergo falsum est velocitatem descensus lapidis crescere ex eo quod pars aeris ab lapide pressa premat sequentem.

## ARTIC. III.

*Quo fundamenta ponuntur ex quibus causa vera petatur.*

**A**ristoteles lib. 4. de cælo, cap. 4. Suo, inquit, in loco grauitatem habent omnia, præter ignem. Signum cuius est, vt rem inflatum plus ponderis, quàm vacuum habere. Quare si quid plus aeris habet quam terra, & aqua, id in aqua quidem alio leuius, in aere verò grauius esse potest: nam non natat quidem super aerem, natat autem super aquam. hæc Aristoteles. Quem, mirum, ni vel Pegasus, vel Iouis Ales trans aera in regionem ignis vexerit; vbi, facto periculo, viderit follem igne



plenum non descendere. Vel quomodo tam certus esse potest ignem in suo loco non esse graue? Verum quæ ratione probat cætera in suo loco esse graua? Experientia nimirum quæ videre est vtrū plenum aere plus ponderis habere quàm vacuum. Miror, cur tanta moles aeris nostris capitibus incumbens nos pondere suo non obterat. Hæc tam deridicula non effutiisset Aristoteles, si quæ fluminibus, quæ mari, quæ corporibus animantium, inest facultas, eam & aeris moli cōpetere cognouisset. Mare, flumina, corpora reliqua, quicquid in se est extranei illud euomunt, & excernunt: Quidni & aer? Hoc enim à Natura rebus omnibus inditum est. Vt quia simile similis consortio delectatur, disiunctionem ab inuicem abhorreant, ac propterea conentur expuere quicquid inter ipsas facit diuortium: quantòque vel magis est diuersum, vel maiorem facit hiatus inter partes, tanto enixius ipsum contendunt expellere. Hunc appetitum aer cum rebus omnibus communicat: hinc est vt nihil extrarium in se nisi grauatè ferat. Quòd ergo follis aere plenus descendat, non aeris inclusi motui tribuendum: sed moli aeris follem vt sibi noxium deturbanti: Plenum quidem velocius quàm vacuum, quia plenus maiorem occupat intercapedinem, maioremque facit partium aeris diductionem. Neque enim aer externus cum folliculi aere communicat, quem non tangit. Pellem autem inflatam vt suæ coniunctioni magis aduersam minus patitur, maiori que conatu decutit, quàm vacuum quæ longè minorem facit sui disiunctionem. Quamuis non negem aerem vtris pulsum ab externo facile tendere quò mouetur: vt probat eiusdem



dem à terra reperi, resiliens in altum. Dixeritne Aristoteles aerem illum grauem qui sic resiliit? Siue igitur deorsum ab aere ambiente, siue ab alio corpore quoquoersum pellatur, facile cedit aer folle conclusus, nequaquam grauitate duce.

Hæc quæ clara sunt præmissimus, ut constaret quæ graua sunt, non solum ab interno principio ferri præcipitia sed multo magis ab aere depellente.

## ARTIC. IV.

*Quo vera causa datur cur motus grauium processu fiat velocior.*

**Q**Uam nulli Peripateticorum datum est iudicare, causa videtur aperta sententiam nostram sequenti. Non negant illi motum fieri lentiolem ob mediæ resistentiam: hincque motum lapidis in aqua tardiolem quàm in aere. Ergo duæ sese offerunt causæ illius grauium descendendum accelerationis. Prima est maior conatus superioris aeris saxum decutientis, altera est aeris inferioris minor resistentia. De hac posteriore primùm ut agamus, meminisse oportet, idcirco inferiorem aerem descensui lapidis resistere, quia refugit sui solutionem à lapide faciendam. In primo ergo descensu lapidis, proxima pars aeris findendi magis repugnat sui ipsius diuisioni, secunda pars minus. Ratio est. Quia, ubi primæ partes aeris fissæ sunt, ocys sursum tendunt locum à lapide relictum occupaturæ. has ergo aeris diuisi partes hinc inde cedentes, secundæ partes aeris ægrè deserunt, ideoque prementi lapidi citius cedunt, (ne dum ab inuicem volunt seiungi) ab aliis illis



primis quæ sursum ascendunt diuellantur. Nihil igitur aliud urgebat primas aeris partes vt sese relinquerent, quam pondus lapidis; idcirco magis resistebant: secundas verò, præter vim saxi, mouent primæ cedentes à quibus dum grauatè seiunguntur, facilius cedunt findenti lapidi, primas scilicet illas sequuntur. Vide quid sequatur. Si aer inferior facilius cedit, ergo & lapis celerius descendit. Quò verò lapis velocius descendit eò promptius secundæ illæ partes aeris sursum profiliunt, locum lapidis suppleturæ. Rursus quò velocius secundæ partes aeris prouolant; eò citius tertiæ lapidi obediunt secundas illas sequuntur. Citius ergo finduntur tertiæ quàm secundæ. Quò verò facilius lapidi cedunt, eò velocius ruit; Ergo & velocius ascendunt illæ tertiæ partes aeris, vt eius locum occupent. Sed quantò ocyus illæ tertiæ ascendunt, tantò citius quartæ lapidi cedunt, vt tertias illas sequantur. Item quanto hæ promptius finduntur, tanto celerius saxum transit. Atque hunc in modum continuè ipsius augetur velocitas.

Altera causa est, vis aeris supernè depellentis continuè crescens. Quippe quod dum sursum tendit aer, superius condensatur magis; densior autem magis nitur molem noxiam exturbare. Verum dixeris fortè contrarium fieri. Quoniam constat aerem agitatam rarefieri, nedum condensari. Esto rarefiat aer agitatione; Sanè non potest pars aeris rarefactione amplius spacium occupare, quin alia pars condensetur. Conuenientius autem utique est; vt superius aer densetur quò sese recipit, quàm inferius vnde fugit. Sed ne de hoc diutius disputemus; constat aerem agitatam potentiorē



tentio rem esse, ac proinde validius lapidem mole-  
stum excutere.

Porro aeris infernè cessionem ascensumque te-  
statur lapidis ruentis volutio. Quanto verò magis  
cedit inferior ut se superiori iungat, tanto magis  
vim superiores crescere palam est. Ergo in eo de-  
latus est Zabarella, quod neque viderit hanc ultro-  
neam cessionem aeris inferioris ut socium fugien-  
tem sequatur: neque cognoverit cuius sit vis illa  
quæ lapidem deprimens continuè crescat. Scili-  
cet, ut virtus aeris superioris quæ lapidem deuol-  
uit, cessione inferioris euadit potentior.

## ARTIC. V.

*Cur aëria, & aquea motu rarefiant.*

**N**ON abs re fuerit, ex occasione hîc quære-  
re, cur aer, aqua, & quæ illorum naturam  
participant, motu rarefiant. huius causam facilem  
habent, qui ex minutis certisque particulis hæc e-  
lementa fieri perspectum habent. Quemadmo-  
dum enim strues ligni optimè composita, si distur-  
betur, longè ampliorem locum occupat. Ita Aeris,  
& Aquæ partes quæ inter se ordinatæ paruo spa-  
tio continebantur, motu huc illuc dissectæ longè  
magis sese extendunt. has verò ingreditur spiritus  
ille qui exprimitur è corpore (siue sit aer siue aqua  
illud corpus) quod illis partibus sese extēdentibus  
cedēs cōprimitur. Sed ad propositum reuertamur.

## ARTIC. VI.

*Quo ex aliarum questionum solutione veritas nostra  
sententia comprobatur.*

**C**Ur navis remigio pulsa; cessante motore, ali-  
quandiu feratur; clarum fiet, ex his quæ





# DE MOTV

## LIBER.

### *Propositio.*



ASTIDIOSVS præter æquum esset Lector, si in quibus intelligendis, & declarandis impensè laborauimus; ea, quòd, propter subtilitatem, difficiliora essent, hîc inseri molestè ferret: præsertim cum sit in eius arbitrio, illa vel legere vel omittere. Neque tamen omnia pari difficultate laborabunt. Quæ enim prima ponentur; Cur scilicet motus grauium successu fiat velocior; Cur alia aliis sint grauiora; Quæ causa sit motus proiectorum; etsi nō erunt in procliui, non tamen erunt ardua; quin, si rectè iudicui, delectatione sua non carebunt. Neque molestiora erunt quæ sequentur de ponderibus; licet intelligenti futura gratissima. Vnde nempe fiat, vt, quod in statera videmus, ac plerisque aliis, quò magis pondus ab hypomochlio, seu fulcro recedit, eò magis vis eius augeatur. De his pulchra sanè, nescio an cuiquā hætenus obuia. Subtilissima verò & quæ auditorem subtilem, patientemq; desiderant



siderant, ea erunt, quæ postrema de motu indiuiduo disputabuntur. Detur ne scilicet motus minimus quo minor dari nequeat: quemadmodum: detur ne pars corporis minima & indiuidua, quæ ex aliis partibus non constet, nec multò faciliora erunt quæ hunc tractatum præcedent, licet ferè eundem scopum habeant.

Si quæ nos hac de re; Pythagoras rediuius doceret; nactus quales habuit discipulos qui se indicto per septennium silentio, patienter audirent; non dubito quin hæc facilia viderentur; Non tanta patientia in his est necessaria; imò minor etiam quam quæ in legendo Aristotele quotidie requiritur. Quod si longè minorem operam nobis Lector non denegabis, videbis quam longè hac quoque parte Aristoteles à scopo aberrarit. Patere ut potiaris.

## I N T E N T I O I.

Cur motus grauium deorsum successu fiat velocior?

### A R T I C. I.

*Qua sit Zabarella sententia.*

**N**ON paruas inter Peripateticos pugnas cieuit hæc difficultas; cur scilicet lapis deuolutus magis ac magis acceleret.

Ex variantibus eorum hac de re sententiis, pauca refert Zabarella lib. I. de motu leuium & grauium; sed longas tamen, adeo ut lectori quantumuis auido tædiū sint allaturæ. Quibus tandè omnibus cōiectis erroris, ac reiectis, suam c. 16. exponit.



Quam vtrum proponerem, ac refutarem, diutiùs anceps fui; hinc veritus ne prolixitate Lectoris patientiam læderem; illinc, ne dum studeo gratus esse, breuitati consulens; neruos meæ sententiæ præciderem. Neque enim parum firmamenti nostram accepturam putabam ex illius euersione: vel si mauis, ex discussa vanitate illius commentum quod tantus author magnificat, veritatem splendidiorum futuram arbitrabar.

Ergo Zabarella post longas præcautiones, tandem mentem suam ita explicat. Supponit primò lapidem, v.c. à forma sua substantiali moueri, ac proinde ex parte ipsius lapidis motum vbique æqualem esse, vtpote ab æquali semper principio: diuersitatis verò motus causam his verbis refert. *Statuamus igitur lapidem in aere descendente, substat illi in initio illius motus prima aeris pars quiescens, quam vi mouere incipit lapis descendendo, quia resistantiam illi aliquam facit, non potest autem prima aeris pars premi, ac deorsum pelli, nisi similiter pellat, ac moueat secundum ei substantem partem, lapis igitur ad secundam aeris partem perueniens, inuenit eam motam, & ad eandem partem, nempe deorsum, ergo velociùs in ea descendit, quàm in prima quiescente, quum autem velociùs descendat in secunda, quàm in prima, necesse est, vt tertiam magis premat, quam priùs secundam presserit: Tertia igitur deorsum premitur vehementiùs, ac velociùs quàm in secunda, quemadmodum nauis quæ secundo flumine moueatur, eo velociùs mouetur, quo velocior sit fluxus amnis: velociùs autem latus lapis in tertia, quàm in secunda, magis premit quartam, quàm priùs tertiam presserit, ideo quarta velociùs deorsum pellitur, quàm tertia, & ita lapis ad quartam perueniens mouetur per eam velociùs quàm per tertiam, & ita deinceps, quamobrem augetur*



getur semper velocitas motus, & in fine est maxima, non tamen quod grauitas, seu vis lapidis motrix fiat maior, hac enim eadem manet, sed quia continuè imminuitur resistentia medij, proinde augetur excessus virtutis motricis ad resistentiam aeris, qui ab ea mouetur, & ita velocitas motus augetur. Hæc Zabarella.

## ARTIC. II.

*Quo Zabarella sententia refutatur.*

**E**T si id Zabarellæ inuentum optimū est, quod à Peripateticis excogitari potuerit, reuera tamen nullius est precij, non quia Aristotelis auctoritatem vt seruet, sibi que conciliet, vehementer laborat capite sequenti: sed quia ipsius rationes contrarium probant eius quod intendit. Ad culus rei declarationem vtemur similitudine quam attulit, nauis scilicet quæ secundo flumine eo velocius mouetur, quo velocior sit fluxus amnis. Ac primū dissimilitudo in hac similitudine contrarium ostendet. Quippe flumen eodem modo se habere debet ad nauim quo aer ad lapidem prouolutum. Magna autem est diuersitas. Etenim vult Zabarella aerem à lapide moueri. Ergo, vt constet similitudo, debet fluxus amnis à naui mota procedere. Sed enim est contrarium; fluminis nempe vis rapit secum nauim, datque illi, quod per Zabarellam, forma lapidi. Hæc contrarietas ostendit falsum Zabarellam. Amnis enim trahit secum nauim, nedum ab ea mouetur.

Ponamus ergo nauem ita moueri à flumine quemadmodum lapis à forma feratur. Et sicut formam ait Zabarella eundem semper lapidi motum



imprimere: ita fluminis impetus eadem, semper virtute nauim pellat. Si rationes Zabarellæ vim habent, eadem, qua lapis, ratione, processu fit velocior; nauis motus progressu velocitatem acquireret. Pars enim aquæ inferior quæ nauim moratur à naui pulsa, pellit quoque sibi inferiorem, & hæc aliam; quemadmodum de partibus aeris Zabarella dixit. Non tamen propter has Zabarellæ rationes velocior fit cursus nauis successu quàm principio. Nempe non magis cedit aqua præcedens quàm initio. Ergo neque aer præcedens lapidem magis cedit prementi lapidi quàm motu incipiente. Neque enim maior est ratio cur aer progressu magis cedat ruenti saxo, quàm aqua naui currenti: imò minor. Siquidem aer non ultro deorsum tendit, sed quantum potest findenti lapidi resistit; amnis verò suapte natura fluens faciliùs naui pel-  
lenti obediret. Quantum verò aqua inferior cederet, tantundem superior quæ nauim vehit, succederet.

Sed vt aptior sit similitudo; ponatur nauis in palude cuius aqua non fluat, quam nauim velis expansis ventus vehemēs semper æqualis pellat. Sicque vêtus nauis quod forma lapidi. Fietne progressu violentior motus nauis? Experientia contrariū demonstrabit; neq; aquam successu magis ac magis cessuram. Quamuis deberet, propter eandem quam attulit Zabarella de aere, rationem, si tamen ea ratio vera esset.

Ergo in quo peccent Zabarellæ rationes videndum est. In eo igitur falsus est, quod cū dixit partē aeris à lapide motam mouere consequenter aliam aeris partem; non animaduertit omnes illas quas  
simul



simul mouet, ipsi simul resistere, eiusque vim minuere. Haud secus ac si quis tres aut plures consequentes pelleret, etsi prior pulsus contiguum sequentem, & hic alium moueret, difficilius tamen omnes, quàm vnus solus, mouerentur: Quoniam omnes resistunt. Eodem planè modo, si lapis per se ac formam suam aerem mouet; dum in principio plures consequentes aeris partes resistentes pellit, vis eius debilitatur: minorque erit cum ad secundam partem veniet, & minor cum ad tertiam. Hoc perspicuum facit aqua quam si manu lata verberes, non dubium est, quin pars superior à manu pulsa pellat sequentem: nihilominus quæ minor è in principio inuenit resistantiam successu breui debilitabitur. Et quidem si pisciculus iuxta superficiem aquæ occurrat ab ictu lædetur; sin paulò inferior sit, ictus languidior factus erit innoxius, propter dictas rationes. Ergo falsum est velocitatem descensus lapidis crescere ex eo quod pars aeris ab lapide pressa premat sequentem.

## ARTIC. III.

*Quo fundamenta ponuntur ex quibus causa vera petatur.*

**A**ristoteles lib. 4. de cælo, cap. 4. Suo, inquit, in loco grauitatem habent omnia, præter ignem. Signum cuius est, vt rem inflatum plus ponderis, quàm vacuum habere. Quare si quid plus aeris habet quam terra, & aqua, id in aqua quidem alio leuius, in aere verò grauius esse potest: nam non natat quidem super aerem, natat autem super aquam. hæc Aristoteles. Quem, mirum, ni vel Pegasus, vel Iouis Ales trans aera in regionem ignis vexerit, vbi, facto periculo, viderit follem igne



plenum non descendere. Vel quomodo tam certus esse potest ignem in suo loco non esse graue? Verum quæ ratione probat cætera in suo loco esse graua? Experientia nimirum quæ videre est vtrū plenum aere plus ponderis habere quàm vacuum. Miror, cur tanta moles aeris nostris capitibus incumbens nos pondere suo non obterat. Hæc tam deridicula non effutiisset Aristoteles, si quæ fluminibus, quæ mari, quæ corporibus animantium, inest facultas, eam & aeris moli cōpetere cognouisset. Mare, flumina, corpora reliqua, quicquid in se est extranei illud euomunt, & excernunt: Quidni & aer? Hoc enim à Natura rebus omnibus inditum est. Vt quia simile similis consortio delectatur, disiunctionem ab inuicem abhorreant, ac propterea conentur expuere quicquid inter ipsas facit diuortium: quantòque vel magis est diuersum, vel maiorem facit hiatus inter partes, tanto enixius ipsum contendunt expellere. Hunc appetitum aer cum rebus omnibus communicat: hinc est vt nihil extrarium in se nisi grauati ferat. Quòd ergo follis aere plenus descendat, non aeris inclusi motui tribuendum: sed moli aeris follem vt sibi noxium deturbanti: Plenum quidem velocius quàm vacuum, quia plenus maiorem occupat intercapedinem, maioremque facit partium aeris diductionem. Neque enim aer externus cum folliculi aere communicat, quem non tangit. Pellem autem inflatam vt suæ coniunctioni magis aduersam minus patitur, maiorique conatu decutit, quàm vacuum quæ longè minorem facit sui disiunctionem. Quamuis non negem aerem vtris pulsum ab externo facile tendere quò mouetur: vt probat eisdem



dem à terra repercussi, resurtus in altum. Dixerit-  
ne Aristoteles aerem illum grauem qui sic resilit?  
Siue igitur deorsum ab aere ambiente, siue ab alio  
corpore quoquouersum pellatur, facile cedit aer  
solle conclusus, nequaquam grauitate duce.

Hæc quæ clara sunt præmissimus, vt constaret  
quæ grauia sunt, non solum ab interno principio  
ferri præcipitia sed multo magis ab aere depel-  
lente.

## ARTIC. IV.

*Quo vera causa datur cur motus grauium processu  
fiat velocior.*

**Q**Vam nulli Peripateticorum datum est iudi-  
care, causa videtur aperta sententiam no-  
stram sequenti. Non negant illi motum  
fieri lentiozem ob medijs resistentiam: hincque  
motum lapidis in aqua tardiozem quàm in aere.  
Ergo duæ sese offerunt causæ illius grauium des-  
cendentium accelerationis. Prima est maior cona-  
tus superioris aeris saxum decutientis, altera est  
aeris inferioris minor resistentia. De hac postero-  
re primùm vt agamus, meminisse oportet, idcirco  
inferiorem aerem descensui lapidis resistere, quia  
refugit sui solutionem à lapide faciendam. In  
primo ergo descensu lapidis, proxima pars aeris  
findendi magis repugnat sui ipsius diuisioni, se-  
cunda pars minus. Ratio est. Quia, vbi primæ par-  
tes aeris fissæ sunt, ocys sursum tendunt locum à  
lapide relictum occupaturæ. has ergo aeris diuisi  
partes hinc inde cedentes, secundæ partes aeris æ-  
grè desierunt, ideoq; prementi lapidi citius cedunt,  
(ne dum ab inuicem volunt seiungi) ab alijs illis



primis quæ sursum ascendunt diuellantur. Nihil igitur aliud urgebat primas aeris partes ut sese relinquerent quam pondus lapidis; idcirco magis resisteabant: secundas verò, præter vim saxi, mouent primæ cedentes à quibus dum grauatè seiunguntur, facilius cedunt findenti lapidi, primas scilicet illas sequuntur. Vide quid sequatur. Si aer inferior facilius cedit, ergo & lapis celerius descendit. Quò verò lapis velocius descendit eò promptius secundæ illæ partes aeris sursum profiliunt, locum lapidis suppleturæ. Rursus quò velocius secundæ partes aeris prouolant; eò citius tertiæ lapidi obediunt secundas illas sequuntur. Citius ergo finduntur tertiæ quàm secundæ. Quò verò facilius lapidi cedunt, eò velocius ruit; Ergo & velocius ascendunt illæ tertiæ partes aeris, ut eius locum occupent. Sed quantò citius illæ tertiæ ascendunt, tantò citius quartæ lapidi cedunt, ut tertias illas sequantur. Item quanto hæ promptius finduntur, tanto celerius saxum transit. Atque hunc in modum continuè ipsius augetur velocitas.

Altera causa est, vis aeris supernè depellentis continuè crescens. Quippe quod dum sursum tendit aer, superius condensatur magis; densior autem magis nitur molem noxiam exturbare. Verum dixeris fortè contrarium fieri. Quoniam constat aerem agitatam rarefieri, nedum condensari. Esto rarefiat aer agitatione; Sanè non potest pars aeris rarefactione amplius spacium occupare, quin alia pars condensetur. Conuenientius autem utique est; ut superius aer densetur quò sese recipit, quàm inferius vnde fugit. Sed ne de hoc diutius disputemus; constat aerem agitatam potentio-

tentio-



tentio rem esse, ac proinde validius lapidem molitum excutere.

Porro aeris infernè cessionem ascensumque testatur lapidis ruentis volutio. Quanto verò magis cedit inferior ut se superiori iungat, tanto magis vim superiores crescere palam est. Ergo in eo delusus est Zabarella, quod neque viderit hanc ultro-neam cessionem aeris inferioris ut socium fugientem sequatur: neque cognoverit cuius sit vis illa quæ lapidem deprimens continuè crescat. Scilicet, ut virtus aeris superioris quæ lapidem devolvit, cessione inferioris evadit potentior.

## ARTIC. V.

*Cur aëria, & aquea motu rarefiant.*

**N**ON abs re fuerit, ex occasione hinc quærere, cur aer, aqua, & quæ illorum naturam participant, motu rarefiant. huius causam facilem habent, qui ex minutis certisque particulis hæc elementa fieri perspectum habent. Quemadmodum enim strues ligni optimè composita, si disturbetur, longè ampliorem locum occupat. Ita Aeris, & Aquæ partes quæ inter se ordinatæ parvo spatio continebantur, motu huc illuc disiectæ longè magis sese extendunt. has verò ingreditur spiritus ille qui exprimitur è corpore (siue sit aer siue aqua illud corpus) quod illis partibus sese extendentibus cedens cōprimitur. Sed ad propositum revertamur.

## ARTIC. VI.

*Quo ex aliarum questionum solutione veritas nostra sententia comprobatur.*

**C**Ur navis remigio pulla; cessante motore, aliquandiu feratur; clarum fiet, ex his quæ



de motu proietorum dicentur. Cur in illis quæ fluminis impetus secum rapit, non idem fiat, quod in lapidis descensu; ut pars inferior, rei pulsæ cedens, cum superiore coeat, eiusque vim augeat; Ratio est in promptu. Quoniam pars aquæ inferior ante nauim abit, non autem opus est, ut retrocedat; cum nec velocius nauis à superiori fluminis parte moueatur, quàm inferior cedens feratur. Quamuis, ubi nauis præter amnis impetum, vi remigum pellitur, aqua retrogressa possit mouere validius nauim, eiusque motum nonnihil accelerare. Nonnihil inquam. Causa cur non magis hæc est. Quia quod nauis facilius aut difficilius moueatur, non tantum ex aqua prouenit; sed maximè ex aere qui contendit eam deorsum deprimere. Vnde nō solūm motus ille nauis trans aërem est aeri violentus, sed mansio eius in aere est aeri grauis; hinc eam deprimat quoad potest; eiusque motui resistit, nisi quantum vis fluminis, ac remigum præualet.

Sed hīc consistendum, monstrandūque nauim ab aere deprimi. Nauis excelsam ferens lignorum struem, sine dubio posset in ligni altitudinem extrui; ita ut tam alta essent nauis latera, & extrema; quanta esset lignorum strues. Nec tamen tam alta profundius mergeretur quā humilior; Modo equali aquæ profunditate ferretur. Alioquin si infirmaliter aqua, nauis eiusmodi pondus subsidet. Vnde hoc procedit? An quia vnda non valet eam sustinere? Sed si lignum est in loco naturali, ut aiunt; cur aquæ sustinenti vim affert? An quia natura ligni petit ut profundius immergatur? At ubi aqua erat altior, non tam demittebatur nauigium.

Cur



Cur magis demittitur aqua infirmiori? An quia vnda potentior nauim sursum euehebat? Sed quomodo sit locus ligno debitus, si aqua lignum inde repellit? Quomodo inquam tanta aquæ profunditas fuerit naui naturalis mansio, si aquæ potentia eam tollens impedit quominus hunc locum assequatur? Non tam altè mergitur naus, vnda fortiori; vnda scilicet resistit. Ergo tãta immersio non est ligno illi naturalis, siquidem natura amnis illi denegat. Quid igitur aqua infirmiori tãtum immergit nauem, si hæc immersio eius naturæ non debetur? Quin patitur aqua tunc. A quo? Non à ligno, si ligni natura petit vt aquæ supernatet. Ergo iam contra propriam naturam lignum in aqua infirmiori subsidit. A quo ergo depressum? Certè ab aere.

Verùm demus flumen altius & potentius sustinere nauim, atque impedire quominus descēdat. hoc inquam demus. Si vnda obstat ligno in inferiora tendenti idque sursum repellit, quidni & aer lignum detrudet inferiùs? flumen eiicit lignum, quare? Quia sui solutionem aqua egrè fert. Quidni & aer sui diuisionem non ferens lignum decutiet? Ergo eadem est aeris & aquæ ratio. Quod itaque superius in terræ vel lapidis descensu, molimen aeris viderunt, hic quoque in ligni demersione secundum verissima posita à nobis principia contemplentur. Neque aer, neque aqua quicquam alienum in se patitur nisi coacta. hinc fit vt quò validior est aqua eò citius hæc veluti euomat, nec solum sursum, sed in ripam eiiciat, fortiori scilicet aqua in infirmiolem, quæ noxia sunt, amandante. Hinc fit vt quò aqua fuerit infirmior, eò maiorem



rei partem, aere deprimente recipiat. Agit autem vehementius aer in rem maiorem; dum tantò plus aeris in eam certat, quantò vastior est ad copiam aeris undique excipiendam. eoque actius certat quo tanta moles magis sibi officit. Sed hæc sequenti intentione magis etiam confirmabuntur.



## INTENTIO II.

Cur alia aliis celerius descendant.

### ARTIC. I.

*Quo Latinorum sententia à Zabarella refutatur.*

**C**VM res æqualis molis aerem æqualiter diuidant, vnde fit nihilominus, vt aliæ aliis celerius descendant? Latinorum hac de re sententiam fusè exponit Zabarella lib. 2. de motu grauium & leuium. cap. 2. sufficiet nobis hoc exemplum quod ad suæ sententiæ explicationem fingeant. Sit mistum habēs quinque gradus igneæ qualitatis, tres aeris, tres aqueæ, tres terrea, certum est, dominari in eo misto igneam qualitatem, tamen non semper ab illa mouebitur: nā si ponatur in igni descendet, quia præterquā quod illi gradus ignis in loco ignis sunt otiosi, ipsis etiam præualeant nouem gradus elementorum grauiorum, qui tunc dominantur, & agunt; quando autem ad elementum aeris perueniet, in illo quoque descendet, tunc enim gradus aeris in suo loco erunt otiosi, &



otiosi; & sex gradus elementorum grauiorum, praualebunt quinque gradibus ignis; quando autem ad aquam peruenerit, tunc gradus aquei in loco aquæ erunt otiosi, quare non mouebunt, in aqua igitur non descendet, sed potius ascendet, quoniam octo gradus elementorum leuium tribus terræ gradibus praualebunt, quamobrem mistum illud quiescet inter aerem & aquam, quod oleo, & aliis similibus contingere videmus: in tali igitur misto dominatur absolutè ignea qualitas, non tamen ab ea semper mouetur mistū illud, quoniam ratione diuersorum locorum, in quibus ponitur, variantur qualitates elementares dominantes atque mouentes. &c.

Zabarella sequenti capite, qui ex Aristotele motum omnem formæ illi imaginariæ principaliter attribuit, meritò Latinos omnes, & Nominales redarguit, vt hac in re, quemadmodum & in multis aliis Aristotelis desertores. Sed neque nos mouet Aristotelis authoritas, nec illa forma quæ reuera nulla est: Mouent autem alia Zabarellæ argumenta quibus opinionis conuincit vanitatem, è quibus sufficiat hoc vnum referre. sequetur dari posse mistum quod stet in aere suspensum, nec moueatur sursum, neque deorsum: nam si habeat decem gradus ignis, quinque aquæ, & quinque terræ, aeris verò vnum, illud in aere neque ascendere neq; descendere poterit, sed suspensum manebit, idem continget, si gradus aeris ponantur quotcunque, omnes enim in loco aeris erunt otiosi. Cum autem decem gradus grauium, decem gradibus ignis sint æquales, neque hi poterunt mistum sursum tollere, neque illi deorsum deprimere, ac propterea manebit in aere. Sunt alia valida argumenta, quæ breuitatis causa omittimus.



## ARTIC. II.

*Zabarella sententia eiusque refutatio.*

**Q**uid verò ipse Zabarella? Nullam aliam in-  
 misto causam agnoscit, quæ ipsum moueat,  
 quam formam misti, quæ ad locum misto  
 à Natura ordinatum tendat. Quam formam etsi  
 ostendimus commentitiam; demus tamen illam.  
 Si forma ligni appetit locum inter aquam & ae-  
 rem, cur aqua infirmiori, lignea moles subsidit?  
 cur locum sibi debitum inter aerem & vndam non  
 seruat? Sed de hoc satis. Adeps in aere est carne  
 grauior, in aqua verò leuior, quippe subsidente  
 carne innatat adeps. Vnde hoc? Si forma mouet,  
 utique secundum elementorum proportionem.  
 Mouet enim secundum elementa quæ prævalent.  
 Alioquin si petenti cur adeps, quæ per aerem  
 velocius carne descendit, in aqua natet, carne i-  
 mū petente, respondeat, quia talis est eius formæ  
 ratio, id est talis eius natura, fuerit, profectò respō-  
 sio indigna philosopho. Quis enim rusticus non i-  
 ta possit de re quaque respondere? Ergo petenda  
 causa ex elemento prædominante secundum quod  
 talis forma mouet. Quodnam est illud elemen-  
 tum? Zabarella contra Latinos ponebat hoc ex  
 eorum sententia sequens, pro absurdo, quod se-  
 queretur, etiam non posse elementum dominans facere,  
 ut mistum in loco illius elementi quiescat, licet etiam  
 maximus illius elementi sit excessus, quoniam in suo loco  
 nullam vim habeat resistendi alio elementi, etiam si plu-  
 rimi insint eius gradus in illo misto. Non ergo dixerit  
 aerem in adipe dominari, siquidem non mo-  
 do non quiescit in aere, sed per aerem velo-  
 cius descendit; in aqua minimè. Quid igitur?  
 ignem?



ignem? At non sursum volat. Terram? At non per aquam descendit. Aquam? At in aere grauior est terrestribus. Grauior enim carne quæ cum per aquam descendat, ostendit se esse adipe terrestriorem. Quod ergo elementum?

## ARTIC. III.

*Quo vera huius rei causa declaratur.*

**M**Alè ergo Latini cum negant elementa misti in propria regione agere. Bene cū motum eius elementis attribuunt. Sed non satis. Corpus enim ambiens plurimum confert, vt monstrauimus. Elementum quoque in misto, quod huic loco conuenit, agit, dū alia elementa moratur quominus celeriter ab eo loco recedāt. Ita scilicet Aer in mixto Aeris ambientis societate gaudens grauatè ab illo recedit; nec solum hac ratione causa est cur mistum segnius descēdat, dum eius lapsum sua mora tardat, sed quia circundans Aer minùs agit in mistum, quod propter copiam Aeris interni, minùs est Aeri ambientis aduersum.

Iam ad rem. Caro quæ poris plurimum aerem continet, tum tardiùs seipsam mouet, tum minùs ab Aere ambiente deiicitur: In vndam verò delapsa, vbi latex poros subiens aerem excussit, grauior facta subsidit. Adeps verò quo plus ignis habet, quippe qui tam facilè inflammatur, eo plus habere debet frigidi quod ignem internum coerceat. Dū igitur & terra & aqua preualent, & ignis cōstrictus cedit, modicūque, præ illis, inest aeris qui resistat, facilis sit adipis lapsus, maximè urgente Aere externo, qui mistum propter aliena elementa ter-



ram, aquam, ignem, ex quibus plurimum constat, conatur detrudere: cum in materia densa, pori nō sint qui externum aerem recipiant à quo res ipsa fulciatur. Hæ ergo causæ, cur adipis per aerem descensus esset velocior.

At vbi in aquam venit; Aqua non minùs respuit internum illius ignem, quàm Aer: Qui quidem ignis & pro modulo suo refugit aquæ consortium. Simul inest in Adipe plus aquæ forte quàm terræ; inest & aer, hæc ergo tria elementa aqua, aer, ignis cum magnam illius naturæ partem constituent, longè terræ prævalent, vt adipem in imum ferri nō permittant. Cur ergo in aere grauior erat quàm caro? Non quod plus haberet terræ, vt dictum est, sed quod plurimum constaret ex tribus elementis quæ sunt aeri heterogenea. Caro verò suis poris multum aeris concluderet. At in aqua aere poros carnis linquente; vnde facilè deorsum tendit; contra, quicquid inest aeris in adipe, manet idem, atque cum igne & aqua conspirans obstat quominus deorsum feratur.

#### ARTIC. IV.

*Cur aurum in aequali pondere citiùs aquam subeat quàm argentum.*

**Q**Vintus Rhemnius, Fannius, Palæmon libello quem edidit de ponderibus, cap. vltimo hoc notatu dignum refert;

*Argentum fuluo si quis permisceat auro,*

*Quantum id sit, quòve id possis deprendere pacto,*

*Prima Syracusij mens prodidit alta magistri.*

*Regem namque ferunt Siculum, quam vouerat olim*

*Calico-*



*Calicolūm regi ex auro statuisse coronam,  
 Compertōque dehinc furto, nam parte retenti  
 Tantundēmque argenti opifex immiscuit auro,  
 Orasse ingenium cuius qui mente sagaci  
 Quis modus argenti fuluo latitaret in auro,  
 Repperit, illasum quod diis erat antè dicatum.  
 Quod te quale fiet paucis (aduerte, docebo.  
 Lancibus aequatis quibus hæc appendere mos est,  
 Argenti, atque auri quod edax purgauerit ignis,  
 Impones libras, neutrum vt preponderet: hæcque  
 Submittes in aquam, quas pura vt ceperit vnda,  
 Protinus inclinat pars hæc, quæ sustinet aurum.  
 Densius hoc namque est simili crassius vnda.*

*Videtur causa satis clara. Quodd argentum æqua-  
 li, cum auro, pondere, equaliter per aerem conten-  
 debat, æqualitèrque ab aere depellebatur. In aqua  
 verò, quoniam argentum magis aqueum est, aurū  
 verò terreum magis; neque adæquatè aqua pellit  
 argentum, neque ipsum æquè atque aurum deor-  
 sum tendit; quippe aqueum argenti aquæ similis  
 societate gaudens in mora est, quominus tam ve-  
 lociter descendat. Atque hæc Experientia lucu-  
 lenta contra tum Aristotelem, qui dicit omnia e-  
 lementa præter ignem in proprio loco descende-  
 re; tum illos qui negant elementa misti in propria  
 sphæra quicquam agere.*

## ARTIC. LV.

*Cūr animal quod viuum demergitur mortuum  
 supernatas?*

**N**On parum hæc difficultas torquet Philoso-  
 phos. Quippe contra Naturā rerum videtur  
 esse, vt animal plenū spiritus, ac lōgè leuius dū vita



est comes, in aquam deuoluatur; mortuum verò postquam, extincto spiritu, multo grauius est, undis innatet. Vanum prorsus quod quidam dicunt, pulmonibus aere plenis corpus mortuum attolli. Vnde namque aer ille qui pulmones sub aquam petat; potius accidit contrarium vt multi pulmonum pori aquam sugant qui prius aere distendebantur. Pulmones inquam prius plus aeris habebant. Causa obuia fuerit illi qui nouerit certamen quod inter humidum & calidum est in animali continuum. Aduersus enim hostem intestinum; dum aqueum animantis in aqua extima quærit subsidium; in eam animal trahit; ibique ipsum continet, donec absumpto extinctoque omni calore, nexuque humidi soluto, ac proinde eius attractione cessante, vis fluminis euomit ipsum, pellitque, quò aer tendit quem continet. Quod autem non propria grauitate deprimatur, argumento est ipsius descensus non in imam quidem, sed mediam aquam, vbi veluti collectum neque facile imum petere, neque valeat emergere.

## ARTIC. VI.

*Cur quadam integra aqua supernatant quæ in partes diuisa fundum petunt?*

**H**VIUS quæstionis solutio non parum cum luminis tum roboris addet nostri dogmatis veritati. Multa videmus quæ integra natant, fracta subsidunt. Vnde? Ab eadem nempe causa qua folliculus integer resilit; fractus minimè. Si enim aer in lapidem illisus possit liberè recedere, quod si rupta pelle, follis non resultabit: Quoniam cedit aeri vel exeunti, si multus est, vel ipsum dilatanti si paucus.



paucus. Eodem modo aer & ignis qui re integra ab aqua premuntur, & pelluntur, ac propterea retrahunt in altum: re dissecta expirant, atque aquæ pellenti cedunt: via nimirum per partium solutionem facta, quemadmodum visum est, cum de ignis solutione per partium disjunctionem ageremus. Debent igitur ignis, & aer ita esse conclusi, ut pressi nequeant exire, sed renitentes rem qua coercentur secum auferant. Vbi verò euaserint, cum res illæ non iam valeant aeri deprimenti resistere; nec aqua aduersus aerem eas sustinere; imo cum proprium earum pondus terrestre deorsum tendat, quid mirum si eas aqua in imum detrudat?

## ARTIC. VII.

*Cur vinum pleno dolio non fluat, nisi aer aliunde ingrediatur?*

**D**icunt omnes causam esse, quia nisi aer ingrederetur, daretur vacuum à quo natura maxime abhorret. Missa longa quam paraueram, hac de re disputatione, breuitatis studio: peto quidni aer poterat tam facile dolium subire per idem foramen quo fluat vinum, quàm ingreditur lagenas per idem orificium ex quo vinum stillat? Vino per lagenæ plenæ collum angustum exeunte, intrat aer vini locum suppleturus, quidni tam facile aer ingreditur per idem dolij foramen spatium vini occupaturus? Quia scilicet vini maior moles instans impedit ingressum aeris? Contra egressa aliqua parte vini, etsi vinum magno impetu ruat, non impedit aeris ingressum per idem foramen, cùm impediēbat in principio? Nolebat exire: alioquin



(quod diximus) aer qui ad vini egressum subit angustius orificium lagenæ; quidni poterat dolij foramen? Cur vinum non tam facilè cedit aeri ingressuro quam postea? Cur quod postea aeri copioso locum facit, vt abundè fluat; tunc non modico saltem aeri transitum facit, vt saltuatim exeat?

Ergo quòd aer non ingrediatur, probat, vinum impedimento esse; quia nimirum non vult effluere. Cur non vult? Nempe à similis consortio ægrè diuellitur; neque vult illud relinquere, nisi in magna copia, facto lato exitu, fluat. Ingresso verò aliunde, iam satis copioso aere, cedit vinum quod principio nolebat; etsi aere per idem foramen ingrediente quo effluit. Cur iam cedit? Pulsus nimirum. Quippe aer ingressus ipsum depellit. Atque id ipsum est quod initio diximus, res ipsas non tantum gravitate interna deorsum rapi, sed ab aere ambiente facilè aer subit lagenam modico vino renitente. In dolio verò vini copia aeri ingressum intercludit, donec aliunde obrepens aer, vinum decutit; vt clarum est intuenti. Causam cur nolit exire diximus.

## ARTIC. IIX.

### *Breuis dictorum complexio.*

**E**Rgo cum vnumquodque abhorreat disunionem à simili, neque liquida in valde exigua quantitate descendunt nisi depulsa; quod non parum conducit ad doctrinam de meteoris, vt, ibi Deo dante, videbitur: Neque ignea in tenuissimæ concisa subiectum relinquunt.

II. Grauia & leuia mouentur partim ab interno principio, partim ab externo; corpore scilicet

am-



ambiente quod ea expellit.

III. Mista mouentur secundum vim elementorum prædominantium : quantòque minùs elementum loci in quo sunt participant ; tanto velocius tum ipsa fugiunt , tum locus fortiùs ea submouet.

IV. Hinc quæ multum aeris habent tardiùs in aere mouentur , quæ multum aquæ , segniùs in aqua descendunt. Etenim difficulter elementa misti locum sibi naturalem relinquunt, minùsque sequitur locus in rem quæ minùs sibi est aliena.

V. Cùm quæ sunt minutissima neque facilè transitum sibi faciant neque à corpore ambiente multum pellantur , quippe quæ minimam faciunt partium ipsius diductionem : sequitur plurimas ignis, aquæ, terræ particulas adeò minutas posse in aere stabulari , quod similiter de aqua putandum est ; de quibus planiùs suo loco.

VI. Vt Aer mista à se heterogenea depellit, ita & Aqua. Hinc ea in se delapsa, si plus aquæ & terre participant, quòd proinde descensum vlteriùs appetant, eò deducit: Sin refugiunt, cum iis vim suam coniungens aduersus aerem certant. Itaque quo valentior fuerit vnda , quòque plus aeris ea mista continuerint, eo altiùs in aerem extolluntur: Quò verò minus aer in eis præualuerit , quòque vnda sustinens fuerit infirmior , eò magis Aer superior in aquam ipsa deprimet.

VII. Hoc tamen intelligendum est , si molis fuerit æqualitas, alioquin maiorē molē etsi magis aeriam magis demittet in Aquam Aer , quàm minorem, etsi minùs aeriam, modo tamē sit ex illis in quibus aer prædominatur. Alià tenuis metalli



particula potius in imum descenderit quàm ingens ligni moles. Quippe descensum inferius appetit metallum, non lignum.



## INTENTIO III.

De loco.

### ARTIC. VNICVS.


**E**T si seorsum alij tractant de loco, quoniam tamen plurimum, ut vidimus, locus confert ad motum, visum est de eo paucis agere. Scaliger & plurimi alij meritò reiciunt illam loci definitionem, qua dicit Aristoteles *locum esse superficiem corporis proximè ambientis*; non solum quia re locata immota, locus ipse continuè moueretur, adeòq; mutaret locum sine suo motu. Etenim aere fluente fuit illa superficies quam Aristoteles dicit esse locum, fuit ergo locus re ipsa constante, & alia multa eiusmodi: verùm quod longè est à sensu, atque à ratione alienissimum, fieret motus ad locum qui non esset. Cùm enim quopiam proficiscimur, locum proculdubio petimus, & in talem locum ire dicimur: at nondum est ibi imaginarius ille locus Aristotelis; quin sæpiissimè nobiscum fuit locus ille; fluente nimirum aere locus quem petimus, nos illuc comitatur: siquidem, ut vult Aristoteles, locus aliud nihil est quam superficies corporis ambientis.

Ergo dicendū aliter; Quemadmodū *Scilicet* rō  
signifi.



significat solummodo aquam ex tali origine manantem; sed connotat alterum sui fluxus terminum: ultra quem talis aqua non amplius dicitur ille fluuius, neque enim Vnda quæ prius Mosella dicebatur, vbi in Rhenum confluit amplius est Mosella. Ita non sola superficies corporis ambientis loci naturam constituit, sed connotat certam à Polo distantiam. Quæ quidem distantia magis ad naturam loci pertinet quàm superficies ambiens: siquidem mutato illo respectu quem res habet ad Polum locus mutatur: Aëre verò vel aqua quæ ambit fluente res quæ in illa eadem distantia hæret, locum mutare non dicitur. Porro diximus esse certam à Polo distantiam: Quamuis enim omnes circumferentiæ partes æqualem habeant à centro recessum, non tamen eundem quia non per idem medium recedunt: Ita licet plurimæ res ab inuicem plurimum remotæ equaliter à Polo distent, non tamen habent eandem ab illo distantiam, neque eundem respectum ad illum. Ceterùm quam rationi naturæque conformiter eam distantiam ad loci naturam potissimum pertinere asserimus, vel inde constat? Quod elementa illa quæ cum nos circundant, locus noster ab Aristotele dicuntur, vim suam immutant, prout magis vel minùs à Polo recedunt, ac prout diuersum habent, ad illum, respectum: idque ob varias, cum supernè, tum infernè affectiones. Sed de loco hæc obiter dicta sufficiant.





# INTENTIO IV.

## Demotus proiectorum causa.

### ARTIC. I.

*Quo Aristotelis sententia à Zabarella explicatur.*

**Q**Uæ hac de re sentit Aristoteles contex. 82. lib. 8. physicorum, refert Zabarella clariùs cap. 16. lib. 1. de motu grauium & leuium. Docet ibi, inquit, Aristoteles, proiectum moueri ab aere, hoc est à partibus aeris ordine dispositis: quando enim manus proiicit lapidem, pellitur primum à lapide prima pars aeris lapidi proxima, & hac pellit aliam partem secundam, & illa tertiam, & tertia quartam, est autem aer elementum facillimè mobile, & agitabile in suo loco; idcirco ea vi percussus magis mouetur, quam lapis, & præcurrit isti lapidi: postquam igitur à proiciente dimissus est lapis, fertur ab his aeris partibus motis, quæ sunt illi tanquam vehiculum, sed tardior semper sit motus lapidis, & in fine tardissimus, propterea quod lapis mouet primam aeris partem, & eidem dat vim motricem alterius secundæ partis, debiliorem tamen quam ipse habeat, sic etiam prima aeris pars mouet secundam, & dat etiam vim ei pellendi tertiam, sed debiliorem quàm ipsa habeat, secunda mouet tertiam, & eidem dat vim, adhuc tamen debiliorem mouendi quartam sequentem, adeo vt propter continuam imminutionem facultatis motricis, deueniatur tandem ad aliquam aeris partem, quæ ita debiliter moueat aliam sequentem



quentem, ut nullam ei impartiatur vim mouendi aliquam aliam partem, illa igitur est vltima pars mota, quæ nullam aliam mouet, &c. Hæc igitur est Aristotelis de proiectorum motu sententia.

## ARTIC. II.

*Eiusdem sententia à Scaligero refutatio.*

**Q**uam tamen rationem, inquit Scaliger exerc. 28. in Cardanum, nequaquam nobis satisfacere demonstrauimus. Non enim potest antecedens aer velocius moueri, quam moueatur lapis à quo semel impulsus est aer ille. Nam quomodo moueretur magis quam ipsum mouens moueret? Itaque maior est difficultas ad intelligendum: qua natura fultus aer subtrahat sese lapidi à quo non est per se pulsus: quam quomodo lapis à non tangente manu moueatur, quæ illum per se primo pepulit. Quod autem nunquam pellatur aer à lapide patet. Succedit enim, ut aiunt, lapis, ne vacuum detur. Qui se impelleret, non solum impleret vacuum, sed etiam occupare vellet plenum. Neque verò magis pulsus est à iaciente aer, quam lapis. Quare eodem modo de motu aeris abeuntis, quarendum est: quomodo de lapidis motu quarebatur. Hæc Scaliger quibus hoc vnum addimus. Quod si aer à lapide motus multo velocius præcurreret, quam mouens moueret, longè facilius esset alium aerem transuersum intercedere, qui, ne daretur vacuum, spacium ab aere fugiente relictum occuperet. Quam igitur deridiculæ vanitatis plenum est, fingere lapidem grauissimum velocissimè trans aerem contra propriam naturam ferri, ut impleat locum à fugiente aere desertum, cum facillimè alius



Aër in excedentis Aëris locum possit succedere; Imò tam facilè, quàm sequentis lapidis locum supplet? Supplet inquam Aër alius locum lapidis sequentis, quidni idem aër, in moto lapide, transit in locum Aëris illius sagientis? Quæ necessitas cogit rem grauissimam, vt cursu sibi violento per aërem feratur?

Sed ad Scaligerum reuertamur, qui paulò ante irriserat illam sententiam quæ dicit, *Manere in lapide proiecto vim impressam: quemadmodum calorem in aqua*. At ô Cardane, inquit, à nobis quoque pueris olim, totius scriptura ignaris philosophiæ responsum excidit. *Vim impellentis nerui relictam in sagitta*. Caterum verba audio: quonam id fiat pacto nondum mihi contigit audire. Non enim conuenit exemplum: tametsi est à maximo philosopho Themistio positum. Sanè calor accidens est in aqua generabile ab eo accidente quod sub ignis agit forma. At vis mouens quomodo exeat ex anima mea, vt in lapide insidens agat? Neutiquam calor illè, quod est animæ instrumentum generat in lapide calorem, à quo tandiu moueatur; quandiu in eo viget. Hæc Scaliger qui alias quoque refert sententias quas refellit. Quid tandem hac de re ipse concludit? Quod nempe suggestit melioris inopia. *Motio, inquit, igitur forma est, in moto impressa: quæ sublato priore motore etiamnum seruari potest*. Frigida sanè satisfactio,

quæ an sufficiat ad euadendum iudicem alij. Hanc opinor, rissent Aristoteles, & Auerroës.

ART.



## ARTIC. III.

*Quoad veritatis stabilimentum fundamenta iaciuntur, & causa redūitur.*

**Q**Voniam Peripatetici putant terram v.c. habere propensionem deorsum ac proprio conatu illuc ferri, quemadmodū & ignem sursum, incessit admiratio, quomodo contra proprium conatum, non modo in aëre suspendatur, sed tanta celeritate per eum transuersa moueatur. Verūm scientibus esse vnum & eundem spiritum, qui in terrestri materia terram, in aquea aquam, in aëria aërem, in ignea ignem formet, & moueat, vnum quodque, prout fert ipsius aptitudo, non intellectū est difficile, quomodo idem spiritus qui vltro lapidem in inferiora vehebat, ab externo motu obediat, impetūque mouentis sequens, lapidem ipsemet transuersum agat. Hoc ipsum probat aptitudo quam eadem terra, atq; terrestria omnia habent, vt proiecta celerius ac longius prouolent; Quanto namque festinantiū vnumquodq; lapsu deorsum ruit, tāto magis vel sursum, vel transuersum proiectu promouetur. Quæ verò descensu ob leuitatem tardiora sunt, ea quoque proiecta sunt segniora. Ex quibus hæc colligo. Si forma aliqua in terra, atque terrenis omnibus esset motui ipsorum deorsum destinata; quanto contentius ea deuolueret, tanto lentius motui contrario cederet. vehenti namque in contrarium tanto pertinacius resisteret, quanto ardentius in inferiora tenderet. Contrarium autem est in experientia, vt quæ pigrius descendunt, lentius eadem transuersum, vel subli-



me ferantur. Ergo & horum lentitiae quocunque ferantur, causam eandem esse; & illorum celeritatis: ita ut quemadmodum in his est aliquid quod eorum tardat motum siue descendant, siue aliter moueantur; ita in illis sit quippiam quod descendencia urgeat, & proiecta; consentaneum est.

Quæ magis sunt aëria, quoniam minus tendunt deorsum, facilius à manu aliò deflectuntur: verum eadem tarditate procedunt quàm in inferiora tenderent. Contrà: quæ magis sunt terrena, quoniam vi maiori in ima depelluntur, difficilius detorquentur. At si vel manus, vel aliud ea contra propriam propensionem deflexerit, quo impetu moueri cæperint, diutius pergunt, nisi quod paulatim ille impetus progressu languescit.

Huius diuersitatis causam petis? Duplex ea videtur. Externa & interna. Externa est Aer sequens qui quàm res cedit, eam expellit, ut de motu naturali grauium diximus. Rupto autem Aëre transuerso Aer qui lapidem sequitur, eum illac pellit quàm facilius sit cessio. Quò verò res quæ quæ magis aëri aliena est, eò magis ab illo extruditur. Altera causa est interna. Spiritus nempe ille internus qui rem mouet. Is motus materiam mouet prout est mobilis. Elementa autem misti, ut diximus, in loco naturali minimè sunt mobilia, cum appetant illic stare & quiescere. Ergo quanto magis res terrestris est, tanto facilius per aerem mouetur: quanto verò plus aeris illa participat, eo tardior fit motus eius, tum quia minus ab externo pellitur, tum quia internus magis resistit.


Occurrit dubium, Si elementa in misto, ægrè proprio



proprio loco mouentur: Videtur & extra mistum eadem ratio valere; vt propterea aer in folle difficulter debeat cieri: contra rerum experientiam, quæ illum facillimè quoquoersum cedentem ostendit. Huius causam accipe. Si follis non sit plenus, atque plenè distentus; non resiliet, vt diximus. Quia pulvis aer ex vna parte cedit in aliam. Atque hoc modo breui motus cessabit. Cum verò plenus est, pulsu aer conclusus comprimitur: Talis autem compressio, vt tractatu de vacuo monstratum est, fieri nequit, nisi spiritus intimi expressione, quod dum refugit, hunc in modum mouetur, impetu quem cepit diutius continuante. Neque id magis mirum est quam, cur idem spiritus qui materiam ignis ingressus eam sublimè rapiebat, ipsemet aquæ massam subiens, cùmque illa vnum quid efficiens, illam deorsum ferat. Cuius causam si quæras, non alia est quàm Naturæ ab Optimo Sapientissimoque conditore ordinatio: Qui quidem vt statuit hunc spiritum terræ coniunctum talem ei motum imprimere, pariter hunc spiritum ab externo pulsum contrarij, vel diuersi motus in re terrea voluit esse authorem; vt qui vltro eam molem in ima ferret, ab alio pulsus eandem pelleret, quo mouentis impetus direxit. Nimirum secundum hanc artem sapientissimè omnia in numero, mensura, & pondere constituit.

Cæterum, non solum ab interno rei appetitu prouenit quod motus ille transuersarius successu fatiscat, sed ab Aere superno deorsum, haud secus ac ad fluminis ripam, graua deprimente.





## I N T E N T I O V.

De ponderum accretione, maiorique facultate moles submouendi.

## A R T I C. I.

*Apparatus ad causæ investigationem.*

**Q**Uam libris præcedentibus distantiam inter elementorum particulas mediante illo communi spiritu demonstrauiamus; eam nolim intelligas tantum inter aquæ, aeris, ignis particulas, dum hæc soluta sunt intercedere, tametsi tunc maximum est hoc interstitium, verum in corporibus quæ densissima videntur, aliquam inter partes distantiam admittere cogit ratio experimentorum indagatrix. Et quidem in metallis, aliisque quæ inflectuntur, clara est partium quarundam contractio; aliarum verò diductio. Ensis v. c. si plicetur ut sit, interiorem curvaturæ faciem brevior, exteriorem verò ampliorem habebit quam prius. Extima namque facies intinam veluti vestit, eamque ambit, & continet. Continens autem inanis est contento, Hinc internas partes magis comprimere, externas verò magis laxari necesse est. Cuius rei testis est subitus ille gladij (quod & arcui contingit, in statum pristinum recursus: dum partes hæc quidem nimiam pressionem, illæ verò nimiam relaxationem fugiunt. Sed hoc clarum est.

In aliis quæ nullam videntur inflexionem admittere,



mittere, fit tamen aliqua, sed adeo parua, ut sensu vix percipiatur: fit consequenter exigua partium distractio. Alioquin virga ex eiusmodi materia rumpi non posset. Quod sic patebit. Ad eius fractionem requiratur conatus octo graduum. Peto an septimo conatus gradu, vim aliquam passa erat virga illa. Si negetur, ergo non frangetur octauo conatus gradu. Septem enim gradus nihil in eam potuerunt. Ergo multo minus vnus gradus qui superest lædet eam. Si passa erat aliquid detrimenti, ergo per singulos gradus paulatim labefactabatur, donec tandem octauo fracta est. At non potest ibi violentiam pati, nisi in partium diductione quæ paulatim maior, ac maior fit: donec rei tandem ipsius nexus soluitur, ut frangatur. Quod quidem manifestum est in plurimis quæ conspicuam inflexionem admittunt: prius enim res inflectitur; deinde facta nimia partium distractione rumpitur.

Nota nos per illos gradus conatus non intelligere, ut vis paulatim crescat quemadmodum augetur calor, sed gradus durationis. Augetur enim conatus extensiuè, ut aiunt, non intensiuè. Par scilicet vel etiam minor virtus octauo durationis gradu frangit virgam, quæ utique à præcedentibus conatibus paulatim acceperat detrimentum. Concludimus igitur nullum esse corpus quod non aliquantulam

inflexionem admittat.



*Quo questio exponitur.*

**E**X his quę clara sunt licebit procedere ad investigationem causę occultissimę. In vecte, vel trabecula transuersa, si pondus addas; quo magis id & ponderis ab hypomochlio, seu fulcro recedet, eo maiorem vim acquirat, ad deprimendam eam partem, oppositamque eleuandam: vnde & staterę, atque librationis sine lancibus, ars inuenta. Non utique pondere ingrauescente, vel magis deorsum tendente. Si enim manum propius supponas, nihilo grauius senties, nec contentius descensum appetens. Quin si absque pondere vectem manu deprimas, quo longius ab hypomochlio prenderis; eo maiorem vim æquali tamē conatu inferes. Vnde & vsus vectium ad moles graues facile submouendas. Quippe si vectis extremū quod rei mouēde supponitur ab hypomochlio pedem vnicum emineat, opposita verò pars oblonga sexto à fulcro pede prematur; idem conatus inferet vim sextuplam, tantūque mouebit vnus quantum sex qui sine vecte, manibus hanc molem submouere conarentur.

Æqualem hæc distantia vim præbet ad res deprimendas. Esto veluti rotę axis, lignum teres, circa quod trabes perforata voluatur; ita vt vno pede alterum trabis extremum axem relinquat; alterum verò sex pedes. Qui supposita manu vel capite illud extremum sexto ab axe pede sustulerit, æquiualebit sex qui æquali conatu alterum extremum vno ab axe pede tollerenitentur. Vnde hæc virtutis multiplicatio?

ART.



*Quo huius rei causa redditur.*

**E**Xperientia docet baculum seu virgam quā rei cuiuspiam immotæ foramini impegeris, si torqueas, non modo iuxta illud foramen atque in illo extremo flexum & ruptum iri; sed quanto longior ea virga fuerit, si altero extremo prensam inflectas, tanto promptius frangis. Monstratum est autem nō posse frangi quippiam, nisi partibus eo loco paulatim, gradatimque diductis, donec nimia laxatione facta fiat earum plenaria solutio. Ergo qua parte res citius, faciliusque rumpitur; Certum est ibi maiorem, promptioremque fieri partium diductionem. At quò longius prensam torques, eò facilius virgā vel res alia frangitur iuxta alterum extremum quod fixum est. Ergo citius magisque partes eo loco aliæ ab aliis distrahuntur: tantòque facilius ibi distrahuntur, quanto longius virgam illam prenderis.

Hinc facilem petitorum accipe rationem. Quanto magis partes ab inuicem dimouentur, tanto maiori conatu pars sequens nititur sequi præcedentem. Hoc probat arcus sinuati dum se reducit, violentia; Quæ non aliunde oritur, quàm quia partes quo magis ab inuicem disiunctæ sunt, eo magis sese vnire appetunt. Sed quo longius ab hypomochlio vestem, vel virgam, vel quippiam aliud depresseris, eo magis, citiusque ac facilius partes hypomochlio proximas alias ab aliis distraxeris: Quippe ibi res facilius frangitur, vt dictum est. Ergo pars se-



quens maiori conatu tendit ad præcedentem à qua diuelli ægrè fert. Maiori conatu tendit? ergo magis trahit sequentes. Si magis trahit, Ergo maius pondus trahit.

Id ipsum ordine inuerso breuius accipe. Quæris, Cur in statera pondere longius producto res grauior attollatur? Respondeo, quia pars fulcro proxima rem appensam magis trahit, vnde & facilius sequitur. Sed cur pars fulcro proxima magis trahit? Quia magis refugit à præcedenti diuelli. Cur magis refugit? Quia maior est partium diductio. Vnde id nouimus. Quia facilius ibi res frangitur. Quid inde? Si res facilius frangitur, ergo facilior maiorq. fit partium distractio. fractio enim fit partium ab inuicē disiunctione quæ earū præsupponit relaxationem. Quò verò longius ab hypomochlio virgam, vel vectem vel aliud deprefferis eo facilius ibi frangatur, necesse est. Nimirū quia maiorem patiuntur partes disiunctionem ab inuicem: vnde & sequentes magis nituntur sequi præcedentes: ex quo appetitu, atque conatu magis trahunt posteriores, ac proinde grauius libramentum ferunt. Sed vnde fit, vt partes hypomochlio viciniore magis distrahantur, vt propterea potius ibi fiat, rei fractio.

#### ARTIC. IV.

*Cur rectis vel baculus formini impactus, si torqueatur,  
potius iuxta foramen cui committitur,  
frangatur.*

Huius



**H**uius rei notitia rem difficillimam quæ sequenti tractatu, queritur, reddit faciliorem unde hæc quaestio maximè est attendenda. Cur scilicet baculus, aut vectis, rei cuius commissus prematur, citius iuxta commissuram frangatur.

Quia inquam maior fit ibi partium relaxatio. Quid ita? Hoc est in quaestione positum. Cur scilicet baculus, quo fuerit longior si altero extremo prematur, eo citius faciliusque rumpatur iuxta alterum extremum, quod rei cuius immotæ committatur. Memoria repetendum, quod præmisimus fracturam rei cuiuslibet, fieri prævia partium diductione quæ minutim fiat, & per gradus. Notandum est præterea, baculum non tantum ea parte lædi qua frangitur: sed vim ubique pati, differenter tamen, tanto scilicet in quavis parte maiorem, quanto pars illa est commissuræ propior.

Insuper in minimo motu qui sensu percipi possit, concipiendi sunt motus partiales innumeri. De quibus agetur fusiùs intèctione sequenti: prout scilicet innumeræ sunt in virgæ longitudine particulae quæ aliæ post alias ordine non nihil distrahuntur, sensu nequaquam hanc distractionem percipiente. Sed hac de re fusiùs in sequentibus. Ergo signentur ex illis particulis, sex quæ sint commissuræ viciniore. Quicquid enim de his dicetur de aliis prope infinitis erit sentiendum. Primum ergo manus baculum vel virgam deprimentis motu, tota virga mouetur, usque ad partem illam commissuræ proximam, quæ quia aliter moveri nequit non nihil à sequente diducitur, ut scilicet hac rela-



xatione partium reliquarum motum sequatur. Secundò manus motu tota virga mouetur vsque ad secundam à commissura particulam, quæ vt reliquas sequatur, nonnihil ab illa prima diducitur. Tertiò deinde manus motu, pari ratione tertia particula vt reliquam virgam sequatur, nonnihil à secunda relaxatur. Quartò verò motu, quarta particula, à tertia: & sic ordine: quintò motu, quinta à quarta: sextò verò sexta à quinta, & ita de reliquis. Semper enim nouo manus motu vicina particula illi quæ vltima diducta est, ab illa, eadem proportionem, distrahitur.

Verùm quid fit, vt prima pars quæ distracta est magis diducatur quàm reliquæ, maiorémque vim patiatur? Causam accipe. Nempe præter illam primam distractionem, ad sequentium singulas distractiones, præcedentes minimum quid diducuntur. Pone itaque esse duodecim in virga partes. Sunt enim innumeræ, vt diximus. Sed pone esse duodecim. Quæ cōmissuræ proxima prima distenta est, quoniã ad singularum distractiones, minimum quid extenditur, præter illam primam diductionem, vndecim minimas extensiones accipit. Secunda verò pars, præter primam distractionem, decem minimas fert relaxationes. Tertia deinde, nouē, quarta octo: & ita de reliquis. Quippe quot sequuntur partes ordine diducendæ, tot, quæ præcedunt, patiuntur minimas eiusmodi distentiones. Ita vt quæ manui proxima est vnicam, quæ verò commissuræ pars adhæret, innumeras id genus relaxationes suscipiat? Nimirum, quoniam innumeræ sunt in virga par-



tes quæ successivè relaxantur.

Iam adverte, cur baculus longus quem altero extremo flectas. facilè iuxta commissuram flectatur, vel etiam frangatur. Visum est innumeras ea parte fieri successivè minimas diductiones.

Quemadmodum ergo qui magnam multitudinem filorum simul frangere velit, nequiverit, Quæ si vicena accipiat facile ruperit, si dena longè facilius, si sena, etiam facilius; si singula denique, quàm facillimè. Ita minutissima illa veluti filamenta quæ in illa parte, præ tenuitate, sunt prope infinita, simul diducere nequeas: Quò longius à commissura baculum illum prensu flexeris, eò minutiùs ea filamenta alia post alia diduxeris.

Porro id proximo tractatu ponetur extra dubium, quo illa quæ nunc de motu particulatim factò dubia videntur, necessaria esse conuincuntur. Ergo iam habes causam. Cur quò longius ab hypomochlio prensu vectem vel baculum depresseris, eò maiorem vim iuxta hypomochlium sustineat: Cùq; eo loco, maiori ac faciliori partiù diductione facta, pars vectis (quæ fulcrum excedit, dum, ut rupturam vitet, maiori conatu partem sequitur à qua distrahitur, gravius pondus facile tollat. Quippe quò maior illius partis conatus est, eò potentior. Eo verò maior est partis fulcrum excedentis conatus, quo magis ab illa parte, cui se coniunctam cupit, distrahitur: Quomodo verò iuxta hypomochlium fiat in vecte partium distractio, dictum est.




Distractio namque partium quam fert baculus foramini cuiuspiam rei immotæ commissus, iuxta commissuram, declarat, quomodo vectis depressus partium diductionem prope hypomochlium patiatur.

Pari ratione stateræ partes iuxta fulcrum tanto magis diducuntur ab inuicem, quanto magis ab illis pondus remouetur. Vnde pars quæ fulcrum excedit tanto maiori conatu eas partes sequi contendit, ne ab illis diuellatur. Maior autem contentio efficit, vt rem pendendam grauiorem sustineat.

Horum subtilitas habet difficultatem, sed quæ frequenti lectione vincatur. Non crescit rosa sine spinis. Si hæc intellexeris, ad ea quæ sequuntur naturæ adyta, aditum habebis satis facilem. Crede mihi, quamuis hæc nostra subtilia videantur. Crassa sunt. ad ea quæ nunc in Aristotelica disciplina necessario erunt admittenda: nec tamen sic admissa illam à manifestis contradictionibus poterunt vindicare. Quibus accuratè perpensis spero te nostræ huiusce subtilitatis studiosiorem fore, vt sæpius repetita placeant, quæ primo occurso forte minus arriserint.

INTEN-





## INTENTIO V.

An recessus linearum à centro ad circumferentiam sit continuus?

### ARTIC. I.

*De lineis in continuo ductis.*

**A**ggredimur ea quæ in disciplinis Mathematicis tanquam prima certissimâque principia supponuntur examinare; ubi scilicet prima errorum indissolubilium textura exorditur, Quam, etsi difficillimum, à primis initiis retexendam suscipimus. Nemo enim est qui non, ut evidens, supponat, lineas rectas à centro in circumferentiam hinc inde ductas continuè ab inuicem recedere. Quis hoc in dubium reuocet? Ecce contrarium demonstrare aggredimur: lineasque illas non continuè recedere, sed æqualem ab inuicem distantiam in aliquantula quantitate seruare, postea nonnihil recedentes iterum in pari quantitate eandem distantiam tenere postquam iterum nonnihil reducant se. Quoque maior est illa quantitas quæ æqualiter distant ab inuicem, eo minùs eas lineas alteram ab altera distrahi, Quò verò minor est illa quantitas, quia crebrior est earum ab inuicem recessus, eò magis lineas illas duci.

Quæ, scio, illis qui intelligent, aciem oculorum primo obtutu reflectent. Quis enim talia co-



gitavit? Id tamen accedimus demonstrationibus si minùs conceptu facilibus, at profecto iis qui attendent animum, certissimis verissimisque conuicturi. Ne graueris Lector amice, si hæ rationes attentionem, studiùmque requirant. Faciliorem tibi rem istam fecissem, ni huius expositio mihi in primis ardua esset. Verum vincat studiùm rei difficultatem. Minoris negotij opinor erit tibi hos philosophos dignos conceptus intelligere, quam nobis eos exprimere.

Sed ad rem si prius vnum præcauerimus, ne quis dicat non dari tales lineas de quibus disputamus, nos non agere de lineis Mathematicis, sed de iis quas vel ars, vel natura possit ducere. Imo de radiis rotæ v. g. quos quantumvis rectos quis fecerit, probamus non continuè alios ab aliis reduci.

Esto igitur hoc primum argumentum. Si verum est, quod illi putant, nullum tantillum spatium, aut quantitatem intercedere in linearum eiusmodi progressu, qua non recedant ab inuicem, sequitur talem recessum continuari in indiuiduo. Concedunt nec vllam esse partem possibilem qua illæ lineæ non continuent recedere. Admittunt. At si verum est, sequitur Anguli obtusi lineas non magis ab inuicem distare quam acutissimi, quod insanum est cogitare. Sequela tamen clara est, & necessaria. Vtræque enim lineæ secundum omnes partes ab inuicem diducuntur. Ergo æqualiter. Consequentia necessaria est. Ni dicas in lineis anguli obtusi singulas particulas magis reduci quam in lineis anguli acuti. Ponamus. v. g. in vtrisque lineis esse centum  
partes



partes (dicunt enim esse potentia infinitas) sint centum, secundum quas utraque linearum centies recedant ab inuicem. Si singulae partes linearum anguli obtusi duplo magis vel triplo diducantur ab inuicem quam singulae partes linearum anguli acuti, illae linearum duplo vel triplo magis distabunt quam haec. hoc forte dicas. Verum quidem si hoc sit. At vide quam illud suppositum sit impossibile. Dicis secundum omnes partes minimas possibiles, hunc recessum linearum crescere. Dicisne an non dicis? Si negas secundum minimas particulas hunc recessum crescere, fateris quod volumus. nempe dari partes quasdam in certa quantitate, et si exigua, in qua non nihil utraque linea aequaliter seruet distantiam. At hoc ipsum est quod non vis, non vis inquam in tantilla quantitate has lineas aequaliter distare. Vis enim continuè recedere, ita ut hic recessus continuetur in indiuiduo. Et quidem non minus recessus linearum anguli acuti quam obtusi. Consiste iam, & aduerte animum. Dicis secundum omnes partes minimas possibiles, indiuiduasque linearum recessum pergere. hoc dicis. Addis linearum anguli, obtusi partes singulas indiuiduasque. duplo vel triplo magis ab inuicem reduci quam partes linearum anguli acuti. Dicisne an non dicis? Si asseris. affirmas quod est à ratione alienissimum. Ut haec linea secundum omnes partes possibiles, & indiuiduas duplo magis recedat ab aduersa quam linea anguli obtusi. Si enim partes singulae illae indiuiduae duplo vel triplo magis recedant, in certa quantitate recedunt. Nam duplum & triplum nequeunt esse sine certa quantitate, Ergo vide, Quot sunt puncta possibilia in ea linea toties linea haec ab aduersa recedit in certa quantitate.




Ais namque quot sunt puncta possibile in ea linea toties lineam hanc ab illa reduci, qui ais illam continuè reduci. Quot ergo punctis possibilebus crescet illa linea, tot quantitatibus distabit, recedètque vna linea ab altera. Atque eadem proportio erit inter linearum longitudinem, & distantiam quæ inter illas mediabit quæ est inter punctum & quantitatem. Quandoquidem quot erunt in linea puncta possibile, tot erunt in illo interstitio quantitates. Dicunt autem inter punctum & quantitatem nullam esse proportionem.

Cernis igitur quam falsum sit. Quòd lineæ anguli obtusi secundum singulas partes magis reducantur quam lineæ anguli acuti. Ergo iam clara est vis inuicta nostri argumenti. Si lineæ anguli obtusi, & lineæ anguli acuti secundum omnes partes possibile diducantur ab inuicem, æqualiter recedent. Sed consequens experientia falsissimum demonstrat. Ergo & illud vnde sequitur. Falsum inquam illas secundum omnes partes possibile alias ab aliis deflectere. Neque enim iam vlla superest ratio, si utræque secundum omnes partes ab inuicem reducantur, cur non æquè utræque distent.

Iam ad aliud. Sequitur necessariò duas illas lineas anguli acuti in extremo tantum ab inuicem recessuras, quanta est linearum longitudo. Id clarum fiet, si notauerimus, quicquid recessus sit continuè inter duas illas lineas, totum in illarum extremo inueniri; in illo inquam spatio quo maximè distant ab inuicem. Elto exempli gratia linea vna quæ ab alia tribus in partibus



tibus reducatur singulorum digitorum latitudine, in extremo distabit ab altera tribus digitis.



Quod si quatuor in partibus fiat illa distantia, extrema quatuor digitis dimouebuntur, si in centum partibus recedant, centum digitis in extremo remouebuntur hæ lineæ. Atque ita in infinitum, quot quantique fuerint in illa linea recessus, extremum illud habet.

At, inquis, hæ partes possibiles quibus continuatur hæc linearum remotio sunt infinitæ. Hoc etsi falsum est, attamen verum esto, partes illas esse infinitas. Ergo & recessus illi partiales in extremo linearum, erunt infiniti. Tot enim sunt quot sunt partes in linea possibiles.

Neque hi recessus queunt esse minores eiusmodi partibus quas aiunt indiuiduas, qui hunc recessum in indiuiduo continuant. Indiuiduo verò non datur indiuiduum minus. Ergo non modo tot sunt, sed tanti sunt illi recessus in extremo, quot ac quantæ sunt partes possibiles ex quibus constat linea. Tot ac tanti sunt? Ergo debent tantum spatium constituere. Ac proinde, quod dicebamus, tantum in extremo debet interstitium inter lineas intercedere, quanta est lineæ longitudo. Sed videmus lineas centuplo & millecuplo longiores quam sit distantia illa quæ inter illarum extrema media est. Ergo falsum est, secundum omnes partes in eiusmodi lineis, possibiles, recessum illum esse continuatum, sed millesima quaque



parte duntaxat has lineas ab inuicem recessisse necessum est. Sanè faciliùs hunc nodum sciderint, quam soluerint. Neque iam dubito, Lector amice, si in his operam atque attentionem colloces quàm merentur, quin perspicuè visurus sis id esse falsissimum quod pro indubitato principio ponunt, scilicet recessum duarum linearum à centro in circumferentiâ in rectâ tendentium, in omnibus partibus possibilibus continuari, Quin potiùs, quam putant, rectitudinem illam esse impossibilem, ex cuius proinde suppositione, quotquot hanc materiam confundunt difficultates, oriri non mirum sit. Hæc tamen certiora fient solutione difficultatum quæ hanc assertionem premere videntur, si prius quod de continuo ostendimus id ipsum in motu demonstremus.

## ARTIC. II.

*An in rota partes centro proximè continuè moueantur.*

**P**Ar est in motu difficultas. Putant enim omnes, rotæ quantumvis magnæ non posse moueri circumferentiam etsi lentissimè; quin partes centro proximæ eius motum continuè sequantur. Ita vt Cœlestis orbis in parte Arietis qua maximè recedit à Polo, moueri nequeat, quamvis tardissimè quin iuxta axem ipsum continuè moueatur. Atque, si Cælum esset rota cuius centrum esset in centro terræ, à quo ad circumferentiam radij ducerentur; eadem ratione dicerent moto extremo, partes centro proximas indefinenter agi. Quod an verum sit examinandum est.

In illo ergo rotæ motu sumatur pars motus minuta qua nempe digiti latitudinem transit  
Cœli



Cœli circumferentia. In illa minima motus parte aiunt nullam fore partem radij, cuius immensa, ac propemodum infinita erit longitudo quæ non moueatur. Hac tamen lege, vt pars superior velocius semper transeat, latiùsque spatium metiatur. Dum autem digiti latitudinem transit Cœli circumferentia, quantâ latitudinem putas, peragat radius iuxta centrum? Sanè quam nec angelus possit concipere. Erit tamen certa latitudo quæ scilicet certæ illi motus circumferentiæ latitudini respondeat. Quam ita metiri liceat. Secunda à centro particula duplo, tertia triplo, quarta quadruplo maius spatium eodem tempore transit. Atque hoc modo spatium quod præterit pars radij centro proxima, multiplicatur, prout crescit numerus partium ascendendo; ita vt suprema pars, dum transit latitudinem digiti, ea latitudine toties metiatur illud spatium quod transit motus partis infimæ; quot sunt partes eiusmodi à centro terræ ad Cœli circumferentiam. Cum autem partes eiusmodi sint ferè infinitæ; ferè infinita eiusmodi spatia, digiti latitudo quam transit circumferentia continebit.

Rursus ex illis propè infinitis spaciis quæ Cœli suprema facies percurrit in digiti latitudine. Accipiat vnum. Tantû quidem erit hoc spatium vt nequidem Angelus possit concipere. Est tamen certum ac determinatum; vel sanè potest determinari à sui mensura. Quippe sui mensuram certam habet, nempe spatium illud toties repetitum quod determinatum ostendimus, id inquam spatium quod pars radij centro proxima transit.

Tale ergo spatiû quod Angelus imaginari ne-



queat, dum à Cœli superficie percurritur, an pars centro contigua mouetur? Aiunt. Quantum putas procedet, cum spatium illud nequidem Angelo imaginabile ferè infinitos eiusmodi procellus contineat? Atque hunc in modum, si rursus quæram, Circumferentia tantum processum faciēte, an pars radij infima moueatur? Annuēt. Et ita procedendo in infinitum. Hæc paulò fusiùs exposuimus, vt horum consideratione quæ sensus, quæ ratio, quæ cogitatio abhorret, facilius redditus Auditor minimam tantæ subtilitatis partem nobis concedat in Natura, cum eiusmodi motus naturam breui aggrediemur.

Iam vnico argumento lubet huius doctrinæ falsitatem conuincere. Peto an radius rotæ in orbem volutus secundum omnes partes possibiles de motu remittat, ita vt pars suprema eodē tempore maius spatium conficiat, secunda paulo minus, tertia etiam minus, quarta etiam, & ita de reliquis? & hoc peto de omnibus partibus possibilibus, & in quas longitudo radij potest diuidi. Si concedant, videant quid sequatur, idem quod de lineis demonstrauimus, supremam scilicet partem radij tot partes spatij possibiles eo motu peragere, quot sunt partes in ea radij longitudine possibiles. Transit enim suprema pars spatium latius vna parte quàm sit spatium quod transit prima pars ab ipsa, latius duabus spatio quod transit secunda, latius tribus partibus spatio quod transit tertia, & ita de reliquis. Ergo spatium quod transit suprema pars radij tot habet partes possibiles in radij longitudine. Dicunt enim nullam esse partem in radio possibilem secundum  
quam



quam pars illa suprema non recedat. Ergo tot habet ille recessus incrementa possiblea quot sunt in radio partes possiblee. Ergo tantum erit illud minutissimum spatium quod suprema pars radij transit quanta est immensa illa radij longitudo.

Consequentia clara est & prorsus necessaria. Spatium illud tot habet partes potētia, ergo æquè amplum. Neque enim partes minimæ possiblee radij sunt longiores quam partes possiblee spatij. Cum enim illæ partes sint minimæ, non datur minus illis. Tot autem fatentur partes in spatio quot in radio, & quidem vtrasque æquales, cum vtrasque minimas fateantur. Ergo tot partes æquales debent equalem longitudinem facere. Nota enim eos dicere nullam esse in radio partem possibilem secundum quam spatium illud non creuerit. Re ipsa toties creuit quot sunt in radio partes potentia. Ergo re ipsa tot habet partes in quas possit diuidi, quæ profectò nequeant esse minores partibus radij quas fatentur minimas. Quippe de omnibus possibleibus agimus.

Itane in minutissimo spatio tot esse partes potentia, quot in radio immenso? Superiùs demonstrauimus in duobus digitis æqualibus duplo plures esse partes possiblee quàm in horum altero. Tot namque sunt in vno quot in altero. Quis hoc neget? Atqui tot, & tot faciunt duplum. Quis hoc neget? In dupla igitur longitudine duplo plures sunt partes possiblee quàm in simpla. Si verò dicant tot partes possiblee in minutissimo spatio, quot sunt in immensa prope longitudine? Ergo falsissimum est spatium quod suprema pars radij



transit crescere secundum omnes partes radij  
possibiles, vel nullam partem radij dari posse secū-  
dum quam spatium illud non crescat, aut secun-  
dum quam suprema pars radij non augeat spatiū  
quod mittitur. Hoc inquam est falsissimum.

Verum quid ipsi dicant? afferantne contrariū?  
ut pars radij suprema non extendat suum motum  
secundum omnes partes in radio possibiles? Ne-  
gēntne descendendo secundum omnes illas par-  
tes velocitatē radij decrescere? Ergo eandem cele-  
ritatem in aliqua longitudine continuat; deinde  
aliam minorem celeritatem in alia longitudine,  
deinde aliam minorem in pari longitudine. Itā ut  
à suprema radij parte ad infimam per certas lon-  
gitudines, quantulæ illæ sint, decrectiones motus  
continuent. Hoc inquam sanè fatendum est. Vel  
prorsus dicendum quod est insanissimum, secun-  
dum omnes partes possibiles, illam velocitatem  
decrescere, ex quo necessitas sequelæ illa insanis-  
sima deduxit, quæ demonstraui. Ergo decre-  
menta motus ac velocitatis fiunt secundum quas-  
dam longitudines. Atque in hoc consistendū est.

Verum quomodo hoc fiat? Id quoniā nequeūt  
cogitare, idcirco in illa insana prouunt. Si enim  
suprema pars radij in quam minima longitudine  
suam celeritatem cōtinuet? Qui fieri potest, ut lō-  
gitudinis sequentis extremū illud quod supremæ  
longitudinis extremo cohæret, nō pari æqualique  
celeritate moueatur? Si inquam durauit eadē mo-  
tus velocitas per totam illam longitudinem, quo-  
modo ultra eam longitudinem, pars radij conti-  
nua, minori quam superiores, celeritate cieatur?  
Quod si æquali celeritate fertur, æ quale spatium



debet conficere. Idem dicam de tertia longitudine, cuius extremum extremo secundæ cohærens eadem velocitate videtur moueri debere; Idem de quarta, idem de quinta. Atque ita de omnibus minutis illis longitudinibus. Secunda enim longitudo primæ continua debebit æquali velocitate cum prima æquale spatium transire; Tertia æquali cum secunda. Quarta æquali cum tertia. Quinta æquali cum quarta, & sic de cæteris. Hæ sunt inquam salebræ ex quibus dum nequeunt se expedire, in illa præcipitia ruunt volentes. Porro plura quam diximus videbis inferiùs ex illorum confessione, rem non posse diuidi in vllas partes quas actu non habeat.

## ARTIC. III.

*Quo declaratur quomodo radius rota non moueatur secundum omnes partes possibiles.*

**N**ihil hic difficultatis est, si non nihil acutæ rationi concedas, cuius subtilitatem sensus nequeat percipere; ita vt ducem rationem sequaris vltèrius quàm sensus possit pertingere. Hoc vnum pro tot monstrosis absurditatibus quas demonstrauimus petimus. Nec tamē quicquā petimus quàm quod intèntione præcedēti probauimus, qua causam cur vis pōderū, similiūque cresceret demonstrauimus ex partiū rei disiunctione procedere; Quo vt manu lēctōrē duceremus, ostēdimus quomodo arcus & ensis sinatui partes continuæ ab inuicem nonnihil recederent. Id ipsum suo modum



lo fieri in rebus quæ minimè plicari posse videntur, earundem fractionis ratio necessarium probavit; nec posse frangi quin prius successivè particulæ aliæ ab aliis diducerentur. Inde quomodo vis ponderum cresceret ostensum est. Quæ si ut monebamus, percepta fuerunt, iam nihil laboris fuerit intelligere, quomodo particulæ continuæ non nihil moueantur immotis aliis; quia possunt non nihil aliæ ab aliis diduci, sine vlla violentia; ulterius tamen sine vi non possunt. Quid hic difficultatis? Quia sensum fugit hæc tantilla partium distractio? Quid tum? Sensus non videt? at sanè mens oculis rationis eam videt.

## ARTIC. IV.

*Quo declaratur quomodo radij rota partes non omnes simul moueantur.*

**C**VM igitur constet partes radij non omnes simul moveri, de ordine quo moueantur, tentandum est aliquid aperire, quod & ratio & sensus approbent. Nec fere aliud dicendum quàm quæ de ponderû accretionis ratione dicebamus. Eodem namque pacto pars radij centro proxima quæ prima retinetur, quominus motum totius sequi possit, prima non nihil à reliquis diducitur. Deinde sequens, deinde aliæ, ordine quæque suo. Sed hoc tanta celeritate, ut sensum fugiant: nisi quòd sensus videt, quòd pars quæque centro propior est, eo minùs eam moveri. Quippe rationi & naturæ consentaneum est, ut partes continui totû sequantur nisi retineantur. Partem quoque cen-  
tro



tro proximam primam ab axe retineri, ne circumferentiæ motum sequatur. Secundam deinde quæ primo motu vt toti consentiret, nonnihil à prima distracta fuit, cum nequeat nisi vi ab illa magis reduci, cum prima quiescere necesse est. Tertia similiter quæ secundo motu totum sequutura, à secunda paululum diducta est, cum nequeat amplius ab illa dimoueri, reliquorum motum non sequitur, sed cum secunda & prima quiescit. Idem de reliquis ordine sentiendum esse, apertum est. Vt iam liqueat, quomodo quo pars quæque ab axe est reductior, eo pluribus feratur motibus, ac propterea motus ex illis compositus sit celerior, maiusque spatium percurrat.

Cur quoque radij aduersi partes eadē proportionem cieantur, causa non erit obscura intelligenti, partes quasque appetitu naturali ferri ad situm illum quem sibi in toto naturalis ipsarum structura dedit. Ergo huius radij parte centro proxima antrorsum nonnihil tendente; aduersi radij pars huic proxima retrorsum flectatur cogit necessitas; alioquin fieret incuruatio violēta; si axe, vel quouis retinaculo prohibente, quominus eundem motum sequi possint, dum radij dextri pars centro proxima antrorsum tendit, radij sinistra pars illi coniuncta non moueretur, fieret inquam necessarium compressio violenta in anteriori parte, in posteriori verò nimia distractio, atque sequeretur coacta incuruatio.

Ergo clarum est, cur radij parte centro contigua antrorsum ducta, aduersi radij pars illi coherens retrorsum eadem motus proportionem flectatur. Non autem potest prima illa pars retrorsum



ferri vno motu quin secunda duobus feratur, & tertia tribus, quarta quatuor, & ita de reliquis. Alioquin non sequerentur eandem motus proportionem quam prius. Quam quidem proportionem respectumque ad inuicem cum nequeant, nisi coactæ relinquere: sequitur motus partium multiplicatio earundem à centro recessum; ac vniuscuiusque partis motus multiplicatur, prout magis, vel minus à centro remota est.

Ergo vt in compendium tota hæc disputatio contrahatur, suppone in vtroque radio opposito esse centum partes. Sunt enim innumeræ. Sed pone centum. Quoties radij dextri pars centro contermina motum vnum admittit, pars extrema ceteris mouetur. Rursus radij dextri parte centro proxima antrorsum v.g. tendente, oppositi radij pars illi coniuncta, quod necessario retrorsum flectatur, cōpertū est. Ad cuius motū singulos extremū eiusdē radij centuplos motus pati sit necesse.


Non percipit oculus cessationem illam motus in partibus centro vicinis. Nec mirū cum si duos baculos transuersos in gyrum actos videat partes eorū putet continuas, quæ valdè ab inuicem distant. Scilicet nequit visus propter motum partium spatium quod intercedit dignoscere. sic motus partium centro coniunctarum videtur continuus, qui valde est intercisus.

Quid si circumferentia tardissimè moveatur? Sanè partes centro proximæ minimè moueri videbuntur; scilicet ob longiorem quietem qui minimum illum motum insequitur. Fallitur ergo hic oculus qui rem putat nihil moueri. Quidni fallatur cum eam iudicat moueri continuè.

Ecce



Ecce quòd vel inuitos necessitas cōpulit, scilicet vt multiplicia illa, atque inexplicabilia errorum inuolucra fugientes, in Empedoclis doctrinam incideremus, cuius mentem de motu quem idem quies interrumpat, non modò declarauimus, sed quam alij irriderent, eam verissimā necessariamque demonstrauius: sine qua impossibile sit sine grauissimis absurditatibus, ac portentosis repugnantis motum orbicularem cōcipere. Quem qui tueri velint, ne quidem latebras inueniant vbi tutò delitecant. Verùm hæc quoque luculentiora fient intentione sequenti.



## INTENTIO VI.

An continui, motusque dentur partes  
indiuidua.

### ARTIC. I.

*Quo repugnantes Philosophorum sententia ponuntur?*

**M**otum, & continuum ex partibus indiuiduis constare tenuit Plato cum multis ex vetustioribus, inter quos fuit Zeno, cuius sententia fuit Aristotelis tēpore cōmunis. Cōtra quam Aristoteles lib. 6. Phys. multis argumentis cōnatus est euincere, nullā tantillā posse dari vel temporis, vel corporis, vel motus particulā, quæ nō cōponatur ex pluribus, quæque non sit in infinitum diuidua.

Nos in re difficillima, & obscurissima, ne Lectoris obruamus ingenium sufficere putauimus, si referremus quod Tolet<sup>9</sup> ibidē quæst. 1. animaduertit his verbis. *Licet quæstio hac sufficienter à nobis fuerit disputata, tamen quoniam hac de compositione continui*



veritas eiusmodi est, vt praeclara etiam semper ingenia multum in ipsa diuque laborarint, conabor hic ad calcem antecedentis quaestionis, quo magis veritas illucescat, omnes quas aduersus id potero maioris momenti obiectiones, & dubia cogere, & diluere: & praesertim cum non desint nostra aetate qui opinionem illam Antiquorum Philosophorum veram arbitrentur. Hæc Toletus. Ponit autem nouem argumenta aduersus Aristotelē, quæ ibi videri possunt. Tum solutionem adiungit argumentorum Aristotelis. Tandem ita concludit. Nihilominus, licet dubia hæc superius proposita magnam videantur afferre difficultatem, consistendum est in supradicta Aristotelis sententia, vtque & communis sit, & vera rationi conformis. &c.

Post pauca iacit hoc primū fūdamētū. Primò ergo nota id quod Aristoteles libro de lineis inseclilibus text. 3. cum in has ipsas diuisionis continui salebras incidisset, egregie obseruauit; Imbecillis, & ignari est, ita ipse loquitur, opinionem aliquam quam euident ratio persuaदेat, propterea deferere, quod alicui argumento non possis plenè satisfacere. Sunt enim apud nos tam falsa permista veris, vt ea saepe mens nostra ægrè distinguat. Hæc ille. Equidem fateor non propter aliquas difficultates à veritate recedendum. Verum quærimus vbi sit ea manifesta veritas quam sequamur. Nam in argumentis Aristotelis certum est nihil esse roboris nisi contra ipsum.

## ARTIC. II.

*Quo quadam concessa supponantur.*

**T**Oletus loco citato, Indiuisibilia, inquit, sunt in re. quamuis non omnino à cōtinuo realiter distincta.

Prior



Prior pars probari potest ex quatuor capitibus. Primum est tactus physicus: Duo enim corpora (vt experientia monstrat) se adæquatè tangunt, vel igitur in aliquo diuisibili. Et hoc non quia illa duo diuisibilia adhuc non se adæquatè tangunt, nisi secundum aliquid sui, ergo tactus est in indiuisibili: Sed ille tactus est verus, & realis; igitur verè est indiuisibile reale, puta superficies, secundum quam est tactus corporum. Mitto alia eius argumenta post quæ hæc addit, indiuisibilia non sunt distincta à continuo re, nisi sicut pars continui ab ipso toto, ita indiuisibile à continuo. Pluribus interiectis hæc addit, Et est notatu dignum, quod ratio partis non consistit in separatione à toto, imo in coniunctione, quod aliqui non aduertunt, dicentes esse partes in potentia, sed non actu in continuo nisi cum separata sunt: quod quidem falsum est: imò cum separantur, iam non actu partes; sed tota quedam dicuntur; dum in toto sunt, actu partes sunt. Hæc idcirco citauimus, quia digna sunt, vt quæ verissima nec parum ad huius quæstionis elucidationem conducentia.

## ARTIC. III.

*Quo ex illis suppositionibus in Aristotelem præluditur.*

**F**ORTISSIMA aduersus Aristotelicos ibidem refert Toletus Veterum, recentiorumque argumenta, atque in illis diluendis plurimum insudat, quæ quia longum esset referre omitto: Atque ex veritate quam agnitam fassus est aduersus ipsum, Aristotelemque procedo. Ait partes actu esse cum sunt in toto. Non dixit quasdam partes esse actu; sed quotquot sunt partes, actu esse fa-



tendum. Neque enim potius dixerit tres quam octo, neque potius octo quam centum. Sed cum ita loquitur, de omnibus partibus loquitur. Alioquin nisi de omnibus id pronunciatum intelligat, certum est de nulla parte posse intelligi. Ergo omnes continui partes sunt actu. Peto, finitene an non finitæ? Alterum è duobus fateatur necesse est. Non dicet actu non finitas, seu infinitas, quod idem est. Ergo actu finitas. Nec est quod confugiat ad illam distinctionem quam necessitas fabricauit. Partes illas non esse infinitas categorematicè sed syncategorematicè. Hoc est non esse re infinitas sed posse diuidi in infinitum. Satis est mihi quod cum omnes partes continui fateatur re & actu esse, eas neget esse infinitas.

Quin si quis dicat eas partes esse non actu, sed potentia infinitas, ostendit Toletus non sic euasurum vim argumenti Zenonis, de quo ipse his verbis. *Quintum est argumentum Zenonis allatum ab Aristotele non facile solutu, Motus non potest esse per spatium aliquod, nisi prius mobile transeat minus, quam maius: sed quacunque parte data alia, minor est, & hoc in infinitum: ergo non potest motus fieri per spatium. Infero ergo aliud à Zenone, hic enim motum non esse concludebat ego infero: Cum motus sit, non componetur, nec diuidetur spatium in infinitum. Nota idem Zenonem intui s, per deductionem ad absurdum. Quasi verò Zeno negasset dari motum. Pergit Toletus. Respondet Arist. quod in spatio non sunt nisi infinitæ partes potentia. Sed hac solutio non videtur intelligibilis, nam (ut diximus argumento primo) cum istæ partes ibi sint, nec per diuisionem multiplicentur, impertinens est, quod diuisæ non sint: nam nec duæ medietates*  
*vnus*



*vnus continui diuise , at motus per vnā prius, quā per alteram fieri debet : quod si isto modo dat partes infinitas , re vera , nunquam motus ad terminum perueniret . Ergo ostendit Toletus siue actu siue potentia partes illas in toto esse, dicas esse profecto finitas , & rectè . Quod verò addit , in solutione , partes illas etsi finitas re ipsa , esse tamen infinitas syncategorematicè hoc est posse diuidi in infinitum , est effugium varissimum . Si enim non sunt infinitæ neque actu neque potentia , sunt finitæ, estque certus in se earum numerus etsi nobis incognitus , at non Deo , qui potest cum diuidendo numerum partium absolute.*

Propterea inutilis est illa euasio Toleti, cum ad Theologorum argumentum petentium an Deus non norit distinctè omnes partes continui , respondet ita nosse distinctè quod norit eas non esse distinctas. At non sic euaserit. Petito an medietas vna continui sit distincta ab altera ? Negabit opinor , magis distinctam quā sit vlla pars ab alia . Nunquid nouit Deus distinctè hanc medietatem ? Nemo negarit . An nosse distinctè hanc medietatem , est nosse non esse distinctam ab altera ? Qui hoc dicat , fuste dignus sit. Similiter , estne nosse distinctè singulas continui particulas , scire eas non esse distinctas ab inuicem ?

Petunt enim Theologi , an quemadmodum Deus nouit distinctè medietatem continui , licet non sit distincta , ita norit distinctè singulas eius partes , quamuis minimè distinctas ? Quid responderit Toletus ? quid alij ? Ec-



ce nouit Deus distinctè partem dimidiam, quartam, octauam, centesimam, millesimam, et si non distinctæ sint hæ partes. quidni singulas norit et si non distinctas?

Vel si Deus nouit octauam partem; negarintne nosse millesimam? Si millesimam, quidni omnes? Vel ubi terminabitur illius potentia, ut non possit ultra cognoscere distinctè? Sanè aut alicubi vis eius limitabitur; ut nequeat ulterius partes quotas distinctè dignoscere, quod ægrè admiserint, aut profectò, quemadmodum quartam, duodecimam, centesimam distinctè nouit, quamuis non distinctam; ita singulas licet non distinctas distinctè percipiet. Imò si essent infinitæ continuæ partes, nihil obstarèt, quominus Dei vis infinita eas distinctè cognosceret. Quantò magis, cum sint finitæ? finitas enim eas agnoscit Toleus, & actu, & potentia; quoniam videt non aliter Zenonis argumento posse responderi.

At cum hoc fateatur, ponit tamen impossibile; Scilicet rem cuius asserit partes actu & potentia finitas, posse in infinitum diuidi. Quàm illud est impossibile, ut rei partes sint finitæ & actu & potentia; nihilominus res ipsa in infinitum diuidi possit? Audi tamen quomodo id declaret. Pro quo aduerte: quod si alicui finito fiat in infinitum adiectio alicuius finiti, nunquam prodibit infinitum, nisi infinitæ additiones fiant æquales, quod non esse potest, v.g. assumamus binarium, adice vnitatem, erit ternarius, ternario adice, erit quaternarius: denique licet in infinitum addas ipsi vnitatem nunquam facies infinitum, &c. Et post pauca. Hoc ergo quod dico de adiectione in numero, accipe etiam de detractiōe in continuo.

Ego



Ego verò, vt rationum constet æqualitas, petam, vt, quemadmodum partes continui, in quas diuidatur, sunt ibi; ita partes ex quibus numerum in infinitum augere proponit, sint præsentēs. Ait namque partes continui esse & actu & potentia finitas; idque vt Zenonis argumento respondeat, Eodem pacto statuatur ibi finitas actu partes ex quarum acceptione crescat numerus. Ex partibus finitis, vel ex vnitatibus finitis, poteritne crescere numerus in infinitum? Sanè vel illas unitates præsentēs oportet esse infinitas, vel ex illis non poterit numerus crescere in infinitum.

Similiter cum indiuiduum non habeat partes neque actu neque potentia infinitas, impossibile est diuidi in infinitum. Nequit enim diuidi in partes nisi quas habet, habet finitas vt fatentur. Ergo nequit diuidi in infinitum.

Partes enim in quas continuum diuidi potest, sunt ibi, etsi non diuisæ. Süntne vel non sunt? At Toletus fatetur esse. Neque id negari potest. Vbi enim essent, vel quid essent? Sunt ergo ibi. Ergo vel finitæ vel infinitæ. Si infinitæ nunquam transiri poterunt, vt rectè Zeno. Si finitæ, nunquid poterit Deus finitas particulas ab inuicem disiungere? Præclaram, ac subtilem responsionem. Sunt quidem continui partes actu finitæ inò potentia finitæ, attamen continuum potest diuidi in infinitum. Credite Tyrones.

Pergo, ex iis quæ veritas extorsit à Toletō, quærere, Nunquid Deus possit auferre id indiuiduum quo corpus tangit aliud? Fatetur enim id indiuiduum esse reale, neque potest diffiteri. Fatetur esse partem continui, & rectè quidem. Non poterit



Deus eam partem seruare seorsum? Non poterit ei addere aliam similē, imò centū, imò plures? Ex illis plurib. partibus simul iunctis resulcabit continuum, quod quidem ex certo numero partiū cōstabit, vltra quam nequeat amplius diuidi.

Sed transilio metam, sufficiebat enim vt posset dari indiuiduum, si enim potest esse vnum, non dubium est posse esse innumera. Ecce fatentur indiuiduum, & quidem reale quo se duo corpora contingunt. Nec potuerint negare quin Deus illā partem corporis possit à cætero corpore separare.

Verū mittamus quærere, quid Deus possit, agamus de iis quæ fiunt. Cum illud quo duo corpora se contingunt, mouetur, indiuiduum mouetur. Motu verò continuè metitur spatium sibi æquale. Cum enim primum incipit mutare locū, eo relicto proximè occupat aliud spatiū, & quidem spatium indiuiduum. quo relicto rursus aliud spatium sibi æquale occupat; & hoc relicto aliud, & iterum aliud. Cōtinuè namque ingreditur spatia noua sibi æqualia, ergo spatia indiuidua. Non dixerint transisse infinita. Transiit tamen quotquot sunt in illo spatio indiuidua, & quidem vnū post aliud. Rursus quæro, cum illud indiuiduum quo duo corpora se contingunt, primum relinquit suum spatium. Ingreditur ne aliud spatium? Dico cum primum relinquit suum: Non possunt negare. Iterum cum relinquit alterum spatium, nō negarint ingredi aliud: rursus cum relinquit tertium, rursus cum quintum, & sextum. Negabūnt ne posse metiri sex spatia sibi æqualia? Imò non potest mutare locum quin cum primum exit metiatur æquale sibi spatium à quo non potest exire



exire quin proximè aliud æquale occupet & rursus æquale. Id igitur certum esto. Iam peto cum sexies id indiuiduum mensum est spatium sibi æquale, transiitne aliquid spatij necne? si negent. Ergo nunquam transibit. Petam enim cum mensum est centies, millies spatium sibi æquale, an aliquid spatij transierit. Id negare nemo possit. Ergo erit spatium quod in mille tantum partes indiuiduas possit diuidi, imò spatium quod sex duntaxat partibus indiuiduis constet, vt demonstratum est.

Neque dixerint partes illas indiuiduas spatij esse imaginarias, quin verissimæ sunt spatij partes, quæ verò ac reali locato respondēt. Verum autem & reale est illud indiuiduum quo duo corpora se contingunt. Cui quidem indiuiduo reali hæ partes spatij aliæ post alias respondent.

Hæ sunt nostræ meditationes, quas malui in subsidium veritatis mittere, quàm aliorum argumenta tametsi fortissima producere. Sufficiens enim hæc maximè vbi rationum Aristotelis futilitatem ostenderimus. Nec enim sat erit, si eius argumenta diluamus, ni insuper propriis veluti iaculis eum confodiamus; adeo nimirum nullam vim nisi in ipsum authorem habituris.

## ARTIC. IV.

*Quo Aristotelis argumenta dissoluuntur & falsitatis conuincuntur.*

**D**E hoc agit Aristoteles lib. 6. Phys. cap. 1. Itatim ab initio. Primùmque eius argumentum procedit à definitione continui, & contigui. Quod continua sunt illa quorum extrema sunt vnũ. Cõtigua verò quorũ extrema sunt simul. hinc infert im-



possibile esse dari indiuiduas partes quæ non possint in plures diuidi. Secundum argumentum nititur eodem fundamento. Ex ea namque contigui definitione infert, si indiuidua dentur, ea simul esse ac se penetrare. Quia indiuidua cum non habeant partem, se contingunt secundum totum. Quæ verò se contingunt, ex illa definitione contigui putat esse simul. Si ergo secundum totum se contingunt secundum totum sunt simul.

Primum ergo discutiamus hanc præclaram continuorum, contiguorumque definitionem, Sint manus ambæ contiguæ, nemo negare possit, extrema illa quibus se contingunt esse aliquid, Meminerimus assertionis Toleti.

Quæro de illo extremo manus dextræ, quod dicunt esse cum extremo manus sinistræ, atque ita quæro. Id extremum continuaturne cum reliqua manu? Negari non potest. Ergo si toto continuatur cum sit indiuiduum & non habeat partes. Hæc fuit Aristotelis ratio. Præterea: Quia se toto continuatur, vult Aristoteles esse idem cum parte cui continuum est. Si idem, ergo ex eo & illa parte fiet vnū indiuiduū. Quod indiuiduū rursus quæro an cū sequenti parte cōtinuetur? Quis neget? Ergo, propter eandē Aristotelis rationē, vnū & idem est cū illa parte, vnūq. ex duobus fit indiuiduū. De quo etiā peto vt prius, & de sequenti; atq. ita de singulis partib. Itaq. ex hac cōtinui, & cōtigui definitione, per eandē Aristotelis rationē euincā, nullam esse manus profunditatē, omnesq; illius partes esse vnum quid indiuiduum, vnāque superficiem.

Sed de illa manus parte interiori cui extremū illud cohæret, peto, an quæadmodū extremū tangit alteram



alteram manum, ita & pars illa quæ extremum sequitur, cuique coniungitur, manum alteram contingat. Negas? Quomodo igitur vnum & idem cum illo extremo; si quod extremum tangit, illa non tangat? Affirmas? Ergo qua ratione in manu sinistra, pars iuncta extremo tangit manum dextram eadem prorsus & tertia pars & quarta, & quinta & reliquæ partes manum dextram contingunt. Cur enim pars extremo proxima alteri manui est contigua? Quia nempe vnum & idem est cum extremo. At eodem iure reliquæ partes cum extremo vnum & idem fuerint indiuiduum. Extrema pars quam Toletus admittit indiuiduam, iuncta cum sequenti, ex Aristotele vnum facit indiuiduum, quod iunctum cum sequenti nihil aliud facit quam indiuiduum. Et hoc iterum cum sequenti coniunctum & sic de cæteris. Si tamen vera est Aristotelis assertio qua negat indiuiduum cum alio coniunctum facere molem maiorem. Quod si neges, corruunt ipsius rationes. Itaque si velis admittere, nullam in manu sinistra particulam esse quæ dextram non contingat, imo vtramque manum nihil aliud esse quam indiuiduum, neganda est illa definitio continuorum, & contiguorum, ex qua necessario hæc quæ diximus abominanda consequuntur.

Tertium eius argumentum est, quia si darentur partes indiuiduæ, sequeretur continuum non posse diuidi in infinitum. Fatemur, Imò demonstraui mus impossibile esse ut indiuiduum diuidatur in infinitum.

Ad quartum argumentum, si verum est vniuersaliter, res prius moueri, quam sit in termino, Quæram de illo indiuiduo quo se ambæ manus con-



tingunt, quando è spacio quod occupant illa extrema in spatium proximū cedunt, an moueantur: Mutant quidē spatiū. Attamen quoniam id spatij est immediatū, illa extrema non prius tēpore mouentur, quā sunt in illo spatio proximo. Quippe eodem instanti quo recedunt à priori spatio, eodē sūt in illo alio. Itaque quod Aristoteles in Veterū disciplina pro impossibili habebat, ecce vt experientia ratioque euidentissima necessariū demonstrat. Alia igitur est ratio motus compositi ex pluribus eiusmodi particulis. Cum enim transeat plures spatij partes minutas, necessario mobile prius mouetur tali motu, quā perueniat ad terminum. Id inquam fit motu composito, cui quoniam assuetus est sensus, nequit percipere quid sit motus ille minimus, quo mobile simul desinit esse in minima illa parte spatij, & eodem instanti est in proxima spatij parte.

Ad quintum argumentum de tempore quod facit magno apparatu Aristoteles cap. 2. Concedimus mobile velocius posse trāsire maius spacium minori tempore, quā mobile tardiū maiori, & in illo minori tēpore segnius mobile, minus quoque spatiū metiri. Quod spatiū mobile celeri<sup>9</sup> minori tempore percurrat. Quo rursus minori tempore mobile pigrius minus quoque spacium trāseat. Negatur tamen id fore in infinitum. Ratio negationis est illa doctrina quam ex Empedocle verissimā demonstrauius. Scilicet inter minimas motus partes, intercedere quietes quæ prout maiores sunt, aut minores, motus est velocior aut tardior. Ex quo fundamento luculentum est, quomodo ea diuisione tandē veniatur ad minimam  
motus.



motus partem, qua quidem mobile velocius mutetur, immoto tardiori. Quoniam motus ille minimus quo minimo tempore atque momento mobile velocius minimum spatium mutat, accidit quiescente mobili tardiori. Aristotelis autem ratio procedit ex eo quod putat motum mobilis quantumvis tardi esse continuum; quod falsissimum esse rationes inuictæ conuicerunt.

Et quidem in præsentiquæram. Quando mobile velocius trāsit spatium illud indiuiduum, quod corporum contiguorum extrema occupant; quodnam minus spatium transire queat mobile tardius? Nunquid illa extrema indiuiduum reale constituunt? Nunquid hæ partes quæ se mutuo contingunt, distinguuntur ab iis quæ hunc contactum non admittunt? Sed est reale indiuiduum & satis est. Quæro, dum mobile velocius transituradit hoc indiuiduum, quod spatium transit mobile tardius? Hoc igitur telum in se iacit Aristoteles, quod si omnes explicet alas nequeat effugere. Quin hoc argumentum, vel solum maximè corroborat doctrinam illam quam præcedenti intentione exposuimus, sine qua nemo huic argumento satisfecerit. Ecce quibus machinis Aristoteles firmissimam illam vetustiorum assertionem impetiit. Validissimas sanè machinas, quæ nimirum rerum naturam funditus euertant.

## ARTIC. V.

*Quo quedam alia Peripateticorum argumenta refutantur.*

**N**ON dissimulanda sunt alia quædam Peripateticorum argumenta maiorem vim præ se ferentia, quæ refert Toletus loco citato. Nō proponā primū quoniā soluitur eadem ratione qua soluimus vlti-



num Aristotelis. mobile tardius per idem spacium transiens sæpissimè quiescit, velociori motum continuante, vnde fit vt velocius mobile plura spatia individua transcurrat. Secundum argumentum nihil habet roboris. facile enim admittamus, lineas vel longitudines, quæ ex inæqualibus indiuiduis cōstarent, non posse in duas partes planè æquales diuidi, verum, quæ esset quæso illa partium inæqualitas quam additio vnius indiuidui fecisset? Hanc sanè inæqualitatem non curauit Euclides quem citat Toletus. Imò quas quouis Mathematicus partes maximè æquales putat fecisse pluribus millibus indiuiduorum aliæ alias excedunt. Præclarum sanè argumentum.

*Tertium, inquit, sumitur argumentum ex rebus mathematicis: Est argumentum Scoti, 2. senten. dist. 2. q. 9. & Gregorij ibidem q. 2. Primò sequeretur quòd diameter quadrati, & eius costa essent æquales: quod est impossibile, & quod sequatur patet. Nam tot puncta habet vna, quot altera. Si enim à singulis punctis quadrati, costa, deducantur lineæ ad alteram costam: omnes illæ transibunt per omnia puncta diametri nec habebit aliud punctum. nam lineæ illæ totum spatium quadrati replent, vbi tantum est diameter.*

*Vltèrius sequitur, quod circulus maior, & circulus minor sunt æquales, & quod tot puncta habeant. Et patet. Si duo circuli concentrici describantur, & vsque ad maiorem deducantur omnes lineæ ab ipso centro: tunc omnes lineæ transibunt etiam per minorem: ergo tot puncta vnus habet, quot alter. Hæc sunt quibus putant demonstrari non posse dari indiuiduū. Ad quorum refutationem possem præmittere id quod Toletus ex Aristotele refert, Imbecillis & ignari est, opinionem aliquam,*



aliquam, quam euident ratio persua-deat, propterea deferere, quod alicui argumento non possis plenè satisfacere. Sunt enim apud nos tam falsa permista veris, vt ea saepe mens nostra agrè distinguat. Certè sicubi hoc habet locum in præ-enti quæstione clarum est, in qua cum euidentissimis rationibus euicerimus continuum posse in partes minimas, indiuiduâsque diuidi, rationes tamen vrgent in contrarium, quæ secundum communem hominum conceptum videntur verissimæ.

Verùm iam præcedenti intentione demonstra- uimus quàm communis ille hominum sensus falleretur, dum duas quolibet lineas à centro ad circumferentiam ductas continuè ab inuicem diduci retur, atque ad quemlibet circumferentiæ motum partes centro proximas moueri, quod demonstrationes Sole clariores falsissimum ostenderunt. Ita non dubitem, quin ea commonstrauerimus quæ horum argumentorum falsitatem reuincant. Non tamen dissimilem hos modos soluere maximi esse laboris. Neque enim sufficit, nos in hisce abditissimis, obscurissimisque naturæ latebris, aliquid lucis, non sine incredibili mentis pressura transpexisse, nisi id ipsum aliis videndum proferamus. Quicquid autem laboremus, nunquam efficiemus quin veritatem cernere nolentibus facilius sit eam non videre, quàm cupientibus, ad eam peruenire. Quanquam nostri non sit instituti omnibus satisfacere; sed iis duntaxat, qui animo sedato, ac disciplinæ capaci ducti accesserint. Iis autem polliceri, perfectâ horum modorum solutionem, modò ab illis quæ sensus usu didicit, ad subtiliora cogitationem tantisper deflexerint.



Solemus namque lineas ducere, puncta imprimere; quibus mens per sensum assueta, aliquid simile sibi formiat, quoties de primis punctis lineisque indiuiduis cogitat. Itaque quoniam à centro quoquo versum lineas eiusmodi rectas ducimus; ita de primis illis lineis arbitramur. Quod longè aliter se habere deprehendemus, si rem accuratius examinabimus. Similiter & puncta facimus vel rotunda, vel quadrata; quibus assueti, talis figure, puncta illa prima imaginamur; cum sint omnis figuræ principia. Cum autem nihil sit in intellectu quod prius non fuerit in sensu, quomodo intellectus talia puncta sibi formare possit, quorum nullam sensus sibi obtulit imaginem? Non ergo mirum, si nequeamus quicquam concipere quod non habeat partes, cum nihil viderimus quod non sit compositum. imo quæ minima oculus vix percipit, in iis multa millia primorum punctorum sunt intelligenda. Qualia ergo illa sunt?

Sed mittamus querere qualia sunt, atque ex illis quæ rationes inuictæ necessaria comprobant, quid de his indiuiduis tenendum sit, conemur explicare.

Visum est, quomodo extremum manus dextræ v.g. etsi se toto contingat manum sinistram, se toto nihilominus partem aduersam tangat; partem inquam cui continuatur? Neque enim quisquā mentis compos serio negarit aliquid esse quod totum tãgat manū oppositam, illudque esse indiuiduum, quod adæquatè eam tangat. Sed hoc dictum est. Neque negarit idem extremum ex aduerso tangere.



gere partem illam manus cui proximè continuatur. Hoc quoque dictum est.

Ex eo quod est clarissimū, intelligimus quæ ratione punctū mediū, præcedens tangat, & sequens: hoc modo itē superius & inferius hoc pacto: Cave tamen quicquam simile imagineris hisce punctis quæ coniungere non possumus, ne cōfusa, punctorum amittant rationem. Sufficit si per hæc nostra, punctorum illorum ordinem aliquatenus percipias. Mediū ergo punctū se toto tangit præcedens & sequens, itē superius & inferius vt videre est. ∴ hęc inquā quasi se cōtingant intellige.

Iam quid sint puncta recta, & puncta obliqua videndū est. Ponātur quatuor pūcta quæ quadrati figurā referant hoc pacto :: Duo superiora inuicē recta sunt, similiter duo inferiora; itē duo anteriora inuicē, ac duo posteriora recta erunt. Obliqua verò sunt sinistrum superius & dextrum inferius hoc modo. Item sinistrum inferius & dextrum superius hoc modo:

Puncta recta sese contingunt non obliqua. Neque tamen sequitur, ergo est aliquid mediū inter illa. Hoc quidē verū est in hisce punctis quæ imprimimus. Cū enim ex plurimis partibus cōpacta sint, duo puncta nequeunt esse obliqua, quin aliorū hinc inde pūctorū partes intercedant. Secus est de primis illis pūctis quæ sūt indiuidua. Inter quæ sola illa quæ lineæ rectæ inseruiūt sunt continua. Vt in his tribus :: pūctū angulare hinc cū dextro illinc cū inferiore cōtinuatur, quoniā hinc indelinea recta duci potest pūctorū scilicet cōtinuatione. Itē in his tribus :: quorū quod est in angulo cū superiori, & dextro ytrinque copulatur ob can-



dem rationē. In his autem quatuor. : : Inferius dextrum & superius sinistrum . . itē inferius sinistrum, & superius dextrū . . quæ inuicem obliqua vocauimus *ἀόρτα* sunt & impertinentia. Ac propterea neque inuicem copulantur, nec tamen inter ea quicquam est medium.

Nec est quod vocemur ad tribunal Sensus, qui cum non iudicet nisi de partibus, iam multifariam compositis, de simplicibus indiuiduisque, nequaquam iudex fuerit idoneus; quin ipsemet impedit intellectum quominus de illis rectam ferat sententiam.

At quemadmodum repugnante sensu, Intellectus videt extremū illud v. g. manus dextræ quod læuam adæquatè tangit, altrinsecus quoque tangere partem in eadem manu dextra sibi continuam, etsi id extremum sit indiuiduum. Ita iudicat punctum indiuiduum posse tangere aliud punctum dextrum, aliud sinistrum. Item aliud anterius, aliud posterius. Et quemadmodum cernit extremum illud manus dextræ quod læuam adæquati contingit, non esse idem cum parte eiusdem dextræ cui cohæret altrinsecus. Quandoquidem cum hæc pars interior non læuam tangat, non potest idem esse cum extremo quod læuam tangit. Eadem ratione pronunciat ea puncta quæ se contingunt non idem fieri, sed quodque diuersum situm seruare. Id inquam recto iudicio ex illis infert quæ in corporum contactu comperit ratio certissima.

Iam ad illud dubium. Punctum obliquum potestne propius ad id punctum accedere? Potest inquam. Quomodo? vt contingat inquam illud  
cui





cui non proximè coniunctum est. Quid obstat quominus illud tangat, si nihil est intermedium? Quia nempe non est in situ debito. Neque enim est vel dextrum, vel sinistrum, vel anterius, vel posterius. At ex his tantùm partibus punctum puncto potest coherere. Ergo quamvis nihil intercedat in recta linea inter duo puncta obliqua: Mediat tamen punctum collaterale quod impedit, quominus vel à dextris vel à sinistris, vel à fronte, vel à tergo illi adhæreat. Neque enim aliter illi potest adhærere.

Ergo iam reteximus illud quod est hac in materia omnis erroris principium. Ponunt enim tanquam indubitatum, quod à quouis puncto ad quodlibet, linea recta duci posse existimetur: quod utique verè Euclides pronunciauit de illis lineis quas & facere & videre potuit; non sanè de illis primis quarum naturam non intellexit si hoc de illis protulit. Neque mirum cum tanti Philosophi tantas pugnas hac de re cieuerint.

Natura enim indiuidui, vt probât quæ de punctorum contactu docuimus, non patitur primas lineas verè rectas dari præterquam parallelas; & perfectè transuersas quales hîc videre est.

Itaque in circulo duæ duntaxat dari possunt rectæ lineæ quæ centrum secant transuersæ.



In quarum alteram reliquæ omnes incident antequam centrum attingant, aliæ quidem citiùs, aliæ tardiùs, prout ab eis vel plus vel minus

dem citiùs, aliæ tardiùs, prout ab eis vel plus vel minus



minus recedent. Vt quæ præcedenti Intentione demonstrauiſimus ſatis declarant. Atq; hoc pacto ſoluitur quartum illud, quod retulit Toletus, argumentum: Quid inferri ſi darentur indiuidua, fore vt minor circulus tot puncta contineret quot maior, quia quotquot lineæ à maiori ad centrum ducerentur, ingrederentur minorem circulum. Ratio inquam illa eſt falſiſſima. Quin præcedenti Intentione exploratum reliquimus; quomodo duæ lineæ à centro in circumferentiam tendentes nequaquam continuè ab inuicem recederent. Et quidem illæ demonstrationes ſufficienter hoc argumentum refellebant, niſi propoſuiſſemus rem ipſam à prima origine deducere. Cui propoſito an ſatiſfactum ſit à nobis, alij iudicabunt.

Novi dicturos me aduerſariorum argumentis reſponſurum, longè grauiorem mihi difficultatem mouiſſe in illis punctis obliquis. Sed norint me non inſcium feciſſe, vt hac difficultate ſublata, res extra omne dubium traheretur: ſin minus alicui ſatiſfeciſſe viderer: meum candorem agnoſceret, qui veritatis euincendæ ſtudio certans, quæ mihi aduerſantur diſſimulare noluerim. Nulla tamen difficultas eſt, vt ſæpius iam diximus, ſi ab iis quibus aſſueuit ſenſus, Intellectus ſeſe reducens, cogitet, inter iſta duo puncta obliqua quæ ſeſe non contingunt, eſſe quidem medium, ſed non rectum. Quanquam ſi illam punctorum obliquorum per collateralia continuatorum ſeriem Deus in re quapiam notaret, eamque diſcernendi cuiſpiam facultatem daret quam dicimus non rectam, ob minimam partium diſtantiā, rectiſſimam iudicaret,



caret. Designabo illam seriem docendi gratia, puncta media erunt obliqua, quæ hinc inde punctis collateralibus continuabuntur. ∴ ∴ ∴


Primum continuatur cum secundo in linea recta quæ deorsum tendit, secundum cum tertio in linea transuersa, tertium cum quarto in alia linea descendente, quartum cum quinto in alia linea transuersa, quintum cum sexto in alia linea descendente. Verum hæc omnia puncta etsi comparata cum iis quib. proximæ cohærent, sint in aliqua linea recta: Nihilominus quia eam lineam non continuant, sed identidem aliam incipiunt, omnia sunt obliqua. Primum enim, tertium, & quintum inuicem obliqua sunt: Quæ admodum secundum, quartum, & sextum, ut videre est. Quamuis hæc linea propter distantiam, molemque punctorum sit tortuosa, si tamen ex veris punctis linea designaretur in ea proportionem quæ eam figuram declarare intendimus, essetque qui cernere posset, ut diximus, rectissima videretur. Longè magis quam illæ lineæ quas à centro in circumferentiam ductas sensus rectas putat. Cum tamen identidem mutant suum iter, quippe quæ non continuè ab inuicem recedere vel ceco demonstrauimus,

Ergo quamuis dentur lineæ perfectè rectæ quales superius diximus, negamus à quolibet puncto ad quodlibet aliud tales lineas posse duci: sed quales proximè docuimus, quas si sensus videre posset, iudicaret rectissimas. Quarti quoque argumenti ex his patet facilis solutio. Sint enim, verbi causa, in quadrato lineæ per totum ductæ secundum longitudinem costarum, non plura erunt puncta in diametro quam in costa, sed puncta diametri



obliqua erunt, nec continuabuntur inuicem nisi totidem collateralibus. Sin vis, quadrati costas fieri, non ex lineis rectis, sed punctis obliquis, diameter erit in linea recta. Hæc sunt exempla.

Est tamen in hoc quod nobis plurimum obest; Dum enim per has lineas crassas



volumus lineæ illius obliquæ naturam repræsentare, Non possumus quin propter distantiam & molem partium, inter illa puncta obliqua, sit interstitium, ex quo mens concipit, ergo ab vno puncto obliquo ad proximum obliquum rectam esse realémque distantiam. Videt enim hoc & in nostro hoc typo, atque inde secundum proportionem de primis illis punctis putat esse sentiendum.

Nos verò huic errori præcautum volentes ostendimus, Intellectum in eo decipi, quod sensum sequens de simplicibus illis idem quod de compositis ferat iudicium. Quod nobis contingit in omnibus quæ sub sensum non cadunt, de quibus longè aliter quàm sint cogitamus. At de re præsentī docuimus, quomodo punctum obliquum non tangat, nec rectà possit propius ad punctum accedere cui ex obliquo opponitur, quoniam punctum illud quatuor duntaxat ex partibus tangitur, ad quarum aliquam, proximum est, vt migret, id quod obliquum est. Potest quidem hoc obliquum propius ad illud accedere, sed non rectà, Ratio est quia non est locus, neque



neque via. Non enim punctum tangitur nisi quatuor ex partibus.

## ARTIC. VI.

*Quo aliqua obiectiones ponuntur.*

**F**ortè quis petat. Num possit Deus ponere duas lineas in quo statu voluerit, quod si fecerit, Sequetur falsum esse id quod præcedenti Intentione demonstrauius; lineas anguli acuti non posse esse rectas, quippe quæ non continuè ab inuicem queant, recedere. Quidni enim possit Deus facere duas lineas rectas, easque in anguli acutissimi figuram componere? Cum autem sint rectæ continuè ab inuicem diducentur; atque hac ratione quod monstrauius esse impossibile, possibile conuincetur; simulque quod hac Intentione supposuimus, falsum esse apparebit. At profecto quod monstrauius, tam euidentes inuoluere contradictiones, nequaquam fuerit vlla ratione possibile. Quid ergo ad præsentem questionem? Dicimus quod est necessarium. Cum Mundus sit plenus, nec vllum detur vacuum, Deum nequidem punctum posse addere. Vbi enim id punctum poneret? Cum alio nempe. Ergo se penetrarent quod est impossibile. Sed demus tamen. Sanè si se penetrarent, iam essent vnum punctum; atque hac ratione Deus nihil addiderit. Verùm quæsieris an non ex iis punctis quæ sunt, possit tales lineas ita inuicem componere? Respondeo impossibile esse punctum poni, quin sit in recta linea, atque in ea dispositione quam natura constituit. Quod ita fiet luculentum. Si-



gnentur puncta ex quibus tales lineæ fiant. Quodlibet ex illis nequit moueri nisi vel antrosum vel retrorsum, vel dextrorsum vel sinistrorsum, vel sursum, vel deorsum. Moueatur motu minimo; eadē linea cuius pars erat, continuabit. Pergit eodem motu? ergo in eadem linea. Mutat motum tantillum? incidit in aliam lineam. Pergit in eo motu, eandem lineam rectam persequitur. Deflectitur? in aliam rectam. Atque hoc pacto quocunque ex vna sede deflectat, non potest moueri quin rectam lineam ingrediatur. At inquis, si ex duabus lineis quæ se contingūt vnius extremum ab altera reduceretur, ita vt alteris extremis distractæ alteris coirent in angulum acutum? Respondeo, lineam non posse moueri quin singula puncta moueantur, alia sapius, alia rariùs, prout magis vel minus distant à centro. Vbi autem semel mota fuerint non amplius vnā lineam rectam posse facere, sed lineam obliquam ex minutis lineis compositam, vt ostendimus. Donec ad eum situm peruenerint, vt continuent vnā lineam quæ secet mediam illam quam reliquerunt. Hoc est donec transuersam faciant lineam illi quam constituebant. Hæc quidem, vt videre est, pertinebant ad præcedentem Intentionem, verum quoniam prærequirebant cognitionem eorum quæ hac Intentione tractata sunt, hunc in locum commodè sunt reiecta.

## A R T I C. VII.

### *Epilogus.*

**N**ON ignorabam hæc valdè subtilia, & moniēta, quæque veluti spinæ Lectoris pungerent



rent patientiam, præsertim hoc tempore quo pauci sunt qui hisce subtilitatibus ingenium exercere curent. Idcirco licet magno sudore concepta, sed longè grauiori labore parta, an hæc in vulgus prodirent, potissimum quæ duabus vltimis Intentionibus agitata sunt, diutius incertus fui. Tandem vicit timorem non tam audacia, quàm necessitas, Quod putarem non satis idoneum Lectorem futurum illorum contemplationi, quæ nõ sine incredibili partium subtilitate natura mirabiliter operatur, nisi hac veluti cote mentis aciem magis etiam acueret. Alioquin semper crassius de illarum partium tenuitate cogitaturus: esto enim, in his occultissimis quæ rimaremur, nihil certi inueniremus, imò nihil in quo ingenium Lectoris quiesceret, saltem plurimum iuuaret videre, quomodo, communem Philosophorum Mathematicorumque opinionem secutis qui rotæ apsidem ne tantillum moueri posse putant, quin partes centro proximæ simul moueantur, fatendum esset, quicquid superius ex illa positione intulimus. Et quamuis non essent illa monstra quæ demonstrauiamus: attamen miræ acutus Naturæ speculator foret ille qui oculis mentis concipiat quæ in illa doctrina videnda exponuntur. quale hoc est: Si daretur rota quæ latissimum Cœli circulum æquaret, etsi testudineo gradu circumferentia moueretur, non posse puncti in centum millia partium diuisi partem vnicam transire, quin simul pars radij centro proxima moueatur. Cùmque radij lōgitudō partes potentia capiat infinitas, nullam ex iis esse



secundum quam spacium illud nulli creaturæ imaginabile, quod circumferentia transiit, non sit maius eo, quod interea radij pars infima emensa est. Hoc certum est in ea doctrina admitti. Neque hic sisti gradum. Sed illud spacium infimum, quod ab illo supremo minutissimo in infinitum superatur, posse quoque in infinitum esse minus. Quæ quidem inter alia multa quæ in illa doctrina veluti clavis trabalibus confixa sunt; siue vera sint, siue falsa, horresco referens. Attamen demus hæc illis; vera sint, ut volunt. Qui hæc intellecta concesserit; subtilissimum prorsus de Naturæ subtilitate conceptum habuerit. Quandoquidem nihil tam subtile possumus imaginari quod præ hac subtilitate non sit crassissimum. Subtilia quidem modo pro Veterum opinione dicebamus, verum quid sunt, si cum hac subtilitate comparantur? Ergo huius tractationem quæstionis summo perè utilem futuram rebar, si per eam, Lector utram partem sequeretur, in miram Naturæ subtilitatem contemplatione penetraret.

Et quidem principio proposueram nihil determinare, sed tantum difficultates quæ utramque partem premerent, exponere. Vbi tamen vidi argumentorum Aristotelis futilitatem, quippe quæ experientiam ipsam impugnent, ut visum est. Quæ verò aliunde producuntur, etsi maiorem habeant speciem veritatis, inniti fundamento, quod nostræ rationes, quibus opinor non posse responderi, falsissimum ostendissent, dum nempe à quouis puncto ad quodvis aliud, lineam rectam duci posse autumant: Ratio coegit me, ut Aristoteli hac quoque parte acerrimè repugnans illam  
Veteram



Veterem sententiam, quam arbitror verissimam, omni Marte & arte defenderem. Quod Deus mihi testiserit, me non studio contradicendi, sed veritatis elucidandæ desiderio præstitisse. Quippe mihi fuerit gratissimus quicumque, si fieri possit, argumenta quibus in hanc tractus sum sententiam non verbis, ut Sophiste, inuoluerit: sed veris rationibus ut Philosophum decet, diluerit. Alioquin, cum nunquam in animum potuerim inducere, quicquam diuidi posse in infinitum, argumenta insuper, quæ in vtraque intentione protulimus, talia sunt: ut non putem posse impediri, quamuis contrariam sententiam monstris, portētisque horrescere demonstrent. Aduersæ verò rationes adeo clarè dilutæ sunt, ut nihil super sit difficultatis præterquam sensui qui cum crassioribus assueuerit tam subtilia non percipit, quem propterea de rebus sibi ignotis consulere incautū sit. Expecto quæ obiiciantur conabor soluere: sin minus valebo doctrinæ ero patientissimus. Quippe noui hic de minimis disputari in quibus facile hærescat intellectus.

## ARTIC. VIII.

*An puncta actu dentur.*

**Q**Voniam huc vsque audaciores fuimus, audebimus vltèrius quærere, An detur actuale indiuiduum secundum omnem dimensionem quale indiuiduum punctum nominant. Diximus Platonem & Democritum prima principia rerū constituisse atoma, non tamen secundum omnem



dimensionem, sed Platonem existimasse illas atomos esse superficies, id est latitudines profunditate carentes, Democritum verò his etiam profunditè addidisse, ita ut esset corpora quidè, sed quæ præ tenuitate non vlteriùs diuiderentur. Nos agnouimus eiusmodi siue superficies cum Platone, siue corpuscula cum Democrito, de quo determinare non est tutum. Diximùsque diuersas illas vel superficies, vel corpuscula pro diuersa ipsorum formatione, esse materiã, alia quidem ignis, alia aëris, alia aquæ, alia terræ: nempe quod alia aliis elementis componendis magis conueniant. Arque hoc pacto Democritum, & Platonem cum Empedocle conciliauimus.

De his autem particulis ita statuendum putamus, ut minutius concidi vi naturali non possint, ut rectè Democritus. Quicquid in contrariū Aristoteles. Componi tamen ex punctis, quæ, ut de grandiorum corporū partibus in motu circulari, nostra conuicerunt argumèta; ordine debito moueantur. Quæ enim rationes demonstrabant corpora non ferri, obliquè nisi successiuo motu partium, eadem de hisce corpusculis minutissimis idè euincere videtur. Cōsentaneū tamè est rationi, ut ignis minimus secūdū minutiores partes quàm aer, aer quàm aqua, aqua quàm terra motū suum diuidat.

Quicquid sit hac de re cum dicimus horū corpusculorum, in motu obliquo, particulas quasdam prius moueri. deinde alias & alias quasque secūdū ordinem sibi debitum; non intelligimus posse has particulas necessariam cum toto coniunctionem relinquere, sed tantum per motum minimū à situ priori recedere, què tamè motū successu recuperent,



rent, dum partes à quibus tantillum recesserant, rursus se illis in eadem proportionem coniungunt.

Verū quid aliud in his, quàm rursus nugas agimus? Saltem nugæ nostræ non erunt magnæ, quæ de rebus minimis. Itaque liceat nobis in his minimis minimum nugari. Quærebatamus an puncta actu darentur. Probabili ratione respondemus, spiritū illū quē omnia subeuntē cum ignis materia ignem: cum aeris aerem, cum aquæ aquam; cū terræ terram componere, Stoicorum sententiæ conformes, rationes inuictæ compererunt, in puncta usque actu esse diuiduum. Quo scilicet, ne detur vacuum, in minimas etiam distantias sese insinuet. Hinc non mirum esse si corpora etiam densissima huius spiritus non parum habeant à quo deorsum ferantur. Hæc sunt quæ de his duabus Intentionibus raptim conscripta hunc in locum inieciuius, eatenus incerti an talia luce dignaremur, quæ fortè meliori ordine atque charactere digesta fuissent, si sortis humanæ incertitudo, nostros labores diutius latere tuto permisissent.



## INTENTIO.

De fluxu aquæ.

ARTIC. I.

**N**On extra ordinem fuerit si hoc loco de fluxu aquæ egerimus, cuius naturam, vel quomodo fiat, an quisquam adhuc declararit nulla opinor volumina indicant. Audemus etiam hic aliquid quod nobis quoque condonari postulamus. Ad huius igitur rei notitiam, ni fallor,



nos ducet gressus serpētū, vermiumq; observatio qui pluribus plexibus vicissim in altum arcuatis progrediuntur. Quin videmus vermiculostennes qui ex caseo generantur in sinum & quasi arcum plicatos, veluti aculatione longius proflire. Motus huius causam, vimque flexus eiusmodi planam faciunt fictitij illi serpentes qui ex filo æneo, vel ferro in gyros convoluto fabricati, contractione facta in veri serpentis modum plicas faciunt, quibus solutis extenduntur veluti gradientes. Etenim quod in arcu experimur, si extrema per incurvationem ad invicē accedant; impetu vehementiori resilire. Quippe pars eius interior magis quam sua ferat natura, contracta, partium relaxationem petit: id ipsum in illis cūm fictis, tum veris serpentibus, vermibusque censendum est; ut per eiusmodi sinuationem parte posteriore ad anteriorem appropinquante, interior illius sinus facies magis contracta, vi maiore pellat, ac protendat partem anteriorem, ut ipsa relaxetur.

Qui hæc animo conceperit, facile ad fluxus aquæ naturam perueniet. Quemadmodum cernis in serpente partibus imparibus quales sunt prima, tertia, & quinta se contrahentibus in arcum, pares quæ sunt secunda, quarta, sexta sese producere, vicissimque his sese arcuentibus illas antrorsum se explicare; idque fieri continuè vicibus alternis eodem pacto, considerentur in aqua docēdi gratia partes pares & impares quæ alternæ comprimantur, vicissimque extendantur: ita ut impares sese diducentes pellant alias, easque antrorsum comprimant, vicissimque pares sese in anteriora laxantes cogant impares in angustum; atq; alter;



nis vicibus harum contractio locum cedat illarum dilatationi. Contractio verò fit hoc modo: Partis contrahendæ tergum sese recipit versus frontem immotam: Dilatatio verò seu relaxatio, ita vt tergo immoto, frons anteriùs procedat, locumque partis cedentis accipiat.

Porro arcus curuatio, & vermium, serpentumque gressus sinuosi satis demonstrant, quantum virium habeat partis vnius condensatio, seu contractio ad præcedentem impellendam. Vt per ea cernere liceat, quomodo aquæ partes alternatim contractæ pellant præcedentes, inque locum earum sese insinuent. Haud secus atque serpentis plica dum se explicat præcedentem partem quæ per terram repebat, propellens in locum eius subit, præcedens verò se contrahens antrorsum sinum nouum facit. Et quamuis in aquæ fluxu lento, hi motus diuersi partium non sint manifesti, cum tamen fluxus est rapidior, adeo sunt conspicui, vt vndæ alternatim sese arcuantes, tum in rectum sese soluentes serpentis formam referant. Atque tunc accidit, vt, quod in arcu valde curuato cernimus, impetu scilicet maiori se relaxare, ita partes illæ aquarum magis compressæ validiori pulsu præcedentes submoueant, hocque pacto fluxus euadat velocior.

Porro spiritus ille qui è partibus compressis exprimitur, vicissim eas repetens ipsarum efficit protensionem. Quod de aqua, idem de ignis fluxu seruata proportionem capiendum.





# DE ACTIONE

## ET QUATVOR

### PRIMIS QUALI-

### TATIBVS.

## LIBER.




RAECEDENTI libro egimus de  
 illo motu quem localem esse nemo  
 negat, praesenti statuimus osten-  
 dere quam sit verum quod superius  
 affirmauimus ex Veterum discipli-  
 na; solo motu locali particularum, ex quibus res  
 quæque sit, omnes mutationes fieri, quas diuersis-  
 simas res quælibet patitur. Id autem sufficienter  
 fuerit declaratum, si calorem, frigus, humiditatem,  
 siccitatem, quas primas qualitates vocant, ex tali  
 motu prouenire probauerimus. Nam de aliis  
 qualitatibus quæ ex his oriuntur, non difficile fue-  
 rit idem concipere. Adde quod hæc doctrina  
 non parum luminis allatura est iis quæ de meteo-  
 ris de Cœlis astris, eorūque affectibus, & effe-  
 ctibus ordine tradituri sumus. Vt propterea non  
 immeritò hunc locum obtineat. Caterum quod à  
 principio



principio multa de his qualitatibus egerimus, coegit nos materiæ Veterum probatio, quam facere, nisi per has qualitates, nequibamus. Iam tum ex Platone ostendimus calorem nihil aliud esse, quàm passionem quæ ex punctione, ac diuisione per ignis aculeos facta, consequitur: Hoc apertius est faciendum, idémque de cæteris qualitatibus agendum: vt quas potentias seu facultates quasdam rerum naturis additas opinantur, eas nihil aliud esse demonstremus, quàm elementorū vel actiones, vel ex eorū actione passionés, vel vtrumque. Quæ quidem actiones & passionés fiant, per particularum elementarium localem motionē. Hanc dictum est, cieri ab illo vniuersali spiritu, qui, vel vt causa principalis, vel potius naturæ illius summæ, Dei scilicet, principale instrumentum cuncta moueat, prout cuiusque fert aptitudo. Ergo si, vt huius vnus spiritus impulsione sufficere ostendimus ad rerum omnium motiones, ita Veteris Philosophiæ Patroni probemus, has particularum elementarium diuersas pro cuiusque aptitudine motionē locales, efficere illas passionés, quæ calor, frigus, humiditas, siccitas nuncupantur. Sanè iudicis æqui fuerit, verique Philosophi consentire, ne quod natura vnico motu potest præstare, id pluribus exequatur. Cū frustra sit tot entia sine necessitate multiplicare, rerūque naturis tot facultates, aut potius actus, sed secundarios & tertiarios veluti nouas naturas adiicere, quæ infinitæ prope modum quotidie nascantur, & intereant. Vigeat illud Aristoteli tam celebratum, naturam nihil agere frustra, & frustra fieri per plura quod per



pauciora fieri potest. Ergo in his mutationibus quibus res incalescunt, frigescent, humectantur, exsiccantur, nihil de nouo generari; sed has omnes vicissitudines diuersa partium extrinsecus adiutarum actione, vel etiam passione fieri; quæ quidam actio, ac passio sit earum localis contentio; ut planum; apertumque faciamus: Primo quædam de actione, cuius, & in quod sit, præmittemus. Secundo de elementorum contrarietate paucis inquiremus, Tertio ipsarum qualitatum naturam inuestigabimus.



## INTENTIO I.

Quorum in quænam sit actio.

### ARTIC. I.

**A**Ristoteles libro primo de generat. text. 48. dicit, si simile ageret in omnino simile, tunc idem in seipsum ageret, quod deducit tanquam impossibile? idque Democriti impugnans sententiam. Sequelam non expendimus. De huius consequentis absurditate quam putat Aristoteles, fruatur Democritus Toleti iudicio, Is ibidē quæstio. 13. Fateor, inquit, hoc vnum, & meā proferam ignorantiam, quod non video, quare hoc non possit fieri: nam si- cut intellectio actio quædam est, quæ procedit ab eo quod est actu, & recipitur in eo quod est potentia, & tamen vnū & idem se intelligit, ut patet in angulis, quare vnum etiam



*& idem secundum totum non se mouebit in corporibus. nihil enim prohibet, quod simul sit actu & potentia secundum motum localem: nam ut moueat debet esse actu, id est existere ut moueatur debet esse potentia, id est capax motus: simul ergo potest vnum existere & esse ens actu, & esse motus capax: Recipiamus igitur, nihil seipsum mouere secundum totum tanquam probabilissimum propter sententiam Aristotelis, & aliorum omnium, sed non ut demonstratum. &c. Potius fert animus Toleti rationem recipere quæ rationibus Aristotelis aliorumque nervos præcidit.*

*Sed cum forma quam dicunt principium motus & quietis mouet materiam, nonne & illa mouet seipsam? vel moueturne materia sine motu forma? à quo verò illa mouetur nisi à seipsa?*

## ARTIC. II.

*An simile agat in simile.*

**H**anc Democriti sententiam, quam impugnât Aristoteles, verissimam demonstrant multa quæ libro secundo de materia docuimus; ubi quam multis modis res actu fieret calida aperuimus. Ibi namque similitum à similibus attractione facillimam fieri compositorum solutionem, olei, pinguiumque omnium in vrendo vehementia comprobauit. Et alia multa quæ illic videre est ad hunc quidem locum pertinentia; verum ad probandam Veterum de multiplici materia prima sententiam, non sine ratione præposita. Quorum si meminerit Lector videbit quàm iure Democritus senserit simile agere in simile. Quippe norat ille Secretorum Naturæ experientissimus etiam venenorum, & deleteriorum fere om-



venium vim potissimam in eo consistere. Quod dum similia similibus vi nimia trahuntur, fiat subita partium subiecti solutio; unde & recte Scaliger Gallinæ carnes vocavit auri venenum: Quod, ex Plinij sententia, in aurum liquefactum injectæ aurum dissoluunt. Plura quæ ibi sunt dicta, repetantur.

Quin eadem venena quam vim habent in corporibus dissoluendis, eandem feliciter exercent in aliis venenis attrahendis, ita ut debite adhibita summa sint alexipharmaca. Sic nempe bufones arefacti, ac regioni cordis applicati venenum omne exhauriunt. Sic ex bufone prælargo fit unguentum admirandæ virtutis &c. Quid dicam de illo pulvere ex lumbricis confecto qui lumbricos per miraculum enecat? Nimirum hoc pulvere haud secus ac calce aquam, humidum lumbricorum quo destitutus est, attrahente. Quid de scorpione, qui parti quam punxerit illitus venenum attractione sanat quod immisit? Caput serpentis amputatum appositumque vulneri quod inflixit morsus eius, venenum similiter prolicit. Sed quid de pulvere qui ex eo fit dicendum sit, quo assumpto nullum certius est aduersus venena remedium. Attractione veneni, an expulsionem id facere putandum est? De hoc determinabimus, si prius quæsierimus.

### ARTIC. III.

*Quot modis aliquid in aliud agere censeatur.*

**D**iximus spiritum illum vniuersalem elementis coniunctum duplicem illis appetitum impertiri, similis scilicet coniunctionem & spacium,



cium, locumque suæ naturæ debitum. Primus ille appetitus duos motus excitat, vnum primum quo scilicet simile attrahit sibi simile, vel fortè potius ad simile se recipit; neque enim vi fit talis attractio, sed amore: alterum secundarium quo scilicet dum simile appetit similis connexionem, conatur eiicere quicquid alienum ingestum huic obest appetitui. Atque hanc ob causam aer, aqua, ignis, quodque in sua sphaera, quicquid diuersæ naturæ est, nititur ex sese euomere: hinc & mare, & flumina sordes omnes in ripas abiiciunt: & aer, præter minutissima corpuscula, nihil extraneum sustinet. Et pars quævis corporis quicquid sibi extrarium est, conatur expellere. Secundo illo appetitu dum elementum non modo in suam sphaeram tendit, sed spacium certum requirit; vt illud obtineat non modo certat in diuersum, vt id à se repellat, veluti cum ignis accensus aerem submouet, cuius locum subit; sed partes similes à similaribus mouentur, dum spacium æquale habere, æqualiterque inuicem cohærere volunt. Sic ergo aer à vaporibus, & halitibus compressis cominotus mouet aerem, & vnda vndam. Datur quoque alius motus ob vacui fugam.

Et qui in magnis corporibus motus sentiuntur, in minutis quoque particulis intelligendi sunt. Sic nempe in tenui particula compolita calidum intimum ab extimo ingrediente adiutum conatur se expedire, ac propterea in humidum circdans luctatur; Quod vicissim dum refugit dissolutionem, renititur, ac simile attrahit in subsidium: vt supra dicebamus.



Cæterum quod Aristoteles imaginatur qualitates contrarias in eadem parte quæ mutua pugna aliæ alias expugnare contendant, febricitantis somnio simillimum ostendimus, circa finem libri primi, de materia; vbi videre est monstra quæ ex hac assertione prodeunt. Quod etiam contrarium cum contrario certare aiunt, vt illud in suam naturam conuertat, hæctenus quam vanum sit tot demonstrationibus euictum est, vt vanum esset id repetere. Soluit ignis ignem qui est in ligno, non creat de nouo. Et in aqua calida sentis ignem non in aqua genitum sed in eam ingressum; vt ibidem monstratum est. Si certat in aquam, id facit ob loci angustias; Inde, pressus vi maiori contendit, de loco scilicet, ac spacio sufficienti duellans. Quam ob causam in quoduis frigidum agit, Tum etiam vt ignem in illo vinctum expediat.

Porrò hos motus esse locales nemo non videt, quod tamen clarius quoque fiet dicendis.

#### A R T I C. I V.

*De puluere qui fit ex serpente & de vipera.*

**I**Am non fuerit intempestium, ex hac nostra positione quam vniuersa Natura facit luculentissimam, causam scrutari, cur prædictus puluis serpentis contra venena tantam virtutem possideat. Neque enim id fieri putandum est per attractionem, vt in illis quæ articulo secundo retulimus: quasi venenum à veneno prolektetur: Quando constat carnes huius serpentis, & viperæ, execto capite & cauda, esse saluberrimas, prorsusque veneni expertes: cuius quoque si causam sciuerimus, petiti rationem haud obscuram habebimus.

Norunt



Norunt veri Philosophi quid sit balsamum illud Naturale quo Terra omnium Parens imprægnata est; in quo quidem balsamo magnum est secretum. Huius præ omnibus vipera, & coluber tantum participant ut vi eius omnia noxia pellente, exuias quotannis deponant, nouaque pelle induti veluti renascantur, aut certè iuuenescant; quod nulli alteri animali concessum est.

Porrò serpentis frigiditas est manifesta quæ, ut de adipis, auri, cæterorumq; mineralium creatione diximus; spiritus tenuissimos erumpentes coercet sub cutem, ubi nouam cōstruunt: adeo ut facile vetus exuatur, quæ quoniam ex eiusmodi spiritibus etiam ex parte contexta est, sic deposita non paruam virtutem retinet.

Iam ut causam cur venenum habeat serpens indipiscamur, ea duplex est. Pluribus enim rebus preciosissimis excrementum lethale cognatum est, quod & serpenti conuenit. hæc est prima. Et quæ sunt optima talia non euadunt sine exquisita purgatione. hæc est secunda. Sed expositione hoc postremum indiget. Vnde inquam hæc accurata noxiorum expulsio tale venenum procreat? videtur potius contrarium. En. Pellis igitur frigiditate & natura talem excretionem repellente, dum omnis illa colluies amandatur antrorsum, quâ pori, ac viæ magis patent, fit quod in alio quouis animali contingeret. Quid? finge, quæ in homine sunt noxia, quæque per totum corpus dispersa sunt, ac per cutem, reliquosque meatus exeunt, in vnum locum coire, ibique diutius paulatim concoqui. Quid futurum speras, ubi maligni illi spiritus in vnum congregati, lentoque calore adiuti maio-



ra impedimenta per concoctionem exegerint? Si humores excrementitij dum egeri nequeunt, putrescentes facessunt in virus; Quid hic noxiorum omnium ex omnibus partibus in vnum confluxus? Ergo iam habes quomodo, quæ in serpente maligna per totum corpus disgregata, atque inde liberè per cutem quaquauersum exeuntia nullum sui sensum præbuisent; dum in os veluti in sentinam collecta, non aliam quàm per dentes viam moliuntur; veneni vim ibi acquirant. Qui enim maligni vapores per cutem expirare nequeunt, dum laxiores, qui in anteriora ducunt, poros sequuntur, extremo dentium, maxillarum, aliorumque ossium veluti septo cohibiti quiescunt, donec ira æstuante exciti per dentes exeunt; quod à serpente morfi experiuntur. Ceterum quàm facile vis eorum ab ambiente frigore sopiatur, testatur eorum, extincto serpente, extinctio. Vnde Galenus testis est vinum in quo vipera mortua sit, præsentissimum aduersus lepram esse remedium, nedum venenum.

His expositis adhuc anceps sum; an quemadmodum sal illud seu balsamum Naturæ è colubro venenum omne per dentes expellit, ita assumptum in corpus humanum, ac per membra diffusum veneni sit impatiens quod propterea citius expugnet. An verò quemadmodum de bufone, scorpione, capite etiam ipsius colubri applicato diximus, hic pulvis humidum quo destitutus est congruum reuocans, hoc venenum alliciat, cum quo discedat è corpore. At si hoc sit, nulla videtur ratio, cur totus coluber perpetuo veneno non madeat. Si enim grauissima venena sublimati, arsenici, & napelli velut amica, ac familiaria



hic pulvis proleat: Quidni, cum erat in serpente, venenum retinebat vt amicum? Vel quid illud est quod in serpente viuo venenum excernebat? Est spiritus quidam igneus sed frigido ritè temperatus quem naturæ balsamum vocauimus. Qui quidem spiritus ita compactus principium motus est in re quauis animata, possum dicere calorem natium cum humido coniunctum. Superius declarauimus, vt pugna sit inter hoc calidum & humidum. Quandiu calido exitum moliente, ac propterea humidum dissipante, illud contra humidum aduentitium atque auxiliare accersit, sibi que copulat. Quod si non debita fuerit, inter hæc contraria, proportio; sed calidum plus dissipet, aut contrà humidum plus attrahat quam debeat; ita vt vel nimia ignis violentia humidum citius absumatur; ac proinde euadente calido res extinguatur; vel exaduersum humido nimium exuberante calidum stranguletur: tale compositum ex igneo & humido non vocatur balsamum: sed illud in quo alterum contrariorum altero legitimè temperatur.

Talis igitur est in serpente horum contrariorum proportio, vt cum valde sit frigidus, eius calidum non expellat, nisi quod noxium est, idque perdentes, vt diximus. Mortuo verò colubro igneum illud extinguatur; iamque humidum liberius sit, vt humidum aliud proleat. Atque hæc causa est, cur exectum caput serpentis, emisso sanguine in quo potissimum calor vigeat; spiritibusque illis feruidioribus solutis, si applicetur; humidum quod superest, in eius quod effluxit supplementum venenum ex parte vulnerata proliciat. Simili ratione pinguedo



serpentis illita venenum attrahit. Longè verò maiore, si serpente arefacto atque in puluerem reducto humidum super sit paucissimum, quippe venenum quod est propè similis naturæ longe potentius attrahet, haud secus atque terra arida auidius humorem allicit quàm humida.

Ergo meo quidem iudicio fallitur Quercetanus, cum in sua pharmacopœa restituta hanc talis pulueris efficaciam attribuit balsamò naturali. Si enim tanta inesset in eo puluere balsami naturalis virtus, vires prostratas summum in modum restauraret, quod minimè facit, cum eius vis in venenis proliciendis consistat. Extincto, vt diximus, illo spiritu igneo qui è serpente venenum abigebat, id tam facilè se recipit ad carnes serpentis, quàm sudor, vbi spiritu exhalato refrixit, in corpus reuertitur, vnde calidum illud ipsum auererat. Tantò verò promptiùs se recipit, quantò magis ab humido relictò in consortium appetitur. Demum tale humidum relictum in serpente tanto auidiùs simile attrahit, quanto ipsum paucius est, vt videre est in omnibus siccissimis, in quibus modicum humidi quod superest humores potenter ad se rapit. Atque hæc est ratio cur puluis eiusmodi venenum potentissimè proli-  
ciat. Verùm quæras merito, si humidum serpentis attrahit venenum vt simile. Quidni ipsum est venenosum?

#### ARTIC. V.

*In quonam sita sit veneni natura.*

**V**enenum, vt alia, constat ex contrariis, sed in veneno potentissimis. Quæadmodum in succo papaueris



papaueris ostendimus, aliisque pluribus quæ referre longum esset. Si veneni parte sulphurea igneum rei solvente, eiusdem pars frigida frigido rei iungatur, fit breui tempore totius caloris relictæ extinctio aut suffocatio. Vt de papaueris succo diximus. Sin veneni calido agente, humidum ambiens pertinacius sit, ut non cedat; sed ad se rei humidum asciscat, soluitur partis animalis geminus calor, humido abscedente. Hic verò calor liberiùs grassans veneni calido vires auget, contra quas humidum, ut se sustineat pergit auidius corporis humidum ad sese pertrahere. Cuius quanto promptior est cessio, tanto effusior est calidi soluti vis, quæ ferocienti veneni sulphuri pabulum aggregatur: atque hunc in modum, venenum, de pasto corpore, per omnes partes propagatur. Ergo magnum discrimen est inter hoc & primum: in illo namque calidi humidique facile est diuortium, ita ut sulphureum veneni solutum, corporis quod inuadit calidum soluat; humidum verò veneni, corporis humido facile coeat. At in hoc veneno, humidum est tenacius, adeo ut, quamuis vrgenti calido non cedat; sed corporis humidum in societatem alliciat. Itaque primi illius veneni calido partem aliquam calidi animalis solvente, reliquus calor à prævalente humido frigidoque suffocatur; idque sine magna contrariorum colluctatione: In hoc verò dira contrariorum pugna crescit diutius; dum quò magis vrget sulphur veneni; eò magis instat eius humidum, animalis partes humidas sibi adiungere.

Est tamen hæc inter vtrumque conuenientia, quod vtrumque ex partibus constet contrariis,



quarum actio contraria hanc inferat corpori perniciem. Solue hæc contraria, iam nullum nisi in magna copia corpori afferent incommodum: quin si parua in quantitate, maximè verò aliis immixta sumantur, leuamen non exiguum corpori sint allatura. Sic nempe modicum olei vitrioli vel sulphuris, aliorumve quæ prudens præterea; licet summè calidum, in plurimis corporis humani morbis desperatis præsentissimum est remedium. Sic eorum vna aut altera gutta febres ardentissimas, vel pertinacissimas soluit, non sine miraculo. Quamuis hoc oleum in maiori copia sumptum notabile corpori detrimentum afferret, vel etiam vniuersale illius incendium excitaret. Sicut videmus moderatum calorem ignis admoti ambustis conferre qui nimis augeret ambustionem. Debitus namque calor soluit ignem, qui alioquin in parte ambusta sæuaret impeditus: Sic olei talis sulphur efficacissimum in corpore calori erratico viam aperit, qua facilem nactus exitum cessat in corpore tumultuare: Copiosius tamen corporis succum depasceret.

Huius dogmatis inter alia stybium nobis fidem fecit, quod quidem syncerum est violentissimum. Imperiti quoniam id combustionem vident lenius, existimant eius malignitatem in partibus quæ euaporantur latere. At contra ex stybio crudo ac syncero elicitur aqua quæ sola ac pura longè melior est quàm quisquam putet inexpertus, imò caret illa malignitate quæ remanet in illò stybio ex quo protracta est. Ex quo rursus alias prolicias partes expertes malitiæ; tandèmq; quod superabit, vitio carebit. Itaque illius massæ cuius pauca  
grana



grana ingentem corporis concussionem mouebant, nullam partem extrahas quę ritè sumptam agnum corpori non afferat leuamen. In quo igitur veneni illius natura consistebat ? nimirum in tali partium proportionem. Sic nempe, vt familiaribus vtamur, plurima seorsum optima sunt, ac palato gratissima, quę si confundantur, euadant molestissima.

Ergo vt ad propositam quęstionem reflectamus orationem. Quærebat cur carnes serpentis quę venenum vt simile proliciant, non sint venenatę: Respondeo humidum eiusmodi carniū simile esse humido veneni, ac idcirco ipsum ad sese alligere, calidum verò quod in illis carnibus restat veneni sulphuri nequaquam consentire. Idcirco minime mirum, carnes illas non esse venenatas in quibus non sit calidi humidique proportio qualis ad venenum requiritur. Quin repugnat nihil, dum carniū eiusmodi in corpus ingestarum humidum facit humidi venenosi attractionem; aliquas partes calidas ex veneno ad corporis calidū transire, cumque illo fœdus pacisci ad noxiorum expulsionem. Quod quidem de calido huius alexipharmaci non obscurum est, vt ab humido proprio relictum cum animalis calido ineat societatem, ac quicquid nocet, euacuet.

#### ARTIC. VI.

*Quo causa differentia venenorum, medicamentorum  
& alimentorum ponitur.*

**E**Rgo quicquid symphoniam illam partium contrariarum soluit, siue calidum liberando, siue humidum attrahendo, siue frigidita-



te humida frigori humido animantis pondus nimium addendo quo nimirum calidum geminum suffocetur; id venenum est. Contra, quicquid iungit se partibus corporis ita tamen ut calidum non suffocet vel multum infirmet, id alimentum est. Medij generis sunt medicamenta purgantia. Quorum contritorum, atque à calore nativo adiutorum pars iungit sese corpori, facultatēque expultricem iuvat, pars verò contraria attrahit ad se humores noxios ob naturæ similitudinem. Neque enim quisquam rectè senserit bilē expelli à Scammoneo tanquam à contrario, cum utrumque sit impense calidum, sed potiùs particularum per corpus diffusarum desiderio allectam, atque ultro illuc unde veniunt tendentem, cedentēque à facultate expultrice valentiùs etiam deturbari.

Quædam sunt quæ virtute quadam diuina bilis igneam partem solvunt sine euacuatione, ita ut quod superest sit innoxium ob rationes de quibus alibi. Quædam verò iungunt se pravis humoribus eosque augent. Sed de his fusiùs Medici. Satis sit ostendisse quomodo & contrarium à contrario expellatur ob prædictas rationes, quod in facultate expultrice videre est, quæ quicquid alienum est excutit, & simile à simili attrahi, quod in venenis, medicamentis, atque antipharmacis est conspicuum. Quæ restaurantia vocantur iungunt sese corpori ut alimenta, verum quoniam plus illius balsami naturalis participant, magis illud corroborant.

Cæterum attractionem fieri dicimus cum utraque simili coniungi appetente infirmius accedit ad fortius: quod quidem fit in nutritione, & in veneno-



nenorum operatione. At in medicamentis purgantibus & antipharmacis humidum attrahens & attractum utpote infirma, facto à calido quod ambiunt diuortio inuicem coeunt, ut sic facile depellantur, ut dictum est. Antidoti nempe, & medicamenti humidum ab interno calido iam vim passum, magis vrgetur, cum in corpus animalis, eiusmodi pharmacis assumptis, calidum à corporis calido vim magnam accipit. Item toxici & humoris maligni humidum pari ratione ab intestino igne infestatur: Ergo hæc humida ubi se contigerint, ut sese complectantur, faciunt hinc inde partium deductionem hiatumque per quem igni, ac sulfuri incluso paret exitus. Quemadmodum de calce ad aquæ infusionem incallescere dicebamus. Inde enim multa sunt hunc in locum transferenda. Id ferè oculis percipitur in coagulo quod ubi in lac injectum est, eius humido cum casei humido coeunte, utriusque spiritus soluitur, actum liquido hocce secedente, quod crassius est in vnum cogitur ex quo fit caseus. Sed iam longius excurrit disputatio plura complectens quàm hic locus postulasset: Quæ tamen satius est huc ingesta esse, quàm si omnia euentus incertus in locum commodiorem reiici non permetteret.





## INTENTIO II.

De natura contrariorum.

### ARTIC. I.

*Quo Peripateticorum sententia examinatur.*

**H**Æc intentio potius erit admonitionis quàm disputationis. Siquidem tam multa hæcenus de contrariis acta sunt, ut nauseam iam faciat contrariorum nomen. Abunde primis duobus libris actum est & monstratum, quomodo in eodem subiecto substantia contraria contrariæ coniungatur: potissimum circa calcem libri primi huius operis Aristotelicæ disciplinæ hac de re absurditates excussæ sunt. Quid dicam? ubique fere id factum est. Miratus etiam sum alicubi hanc contrariorum inimicitiam; ut hostilem in modum inuicem pugnantia mutuis vulneribus concidant. Quod tamen minùs mirum est ipsis qui rem eandem sui interitum procurare, & quasi manus violentas sibi inferre autumant, qua de re fere principio huius operis. Quomodo unitatis vinculum res tam inimicas posset connectere meritò quærebatamus libro de Natura; Quomodo inquam hoc vniuersum ex rebus tam capitali odio dissidentibus posset conflari, vel conflatum consistere. Et cum vnum hunc mundum agnoscant, ut in quo hæc unitatis ratio consistat, nequeunt ostendere; sic quomodo inter res tam inimicas posset seruari nequebant



bam concipere. Quæ tamen vnitas adeo stricta est, ac necessaria, vt omnia potius confundantur, quam vacuum res ipsæ inter se patiantur. Quin aer quem suis qualitatibus, ac virtutibus prorsus terræ contrarium rentur, in terræ ipsius gremio perpetuo hospitatur.

Vnde igitur hoc capitale odium cognoscunt? diuinant nimirum ex proportione quæ est inter terram & aerem, eadem quæ inter aquam & ignem. Atqui, inquiunt, manifesta est ignis & aquæ inimicitia. Ergo similis est inter aerem & terram. Vehementes prorsus rationes quæ nos mentis inopes reddant, & responsionis. Quid ad hæc? Merito forte quis negarit eandem esse rationem inter terram & aerem, quæ inter aquam & ignem; quandoquidem terra non agit. Sed tamen esto eadem proportio. Ea quam ponunt inter ignem & aquam inimicitia non vsquequaque certa est.

Ignis, inquiunt, absument aquam; Aqua verò ignem extinguit. Primum falsum, alterum nihil infert. Falsum Inquam est, ignem aquam absumere quam sursum secum raptam vbi aufugiens deserit, eadem rursus pristinam formam resumens recidit. Aqua ignem extinguit. Quid inde? Ventus quantumuis calidus & siccus flammam extinguit; ergone contrarius? Fumus calidus & siccus candelam extinguit; ergone contrarius? Flamma vastior flammulam extinguit; flammæne flammæ contraria? Eadem igitur ratione aqua extinguit ignem, qua ventus, qua fumus, qua flamma flammam. Sed hoc planius faciamus.

Ignis intimus solutus beneficio extimi ignis qui poros ligni dilatauit è torre erumpit. Aqua



iniec̃ta subit poros illos, viamque intercludit. Qui iam solutus erat ignis aquam secum auferens abit in fumos seu vapores. Reliquus obstrueto meatu sistit, quibus antè vinculis tenebatur subiectus. Quid in eo inimicitie? Odi hoc argumentum, quod aqua ignem complectatur? quod ignis eo veluti indumento vestitus hanc quasi prædam ferens aufugiat? Sed flamma extinguitur. A quo? Non magis ab aqua quàm ab aere, qui cum ægrè ferat sui diuisionem, in flammam enixè luctatur, ita vt, ni continuè recens è ligno flamma succedat, quæ exiit statim ab aere comprimatur, atque condensetur. Neque flammæ extinctio aliud est quàm eius condensatio, vt sæpius iam dictum est. Et quamuis ab aqua extinctam dicas, non magis illi aqua fuerit contraria quàm ventus calidus & siccus, quàm fumus, quàm flamma flammula candelæ contrariatur. Sic igitur ordo causarum seruatur in illa extinctione. Aqua torris accensi poros subiens impedit ne noua flamma succedat: nulla succedente quæ exierat ab aere subito comprimitur. Qui per poros solutus erat ignis in aquam sese induens, eam per fumos, vaporésque tollens abit. Mirum si qui nondum solutus erat ignis remanet vinctus, cum nihil sit à quo soluatur? Ostensum est superiùs quomodo ignis, vt accendatur, amplissimum requirat spatium. Atque hinc est quod fumus, quod aer vento commotus, quod flamma denique ipsa maior de spatio maiore contendens flammulam lucernæ extinguat, dum eam comprimit. Eodem planè modo ignis in torre ab aqua extinguitur, dum eius spatio ab aqua occupato, ignis cogitur in angustam. Atque hoc solum est inter  
aerem



aërem & aquam, discrimen; quod aër cum sit rarior, non tam facile ignem coarceat; aqua utpote densior longè citius.

## ARTIC. II.

*Quomodo reuera elementa sint alia aliis contraria.*

**Z** Abarella cap. 1. libri de reactione ita præfatur. Reactionem in corporibus naturalibus satis manifeste posuit Aristotel. tum in 3. physic. contex. 8. & 16. dum dixit omne mouens Physicè in mouendo moueri, tum in primo de ortu & interitu 53. dicens omnia quæ conueniunt in materia, agere & pati inuicem; sed in modo declarando tanta videtur inesse difficultas, ut plarimi sententiam Aristotelis tueri non valentes, ad varios sensus eosque ab Aristot. alienissimos illam trahere, & extorquere coacti sint: ob id licet multas hac de re disputationes aliorum habeamus, præsertim verò librum doctissimum Petri Pomponatij, cuius quidem viri iudicium ego semper plurimi feci, adhuc tamen non videtur sublata esse hac de re omnis difficultas, idq; me mouit, ut de ea breuiter aliqua scriberem, & illa quæ philosophando excogitare potui, ad commune studiosorum vtilitatem in medium proferrem. Deinde paucis interiectis dicit reactionem esse retributam quandam mutationem, qua id quod patitur, renitur aduersus agens, & illud commutat, dum ab illo mutatur, adeo ut & agens pati, & patiens agere modo aliquo dicatur. Quæ de eare scripsit etsi breuitati studens Lectorem patientem volunt. Quæ tamè omnia de lana caprina, & de re quæ non est, sunt instituta. Quærunt nempe an Ignis, verbi gratia, cum aquam in ignem mutat, ab eadem aqua patiatur atque remittatur. As



falsum est aquam in ignis naturam facessere. ut fuisse probauimus: nec quisquam est eorum tam oculatus qui aquam in ignem mutatam conspexerit. Melius, ni fallor, si quaesierimus causam eius de quo constat; Quare scilicet, vis illa quæ cibos in ventriculo, & chylum in iecore concoquit dum illa vincit, debilitetur paulatim; ut tandem fatiscat. Quid illud est quod cibum vicit? Itane quod vicit sua victoria debilitatum est? ut ipsi contingat quod Pyrrho Epirotarum regi, qui post secundam de Romanis, magna tamen suorum clade victoriā, si inquit, tertio vicerimus, perimus. An inquam, hunc in modum, quod vincit cibum, vincendo infirmetur? Qui est quod vincit? quid est quod vincitur? Id ergo ex intimis naturæ visceribus est eruendum. Quanquam id obscurum non erit ei qui præcedentia intellexerit.

Calor est in ventriculo qui cibos contritos concoquit; haud aliter quam in phiala illa colli oblongi, quam Chymici matrarium vocant, calor balnei herbas, radices, & alia, eorumque succos conficit. Ad hunc ventriculi calorem continendum, ne expiret, necesse est ut ventriculi tunicæ sint densissimæ. At ignis qui inclusus cibum conficit actione sua paulatim eas labefactat: faciliusque euadit poris dilatatis. Hinc illa virtutis debilitatio. Sed quid est illa virtus? vis scilicet illius ignei tali loco conclusi. Quid igitur? Quod cibum conficit, nunquid vincendo infirmatur? Nequaquam. Igneum enim est quod dum cibum concoquit, agit simul in septum quod se moratur. Molitur egressum è ventriculo quem dirutis muris citius allequitur. Ergo & victo cibo igneum illud au-  
gescit,



gescit, & ventriculo debilitato facilius aufugit, quo suus fert appetitus. Vis ergo quæ cibum concoquit non minuitur; sed ventriculum actis caniculis deserit.

At est alia virtus quam calor ille elementaris. Quare? Quia, inquit Fernelius, in febricitantibus magnus est ille calor; nec tamen fit concoctio. Quid? Si calor elementaris coquit, ergo vehemens calor melius? Imo non concoquet, sed cibum dissipabit; ut videre est in operationibus chymicis; sed de hoc sequenti intentione. Quippe ad debitam concoctionem certus requiritur gradus caloris. Frustra itaq; tales illi potentias imaginantur nulla necessitate, aut ratione fretas; sed quæ contra rationem, rerumque naturam, operando in suum exitium ruant.

Eodem modo de cæteris potentiis, de quæ animantis senio est philosophandum: quippe qua crescit, & corroboratur via, eadem decrescit, senescit, ac fatiscit. Etenim, ut libro de natura innuimus, calidum est in sætus particulis certa lege ab humido conclusum. Et quidẽ à principio exiguum, ut propterea egeat vteri materni calore à quo fouetur, & vires capit. Dum autem moliente (ut ibi dicebamus) hoc calido exitum, per humidum, quod propterea conatur dissolvere: illo verò contra, humidum in subsidium attrahente, moles crescit; crescit & calidi vis, minusque ac minus in dies humidum prauale; minusque sibi adiungit quam solebat; calido nempe magis ac magis resistente, humidumque adiectitium exturbante. Donec calidum humido fortius eruptionem facit, per quam animal fit frigidius. Sed quoniam hæc calidi, rupta humidi arce, fuga, fit paulatim,



senſim etiam animal refrigeſcit. Quot enim partes id genus calidi abeunt, tot ſunt veluti lapides qui cadunt è muro. Relinquunt autem locum quẽ humor vel flatus adueniens occupet, ſed qui non habeat proportionem debitam cum reliquo. Quippe lex illa violata eſt ſecundum quam ex congrua calidi humidiq̃ue pugna, talis fiebat attractio & expulſio. Nec facile eſt, quamcunq; medelam adhibeas, eam reparare. Sed humidum à partibus illis ſulphureis relictum aſciſcit ſibi ſimile humidum quo incocto remanente ſeneſtus madet. De eſt nimirum ſulphur illud quod talem faciat concoctionem. Plura de his & præclara ſuo loco, ſi Deus dabit.

## ARTIC. III.

*Quo Toleti argumentum formam ſubſtantialem inferens refellitur.*

**N**ON abs re erit argumentum Toleti expendere quod lib. 1. de generat. cap. 3. q. 2. putat ſe formam eſſentialem euincere quod data opera hunc in locum reiecimus. Aliquid, inquit, de nouo generatur, nec actu præcedunt omnia, vt volebant Antiqui. Hac conſuſio experiētiis certis conuincitur, quibus maxime innititur Phyiſicus. Duo mihi videntur conuincere, aliquid de nouo produci, ſimiliter & corrumpi. Alterum eſt regressus difficillimus eorum, quæ corrumpuntur, præſertim viuētiū. v. g. moritur equus, ſi nulla hinc ſubſtantia receſſit corrupta, ſed totum quod erat, manet, ſed latens, proſectò incredibile eſt quomodo hoc ita ſit, & nulla cauſa ſit in natura, quæ poſſit equum in ſtatum priſtinum reſtituere: præſertim cum minus ſit proportionata materia, ex qua primò factus eſt, quam modo. Eſt enim adhuc organi-



*ganizata, & cum dispositione maiori, cum igitur nulla sit naturalis causa quæ id possit facere, signum est, quod non ibi latet, quod ante erat, est igitur corruptio alicuius entitatis, & consequenter cum primum fuit, erat productio. Hæc est Toleti demonstratio qua nihil aliud video quàm tenebras. Examinemus hanc consequentiam, Non ibi latet, quod ante erat, est igitur corruptio alicuius entitatis. Perinde quasi quis dicat non est in eo vase aqua quæ inerat ergo aqua est corrupta. Vinum non amplius est in cupa; ergo vinum est corruptum: non amplius pecuniæ sunt in crumena; ergo corruptæ. Nunquid prorsus similis est hæc consequentia. Aliquid desit esse in corpore illo quod inerat, ergo illud aliquid est corruptum. Quid Antiqui? fatebantur plurima in e- qui viuentis corpore fuisse quæ mortuo non insint; ea tamen meritò negabant esse corrupta; sed expirasse, atque in auras abiisse. Atque ita consequentia nulla.*

Sed totum illud argumentum melius in ipsos quadrabit: à quibus quæram. Res illa quam mortuo equo aiunt corruptam, equo senescente & decrepito an adhuc supererat? Affirmant. formam enim illam substantiuam aiunt totam in puncto temporis discedere seu potius corrum- pi. Et quidem suis erat instructa potentiis si ve- rum dicunt. Quidni igitur ea forma reparauit equum, atque in pristinum statum restituit? Præsertim, cum (vt ipse ait) minus sit proportiona- ta materia, ex qua primò factus est, quam modò. Est enim adhuc organizata, & cum dispositione maiori. Itane? Cur ergo eadem forma eam materiam in iuuentutis robur non restituit? Quid ad hæc



Toletus ? non videat se iisdem laqueis implicatum quos frustrain Antiquos terendit ? Dicatne non esse eadem instrumenta , quibus eadem forma in equo iuvene & sene vtatur?

Esto , peccent instrumenta in equo sene quæ valebant in iuvene. Quæro cur hæc forma non reficiat illa instrumenta , quæ à principio valuit construere. *Si quidem* , vt ait, *minus proportionata sit materia ex qua primò facta sunt quammodo.* Quid respondeat ? Cur inquam hæc Architecta quæ illa instrumenta composuit & produxit , si habet in senectute materiam magis proportionatam quam principio , non ea instrumenta reficit , per quæ iuventutem equo restituat ? Non habebat instrumenta quibus hæc construeret , & ex materia minùs proportionata ea composuit , Quidni ex meliori hac aptiori quæ materia eadem redintegrat ? Ventriculum , hep- par , cor , organa reliqua dilatauit , ac corroborauit. Quibus instrumentis ? Calore nempe. Calorem verò ipsum naturalem plurimùm auxit , quibus instrumentis ? Quæ hunc calorem in tantum multiplicauit , quidni pergit fouere ? quidni amissum restaurat , vt quæ per eum organa ampliauit , atque firmauit , eadem per eum reparet , & renouet ? En cibum , cur non stomacho restituendo idoneum , qui fuit construendo ? Deest calor ? imò sapius abundat. At non naturalis. Vnde calor iste naturalis ? Nonne hunc aiunt à forma promanare ? vel si à forma non procedit , à quonam ? si procedit , Quidni forma eundem emittit in senio , vt per eum cibum concoquat , quæ instrumenta labe-



factata restauret?

Ecce ut rationum Toleti, non modò ineptiam ostendimus, ad id quod intendebat; sed iisdem euicimus prorsus contrarium, scilicet non esse formam substantialem, quæ quidem nequeat equi senis vires redintegrare quas illi dedit. Præsertim cum habeat materiam magis *proportionatam*, & *maiori cum dispositione*. Si tamen verum est quod Toletus autumat. Quod quidem esse falsissimum ea probant quæ articulo præcedenti declarauimus. Verùm explanatius est faciendum.

## ARTIC. IV.

*Cur in senectute substantia amissa non  
reparetur ut in iuuen-  
tute.*

**E**Rgo mutatio illa potentia eiusq̃ diminutio extra dubium ponit proportionem illam & symmetriam in qua formæ & potentiarum ratio consistit, quotidie mutari, ac demum paulatim corrumpi, donec tandem ad motus animales, naturalesque prorsus sit inutilis & inepta; ita ut calidi parte maxima soluta, quod superest, ab humido frigido suffocetur, qui rei dicitur interitus. Et quamuis quærenti quid causæ sit, cur quæ in iuuentute fit substantiæ perditæ reparatio, eadem nequeat in senectute fieri, sufficiat respondere diuersam esse partium proportionem, ut diximus: præstabit tamen inquirere, in quonam sita sit hæc propor-



tionis diuersitas, memores eorum quæ prius dicta sunt, quando causam rimabamur, cur calor ventriculi ( idem puta de reliquis ) minuatur. Ventriculi igitur, iecorisque, ac cordis senio dissolutorum dum per poros laxiores calidum expirat, sanguis nutritioni dicatus non satis est elaboratus; peccatque hæc materia ex qua quod substantiæ deperit, deberet restitui. Non tamen hæc causa sola sufficit. Quandoquidem cernimus ex sanguine frigidiore, ac dilutiore incrementum capere iuuenes, licet minime laudabile. Quod ergo senes nequeant ex tali sanguine, causa alia danda est; Pororum videlicet in iuuenibus coarctatio, in senibus verò nimia laxatio. Hinc enim fit, vt licet in iunioribus aliquid substantiæ effluerit, atque hac ratione caloris pars abiit: quod superest, dum bene compactum est, vt nequeat expirare, nec suffocari ab humido aduentitio propter pororum angustias; certamen legitimum cum humido redintegret, ex quo fit accretio, vt diximus: in senioribus verò quod superest caloris, viis patentibus vel facile auolet, vel etiam ab adiectitio humido affatim ingruente facile suffocetur, vel sanè ipsius actio supprimatur; ita vt nutritio non fiat. In sene namque, postquam virilis calor humidum depascens vias fecit patulas calido quod superat; multis etiam consumptis partibus quæ ipsum coercerant, peccat illa symmetria quæ ad incrementum necessaria est inter calidum & humidum. Ergo per illas rimas, ni adueniens humidum cohibeat, facile exoluitur calidum; sin humidum suppetat, dum largius per eas rimas intrat. Facile ab  
co



eo calidum extinguitur, vel nimium reprimitur. At in iuvene ex symmetria partium quę supersunt, debitaque contrariarum colluctatione, ruinę facile reparantur.

## ARTIC. V.

*Cur quę magis appetimus, ea citius fastidimus?*

**I**N fame est veluti quidam palati stomachique pruritus procedens ex stimulatione, vel potius titillatione calidi erumpere volentis, & contraria humidi percussione. Hanc autem ob pugnam molesta est hæc passio: cuius proinde sedatio iucunda est: Magis tamen si ignis ille qui pungit, solvatur, quam si reprimatur; ut probat voluptas illa quam in pruritu ex frictione, per solutionem igniculorum eiusmodi, recipimus, maiorem utique, quam si alicuius refrigerantis applicatione hi igniculi reprimantur.

Id ipsum testatur voluptas illa, quam ex tali spirituum profusione actus venereus parit. Simile quid contingit in esu, cum pruritus ille quem spiritus egredi volentes faciunt, potius sedatur talium spirituum eruptione, quam eorundem repressione. Hoc faciunt cibi illi quorum complexu, haud secus ac mas feminae stomachus valdè delectatur. Nempe hæc delectatio maximè provenit ex consensu qui est inter spiritus ciborum, & ventriculi, coire cupientes, ad quem quidem complexum mutuum, nisi spiritus illi interni sedem qua comprimuntur re-



linquerent, non utique tanta esset voluptas. Ergo quemadmodum post seminis emissi copiam mas abhorret congressum fœminæ, sic post multam horum spirituum profusionem ventriculus fastidit tales cibos à quibus debilitatus est. Non enim suppetunt spiritus illi seu igniculi qui talem appetentiam cibi, propter similitudinem, excitabant. Eadem palati est ratio.

Aliorum verò ciborum qui non tantum capiunt stomachum, diutius usum sustinet: quoniam per eos, spiritus eius non solvuntur, sed reprimuntur. Dum tamen hi spiritus incolæ aduenas illos ad se recipiunt, tandem additione potentiores erumpunt, tuncque patitur stomachus ciborum eiusmodi fastidium.


Hæc fortè quispiam ut intempestiuè dicta reprehendet, quem rogatum volumus, ut apud se reputans quem in finem ea congeessimus, permittat nobis variis exemplis id declarare, quod nostri est instituti: vnde nimirum fiat, ut facultas naturalis agendo debilitetur. Omnis inquam Natura prædicat; talē actionem esse calidi cum humido pugnantis, exitumque molientis, ac propterea exitu suo subiectum ipsum demolientis. Ita ut res quæ agit (scilicet hi spiritus calidi) non debilitetur hac actione; sed subiectum in quo erant hi spiritus: cuius idcirco talis virtus & actio dicebatur, quia in eo exerebatur, & ab eo prodibat. Quippe continebat eos igniculos, seu spiritus, seu naturas illas spirituales, & igneas quæ talem edebant actionem; sed ut sese in libertatem vindicarent. nō ut agens illarum virtus minueretur, aut interiret, ut perperam volunt Peripatetici. qui potentias naturales sua victo-  
ria



ria confici putant, ac perire. Victoria illa est spiritus qui non perit, sed regionem suam petit: damnum verò est ipsius subiecti quod dum spiritus ille relinquit, infirmatur. haud secus, atque mas emissio semine. Nec in hac doctrina quicquam dicimus quod nō sit in communi omnium sensu, partem quamlibet, potentiamque spirituum emissionem infirmari iudicantium. Hanc porrò spirituum solutionem fieri similium congressu nihil est in natura quod non declamet. Contraria verò contrariorum diminutione vel interitu infirmari ratio prohibet & natura; ac propterea illam Peripateticorum de reciproca contrariorum actione, & passione doctrinam è philosophia eliminat. Cæterum quàm multis modis contrarium agat in aliud, dictum est. vel enim illud extra se eiicit, ut alienum: vel inclusum conatur sese expedire: Vel contrario exitum tentanti contrarium ambiens renititur, ne partium suarum diuisionem patiatur. Quod nota procedere ex concentu particularum naturarumque, ex quibus compactum est istud humidum spiritus illos calidos in se continens. Nec enim putandum est simplicem aliquam naturam esse id humidum de quo tam multis egimus. Sed quid hæc repetimus, quasi vel Lectorum memoriæ, vel eorum quæ diximus perspicuitati diffidamus? potius quæ docuimus, sæpius ipsa repetantur. iudiceturq; an hæc cum illis concordent. Si enim prima rerum materia in diuersissimis naturis posita est; Si nulla sit rerum mixtio, sed earum tantum partium coniunctio; si nulla est forma substantiua par-



ricularis ; si vna est causa vniuersalis potentissima & sapientissima quæ rei cuique intima particulas illas secundum legem à se præscriptam moueat, ac prout pars quæque apta est moueri. Si hæc & alia multa, clarissima, ac certissima Naturæ omnis testimonio fecimus, non est quod in his laboremus, quæ ex illis necessaria consecutione deriuantur. Quæ tamen ea quæ deinceps dicemus magis, ac magis comprobabunt. In quibus vix erit quicquam quod non clara voce prædicet rei cuiusuis formam, ac potentias in congrua partium, ex quibus compacta est proportionem sitam esse, omnemque actionem, passionem, ac omnimodam mutationem in talium particularum locali motione consistere; quod in calore ostendere aggredimur.



## INTENTIO III.

De calore ac reliquis primis qualitatibus.

### ARTIC. I.

*Quid sit calor secundum Aristotelem, eiusque refutatio.*

**A**ristoteles 2. de generatione, cap. 2. Calidum, inquit, est quod congregat ea quæ eiusdem sunt generis. Nam segregare ( id quod ignem facere aiunt ) est cognata, & quæ eiusdem sunt generis congregare: accidit enim vt aliena eximat. Frigidum verò quod



*re quod ex aquo cogit, ac congregat, tam quæ eiusdem sunt generis quam quæ diuersi. Ita Aristoteles.*

Quod si verum est, miror cur cuius calori non competat, vt cognata, & quæ sunt eiusdem generis congreget? Sanè cùm definitio contineat rei Naturam. Natura caloris erit vt res eiusdem naturæ cogat. Ergo intentissimo calori id conueniet, vt res homogeneas componat. Quid dico conueniet? imò quo calor fuerit intentior, eò magis ad eum spectabit, vt partes cognatas copulet. Consecutio clara est. Si natura caloris est congregare homogenea, Ergo & virtus caloris in eo consistit. Ergo vbi maior erit calor, maior quoque ea virtus, visque maior partes eiusdem generis congregandi. At consequens est falsum, vt maior calor magis partes eiusdem generis congreget. Nisi fortè intentus stomachi vel iecoris calor meliùs homogenea congregat. Nisi ignis calidissimus res eiusdem generis melius cogit.

Profectò quid agat vehementior calor in iecore, nos docet experientia in artificialibus. Enimverò si ignis distillationis æquo fuerit maior, partes crassiores cum subtilioribus confusæ simul ascendent; neque segregabit aliena, neque similia copulabit. Ergo si vis congregandi cognata non modò non competit magis intensiori calori, sed nequidem tantum conuenit, quantum remissiori: malè assignauit Aristoteles caloris naturam, dum dixit, calidum esse quod cognata congregat. Malè inquam quæsiuit naturam calidi in eo quod omni calori non congruat, Etenim quamuis à calido talis partium homogenearum congregatio fieret, nō tamen ab omni, sed à tali calido, atque tali gradu



falsum est aquam in ignis naturam facessere. ut fuisse probauimus: nec quisquam est eorum tam oculatus qui aquam in ignem mutatam conspexerit. Melius, ni fallor, si quaesierimus causam eius de quo constat; Quare scilicet, vis illa quæ cibos in ventriculo, & chylum in iecore concoquit dum illa vincit, debilitetur paulatim; ut tandem faulcat. Quid illud est quod cibum vicit? Itane quod vicit sua victoria debilitatum est? ut ipsi contingat quod Pyrrho Epirotarum regi, qui post secundam de Romanis, magna tamen suorum clade victoriā, si inquit, tertio vicerimus, perimus. An inquam, hunc in modum, quod vincit cibum, vincendo infirmetur? Qui est quod vincit? quid est quod vincitur? Id ergo ex intimis naturæ visceribus est eruendum. Quanquam id obscurum non erit ei qui præcedentia intellexerit.

Calor est in ventriculo qui cibos contritos concoquit; haud aliter quam in phiala illa colli oblongi, quam Chymici matrarium vocant, calor balnei herbas, radices, & alia, eorumque succos conficit. Ad hunc ventriculi calorem continendum, ne expiret, necesse est ut ventriculi tunicae sint densissimæ. At ignis qui inclusus cibum conficit actione sua paulatim eas labefactat: faciliusque euadit poris dilatis. Hinc illa virtutis debilitatio. Sed quid est illa virtus? vis scilicet illius ignei tali loco conclusi. Quid igitur? Quod cibum conficit, nunquid vincendo infirmatur? Nequaquam. Igneum enim est quod dum cibum concoquit, agit simul in seipsum quod se moratur. Molituregressum è ventriculo quem dirutis muris citius allequitur. Ergo & victo cibo igneum illud augescit,



gescit, & ventriculo debilitato facilius aufugit, quo suus fert appetitus. Vis ergo quæ cibum concoquit non minuitur; sed ventriculum actis cuniculis deserit.

At est alia virtus quam calor ille elementaris. Quare? Quia, inquit Fernelius, in febricitantibus magnus est ille calor; nec tamen fit concoctio. Quid? Si calor elementaris coquit, ergo vehemens calor melius? Imo non concoquet, sed cibum dissipabit; ut videre est in operationibus chymicis; sed de hoc sequenti intentione. Quippe ad debitam concoctionem certus requiritur gradus caloris. Frustra itaq; tales illi potentias imaginantur nulla necessitate, aut ratione fretas; sed quæ contra rationem, rerumque naturam, operando in suum exitium ruant.

Eodem modo de cæteris potentiis, de quæ animalis senio est philosophandum: quippe qua crescit, & corroboratur via, eadem decrescit, senescit, ac fatiscit. Etenim, ut libro de natura innuimus, calidum est in sætus particulis certa lege ab humido conclusum. Et quidẽ à principio exiguum, ut propterea egeat uteri materni calore à quo fouetur, & vires capit. Dum autem moliente (ut ibi dicebamus) hoc calido exitum, per humidum, quod propterea conatur dissolvere: illo verò contra, humidum in subsidium attrahente, moles crescit; crescit & calidi vis, minusque ac minus in dies humidum præuale; minusque sibi adiungit quam solebat; calido nempe magis ac magis resistente, humidumque adiectitium exturbante. Donec calidum humido fortius eruptionem facit, per quam animal fit frigidius. Sed quoniam hæc calidi, rupta humidi arce, fuga, fit paulatim,



ſenſim etiam animal refrigerſcit. Quot enim partes id genus calidi abeunt, tot ſunt veluti lapides qui cadunt è muro. Relinquunt autem locum quẽ humor vel flatus adueniens occupet, ſed qui non habeat proportionem debitam cum reliquo. Quippe lex illa violata eſt ſecundum quam ex congrua calidi humidiq̃ue pugna, talis fiebat attractio & expulſio. Nec facile eſt, quamcunq; medelam adhibeas, eam reparare. Sed humidum à partibus illis ſulphureis relictum aſciſcit ſibi ſimile humidum quo incocto remanente ſeneſtus madet. De eſt nimirum ſulphur illud quod talem faciat concoctionem. Plura de his & præclara ſuo loco, ſi Deus dabit.

## ARTIC. III.

*Quo Toleti argumentum formam ſubſtantialem inferens refellitur.*

**N**ON abs re erit argumentum Toleti expendere quod lib. 1. de generat. cap. 3. q. 2. putat ſe formam eſſentialem euincere quod data opera hunc in locum reieciimus. *Aliquid, inquit, de nouo generatur, nec actu præcedunt omnia, vt volebant Antiqui. Hac conclusio experiētiis certis conuincitur, quibus maxime innititur Phyiſicus. Duo mihi videntur conuincere, aliquid de nouo produci, ſimiliter & corrumpi. Alterum eſt regressus difficillimus eorum, quæ corrumpuntur, præſertim viuētiū. v.g. moritur equus, ſi nulla hinc ſubſtantia reſeſſit corrupta, ſed totum quod erat, manet, ſed latens, præſectò incredibile eſt quomodo hoc ita ſit, & nulla cauſa ſit in natura, quæ poſſit equum in ſtatum priſtinum reſtituere: præſertim cum minùs ſit proportionata materia, ex qua primò factus eſt, quam modo. Eſt enim adhuc organi-*



*ganizata, & cum dispositione maiori, cum igitur nulla sit naturalis causa quæ id possit facere, signum est, quod non ibi latet, quod ante erat, est igitur corruptio alicuius entitatis, & consequenter cum primum fuit, erat productio. Hæc est Toleti demonstratio qua nihil aliud video quàm tenebras. Examinemus hanc consequentiam, Non ibi latet, quod ante erat, est igitur corruptio alicuius entitatis. Perinde quasi quis dicat non est in eo vase aqua quæ inerat ergo aqua est corrupta. Vinum non amplius est in cupa; ergo vinum est corruptum: non amplius pecuniæ sunt in crumena; ergo corruptæ. Nunquid prorsus similis est hæc consequentia. Aliquid desit esse in corpore illo quod inerat, ergo illud aliquid est corruptum. Quid Antiqui? fatebantur plurima in equi viuentis corpore fuisse quæ mortuo non insint; ea tamen meritò negabant esse corrupta; sed expirasse, atque in auras abiisse. Atque ita consequentia nulla.*

Sed totum illud argumentum melius in ipsos quadrabit: à quibus quæram. Res illa quam mortuo equo aiunt corruptam, equo senescente & decrepito an adhuc supererat? Affirmant. formam enim illam substantiuam aiunt totam in puncto temporis discedere seu potius corrumpi. Et quidem suis erat instructa potentiis si verum dicunt. Quidni igitur ea forma reparauit equum, atque in pristinum statum restituit? *Præsertim, cum (vt ipse ait) minus sit proportionata materia, ex qua primò factus est, quam modò. Est enim adhuc organizata, & cum dispositione maiori. Itane? Cur ergo eadem forma eam materiam in iuuentutis robur non restituit? Quid ad hæc*



Toletus ? non videat se iisdem laqueis implicatum quos frustra in Antiquos retendit ? Dicatne non esse eadem instrumenta , quibus eadem forma in equo iuvene & sene vtatur?

Esto , percent instrumenta in equo sene quæ valebant in iuvene. Quæro cur hæc forma non reficiat illa instrumenta , quæ à principio valuit construere. *Si quidem* , vt ait, *minus proportionata sit materia ex qua primò facta sunt quammodo.* Quid respondeat ? Cur inquam hæc Architecta quæ illa instrumenta composuit & produxit , si habet in senectute materiam magis proportionatam quam principio , non ea instrumenta reficit , per quæ iuventutem equo restituat ? Non habebat instrumenta quibus hæc construeret , & ex materia minùs proportionata ea composuit , Quidni ex meliori hac aptiori quæ materia eadem redintegrat ? Ventriculum , hepato , cor , organa reliqua dilatauit , ac corroborauit. Quibus instrumentis ? Calore nempe. Calorem verò ipsum naturalem plurimùm auxit , quibus instrumentis ? Quæ hunc calorem in tantum multiplicauit , quidni pergit fouere ? quidni amissum restaurat , vt quæ per eum organa ampliauit , atque firmauit , eadem per eum reparet , & renouet ? En cibum , cur non stomacho restituendo idoneum , qui fuit construendo ? Deest calor ? imò sapius abundat. At non naturalis. Vnde calor iste naturalis ? Nonne hunc aiunt à forma promanare ? vel si à forma non procedit , à quonam ? si procedit , Quidni forma eundem emittit in senio , vt per eum cibum concoquat , quo instrumenta labe-



factata restauret?

Ecce ut rationum Toleti, non modò ineptiam ostendimus, ad id quod intendebat; sed iisdem euicimus prorsus contrarium, scilicet non esse formam substantialem, quæ quidem nequeat equi senis vires redintegrare quas illi dedit. Præsertim cum habeat materiam magis *proportionatam*, & *maiori cum dispositione*. Si tamen verum est quod Toletus autumat. Quod quidem esse falsissimum ea probant quæ articulo præcedenti declarauimus. Verum explanatius est faciendum.

#### ARTIC. IV.

*Cur in senectute substantia amissa non  
reparetur ut in iuuen-  
tute.*

**E**Rgo mutatio illa potentia eiusq̃ diminutio extra dubium ponit proportionem illam & symmetriam in qua formæ & potentiarum ratio consistit, quotidie mutari, ac demum paulatim corrumpi, donec tandem ad motus animales, naturalēsque prorsus sit inutilis & inepta; ita ut calidi parte maxima soluta, quod superest, ab humido frigido suffocetur, qui rei dicitur interitus. Et quamuis quærenti quid causæ sit, cur quæ in iuuentute sit substantiæ perditæ reparatio, eadem nequeat in senectute fieri, sufficiat respondere diuersam esse partium proportionem, ut diximus: præstabit tamen inquirere, in quonam sita sit hæc propor-



tionis diuersitas, memores eorum quæ prius dicta sunt, quando causam rimabamur, cur calor ventriculi ( idem puta de reliquis ) minuatur. Ventriculi igitur, iccorisque, ac cordis senio dissolutorum dum per poros laxiores calidum expirat, sanguis nutritioni dicatus non satis est elaboratus; peccatque hæc materia ex qua quod substantiæ deperit, deberet restitui. Non tamen hæc causa sola sufficit. Quandoquidem cernimus ex sanguine frigidiorē, ac dilutiore incrementum capere iuuenes, licet minime laudabile. Quod ergo senes nequeant ex tali sanguine, causa alia danda est; Pororum videlicet in iuuenibus coarctatio, in senibus verò nimia laxatio. Hinc enim fit, vt licet in iunioribus aliquid substantiæ effluerit, atque hac ratione caloris pars abierit: quod superest, dum bene compactum est, vt nequeat expirare, nec suffocari ab humido aduentitio propter pororum angustias; certamen legitimum cum humido redintegret, ex quo fit accretio, vt diximus: in senioribus verò quod superest caloris, viis patentibus vel facile auolet, vel etiam ab adiectitio humido affatim ingruente facile suffocetur, vel sanè ipsius actio supprimatur; ita vt nutritio non fiat. In sene namque, postquam virilis calor humidum depascens vias fecit patulas calido quod superat; multis etiam consumptis partibus quæ ipsum coercebant, peccat illa symmetria quæ ad incrementum necessaria est inter calidum & humidum. Ergo per illas rimas, ni adueniens humidum cohibeat, facile exoluitur calidum; sin humidum suppetat, dum largius per eas rimas intrat. Facile ab



eo calidum extinguitur, vel nimium reprimitur. At in iuvene ex symmetria partium quę supersunt, debitaque contrariarum colluctatione, ruinę facile reparantur.

## ARTIC. V.

*Cur quę magis appetimus, ea citius fastidimus?*

**I**N fame est veluti quidam palati stomachique pruritus procedens ex stimulatione, vel potius titillatione calidi erumpere volentis, & contraria humidi percussione. Hanc autem ob pugnam molesta est hæc passio: cuius proinde sedatio iucunda est: Magis tamen si ignis ille qui pungit, solvatur, quam si reprimatur; ut probat voluptas illa quam in pruritu ex frictione, per solutionem igniculorum eiusmodi, recipimus, maiorem utique, quam si alicuius refrigerantis applicatione hi igniculi reprimantur.

Id ipsum testatur voluptas illa, quam ex tali spirituum profusione actus venereus parit. Simile quid contingit in esu, cum pruritus ille quem spiritus egredi volentes faciunt, potius sedatur talium spirituum eruptione, quam eorundem repressione. Hoc faciunt cibi illi quorum complexu, haud secus ac mas feminae stomachus valdè delectatur. Nempe hæc delectatio maximè provenit ex consensu qui est inter spiritus ciborum, & ventriculi, coire cupientes, ad quem quidem complexum mutuum, nō spiritus illi interni sedem qua comprimuntur re-



linquerent, non utique tanta esset voluptas. Ergo quemadmodum post seminis emissi copiam mas abhorret congressum fœminæ, sic post multam horum spirituum profusionem ventriculus fastidit tales cibos à quibus debilitatus est. Non enim suppetunt spiritus illi seu igniculi qui talem appetentiam cibi, propter similitudinem, excitabant. Eadem palati est ratio.

Aliorum verò ciborum qui non tantum capiunt stomachum, diutius usum sustinet: quoniam per eos, spiritus eius non solvuntur, sed reprimuntur. Dum tamen hi spiritus incolæ aduenas illos ad se recipiunt, tandem additione potentiores erumpunt, tuncque patitur stomachus ciborum eiusmodi fastidium.

Hæc fortè quispiam ut intempestiuè dicta reprehendet, quem rogatum volumus, ut apud se reputans quem in finem ea congeessimus, permittat nobis variis exemplis id declarare, quod nostri est instituti: vnde nimirum fiat, ut facultas naturalis agendo debilitetur. Omnis inquam Natura prædicat; talē actionem esse calidi cum humido pugnantis, exitumque molientis, ac propterea exitu suo subiectum ipsum demolientis. Ita ut res quæ agit (scilicet hi spiritus calidi) non debilitetur hac actione; sed subiectum in quo erant hi spiritus: cuius idcirco talis virtus & actio dicebatur, quia in eo exerebatur, & ab eo prodibat. Quippe continebat eos igniculos, seu spiritus, seu naturas illas spirituales, & igneas quæ talem edebant actionem; sed ut sese in libertatem vindicarent. nō ut agens illarum virtus minueretur, aut interiret, ut perperam volunt Peripatetici. qui potentias naturales sua victoria



ria confici putant, ac perire. Victoria illa est spiritus qui non perit, sed regionem suam petit: damnum verò est ipsius subiecti quod dum spiritus ille relinquit, infirmatur. haud secus, atque mas emissio semine. Nec in hac doctrina quicquam dicimus quod non sit in communi omnium sensu, partem quamlibet, potentiamque spirituum emissionem infirmari iudicantium. Hanc porro spirituum solutionem fieri similium congressu nihil est in natura quod non declamet. Contraria verò contrariorum diminutione vel interitu infirmari ratio prohibet & natura; ac propterea illam Peripateticorum de reciproca contrariorum actione, & passione doctrinam è philosophia eliminat. Cæterum quàm multis modis contrarium agat in aliud, dictum est. vel enim illud extra se eiicit, ut alienum: vel inclusum conatur sese expedire: Vel contrario exitum tentanti contrarium ambiens renititur, ne partium suarum diuisionem patiatur. Quod nota procedere ex concentu particularum naturarumque, ex quibus compactum est istud humidum spiritus illos calidos in se continens. Nec enim putandum est simplicem aliquam naturam esse id humidum de quo tam multis egimus. Sed quid hæc repetimus, quasi vel Lectorum memoria, vel eorum quæ diximus perspicuitati diffidamus? potiùs quæ docuimus, sæpius ipsa repetantur. iudiceturque; an hæc cum illis concordent. Si enim prima rerum materia in diuersissimis naturis posita est; Si nulla sit rerum mixtio, sed earum tantum partium coniunctio; si nulla est forma substantiua par-



*rd quod ex æquo cogit, ac congregat, tam quæ eiusdem  
sunt generis quam quæ diuersi. Ita Aristoteles.*

Quod si verum est, miror cur cuius calori non competat, vt cognata, & quæ sunt eiusdem generis congreget? Sanè cùm definitio contineat rei Naturam. Natura caloris erit vt res eiusdem naturæ cogat. Ergo intentissimo calori id conueniet, vt res homogeneas componat. Quid dico conueniet? imò quo calor fuerit intentior, eò magis ad eum spectabit, vt partes cognatas copulet. Consecutio clara est. Si natura caloris est congregare homogenea, Ergo & virtus caloris in eo consistit. Ergo vbi maior erit calor, maior quoque ea virtus, visque maior partes eiusdem generis congregandi. At consequens est falsum, vt maior calor magis partes eiusdem generis congreget. Nisi fortè intentus stomachi vel iecoris calor melius homogenea congregat. Nisi ignis calidissimus res eiusdem generis melius cogit.

Profectò quid agat vehementior calor in iecore, nos docet experientia in artificialibus. Enimverò si ignis distillationis æquo fuerit maior, partes crassiores cum subtilioribus confusæ simul ascendent; neque segregabit aliena, neque similia copulabit. Ergo si vis congregandi cognata non modò non competit magis intensiori calori, sed nequidem tantum conuenit, quantum remissiori: malè assignauit Aristoteles caloris naturam, dum dixit, calidum esse quod cognata congregat. Malè inquam quæsiuit naturam calidi in eo quod omni calori non congruat, Etenim quamuis à calido talis partium homogenearum congregatio fieret, nō tamen ab omni, sed à tali calido, atque tali gradu



caloris; ultra quem ac citra, debita partium eiusdem naturæ conuocatio non esset.

Itaque quomodo fiat talis partium coactio videamus. Ex prædictis superius facile est intelligere, quomodo calor, idest, actio ignis suis aculeis res findat ac diuidat. Hoc non solum de igne externo obiectas res impetente, sed de interno concoctionem operante dictum puta.

Facit & aliud ignis ille, dum enim quoquouersum sese mouet, ac iactat, res illas simul mouet, atque agit. Quod igitur in vanni, vel cribri concussione contingit, vt gluma in alium locum, granum purum in alium, granum deniq; gluma inuolutum in alium locum; vnumquodque seorsum se recipiat; id similiter accidit partibus ita diuisis, atque motis à calore. Dum singula prout vel leuiores sunt, vel grauiora, in aliam, atque aliam secedunt regionem.

Fit vtique hæc partium cognatarum congregatio à motu duplici, ignis scilicet qui eas partes diuisit, & partium ipsarum. Partium quidem; Quia partes illæ habent intus ignem, & aerem, à quo moueantur. Ignis diuidentis, quoniam quoquouerfus se diffundens inuat partium velocitatem. Dum autem eas æqualiter inuat, quemadmodum vannus granum & glumam: fit vt quæque prout leuiore est, aut grauior, aliud atque aliud pertingat. Cæterum partes crassiores, cum ab hoc igne, tum ab aliis partibus excussæ in locum opportuniorem confluunt. Quoniam vero de concoctionis præcipitatione per vehementiorem calorem facta, verba fecimus, vt auido Lectori satisfaciamus,



mus, paucis indicandum est, unde fiat. Vetant Medici statim à cibo exercitia vehementiora, quibus cibus indigestus in partes corporis per motum, intruditur. Quod verò facit motus eiusmodi, idē præstat motus ignis interni validioris. Vtriusq; ratio magis aperienda. Cōcoctione partes diuiduntur, motu diuisæ huc & illuc feruntur. Motus vehementior partes maiores mouet: non ergo expectat, vt minutiùs sint concisæ, sed crassiores adhuc motus àbripit valentior. Quin easdem confundit; vt videre est in maiori vanni vel cribri agitatione. In quibus tamen omnibus loci concludentis ratio attenditur. Quemadmodum enim in cribri ora granum, ac glumam discussam retineat, abibit, ac dispergetur: ita locus angustus in causa est, cur partes hinc ab interno calore concussæ, inde à termino ambiente reiectæ, tandem ea iactatione similes coeant cum similibus: Quæ alioquin nactæ fugæ spaciū vel euaderent, vel abiicerentur.

Sed tempus est, vt quod pertinet ad hanc quæstionem concludamus. Licet partium similitum congregatio requirat calorem, idest ignis actionem res ipsas suis aculeis minutim partientem; eam tamen fieri cum à motu mediocri ignis res ipsas vehentis, atque agitantis, tum ab ipsarum partium natura, quarum aliæ aliò feruntur, vt in vanni agitatione videre est. Itaque caloris natura, idest, vis ignis, atque eius actio est, non similia congregare, sed punctione sua res diuidere, atque incidere, vt dictum est: quod verò eas secum ferat, atque agitet, id fit cum ob locū angustum, tum propter hu-



pulare. Congregantur quidem similia eo, quod diximus pacto. Sed aliud est ea congregari, aliud copulari, ac vinciri. Vinculum namq; eorum est humidum frigidū cum sicco frigido temperatum, licet in eo humido frigido debeat calidū includi, ut diximus, calidum inquam quo sensu docuimus id ad symphoniam illam esse necessarium. Et certè hoc rerum vinculum maximè ab humido fieri vel hinc clarum est, quod si vehementia caloris omne humidum absumpserit, quod superest, minimè coalescat. Ut iterum pateat quàm imprudēter dixerit Aristoteles calore similia cogi, atq; congregari. Partes enim carnis, ossis, nerui, membranæ, aliæque quas similes putat Aristoteles, prorsus hac qua plumbum, qua cetera metalla, ratione coalescunt, atque copulantur; humidi scilicet frigidi prorsus beneficio, quod tamen siccum terre terre temperat. Nec in illis congregatis aliud agit ignis, quàm humidum aqueum redundans exhaurit, per quod fiebat, ut partes fluitarent laxiores. Quod ubi absumptū est, reliquum à frido dēsat, ut de metallo durecente dictum est. Calor id est ignis actio res minutim concidit, motus suus particulas desert quasq; proprium in locum. Calor rursus humidum laxius exhaurit. frigus verò reliquum densat, quod humidum connectit. Quamvis, ut dictum est, huic humido calidum suum sit necessarium.



*Quomodo sensu frigidum sequatur rei condensationem. hic plures egregie quaestiones tractantur.*

**Q**Uædam euoluenda sunt scitu digna, quorum cognitio dubij solutionem reddet faciliorem. Primum est quod mouet Aristoteles sectione 8. problem. 13. *Cur tempore matutino, frigus acrius est, cum tamen Sol propius adsit? cui ita respondet, An quod plus temporis absentia Solis exultat? itaque terra magis refrigerata est. An quod die instante, ros, & pruina cadere solent, quæ frigida sunt: an hæc etiam ideo cadunt: cum propius tum cadunt, quod locus vehementius refrigeratus est propter Solis diuturniorem absentiam. An die instante potius flatus incitantur nocturni qui gelidi admodum spirant. An nobis frigus acrius idcirco esse videatur, quod cibi concocti iam sunt. Hæ sunt Aristotelis rationes, inter quas secundæ & tertiæ vanitatem coarguit ros qui paulo post Solis occasum affatim cadit. Non igitur à rore matutino frigus augetur. Vltimæ falsitatem cennunciat gelu quod plerumque horis antelucanis incipit quo vineæ & alia teneriora vruntur. Non ergo nobis frigus tunc videtur acrius, sed reuera est. Neque prima quicquā roboris habet. Quod scilicet propter longiorē Solis absentiam, terra sit magis refrigerata. Quemadmodū enim quo magis ab igne recedimus, eo nos loco frigido magis algere par est: ita quo magis Sol à nobis recedit, scilicet media nocte, eo maiorem esse frigiditatem videbatur necessarium. Et sicut ab igne recedentes magis ac magis frigemus: ita reuertentibus, quo magis accedimus, eo magis frigus minui, videtur consentaneum: si minus fiat, cur id non*



non fiat, dicendum est. Eodem modo reuertentis ad nos Solis accessu videbatur frigus remittendum. Hora enim dimidia ante ortum Sol a quæ propinquus est nobis, atque dimidia hora post occasum. Atqui post occasum agit etiam in nos, caloremque fouet propter propinquitatem. Cuius rei argumentum certissimum præbet plaga illa quæ sub polo per semestre integrum Solis aspectu caret: vbi nihilominus ob Solis viciniam qui circa illius plagæ orientem non procul voluitur, frigus longè minus est, quam si Sol esset remotior. Sol igitur qui tunc multo longinquior est ab illis, quam distet à nobis media hora postquam occidit, eum adhuc locum sua vicinia fouet. Ergo potiori ratione post occasum agit in nos quantoque minus à nobis recedit tanto maiorem eius vim experimur. Cum igitur matutino tempore nobis æque vicinus sit ac vespertino, equaliter agat, necesse est. Quæ sit ergo, vt Sole in nos magis, ac magis agente, non modo frigus non minuatur, sed crescat?

Eadem est causa cur post Solstitium brumale, cum ad nos ab australi plaga reuertitur, rigores crescant, hyemsque magis ac magis sæuiat. Qui vnum tenebit, alterum non ignorabit.

Antiqui cum frigus & calorem agnosceret quorundam corpusculorum actiones; facile causam rei propositæ inueniebant. Solis radij, vt probabimus libro de Calo, sūt igniculi qui per aerem quoque uersum diffusi expellunt corpuscula frigida atque humida quib. aer refertus est. Posteriorib. ergo Solis radiis succedunt hæc corpuscula, quod ex altera parte pellatur ab anterioribus. Enim uero radij quos ante se diffundit, pellunt ea corpuscula frigida quæ viciniora



sunt: hæc verò pulsa trudent alia, donec venitur ad illa quæ posterioribus Solis radiis succedunt. Iam aduerte animum quid eueniat. horis antelucanis iã ea corpuscula frigida quoquouersum dispersa, non modo aerem, sed & corpora solida subierunt. Sole propius accedente veniunt noua continuè quæ radij solares pellunt; quibus cum non facile alia cedant, fit eorum congregatio, maiórque condensatio; donec à solis radiis vicinioribus tandem vincantur, atque expellantur.

Eadem planè ratione Sol ab Australibus ad nos gressum reflectens, frigidiora corpora quæ ipsius recedentis spacium occuparunt, ad nos remittit: non cedentibus autem aliis quæ iam apud nos conuerunt, tanta fit aeris condensatio, vt continuo rigore horreamus; donec post alterum aut tertium mensem victores radij solares has frigidas naturas paulatim accessu suo discutiunt.

Hoc inquam cum sit clarissimum, nobis quoque soluit aliam quæstionem quam facit Aristoteles Sectione 25. problem. 18. *Quam ob causam aere sudo, apertoque frigus fit acrius quam nubilo, quum stelle sint calide, & calum?* Et rursus problem. 21. *Cur calum nubilum tepidius sit, quam apertum. & placidum? An quia calo sereno, vapor restringi melius potest: indicium quod vento silente ros & pruina consistunt: Cum igitur serenum est, calor diffatur, quo humor eruitur, atque effertur. Itaque aer frigidior est: qua de causa humor à calore demissus irrorat: at cum nubilum est, arcetur, & constat: quo circa nec ros, nec pruina contrahi potest, cum nubilum est: ergo calor ad terram remanens, facit vt tepor amplior esse possit.*

Hæc Aristoteles: quæ quàm vana sunt arguunt vapores qui tēpore nubilo affacti continuè ascendant



dunt atque in nubes coguntur. Quorum ascensum cū oculi videant, mirū est Aristotelem sensui velle imponere, dum vult, eos, eorūque calorem ad terram remanentem, facere vt tepor amplior esse possit.

Causa igitur hæc est. Quia Cælo nubilo arcen- tur illa corpora frigida quæ Solis aduentus ad nos compellit: Nubes enim viam intercludunt quomi- nus ad nos pertingant.

Sed alia quoque causa materialis huius frigoris omnibus illis casibus communis agnoscenda est. Radij scilicet solares valde debiles qui cū his corpusculis frigidis se in nostra corpora induētes nihil aliud quàm cōpressionē faciūt maiorē, quādiu infirmiores has frigidas naturas nō possūt expellere.

Huius assertionis veritatem luculentiorē reddet aliū difficultatis solutio. Cur scilicet quibus manus frigore rigēt, si igni admoueāt, vehemētiores, intolerabilēsque dolores persentiant. Causa in promptu est aculei nimirum ignei sese per vim in manum intrudentes. Cum autem carnes iam sint particulis illis frigidis quæ intrusæ sunt, confertæ, neque datur locus ingrediētibus per vim igniculis, magis ac magis carnea moles cōdensatur; vnde tā- tus procedit cruciatus. Donec tandē igniculis plu- ribus ingressis, victoribúsque, frigida illæ naturæ cedunt; quorum discessu dolor sedatur. Verum ad horum maiorem intelligentiam in quo talis consi- stat compressio operæpretium est inquirere.

#### A. R. T. I. C. I V.

*Quo natura compressionis, atque frigoris præmissa caloris  
inuestigatione magis explicatur.*

**I**D fiet clarius si prius caloris quoque naturam  
penitiūs inspexerimus, & quo modo res tacta



calorem nobis impertiat sciuerimus. E re tacta calida igniculi exeunt, qui si poros nostros sine violentia subeant, ignem nostrum suauiter excitant. Si dum sese mouet ut cum illo iungatur, atque ad eum se recipit, titillatione quadam nos delectat: si vero externus ille ignis vehementior faculorum multitudine partium nostrarum faciat diuisionem, dolorem parit. Nec solum inde prouenit dolor, sed quia ignis intimus laxior factus est, dum extrorsum contendit maiorem quoque eruptione partium dissolutionem facit. Quomodo autem ignis ignem proliciat, docet membrorum contactus quo se ita calefaciunt, ut lintum interponere necesse sit. Non sane quod alterius ignis in alterum inuadat membrum: sic enim facta dumtaxat ignis æqualis ex vno membro in alterum permutatione, neutrum membrum esset calidius quam prius. Sed quoniam hoc contactu ignis penitior allectus in partes exteriores se recipit. Vnde fit, ut mala & vna, & aliæ fruges contactu putrescant, dum intimus ignis vtriusque partis, hinc inde in externa concurrens, tandemque coniunctus abit, cuius abscessum putredo facile consequitur, in parte contigua: hac inquam tactione per quam ignis igni iungi potest, ut abeat. Neque enim nisi auctus, ac multiplicatus, ignis relinqueret eius quem intus deseruit consortium. Augetur autem, dum ex vtraque superficie exiens coit, atque sic auctus aufertur.

Viso iam in quo consistat ea calefactio. Facile erit à contrario, in quo sita sit illa visio quæ refrigerationem facit, ostenditur nempe opponitur quippiam externum, introrsum ipsis se contrahunt.



diuinus ille Plato, hac de re in Timeo paucis multa loquutus. Cum vult frigus fieri quoties humidum externum, in corpus nostrum sese induens, pellit humidū, nec tamen eius in locū se potest insinuare; vt pote crassius. Per humidum nostrum intelligit humidum calidum igniculis illis imprægnatum. Quod quidē ad humidi illius frigidi aduentū secedens, & penitus se recipiens, dum propter maiorem crassitudinem illud externum sequi nequit, relinqueret locum vacuum, ni partes frigida coirent: quo coitu validiores factæ magis etiam, magisque coguntur, atque hunc ignem magis premunt. Quandiu scilicet externum frigidū adiuuat. Quo alioquin amoto, ni internus ignis fuerit stragulatus, ac prorsus extinctus, rursus aduersus contēdit, & se tentat exerere; maximè verò si à loci ambientis calido internū illud calidū fuerit excitatū.

Nec tamen illud Platonis adeo vniuersaliter dictū putes, vt ad refrigeriū, sēper necesse sit humidū externū in corpus nostrū inire: satis est enim, si frigidum admoueatur, cuius contactum dum nostri corporis ignis externus refugit, introrsūque se recipit. partes externæ frigida suapte natura cogunt.

Non tamen intensissimum, igitur contrarij  
ere: itur vt cor-  
ge: m ignem,  
re: orum eius-  
di: ntium actio  
re: remunt cor-  
nt recedere.  
n rei frigida,



ignis ille se introrsum abdat: An quia sit aliquid in illa re frigida quæ hunc ignem repellat? Non est necesse. Sed satis est, ut nihil sit cui se appetat coniungere. Neque enim alium in finem ignis ille in extrema corporis se diffundit per minutissimos meatus; nisi ut igni extrario copuletur; qui ni occurrat recedit, seque ad alium recipit à quo se produxerat. Quid agat ibi? cur extra ignis alium moretur? an ut cum contrario ineat fœdus? Recedit igitur etiam si nihil pellat.

Adde quod ignis ille non est purus, nec solutus, sed est humido conclusus quod in extrema secum vehit. Estque natura quædam ex multiplicibus aliis composita, quæ tanto facilius attrahitur, quanto conformius est ipsi calidum illud externum, quod corporis poros subit. Quæ quidem natura ut egrediatur, requiritur pororum minutissimorum diductio non facilis, quæ fiat ab igne externo, atque aduena. Quo idcirco per frigidi contactum remoto, pori illi naturaliter contrahunt sese rursus, partibus scilicet coeuntibus: humidum illud quod ignem continet ea pororum contractione pressum ignem premit, qui propterea sese retrahere cogitur. Non utique sine partium interiorum resistentia quæ harum accessu cogirefugiunt. Vnde quo maior fuerit compressio, eo maior lucta, & dolor, & horror, & rigor, & tremor. Quod accidit cum non solum pori illi per remotionem caloris externi contrahuntur: sed cum à frigidis illis corpusculis externis partes corporis nostri introrsum compelluntur.

Quin metallorum fusorum coagulatio fit eodē partiū appetitu naturali per quē, igne qui eas di-

duce-



ducebat remoto, similes rursus coeūt, frigoris verò sensus, fit cū igne partim egresso, partim cōpresso, nihil amplius est quod manui admotum ignem partium extimarum iuuet, ac proliciat; vt diximus.

Ergo vt sæpius diximus libro secūdo de materia, frigus in re quæ frigit, nihil aliud est quā vel caloris priuatio vt in terra; vel ignis in ea re inclusi compressio, quam tamen præcedit ipsius ignis resistentia, ex qua si res sensu prædita sit oritur dolor.

Compressio verò illa fit à partibus potentia frigidis aqueis potissimum, & terreis. Porro hæc cōpressio iuuatur ab externo vel agente, vt cum corpusculo illa rei poros subeuntia ignem intro pel-lunt, seu etiam corpus vndique prementia in angustum cogunt; vel non agente, vt cum corpore frigido admoto ignis rei introrsum cedit, vt dictum est. Vt clarè videamus frigus non esse qualitatem quasi nouam naturam elemento adiunctam, sed partim eius actionem, partim rei passionem, partim actionis elementi priuationem.

#### A R T I C. V.

##### *De humiditate, & siccitate.*

**H**umidum ex Aristotele est id quod suis terminis difficilè, alienis facilè continetur: sic cum quod minimè. Ego quidem puto in eo consistere humidi naturam, vt cum ab alio contineatur, seruet nihilominus distantiam inter partes sibi debitā, vt aer vtre, vel aqua vase conclusa. Quod igni minime conuenit, qui etiam si partes à partibus maximè diductas habeat, non tamen eam distantiam conclusus retinet, sed subito comprimitur, vt non appareat. Terra verò etsi facilè termino alieno contineatur, nullam tamen habet inter



partes distantiam, aut sanè minimam, ita ut propterea non fluat. Caterum humidi in compositione partes sunt, ut ignem internum contineat, ne auolet, quem quidem fouet, ne stranguletur, dum non nimium comprimit, sed partium relaxatione cedit modicè. Quem ignem alioquin frigidum extingueret. Quatenus igitur aqua hanc mediocrem inter partes vel appetit, vel seruat distantiam; humida; quatenus verò ne nimium inter easdem partes hiatum patiatur; alienum, ut ignem; ut aerem, ut terram intrusam constringit, frigida censetur; idque appetitu naturali; nam quod magis compressa eadem coit in glaciem, hoc ab externo contra proprium appetitum patitur. Quamobrem cum ea sit ratio humidi, ut partes habeat ab inuicem distantes, constat humidum non posse cum summè frigido stare. Eo quod summè frigidum summam faciat partium coarctationem. Eodem iure aerem aqua humidiorum censeri; quod non tam facile ab eo statu recedat qui humiditatem facit. Non enim tam facile aer comprimitur quam aqua, ut testantur olea omnia in quibus aer quo plurimum constant, impedit quominus congelentur. Causa cur non tam facile condensetur, est quia longè maiorem appetit distantiam inter partes quam aqua, unde fit, ut magis resistat quominus tantum quantum aqua condensetur.

Sed idem humidum quod in minori quantitate calidum fouebat, si quātitate augeatur extinguet; frigidumne quantitate effectum est? Frigidius inquam, si quidem frigus consistit in ignei compressione. Etenim plures humidi partes strangulant calorem quem pauciores fouissent, dum nec auolare permittunt.



permisissent, nec tamen vincere planè quiuissent. Quod tamen dictum puta de actione humidi, & frigidi in calidum internum compositi, quatenus ignis ille internus vel fouetur, vel comprimitur. Nam ignis illius quem videmus accensum, extinctio non fit à frigido qua frigidum est, nec ab humido qua humidum est. Cum, ut superiùs commonstrauimus, flamma validior flammulam lampadis extinguat; quod vnde fiat, ibidem atque alibi læpius dictum repetitione non eget.

Prima intentione sufficienter de actione dixisse videbimur; quorumque in quæ sit actio, & quomodo, quo quidem loco actionem latè sumpsimus siue ea patienti noceat, siue prosit. Secunda intentione vanam illam actionis passionisque reciprocationem, qualem Aristoteles posuit, expugnauimus: falsumque esse virtutem illam quæ vinceret, vincendo debilitari demonstrauimus. Tertia in quo consisteret primarum qualitatum natura luculentum fecimus: In quibus omnibus non contemnenda nec inutilia ex abstrusissimis naturæ recessibus in lucem produximus, quæque non parum profutura sint viam in naturæ secreta molienti. Quæ idcirco hoc loco tum propter rerum affinitatem, tum propter iustam libri mensuram in vnum contulimus.

FINIS.





# DE COELO

## LIBRI DVO.

### LIBER PRIMVS.

#### *Propositio.*



RACIATVM de Cælo, etsi rei difficultas contrarium suadebat, dignitas tamen, ordóque naturæ vt de nobilissima mundi parte, præcipuóque, atque vniuersali Naturæ organo principem fecit, qui reliquarum mundi partium, earúmque partium inspectionem antecæat. In quo quidem opere nõ tam animus est, aut spes, quæ sunt certa proferre, quam quæ parum probabiliter Aristoteles hac de re philosophatus est, breuiter examinare, deinde Antiquorum sententias cum ipsius dogmate cõparare; tum aliquid de nostro, quod tamen ab Antiquorum principiis non abhorreat, apponere quod & admirationem, ni fallor, & oblectationem excitet in animis Philosophorum, vel saltem talem opinionem, vt si minus nobis assentiantur, non certè impro-



improbent hanc operam : in qua si noua videbunt, pulchra tamen, quæque rationis limites non excedant.



# INTENTIO I.

Qua doctrina de orbibus cælestibus examinatur.

## ARTIC. I.

*Continens Aristotelis sententiam.*

**O**Rdiamur à numero sphærarum quas Aristoteles cum suis dicunt esse octo, hoc ordine, vt Cælum Lunæ sit infimum, cui succedat Cælum Mercurij, huic Cælum Veneris, eodem ordine Cælum Solis sit quartum, quintum Martis, sextum Iouis, septimum Saturni, octauum firmamentum, seu Cælum stellarum. Vnicuique autem sphæræ affigunt vnam Intelligentiam quæ motum eius moderetur. Etsi enim omnes sphæras ab Oriente (quem motum totius Aristoteles vocat) in Occidentem primæ sphæræ impetu trahi fateantur; proprium tamen vnicuique sphæræ motum tribuunt, quo scilicet nitatur in contrarium; quem dicunt motum Planetarum; vnde fiat vt velocitatem primi mobilis alij Cæli non sequantur. Itaque his diuersis motibus regendis præfixit Genius Aristotelis vnicuique orbi suam Intelligentiam.



sunt: hæc verò pulsa trudent alia, donec venitur ad illa quæ posterioribus Solis radiis succedunt. Iam aduerte animum quid eueniat. horis antelucanis iã ea corpuscula frigida quoquouersum dispersa, non modo aerem, sed & corpora solida subierunt. Sole propius accedente veniunt noua continuè quæ radij solares pellunt; quibus cum non facile alia cedant, fit eorum congregatio, maiorque condensatio; donec à solis radiis vicinioribus tandem vincantur, atque expellantur.

Eadem planè ratione Sol ab Australibus ad nos gressum reflectens, frigidiora corpora quæ ipsius recedentis spacium occuparunt, ad nos remittit: non cedentibus autem aliis quæ iam apud nos conuerunt, tanta fit aeris condensatio, vt continuo rigore horreamus; donec post alterum aut tertium mensem victores radij solares has frigidas naturas paulatim accessu suo discutiant.

Hoc inquam cum sit clarissimum, nobis quoque soluit aliam quæstionem quam facit Aristoteles Sectione 25. problem. 18. *Quam ob causam aere sudo, apertoque frigus fit acrius quam nubilo, quum stella sint calida, & calum?* Et rursus problem. 21. *Cur calum nubilum tepidius sit, quam apertum, & placidum? An quia calo sereno, vapor restringi melius potest: indicium quod vento silente ros & pruina consistunt: Cum igitur serenum est, calor diffatur, quo humor eruitur, atque effertur. Itaque aer frigidior est: qua de causa humor à calore demissus irrorat: at cum nubilum est, arcetur, & constat: quo circa nec ros, nec pruina contrahi potest, cum nubilum est: ergo calor ad terram remanens, facit vt tepor amplior esse possit.*

Hæc Aristoteles: quæ quàm vana sũt arguunt vapores qui tẽpore nubilo affacti continuè ascendunt



dunt atque in nubes coguntur. Quorum ascensum cū oculi videant, mirū est Aristotelem sensui velle imponere, dum vult, eos, eorūque calorem *ad terram remanentem, facere vt tepor amplior esse possit.*

Causa igitur hæc est. Quia Cælo nubilo arcen- tur illa corpora frigida quæ Solis aduentus ad nos compellit: Nubes enim viam intercludunt quomi- nus ad nos pertingant.

Sed alia quoque causa materialis huius frigoris omnibus illis casibus communis agnoscenda est. Radij scilicet solares valde debiles qui cū his cor- pusculis frigidis se in nostra corpora induētes nihil aliud quàm cōpressionē faciūt maiore, quādiu in- firmiores has frigidas naturas nō possūt expellere.

Huius assertionis veritatem luculentiorē red- det aliū difficultatis solutio. Cur scilicet quibus manus frigore rigēt, si igni admoueāt, vehemētio- res, intolerabilēsque dolores persentiant. Causa in promptu est aculei nimirum ignei sese per vim in manum intrudentes. Cum autem carnes iam sint particulis illis frigidis quæ intrusæ sunt, confertæ, neque detur locus ingrediētibus per vim igniculis, magis ac magis carnea moles cōdensatur; vnde tā- tus procedit cruciatus. Donec tandē igniculis plu- ribus ingressis, victoribūsque, frigida illæ naturæ cedunt; quorum discessu dolor sedatur. Verum ad horum maiorem intelligentiam in quo talis consi- stat compressio operæpretium est inquirere.

#### A R T I C. I V.

*Quo natura compressionis, atque frigoris præmissa caloris  
inuestigatione magis explicatur.*

**I**D fiet clarius si prius caloris quoque naturam  
penitiūs inspexerimus, & quo modo res tacta



calorem nobis impertiat sciuerimus. E re tacta calida igniculi exeunt, qui si poros nostros sine violentia lubeant, ignem nostrum suauiter excitant. Sic dum sese mouet ut cum illo iungatur, atque ad eum se recipit, titillatione quadam nos delectat: si uero externus ille ignis vehementior praeiaculorum multitudine partium nostrarum faciat diuisionem, dolorem parit. Nec solum inde prouenit dolor, sed quia ignis intimus laxior factus est, dum extrorsum contendit. maiorem quoque eruptione partium dissolutionem facit. Quomodo autem ignis ignem proliciat, docet membrorum contractus quo se ita calefaciunt, ut linteum interponere necesse sit. Non sane quod alterius ignis in alterum inuadat membrum: sic enim facta dumtaxat ignis æqualis ex vno membro in alterum permutatione, neutrum membrum esset calidius quam prius. Sed quoniam hoc contactu ignis penitior allectus in partes exteriores se recipit. Vnde fit, ut mala, & uulgo, & aliæ fruges contactu putrescant, dum intimus ignis utriusque partis, hinc inde in externa concurrens, tandemque coniunctus abit, cuius abscessum putredo facile consequitur, in parte contigua: hac inquam tactione per quam ignis igni iungi potest, ut abeat. Neque enim nisi auctus, ac multiplicatus, ignis relinqueret eius quem intus deserit consortium. Augetur autem, dum ex utraque superficie exiens coit, atque sic auctus aufugit.

Visto iam in quo consistat ea calefactio, non difficile erit à contrario, in quo sita sit illa compressio quæ refrigerationem facit, ostendere. Quoties nempe opponitur quippiam his igniculis contrarium, introrsum ipsis se recipientibus, partes externæ sese contrahunt. In quo admirandus mihi est  
diuinus



diuinus ille Plato, hac de re in *Timeo* paucis multa loquutus. Cum vult frigus fieri quoties humidum externum, in corpus nostrum sese induens, pellit humidū, nec tamen eius in locū se potest insinuare; vt pote crassius. Per humidum nostrum intelligit humidum calidum igniculis illis imprægnatum. Quod quidē ad humidi illius frigidi aduentū secedens, & penitiūs se recipiens, dum propter maiorem crassitudinem illud externum sequi nequit, relinqueret locum vacuum, ni partes frigidaē coirent: quo coitu validiores factæ magis etiam, magisq̃ue coguntur, atque hunc ignem magis premunt. Quandiu scilicet externum frigidū adiuuat. Quo alioquin amoto, ni internus ignis fuerit stragulatus, ac prorsus extinctus, rursus aduersus contēdit, & se tentat exercere; maximè verò si à loci ambientis calido internū illud calidū fuerit excitatū.

Nec tamen illud Platonis adeo vniuersaliter dictū putes, vt ad refrigeriū, sēper necesse sit humidū externū in corpus nostrū inire: satis est enim, si frigidum admoueatur, cuius contactum dum nostri corporis ignis externus refugit, introrsūq̃ue se recipit, partes externæ frigidaē suapte natura coguntur.

Dixi satis ad frigus, non tamen intensissimum, ad quod non satis est, ex fuga contactus contrarij ignem introrsum se recipere; sed requiritur vt corpus illud contrarium vrgeat fugientem ignem, qualis est, frigidissimo celo, corpusculorum eiusmodi quæ diximus, vndique prementium actio corpus cogens. Pressa namque illa, premunt corpus nostrum, ignemque magis cogunt recedere.

Sed vnde fiat, vt, ad contactum rei frigidaē,



ignis ille se introrsum abdat: An quia sit aliquid in illa re frigida quæ hunc ignem repellat? Non est necesse. Sed satis est, ut nihil sit cui se appetat coniungere. Neque enim alium in finem ignis ille in extrema corporis se diffundit per minutissimos meatus; nisi ut igni extrario copuletur; qui ni occurrat recedit, seque ad alium recipit à quo se produxerat. Quid agat ibi? cur extra ignis alium moretur? an ut cum contrario ineat fœdus? Recedit igitur etiamsi nihil pellat.

Adde quod ignis ille non est purus, nec solutus, sed est humido conclusus quod in extrema secum vehit. Estque natura quædam ex multiplicibus aliis composita, quæ tanto facilius attrahitur, quanto conformius est ipsi calidum illud externum, quod corporis poros subit. Quæ quidem natura ut egrediatur, requiritur pororum minutissimorum diductio non facilis, quæ fiat ab igne externo, atque aduena. Quo idcirco per frigidi contactum remoto, pori illi naturaliter contrahunt sese rursus, partibus scilicet coeuntibus: humidum illud quod ignem continet ea pororum contractione pressum ignem premit, qui propterea sese retrahere cogitur. Non utique sine partium interiorum resistentia quæ harum accessu cogire fugiunt. Vnde quo maior fuerit compressio, eo maior lucta, & dolor, & horror, & rigor, & tremor. Quod accidit cum non solum pori illi per remotionem caloris externi contrahuntur: sed cum à frigidis illis corpusculis externis partes corporis nostri introrsum compelluntur.

Quin metallorum fusorum coagulatio fit eodē partium appetitu naturali per quē, igne quicquid di-

duce.



ducebat remoto, similes rursus coeunt, frigoris verò sensus, fit cum igne partim egresso, partim cōpresso, nihil amplius est quod manui admotum ignem partium extimarum iuuet, ac proliciat; vt diximus.

Ergo vt sæpius diximus libro secūdo de materia, frigus in re quæ frige fit, nihil aliud est quā vel caloris priuatio vt in terra; vel ignis in ea re inclusi compressio, quam tamen præcedit ipsius ignis resistentia, ex qua si res sensu prædita sit oritur dolor.

Compressio verò illa fit à partibus potentia frigidis aqueis potissimum, & terreis. Porro hæc cōpressio iuuatur ab externo vel agente, vt cum corpusculo illa rei poros subeuntia ignem intro pellunt, seu etiam corpus vndique prementia in angustum cogunt; vel non agente, vt cum corpore frigido admoto ignis rei introrsum cedit, vt dictum est. Vt clarè videamus frigus non esse qualitatem quasi nouam naturam elemento adiunctam, sed partim eius actionem, partim rei passionem, partim actionis elementi priuationem.

#### A R T I C. V.

##### *De humiditate, & siccitate.*

**H**UMIDUM ex Aristotele est id quod suis terminis difficilè, alienis facilè continetur: sic cum quod minimè. Ego quidem puto in eo consistere humidi naturam, vt cum ab alio contineatur, seruet nihilominus distantiam inter partes sibi debitā, vt aer vtre, vel aqua vase conclusa. Quod igni minime conuenit, qui etiam si partes à partibus maximè diductas habeat, non tamen eam distantiam conclusus retinet, sed subito comprimitur, vt non appareat. Terra verò etsi facilè termino alieno contineatur, nullam tamen habet inter



partes distantiam, aut sanè minimam, ita ut propterea non fluat. Caterum humidi in compositione partes sunt, ut ignem internum contineat, ne auolet, quem quidem fouet, ne stranguletur, dum non nimium comprimit, sed partium relaxatione cedit modicè. Quem ignem alioquin frigidum extingueret. Quatenus igitur aqua hanc mediocrem inter partes vel appetit, vel seruat distantiam; humida; quatenus verò ne nimium inter easdem partes hiatum patiatur; alienum, ut ignem; ut aerem, ut terram intrusam constringit, frigida censetur; idque appetitu naturali; nam quod magis compressa eadem coit in glaciem, hoc ab externo contra proprium appetitum patitur. Quamobrem cum ea sit ratio humidi, ut partes habeat ab inuicem distantes, constat humidum non posse cum summè frigido stare. Eo quod summè frigidum summam faciat partium coarctationem. Eodem iure aerem aqua humidiores censeri; quod non tam facilè ab eo statu recedat qui humiditatem facit. Non enim tam facile aer comprimitur quam aqua, ut testantur olea omnia in quibus aer quo plurimum constant, impedit quominus congelentur. Causa cur non tam facile condensetur, est quia longè maiorem appetit distantiam inter partes quam aqua, unde fit, ut magis resistat quominus tantum quantum aqua condensetur.

Sed idem humidum quod in minori quantitate calidum fouebat, si quātitate augeatur extinguet; frigidumne quantitate effectum est? Frigidius inquam, siquidem frigus consistit in ignei compressione. Etenim plures humidi partes strangulant calorem quem pauciores fouissent, dum nec auolare permittunt.



permisissent, nec tamen vincere planè quiuissent. Quod tamen dictum puta de actione humidi, & frigidi in calidum internum compositi, quatenus ignis ille internus vel fouetur, vel comprimitur. Nam ignis illius quem videmus accensum, extinctio non fit à frigido qua frigidum est, nec ab humido qua humidum est. Cum, ut superius commonstrauimus, flamma validior flammulam lampadis extinguat; quod vnde fiat, ibidem atque alibi læpius dictum repetitione non eget.

Prima intentione sufficienter de actione dixisse videbimur; quorumque in quæ sit actio, & quomodo, quo quidem loco actionem latè sumpsimus siue ea patienti noceat, siue prosit. Secunda intentione vanam illam actionis passionisque reciprocationem, qualem Aristoteles posuit, expugnaui-  
mus: falsumque esse virtutem illam quæ vinceret, vincendo debilitari demonstrauimus. Tertia in quo consisteret primarum qualitatatum natura luculentum fecimus: In quibus omnibus non contemnenda nec inutilia ex abstrusissimis naturæ recessibus in lucem produximus, quæque non parum profutura sint viam in naturæ secreta molienti. Quæ idcirco hoc loco tum propter rerum affinitatem, tum propter iustam libri mensuram in vrum contulimus.

FINIS.





# DE COELO

LIBRI DVO.

LIBER PRIMVS.

*Propositio.*



R A C T A T V M de Cælo, etsi rei difficultas contrarium suadebat, dignitas tamen, ordóque naturæ vt de nobilissima mundi parte, præcipuóque, atque vniuersali Naturæ organo principem fecit, qui reliquarum mundi partium, earúmque partium inspectionem antecæat. In quo quidem opere nõ tam animus est, aut spes, quæ sunt certa proferre, quam quæ parum probabiliter Aristoteles hac de re philosophatus est, breuiter examinare, deinde Antiquorum sententias cum ipsius dogmate cõparare; tum aliquid de nostro, quod tamen ab Antiquorum principiis non abhorreat, apponere quod & admirationem, ni fallor, & oblectationem excitet in animis Philosophorum, vel saltem talem opinionem, vt si minus nobis assentiantur, non certè impro-



improhent hanc operam : in qua si noua videbunt, pulchra tamen, quæque rationis limites non excedant.



# INTENTIO I.

Qua doctrina de orbibus cælestibus examinatur.

## ARTIC. I.

*Continens Aristotelis sententiam.*

**O**Rdiamur à numero sphærarum quas Aristoteles cum suis dicunt esse octo, hoc ordine, vt Cælum Lunæ sit infimum, cui succedat Cælum Mercurij, huic Cælum Veneris, eodem ordine Cælum Solis sit quartum, quintum Martis, sextum Iouis, septimum Saturni, octauum firmamentum, seu Cælum stellarum. Vnicuique autem sphæræ affigunt vnā Intelligentiam quæ motum eius moderetur. Etsi enim omnes sphæras ab Oriente (quem motum totius Aristoteles vocat) in Occidentem primæ sphæræ impetu trahi fateantur, proprium tamen vnicuique sphæræ motum tribuunt, quo scilicet nitatur in contrarium; quem dicunt motum Planetarum; vnde fiat vt velocitatem primi mobilis alij Cæli non sequantur. Itaque his diuersis motibus regendis præfixit Genius Aristotelis vnicuique orbi suam Intelligentiam.



Hinc dissidia magna, turbæque non leues inter Peripateticorum Proceres, An intelligentiæ illæ Cælum quæque suum forment; An verò veluti auriga currui his tantum assideant. De quibus prolixæ disputationis prolixam conclusionem ita incipit Picolomineus, cap. 2. *Rationes quæ pro omni parte relatae sunt, satis dubiam reddidere eam considerationem, an Intelligentia forment caelestia corpora: præsertim tamen illa præualere videntur, & magis cogere, quibus Cælum ab intelligentiis non formari ostendebatur.* Sed ea, multiæque alia quibus anni frustra teruntur, sint hominum ociosorum occupationes.

## ARTIC. II.

*Quo huius sententia absurda breuiter tanguntur.*

**M**iramur illam Cælestium Orbium fabricam, ut ad cuiusque stellæ errantis ductum, necesse fuerit orbem immensum, vastissimūque construere; Cumque Natura nihil agat frustra, mirum est saltem eam non potuisse quod multi Mathematici, qui sine eiusmodi sphaerarum constructione, diuersos tamen stellarum motus expresse-  
runt, Sole, Luna, cæterisque astris certo tempore recurrentibus. Mirum, ut eadem Natura Cometas qui ex vaporibus halitibusque generantur, per summum aërem circulariter ducat, certo tempore, atque via obseruata; idque sine sphaeræ alicuius ministerio, stellam verò non perinde possit: sed ad septem stellarum motus diuersos, septem globos immensæ cum extensionis, tum profunditatis alios aliis appositos, opus fuerit fabricare.

Quod si Natura huic stellæ non tantum dederit ingenium, ut viam norit suam, quantum illi concessit halitui; ut propterea necesse fuerit huic stellæ

Recto.



Rectorem, Motoremque præficere. Nunquid minori sudore stellam illam solā circumduxerit motor ille? Quid opus immensæ molis fabricam circumuoluere? Forte viam ductor ille tenere nequiuisset circularem. Ineptum ducem, qui quod halitus incensus sine intellectu sequitur, tanta intelligentia præditus assequi nequeat. Operosiusne fuit tramitem illum seruare, quàm debitum in eo motu modum tenere, ne aut celerior æquo sit, aut tardior? Debet enim Ixion ille curare, vt sua rota continuè tantum, ac tantum à superiore recedat, vel præcedendo, vel sequendo, in quo, nequidem puncto, aberret. Quin & alia animaduersione opus est non minùs periculosa, vt vel ad Austrum, vel ad Polum continuè sphæram suam deflectat, seruata temporis, motusque mensura. Quod tanta cum diligentia præstat, vt nunquam castigatum legas, quod vel latum vnguem excesserit, vel momèto rationem temporis anteuerterit. Quanto difficilior fuit hæc obseruatio, quam viæ circularis cognitio? Verùm esto: Naturæ volentis, vel potius Aristotelis iubentis feramus arbitrium: ad hanc viam tenendam opus fuerit instrumèto circulari. Quemadmodū Mathematici circuli ænei, vel ferrei ductu; fictitias suas stellas mouent; Quidni fabricata aliqua rota tenui, puta ex adamante, quo firmior esset, stellam illam natura circumducendam curauit? Longè etenim minor fuisset huic Mótore labor, hanc rotam tenuem mouere, quam globum profunditate, & latitudine immensum trahere. Sed iam seridè. Globos illos alios aliis contiguos voluit Aristoteles, vt primo illo in Occidentem moto, reliqui eodem impetu, semper



superiore sequentem trahente rapiantur. Ineptè. Si enim motorem quisque suum habet, quid opus fuit inferiores à primo moueri? Quisque suū peragat opus; & ut primus primum, ita secundus secundum orbem voluat. Minimè id quidem, inquit, sed primus ille, quippe longè potentior, robustiorque cæteros iuuet, operaque sua reliquos orbes trahat.

Ain? iuuet? Orant, ne obfit. Profectò minoris ipsi fuerit negotij, orbem proprium, quemque in Occidentem ducere, quam aduersus primi violentiam, eundem sustinere. Singuli namque Orbes (quemadmodum ex ipsis deprehenditur stellis) proprio motu ab Occidente per Meridiem contrahuntur, inquit Orontius Finxus lib. i. capit. 5. Aristoteles verò Intelligentia, inquit mouente.

Videre mihi videor hanc Intelligentiam ni manus hunc Sisyphum, hunc inquam Motorem, pede presso, capite manibusque obuersis, sudante vultu anhelantem, aduersus Globi superioris rapiditatem, suam sphæram sustinere, ne pari cum illo rotatione rapiatur: ubi verò Globus inferior, cui Motor ille innititur perpetuo mobilis pedem fallit, lapsu frontem, & nasum illidere; ut non abs re Phœbus medicorum Princeps, eorum nempe vulnera sanaturus, in medio sit collocatus.

Parum est quod superiori trahenti in occidentem, Inferior aduerso motu reluctetur, ni superiore versus Polum declinante, ac trahente, Inferior contrarius vim, sphæram suam, versus Austrum, eadē opera, motu contrario repelleret. Ad quod non vnus fuerit satis; consultius Aristoteles, si unicuique

Orbi



Orbi motores duos addixisset; alterum qui contra rapiditatem motus in Occidentem, sphaeram illam, quantum opus est, moretur; alterum qui, globo superiore trahente dextrorsum, nisu contrario suam sphaeram laeuorsum repellat. Quæ ridicula Aristotelis sententiam sequentia, quis Agelaustus, vel Trophonius audiens risum temperet? Et mirum quod hæc ludicra rideamus?

## ARTIC. III.

*Discrepantes hac de re Astrologorum sententias proponens.*

**H**isce ridiculis, risuque nostro Lectorem ad grauiora præparare volumus. Quanquam, ridendo dicere verum nil vetat. Quin difficile erit in his etiam grauioribus à risu temperare. Errauimus, quæ grauiora dicebam, absurditatibus grauidiora debui dicere. Etsi grauias quidem sunt, difficultatūque, atque contradictionum pondere humanum ingenium obruētia, quæ ex hac de Orbibus Cælestibus doctrina traxerunt Astrologi; ita ut quæ dicta sunt, si cum iis quæ inde deducta sunt conferas, philosophica videantur.

Sed ut qua fieri poterit breuitate, ac facilitate rem longissimam, obscurissimamque expediamus: Astrologi, alij admittunt quosdam orbēs eccentricos, atque epicyclos in quibus planetae moueantur: alij verò eiusmodi orbēs eccentricos omnes respuunt, solósque volunt concentricos. De his audiamus Clauium de hac scientia optimè meritum commentario in ca. 4. Sphære Ioannis de Sacro Bosco. *Ex orbibus, inquit, concentricis maxima oritur confusio, ob ingentem eorū multitudinem.*



quam eorum defensores introducunt. Ex quo etiam sequitur necesse est, mira perturbatio motuum. Ponunt enim, ut apud Fracastorium est manifestum, orbes, seu sphaeras mobiles 77. vel 79. octo quidem stellatas, reliquas verò omnes stellis priuatas, quarum sex supra firmamentum collocant, quod non solum maiori parti Astrologorum aduersatur, qui hactenus duas tantum sphaeras caelestes non stellatas supra firmamentum inuenerunt, verum etiam pugnat cum omnibus Peripateticis qui ex Aristotelis sententia, ne vnum quidem orbem supra firmamentum admittere voluerunt. Tantam confusionem vitant ij qui eccentricos orbes ponunt in Coelis, quia in vniuersum, orbes duntaxat 33. concedunt, ambientes quidem terram 27. sex vero epicyclos qui toti extra terram extant. Ecce qui minùs abs ratione recedere videntur inter illos, triginta orbes, ut minimum, requirunt, ad motum septem stellarum.

## ARTIC. IV.

*Quo vtrorumque sententia improbantur.*

**E**T quidem vtrique frustra in tanta Orbium Coelestium multitudine laborant, dum alij aliorum sententias arguunt manifestæ falsitatis. Eorum qui eccentricos improbant argumenta videre est apud Clauium loco citato. Sufficit vñ proferre cuius meminit Piccolominæus lib. de Coelo cap. 25. Præter id quod Epicycli sunt commentitium quoddam, etiã Epicycli Veneris diameter tam magna esse non potest, sine descensu ad inferiores orbes, ut per illam valeat Venus modo præire Soli per quadraginta, & octo fere gradus, modo per totidem illum sequi,




qui. In hoc argumento laborat, sed frustrameo iudicio Clavius. ubicunque enim collocet eum Epicyclum, ipsum nequit capere Cœlum Veneris quin vel superiorem, vel inferiorem orbem ingrediatur.

Contra verò Authores Eccentricorum, & Epicyclorum multis demonstrationibus quas videre est apud Clavium loco supradicto probant Lunam & alios planetas aliquando remotiores esse à terra, aliquando viciniore: unde ita argumentatur Clavius. *Si planeta in orbibus eccentricis non deferuntur ab occasu in ortum, deuehantur utique aut per orbis concentricos, aut certè per se mouebuntur in Cœlis, ut pisces in mari; vel aues in aere: sed hisce duobus modis non mouentur. Igitur Eccentricis feruntur: Ita Clavius, qui si sufficientem fecit modorum enumerationem, ita resumam eius argumentum. Si planetæ per se non mouentur in Cœlis ut pisces in mari, vel aues in aere; aut in concentricis feruntur, aut in eccentricis: sed horum duorum modorum neutro feruntur; Ergo seipsis planetæ mouentur in Cœlis. Maiorem admittit Clavius, imo nullus eorum illam negarit. Minorem ipsimet luculentam faciunt: cuius alterum membrum aduersus Eccentricos alij demonstrationibus euincunt: alij verò aduersus concentricos alterius membri probationem reddunt minimè dubiam. Eorum igitur laboribus fruatur Antiquitas, ad probationem eius quod de planetarum motu tenuit, eos scilicet sine orbibus, seipsis in vasto illo Æthere ferri. Quod quidem necessarium est, si neque eccentricis, neque concentricis*



Orbibus eos ferri par est, ut hi suis digladiationibus clarum faciunt, quorum sententiæ mutuis corruunt vulneribus.



## INTENTIO II.

### De Antiquorum sententia.

#### ARTIC. I.

*Quo argumenta aduersus eam sententiam proponuntur.*

**H**is rationibus eam improbat Clavius loco citato. Quod planeta non moueantur per se, veluti pisces in mari vel aues in aere, multis rationibus probare nititur Aristoteles in libro de Cælo, & à nobis euidenti argumento confirmatum est supra, quando cap. 1. ostendimus cum Autore, cælum ab Oriente volui in Occidentem, & est communis omnium philosophorum, & Astronomorum doctrina. Immo si ita mouerentur, & non potius ad motum orbiū in quibus sunt, nullā certam scientiam de illorū motib. habere possemus. Cum enim, ut in superiorib. apparentiis dictum est, Planeta aliquando magis, aliquādo minus à terra absint; interdum velocius moueantur, interdum quasi cursum inhibeant, nunc stare videantur, nunc progredi sub Zodiaco ab Occasu in Ortum, nunc retrogredi, quis est qui non videat Planetas, si moueantur ut pisces, seu aues, aliquando suos circulos, quos ab Occasu in Ortum describunt, debere relinquere, ut magis possint à terra recedere, & ad eandem accedere; aliquando autem proprium cursum relinquere, rursusque in oppositam partem retrocedendo niti, aliquando de-

nique



nique cursum omnino sistere in Cælo, ut penitus non moveantur. Quæ si fierent, quomodo, obsecro, eorum periodi desiniri poterunt, quæ item ratione cognosci, quanam in parte Cæli altius à terra digressuri sint Planetae, & iterum ad terram reuersuri. Hæc Clavius.

## ARTIC. II.

Quo ut prædictæ rationes solvantur, fundamenta ponuntur.

**V**Alidæ forte fuerint hæ rationes, si ponantur astra illa errantia esse veluti pisces, seu aues animalia ratione carentia, brutumque appetitum sequentia, at certè nullæ, si Planetas eiusmodi Intelligentia præditos asseramus. Ad cuius doctrinæ explicationem peto, tantum ut liceat de illo sydere sentire, quod non modo alij philosophi grauissimi, sed ipsimet inter Peripatericos primi de Cælo docuerunt: quàmque perfectionem orbibus illis attribuerunt, eam mihi concedatur in planetis ipsis agnoscere. de quo Piccolominum audiamus cuius sunt hæc verba lib. de Cælo. cap. 24. Academici Cælo asseruerunt conuenire sensus passionis expertes, & præsertim eminentiores, & magis spirituales, quales sunt visus, & auditus. nam quatuor considerarunt sensuum gradus, primum & eminentiorem tribuerunt animæ mundi, sine instrumentis, sine perpeffione, & sine progressu ad externa, tanquam imaginariam quandam virtutem. Secundum animis Sphærarum, & stellarum, sine instrumentis, & perpeffione, sed cum exitu ad externa. Tertium animalibus per instrumenta distributum. postremum plantis. Auicenna Cælo non externos sensus, sed internum competere censuit, nempe phantasiam. Cum enim debeat Cæli anima cognoscere particulares reuolutiones, quas efficit, & earum cognitio non pertinet ad men-



tem, inferebat id ei competere per phantasmam. Plutarchus Lydus, referente Simplicio, & Philopono in expositione 61. contex. 3. de Anima, etiam ex sententia Aristotelis asseruit Cælo sensus competere, & id ex verbis illius contextus eliciebat Philoponus, quāvis oppositū tribuit Aristoteli, tamen digrediens in expositione illius contextus, tuetur sententiam Academicorum & diluit rationes aduersas, ut etiam in secundo de Anima 6. & 17. similiter Simplicius in secundo de Cælo 35. inquit, forte, igitur sensus maximè materiati remouendi sunt à Cælo. ut gustatus & odoratus, ceteri ei tribuendi, cū enim se inuicē orbes tangant, nō sine sensu se tāgant similiter omnia intueſtur, omniaque audiunt, & iure hoc dicere videtur. Cū enim sentiens præferatur nō sentienti, & iudiciū sensuū perfectionē denotet, non videtur remouendum à Cælo præstantissimo Corporū. Ex aduerso tamen Peripatetici, Cælo gradus animæ superiores, nēpe Mentem & voluntatem, sine inferiorib. tribuunt, ut ex quatuor reſatis sensuum gradibus, vnicum cōcedunt, animalib. mortali. competentē, & iure profectō. &c. hæc ibi Picolomineus. Et ca. 18. quo querit an intelligentia formet Cælum, & det esse Cælo citatis duab. opinionib. diuersis quæ tamen Cælum censerent animatum. Tertio, inquit. reperti sunt alij, qui animam Cæli ab intelligentia non secernentes, asseruerunt intelligentias esse animas Cælorū. qui in tres tanquam classes sunt distributi. Nonnulli affirmarunt intelligentias formare, & dare esse Cælo, ut Alexander Achillinus, & Hieronimus Baldunus: alij nō formare sed solū assistere, ut Zimara, Gandauēsis, Scotus, & similes: nōnulli demū rem pro nulla parte necessariā, nobisq; certā dixerunt, sed pro vtraque probabilem. hinc modo alteram approbarunt veluti D. Thomas qui in secundo, cōtra Gentes cap. 70. inquit, Cælum esse animatum, & recipere esse ab anima; Plurib.que Thoma autoritatibus productis, ita cōcludit Picolomineus.



*ac D. Thomas per quæ denotat intelligentiam esse formam  
Cæli, cum forma totalis sit intelligentia.*

## ARTIC. III.

*Quo ex Peripateticorum concessis infertur planetas seipsis,  
sine orbibus ferri posse, ac debere.*

**I**D ergo quod Peripatetici concedunt de orbi-  
bus Cœlestibus, de ipsis Planetis seorsum posi-  
tis quidni admittant, nulla est ratio. ut quibus Mo-  
tibus harum Sphærarum volutionem cōmittūt,  
ab isdem planetas illos moueri, duci q; permit-  
tan. Volūntne sphærā volui ab intelligentia, ut ab  
externo principio? pariter astrū solum ab externo  
principio impellatur. Volūntne orbē ab interno  
principio, propriaq; virtute rotari? ab eadē pro-  
pria virtute stella sola moueatur. Si intelligentia  
illa tamquam aurigā assistens vehat, regātq; sphæ-  
ram, quidni poterit & solam stellam? Sin eam in-  
telligentiam dicunt esse orbis illius animā, quid-  
ni poterit astrū solum animare? Quocunque,  
inquam, modo vector ille moueat, siue extrinse-  
cus, siue intrinsecus, non poterit æquē facilē astrū  
solum, quā vastissimā sphæram circunduce-  
re? Vtrum congruentius Naturæ nihil agenti fru-  
stra, ut septem stellarū motibus, motores septem  
præfigantur; an ut septuaginta septē, aut nouem  
constituantur mouendis totidem orbibus quo-  
rum immensa vastitas excedit cogitationem? At  
nequidē hi septuaginta nouē motores cū totidē  
sphæris, motui septē stellarū sufficiunt, ut superius  
Mathematicorū operā demonstratū est: sufficiūt  
autē septē motores si extra sphæras hæ stellæ col-  
loceantur. Nō sufficiunt tot orbes totq; motores, ut




Luna, cæteri que Planeta nunc Terræ viciniore, nunc ab eadem remotiores fiant: poterunt singuli motores singulas stellas extra Sphæras quoquo-  
 versum voluerint ad arbitrium ducere. Times ne  
 præter Vectoris voluntatem Planeta descendat  
 non est grauis, Times ne ascendat? non est levis.  
 Aptus est circulariter moueri; atque motori pro-  
 prio obedire. Quid hîc tam abstrusa philosophia  
 opus est? quid tanta subtilitate? Repete quæ al-  
 tersus octo Sphæras in principio diximus, seria si-  
 nè, quamuis rideremus: quanto maiorem ride-  
 di materiam nobis septuaginta septem orbes  
 cum pari numero Arigarum suggessissent? Non  
 tot admittunt Peripatetici. Non mirum. Igno-  
 rant scilicet causas propter quas, ni velint imma-  
 iora absurda incidere, Mathematici vident toti-  
 dem necessario admittendas, nec tamen adhuc  
 suffecturas.

Sed quid opus alio motore, quæ eo qui res quas-  
 que Naturales tam certò ducit ad finem pro-  
 prium? Deus ipse sapientissimus non potest se-  
 ipso tam facilè has stellas ducere, quàm leuia sur-  
 sum, grauia deorsum dirigit? At variat earum stel-  
 larum motus, non rerum grauiũ, aut leuium. Non  
 potuit Deus seipso hunc motum variare? Recolā-  
 tur quæ lib. 2. de forma demonstrauimus, Deum  
 scilicet motuum omnium naturalium causam ef-  
 ficientem vnicam esse. Qui hoc tenuerit, quod ne-  
 mini vim nostrarum rationũ perpendenti poterit  
 esse dubiũ, nõ ignorabit, non magis esse incõgruũ,  
 vt Deus hæc astra per se moueat, quàm vt ignem,  
 aquam, cæteraq; elementa per se agat? Non tamen  
 reluctamur quominus vnaquæque ex his stellis  
 erranti-



errantibus à proprio motore ferri censeatur, siue extrinsecus moueat, siue intrinsecus. Tantum volumus indicare, non defuisse supremo illi, ac sapientissimo rerum omnium moderatori plures vias, ac modos quibus septem stellas posset motu, atque ordine cuique conueniente circumducere, siue illa tam multiplici, ac prope infinita tot orbium structura, nequidem ad harum stellarum motus sufficienti.



## INTENTIO III.

De multiplici stellarum motu.

### ARTIC. I.

*An duplici motu stella ferantur erratica.*

**S**Eptem planetas duos habere motus, alterum sub ortu in occasum qui motus est totius, alterum cuique Planetæ proprium ab occasu versus ortum, omnes Astrologi, ac Philosophi pro cōperto habent; adeò vt qui hoc in dubium reuocaret, contra sensum ipsum pugnare videretur. In octaua Sphæra longo post Aristotelem tempore duplicem eiusmodi motum nemo obseruauit, vnde ab Antiquis primum mobile habitum fuit. Postea tamen, vt refert Clavius cōment. in cap. i. quo loco quaerit, *Qua ratione collectus sit motus Cælorum ab occasu ad ortum*, obseruatum est, rem longè secus se habere, Si quidem referunt Ptolomæus, & alij, multas Priscorum obseruationes quibus constat, non eadem Solstitiorum puncta, sed solem qui tali



gradu reuerti visus erat, post longam annorum reuolutionem suo regressu gradum illum anteueruisse. Solis, inquam, deflexionem, puta ab Aquilone in Austrum pluribus diebus cæpisse, antequam cœli stellati gradus ille Solem attigisset, in quo prius animaduersum erat esse Solstitium. Vnde factum sit vt Hipparchus qui erat ferè anno 145. ante Christum, deprehenderit Solstitium æstiuum incidere fere in diem 24. Iunij. hybernũ in diem 24. Decembris. Nostro verò tempore anterestitutionẽ à Gregorio XIII. factam, Solstitiũ in diem 12. Iunij, & hybernũ in 12. Decembris, His aliisque multis obseruationibus, quas breuitatis causa prætereo, monstrant Cœlum stellatum quotannis nonnihil tardare, quominus Solis reuersionem in illo gradu attingat, quo anno præcedenti illam erat assequutum. Viderit, qui voluerit, Clauium loco allegato.

## ARTIC. II.

*Quo motum illum duplicem malè inferri ostenditur.*

**E**X illa cœli stellati tardatione, si vera est, vt supponunt, quemadmodum in aliis orbibus, duplicem inferunt motum alterum toti cœlo cõmunem ab ortu in occasum, qui quidem motus à primo mobili quod supra sphæram octauam agnoscere coguntur, procedat; alterum verò ipsi sphæræ proprium, quo nonnihil in contrarium remittatur, vnde fiat vt non eundem punctum in fine anni attingat.

Mirum viros tantæ literaturæ, atque experientix, à quibus habemus, quicquid habemus, eã motus contrarietate tã perperã intulisse. Quid opus fuit



fuit hoc cōmento: Ecce dato quodd sit motus vnicus Soli, isque naturalis ab ortu in occasum, similiter vnicus Cœlo stellarum, seruata eadem quæ est inter vtrumque proportione, perspicua reddi potest ratio, Cur annuâ Solis reuolutionē, Cœlū stellatum, vno integro circuitu superare non possit, sed singulis annis aliquid desit, quominus ad illud Solaris recursus pūctum perueniat. Quoniā scilicet ea est inter motus firmamenti, ac Solis celeritatem proportio naturalis; vt licet firmamētum toto impetu sine intermissione rapiatur, nequeat tamē gyros Solares, infra anni spatium vno perfecto circuitu superare, sed nonnihil desit singulis annis.

Verū hic error manifestior erit in sententia quā omnes pro certa habēt, scilicet planetas motu cōtrario in occiduū niti, omniū verò maximē Lunā quam spacio viginti nouē dierū firmamētum vna circuituone excedit. Nimirum, inquiunt, quia Cœlum Lunæ à primo mobili in occasum raptum valde reluctatur in contrarium.

Huius sententiæ licet pro certa habitæ vanitatē hæc similitudo demonstrabit. Sint duo equi idē quod firmamentum & Cœlum Lunæ. Hic dum in suo circo vices & nouies gyrum suū vt Luna perficit, ille veluti firmamentū tricies suū circum gyris metiatur assiduus. Estne opus, vt equus lentior motu aliquo in aduersum renitatur? Quin vterque graditur, vt. potest; sed alter lentius, alter celerius, vterque pro viribus. Cur potius censent Lunā in cōtrariū cōtēdere quia tardior est in suo processu? Quod autē de Luna dictū est, de aliis planetis dictum puta: Quorum dum alij à natura maiorem,



alij minorem velocitatem sortiti sunt, fit vt alij celerius aliis cursum suum peragant.

Hanc tamen duplicis motus necessitatem illis infert sua doctrina; dum sine necessitate volunt inferiorum orbium motus in occasum à primi mobilis raptu dependere. Siccine natura quod paucissimis facere potest; per tam multa exequitur? Ecce in quantam conturbationem, confusioneque sua ipsos agunt principia. Quàm simplex est illa naturæ via qua septem planetas, sine sphaeris, motu cuique proprio, sed simplici facile dirigit?

### ARTIC. III.

*An firmamentum obliquo motu ad nos vertatur.*

**C**lauius quo loco quærit qua industria Cælos inferiores ab occasu in ortum super diuersos polos à polis mundi moueri obseruatum sit, multas citat obseruationes quas lector ibi videre possit, quibus clarum est, stellas fixas non eodem orientis puncto surgere quo olim: quasdamque nobis iam propinquiores, quibus oppositæ sint remotiores. Insuper quasdam nunc supra orientem nostrum apparere, quæ olim non videbantur, contra verò quasdam in parte opposita ab oriente nostro reductas quæ prius apparebant. Vt inde perspicuum sit, firmamentum non tantum ab ortu in occasum motu rapidissimo volui; sed alio motu (cuiuscunque sit ille motus, vel transuerso vel obliquo paulatim sensimque ad nos accedere secundum quasdam partes; secundum alias recedere.



Ita ut earum stellarum quæ sunt in medietate sphaeræ quæ est à principio Capricorni per Arietem ad principium Cancris declinationes Australes quidem diminutæ, Septentrionales verò auctæ sint. E contrario verò earum stellarum quæ sunt in alia medietate sphaeræ, declinationes Septentrionales diminutæ, Australes auctæ.

Ergo obliquum esse motum illum quo non omnes stellæ polares æqualiter ad nos appropinquent, sed quædam ex illis quibus Australes oblique oppositæ à nobis recedant: polaribus autem aliis recedentibus, Australes quæ illis ex obliquo aduersantur, propius fiant.

Inde ergo concludunt firmamentum super polos Zodiaci, quemadmodum & Planetas, ferri, eoque motu obliquo paulatim magis magisque suas augere declinationes. Super polos, inquam, Zodiaci, quoniam vident stellas illas fixas, licet respectu nostri varient situm, non tamen respectu planetarum, à quibus inuariatam servant distantiam. Quippe quam in situ variationem respectu nostri firmamentum patitur, eandem & planetæ: ut propter constantem illum inter utraque respectum, ea pariter supra polos Zodiaci diuersos à polis mundi ferri iudicarunt.

## ARTIC. IV.

*De motu trepidationis quem Astrologi obseruarunt.*

**P**Ræter prædictos motus recentiores Astronomi ex variis obseruationibus quartum motum in octaua Sphaera admittere coacti sunt. Qui



quidem motus ingentes in mari Astronomico tempestates excitarunt; ita ut non futurus sit finis voluminum quæ ea de re varia à variis conscribuntur. Quæ de re inter plurima, nimis inque molesta, quæ scribit Clavius, hæc pauca referemus. Quamobrem, inquit, coacti sunt Astrologi admittere hunc motum trepidationis, ut huius varietatis in maxima Solis declinatione possent reddere causam: posito enim hoc motu sequitur octauam spheram. modo à Septentrione in Austrum; modo ab Austro in Septentrionem declinare, & sex consequenti duos tropicos in orbe solari aliquando propinquiores fieri Aequinoctiali circulo, aliquando verò magis ab eo distare, ut in Theorica octavae sphaera explicatur. Postremo observatum fuit ab illis (ut dicunt) AEquinoctia accidisse, antequam Sol ad Arietem primi mobilis perueniret, aut ad Libram, immo postquam aliquando iam transierat, principium Arietis, aut Libræ. Pari ratione facta fuisse solstitia, etiamsi Sol non extiterit, in principio Cancris, vel Capricorni. Cum igitur Sol necessario reperiri debeat in AEquinoctiali circulo, ut fiat æquinoctium, Item in tropicis, ut contingant solstitia, non potuit huius diversitatis alia causa afferri præter motum trepidationis. Ad hunc enim motum facile consequitur anticipatio illa AEquinoctiorum, & Solstitiorum. Hæc Clavius, qui ut huius trepidationis rationem, ac modum reddat, cogitur cum aliis agnoscere undecimum Coelum quod sit primum mobile. Non est finis eorum quæ hanc in rem congesti. Quorum motuum ut causam inveniamus iuvabit opinor, audire quæ fuerit Veterum hæc de re sententia, ut eam à falso sensu in quem tota deflectentes illius adminiculo veritatem suffulciamus.



## ARTIC. V.

*Qualis Veterum de motibus Cælorum  
sententia referatur.*

**P**icolominæus cap. 25. de placitis veterū philo-  
sophorū, considerādū est, inquit, putasse nōnullos  
in vniuerso Cælū quiescere, & terrā reuolui, in qua nos cō-  
stituti, & cum ea reuoluti putamus reuolui Cælū, ex horū  
numero fuerunt Heraclides Ponticus, referente Simplicio in  
secundo de Cælo 51. nec non Philolaus Pythagoreus, Ecphā-  
tes similiter Pythagoreus & Niceta Syracusanus, referente  
Cicerone in Academicis, & asserēte Theophrastū id retulisse.  
Plutarchus etiā in septima questione Platonica, inquit, Ari-  
starchū, & Seleucū id ipsum existimasse. Hi autem in duas  
series diuisi erant, nonnulli enim putarunt terram in me-  
dio vniuersi esse collocatam, in eoque reuolui, quod Aristot-  
eles tribuit Platoni in secundo de Cælo 76. & ex recentio-  
ribus Copernicus id ipsum tuetur. & hæc Picolomineus.  
Hæc sententia, licet Platonis fuisse non putem, si  
absurda est: non tamen ex parte terræ aut Cælo-  
rum vllam patitur incongruitatem. Quod nam-  
que molem terream & ab aere deiectam, & seipsa  
deorsum tendentem difficulter volubilem videa-  
mus, non infert terram in suo loco sitam, nec iam  
alio latam, nec ab vllō cohibitam non posse circu-  
lariter ferri & quidem motu velocissimo. Neque  
si ita moueretur sentiremus, vt qui in flumine ve-  
hitur naui quæ nullam iactationem excipiat non  
sentit se moueri, potestque per eam incedere: & si  
in ripam oculos coniiciet ripa & sata & arbores  
locum mutare videbuntur. Neque ex parte  
Cælorum vlla apparet repugnantia. Etenim quod



inter planetas, Solem maximè & Lunam discriminè in motu sit conspicuum, non infert cœlum stellarum debere moueri. Id namque fieri potest, si firmamento immoto Sol singulis annis, Luna verò singulis mensibus singulos circuitus peragat, & ita de reliquis Planetis. Quem etiam motum obliquum faciant, dimidia ex parte à Septentrione ad Austrum, altera verò parte vicissim ab Austro ad Septentrionem tendentes. Ergo neque Cœlorum neque Terrę consideratio vllam inuenit repugnantiam quominus id videatur probabile.

Verùm aliunde experientia demonstrat contrarium, cum scilicet ignem & fumum recta sursum ferri videmus, & quæ ex alto cadunt recta deorsum descendere. Quod non esset, sed nobis in gyrum cum terra motis ignis ascensus & lapidis descensus obliquus videretur. Ni dicas aerem æquè ac terram circumagi, qui proinde ita lapidis & ignis cursum flectat, vt rectus appareat. At neque lapidis ingentis descensum equè posset detorquere, ac leuioris. Et si posset tantum impetum vincere, nos incedentes vim eius sentiremus. Adde quod talis aeris in circuitum motus rapidissimus nubium in contrariam partem contentioni resisteret. Sed quid opus pluribus? Ecce aues quas immotas in aere sæpe eundem locum ad tempus seruare videmus, rem indubitatam relinquunt, nobis namque velocissimè circumductis illæ in aduersam partem moueri viderentur. Absit ergo vt Platonem, aliosque viros sapientissimos id ignorasse existimemus. Quid ergo per hunc terræ motum intellexerunt? Sequitur vt aperiamus.



## ARTIC. VI.

*Cuius sit motus ille per quem firmamentum & planeta ordinarium motum cursumque videntur relinquere.*

**I**Am ad motum illum titubationis, aliumque obliquum de quo superius, tempus est ut reuertamur: quorum ut causam inuestigemus, præmittenda sunt quæ loco citato addit Clavius. Hoc porro motu trepidationis, omnes quoque Globi septem planetarum mouentur, ita ut orbes omnium Planetarum concomitentur assidue Zodiacum octauæ sphaeræ. Itaque firmamento planetisque respectum inuicem nequaquam mutantibus quem ordinariè solent habere, tota hæc mutatio fit respectu terræ, quæ tali tempore Cælum, stellas, Solem, Lunam, cæterosque Planetas magis vel Australes, vel Boreales habet, quam soleat. Vndenam hoc? In his aliisque causarum inquisitionibus, puto nos optimè procedere, si spectemus Naturæ finem, quo cognito, certum est, ad eum via quàm potest compendiosissima tendere, nec per plura facere quod paucioribus præstare potest. Cælos autem propter hæc inferiora moueri nemo nescit: ut, si astra respectu nostri varient situm, id quoque faciant propter terrestria. Quo scilicet stellæ varient aspectum suum, & quæ loca illæ affecerunt, relinquētes, paulatim ad alia deflectentes, eadem successiuè afficiant. Sic nempe fieri, ut qui terrarum tractus erat, v.g. sub Ariete, tandem sub Taurum euadat, vel contra, & sic de reliquis.

Hæc itaque mutationis situs astrorum comperta causa, ac fine cognito; clarum est quæ sit ad illum via breuior; Motu scilicet lentissimo terræ fieri potius, quàm firmamenti, ac



omnium Planetarum, maximè cum iam alio motu ferantur ab Ortus in Occiduum, ut propterea rapidissimo vecta impetu in Occasum difficile sit eadem in dextram vel sinistram partem deflectere, quin concentus ille Planetarum inter se eorundemque cum Cælo stellato conturbetur. Sed quis ignorat difficilius esse cûctos Planetas cum firmamento situm mutare, seruata nihilominus solita, inter ipsa distantia; quàm terram tantillum moueri? Vel quam ex hac parte difficultatem vident? An quia terræ repugnat moueri? Quin contra, quia corpus est Naturale, ei competit motus non solum secundum aliquas partes, sed secundum se totam. Atque hoc pacto soluitur argumentum quo corporis naturalis conditio premebatur. Negabatur enim id omni corpori Naturali conuenire ut sit mobile, quia Corpori terrestri, seu moli; atque elemento terræ non competebat. Ecce Experientia, ratione facta demonstrat contrarium, Terramque totam motum etsi lentissimum experiri.

Sed cum Terræ motus violentissimos secundum magnam terræ partem videamus, quibus vrbes, & prouinciæ subuertuntur, cur toti Terræ mitissimum hunc innocuumque motum denegemus? si contra suam naturam ita rapitur in altum; quidni possit naturaliter non nihil circunduci? Et quamuis Terra non sic à se ipsa moueretur, non posset tantillum in hanc aut illam partem deflecti ab internis spiritibus, à quibus interdum ita concutitur, ut Christo passio tota commota esse, eodemque resurgente tremuisse perhibeatur?

Ecce igitur quem diximus ille Plato, quemque alij viri sapientissimi terræ motum volebant. Quo  
scilicet



scilicet motu nonnihil secundum quasdam partes magis ad Austrum, secundum alias vero magis ad Septentrionem obliqua latiore, post longam annorum seriem accedere deprehenditur. Item cum motu trepidationis, nunc magis Australis, nunc magis Borealis videtur. Id inquam Plato, alique viri acutissimi potius terræ tardissimo motui adscripserint, quam firmamenti, Planetarumque à proprio situ recessui; Cum, ut diximus, facilius sit, terram aliunde immotam, solam hunc minimum motum recipere, quam tot Sphæras, seu Astra ab invicem distincta, diversisque, atque discrepantibus motibus rapidissime aliò atq; aliò vecta, insuper aliunde hunc motum equaliter recipere; ut motus hic non mutet quam ab initio receperunt distantiam; nec concentum eorum perturbet. Ecce inquam quo de motu Terræ tales tantique viri videntur locuti.

Quod si mihi ex adversum resistatur, contentiosiusque dicatur, Platonem, illum terræ motum intellexisse qui quotidie noctis dieique vicissitudine tempora metiatur; non multum relictabor. Quin inde paucis ita inferam quod volo. Si Platoni, aliisque tot singularis doctrinæ philosophis non incongruum visum est, ut Terra, rapidissima volutione, indefinenter ageretur, minus incongruum videri debet, si aliquando illam nonnihil volui dicamus, internorum scilicet spirituum robore eam illorum agente, quorsum Author naturæ illam verti determinavit.

Aduerte animum Lector, & vide, quam facile sit conceptu, quomodo Terra in Septentrionem mota; Solstitium æstivum sit circa punctum illud quo



prius obseruatum est fieri Solstitia. Rursus eadem Terra in Austrum concedente, Solstitium fiat ultra punctum illud, quod quia in eo Solstitia fieri compertum erat, primi mobilis Solstitium perperam appellant. Ob eandem causam Terra in Septentrionem versa æquinoctium verum fieri necesse est, antequam Sol perueniat ad illud punctum quem vocant primi Mobilis Arietem, quoniam in eo noctes diesque æquales esse deprehenderant.

E contrario Terra in Austrum mota, contingit Verum Æquinoctium fieri postquam Sol eam partem Terræ transgressus est, in qua Æquinoctia fieri animaduenterant.

Confidera Lector, utrū Rationi magis cōsentaneū est; an vt Terra immota, firmamentū cū omnibus planetis vnanimi cōsensu nunc in Austrū, nūc in Septentrionē deflectat, vnde Solstitiorum, & Æquinoctiorum loca varientur; An vt Cælo certum firmūque circuituum suorum tramitem seruante; terræ aliās in Septentrionem, aliās in Austrum non nihil deflectæ hæc Solstitij, atque Æquinoctij variatio adscribatur.

Nihil sit quod illa de variatione motus Cælorum sententia vndecimum Cælum coacta est inuenire, breui duodecimū cōmentura, nec dum ibi fixura pedē. Nihil sit quod infinitis suis, semperq; nouis inuentionibus nō possunt quæstiones finire, quas infinitas quotidie noua *παράδοξα* suscitāt. Nihil sint tot cōtradictiones, tot absurda, tot ridicula quæ Astronomorū peritissimorum, acutissimorum inuenta comitantur. Nihil sint alia quam plurima non paucis comprehendenda. hæc inquam omnia  
nihil



nihil sint. Hoc vnum peto perpendat æqua mente cordatus Lector, fatiusne sit hanc deuiationem, incertitudinēque aliquantulo terræ motui tribuere, an tantam in firmamenti Planetarūque motibus agitationē, perturbationēq; agnoscere.

Vnde quæso tot hac de re inter Astronomos bella in dies crescentia? Quia terram putant immobilem, Quo nixi principio? Quod ipsi cum Aristotele statuerunt. Quod periculum imminet Rei Physicę ex tali terræ mobilitate? Nullum. Imò conforme est ipsius naturæ, vt corpus naturale sit mobile. Quid commodi, contrā, ex Terræ mobilitate agnita, atque ex eo quod non nihil alias in Septentrionē, alias in Austrū, alias aliorum Terra ab internis spiritibus agitata voluatur? Apertissima, tutissimaque causæ redditio omnium apparentiarum; facillimaque solutio omnium difficultatum quas Solstitiorum, Æquinoctiorūque variatio secum trahit. Sol vel in Æquinoctio Verno, vel in Solstitio æstiuo, transitne metas versus Septentrionem? Terra in Austrum deflexa est. Contra in hyberno exceditne terminum versus Austrum? Terra in Septentrionem versa est. Vice versa, an verni æquinoctij vel solstitij Æstiuī Sol puncta non attingit? Terra in Septentrionem tantundem voluta est.

In Æquinoctio Autumnali, vel Solstitio Brumali ad debita loca non peruenit? Terra ad Austrum tantū auersa est. Atq; eadē in omnibus seruata ratione, quod vel in hac, vel in illā partem Terra deflexa sit, causa erit, Cur Sol Æquinoctij, Solstitii-que terminum vel non attigerit, vel præterierit. Et quā nihil in terra repugantiæ est, quominus fiat eo modo; tam nihil in firmamento, planetisq;



apparet, propter quod id ita fieri negemus: Cum seruatō debito inter Planetas, & firmamentum interuallo, tota variatio sit respectu Terræ: Quam idcirco si situm variare dixeris, omnis varietatis motuum causam tetigeris.

Parce iam quàm sapienter diuinus ille Plato Cælum moueri negarit, dum scilicet ipsum in suo cursu constantissimum putauit, omnemque eiusmodi agitationem, ac titubationem à Cælo remouit: quam Terræ vt omnium mutationum receptaculo ac seminario iure attribuit. Quem quanto ad Astronomiam compendio, quamque tuto tramite sequuturi sint, videant Astronomi.



## INTENTIO IV.

De natura stellarum secundum plures  
ex Antiquis.

### ARTIC. I.

*An Planete sint animantia.*

**L**iceat animi gratia paucis hanc tractare questionem; ac per eam ad rei veritatem viam quærere. Superiùs visum est Planetas, quicquid eos dixeris, sine Orbibus solos volui: cuius contrarium innumeris plenum absurditatibus ostensum est. Nunc sequitur, vt eorundem Naturam accuratius indagemus. Diximus multos inter Peripateticos insignes, in primis verò ipsum Thomam tenere Cælos



Cælos ex orbe atque Intelligentia veluti ex materia atque forma constare. Quod longè fortiori ratione de ipsis planetis solis, & sine orbe vagantibus liceat opinari; ac proinde Planetas, animantia, sed ea sapientissima, atque perfectissima vocare. Quippe quæ virtute propria, cum certissima ratione motuum suorum absoluant periodos. Idque conformiter illi cum plurimum philosophorum, tum primorum inter Peripateticos opinioni, certum est posse dici quicquid Aristoteles sentiat, cuius sententiam parum moramur, ni ratio sit comes. facile autem admiserimus, quod ipse secundo de Cælo, de stellis loquens, dicit, *Quod si deberent proprio motu ex se moveri, deberent esse præditi instrumentis motus, quia vivens sua forma præditum, & se mouens, debet esse præditum instrumentis motus.* Hoc inquam admissio, dicemus planetas iis motuum instrumentis instructos. Quid contra Aristoteles? Satisne erit negare, quia ea instrumenta non vidit? At, inquit, sunt corpora simplicia. Tam facile est id negare, quam Aristoteli supponere. At intritui essent obnoxia. Nequidem si talia animantia essent quæ nutritione indigerent, de quo tertio articulo.

## ARTIC. II.

*Quomodo Veteres quidam Astra nutriri putauerint.*

**C**um de nutritione stellarum agitur qualem plures ex Veteribus putauerunt, non est cogitandum, iis opus esse ore quo veluti animalia terrestria cibum capiant, nec dentibus quibus eundem conficiant. Infans enim in utero matris



vescitur, nec tamen eget oris ministerio: sed haud secus atque plantarum radices cibum à terra præparatum sugunt; infantes tunc non plus quam plantæ de cibo cogitantes facultate naturali eum trahunt, atque in propriam conuertunt naturam. Quin & nobis, vt & aliis animalibus in lucem editis, etsi alimentum (quippe quod non vbique præsens est) quærendum, ac in os iniectum dentibus terendum, quod ita præparatum ventriculus excipiat. Vbi tamen ed ventum est, reliqua ad nutritionem opera naturæ committuntur, quæ nobis insciis sua munia peragit; ita vt dormientibus nobis ventriculus melius concoquat cibum. Nec est qui sentiat cum alimentum singulis partibus distribuitur; vel quando pars quæuis quod accepit in suam conuertit Naturam. Itaque si aere, vel aliquo cibo vbique obuiò vesceremur, ad quem sugendum quemadmodum plantis radices, natura nobis instrumenta fecisset, absque vlllo labore, vel cura inscij nutriremur, partibus naturaliter, quod cuique conuenit trahentibus.

Talem igitur Astrorum nutritionem Veteres illi arbitrati sunt, vt quemadmodum vel dormientibus, vel ludentibus nobis, partes naturale alimentum attrahunt, ac conuertunt; ita sine cura, aut cogitatione, nedum oris, aut dentium operâ, dispersum per vastum Æthera cibum ritè præparatum, Naturalia harum stellarum instrumenta raperent, atque in earum verterent substantiam. Dum nihilominus astrum vnumquodque suum cursum velocissimum peragit, de hac nutritione, quam naturæ credidit, minimè sollicitum.

A R T I C.



## ARTIC. III.

*Vtrum si Astra nutritione egerent, essent interitui obnoxia.*

**C**Um constet nutritionem nihil aliud esse quam substantiæ quæ perit, reparationem: Altrorum nutritio ipsorum substantiæ fluxum arguit; an etiam necessario infert eorundem interitum? Maris fluxa est substantia, quam per partes radij Solis sursum trahunt. Constat tamen mare, quia quantum ab Astris ipsi demitur substantiæ, tantum à fluminibus continuè recuperat. Terra similiter hunc partium patitur fluxum, cuius sine intermissione plurimæ partes vndique abeunt: non propterea moles terrea minuitur; prouida scilicet Natura aliunde reparante quicquid perit. Idem puta de aeris regione. Idem putat Zabarella lib. de calore Cælesti cap. 9. de igne sub polis contento: quæ quia deficiente motu interire existimat, noui nihilominus suffectione quomodo Ignis regio in æquali mole duret, ex naturæ sapientis in reliquis mundi partibus œconomia declarat. Quin & salis quantum in vsum humanum subtrahitur, quomodo tantundem Natura restauret, dicemus inferiùs. Sunt quoque montes salis quos refert Plinius, vt suo loco videbitur, de quorum sale quicquid interdum detrahitur, nox sequens reparat. Non potuit natura id ipsum in Astris præstare, vt quantum continuè eorum substantiæ fluere, nutritio reficeret?



*Vnde fiat vt animantia, quamuis nutrantur,  
abeant in interitum.*

**D**ispar est ratio cum animalium tum planta-  
rum quæ ab exiguo principio successiue sur-  
gunt, ac augentur, donec suæ accretionis periodum  
assecutæ necessario paulatim minuuntur, dum in-  
tereunt. Enimvero, vt ostendimus alibi, clementum  
arguit elementorum inæqualitatem, humido ni-  
mirum, ac frigido plus attrahente; quam calidum  
absumpserit. Ita vt si continuè humidum æquale  
pondus partium in subsidium attraheret, res cre-  
sceret in infinitum. Verum quoniam calido paula-  
tim vires augente, frigidum, humidumque minui-  
tur, minor quoque sit partium attractio, atque re-  
tentio, vnde & minor in dies accretio. Donec ca-  
lidum præualens in tantum relaxat poros, con-  
sumpta scilicet bona parte humidi substantiui; vt  
facilius quem appetit exitum sortiatur. Hinc illa  
concentus partium labefactatio, proportionisque  
debitæ confusio. Ita vt ignis nactus exitum quem  
quærebat, non curet humidum noxium excutere,  
neque humidum iam ibi quietum curet simile si-  
bi in subsidium attrahere; sed segnius partes quæ-  
que suo fungantur officio. Donec parte magna e-  
ius quod superest calidi per meatus apertos ab-  
eunte, reliquum ab humido, frigidoque strangu-  
latur. Qua de re plura alibi.

His paucis satis clara facta est ratio. Cur animā-  
tia stirpesque, vt ortum, incrementumque, sic in-  
teritum participant. In illis verò quæ à prima crea-  
tione perfecta fuerunt, non video, cur ea nequie-  
rit esse



rit esse inter partes proportio, vt neque augeri, neque minui potuerint; sed quod in mari, terra, aere cernimus, quantum quotidie substantiæ periisset, tantum nouæ successisset.

Aduersus hanc Veterum sententiam ita expositam, etsi non arbitror posse quicquam Peripateticorum machinas, sed quam veluti ridiculam despuunt, multis partibus esse probabiliorem quam quicquid hac de re sensit Aristoteles: Existimo tamen, non esse necessarium, vt astra animata fateamur, quod an in fide satis tutum sit ambigo. Quicquid sit, quæ hætenus dicta sunt, non parum conducent ad Cælorum Naturam penitiùs intuendam.



## INTENTIO V.

Communem Veterum de Natura Cæli consensum aduersus Aristotelem vindicans.

### ARTIC. I.

*Veterum referens hac in re consensum.*

**V**temur hac in parte opera, ac fide Picolo-  
minæi qui lib. de Cælo cap. 2. *Vetustiores*, inquit, *Philosophi Naturam rerum indagantes, & per ea quæ proximiora sunt sensibus, distantia sensibus mensurantes, quoniam cuncta quæ ante oculos versantur*



vel sunt vnum ex quatuor elementis vel aliquid ex eis mixtum, ideo Calum quoque eiusdem Natura existimarunt. Propterea Empedocles, ex quatuor elementis constare censuit. Democritus, Leucippus, & Epicurus existimarunt constare ex atomis, praesertim Natura ignis congruentibus, Aegyptij aquam, & humorem concretum id esse affirmarunt. Diogenes aerem attenuatum, Pythagoras, Heraclitus, Stoicorum series dixere ignem. Plotinus in lib. de Caelo ex sententia Platonis Calum esse ignem confirmat. &c. Deinde quibusdam interiectis, Proclus, inquit, in Timaeum elementa omnia, & in Caelo, & sub Caelo. & apud inferos reperiri existimat, inquit enim elementa in Caelo omnia sunt, & in his quae sub Caelo, & etiam infra terram. Nam omnia ex quatuor elementis constant, non eisdem tamen, neque eodem modo se habentibus, quae enim in Caelo sunt, summitates & excellentiae, sunt elementorum, ea autem quae inveniuntur sub orbe Luna, secundi sunt ordinis, Et tanquam facies elementorum. Haec Piccolominæus, qui nonnullis de aliorum opinionibus, adiectis, ita concludit. Consenserunt itaque Veteres Philosophi Elementa etiam in Caelo reperiri, & solum puritate, & sinceritate distinguenda collocatis sub Caelo.

## ARTIC. II.

*Quo hac Veterum sententia ab Aristotelis rationibus vindicatur.*

**H**Anc autem firmissimam, ac rationibus fortissimis quas mittimus, munitissimam Consensus Veterum arcem, tantum abest, ut ullæ labefactent Aristotelis rationes; quin pugnae intestinae in infinitum crescentes inter Peripateticos, cognitam Veteribus veritatem reddunt certiore. Cresceret volumen si de plurimis pauca referremus,



mus, quæ ipsi inter se de materia Cæli disputant, quam alij eandem cum horum inferiorum materia affirmant, alij negant. Et quidem qui negant esse eandem, principiis, atque authoritatibus Aristotelicis aduersarios arcent; verum quæ nullum nobis afferant timorem parum ea principia curantibus: Interea tamen eorum labore fruentibus qui contrariam sententiam mordicus tenentes, rationibus freti firmissimis hancce Veterum assertionem propugnant; dum & ipsi materiam Cæli eandem cum materia corporum inferiorum contendunt. Alij verò longissimis disputationibus inter se dissentiunt, de illa quam imaginantur quinta Cæli essentia. Audiamus tamen quicquid aduersus hunc Veterum consensum habent dicere.

Arg. I. Simplex, inquit Aristoteles est Cæli motus, ergo motus est corporis simplicis. Quid Aristotelicum motu Cæli? vel quid de eo dixit, quod non risu dignum sit, ni maui commiseratione?

Arg. II. At elementa feruntur motu recto non circulari; vt Cælum, Ergo non motu elementorum agitur Cælum. Platonici dicunt motu recto igne ferri in suam regionem, ibi verò continuè in orbem volui motu qui est ipsis naturalis: aduersum quos Peripatetici dignum relatu nihil protulerunt. Quin Experientia manifesta id videtur docere in ventis, nubibus, & cometis qui in orbem feruntur. Neque magis sudant Aristotelici quàm vbi inter multas multorum sententias conantur exponere, Quomodo ignis ille quem in sua sphaera circulariter ferri autumant, contra suam Naturam pellatur. Quomodo motus violentus qui



tamen eius naturæ maximè conueniat, dum eius Naturam conseruat; si iis credendum est.

Nos quomodo motus Cæli partim sit Naturalis, partim violentus, ac veluti artificialis, ostendemus breui. Interea sufficiat id argumentum Aristotelicorum, per experientiam refutare, qua Cometæ, nubes, venti non motu recto sed orbiculari circumferuntur. Quod autem cesset eorum motus, causa est, quia deficit materia, quam in Cælo non deficere ostendemus, modumque illius motus trademus quem miretur Aristoteles.

Arg. III. Cælum, inquiunt, esset mutabile. Quid tum? Egeret alimento: Quid inde? Indignum Cælo. Quare? Indignumne Cælo, vt pars sui totius naturam teneat? Non mundus secundum partes mutatur? Quidni & Cælum? Vel potestne huius mundi quem maximè vnum fatentur, vnitatem meliùs conseruari, quam per hanc Naturæ vnitatem?

Arg. IV. At quomodo mixtum Cælum quod est prius elementis? Ego contra. Quomodo Cælum prius elementis, quod ex elementis est compositum? Quam rauidas rationes quanti indicant?

Arg. V. Pergunt. Mixtio sine pugna & remissione non fit. At in Cælo neque est pugna, neque remissio, &c. Ignorant ipsi quid sit mixtum, vt supra conuicimus. Et qui quod oculis cernunt intelligere non possunt, quasi interfuerint Cælo, ab illo pugnam omnem, & remissionem sententia magistralli volunt exulare. Quæ id norunt? His accedit inquit Picolominæus, quod si mixtum esset, non rectè supra simpliciora corpora esset positum, nam mixtionis locus est mediū hoc, non circumferentia, & mixtum



mistum mouetur , & locum sibi optat secundum elementum quod in eo dominatur. Bellæ profectò rationes. Cur potius hoc medium est mixtionis locus,quàm illud supremum? Sed mirum quàm securus , certusque de hoc mixtionis loco determinet , de quo , vt & de modo misionis tanta est inter ipsos digladiatio.

Arg. V I. Præterea , inquit, distinctio Naturæ Cæli ab ea quatuor elementorum redditur cōspicua,ex conditione conseruantis , & dominantis. Nam quod natum est alia seruare , non debet eis esse contrarium,alioquin destrueret.Nec debet egere alio corpore conseruante. Similiter quod natum est dominari aliis , debet ab eis esse distinctū.

Sanè non capio vim huius argumenti,nisi vocet Cælū nobis contrarium quia est similis, eiusdémq; nobiscum Naturæ.Esse eiusdem naturæ,éstne esse contrarium? Cor in animali nunquid reliquas partes conseruat? non eis dominatur ? An propterea non eget alimento?an propterea diuersæ est naturæ ab aliis? Cibus, pharmacum conseruat corpus; an non debet esse eiusdem Naturæ? an non debet in elementis conuenire?Pulchrum argumentum; Quod alia conseruat,non debet alio corpore conseruante egere. Audi: Mare conseruat fontes, & flumina , & natum est ea conseruare. Egetamen iisdem fontibus, ac fluuiis qui ipsum conseruent. Similiter Cælum alia conseruat , & ab iisdem vicissim conseruatur. Quod ergo dicunt, id de causa principali conseruante Deo scilicet ipso verè sit dictum,qui ita conseruat omnia, vt à nullo conseruetur. Ita autem hunc Mundum conseruat; vt partes mutua ope indigeant , propter



optimum ordinem quo cuncta disposuit. Quam quidem mutuam opem ferre non possent, ni in Natura communi participarent.

His tamen argumentis ausus est Aristoteles Antiquos omnes impugnare, Sed mortuos: & hæc quæ ab alio prolata fœterent, ex Aristotelis ore gratum efflant odorem.

Quid opus; ut in contrarium rationes Vetustiorum producamus? Exponamus quid voluerint; videamus, an cum ratione consentiant, quæ docuerunt: an clara, & intellectu facilia; An qua via procedunt in Cælorum Natura inuestiganda motus Cælorum sequatur ratio facillima: An eorum omnium, quorum hætenus ratio fuit obscurissima, per hunc tramitem, causa facilis, aperta que sequatur: An, ut hæc via facilis est; ita & compendiosa, & rationi, principiisque Naturæ consentanea: denique, an quæ dicemus talia futura sint, ut sensus, ut Experientiæ, ut Rationis rigidissimum examen sustineant; inuicemque concordantia cunctos Adversantium conatus irrideant. Hæc si fuerint, non opus erit referre rationes, quibus qui Veteres sequuntur, eorum probant sententiam: earum autem quindecim apud Picolominæum videre est.

### ARTIC. III.

*Quo Veterum de Natura Cæli sententia exponitur.*

**V**ERUM ut luculentior fiat huius sententiæ veritas, opus est sensum illius capere. In iis quæ de Veterum opinionibus Picolominæus retulit, agnoscimus duplicem Cæli substantiam, continentem vnam, alteram contentam, & hanc qui.



quidem fluxam, illam verò constantem; hanc quæ moueat, illam quæ moneatur; quæ quomodo fiant, sequentia docebunt.

Ægyptij quum Cælum aquam & humorem concretum censuerunt, locuti sunt de solida, atque constante Cæli substantia: in quo sensu & Anaxagoras fertur dixisse Solem esse lapidem, quæ sententia Empedocli quoque tribuitur. Cum autem Empedocles ipsemet & alij, vt hoc loco Picolominæus retulit, dicunt Cælum esse quatuor elementa, maximè verò ignem, vel quod ad ignis naturam accedat: intellexerunt fluxam illam spiritalémque substantiam quam ad nos Astra demittunt. Quomodo verò spiritalis illa maximèque ignea natura, imò ignis ille solutus, atque ardentissimus solidum id corpus à quo continetur, non labefactet, non est quod mirentur Peripatetici qui ignem ponunt sub concavo Lunæ calidum quidem, imò quem Cæli motu suo calidum conseruant, vt qui sine illo calore nequeat subsistere: non inquam mirabilius est, cur ignis ille in Cælo, atque Astris solidam eorum substantiam non lædat quàm, cur ignis elementaris (si vera est eorum sententia) Cælum Lunæ contiguum non incendat.

Quod si dicant discrimen esse, Quia ponunt Cælum diuersæ prorsus Naturæ, quodque pati nequeat ab igne. Respondeo id ipsum intellexisse Antiquos, cum solidam illam Cæli substantiam ex aqua, ac terra, sed perfectissima compactam asseruerunt: non enim posuerunt aquam quæ ab igne pateretur, propter recessum à proportionem quæ requiritur inter passum & agens: hæc aqua illa esset



vescitur, nec tamen eget oris ministerio: sed haud secus atque plantarum radices cibum à terra præparatum sugunt; infantes tunc non plus quàm plantæ de cibo cogitantes facultate naturali eum trahunt, atque in propriam conuertunt naturam. Quin & nobis, vt & aliis animalibus in lucem editis, etsi alimentum (quippe quod non vbique præsens est) quærendum, ac in os iniectum dentibus terendum, quod ita præparatum ventriculus excipiat. Vbi tamen ed ventum est, reliqua ad nutritionem opera naturæ committuntur, quæ nobis insciis sua munia peragit; ita vt dormientibus nobis ventriculus melius concoquat cibum. Nec est qui sentiat cum alimentum singulis partibus distribuitur; vel quando pars quæuis quod accepit in suam conuertit Naturam. Itaque si aere, vel aliquo cibo vbique obuiò vesceremur, ad quem sugendum quemadmodum plantis radices, natura nobis instrumenta fecisset, absque vlllo labore, vel cura inscij nutriremur, partibus naturaliter, quod cuique conuenit trahentibus.

Talem igitur Astrorum nutritionem Veteres illi arbitrati sunt, vt quemadmodum vel dormientibus, vel ludentibus nobis, partes naturale alimentum attrahunt, ac conuertunt; ita sine cura, aut cogitatione, nedum oris, aut dentium operâ, dispersum per vastum Æthera cibum ritè præparatum, Naturalia harum stellarum instrumenta raperent, atque in earum verterent substantiam. Dum nihilominus astrum vnumquodque suum cursum velocissimum peragit, de hac nutritione, quam naturæ credidit, minimè sollicitum.

A R T I C.



## ARTIC. III.

*Utrum si Astra nutritione egerent, essent interitui obnoxia.*

**C**um constet nutritionem nihil aliud esse quam substantiæ quæ perit, reparationem: Altrorum nutritio ipsorum substantiæ fluxum arguit; an etiam necessariò infert eorundem interitum? Maris fluxa est substantia, quam per partes radij Solis sursum trahunt. Constat tamen mare, quia quantum ab Astris ipsi demitur substantiæ, tantum à fluminibus continuè recuperat. Terra similiter hunc partium patitur fluxum, cuius sine intermissione plurimæ partes vndique abeunt: non propterea moles terrea minuitur; prouida scilicet Natura aliunde reparante quicquid perit. Idem puta de acris regione. Idem putat Zabarella lib. de calore Cælesti cap. 9. de igne sub polis contento: quæ quia deficiente motu interire existimat, noui nihilominus suffectione quomodo Ignis regio in æquali mole duret, ex naturæ sapientis in reliquis mundi partibus œconomia declarat. Quin & salis quantum in vsum humanum subtrahitur, quomodo tantundem Natura restauret, dicemus inferiùs. Sunt quoque montes salis quos refert Plinius, ut suo loco videbitur, de quorum sale quicquid interdiu detrahitur, nox sequens reparat. Non potuit natura id ipsum in Astris præstare, ut quantum continuè eorum substantiæ fluere, nutritio reficeret?



*Vnde fiat vt animantia, quamuis nutriantur,  
abeant in interitum.*

**D**ispar est ratio cum animalium tum plantarum quæ ab exiguo principio successiue surgunt, ac augentur, donec suæ accretionis periodum assecutæ necessario paulatim minuuntur, dum intereunt. Enimvero, vt ostendimus alibi, clementiū arguit elementorum inæqualitatem, humido nimirum, ac frigido plus attrahente; quàm calidum absumpserit. Ita vt si continuè humidum æquale pondus partium in subsidium attraheret, res cresceret in infinitum. Verum quoniam calido paulatim vires augente, frigidum, humidumque minuitur, minor quoque sit partium attractio, atque retentio, vnde & minor in dies accretio. Donec calidum præualens in tantum relaxat poros, consumpta scilicet bona parte humidi substantiui; vt facilius quem appetit exitum sortiatur. Hinc illa concentus partium labefactatio, proportionisque debitæ confusio. Ita vt ignis nactus exitum quem quærebat, non curet humidum noxium excutere, neque humidum iam ibi quietum curet simile sibi in subsidium attrahere; sed segnius partes quæque suo fungantur officio. Donec parte magna eius quod superest calidi per meatus apertos abeunte, reliquum ab humido, frigidoque strangulatur. Qua de re plura alibi.

His paucis satis clara facta est ratio. Cur animantia stirpesque, vt ortum, incrementumque, sic interitum participant. In illis verò quæ à prima creatione perfectæ fuerunt, non video, cur ea nequiverit esse



rit esse inter partes proportio, vt neque augeri, neque minui potuerint; sed quod in mari, terra, aere cernimus, quantum quotidie substantiæ periisset, tantum nouæ successisset.

Aduersus hanc Veterum sententiam ita expositam, etsi non arbitror posse quicquam Peripateticorum machinas, sed quam veluti ridiculam despuunt, multis partibus esse probabiliorem quam quicquid hac de re sensit Aristoteles: Existimo tamen, non esse necessarium, vt astra animata fateamur, quod an in fide satis tutum sit ambigo. Quicquid sit, quæ hætenus dicta sunt, non parum conducent ad Cælorum Naturam penitiùs intuendam.



## INTENTIO V.

Communem Veterum de Natura Cæli consensum aduersus Aristotelem vindicans.

### ARTIC. I.

*Veterum referens hac in re consensum.*

**V**temur hac in parte opera, ac fide Picolo-  
minæi qui lib. de Cælo cap. 2. *Vetustiores*, inquit, *Philosophi Naturam rerum indagantes, & per ea quæ proximiora sunt sensibus, distantia sensibus mensurantes, quoniam cuncta quæ ante oculos versantur*



vel sunt vnum ex quatuor elementis vel aliquid ex eis mixtum, ideo Calum quoque eiusdem Natura existimarunt. Propterea Empedocles, ex quatuor elementis constare censuit. Democritus, Leucippus, & Epicurus existimarunt constare ex atomis, praesertim Natura ignis congruentibus, Aegyptij aquam, & humorem concretum id esse affirmarunt. Diogenes aerem attenuatum, Pythagoras, Heraclitus, Stoicorum series dixere ignem. Plotinus in lib. de Caelo ex sententia Platonis Calum esse ignem confirmat. &c. Deinde quibusdam interiectis, Proclus, inquit, in Timaeum elementa omnia, & in Caelo, & sub Caelo, & apud inferos reperiri existimat, inquit enim elementa in Caelo omnia sunt, & in his quae sub Caelo, & etiam infra terram. Nam omnia ex quatuor elementis constant, non eisdem tamen, neque eodem modo se habentibus, quae enim in Caelo sunt, summitates & excellentiae, sunt elementorum, ea autem quae inveniuntur sub orbe Luna, secundi sunt ordinis, Et tanquam facies elementorum. Hæc Piccolominæus, qui nonnullis de aliorum opinionibus, adiectis, ita concludit. Consenserunt itaque Veteres Philosophi Elementa etiam in Caelo reperiri, & solum puritate, & sinceritate distinguenda collocatis sub Caelo.

## ARTIC. III.

Quo hac Veterum sententia ab Aristotelis rationibus vindicatur.

**H**anc autem firmissimam, ac rationibus fortissimis quas mittimus, munitissimam Consensus Veterum arcem, tantum abest, ut vllæ labefactent Aristotelis rationes; quin pugnae intestinae in infinitum crescentes inter Peripateticos, cognitam Veteribus veritatem reddunt certiore. Cresceret volumen si de plurimis pauca referremus,



mus, quæ ipsi inter se de materia Cæli disputant, quam alij eandem cum horum inferiorum materia affirmant, alij negant. Et quidem qui negant esse eandem, principiis, atque authoritatibus Aristotelicis aduersarios arcent; verum quæ nullum nobis afferant timorem parum ea principia curantibus: Interea tamen eorum labore fruentibus qui contrariam sententiam mordicus tenentes, rationibus freti firmissimis hancce Veterum assertionem propugnant; dum & ipsi materiam Cæli eandem cum materia corporum inferiorum contendunt. Alij verò longissimis disputationibus inter se dissentiant, de illa quam imaginantur quinta Cæli essentia. Audiamus tamen quicquid aduersus hunc Veterum consensum habent dicere.

Arg. I. Simplex, inquit Aristoteles est Cæli motus, ergo motus est corporis simplicis. Quid Aristotelicum motu Cæli? vel quid de eo dixit, quod non risu dignum sit, ni mauis commiseratione?

Arg. II. At elementa feruntur motu recto non circulari, vt Cælum, Ergo non motu elementorum agitur Cælum. Platonici dicunt motu recto igne ferri in suam regionem, ibi verò continuè in orbem volui motu qui est ipsis naturalis: aduersum quos Peripatetici dignum relatu nihil protulerunt. Quin Experientia manifesta id videtur docere in ventis, nubibus, & cometis qui in orbem feruntur. Neque magis sudant Aristotelici quàm vbi inter multas multorum sententias conantur exponere, Quomodo ignis ille quem in sua sphaera circulariter ferri autumant, contra suam Naturam pellatur. Quomodo motus violentus qui



ramen eius naturæ maximè conueniat, dum eius Naturam conseruat; si iis credendum est.

Nos quomodo motus Cæli partim sit Naturalis, partim violentus, ac veluti artificialis, ostendemus breui. Interea sufficiat id argumentum Aristotelicorum, per experientiam refutare, quæ Cometæ, nubes, venti non motu recto sed orbiculari circumferuntur. Quod autem cesset eorum motus, causa est, quia deficit materia, quam in Cælo non deficere ostendemus, modumque illius motus trademus quem miretur Aristoteles.

Arg. III. Cælum, inquiunt, esset mutabile. Quid tum? Egeret alimento: Quid inde? Indignum Cælo. Quare? Indignumne Cælo, ut pars sui totius naturam teneat? Non mundus secundum partes mutatur? Quidni & Cælum? Vel potestne huius mundi quem maximè vnum fatentur, unitas meliùs conseruari, quam per hanc Naturæ unitatem?

Arg. IV. At quomodo mixtum Cælum quod est prius elementis? Ego contra. Quomodo Cælum prius elementis, quod ex elementis est compositum? Quam raucidas rationes quanti indicant?

Arg. V. Pergunt. Mixtio sine pugna & remissione non fit. At in Cælo neque est pugna, neque remissio, &c. Ignorant ipsi quid sit mixtum, ut supra conuicimus. Et qui quod oculis cernunt intelligere non possunt, quasi interfuerint Cælo, ab illo pugnam omnem, & remissionem sententia magistralli volunt exulare. Quæ id norūt? His accedit inquit Piccolominæus, quod si mixtum esset, non rectè supra simpliciora corpora esset positum, nam mixtionis locus est mediū hoc, non circumferentia, &  
mixtum



mistum mouetur, & locum sibi optat secundum elementum quod in eo dominatur. Bellæ profectò rationes. Cur potiùs hoc medium est mixtionis locus, quàm illud supremum? Sed mirum quàm securus, certusque de hoc mixtionis loco determinet, de quo, vt & de modo mistionis tanta est inter ipsos digladiatio.

Arg. V I. Præterea, inquit, distinctio Naturæ Cæli ab ea quatuor elementorum redditur cōspiciua, ex conditione conseruantis, & dominantis. Nam quod natum est alia seruare, non debet eis esse contrarium, alioquin destrueret. Nec debet egere alio corpore conseruante. Similiter quod natum est dominari aliis, debet ab eis esse distinctū.

Sanè non capio vim huius argumenti, nisi vocet Cælū nobis contrarium quia est similis, eiusdemq; nobiscum Naturæ. Esse eiusdem naturæ, estne esse contrarium? Cor in animali nunquid reliquas partes conseruat? non eis dominatur? An propterea non eget alimento? an propterea diuersæ est naturæ ab aliis? Cibus, pharmacum conseruat corpus; an non debet esse eiusdem Naturæ? an non debet in elementis conuenire? Pulchrum argumentum; Quod alia conseruat, non debet alio corpore conseruante egere. Audi: Mare conseruat fontes, & flumina, & natum est ea conseruare. Eget tamen iisdem fontibus, ac fluuiis qui ipsum conseruent. Similiter Cælum alia conseruat, & ab iisdem vicissim conseruatur. Quod ergo dicunt, id de causa principali conseruante Deo scilicet ipso verè sit dictum, qui ita conseruat omnia, vt à nullo conseruetur. Ita autem hunc Mundum conseruat; vt partes mutua ope indigeant, propter



optimum ordinem quo cuncta disposuit. Quam quidem mutuam opem ferre non possent, ni in Natura communi participarent.

His tamen argumentis ausus est Aristoteles Antiquos omnes impugnare, Sed mortuos: & hæc quæ ab alio prolata fœterent, ex Aristotelis ore gratum efflant odorem.

Quid opus; ut in contrarium rationes Vetustiorum producamus? Exponamus quid voluerint; videamus, an cum ratione consentiant, quæ docuerunt: an clara, & intellecta facilia; An qua via procedunt in Cælorum Natura inuestiganda motus Cælorum sequatur ratio facillima: An eorum omnium, quorum hætenus ratio fuit obscurissima, per hunc tramitem, causa facilis, aperta que sequatur: An, ut hæc via facilis est; ita & compendiosa, & rationi, principiisque Naturæ consentanea: denique, an quæ dicemus talia futura sint, ut sensus, ut Experientiæ, ut Rationis rigidissimum examen sustineant; inuicemque concordantia cunctos Adversantium conatus irrideant. Hæc si fuerint, non opus erit referre rationes, quibus qui Veteres sequuntur, eorum probant sententiam: earum autem quindecim apud Picolominæum videre est.

### ARTIC. III.

*Quo Veterum de Natura Cæli sententia exponitur.*

**V**erum ut luculentior fiat huius sententiæ veritas, opus est sensum illius capere. In iis quæ de Veterum opinionibus Picolominæus retulit, agnoscimus duplicem Cæli substantiam, continentem vnam, alteram contentam, & hanc qui.



quidem fluxam, illam verò constantem; hanc quæ moueat, illam quæ moueatur; quæ quomodo fiant, sequentia docebunt.

Ægyptij quum Cælum aquam & humorem concretum censuerunt, locuti sunt de solida, atque constante Cæli substantia: in quo sensu & Anaxagoras fertur dixisse Solem esse lapidem, quæ sententia Empedocli quoque tribuitur. Cum autem Empedocles ipsemet & alij, vt hoc loco Picolominæus retulit, dicunt Cælum esse quatuor elementa, maximè verò ignem, vel quod ad ignis naturam accedat: intellexerunt fluxam illam spiritalémque substantiam quam ad nos Astra demittunt. Quomodo verò spiritalis illa maximèque ignea natura, imò ignis ille solutus, atque ardentissimus solidum id corpus à quo continetur, non labefactet, non est quod mirentur Peripatetici qui ignem ponunt sub concauo Lunæ calidum quidem, imò quem Cæli motu suo calidum conseruant, vt qui sine illo calore nequeat subsistere: non inquam mirabilius est, cur ignis ille in Cælo, atque Astris solidam eorum substantiam non laedat quàm, cur ignis elementaris (si vera est eorum sententia) Cælum Lunæ contiguum non incendat.

Quod si dicant discrimen esse, Quia ponunt Cælum diuersæ prorsus Naturæ, quodque pati nequeat ab igne. Respondeo id ipsum intellexisse Antiquos, cum solidam illam Cæli substantiam ex aqua, ac terra, sed perfectissima compactam asseruerunt: non enim posuerunt aquam quæ ab igne pateretur, propter recessum à proportionem quæ requiritur inter passum & agens: hæc aqua illa esset



eiusdem generis cum hac inferiore.

Quantam autē habeat vim illa proportio, docet pyrausta quam ex igne progeneratā, eodem pasci, auctore Aristotele, tuetur Scaliger pluribus locis aduersus Cardanum; ostendens quod ignis hæc corrumpat, non illa; causam esse proportionem maiorem, vel minorem. Cuius quidem proportionis efficaciam probat venter Struthij qui cū calore ferrum dissoluat, tamē nec seipsum, nec vicinas partes consumit, aut lædit. Quam calidus quoque sit Gallinarum, ac Columbarum stomachus, compertum est. Eadem est proportio quæ impedit quominus ignis aurum corrumpat, vt plumbum & alia metalla.

Longè perfectior proculdubio agnoscenda est illius corporis Cælestis solidi compactio, quam vt ab igne patiatur.

Hac tamen de re nolumus pertinacius contendere, cū nostra nihil intersit. Neque enim refert cuius Naturæ sit illa solida Cæli substantia à qua cum nihil afficiamur, non necesse est vt quicquam nobiscum participet. Esto ergo qualemcunque illi voluerint, dummodo agnoscant eam non magis ab igne hospite pati, quàm volunt spheram Lunarem ab igne contiguo.

Quod autem Empedocles, Democritus, Leucippus, Plato, alique Veteres, atque eorum sectatores eandem in Cælo substantiam, eademque elementa, atque in superioribus esse voluerunt; ibi tamen puriora, ac subtiliora, id de illa substantia fluxa intellexerunt, quam, vt Experientia docet, ab Astris in nos diffundi, atque his inferioribus vitam, motum, incrementum, aliasque mutationes



tationes afferre : Ita ratio euincit esse eisdem Naturæ cum terrestribus, vt quæ vna cum his elementis inferioribus concurrat ad Compositi Naturalis perfectionem, mutationemque eius multiplicem.

Ad huius doctrinæ facilem intelligentiam repetenda sunt quæ inuictis supra rationibus confirmauimus horum Veterum principia. Fecimus namque conspicuum elementa in composito subsistere; neque ea compositi solutione produci, nec ignem, cum extinguitur, interire; sed in fumo sursum contendente conseruari. Id ipsum probata quæ euaporantis ascensus, qui quidem non est naturæ aeris, alioquin in aere, vt loco proprio, quiesceret, sed ignis quæ propterea locum petat superiorem. Quin & Aristotele teste, quem hac in re totum in Empedoclem mutatum videbimus, cum vapor in aquâ reuertitur; id fit per excessum illius partis calidæ quæ sursum aquam euexerat. hæc quam firmis rationibus commonstrata, atque conuicta sunt, quantaque aduersantium confusione, si fideli mēte teneatur, facile erit ipsa elementa ab imis terræ radicibus ad Cæli fastigium conuolantia, rursusque inde ad terræ viscera, reuertentia mentis velocitate comitari. Et quemadmodum videmus cum multis Peripateticis qui hac in re Experimentiam sequuntur, aquam sublimè raptam, cedente vehiculo, eandem recidere, & non nouam produci; ita facile erit animo cōtemplari eundem ignem illum quem auolantem cernimus ad Cælum vsque progrediētē, atque itincrē repetito rursus ad hæc inferiora deuolutū, sed multis partibus puriorē, atq; defæcatorē. Quidni enim illa cursus



reciprocationem tam liberè in igne, quàm in aqua admittamus: cùm manifestissimam eam effectus, atque influxus Astrorum efficiant? Atqui hoc posito quod nullam habet difficultatem, clarum est non modò cur Sol lucem, calorémque tâtum quoquoersum profundat, corpora nutriat, coquat, dissoluat, tollat: sed diuersissimorû effectuum, quos in his inferioribus, diuersorum Astrorum influxus pariunt, ratio erit còspicua, in quibus Peripatetici cæcutiunt. Porro tantum abest, vt aliquam in hac ignis ad nos reuersione difficultatem inueniamus; vt potius rationes illæ quæ nos elementa in composito videre coegerunt à nobis quoq; hanc exigant confessionem. Alioquin cum maxima copia huius spiritalis, atque igneæ substantiæ ex Terræ penetralibus continuè sursum euolet: Terram tandem his vacuari contingat, ni supernè deorsum reducantur. Ea namque in terra de nouo produci posse rationibus inuictis impossibile esse supra demonstrauius; quarum qui memor fuerit nihil impediet, quominus horum spirituum hinc inde cursum, ac recursum facile cernat.

#### ARTIC. IV.

*Quo quadam scitu necessaria pramittuntur.*

**A**Rduum est huius refluxus causam naturam: que inuestigare, Veterum, quorum scripta perierunt, luce destitutis; est tamen vt aliquid tentemus, quod vt rationi dissentaneum nemo valeat arguere. quamuis fortassè parum probabitur, nouitate scilicet lectorem deterrente. Verum hic nostram ferat audaciam. facile autem id erit intellectu;



telleſtu; ſi meminerimus quę ſuperiùs probauimus eſſe duntaxat ſphæram vnā ſolidā, ſcilicet firmamentum, ſub quo clarum eſt, ex Veterum ſententia, ignem implere vaſtiſſimum illud ſpatium quo Planetæ ſuos faciunt circuitus. Per illum autem ignem intelligo naturam ſubtiliſſimam quæ igni maximè conueniat.

Hoc ſuppoſito cuius veritatem ſequela demonſtrabit, omnium conſenſu conſtat id quicquid ſit quod firmamenti ambitu continetur, rapidiſſimo impetu in gyrum volui, & quidem quo magis ab vtroque polo receditur. Etenim cum iuxta polos lentus admodum Cæli ſit ambitus, lentiſſimam quoque eſſe prope polos, motionem illius ignis, necelle eſt: contra eius qui ſub Aequatore voluitur, rapidiſſimam.

Quod igitur contingit aquæ impuræ in velociſſimum amnem ductæ, vt cum aliis ſordibus à medio fluente in ripam amandetur; id ipſum necelle eſt euenire illi igni impuro infernè aſcendenti, vt à rapidiſſimo illius veluti amnis ignei curſu, verſus polos quaſi ad ripas reiiciatur; vbi propterea ignis cōtinuè vndique confluentis maximam fieri compressionem necelle eſſet, ni pateret exitus preſſo locūque molienti.

## ARTIC. V.

*Firmamenti, motūſque eius naturam  
exponens.*

**E**Rgo quemadmodum ſecundum multorum ſententiam de qua diſputabimus, mare ſubit terram cæcis meatibus quaquauerſum peruiam, atque inde in fontes & flumina ſcaturit; ſi-



militer de illo vastissimo corpore celesti cogitandum; ut variis ductibus atque sinibus patulum mare illud igneum, per ingentes ad polos fauces subiens, excipiat, ac per stellas, veluti toridem fontes, vel fluvios igneos, euomat ignem iam puriorem effectum, haud secus atque fontes red-dunt aquam dulcem quæ in mari vnde prodit, sal-sa erat.

Quid porro expectabas, ut ignis ibi detentus ageret, nisi ut suam sequens ingenium, machinam illam motibus agens continuis, in gyrum rotaret? vel si quid aliter possit agere te ipsum consule. Facile namque fuit, sapientissimo illi Architecto ita componere illos meatus, per quos ad stellas ignis flumina contendunt, ut per illorum curuaturam profiliens ignis orbem illum ab Oriente in Occidentem voluat, nimirum ductibus quibus ignis erumpit in illam partem sinuatis. Quem Cæli motum esse semper æqualem, non mirum est, quandoquidem ignis hunc motum cientis æquale pondus indefinenter per easdem fauces ingreditur, non tamen pluri capaces quàm vicissim per stellas egrediatur. Itaque quantum ignis per Astra continuè erumpit, tantum noui capiunt illæ portæ, ut propterea æqualis perpetuo vis ignis hospitis æqualem illius machinæ motum concitet.

## ARTIC. VI.

*Explicans naturam planetarum.*

**C**ONcipe planetas nec graues nec leues sua quemque in Ignis illius regione collocatos, quoniam nimirum ignis velocissimus rapitur in orbem.

Quod



Quod diximus de firmamento, de singulis Planetis, pro modo suo intellige; esse scilicet pluribus ductibus peruios, quibus ignem ingressum excipiant, ac rotatu assiduo per innumeras fenestras quaquauersum profundant.

Rotunda sint illa corpora ut instar rotarum voluantur. habeant tamen ex utroque latere hiatum capacem; quo igneum flumen vehemēti illo motu iactatum magno impetu subeat. Ita composita sint illa per quæ ignis magna vi erumpit foramina, ut exiturus Planetam quatiat, atque ut de firmamento diximus per illud vagum voluat continuè. Iam non erit captu difficile quomodo æquali ignis intrantis opera æqualem continuè viam peruolent.

Expectas, unde fiat, ut ab meridie in Septentrionem, & vicissim à Septentrione in Meridiem statuto tempore gressum reflectant? Causam cape. Diximus unicuique planetæ utrinque in latere foramen ut sit ignis, quantum sufficiat, capax. Altero foramine aperto, alterum claudatur. Ita fiet per anni dimidium, ut porta ad Austrum spectante aperta, ignis illac ingressus paulatim astrum in partem Borealem diuertat. Contrà verò porta quæ respicit Septentrionem reſerata per alteram anni partem, ignis per eam irrumpens, Astrum versus Australem plagam eodem prorsus gressu reducat. Etenim æqualis causa, ubi cætera paria sunt, æqualem semper producit effectum. Quomodo autem fieri possit, ut altera porta patente, altera claudatur, eaque statuto tempore vicissitudo recurat, si ignoras; Machinarij docebunt, qui in quibusdam horologiis id



repræsentât. Nisi putes homines aliquo libramen-  
to id per rotam tardissimè motam præstare posse;  
Deum verò per aliquam machinam ignis ingre-  
dientis ministerio non item. Improbet autem tan-  
tilla, tamque simplicia, ac facilia machinamenta,  
Qui ad septē stellarū motus, tot vastissimæ molis  
sphæras, tot alios orbes concentricos, eccentricos,  
epicyclos, cum totidem addictis motoribus, non  
sufficere intelligat? Neque enim dubiū est, Deum  
longè breuiori arte, quàm cogitent homines, reci-  
procam illam vtriusque oris in planeta aperturam  
efficere. Arte inquam tali, vt cuius directione ille  
naturalis impetus ignis hos omnes Planetarum  
motus certò perficiat. Quod quomodo fiat suffi-  
cienter demonstrauimus; facile quicquid opponatur,  
refutaturi; ut prius, quàm consentiat hisce prin-  
cipiis Natura diuersa Planetarum monstrauc-  
rimus.

## ARTIC. VII.

*Vnde proueniat natura diuersa planetarum.*

**E**ffectus diuersissimi Planetarum valde discre-  
pans eorum arguant ingenium. Ferunt scili-  
cet Saturnum supremo loco situm frigidum ac sic-  
cum: Iouem illi proximum calidum & humidum:  
Martem sequentem calidum ac siccum, cui vici-  
nus est Sol natura calidus, quem sequitur Venus  
moderatè calefaciens, atq; humectans, hinc Mer-  
curius admodū varius. Infima est Luna quam fri-  
gidam, humidamque prædicant.

Alius vt huius discriminis causam repetamus:  
Notandum, igneam illam materiam, quam Cælum  
stellatum, per ingentes eas portas ingredi di-  
ximus,



ximus, non statim atque recepta est per stellarum poros emitti, sed ob angustias viarum, haud secus cibum in ventriculo diutius concoqui; qua quidem diuturna concoctione partes fiant aliæ aliis subtiliores, atque puriores; quarum separatione, aliæ quoque crassiores veluti fæces harum appareant. Est enim hoc concoctionis officium, ut heterogenea, atque dissimilia dissoluat.

Quoniam verò spatia omnia per quæ stellarum motus hunc ignem continua emissionem iaculatur, iam occupatum est, necesse est, ut partium quas diversissimas diffundunt, quo subtilior quæque fuerit, eò longius pertingat, atque eadem servata proportionem, quo crassior, eò brevior iactus eius fiat. Causa est quia quæ crassiora sunt citius impediuntur, eo quod spacium laxius eorum transitus requirat, quò verò quidque est subtilius, eò facilius pororum pervadat angustias. Hinc est quod ex radiis stellarum, non nisi subtilissimi ad nos perveniant. Ergo à contrario, quod crassius est non longo viæ processu impeditum sistit. Ut inde causa sit satis aperta cur sphaera proxima firmamento, atque regio illa quam Saturnus sibi vendicat, sit magis terrestris, ac propterea frigida, siccaque censeatur. Sequens verò quæ Ioui tribuitur sit calidior, utpote ad quam partes paulò subtiliores, magisque igneæ penetrant; & ita de Marte, qui propter eandem causam debet Ioue quoque esse calidior.

Verum quod videmus in corpore animalis, ut cibus in ventriculo concoctus, ac per intestina diffluens non una coctione sit contentus, sed egestis fæcibus, chylus per venas Mesaraicas ad iecur



contendat; cuius exquisitiis elaborati partes alie aliò quæque in propriam abeant regionem. Simile quiddam videtur fieri in hoc magno animali, cuius veluti iecur est regio illa quam Marti tribuunt. Etenim Marti, iecur in corpore nostro autumant respondere; hinc Chymici inter metalla ferrum nuncupant Martem, quod quidem ferrum iecori nostro non parum est familiare.

In Martis igitur illa regione ignea, quem propterea igneum prædicant, veluti in Mari quodam, ignis magis coquitur, donec qui purior est atque exquisitior inde erumpat, non quidem sursum, qui locus propter rationes prædictas ab impuriore igne magisq; tum aqueo, tum terrestri occupatur.

Ergo necessariò inde in proximè sequentem deorsum Solis Sphæram, haud secus ac purior sanguis ad Cor, se recipit. Sic nempe Sol est veluti cor inter planetas, cordisque naturam participans, cordi idcirco familiarissimus, quippe qui est vitæ principium. Hinc aurum cordi admodum benignum, atque amicū, Chymici Solem vocant, propter naturæ analogiam. Atque hæc de puriori illa ignis parte quam Martis regio in Solis amittit provinciam. Partem autem dilutiorem sursum amandat in eam, quæ dicitur Iouis, Sphæram. Atque hæc est altera causa, cur Iupiter calidus, humidusque habeatur.

Sed quoniam in omnibus illis regionibus haud aliter, atque in diuersis, ac subordinatis partibus animantis, nouam semper fieri concoctionem necesse est: Iouis illam regionem concoctione facta quas sordes vel partes crassiores, ac terrestriores deorsum ad igneum Martis amnem nequit demittere,



tere, sursum in Saturni sphaeram eiciat oportet, haud secus atque in Lienem melancholicus succus facessit. Lieni quippe respondet Saturni regio; idcirco adiacet firmamento quod est instar stomachi, haud secus lien adhaeret ventriculo.

Similiter in Solis regione, concoctione repetita, quicquid est dilutius, cum propter eandem causam, ne queat in Martis locum regredi, ad sphaeras inferiores deiicitur. Quarum propterea quae maxime à Sole recedit Lunæ Regio humida, frigidaque habetur. Estque in Cælo idem quod cerebrum in corpore animalis; unde Luna cum cerebro plurimum concordat, cui manifestum dat incrementum. Atque inter metalla Luna Argentum sibi vendicat peculiare, quod & cerebro auxiliari Chymici putant.

Duplicem ergo habes causam, cur Saturnus. v. g. (de reliquis idem esto iudicium) supremum inter planetas, vicinumque Cælo tenens locum, sit frigidus, ac siccus; Alteram, Quoniam partes terrestres, crassioresque è stellis promanantes ibi sistant sese, dum ulterius penetrare nequeunt. Alteram, quia inferioris sphaeræ seu Regionis quicquid est crassius, ac veluti spuma, illuc reiiicitur. Ita de reliquis.

#### ARTIC. IIX.

*Quo dubiorum quorundam solutione res magis illustratur.*

**P**rimum occurrit dubium, quoniam diximus materiam illam quæ Saturni regionem pererrat, ob crassitiem, non potuisse transire ulterius; qui possit Saturnus eandem haustâ, atque in se receptam in hæc inferiora traicere? Si namque ob crassitudinem ea prius nequibat, cur magis nunc possit huc vs-



que transmeare? Duplex est ratio. Prima. Quia hanc materiam, & in ea regione, & in aliis vnde reiecta est, regionibus multiplici cōcoctione subtiliorem redditam, Saturnus demum ventrem suum ingressam diuturna coctione repurgavit, ac subtiliorem reddidit. Altera ratio est. Quia sicut Machinæ aliæ aliis longiùs lapides promittunt; ita nihil impedit, quominus Saturnus ita fabricatus sit, vt eandem materiam longiùs quàm fixæ stellæ possit proiicere. Nihil sit aliud. Si Saturnus veluti rota voluatur, quis nescit iactum eius fore vehementiorem multo, quàm si, vt stellæ fixæ motu suæ sphaeræ rapiatur? Hoc videre est in curru cuius rotæ impetus lōge violētior est, quā sit vel axis, vel temonis motus. Atque hinc existimem non obscuram posse duci causam, Cur Planetæ longè maiorem in hac inferiora, quam stellæ fixæ habeant potentiam. Assiduo enim illo rotatu multo plures ignes, validiùsque in nos proiiciunt; de quibus plura suo loco.

Alterum est dubium ex eo quod diximus eius ignis quem stellæ diffundunt, magnam partem restare in illis regionibus à firmamento ad Lunam vsque subordinatis, ita vt nil nisi quod subtilissimum est ad nos pertingat. Quo se ergo recipit ignis quem Regiones illæ sine intermissione recipiunt? Aduerte animum. Concoctione illa quæ fit in singulis Planetarum regionibus, heterogenea non tantum sursum, ac deorsum expelluntur; sed quantum à Stellis in eas regiones accedit ignis noui, tantundem reiectanei illius ignis per eam coctionem continuo dextrorsum, ac laeuorsum, versus vtrumque polum extruditur. Quo se receptu-

rum?



rum ? Identidem per easdem illas fauces vastissimas quidem, firmamenti ventrem capacissimum, subiturum ; cum illo nimirum alioqui recens ex terra conscendit.

Atque ne id in Cælo mireris, vide quid fiat in Terra, in quam elementum aliquod receptum nō vnum duntaxat ingreditur corpus, sed plurimorū compositioni ordine inseruit, antequam solutum superam repetat regionem. Quid ergo mirum, si quod inferiūs, elementa superiūs id ipsum patiantur, vt sæpius firmamentum repetentia diuersas illius partes oberrent, antequam terras reuisant? hac namque repetitione veluti aurū sæpius ignis examen passum, ea magis, magisque repurgantur.

Quod tamen dictum intellige de particulis illis in quibus ignis dominatur. Quæ enim sunt magis vel terrestres, vel aquæ, igne soluto quo vectæ sunt, veluti sordes illius regionis in dextrā vel læuam partem, vel etiam deorsum extruduntur. Illæ verò per aerem, præ mira tenuitate volitantes, dum ad nos perueniunt, efficiunt frigoris sensationem. Quippe sunt illa corpuscula quæ expolari regione venire dicebamus. Hæc enim prius cum materia radiorum Cælestium, vnā in Cælo faciebant naturam: iam verò soluto illo fœdere societatis, reiecta in polares regiones secedunt, radiis Solaribus locum cedentia, rursus tamen cum illis in horum terrestrium compositione coitura.

### *Epilogus.*

Cæterum noster scopus in hoc tractatu fuit, (vt præcaueramus initio) non aliquid veluti comper-



tum certumque de Cæli compage producere, quod certè humani ingenij facultatem excedere fate-  
mur: Sed primum Aristotelis, Astronomorumque  
de Sphærarum multitudine commentum, ut im-  
possibile refellere: deinde ex eo quod, sine ratio-  
nis excessu imaginari potuimus, ostendere, non  
deesse sapientissimo illi Cælorum Architecto mo-  
dum quo Astra voluit sine Sphæris quas Planeta-  
rum motui, maximo esse impedimento, ex Astro-  
nomorum relatione probauimus. Rei necessitate  
probata de modo non vltra laboramus quem  
Deus ipse nouit.

Quod verò ad arcanorum Naturæ speculatio-  
nem sufficit, & est necessarium, libro sequenti e-  
uincimus, Solis scilicet stellarumque radios seu  
influxus fieri per igniculorum, vel aliorum cor-  
pusculorum emissionem: vnde necessarium est  
materiam quoque ex his inferioribus vicissim as-  
cendere in supplementum eorum quæ Astra con-  
tinuè profundūt. Si factum probabimus, & quem-  
admodum Antiqui docuerunt, igniculos ab A-  
stris descendere monstrabimus, facile fortas-  
se fuerit cuius talem Cæli structuram excogitare,  
quæ modum quo fiat, ea naturarum ascendentium  
descendentiūque vicissitudo, conceptu facilem  
reddit. Rem quidem propositum est extra dubium  
ponere: modum quærat cui inuenta nostra non  
placebunt.





## DE COELO

## LIBER II.

*Propositio.*

EQVITVR vt agamus de Cælia-  
storumque influxibus quorum ca-  
lor, & lumen sunt manifestissimi,  
quamuis alij sint quàm plurimi, &  
quidem potentissimi, de quibus a-  
liquid non vulgare dicemus. Quin  
quoniam ad luminis naturam intelligendam, ne-  
cessaria est visionis naturæ cognitio, de Visu, ac de  
colore sequenti libro ea docturi sumus Deo du-  
ce, quæ, ni mea me fallit opinio, sine præcone, Le-  
ctoris sibi attentionem comparabunt. Sed ad rem.

## I N T E N T I O I.

De calore vt ab Astris procedat.

## A R T I C. I.

*Aristotelis sententia à suis refutata.*

**Z** Abarella libro de calore Cælesti, in sumpto  
primo capite in quibusdā aduersus Antiquos  
argumentis quæ in calce huius Intentionis Veterū  
sententiæ maximè fauere demonstrabimus, ne-  
dum aduersari; sex capita sequentia ingentia in



examinanda Aristotelis de causa caloris sententia, collocat; ac tandem rem accuratè expensam in principio capitis octauum ita determinat. Sequitur, ut quomodo Calum suo motu calefaciat, consideremus, quando in sententia Aristotelis acquiescere minimè possumus. Ego quidem arbitror verissimam esse Auerrois opinionem, quam antea retulimus: quum enim Auerroes sententiam Aristotelis quam hactenus expendimus, falsam esse cognouerit, eam tamen reuerentia ductus impugnare non est ausus, sed modestius agens maluit Aristotelem in alium sensum trahere &c. Integrum deinde illud octauum caput ed ducit, ut aduersus Aristotelem probet calorem caelestem non tantum à Sole, sed ab aliis cum Sphaeris, tum astris prouenire. Cum ergo adeo rigidus Aristotelis satelles, cogente veritate, tam diligenter examinatam Aristotelis sententiam damnare non dubitarit, non opus fuerit diutius in ea immorari.

## ARTIC. II.

*Qua sit Peripateticorum hac de re communis sententia.*

**Z**abarella, Piccolomineus & alij communiter causam caloris Cælestis, ex Aristotele attribuant motui & lumini; sed motui cunctarum sphaerarum & stellarum. Quod tamen motus ille producat calorem, graues patitur difficultates, quas Zabarella ipse mouet, sed quam bene soluat, viderint alij. Post quas, ponit has conditiones necessarias, ut à motu calor fiat. Illud, inquit, praterca hac in re est annotandum, predictas conditiones, quas requiri diximus, ut à motu calor producat, non sufficere, nisi in illo quoque corpore, per quod fit motus, & in quo calor est generandus, sit aptitudo ad calorem à motu



motu recipiendum; etenim agens non agit, nisi in patiente ad recipiendum idoneo: corpus igitur per quod fit motus, oportet esse tenue, & rarum, & naturaliter calidum, quia si densum sit, impedit mobile ne velociter moveatur, eique ita resistit, ut nequeat motus tantā habere velocitatē, quā ad atterendum corpus illud requiritur; si enim sagitta ab arcu emittatur per aquam non calefit aqua, neque plumbeus mucro liquefit, igitur elemento calido, ac raro auget motus calorem & raritatem. hæc ille. Verūne est quod id corpus facile debeat conteri? volue rotam quam corpus aliquod contiguum ambiat; nec motus erit admodum velox: nec corpus illud facile motu rotæ atteretur, nihilominus vehementer calefit id corpus sicut & rota; mutua videlicet collisione. Causam superius exposuimus, solutionem nimirum igniculorum qui sunt in eorū corporum superficie. Quin contra assero vindicantibus hoc mihi experiētia & ratione. Corpus illud quod motione calefiat debere esse diuū, alioquin etsi natura calidum non tamen motu incalescet. Vinum sanē potētia calidū est, quo potō corpus incalescit quod aēr refrigerat. motum tamen vinum non incalescet nisi modicum Corpus durum vehementer attritione calefiat. Quare? Ob eādem nempe causam propter quam ignis ē silice excutitur nō ē lapide molliori, ob quam flamma exit ē ligno non ē pruna. Quādo facile vndiq; exit ignis internus ita dispersus non multum afficit sensum qui si difficulter egrediatur, & per pauciores meatus, coactus vim exerceat potētiorem, ut de causā flammæ diximus libro secundo de materia. E vino facile auolat quicquid spirituum motione soluitur; non ē corpore duriori. Cæterum quod aqua motu minimē calefiat, non



mirabitur qui in ea nihil calidi norit inesse quod motu exciteatur. Quomodo namq; aqua igne supposito incalescat diximus superius. Sed quid in his Lectoris patientiam lædimus? ad expugnationē illius Peripateticorum de Calore cælesti sententiæ sufficiebat hoc Scaligeri argumētū petītum ab experientia. Ergo exercit. 74. art. 2. in Cardanum. *Contra*, inquit, *videtur, Solem, si non moueatur, magis calefacturum. Quod, inquit, ut alibi diximus, manifestius est ex radiorum fixatione in rem stabilem, quàm si moueatur. Etenim cauum speculum, si moueatur, non concipiet ignem. Nihil autem differt, resne calefacienda, an calefaciens moueatur, ad hoc probandum.* Ecce qua ratione ab experientia ducta paucis confutat, quicquid Aristoteles, & omnes eius sectatores hac de re commēti sunt. Ita scilicet Cretensis in Cretēses. Nam quod ipse Scaliger addit. Solem virtute sua calorem hunc producere nihilo melius est. cum namq; negent Solē esse calidum queritur quomodo talem virtutem exerat caloremq; producat. Quomodo inquā, per se calefaciat. Alioquin quere à rustico cur magnes ferrum trahat? Respōdebit, per se trahere, & ita de omnib. respondens quidni magnus philosophus fuerit?

## ARTIC. III.

*An lumen calefaciat.*

**A** Verroes qui contra Aristotelem calorē à motu Cælesti prognatum sphaera ignis concavi. lunæ contigua terminabat, hæc inferiora à lumine, calorē recipere autumat; & quidem hoc fert cōmunis Peripateticorum opinio, ut ipsi Aristoteli consonum; qui motum & lumen caloris producti causam rētur, ignorantes ipsi penitus quid sit lumē. Melius-



Meliùsne ipsi de lumine quàm de motu philosophà-  
tur? Ecce quid Zabarella cap. 9. *Quoniam autem di-  
ctum est, magnum lumen cal:facere per attritionē, quia at-  
tenuat aërem, si quis rationem querat cur extenuet, nulla  
(vt mihi videtur) afferri potest. nisi quod ea est luminis na-  
tura, vt tenuem, ac subtilem aërē reddat, effectus enim à sua  
causa immediatè prodeuntis nulla alia afferri ratio potest.  
Aliud quod de hac re dicam, non habeo, neq; Aristoteles vs-  
quàm declarasse comperitur, quomodo lumen calefaciat; quare  
si nihil aliud est quarendum præter id quod modo diximus,  
videtur id tanquam manifestum, & declaratione non egens  
dimisisse; si quid verò aliud ad plenā huius rei cognitionem  
desideratur, non est mihi verèdum confiteri me illud ignora-  
re, qui me nihil aut parca scire profiteor, quum sapiētissimus  
quoq; philosophus Aristoteles se id nescire tacitè confessus sit.  
Hæc Zabarella candidè, vt omnia. Qui profecto  
quod ignorarit frustra alium rogaris. fatetur neq;  
se, neque Aristotelem rationem sciuisse cur lumen  
rarefaciat, vel quomodo calefaciat. Nec mihi, quia  
nulla est, si quidē lumen nō rarefacit. An verò ca-  
lefaciat, & quomodo calefaciat, dicetur quod Pe-  
ripateticis sit ignotū. Interea cū hoc in lumine nihil  
aliud videāt quàm tenebras; quærant alibi causam ca-  
loris eiu q; naturam, de qua iam toties ad rauim.*

Sed si lumini accepta ferenda est causa caloris, cur  
non luna quàm frigidam, humidamq; norunt, vt lōgè  
vicinior, ac longè luminosior cæteris excepto Sole,  
stellas calore exuperat? Cur tanto lumine non ma-  
gis nos quam cuncta astra reliqua calefacit, com-  
multo maius reliquis omnibus in nos lumen spar-  
gat? Sane ea ratio postulat, vt quanto omnibus stel-  
lis luna est luminosior tanto sit calidior. Quam ta-  
men frigidam humidamque non audent diffiteri;



cum plures stellarum valde calidas iudicent ab earum effectis.

Sed vnde est vt astrum aliud pluuiam prouocat, aliud imbres mouet, aliud tēpestates excitat, aliud ventos ciet, aliud serenitatem, tranquillitatēque secum ducit? Quo abeamus si singulorum diuersissimas operationes eloqui conemur; quæ in frugibus terræ, quæ in animantibus, quæ in diuersis animalis partibus, diuersisq̃ue morborum generibus, diuersæ stellæ diuersissima mirabiliter efficiūt? Mitto quantam vim habeant ad corporis tēperamenti mutationem, ne dicam ad mores immutādos. Sexcenta sunt alia quorum differentiaē causam quis in lumine inueniat? At Picolomineus (vt communiter alij) toto cap. 39. nihil aliud quàm probat ex Aristotele, motu solo, ac lumine, Solem, stellasq̃ue in hæc inferiora agere; reiicitq̃; omnes influxus à motu, & lumine distinctos. Et quāuis alij sint qui contrarium sentiant, quomodo tamen astra talia operentur nequeunt cogitare. Quæ quidem obiter annotauimus, causam tātū discriminis influxuum breui facturi non minus conspicuam, quam alibi fecimus causam caloris, aduersus quam, si, quæ supersunt Peripateticorum argumenta astrorum calorem impetentia, soluerimus, Veterum sententiam illustriorem fecerimus.

#### ARTIC. IV.

*Qua veterum sententia à Peripateticorum argumentis vindicatur.*

**V**Olo hæc Veterum doctrina funditus corruat, ni Peripatetici eā suis argumētis magis con-



confirment, splendidiorēque reddant. Audiamus ergo ex Zabarella, cap. i. primum illorum argumentum. Si Sol, inquit, esset igneus, & hac ratione calefaceret, non min⁹ in hyeme calefaceret, quā in aestate, quia propter Cæli rotunditatem Sol in omnibus Cæli partibus æquē distat à nobis; quare siue sublimior incedat, ut in aestate, siue humilior, ut in hyeme, eundem facere calorem deberet. quoniam, ut in hoc igne nostro experimur, eadem eiusdem ignis distantia eundem calorem facit: resque ita est manifesta, ut omni dubio careat: quod si in radiorum repercussionem, productionem caloris referamus, clara est huius temporum discriminis ratio, ut mox ostendemus. Id autem sic ostendit cap. 10. his verbis. Quando enim Sol radios in Terram proiicit ad angulos rectos, & perpendiculariter, quilibet radius reflectitur in seipsum, & idem fit radius ascendens, ac descendens, ideo fit maxima collisio radiorum, & aëris attritio, proinde & vehementissimus calor, quem animalia perferre nequeunt; quando autem radij non ad perpendicularum cadunt, sed ad angulos inæquales obtusos, & acutos minor fit calor: cū hoc tamen discrimine, quod quanto rectis propinquiores fiunt anguli, & quanto ascendenti radij sunt propinquiores descendentibus, tanto maior sit collisio, & maior calor; contra verò quando admodum obtusi anguli ad terram fiunt, & radij ascendentes sunt à descendentibus remotiores, minor fit collisio, & minor calor quod in hyeme euenit. Sol enim humilior incedens terram radiis suis debiliter percutit, & angulos valde obtusos, & acutos facit; at in aestate sol sublimior fertur, & puncto nostro Verticali propinquior, ideo fiunt rectis similiore, & radij reflexi descendentibus propinquiores. Eccam Aristotelicæ sententiæ rationem, modumque quo radij magis, min⁹ve calefaciunt.

Audiant nunc Veterum sententiam. Quos Peri-



patetici radios vocant, atq; accidentia putant, veteres vt sepius repetitum est, igniculos cōtinua, validaq; iaculatione ab Astris in terrā profusos agnoverunt. Ex quo facile est causam assignare, cur Sol aestate lōgè sit quàm hyeme calidior. Quemadmodum enim, si pilam ad perpendiculū rectā proicias in solum, ea rectā sursum resiliet. Eadē prorsus ratione, si eiusmodi igniculos, Sol perpendiculariter in terram demittat, rectā sursum recurrentes impediuntur ab aliis, fitq; maxima eodem in loco ignium eiusmodi cōgregatio, vnde & maximus estus. Quāto autē magis fit obliquus horum igniculorum iactus eo magis ab eo loco recedūt in quē missi sunt; vt videmus in pila quam quo magis obliquē versūs soli superficiem ieceris eo longior resilit à loco in quem eam proieceris. Similem prorsus in modum, cum hyberni Soles igniculos illōs valde ex obliquo in terram mittant, longissimè excurrunt ab eo loco, cum nihil eorum cursum prohibeat; vnde cum nulla fiat ibi eorum congregatio, non mirum est si transitu tam subito parum admodum locum afficiant. Aestiuo verò tēpore quādo eiusmodi ignium iactus est perpendicularis, vel ferè perpendicularis, pro diuersitate regionis, recurrentes hi igniculi sursum, eadem qua proiecti sunt proportionē, ab aliis in quos illidunt sese, impediuntur. Vnde tāta igniculorum multitudo tantam caloris affert sensationē. Multiplex enim fit eorum concursus, dum mōtes, & muri eos reperiunt, in aliosq; reiciunt. Nunquid hoc clarum? num rationi, num experientiae, num sensui manifestum? Quid contra Zabarella? suam scilicet vībrā impugnat, dum ponit calorem quem sentimus, accidēs aliquod in aēre à Sole productum.



ductum. Diximus sæpius quid sit calor; nec id eget repetitione. Quid verò Peripatetici per illos radios intelligunt? quid per eorum refractionē, quomodo qualitates refringuntur? Sed plura de his, cum de natura luminis agemus. Quæ diximus non solum primi Zabarellæ quod protulimus, sed secūdi pariter, ac tertij argumēti reteggit ineptiam; quippè quæ ex eadem suppositione procedunt. Cur media regio aëris quæ soli vicinior est minùs est calida? Quoniam nimirum ignes illi per eam transeuntes nō eò vsq; recurrunt; nec vlla sit eorū ibi cumulatio. Tertium est simile priori, vt videre est. Quāuis enim hyeme Sol esset terre propinquior, quod falso supponit, propter easdē rationes, iactus eius obliquus minorem faceret igniculorum ad terrā congregationem.

Superest quartum. Sumitur, inquit, etiam ratio validissima ab experientia, quia videmus radios Soli transeuntes per ampullam accendere stupam in altera parte positam; cuius rei nulla ratio, secundum eam opinionem adduci potest, & cur sine ampulla stupam non accendunt? Nam si Sol esset igneus, deberet etiam magis calefacere, nullo interposito corpore, à quo aliquod fieri calefactioni impedimentum necesse est, vt in igni nostro experimur; nam per interpositum vitrum transit quidem ad nos ignis lumen, at non transit calor. Sed si Solem dicamus calefacere per lumen, ratio manifesta est, quoniam in ampulla, & in vitro cauo multi radij congregiuntur, & fiunt vnus radius; ideo qui dispersi debiliorem vim habebant, & coniuncti, & vniti magnam adipiscuntur, & accendunt propinquum aërem, & per illum etiam stupam. Bellæ profectò rationes.

Sed ipsum argumentū in authorē ita retorqueo. Per interpositum, inquit, vitrum, transit quidē ad nos lumen



*ignis, non calor.* Contra. Si lumen est causa caloris, cur ignis lumen transiens per vitrum æquè ac lumen Solis, non æquè oppositam stuppam accedit? Cur non æquè in vitro cauo radij eius congregantur? Quo nos telo petit Zabarella se ipsum confodit. Sed quid est radios Solis in vitro cauo congregari? Non illi radij sunt accidentia? Qui possunt accidentia congregari? relinquuntne proprium subiectum, vt in aliquam vnam partem coeant? Vel si hoc est absurdissimū, quomodo radij illi congregantur? An quia radij illi in aëre producti obiectione ampullæ aqua plenæ partem vnam, duntaxat impetant, in quā omnes aëris aduersi radij vim quisq; suam immittant? Cur quæq; pars aëris lumine suo partem ampullæ sibi recta oppositam non impertitur? Cur neglecta illa parte in ampullæ medicullum suam deflectit actionem? Etenim reliquæ partes ampullæ versus extremā æquè luminis admittendi sunt capaces: Cur inquam in eas non agit aëris vicini lumen? Sane, quod iam diximus hos philosophos suum lumē excæcat. Audiant ergo quā facilis, quāq; naturæ sit consentaneus igniculorum per illā ampullā aqua plenam coitus. Igniculi illi per aërem, veluti milites ab hoste remoti sine metu vagantur, diducti erant, & vagi. Ingressi verò aquam ampullæ haud secus ac milites instante hoste, in vnum sese cogunt, atq; per hostem illum communem, aquam scilicet, transitum moliuntur innoxium. Estne hoc clarum? Estne hoc naturæ conforme? Estne hoc Rationi consentaneum? Et quidem idem opinor futurum si ampulla eiusmodi igni opponatur; ni forte non fuerint satis tenues igniculi illi vt per ampullæ poros coacti exeant; vel aliud impediatur quominus ita con-



congregentur. Sed ipsi nullam poterunt eo casu causam prætereundum, si Lumen producit calorem, cur lumen ignis per amphoram transiens non sese ibi congreget, ut lumen Solis. Quod dictum est de ampulla, idem fit in speculo per quod igniculi illi transeuntes ob eandem causam in unum coeunt, quo scilicet aduersus frigidam illam naturam stipati peruenient illæsi.

Quid ad hæc Peripatetici? Norint Veterum sententiam, antequam illam impugnent; hanc si bene norint, inexpugnabilem norint. Nec tamen prætereundum est falsum supposuisse Zabarellam, in primo suo argumento, cum dixit, *Quia propter Celi rotunditatem, Sol in omnibus Celi partibus æquè distat à nobis.* Æquè ergo Sol in Capricorno distat ab eo qui est sub polo arctico, ut ab illo qui sub Cancro habitat. Ac per consequentiam non vicinior erit Virsæ qui sub Virsa est, quàm qui sub Australi polo terram colit: cuius sequelæ necessitatem videbit, qui rem considerabit. hoc dixerit Zabarella?

Ergo quod promiseramus, præstitimus; Peripateticorumque argumentis, veluti fricta veritas magis enituit. Sed etiam magis sequenti intentione visa natura luminis, de quo iam propositum est ut dicamus.





## INTENTIO II.

De Lumine.

ARTIC. I.

*Quæ sit Aristotelis de natura Luminis sententia.*

**Q**uamuis difficillima sit hæc tractatio, obscurissimaque luminis speculatio, nemo tamen est mediocriter in philosophia naturali veratus qui dubitet suam hac de re ferre sententiam, si quam multiplicia, quam discrepantia, quam incerta, quam obscura, quam absfona, Aristoteles, sui que hac de re scripserunt, conspexerit.

Dicit Aristoteles lumen esse actum huius perspicui secundum quod est perspicuum. Hoc est, esse id quod res fit actu perspicua. Quid vero sit illud quod res fit conspiciua, cum negent esse corpus laborant inquirendo. Discrepantes plurimorum hac de re sententias referre longum esset & inutile. Prodeat vnus pro omnibus Piccolominiæ qui libro de sensu visus, cap. 8. post longam disputationem, concludit, *Colligamus itaque Lumen siue referatur ad medium, siue ad oculum, esse actionem, & qualitatem spiritalem representantem Lucem, quæ est Qualitas principalis corporis lucidi.* Capite sequenti quærens quid sit esse spiritale (dixit nempe lumen esse qualitatem spiritalem) ita concludit, *Ex quo colligo quod Ens spiritale est res per imitationem, egens medio, vt deferente, & id quod principale est representante, Hoc ens spiritale relatum ad medium, est qualitas, per imitationem, & similitudinem: relatum ad principale, dicitur actio eius, aded vt simul sit ens non ens, in medio*



*medio non in medio, Qualitas non qualitas, actio, non actio, nam de illis quæ sunt ancipitis conditionis, distincta consideratione, & significatione ea vera sunt, quæ inuicem pugnare videntur. Imitationes nec creari, nec gigni dicuntur, sed per solam principalis præsentiam dicuntur esse in medio sine vlla generatione. Deinde post pauca se explicat. Colligimus itaque Luminis in medio competere esse spiritale, & id spiritale ens, non esse puram relationem, sed actionem, qualitatem per imitationem, formam quandam secundum imaginem primæ, actionem alicuius principalis, quæ exposcat deferens & representans non propriè subiectum. Ex quo patet ratio, cur momento eiusmodi spiritales actiones effundantur: nam solùm apparent per præsentiam principalis; nec verè gignuntur, sed sunt & non sunt, sine ortu & interitu, nec creantur, quia creatio est formæ principalis, non imitationis eius, nec absoluta transeunt ex non esse ad esse, sed transitus est ex non imitari ad imitari, ex non representari ad representari. Et hac consideratione Lumen dicitur extrinsecus aduenire, ut inquit Simplicius in secundo de Anima 75. id tamen est verum per metaphoram. Ecce quid ex eo infinitarum controuersiarum chaos, tanquam ex densissimis ignorantia tenebris, vir doctissimus splendidissimum potuit eruere. Quod cum meram ignorantiam præ se ferat, quid in eo vel examinando, vel refutando immoremur? Vnum tamen polliceor, me evidentissimis demonstrationibus falsi conuicturum. Quod scilicet, cum ipse tum alij communiter putant, lumen momento ferri: motuque successiuo procedere demonstrabo. Cætera quæ non satis examinauimus ne ob sint tanti viri memoria, nec nobis prosint donec conuicerimus eiusmodi Ens spiritale esse merum figmentum.*



## ARTIC. II.

*Veterum de natura Luminis opinio.*

**E**Rgo ne viri tam oculati diutius cæcutiāt, veram Luminis naturam ex Antiquitatis rudibus conemur eruere. Pergat ergo Piccolominiæ cap. 6. eiusdem libri, nobis Veterum sensa referre. Nonnulli, inquit, existimantes Lumen esse corpus, ut Democritus, Leucippus, Epicurus, dixere dari ex corporibus defluxus quosdam, qui essent tanquam exuvia, & simulachra rerum, & ided ex Lucido corpore putarunt defluere simulachrum eius, quod cum sit simulachrum corporis, seruat conditionem eius. Hinc cecinit Lucretius lib. 4.

*Præterea si quæ penitus corpuscula rerum  
Ex alto in terras mittuntur, Solis uti Lux,  
Ac vapor, hac puncto cernuntur lapsa diei.  
Per totum Cali spatium, diffundere sese,  
Perq; volare mare, ac Terras, Calumq; rigare. &c.*

Putarunt itaque hi radios esse corpora, meare per poros, ac momento effundi. Cuius opinionis etiam fuit Empedocles. Ex paucis interiectis. Plato frequenter iudicauit Lumen esse corpus, & præsertim in Timæo, dum lumen dixit esse speciem ignis, at ignis est corpus. Insuper, dum dixit ex Lumine prodeunte ex oculis; & externo vnum confici corpus. Aristoteles etiam nonnuquam Lumen dixit corpus, ut in vndecima part. problematum 33. inquit: radios autem corpora esse dixeris. Et in secundo de Calo, 44. inquit Calorem & Lumen gigni attrito à Solis Latrone aere, & quia Sol non tangit nisi per Lumen, ided denotauit Lumine teri aerem, quod non fieret nisi esset corpus. Hinc

*Lucillus*



*Lucillus Philaltus eo loci ait. Lumen esse corpus & flammam. Nob. in primo de Ortu & interitu inquit, Aristotelem loqui supposita Veterum vulgata opinione, quod Lumen sit corpus. Simplicius hac de re loquens, non sibi constat: nonnunquam cum Aristotele negat lumen esse corpus, ut in 2. de Anima 62. Nonnunquam ait esse corpus, & transire per meatus aliorum corporum, ut in 2. libro de Cælo 27. Nonnunquam esse corpus cui reliqua corpora impedimento non sint, ut in 6. Physicorum 23. Non defuere nonnulli qui lumen dixere spiritum ex anima Vniuersi mentis compote prodeuntem, & per omnia effusum. Quam etiam quintam nuncuparunt essentiam. Hæc Picolominæus, queis patet, quàm incerti duces Aristotelis, quàm incertus ipse Aristoteles. Locutus est, inquit, secundum Veterum sententiam, Non sanè mirum quæ ex Veteribus compilarat, describentem eum ex Veterum sententia locutum, neque animaduertisse præcipitem ea suis discordare principiis. Quid plura? Non mirum, ignorantem quò se verteret, non sibi constitisse.*

## ARTICVLVS III.

*Quibus argumentis doctrinam Veterum impugnent  
Peripatetici.*

**P**icolominæus cap. 7. rationes ponit ob quas Aristoteles reiicit Priscorum opinionem, Aristoteles, inquit, in secundo de Anima v.g. inquit: Lumen itaq; nō ignis est, neque omnino corpus, neque defluxus corporis ullius, esset enim corpus aliquod, sed est præsentia ignis, aut alterius eiusmodi, in perspicuo. &c. His verbis philosophus damnat sententiam Platonis, & Democriti, ac insu-



per opinionem suam profert, pro qua comprobanda utitur praesertim duabus rationibus: Prima sumitur ex penetratione: Nam si Lumen esset corpus, quia meat per corpora, corpus vnum mearet per aliud, & cum sit corpus praedicamenti qualitatibus, corpus eiusdem praedicamenti mearet per aliud.

Altera sumitur ex motu, nam si Lumen esset corpus, quia sine tempore effunditur per vniuersum hemisphaerium, daretur motus corporis per maximum interuallum sine tempore, quod fieri nequit, nec dicere valent, id fieri tempore exiguo, & nos latere quoniam de motu per exiguum interuallum id dici posset: at per maximum nulla ratione potest concedi. Similiter absurdum est dicere, quod transeat per meatus medij, nam tunc non corpus medium totum esset lumine praeclatum. Sed soli meatus. His accedit, quod nec aer, nec aqua, nec ignis sunt corpora praedita poris. Et nonnullis interpositis. Praeterea, inquit, corpus non recipit magis & minus, ut dicitur in praedicamento Qualitatis, sed solum maius & minus, lumen autem intensius & remissius esse potest. Haec Picolominæus ex Aristotele. Addam ego duo alia, alterum; quod lumen transeat per vitrum, non utique per vitri poros, cum alia corpora magis porosa lumen non transmittant. Ergo non corpus lumen, si quidem per corpus meat. Alterum, quia si lux esset corpus, aërem mouente vento moueretur.

#### ARTIC. IV.

*Quo praecedentium rationum futilitas ostenditur.*

**C**UM quicquid aduersus Veteres maximi est ponderis hinc in vnum congestum sit, id ta-



men apparebit leuissimum, eaque falsissima quæ pro verissimis, clarissimisque supponuntur.

1. Quod dicit Picolominæus, aerem, aquam, & ignem non habere poros, id falsissimum demonstrauimus, cum distantiam inter eius partes euicimus quam spiritus ille vniuersalis repleret; qui spiritus proinde facile cedat radiis transeuntibus, nec est qui nostras eludat demonstrationes, quas tractatu de vacuo videre est libro de Natura.

2. Quod ait *totum aerem esse lucidum*, id quod non esset, si lumen transiret per meatus, id arguit inconsiderationem. Adeone plusquam Lynceos esse hos philosophos, ut minutas aeris particulas lucidene, an obscuræ sint possint discernere? Misce vinum rubrum cum aqua. Totum apparebit eiusdem coloris, nec possis aquæ partium colorem discernere, cum tamen remaneat aqua quæ cum pristino colore separari possit, ut dictum est superius cum de misto ageremus. Quin tere rubrum, nigrum, album, trita minutissimè misceantur, apparebit vnus color omnium, cum tamen singulæ proprium colorem retineant. Vini tamen, & aquæ, & corporis triti partes quanto maioris molis sunt quam partes aeris, inter quas hi oculatissimi homines volunt lucidas à non lucidis diiudicare; Tamen manifestum est *omnes aeris partes nulla excepta illuminari*, si credamus Zabarellæ qui lib. 2. de anima, in textum 69. hoc ita certò pronuntiat, ac si minutas aeris partes singulas teorsum tenuerit. De iis ergo quæ propter molem, cadūt sub sensum, oculi iudicent. De aliis quæ propter tenuitatem, sensum non feriunt, abstineant iudicium. Sed vbi viderunt hi doctores aerem, ut iu-



dicent an aer sit lucidus? Scio me tetigisse aerem sensisse frigidum, calidum: vidisse autem non memini. an sint me oculatiores qui aerem viderint, nescio. 3. Quod etiam ait Picolominæus, corpus non recipere magis, & minus, vt lumen, verum quidem esto de corpore, at non de huius corporis actione, in qua formalem luminis rationem consistere ostendemus.

4 Cum ergo illa admodum vana sint, veniamus ad illud inflatum argumentum, Quia lumen sine tempore effunditur per totum hemisphærium. Ergo non corpus lumen, neque enim motus corporis est momentaneus. Itane? At profectò id communi Peripateticorum suffragio certissimū re ipsa est falsissimum, & euidentissimè falsum. ita vt mirer homines perspicacissimos, vsque adeò caligasse, vt hoc videre nequiverint. Hæc tamen falsitas vni Scaligero, vt erat acutus, innotuit, quam, vt candidus erat, dissimulare non potuit. exercit. 298. art. 2. in Cardanum. Memini; inquit, preceptores meos in secundo de Anima, ex Vetusis, Recentioribusq; philosophis, ad probandam repentinam lucis celeritatem, identidem id iactitare. Lux in instanti fertur ab Oriente in Occidentem. Quod ego cum me neutiquam intelligere conquererer: nunquam eos adducere potui, vt me docerent. Id namque non nisi Solis motu percipi potest. Solus enim author lucis eiusmodi est quæ ab Oriente in Occidentem ferri videtur. At illius fulgor quanam spatia repente occupat? Profectò nulla. Nonne semper illuminari aiunt, orbis huius semissem? Quam illa strationem adeò sensim repere, atque procedere videmus, vt nihil ad hanc persuasionem. Haud enim aliter sibi succedit radius qui est supra Romam, idem sit cum eo qui est exempli gratia, supra Hispaniam, ut  
à Roma



*à Roma Hispalim motus sit? Non est. Sed perpetua successio alia atque alia pars illius specie progeneratur.* Hæc Scaliger in quæ lætus incidi, cum iam hæc paucis ita demonstrassem. Lumen secundum Solis processum promouetur, nec citius pertingit ad nos quam Sol ad nostrum Orizontem. Proculdubio quo prorsus tempore Sol Orizontem attingit, eodem ipsius lumen ad nos venit. Quis autem neget Solem motu successiuo progredi? Ergo & eius lumen. Quid clarius? Quid certius? Quam tenebricosa est hæc philosophia quæ in tanto lumine lumen non cernit? Sed transeamus ad aliud.

5. Lumen si esset corpus à vento moueretur. hoc paucis videamus. Nullus est ventus adeo rapidus qui viginti quatuor horarum spatio terrâ oberret. quo tempore Sol non decies, sed forte cæties millecuplo longius spatium dimetitur. Quid verò velocitas Solis ad luminis pernicitatem? Ergo radius vel lumen fuerit millies millecuplo velocius vento. Quantum igitur vētus qui duntaxat in hac infima, vel media regione aērē mouet, possit radium deflectere? Sed non nihil declinet, quid tum? Locum quē radius à vēto deflexus reliquit, radius qua parte fiat, sequens, tangit, & illuminat; vt nihilominus luceat. Quemadmodū nec minus terra irrigatur à pluuiā ex obliquo cadente quam si rectā rueret. Hæ guttæ à vento pulsæ non eandem terræ partem tangunt quam affecissent; Quid tum? alię guttę in eam partē dilabuntur. Idem esto de radiis iudicium. Verū hac de re plura sequenti de visu Intentione videbuntur.

6. Reliquum est, quod lumen permeet vitrum; si per poros, quidni magis alia corpora quæ maiorib. poris quam vitrum sunt peruia? Causa clara est.



Quoniam in aliis corporibus pori non sunt recti. Quemadmodum autem foramen in muro, si rectū sit, lumen in cubiculum transfert, non si recurvum. Ita recti in vitro pori radios transmittunt, in aliis verò corporibus cum recurvi sint, non possunt. Estne aliud?

Est non dissimulanda difficultas quam mouet Scaliger loco allegato. Cum enim refutasset illud commune Peripateticorum axioma, addit, *Quamobrem rectius quasissent illi, an sine tempore à corpore illo lucido demittatur in terras Lumen. Videtur enim hoc argumento, non illo momentaneam illam deprehendi posse motionem. Et fortasse verum non est. Non enim ab immaterialitate ductum argumentum satis validum est. Nam neq<sup>3</sup> soni species, quæ æq<sup>3</sup> immaterialis est, sine tempore defertur. Dicent esse in moto aëre tanquam in subiecto. Quid tum? Etia lux in aëre est. Quem tamen si non oporteat moueri, propter illius speciei delationem: tamen quantitatem habet in dimensionibus. Omnino sanè valde ambigua res est. Hæc Scaliger candidè. Qui quamuis putaret lumen esse incorporeum, argumenta tamen quibus id probant Peripatetici alia demonstrat vanissima, alia valdè ambigua. Quod ergo mouit dubium magis vrgere lubet.*

8. Docet sensus lumen in instanti ferri, cum videamus Solem. v. g. eodem momento quo in nostrum Orizontem euectus est. Vel nunquid eodem quo ibi est momento à nobis cernitur? An non eadem velocitate suis radiis nos afficit, qua nos eum videmus? Fortè non eadem est ratio. fortè inquam lógè est velocior visionis actus quàm radij. De hoc namque sequenti Intentione videbitur. Veruntamen in præsentiarum hoc concedamus, supponamusque



músque idem de luminis seu radij solaris emissionē ac de oculi nostri visione sentiendum, vt quāta velocitate oculus percipit Solem ortum, tāta illius radij ad nos deferātur. hoc inquam posito querimus, an eodem instanti quo Sol ortus est oculis nostris appareat, an inquam actus visionis momentaneus sit. Sensus enim cui maximē phsyicus nititur, hoc iudicat. Quid ad hæc? Attende.

Idem sensus qui iudicat baculū qua parte aquæ immergitur esse nobis propinquiorem, cēset ibi esse Solem quo tempore iam est superior. hoc ipsum disce ex auditu qui iudicat rem remotā percuti longē postquam facta est percussio. Quod si visus non esset auditu acutior, nūquid censes rem tūc moveri quādo sonus aurem tuam percellit? Proculdubio. Vnde ergo scis auditum falli iudicando? Quia oculus testatur. De oculo verò an fallatur nullus alius sensus acutior potest ferre iudicium. Itaq; sicut falsò putat audiens, se sonum audire cum incipit, ita vidēs falli potest, dum credit se rē videre quum primū est. Quid? dicamūsne propterea visum falli? fortē ne sic quidem fallitur visus qui non iudicat de re visibili remota, sed de proxima: de radio scilicet. Oculus inquam videt radios Solis, quoniam ab illis tunc afficitur: de illis iudicat, nec fallitur. An adhuc sit ea parte Sol qui hos radios vibravit, non potest ferre iudicium. Intellectus est officium. cui hac in parte credendum est. Is ergo iudicet, an præstet, hoc quod nullum patitur incommodum, imò quod est necessarium concedere; an portentosissima quæque intellectus aciem reflectunt, admittere? hæc paucis repetamus.

Si lumen fateamur corporeum, motus eius



fiet in tempore. Esto. Ergo iam abierit Sol, cum eius radios, ac speciem oculis excipimus ex illa parte prodeuntem. Esto. Non hoc iudicat oculus. Non est ipsius hac de re iudicium. Quid hac in parte incommodi? Conuertete ad contrariam sententiam; atque, ut oculo credas, dic radios à Sole momento transmitti in oculum; Ostendemus hinc sequi insanissima, quæque nemo sanus admiserit, nisi prius, insanire animum induxerit. Ea perpende. Modum tamen alium ostendemus, quam putent.

## ARTIC. V.

*Quo absurdissima ostenduntur quæ motum luminis momentaneum necessario sequuntur.*

**S**I radius fertur in instanti; erit simul per distantiam totam quæ est ab Astro ad terrâ, simulq; à terra, eodem momento in se ipsum reflectetur; si recta & perpendiculariter feratur. Id ipsum in quâ totum erit in singulis partibus, & id ipsum totum simul eodem instanti in se ipsum recurret. Eritq; id ipsum quod à Cælo in terram descēdet, & è conuerso ex terra in Cælum contra se ipsum contendet. Quod omnium iudicio, & sensui, & rationi, & rerum naturæ est aduersissimum. Neque dicas non eodem momento reflecti radium quo mittitur. Si enim eodem momento est in Sole & in terra, nulla ratio est cur eodem momento non sit in terra & in termino ad quem fit eius reflexio. Excedit autem omnem Philosophicam fidem, exire quicquam à Sole quod cum in aduersam Lunam plenilunio feratur, atque inde in se ipsum reflectatur, sit simul idem ipsum sine partium diuisione, vel distinctione in illo immenso spatio, &c



rio, & in Luna, & rursus in id ipsum spacium contra seipsum reflexum eodē instanti; in quibusdam partibus calidum, in aliis frigidum; in his locis lucidū, in illis obscurum; in his ascendēs in illis descendēs; in his se deorsum impellens, in illis se sursum repellens: ita ut idem ipsum, iam permenso tanto spatio recurrēs in seipsum quod adhuc offendit in via, sese aduersis contrariisq; viribus fringat; ac per hanc refractionem eodem instanti calidius euadit. Quæ omnia insanissima, & plura alia necesse est admittant qui lumen in instanti ferri autumant.

Quin hoc clarè sequitur ex sententia Thomæ, Philoponi, Scoti, Auicennæ, Auempace negātium cōtra Aristotelem, si daretur vacuum, motum propterea futurum in instanti, quorum sententiam refert & sequitur Toletus lib. 4. phys. cap. 8. quæst. 9. cuius hæc sunt verba. *Quod autem motus per vacuum in instanti non fiat, probatur. Demus vacuum à Cælo in Terram, & columna sit fixa in terra vsque in Cælum, tunc si lapis in instanti à Cælo in terram descendit, utiq; in vno instanti transibit omnes partes huius columna sibi correspondentes, quarum qualibet potest illi esse locus, vnde in vno instanti erit in locis innumeris: quod reuera est inimaginabile.*

*Præterea si in instanti descendit: ergo erit verum dicere, nunc lapis est in Cælo, & immediatè post hoc erit in terra. Quæro an in eodem instanti in quo est in Cælo sit in terra, vel in alio. Si in eodem, hoc clarè dici non potest. Si in diuerso, cum non sint duo instantia, quin mediet tempus, necessario intercedet tempus in quo transibit ad terram. Hæc est sententia horum Doctorum. Ut autem, inquit, quid mihi in hac parte videatur, aperiā, existimo cum S. T. non fore motum in instanti, sed successiue &c. Nec ego aliud*



*vnquam potui aut credere, aut intelligere & vix aliud imaginari potest.* Iam consideret Lector an non eadem argumenta planè conuincant radios Solis ferri non posse in instanti.

Addam alia non minoris pōderis futura. Radio vno in hanc partem emissō, si cessat Sol, cum radius in instanti missus sit, dabitur instans distinctū, quod omnes Peripatetici putāt impossibile. Missio nāmque illa fuit momentanea, neque diutius durauit. Sin dixeris durare Solis actionem non vtique emittendo illum radium qui iam transmissus est. Ergo mittendo nouum radium & quidem in instanti. Ergo iam tibi duo instantia. Porro esse distinctos hos radios clarum est, qui enim primo instanti deicitur, non idem est cum illo qui nondum est, sed sequenti instanti iacietur, simulque eo iactu fiet, cum secundum eos non prius sit radius quàm emittatur.

Nescio quem argutulum audio hac responsione sperantem effugium; non emitti radios tanquam à Sole exeāt, sed ad præsentiam Solis eodem momento vbiq̃ue nasci per imitationem, atque tales cōtinuari; ita ut non opus sit cōtinuè nouos veluti creari: atque hoc modo corruant nostræ rationes. forte sit qui talia somniet: quem dextra prehēsum sistam, rogemque, consideret quid sit radios per lagenam aut speculum transire, quid sit ibidem radios cogi, quid sit radios reflecti. Quod si absque radij è loco migratione fieri posse putet, meam fatear stupiditatem qui hanc subtilitatem nequeam concipere.

Sed melius si fateantur radium emitti, & alium post alium: ita vt si in instanti fiant tales emissiones, nec inter eas sit quies, in minimo tempore secūdam ipsorum sententiam infiniti radij mittantur. Quod  
nam-



namque de primo, & secundo diximus, dicemus de tertio. Non enim cessat sol missō secundo radio: sed agere continuat, nō vtrique erga secundum qui iam ad terminum venit, sed erga tertium, quem similiter momēto iaculatur, eodē pacto quartum, quintum, & ceteros. Cumque raturum habeant, quolibet quamvis exiguo tempore esse infinita instantia, necesse erit eodem tempore in quamlibet terræ particulam, infinitos radios à Sole immisos; Atque ex consequēti infinitos gradus caloris huic particulæ tam brevi tempore impertitos. Quippe nulla ratio est, cur non singuli radij aliquid addāt caloris. Sed negetur. Saltem vel decimo, vel cētesimo radio rei calor augeatur. Si radij sunt infiniti, infinite sunt radiorum decades; imo infinitæ cēturiæ, infinite myriades. Quibus infinitis radiorum myriadibus infinitos caloris gradus minimo tempore pars quævis à Sole acceperit. Hæc quam insana, quamque necessario doctrinam Peripateticorum sequētia, Lectoris esto iudicium.

## ARTIC. VI.

*Conclusio.*

**I**Vdicet etiam Lector quam argumenta Peripateticorum morentur nostram ex Antiquorum principiis, de Cæli natura sententiam. Ostendimus quomodo ignis è cælo in terras emitteretur; testāte sensu qui ab radiis Solarib. cuncta calefieri, aquamque sursum, ignis nimirum beneficio tolli docet: telis suis ipsos Peripateticos transfodimus, nec aliis nobis opus erat quam ipsorum argumentis. Quomodo fiat hæc radiorum congregatio? si corpora non sint? quomodo per speculum cogantur?



Quomodo congregata magis calefaciant? Sed cur moto speculo minus cogantur? Quid hic motus, spiritus impedit actionem? Cur motum aërem calefacere desinunt? Quam multa præterimus? Sed nihil sit aliud. Nisi magna incessat necessitas, profectò parum probabiliter philosophatur qui spiritum vel spiritalem actionem à corpore manare comminiscitur; quod quantæ sit indigentiae inuentum, testatur illa Picolominæi de ente spiritali sententia. Argumenta ducta ab effectibus lucis, vel radiorum Solis conuincunt eos esse corporeos. Id ipsum confirmat illa radiorum Solis refrigeratio per motum flabelli facta, cuius causam libro secundo de materia reddidimus. Sola facessunt negotium Aduersariorum argumenta. Qualia? Risusne, an commiseratione digna? Poterantne aliquid aptius comminisci, si Aristotelis doctrinam ludibrio conati essent exponere?



## INTENTIO III.

An quem astris præsentibus sentimus influxum, is ab astris proximè veniat.

### ARTIC. I.

*Exponens sensum disputationis.*

**P**Ræcedenti Intentione refutata sunt Aristotelicorum argumenta atque ex iis patuit quàm sint inopes rationum. Nondum tamen modum



modum quo Astra in nos influunt sufficienter exposuimus. Cum enim probauerimus id esse corpus quod ab Astris in nos promittitur; id ipsum quod nunc à stella prodit cursu continuo, eademque linea, breui tempore ad nos transcurrere putabitur. Ast an hoc modo igniculi illi descendant, meritò vocatur in dubium, Veteres non talem descensum ignium id genus intellexerunt: sed quod Homerus indicauit illa cathena quam à cœlo ad terram fatur pertingere, docuerunt, à qualibet stella fluuium immensæ latitudinis eiusmodi ignium à stella ad terram exspectum motum stellæ circularem sequi. Cuius igneæ naturæ quicquid in terrestria consumitur, continua illa stellæ projectione suppletur.

Quod itaque continuè à stella profunditur, pellit præcedens in cuius locum succedit, deinde à sequenti pulsum ipsummet descendit inferius, idque per gradus; donec tandem post longa tempora, terram tangit.

Quod si cui dubitationem faciat, Quomodo, cum stellæ singulæ immensa ignium maria quoqueuersum profundant, aliæ alias non impédiant, fiatque horum ignium confusio: cessabit dubitare, ubi quantum inter quasque stellas spatium mediet, animo concipiet. Quippe nullæ tam vicinæ sunt, inter quas non sit distantia terrarum orbe longè maior. Quandoquidem stellæ minimæ terra grandiores habentur. Cæterum quantum descensu spatium illud contrahitur, tantum decrescit illorum spirituum copia, donec ad terram ex omnibus stellis non tot eiusmodi siue ignes, siue spiritus pertingunt, quot ex vna stella prodeunt.



Ineptus autem videatur , qui quo pacto hi subtilissimi spiritus per aërem circumferantur, quæ-  
sierit.

Nec tamen ita intelligas , quasi cuiusque stellæ radij distincti sint prope terram ; quin multarum stellarum ad eundem effectum concursus , idcirco constellatio nuncupatur, quod earum seu radij, seu igniculi , seu quidvis aliud, quasi permisti, eadem in obiecta ferantur. Hac tamen ratione, ut hi igniculi stellas à quibus manant præcedant potius quàm sequantur. Vnde & vis cuiuslibet astri, est in ipsius ascensu super nostrum Orizontem , non autem in descensu : quando nempe nostrum punctum verticalem præteriens incipit descendere. Causa est. Quoniam Stellæ ab Ortui in Occiduum volutæ, ignes suos antrosum promittunt : & quamvis retrorsum quoque eos spargerent, hos posteriores ignes stellæ quæ sequuntur in anteriora compellunt. Itaque stella sequens ignes suos antrosum obliquè deiiciens , eadem via pellic stellæ præcedentis ignes quos offendit : eademque illi proportionem pulsati à sequentibus , præcedentes eodem tramite pergunt virgere , donec ad terram perueniunt.

Dictum est autem superius quò se recipiat tanta ignium multitudo, ex quibus tam pauci terram petunt.

ARTIC.



## ARTIC. II.

*De Sole.*

**D**iuersa est ratio Solis qui à fronte & à tergo & quoquouersum suos radios, seu potius ingentia ignium maria diffundit continuè; eo quod nullum sit astrum sequens quod posteriores alius ignes antrosum valeat compellere. Eodem tamen, quo reliquæ stellæ, modò, ignibus quos emittere continuat, præcedentes vrget vterius, ita vt qua parte Terræ non patiuntur obstaculum, ultra aduersam Lunæ regionem hæc ignium series producat. Terra verò obsistente dum illi ignes qui ultra Lunæ spatium continuari deberent, retinentur, fit ignis longè maior condensatio, vnde & calor multò intensior.

Cæterum ignes qui in terram illiduntur, non proximè à Sole procedunt; sed vt de cæteris astris præmonstrauimus; gradatim magno temporis lapsu à Sole in terram transmissi sunt, ignibus, quos continuè Sol effundit præcedentes, pellentibus, donec tandem in terram magna vi illiduntur.

Hoc rectè agnouit Empedocles, cum referente Hieronymo, duos dimidiatos orbes circa terram ferri autumauit, alterum ex igne, alterum verò ex aëre, modico igne admixto: atque illum diem hunc noctem appellauit. Nempe dimidiatus ille circulus ex igne compositus ignis ille est qui à Sole continuè prodiens à terra obiecta repellitur. alter



circuli semis, terra ignes impediēte, habet illa corpuscula frigida, à Polis originem ducentia, quę sicut anteriores Solis ignes excipiunt à quibus pelluntur ex vna parte, ita vicissim ex altera posteriores Solis flammās antè se abigunt. Atque hunc in modum illa circuitio naturarum frigidarum, calidarumque vicissitudine continuatur.

Ecce igitur quomodo non exiguo tempore, nedum momento ignes illi à Sole ad terram perueniunt, sed gradatim, haud secus atque vnda pellit vndam, ita sequentibus vrgentibus præcedentes in quorum locum succedunt.

### ARTIC. III.

#### *De Luna.*

**D**ictum est quomodo qua terra nō impedit, dignis à Sole procedentis ordo vltra Lunę sphæram protendatur. : cui igni dum oberrans Luna occurrit illum repercutit hac ratione. Subest regioni Lunę ignis in orbem extensus, sed rarus admodum vt propterea non luceat: quin ignis ille à Sole missus cum illo altero igne sublunari coniunctus non sufficit ad lumen: Nisi qui longè vltius progressurus erat, dum à Luna reprimitur, ibi plurimis partibus augeatur. Sed & ipsamet Luna habet suum ignem, licet valdè tenuem, verum qui cum alio cōiunctus vires eius augeat.

Quæris iam quomodo, tam subito motu, ignes illi Solares à Luna in terram reflectantur? A Nouilunio incipiendum est. Occidentem Solem Luna proxima sequitur. Tunc autem Sol & si suos  
ignes



ignes non amplius in nos mittat; non tamen longè à terra permeant illi ignes. Cùm enim paulo antè terram nostram, adhuc, licèt valdè obliquè tangerent, nondum procul à terra suum cursum tenent. Ergo Solis radij ex parte superiori dum in Lunam sese illidunt, reflexi versùs terram premunt alios quos eadem proportione reflectunt & hi alios; ita vt dum inferiores à superioribus eodem tramite cōtinuè deprimuntur, necesse sit eos ignes qui terra adhuc vicini sunt, in illā primos deiici, ferè eodem momento quo superiores Solis ignes in Lunam impinguntur. Et hoc clarum est. Ex quo facilè est captu, quomodo Solis ignes terræ viciniore pergant in terram deiici quantum superiores à Luna retorquentur. Adde coniunctionem igniculorum qui in aëre quantumvis opaco stabulantur. Quemadmodum ex Empedocle posuimus.

Cæterùm quod eiusmodi Lumen frigora non tollat, causa est, quia, vt ait Plato in Timæo, eiusmodi ignis qui lumen inuehit, lucidus est non calidus. Non quidem quin, si multus esset, calefaceret, sed quia potest lucere, & illuminare, etiamsi propter raritatem, tenuitatemque non possit calefacere.

Porro hoc modo lumen dilatatur, ex corpore lucido, veluti ex candela plurimi lucidi igniculi erumpentes quoquoersum, pellunt aëris igniculos qui prius ob imbecillitatem non agebant; hi sic pulsati incidunt in obiecta visibilia coloremque excitant, vt libro sequenti docebimus. Cur verò illi igniculi inertes essent, causa est quia nisi à radio corporis lucidi pellantur, non magis in hanc  
quàm



quam in illam partem determinati sunt. Liberiorum nimirum habent quoquoersum extensionem, donec à radio in illam partem in quam radius tendit, impelluntur.

Hactenus de lumine, quod esse corporeum, & dicta hactenus, & libro sequenti dicenda faciunt certissimum.

## ARTICVLVS IV.

### *De stellarum micatione.*

**Q**uomodo & lumen & calor ab astris ad inferiora gradatim deferatur exposuimus; Restat ut eodem tramite stellarum micationis causam indagemus. Micant stellæ firmamenti, non Planetæ. Quid ita? Scaliger exercitat. 64. in Card. art. 1. post multa dubitanter agitata *Id, inquit, ex luminis vi se se spargentis, non sine quodam motu. quæ sit propria natura syderum eiusmodi.* Verùm quidni Saturnus? Quia nēpe non est talis eius natura. Quis rusticus id respondeat. Quid nos dicamus? Cum minima stellarum fixarum quæ videatur, globo terrestri maior censeatur, quātos putas esse ignis amnes illos quos cōtinuè stella quævis eructat? Sanè mare igneum orbe terrestri maius ex stellis exire necesse est. Iā verò igne qui exiliit continuè spatium occupāte, necesse est illius qui de nouo indefinēter exit, ignei torrentis percussu crebrum fieri refluxum, vel resultum, qualem patitur mare inter fauces compressum, atque hinc inde in rupes pro-rupum.

Hæc illa est iactatio qua Lumen stellæ oculis



lis micare videtur; dum præ angustia loci, amnes illi ignei repressi resiliunt. Ob eandem causam ingens Solis astrum, quod vasta, vndique ignis maria proiciat, nonnullam videtur pati repercussionem, non reliqui planetæ, quod longè minorem fluxum ignis qui ex illis prodit, facile loci amplitudo capiat, sine reiectione.



## INTENTIO IV.

De variis cœlestium influxibus.

### ARTICULI.

#### *Argumentum.*

**N**IL mirum si Peripatetici, quibus Lux Solis tantas obduxit tenebras in reliquis cœli influxibus, longè densiori caligine preman-  
tur, quos omnes, præterquàm qui à lumine & motu procedunt, præcipui inter illos, contra Experientiam damnare non erubescunt. Hortante nempe ignorantia suorum principiorum comite assidua. Ergo Peripateticis pacificè dimissis, quos Ægyptij, quos Arabes, quos Syri, quos Academicorum principes, quos Astronomorum schola docet influxus mira, diuersissimaq; in his inferiorib. operantes conemur explicare, eorumq; naturam aperire, reserante portas illo spiritu sanctissimo qui sapientiam dat paruulis, quo afflante adyta illa cœlorum penetralia repetito cursu penitus adeamus.



Quodque in reliquis naturæ partibus facile videmus, ibidem mentis acie contemplemur.

## ARTIC. II.

*Vnde influxuum varietas.*

**S**Vperius considerata vanni agitatio qua minoribus imum petentibus, leuioribus sursum euectis, maioribus aliorum concedentibus, singulorum generum singula locum generi suo destinatum petunt; nobis monstrauit quomodo in ventriculo, ac postea in iecore facta per calorem concoctione, ac comminutione, calido cuncta commouente, singulæ eò contenderent, quò, naturæ impetu vocante, loci conditio permitteret, ve etiam inclinaret. Id in reliquis Naturæ operibus non obscure videbit, qui Naturæ vestigiis ab ortu insistet.

Memoria repetamus immensam materiam illius igneæ copiam quam firmamenti pars vtraque polaris faucibus laxis continuè haurit, vastissimis sinibus in quos confluit, magis coquendam. Hac concoctione dum singula magis cōminuuntur, atque; ut in cribro & vanno ostendimus; heterogeneis separatis, homogenea, quodque Naturæ suæ congruenter feruntur, per ductus, anfractusque; varios, prout cuiusque; petit ingenium, ex illis erumpere tentat angustis. Porro quàm multiplices sint eiusmodi sinus, quàmque illa spirituum elaboratio repetatur, dicere, nec interest, nec possumus. Hoc vnum audemus asserere: Non esse verisimile sapientissimum Naturæ conditorem, in illa præcipua, nobilissimaque vniuersalis huius animalis parte, negligētius versatum;



tum; quā in corporis humani vertice fabricando, in quo tot sinus spirituum animalium perfectioni, tot plexus inimitabiles eorum directioni, ac distributioni videmus ordinatos.

Itaque quod non modo in animantibus, reliquisque naturalibus; sed in arte distillatoria multifariam cernimus factitatum, idipsum ne tanquam nouum in Cælo miremur, si frequenti, multiplici; eiusmodi concoctione hi spiritus ob naturæ diuersitatem, in diuersa genera distributi, conuenientem suæ Naturæ viam sequantur, vnde in varia astra veluti portas varias appellant. Ecce tibi ex omnibus Naturæ operibus causam varietatis Cælestium influxuum deductam; modumque, ac viam apertam. Diuersa enim Astra diuersis ignibus imprægnata, quid mirum, si eorum iaculatione diuersa operentur? Quid mirum, si diuersissimi hi spiritus diuersissimas in mortalibus virtutes exercent?

## ARTIC. III.

*Vnde illa vis quam nascentibus hominibus astra potissimum imprimunt?*

**Q**uin quod Astrologorum observatio testatur, eius causam conemur indagari. Cur scilicet orienti puero, quæ stellæ influunt, ad eius compositionem, ac formationem ingenij tantum possint. Multi multa loquuntur quos mittimus. Peripatetici hæc negant, quibus ad tanta mysteria viâ præcludunt sua principia: & si qui sint qui hæc fateantur, in causis tamen reddendis cæcutiunt. Attende ergo Lector. Quandiu infans maternis claustris arcebatur, hi spiritus ad eum, nisi per materni corporis duritiem, humorumque contagionem



trāsmearē nequibāt. Vnde retusam ac refractā vim eorum, antequam eò peruenirent, intelligimus. Editō verò in lucē puero, spiritus qui ab astro demissi quoquo spatiantur frequentissimi, subito cunctos tenelli corporis meatus; præcipuè oculorum, narium, aurium, orisque portas patulas subeuntes, semina sunt nouæ conformationis, ac maioris molis veluti iacta rudimenta.

Cur, inquis, Astri quod sequitur influxus non æqualis est virtutis? Quia nimirum priores veluti milites arcem occupant, quā facile arceant sequentes, nisi qui sibi natura sunt affines. Priores illi spiritus cum sint efficacissimæ virtutis, sunt veluti semen quoddam quod quidem pabulo conformi prolecto, respuit quicquid sibi non congruit. Id tamen sic intellige, vt hi spiritus tum maximè vigeant, cum infantis naturam trahunt in consensum, tantum verò de sua virtute perdere, quantum Naturæ contrarietas aduersatur. Quod Persius innuit, cum dicit *Saturnumque grauem nostro Ioue vicinus ambo*. Quod scilicet illius Astri malignitatem naturæ clementia temperasset.

Hæc doctrina perspicuam quoque reddit causam eius quod de diuersorum animantium, stirpium mineralium, vnionumque natura vulgatum est. Diuersa scilicet diuersarum stellarum naturam participare. Quod stellæ illæ spiritus eos emittant, in quibus virtutes rerum eiusmodi consent. Hinc fit, vt accedente astro vires augeant, propter idonei nutrimenti copiam, quo recedente minuantur.



## ARTIC. III.

*Quot modis hi spiritus prodesse, aut obesse possint.*

**P**orro tot modis prodesse, aut obesse possunt, quot ea quæ in corpus assumimus. Quorum, alia trahunt quæ corpori sunt noxia, qualia sunt purgantia. Alia prolestant utilia, qualia sunt venenata. Alia in corporis naturam facessunt; qualia sunt nutrientia, & reparantia; quæ veluti melioris naturæ semina corporis vires corroborant, Alia demum corporeos spiritus, calorémque internum reprimunt, & coercent: ac sic vel nocent, vel iuvant, prout fert corporis constitutio. Ex quibus videre est quàm multifariam hi spiritus diuersissimi ab Astris in hæc inferiora influentes afficiant non modo hæc tenera corpuscula; quamvis tunc plurimum vigeant; sed totius ætatis curriculo nostram varient constitutionem.

Hinc in morborum curationibus quemadmodum plurimum refert quo pharmaco medelam auspiceris; ita interest non parum quo Astro vigente incipias; eo quod medicamenti vim influxus aut promoueat aut moretur; vel morbum reddat pertinaciorém, aut facilliorém. Item vt plura pharmaca commista temperant inuicem, vel addunt vires; ita plura astra siue errantia cum fixis coniuncta, siue errabunda cum errabundis concurrentia alia aliorum vim vel debilitant, vel corroborant. Ob easdem causas, clarum est, interesse plurimum quodnam astrum vel præcesserit, vel sequatur.



## ARTIC. IV.

*Quot modis astra fixa cum errantibus consentiant.*

**P**orro duobus modis astra fixa cum errantibus consentiunt. Primus est cum Planetæ ignem recipiunt quem astra mittunt quibus in Zodiaco subiecti sunt, atque hoc modo Sol diuersum à Leone, diuersum à piscibus ignem mutuatus, diuersos videtur radios demittere; vnde necessum sit Solem vno tempore calidiorem esse quàm alio; pluuium quoque vno tempore, alio serenum existere. Nam cum nullum habeat ignem nisi quem astra fixa profundunt; prout discrepant natura Supremi illi ignium torrentes, ita Solem qui eos ignes recipit, natura variare necesse est. Cæterum discrepare natura superiores illos spiritus, vt alij sint subtiliores, alij crassiores; alij frigidiores, alij calidiores; plurimisque aliis modis inter se dissentiant: Item calidiores per aliud astrum, frigidiores per aliud erumpere; atque hunc in modum diuersi generis ignium amnes diuersum exitum sortiri: Vt idcirco stellæ quæ illos emittunt aliæ calidiores, aliæ frigidiores: aliæ serenæ, aliæ pluuiosæ; aliæ aliis virtutibus præditæ censeantur: causæ planius explicatæ sunt, quàm vt pluribus egeat verbis huius rei tractatio. Atque hæc de primo modo consensus Planetarum cum stellis fixis breuiter exposita sufficiant.

Alter modus est quo stella superiorem, vel inferior superiorem motu, atque impulsu iuuat, aut impedit, seu directè seu obliquè sint oppositæ. Iuuant, augentque vires Solis Stellæ firmamenti, cum ita inuicem correspondent, vt ignium suorum commissione



missione ignem Solarem cogant, ac rectà contra terram, vel in nostras oras deprimant. Contra stellæ fixæ vim Solis infirmant, cū ita sunt ordinatæ, vt ignem eius dissipent, aliasque aliò partes discutiāt, vel à nobis reiiciant. Propter quam rationem, Planetæ alij quandoque Solis radios in nos vibrant fortius, quandòque in aduersam eos partem contorquent. Atque hunc in modum Planeta Planetam iuuat vel impedit; aut etiam Planeta stellæ fixæ prodest, vel obest, pro aspectus eorum varietate; fitq; sepius vt quem stellæ cuiuspiam influxum Planeta nobis adimit, eundem in alios deflectat.



## INTENTIO V.

De magnete & similibus.

### ARTIC. I.

*Cur ferrum contactu Magnetis in Septentrionem tendat.*

**H**ic loco quadrabit speculatio naturæ magnetis quo ferrū tactū, modo volubile, in polum continuè tendit: ad quem quoque ferrum in mole congrua, veluti leuem naturam sortitum, ascendit. Vnde illa lapidis Heraclij in polum conuersio? hoc primum quærendum. Dicebamus paulo ante ab astris in hæc inferiora tenues spiritus demitti, verūm qui stellæ quique suæ motum sequantur circa terram. Quoniam verò stellæ polares veluti sunt immobiles adeo vt in eandem ferè



terræ partem agere continuent, magna est eorum spirituum circa terram copia. Cum autem Magnes ex iis magna ex parte constet, non mirum est, si similium consortio recreati in illam partem se conuertant, vnde fit tantus eiusmodi spirituum confluxus.

Hoc fortè pluribus sufficiat; non mihi qui causam altius puto inuestigandam. Dictum est vnumquodque abhorreere diuisionem à simili, ac propterea quicquid à se diuersum, conari expellere; Idque vniversa natura testata est. hinc potissimam causam ostendebamus, cur graua & leuia tanquam aliena ab aere extruderentur.

Ferrum etsi volubile, partim propria inclinatione, partim ab aere superiori depressum, deorsum tendit. Si tamen eius acumen Magnetis contactu eos spiritus hauserit; necessario in eam partem conuertetur quæ minùs sibi aduersabitur. Quod vt intelligas, aduerte, non solùm aerem superiorem, sed etiam collateralem in id ferrum agere, quippe qui tantæ molis naturæ diuersæ sit impatiens. Ergo parte vel dextra, vel sinistra aeris pel- lente ferrum, si pars aeris aduersa minus resistat in eam ferri volubilis acumen, vel extremum flectetur. Longè autem minùs reluctatur pars Aquilonaris, à qua prodeuntes illi spiritus Magnetis naturæ familiares, complectuntur ferri partem, quæ huius lapidis contactu spiritus id genus sibi coniunxit. Id etiam luculentius fiet dicendis.

ARTIC.



## ARTIC. II.

*Cur Magnes attrahat ferrum.*

**V**T autem rimari queamus causam cur lapis Heraclius ferrum ad se rapiat, repetitis quæ sepius & nouissimè de causa motus leuiũ grauiũq; declarata sunt. addendũ est vnũ quod & alia, multa & ea quæ de Astrorũ influxu docuimus faciunt conspiciũ. Diuersissimis naturis iisdẽmque minutissimis aerem esse refertum, cum ea quæ paulo ante docuimus, tum quæ huius operis fere in fronte præmisimus extra dubiam ponũt. Quin ibi causam illam assignabamus, cur plures herbæ in aquis frigidis crescentes naturę sint admodũ calidæ: nẽpe dũ quos spiritus igneos aquæ sinus complectitur, ac tenet, earum herbarum congruunt structio- ni. Vnde causam notabamus, cur quidam Philo- sphi Aquam, Quidam contra Aerem primum re- rum omnium principium appellarint: quod in illis omnia rerum germina, veluti in seminario copio- sissimo, delitescerent. Aliud quoque aduertẽdum est. Quod in illa iactatione similia sese similibus iungere nitantur. vnde versus illa corpora, quæ- que se recipiãt, quę talibus naturis communicant.

Ergo & ad ferrum quod spiritibus iisdẽ quibus Magnes imprægnatũ est, tales naturæ cõcurrunt, quæ internis ferri spiritibus cõueniant, Primę qui- dem ferro adherent, eiusq; spiritibus amicitia vin- culo cõnectuntur. aliæ has primas sequũtur, & aliæ rursus, & alię: ita vt pro ferri mole, maior vel mi- nor naturarum eiusmodi circumstantium corona ferrum ambiat: Magnetem verò tantò maior, quanto plures in eo spiritus id genus hospitantur.



Quid plura? vbi magnes & ferrum debitè admoventur inuicem, ita vt qui hinc inde tum magnetem, tum ferro pendēt spiritus in vnum coeant; viam faciunt ferro; vt (pellente Aere circundante) & qua interni spiritus ducunt, & quā (propugnante nimirum spirituum similium serie) aer minus infestus est, sequatur; donec ad Magnetem peruenit; cui & spirituum intimorum nexus, & circumstantium complexus ipsum coniungit. Eadem ratio est Magnetis ad ferrum tracti: si virtus ferri præualet.

## ARTIC. III.

*Cur aurum in ore attrahit ad se hydrargyrum per corpus dispersum.*

**E**Adem videtur ratio de hydrargyro quod per corpus diffusum dicunt se recipere ad anulum aureum quem ore teneat, qui laborat. Calore namque interno mouente, dum natura quæque similem sequitur; atro adhærent spiritus proximi qui eius naturam participant; hos primos secundi consequuntur, & secundos tertij; & tertios quarti: Atq; hac sequela spiritus eiusdē naturæ qui in remotas corporis partes recesserāt eò se conuertūt. Atque hunc in modum hydrargyro similari, dum ab ambienti contrario pellitur, viam faciunt, vt & ad se veniat, & dum versus maiorem copiam spirituum id genus, gressum tendit, tandem ad aurum accedat. hac demum ratione trahi videntur, quæcunque solius naturæ ductu ad remotiora se recipiunt, ne de ferro ad magnetem, vel palea ad succinum, tantūm, videatur instituta disputatio. Hæc demū spirituum sequela efficit, vt & aurū in oculos, & lapides preciosi, & herba & alia quamplurima, in corpora



in corpora etiam distantia vim habeant.

Quin spirituum eiusmodi ductu, in nutritione, substantia quævis ad partem sibi conuenientem facile concedit.

Hæc sunt quæ cùm tractatui de actione conuenirent, alia scitu necessaria hunc in locum differre suaserunt.



## LIBER

## DE VISU.

## ARTIC. I.

*Vice Argumenti.*

ANTA est connexio visus ac luminis, vt illo incognito huius cognitionem habere nequeamus. Proinde ad maiorem Naturæ Luminis notitiam, operæpretium est, vt de visu disputationem instituamus; qua quæcunque determinauimus, rationi maximè consentanea iudicètur. Duo in summa controuertuntur. Fiâtne visio emissione rei ex oculo; an receptione rei quæ ex obiecto in oculum deferatur. Hoc primū. Alterū. Quidnā sit illud quod recipitur, vel emittitur; spiritale ne an corporeū.

Aristotelis quidem ac Peripateticorum sententia est, visionem fieri per receptionem. Quid verò sit illud quod è re visibili in oculum admitti putant, fateor me nunquam intelligere potuisse.



Quæ fuerit Veterum sententia non constat. Dicunt Democritum sensisse visionem fieri per receptionem; sed rei corporeæ quæ ex obiecto emittatur. Empedoclem verò, per emissionem radiorum ex oculo. Platonis expressa est sententia in Timæo volentis visionem fieri coniunctione radiorum qui ex oculo procedunt cum radiis seu flammula rei visibilis: Sed quorum coniunctio fiat in eodem corpore. Non utique in oculo, sed in re ipsa; ut Plato ab Empedocle non multum discrepare videatur.

Ad horum mentem Galenus inclinavit qui emissionem, ac receptione visionem fieri putat. Omnium maximè videtur Pythagoras visionis naturam expressisse, cum dixit visionem fieri per percussionem, haud secus ac videmus pilam ex muro in quem allisa est, resilire.

## INTENTIO I.

### De Peripateticorum sententia.

**A**Ristotelis mentem expensuris non fert animus sigillatim discrepantes circa eius interpretationem Peripateticorum opiniones examinare; verum id tantum in quo conveniunt proponere, ac refellere. In hoc nempe consentiunt, visionem fieri per emissionem rei spiritualis ex re visibili quæ feratur in oculum. Quomodo tamen feratur nunquam expedient. Non enim aiunt obiectum momento iaculari quoquoersum tales species quæ momento longissimum spacium permeent. Quid namque sint illæ species quæ subie-

ctum



Etum relinquunt, momento in remotissimū trans-  
eunt? & tamen sint in toto spacio intermedio?  
Quorsum hæc frustranea tot specierum perditio?  
vel quo abeant illæ species?

Non sic igitur abeunt species ex obiecto; An ita  
intelligendum est, vt obiectum agat in aerem pro-  
ximum, & hic in aliam, & alium, donec venitur ad  
oculum cui aer proximus imprimit hanc speciem?  
Est enim Aristoteli vniuersale; agens Naturale nō  
agere in extremum, nisi agat in medium; omnem-  
que actionem Naturalem fieri per tactionē. Hoc,  
inquam, est axioma Aristotelicum. Obiectum ve-  
rò seu res visibilis non tangit oculum, sed aerem  
quem tactu afficit. An hic aer proximum, & ille  
proximus: donec oculus tactione afficitur? Hæc  
sanè tactio & actio fit aliqua virtute impressa,  
quam liceat appellare speciem.

Notandum quoque hanc seu speciem, seu vim,  
non minùs oculo absente, quam præsente ex ocu-  
lo manare; alioquin, si requiratur oculi præsentia,  
agit oculus in rem visibilem remotissimam, ad il-  
lius speciei productionem, Quod negant; cū  
qua virtute oculus in rem adeo distantem agat, ne-  
queant concipere. Ergo quicquid sit illud quod  
ex re visibili manare autumant, non minùs absen-  
te, quàm præsente oculo exire necesse est.

Necesse est etiam in singulis partibus Aeris to-  
tum esse, neque tantum versus vnum locum, sed  
per omnem circum circa regionem Aeris, sursum  
deorsum esse diffusum in omnem locum ex quo  
res per eiusmodi speciem videri potest. Voca vim  
illam speciem, voca spiritalem actionem, voca  
quicquid libuerit.



Neque id satis, sed rerum diuertissimarum quæ in circuitu sunt, cum nulla sit quæ videri non possit ex quouis loco, quem ille ambitus continet; sequetur nullum esse locum quantumvis exiguum in illo circuitu, qui omnium illarum rerum, et si diuersissimarum diuersissimas species non habeat. Potest enim inde res quælibet videri; ergo per speciem illius quæ est ibi in aere luminoso. Quid hi per eas species intelligunt? Quid sunt illæ species infinitæ, atque in infinitum variæ in qualibet aeris parte? Quid hic deest nugarum?

Est & aliud intellectu difficilius, Quomodo ex infinitis propemodum speciebus in hoc aere impressis, hæc potius oculum meum afficiant, quàm illæ. Quia inquis illæ ab obiecto rectè in oculum mittuntur. Verba audio. Si species eiusmodi loci mutatione de obiecto migraret in oculum, posset forte concipi quomodo hæc per hanc aeris partem transeuntes oculum peterent, non illæ quæ hanc partem transversam secarent. Verùm non ita est. Non mouetur species illa ex obiecto in oculum; sed in illa aeris parte gignitur, vel fit, vel aliquo modo incipit esse illic, ubi aliæ sunt innumeræ. Cur ibi producta potius versus oculum suam exerit actionem quam versus quemlibet alium locum? Quia mouetur à præcedente? Quomodo mouetur hæc species immoto aere? vel quomodo prorsus mouetur? Quemadmodum obiectum quocunque versum agere, ac sui speciem mittere putant, Quidni pariter hæc impressa aere species quocunque versum suam vim extendit, cum ibi genita, nihil causæ sit cur potius versus oculum, quàm dextrorsum aut sinistrorsum suam dirigat actionem? Ac per consequens, quod quærebamus. Cur  
in aere



in aere qui est mihi ob oculos, species quæ rê mihi dextrâ vel sinistrâ, vel etiâ posterâ refert, non equè oculū meū sui multiplicatione petit, quā illa quæ ibidem à re mihi ob oculos posita, producta est?

Non est species, inquit, sed quædam actio spiritalis. Cuius hæc actio? Non rei visibilis, quæ remota est; an aeris ipsius? aer inquam ipse nunquid proximè in oculum eam producat actionem? Atqui id ipsum est quod miror, quamlibet scilicet aeris particulam diuersissimas, in omnes circum circa partes, innumerâsque edere actiones; ad quas requiruntur innumera virtutes quas eadem aeris particula habeat. Cur innumeras id genus virtutes quas aliunde alias hæc particula aeris mutuata est, non æquè in omnes per circuitum partes exercet? Habet illa aeris pars omnium colorum, omniumque rerum impressas vel imagines vel virtutes. Quî fit vt hæc particula nullatenus perturbet harum virtutum functionem? sed in aliam partem producat rubrum, in aliam album, in aliam nigrū, diuersissimâsque, diuersas in partes, species mittat ordine certissimo? Id sanè quomodo fiat, vt intelligatur, requirit subtilia ingenia, qualia sunt Peripateticorum: meū fateor crassius quam vt hæc concipiat. Me tamen hoc vno solor, quod doctissimi illi, sapientissimique, inter Priscos, Philosophi, nihil tale cogitatione consequi valuerint. Nesciebāt illi aliquid incorporeū, & spiritale exire è corporibus, quod tamen vt de albedine cōstat, visum læderet, carcitatemq; induceret. Tametsi illa actio non esset actio; illa qualitas nō esset qualitas. Me velint excusatum, si cū his Veteribus tā subtilia nō capio. Quid refert? Dic aerē agere, vel species quæ in co



sunt, vel virtutes. Innumeras rerum innumerarum illas species, seu virtutes in minimo aeris puncto coaceruatas non video; per quod scilicet punctum nihil est in circuitu cuius partes non possint, etsi non ab vno quidem, at à diuersis, pro spectantium situ diuerso, conspici. Per illud scilicet punctum vel aeris particulam, alius aliam rei cuiusvis partem videbit. Miror inquam tantam omnium seu specierum, seu virtutum confusionem sine confusione in illa particula. Magis etiam miror, si aeris non est hæc virtus, & si aer non agit; cur non æquè qualitas illa, vel virtus, vel actio spiritalis per quoduis corpus potest deferri. Corpus non sistit, vel impedit spiritum; Cur quod spiritale est impediat? Si non inhæret aeri qualitas illa, si locum non occupat, quidni in quouis spacio quouis corpore occupato esse possit? Si locum occupat, quomodo innumera eiusmodi qualitates ibidem esse queant? Quas contradictiones hæc doctrina non implicat? Quid namque copulit eos ad hoc commetum, vt qualitates illas vocarent spirituales? Quia vident plurimas imo innumeras simul esse agnoscendas, & quidem maxime inter se discrepantes. Spirituales, idcirco debere esse quæ locum non occupent. Quidni igitur ubiq; & cum quouis corpore esse queat? Locum non occupat.

Verum esto, quod esse non potest; Requiritur talis natura corporis quæ eas seu species seu virtutes recipiat. surgit quiddam mirabilius. Species illæ quæ ad oculum per aerem deferuntur, rerumq; omnium illa simulachra aeri insint tenebrosone necesse est. Manenti enim in loco opaco res aduersæ quæ procul in luce versantur, subeunt oculos. Ergo illarum species vel imago per aerem tenebrosam  
ad il-



ad illum fertur. Cúmque lucidum quod procul est non perueniat ad oculum nisi aeris intermediij beneficio ; mirum quí species illa simulachrumque lucis possit inesse tenebris , atque aeri caliginoso.

Est & longè mirabilius quid in imagine quam refert speculum in tenebris positum rei quæ est in loco luminoso. Intuere speculum in tenebris situm, videbis speciem rei in aduerso lumine collocatæ. videbis in eo lucis ac luminis imaginem. Etiamne in tenebris, corpus opacum recipit lucis speciem? Sed vnde fit vt illa species videatur loco tenebroso, res autem veræ videri non possint? Vnde, inquam, fit vt illa imago in oculum meum sui immitat imaginem, rerum verarum ibidem positarum speciem nequeam recipere? Quo se vertant hi cum suis imaginibus imaginariis? Non norunt sanè hoc mysterium.

Velim ab illis audire. Quid sit illud quod in speculo se videre existimant. Putant aliquid esse impressum speculo, vtpote quod speculo adhærens ab oculis nostris cernatur. Cumque per speculum in tenebris positum lucem vident in loco luminoso locatam, rétur se aliquid lucidum luminosumque cernere in corpore tenebroso. Speculum namque opacum est & tenebrosus, in quo luminosum quid, scilicet lucis imaginem sibi videntur intueri ; atque à speculo immittente huius imaginis imaginem in oculo recipere. Hoc est grande illud miraculum quod fateor ingenij mei superare vires. Quomodo corpus tenebrosus queat oculo lucis speciem effingere? Imprimat res caliginosa oculo luminis imaginem? Imprimat oculo



colores remotos? Qua virtute? Qua actione? Quid est illa species in re opaca?


Forte dicat aliquis speciem seu qualitatem illamque ex obiecto prodiit à speculo despecti in oculum; ita ut quæ prius recta in speculum tendebat, iam obliqua suam in oculum torqueat actionem. Contra: Si ea est species cur longè minorem mihi rem offert, quam si sine speculo ex eo loco rem ipsam intuerer? An speculum speciem mihi totam non refert? Quæ pars deest? Video rei imaginem vel in speculo, vel per speculum; non tamen quantares ipsa est. Quæ pars igitur speciei deest? Nulla videtur deesse. Species tota est; integra est. Nec tamen rem mihi repræsentat tantam. Si ergo species est, non eadem est quæ recta oculos in rem conuertenti rem ipsam repræsentaret; non inquam eadem est; sed alia noua longè minor à speculo prodiens: atque ab imagine quæ in speculo impressa sit, ut dicebamus. Sanè quid sit, nesciunt, id quod maius, quod minus, quod clarius quod obscurius obiectum refert. Cur speculum rotundum rem adeo paruum effingit? nonne totam refert? Non inquam norunt.

Quid dicent de colore illo cæruleo quem caelo fudo oculus sursum spectans cernit? Aliquid esse hunc colorem si negent, sensus iudicio rei fuerint. Afficitur oculus & patitur. Ergo ab aliquo. Quid illud est? Quid inquam oculum proximè afficit? An species, seu qualitas? Fateantur necesse est, vel suam eurent sententiam. Quæro à quo obiecto manat, vel vnde ducit originem hæc species? Necesse est proculdubio eam alicunde venire. At nō datur locus vnde talis species procedat. Quous enim loco affi-

gnato,



gnato, si quiseo deferretur, certum est eum talem colorem ibi non reperturum. Cum tamen quo proprius adiret locum ipsius originis, necesse esset eam speciem oculo valentius imprimi. Si enim species est, ut volunt, ab aliqua virtute deferatur in oculum ipsorum, iubent principia, & rationes. Virtus autem illa in origine sua debuit esse potentior. Experientia enim est nos remotos rem minus videre. Quia (si illis credimus) vis obiecti viæ longitudine fatigatur. Cur ergo principio vicinus hunc colorem non videam? vel cur hæc vis quæ talem imprimit oculo speciem, ortui suo vicina minor sit? Quænam est ea vis? Quænam hæc species? vel vnde provenit? His levioribus in pugnam grauiorem libuit præludere, nec enim hæc sunt aliud quàm quædam ad audendum irritamenta.



## INTENTIO II.

Visionem fieri per emissionem radiorum.

### ARTIC. I.

*Quo Veterum sententia breuiter proponuntur.*

**E**Cquis enim dubitet de causa luminis philosophari, vel suam de visione proferre sententiam? Nos ergo Veterum insistentes vestiglis quid sibi voluerint, conemur aperire. Et primò Empedoclem, Pythagoram, Platonem, Galenū, Hypparchum Niceum, Macrobiū, Proclum, Simplicium, cum omnibus Opticis sequuti rationibus



evidentissimis ab Experientia, sensûque petitis monstremus visionem fieri radiis ab oculo in rem visam premissis. Nam de Democriti Leucippi, atque Epicuri sententia, suspecta est Aristotelis fides. Viso autem visum fieri emissionem radiorum tum an sint corporei necne, & quid sint illi radij conabimur inuenire.

## ARTIC. II.

*Quo id probatur Experientia.*

**M**Onstra illa quæ tanquam hydræ capita ex Aristotelis opinione repullulant, indubitatum quidem fecerunt, cum visio nequeat fieri per alicuius rei ex obiecto emissionem, necessario fieri per radiorum ex oculo eruptionem. Id quomodo fiat, declaraturi, & omnia quæ circa hunc modum stant, dubia submoturi, res iubet, vt id ipsum demonstrationibus ab Experientia ductis extra dubium ponamus; ita vt nemo nisi admodum proteruus negare queat visionem fieri per emissionem radiorum ex oculo.

Missis pluribus quibus alij hoc probant, argumentis, vnico rem expediam, quod nostri sæculi experientia suggerit certissimum. Specularia non dudum inuenta sunt oblonga, quorum opera visus acies ad plura millia passuum protenditur; adeo vt res in tantum remotas videas, distinctè, quas sine illo speculo iactu lapidis à te reductas vix satis assequaris. Res prorsus mirabilis, & ab Opticis inuenta qui visum per radiorum ocularium emissionem fieri cognoscentes, huius instrumenti ratione machinati sunt, quo radij oculorû vniti longè pergerent. prout ex illius speculi forma videbitur.

Tubus



Tubus est cubiti longitudine vel amplius, cuius extremum utrūque clauditur vitro rotundo quale ferè est ocularium specillorum vulgarium. hoc tamen discrimine, quod vitrum terminans partem oculo adinouendā, per quod radij oculares tubū ingrediūtur, breuius est altero per quod egrediūtur.

Hoc cum sit certissimū, conuellit responsionem Picolominæi qui libro de sensu visus, cap. 18. querens. *si visio sit per solam receptionem. vnde euenit, quod inspiciendo in speculū oculos recreemus.* Respondeo, inquit id accidere nedū ob *Lucis oculorū recreationē, verū præsertim quia speculum apprimè simile est oculis, ideo per simile refocillatur, & recreantur.* Hęc Picolominæus, quę quàm falsa sint disce à præsentī Experientia. Si enim dicat Picolominæus oculos à vitro similis Naturæ re-creatos ad plura millia passuū visum proferre; queram, Cur vulgarium specillorum vitrum prorsus similis naturę non id præstet? Quid cōducit illa tubi longitudo? Cur non modo tubum esse longum, sed angustum oporteat? Ergo clarum est hanc causam quam allegat Picolominæus esse falsam: alioquin quoduis vitrū eiusdē naturæ, ac spissitudinis, quātūcūque latū esset, idē afferet oculis adiuuētum; nec ille tubus esset necessarius, imò noxius magis.

Certum est etiam tantā visus accretionem non prouenire ex parte rei quę videtur: neque quisquā sanæ mentis dixerit obiectū pluribus passuū millibus remotum iuari à tali speculo, vt species visibiles cōferatur, vel vt meliùs agat obiectū eiusmodi. Nanquid species illæ seu agendi virtutes quæ rectā pergentes veluti lineæ ductæ à centro, quō magis recedūt ab obiecto, cō magis ab inuicē diducūtur; viso eminus tali speculo protinus coiuerunt? quæ-



que iam itinere defecerant, vires resumpserunt, ut per tale speculum certatim transirent? Quid verbis tempus terimus? Clarum sanè est, quod in præsenti sat est, per tubum illum, radios oculares contineri, ne disgregentur; sed hac ratione longiùs procedant coniuncti, ut propterea visus longiùs protrahatur.

An eadem sit causa, cur ex imo puteo stellæ interdum cernantur; quia scilicet radij oculares non disgregantur, iudicent alij. Saltem clarum est, id non provenire ex eo quod oculo lux non sit infesta: alioquin è loco obscuro quem lux non infestaret, oculus æquè stellas interdum videret. Neque ullam rationem huius reddiderit validam qui radios ex oculo manare negauerit.

Hinc est quod Optici ad quos spectat agere de visu ex plurimis circa visum observationibus collegerunt, visionem necessariò fieri radiis ex oculo prodeuntibus. Qualis tamen esset illa radij productio nescio an satis explicauerint.

### ARTIC. III.

*Quo idipsum alia Experientia conuincitur.*

**S**peculum vrens tametsi meis oculis proximum rei remotæ visum adimebat; libro adiunctum litteras non augebat, sed reddebat obscuriores. A libro parum reductum crassiores efferebat, remotius etiam crassiores ad debitum spatium. Reducto etià ad plurimum passuum distantiam gressu, litteræ incredibilem in modum augebantur. Quod si speculum à re visibili nimium remouissem, vix ullum linearum restabat vestigium: si ampliùs, nihil prorsus videbatur.

Id manife-



Id manifestum erat, non esse referendum ad oculi recreationem per speculum similis Naturæ, ut vult Picolominæus. Quod quominus crederem, tria dissuadebant. Primum oculi læsio manifesta ex luce speculi. Secundum speculi ab oculo distantia. Tertium, quia si ultra certum spatium librum à speculo reduxissem, literas non videbam. Quam huius rei causam assignem?

Rei difficultas me in eam traxerat sententiam, ut quemadmodum alia specula, de quibus egimus, radios ex oculo exire conuicerant, ita ex re visibili aduersos radios proflire, hoc ardente speculo teste, iudicaret. Hos scilicet radios à speculo cogi, pluresque idcirco aduersis radiis ocularibus opponi. Hæc, inquam, mea fuerat sententia.

Verum ubi rem diligentius expendi, errantem reduxerunt plura. In primis verò, quod si hæc litterarum auctio fieret speciebus, vel radiis rei visibilis à speculo coactis, ut oculum plures afficerent; Idem accideret, si sine speculo oculus litteris admotus æqualem specierum, vel radiorum numerum copiamque reciperet. Tot namque radij in oculum proximum ingrederentur, quot in aliquod fragmentum talis vitri. Ergo deberent literas æquales molis referre, atque illud fragmentum eas representat. At profectò oculus ita vicinus non cernit literas maiores, non ergo plures ingrediuntur in eum radij vel species. Ergo neque plures radij ex re visibili in speculum coeunt quorum coactio literas fingat ampliores. Ergo talis litterarum accretio non fit per receptionem specierum vel radiorum ab obiecto.



Deinde videbam repugnare, ut radij tales ab obiecto per speculum transeuntes cum radiis ocularibus iungerentur.

Cæterū, contra Peripateticos, id non fieri per specierum ex obiecto in oculum transmissiōem, exploratum reddebat; quod si speculum fuisset pedis longitudine remotum à libro, litteræ non viderentur; cum tamen, si non nihil libro fuisset vicinius, literas incredibilem in modum magnas redderet. Ex qua rursus distantia, quo magis ad librum accedebat, eo minores literas efferebat. Tametsi liquidò constat, si id fieret, per specierum, vel radiorum emissionem ex obiecto; quo speculum fieret rei vicinius, eo plures vel species, vel radios per ipsum transituros. Addemus alia quæ hoc ipsum confirmabunt.

#### A R T I C. I V.

*Quo huius experimenti vera causa declarantur.*

**V**eritas semper sui similis; proinde tam Experientia in primis illis speculis oblongis, quam in speculo vrente, visionem fieri radiorum ocularium emissionem manifestat.

Quemadmodum enim eo speculo radij solares coguntur, ita oculares. Ab oculo autem in id speculum paulatim diducti, ubi speculum subierunt, iam flectunt, suam quisque lineam: ita ut qui sursum tendebant, deorsum se defleant, & contra qui deorsum, sursum: pariter qui dextrorsum levorsum, & qui levorsum dextrorsum se inclinent: quo scilicet omnes in vnum veluti acumen tendentes, ubi coiuerunt se alij alios intersecant, ac sese impediunt.

Ergo iam accipe causam huius Experientie certissimam



tissimam. Speculo librum tangente, literæ non maiores apparent, quoniam radij nondum deflexi æqualem libri feriunt latitudinem: vel ferè æqualem, ob minimam eorum deflectionem. Reducto verò speculo, radij contractiores in minorem libri faciem, paucioresque litteras feruntur, quæ tamen paucæ speculi per quod transeunt dum latitudinem metiuntur maiores singulæ videntur; vt dicemus. Rursus magis, ac magis remoto speculo; magis ac magis illi radij contrahuntur; vnde maiores, ac maiores continuè referunt litteras; quoniam pauciores. Vnde contingit litteras paucissimas & maximas videri, quando ob debitâ speculi distantiam, radij maximè pressi, proximique vt se inuicem contingant, librum feriunt. Quod si tunc tantillum remoueas speculum, ita vt radij priusquam librum appellant, inuicem allidantur; necesse est nonnullorum mutuam fieri repulsionem, atque distractionem; ita vt minor iam litera videatur. Donec magis etiam reducto speculo radij inuicem traiectioni nil nisi quasdam notas dispersas referant intuenti.

## ARTIC. V.

*Quo res magis excutitur.*

**C**Um ista scriberem, ne quid non satis comperitum dicerem; id speculi tractans, duo comperi quæ ad huius veritatis elucidationem non parum conducunt. Primum est, quò propinquior esset oculus speculari, eò posse librum magis ab eodem speculo remoueri, antequam visio deficeret aut turbaretur: quò verò longius à speculo recederem; eò propius librum esse admouendum speculo.



Alterum est, quòd vicinior esset oculus speculo, eò minus literas crescere, per libri à speculo reductionem: quo verò magis oculus à speculo distaret, eo maiores literas fieri libri reductione; modo hæc libri à speculo distantia debitum spacium non excederet.

Rationem rimanti vna vtriusque causa comperta est: facilitas nempe sese contrahendi quæ radiis speculum relinquentibus, maior vel minor inest pro maiore vel minore oculi à speculo distantia.

Quòd remotius est speculum ab oculo, eò pauciores radij in illud feruntur: quo pauciores sunt radij eò facilius, ac magis suam lineam deflectunt, ac proinde citius coeunt in conum, ultra quæ, iam minus imprimunt oculo rei imaginem propter confusione quam diximus. Quantò verò propius speculum est oculus, tantò maiorem copiam radiorum in illud iaculatur: Quantò demum maior est ea multitudo, quantòque densiores sunt in eo speculo radij, tantò minus suam lineam possunt deflectere; ac proinde tantò longius procedunt, antequam concurrant, ac confundantur. Ita vt, propterea longius possit obiectum à speculo remoueri; Antequam visio impediatur. hæc de primo.

Secundi verò, cur scilicet quò magis oculus recedit à speculo, ad debitam tamen opinor distantiam, eò maiores ipsi literæ appareant; causa est perspicua. Quia cum magis remoto oculo pauciores radij facilius, ac citius coeant, magis autem contracti in pauciores literas ferantur; radij tamē illi, speculi referunt latitudinem, quā missi ab oculo, & ad eū reperiuntur. Tātā ergo literā illā oculo radij



radij repræsentant, quantum est spatium, quod occupant per speculum transeuntes. Ergo cum valde recedit oculus pauci radij latitudinem speculi occupant; qui statim coeuntes in paucissimas incidunt litteras. Hæ omnes dum speculi latitudinem reddunt, singulas esse valde magnas necesse est. Faciam clarius. Dum oculi quidam radij, per poros speculi, feruntur in litteram; alij radij his interiecti partes speculi tangunt. Quantam ergo qui speculum tangunt eam speculi partem oculo repræsentant, tantam alij litteram quam illa latitudine metiuntur. Quippe illa latitudo partis speculi est veluti mensura supra quam atque infra, suprema, atque infima pars literæ per radios illas transeuntes oculum afficit: Ita de reliquis partibus. Sed enim quoniam radij valdè ab inuicem disiuncti sunt, propter eorum paucitatem, euenit, vt litteram tamen valde magnam, non tamen vsquequaque referant æqualem; verùm minutis inter partes intervallis hiantem. Fac periculum Lector, rem ita se habere comperies. Consule Peripateticorum doctrinam, cur magis ab speculo recedentes litteras maiores videamus. Si visio sit actione litterarum, cur non omnes literæ quæ latitudini speculi opponuntur, per ipsum oculo referuntur? quidni æqualiter omnes agunt in speculum? Cur quo propinquior oculus est speculo, eo minores litteras cernit? Cur tamen potest liber longi us à speculo remoueri? Quorum cum ex sua opinione, ne vmbra quidè rationis possint reddere; nostras de singulis expende rationes, vt ex mathematicis procedât principiis, vt iis nihil clarius, nihilque rationi sit congruentius: vt nihil sit euidentius hâc quàm expe-



rientia euidens est, visionem fieri per radiorum ex oculo iaculationem.

## ARTIC. VI.

*Cur remota minora videantur.*

**C**ausam reddidimus, cur recedentes à speculo quod rei vicinū esset, rem videremus amplius; contra, cur sine speculo, remotis res minor appareat, ex iisdem principiis facile est iudicare. Quo namq; magis recedit oculus, eo pauciores radij in illud spacium incidunt; paucioribus autem radiis pauciores respondent partes quas oculo referant. Cum autem nihil intercedat inter illas partes quod oculus videat (non enim reliquas videt) apparent visui quasi iunctæ essent quæ reuera non sunt. Ita scilicet mons remotissimus monti longè viciniore videtur contiguus, quia cum inter utrumque nihil oculus videat, nullam percipit inter eos distantiam. Id ipsum, inquam hoc in casu contingit, cum oculo, plurimas rei distantis partes non percipienti, quod in eas nulli radij ferantur, reliquæ coniunctæ apparent, atque hoc modo res videtur contractior.

Atque hinc causa ducitur perspicua, cur res, cuius pauciores partes videtur, minùs distinctè videatur.

Eadem ratio est cur speculum rotundum rem parvam referat. Radij namque oculares ab illa sphaera quoquouersum dispersi res plures petunt, quarum propterea oculo imprimunt imaginem: verum quoniam pauci radij in res singulas diriguntur. Fit vt parvæ admodum appareant.

ARTI-



## ARTIC. VII.

*Cur oculus cernat rem vbi est.*

**E**X prædictis quoque facile est intelligere. Cur oculus rem videat, vbi est. Quia scilicet distantiam quæ intercedit, percipit. Distantiam autem videt, si viam, vel aliquid quod per spacium intermedium ducatur, visione metiatur. Etenim quo plures in ea longitudine partes oculo referuntur; eo maiorem aduertit inter extrema distantiam; ut propterea longinquior res in illo extremo posita videatur. Huius rei fidem facit; quod si inter extrema longæ sint viæ depressiones, quibus nihil cernat oculus; extremum illud videatur propinquius. Id demonstrat exemplum montium quod modò protulimus. Inter quos, quia nihil videmus, nec vlla apparet distantia, minùs remoti nobis videntur.

## ARTIC. VIII.

*Ad quid lumen sit necessarium.*

**D**Igladiantur Peripatetici de usu luminis, ad quid sit necessarium. Alij ad colores, alij ad medium, alij ad oculum, communior sententia ad hæc omnia illustranda, lumen necessarium putat. Superiùs ostensum est, quomodo è loco tenebroso quæ essent in lumine videremus. Vnde sequitur veram esse sententiã Auempace, referente Auerroe, in 2. de anima. 67. Auicennæ in primo Natur. cap. 1. & Liconiensis qui pro solo obiecto lumen censent cõstitutum. Verùm inde quoque urgebamus Peripateticos: Cur lumen necessariũ obiecto, non esset necessariũ speciei quã dicunt esse in speculo. Quãdo quidẽ in speculo quod in tenebris sitũ



est, rerum quæ sunt in loco luminoso videmus imagines. Id quàm apertè conuincit falsitatis Aristotelis sententiam, tam manifestè probat visum fieri emissionem radiorum quibus inseruit speculū læuissimum, vt inde deflexi ferantur in obiectum. Non enim transeunt radij per speculum nec in eo sistunt sese poris obturatis; nec, ob læuitatem, vllū patiuntur retinaculum, quominus eodem ordine inuicem pergant ad rem visibilem à qua, propter lumen (de quo quæremus suo loco) eadem qua feruntur via reflectuntur in oculum. Et hoc est facilissimum simul ac verissimum.

## ARTIC. IX.

*Conclusio.*

**E**X dictis non mirum est, quod Aristoteles, vt notat Galenus, multorum causam inuestigās vltus sit Platonis de visu, opinione: vt cū 3. meteorolog. dum agit de Area, Iride, Parallelis, & virgis, inquit fieri refractionem visus, seu radiorum visualium, & ita fatetur visionem fieri per radiorum emissionem ad rem visam. Et ibidem cap. 3. rationē afferens, Cur Antiphon quidam cernebat imaginem suam ante se in aere tanquam in speculo, causam esse inquit, quia ob visus debilitatem, visuales radij, in proprio aere frangebantur, fiebātque illi Aer tanquam speculum, quo radij visuales ad eum reflectebantur. Quin idem Aristoteles in calce 1. cap. lib. 2. de generatione animal. cum aliqua ad visum pertinentia considerasset, postea fatetur nihil referre an egressione radiorum fieri visionem dicamus, an receptione specierum. Ex qua Aristotelis inconstantia rectè arguit Galenus eum vidisse opinionis suæ absurditatem.

Nec



Nec euadunt qui dicunt Aristotelem in iis locis ex Antiquorum opinione loquutum. Aristoteles intendebat causam veram afferre eorum meteororum : Quod nequaquam fecerit, ni vera sit Priscorum illa sententia secundum quam loquitur, & ex qua causam illam deducit. Concludamus & rationibus inuictis, & Aristotele contra seipsum comprobante, certissimum esse, proiectis ex oculo radiis, fieri visionem.

---

## INTENTIO III.

De radiorum ocularium Natura.

### ARTIC. VNICVS.

*Radios illos esse corporeos.*

**V**erum inde sequitur radios eiusmodi esse quid corporeum. Primò quia per Aerē obscurum fertur, quod non fieret, si esset aliqua species spiritalis ex oculo manans. Secūddò quia quod melius, & longius per obscurum aerem cernamus, ex eo venit, quod nulli sint radij transuersi qui radium ocularem impediunt, vt fit, nobis in loco lucido degentibus; vel etiam ex loco obscuro in proximam lucem respicientibus; transuersi nempe radij Lucis nostros deturbāt. Hinc fit vt in magna luce, licet oculus obumbretur, rem minùs distinctè videamus. Eadem prorsus ratione qua cernimus magnum lumen minoris actionem impedire; aliò namque deflectens radios minoris luminis, impedit eorum exporrectionem.

Id ipsum patefacit natura vitri per quod meant



hi radij, etsi loco obscuro positum: Quod euidens est fieri, quia per vitri poros radij non minùs obscuro aere quam lucido transeunt. Hoc confirmat situs vitri ad videndum requisitus: Enimuerò nisi vitrum fuerit recta oculis oppositum, vt per poros directos radij ferantur; visio impeditur. Quod experimur similiter in radiis Solaribus quos vitrum rectum transmittit, obliquum aliò deflectit. Quidni æquè radij Solares per vitrum obliquum transeunt? Quidni pariter radij oculares? Nempe in obliquos vitri poros, neque Solis, neque oculi radij directò possunt incidere. Ac proinde vel impediuntur, vel etiam aliò reflectuntur.

Non est sanè quomodo refellant hoc luculentissimum, certissimùmque experientia, ac sensus testimonium.

Non iam petimus cur illa spiritalis actio ab obiecto in meos oculos per vitrum obliquum transire nequeat, quæ transit per obscurum. Hæc enim imaginaria, & nugatoria species explosa est. Petimus quæ radij ocularis transitum impediat vitrum obliquum, non impediat obscurum?

Id ipsum comprobat ea materia quæ vitro illita radios reflectit, ac eadem via transpectum præcludit. Quod clarius facit illius materie diuersitas quæ vitro apposita diuersam reddit imaginem. Huius rei quam causam afferat Scaliger, audiamus. exercit. 73. in Card. *Quod verò pone speculum pice posita conus fiat exilior: obducta cerusa latior, causa abs te subtilitatum Architecto afferenda fuit. Est igitur hæc. Quoniam nigrum contrarij habet rationem. Idcirco delati in cauum radij ab extremis in medium contrahuntur. Candidum verò & lux, vt dicebamus, affines sunt: ideo radij minùs absistunt.*  
*Propter*



*Propter soliditatem, atque opacitatem, reflectuntur: quia eorum natura est persistere vsque, & vsque in diaphano, ubi terminantur, reflecti.*

Reuera vir iste tametsi in redarguendo acerri-  
mus, in speculando sæpius mihi dormire vide-  
tur, quod ipsemet in eadem pagina dixerat. Can-  
didum, inquit, & lux affines sunt. Intelligit lucem  
radiatorum? Qui sunt hi radij? Negat enim ipse vi-  
sionem fieri emissionem radiatorum. Qui sunt ergo hi  
radij qui in speculum deferuntur? Sed speculo ut  
dictum est, in tenebris sito, quæ lux potest obuer-  
sari, aut incidere: Quid est illa lux cui vicina est Ce-  
rusæ albedo? Quæ est illa lux in tenebris, cuius ra-  
dij ad picis contactum contrahuntur? Nunquid ni-  
grum in speculo repræsentabitur per id quod ni-  
gro sit contrarium? Si lux est affinis albedini, erit  
nigro contraria: Quomodo igitur nigredinē lux  
eiusmodi repræsentabit? Quomodo lux quæ sit in  
tenebris? Luceat hæc lux in tenebris: referat suum  
contrariū: Quod simile est albo referat nigri ima-  
ginē? Vnde hæc lux? Negat ex oculo qui visionē e-  
missionem radiatorum fieri reprobat. Vnde ergo hæc  
lux? Scilicet ex obiecto. Ergo obiecti nigredo lucē  
immittet in speculū, lucem, inquam, albedini affi-  
nem, ac proinde aduersantem nigredini. Ergo rei  
visibilis nigredo producet sui contrarium: & qui-  
dem lux illa ab obiecto manans per tenebras, & in  
speculum, & in oculum feretur.

Discant igitur vel ex hoc, radiatorum visualium  
Naturam qui cum corpora sint tenuissima, per  
poros vitri transmittuntur, ni aliquid illinatur  
quod illis transitum intercludat. Cerusa ponde-  
re suam testatur densitatem, quæ non sit sine



pororum contractione tali quidem, ut per eos radius nequeat penetrare. Ac propterea omnes radij æqualiter in obiectum deflexi, dum, ut declarabimus, repelluntur, oculum pariter afficientes, rem tanto maiorem reddant, quanto plures radij in eam coinciderunt. Pix verò cum sit rarior, non æquè viam radio præoccupat; sed multis radiis per eam euadentibus, vel se in eam abdentibus, dum pauciores in rem visibilem deflectuntur; minor ipsa per eos oculo depingitur.

Sed qua de re certamus? Constat visionem missis ex oculo radiis fieri: nihil sit aliud quam Platonis & totius Antiquitatis authoritas; ni repugnantia obstat. Quidni potius radios eiusmodi corporeos & veros, quam spirituales, fictitiósque fateamur? Vtrum præstat, à corpore corporeum, an incorporeum procedere? Vtrum præstat, corpus à corpore, an à spiritu affici? Radij exeunt à corpore, afficiunt corpus, & vehementer afficiunt: Quidni eos corpora fateamur? Quia manifestæ sunt repugnantia? Nullæ profectò. At graues difficultates? Nullæ. Quæ enim primò aspectu graues, Naturam intelligenti verisq; ex principiis procedenti nullæ videbuntur. Quin ipsismet argumentis, atque eadem qua nos impugnabant experientia, radios esse corpora conuincemus, indubitatumque faciemus.

INTEN-



# INTENTIO IV.

Quomodo fiat visio declarat.

## ARTIC. I.

*Quo per argumentorum aduersorum solutionem Natura visionis explicatur.*

**P**Rima difficultas est. Quomodo ex oculo aliquid corporeum exeat quod in tantam viæ longitudinem protendatur. Sic enim breui exhausta fuerit oculi substantia ex continua spirituum id genus iactura. Secunda hæc est, quia si tales radij sint corporei impediuntur ab aëre, & ventus eos decutiet, atque confundet. Tertia ex eodem principio surgit. Quomodo plures eandem rem poterunt cernere, quod non fit nisi radij omnium in eandem rem ferantur? Quarta indidem sequitur. Quomodo pluribus aliis aliò visus aciem dirigentibus radij transuersi alij alios non impedian. Ergò mente recolentibus demonstrationes illas certissimas ab experientia petitas, quibus ratio conuincit, visionem missis ex oculo radiis fieri, qui quidem sunt corporei, hæc impedimenta procul remouenda sunt, vt per viam planissimam scrupulus nullus moretur accedentem. Et quidem primò Veterum sequuti vestigia memorem volumus Lectorem igniculorum per aërem disperforum, ex quibus in calce tractatus præcedentis diximus lumen propagari. Quippe quæ hîc de visu dicturi sumus ad Lumen spectant. Hoc inquam secundum Veterum doctrinam.



In illis igniculis prima notanda venit summa subtilitas, quam ut mente aliquatenus concipias, reduc in memoriam spiritus illos quos pororum ductu organa subeuntes, pediculum illum intercutem quem vulgo cironem vocant, mouere demonstrauimus. Cūque ad tantam subtilitatem intellectus tuus cæcutiat, cogita quanta sit horum igniculorum, vel aliorum corpusculorum exilitas. Quicquid enim subtile struxerit mentis subtilitas, ad horum corporum subtilitatem est crassissimum. Quod ut tibi sit procliuius. Ita tecum reputa: ex Aristotelis, vniuersalique Peripateticorum sententia, nulla est tā tenuis particula, quæ diuidua non sit in infinitū; Poterit ergo Deus illā in infinitū diuidere. hac verò cōtinuata diuisione, in quantā abibit tenuitatē? Cuius ergo particule miraris exilitatem, ut nihil subtilius esse posse videatur, cernis eam à Deo in centum millia partium posse diuidi. Quīdni in cētena millia, imò in centies centena millia partiū; qui potest in infinitū, si ipsis credendū est? Hoc ergo mēte cōcipe, ut eiusmodi corpusculorū tenuitatem quadā contēplatione metiaris. Hoc enim intellecto facile videas quomodo ocularis radius exporrectione sui longissimam seriem pellat ignium eiusmodi, donec ea series in obiectum incidens ab ipso in oculum repercutitur; ut intellexit Pythagoras.

En ut intelligendus Empedocles, cū referente Aristotele radios oculares, ac luminares, per aeris poros qui tamē pleni sint, dicit trāsmeare. Hoc inquā sēsu poros aeris, atq; distātiā illā quæ est inter partes aeris plenā vocat illis igniculis, ex quib. scilicet pulsus, & in eadē recta linea pergentib. radius  
luminis,



luminis, oculiq; continuatur, ac longissimè protèditur, etsi quod radij ex oculo prominet nō multū procedat. Etenim quoquoversum se vertat oculus radij singuli incidunt in id genus igniculos, quibus pulsus qui sequuntur in eadē linea eodem momento procedant necesse est. Mea ergo secundum Empedoclem radius, per aeris poros plenos nempe illis igniculis lucidis ex quibus motis in rectum crescit ipse radius longissimè.

Ex dictis facilis oritur ratio cur moto Aere hi radij non moueantur, & quidem in aqua mota mouentur, & visio turbatur. Esto enim in fundo vasis aqua pleni pictum aliquid quod latice quieto cernas, si lympham concutias, rei ipsius figura confanditur. Cur hæc imago, vel id per quod hæc species fertur ad oculum, conturbatur ad aquæ commotionem. Ab aeris verò concussione non læditur?

Ecce dicunt id per quod visio fit, esse spiritale, seu intentionale, quia moto aere non mouetur. Ego verò cum Priscis dico esse corporale, quia ad motum aquæ ciatur. Vtri magis ad rationem accedunt? Sanè non est à ratione alienum, si aliquid corporeum, quod à densiori corpore moueatur, rariori non cedat. Id enim experientia quotidiana docet factitari in rebus quamplurimis quas aere immotas, & inconcussas, aquæ vis secum rapit. Proinde non mirum est si quos aqua mota mouet, ac turbat igniculos; aer præ sua tenuitate partiūque distantia non moueat. Cur ergo id quasi nouum mirantur in minutissimis hisce corpusculis, quod & ratio declarat, & sensus in omnibus experitur?



At profectò ipsi nullam vsquam inuenerint rationem, cur aut radij ab oculis, aut species ab obiecto prodiens, aut quicquid sit illud quo rei fit visio, si id spiritale sit, ad aquæ motum moueatur, non aeris. Moueaturne spiritus aqua mota? Sed moueatur. Quidni moto aere?

Secundum Platonicos qui dæmones tenuissimis corporibus præditos putant, possint quidem dæmones ab aqua pati: at spiritus puri nequaquam à corporis commotione patiantur. Sed patiantur, si ab aqua patiantur, cur nõ ab Aëre eundem motum ferant nulla subest ratio. Nec enim corpus densius agit in spiritũ magis quàm rarius.

Dicant non esse spiritum, sed spiritalem virtutem, dicant, quod non dicunt, eam virtutem aquæ impressam inhabitentemque, ac propterea necessario cum aqua moueri. Dicam ergo eadem ratione debere aeri inhærere atque ad eius motum agitari. Et quicquid de aqua dixeris statim inferam de Aëre, ita vt omnis euasio præcludatur.

Magis est notandum, quod ni motus aquæ fuerit admodum vehemens, seruetur quidem species rei quæ est in imo vase; verũ ad aquæ motum hæc species hinc inde fertur. Quomodo ergo, aut virtus, aut actio, aut species spiritalis quæ aquam abeuntem, redeuntẽque comitatur? Agitne res quæ repræsentatur, vt eam speciem sic motam conseruet? Si non agit, quomodo conseruetur ea species? Si agit, quidni rectà in oculum agit? Si namque nihil aliud est in aqua quàm talis species vel actio intentionalis ab obiecto promanans, nihil causæ est, cur non rectà pergat ad oculum, per eam aquæ partem quæ media inter oculum,



lum, obiectumque interiacet. Nulla subest ratio, cur hæc actio motum aquæ sequens sinus faciat, ac per anfractus ad oculum iter quærat. Hic obstupescat, & obmutescat, mendacium, nullam sanè causam inuenerit.

Quis itaque vel cæcus hic non videat, veluti filamentum quoddam tenuissimum, vndeunque procedat, quod ab oculo ad rem visibilem protensum, ad aquæ motum aliò atq; aliò transferatur? Quis non cernat esse corpus quod aqua secum vehat, ac reuehat?

Verùm hac parte verbosi fuimus, sine necessitate. Cum superius plus satis demonstratum sit, radium Solis esse ignem qui calefacit, qui vrit, qui dispergit, Qui speculi vrentis quasdam partes relinquens se in alias cogit, iunctusque nouo itinere pergit, qui flabello aerem premente impeditus, pun gere, ac calefacere desinit: Qui aquam, qui terram, qui alia sursum portat, quoque excedente illa iterum coacta recidunt. Ergo iam dudum id de quo certamus, euictum est, radium scilicet esse corporeum. Adeo nihil noui demonstrationibus hisce probatum est: sed eadem veritas iam clara, magis, ac magis resplenduit. Si enim radius Solaris est corporeus, quidni ocularis?

## ARTIC. II.

**D**iximus ex Empedoclis, aliorumque sententia ex igne illo lucido qui in aere plurimus est radium protendi longissimè: quamuis forte non sit id necessarium. Fortè inquam sufficiat, vt velaer, vel quoduis aliud corpus in aere degens pulsum ab oculi radio sequens in eadem linea, ac latitudine pellat; vnde fiat illa corpuscu-



lorum eiusmodi linea quæ ab obiecto repercuti-  
 in oculum, hanc sensationem efficiat. Quid hic fue-  
 rit difficultatis? Quin Naturæ magis congruit ni-  
 hil, quàm partem motam mouere sequentem  
 directo. Porro quàm facilè sit hanc aeris lineam,  
 à reliquo aeris corpore diuidere, disce ex artis, ac  
 Naturæ operationibus. Facilius tibi est dolabra  
 nonnihil valde tenue ex ligni superficie detrahe-  
 re, quàm spissam inde partem diuellere: facilius  
 stipitem ferè acutum in aquam immittere, ceden-  
 te scilicet tanta aquæ latitudine, quàm rem aliam  
 valde latam, refugiente aqua in tanta latitudine  
 promoueri. Atque hoc ipsum videris in reliquis,  
 quo minori latitudine, & aer, & aqua, & omnia  
 diuiduntur, eo faciliùs cedere diuidenti. Cum er-  
 go in minima latitudine aerem natura sua facilli-  
 mè cedentem pellat radius, pars pulsa vltro ce-  
 dit, parique ratione sequens pergit in eadem la-  
 titudine. Adde facillimam aeris diuisionem, ob  
 suam raritatem,

### A R T I C. III.

*Quomodo radius talis aquam subeat.*

**Q**uomodo verò aquam intret hic radius ac-  
 cipe. Ignis ille ex oculo manans ad ali-  
 quam longitudinem exporrigitur, nec ta-  
 men aufugit, sed ad fontem suum identidem re-  
 currit quod quomodo fiat, breui dicetur, Quam-  
 uis si continuè talis ignis abiret, nouum quoti-  
 die alimentum, nouis id genus spiritibus crean-  
 dis, nouam suppeditaret materiam. Sed non ab-  
 eunt radij. Reuertamur ad rem. Quantum er-  
 go procedit radius ex oculo, tantùm series illa vel  
 ignis vel aeris, vel quorumuis corpusculorum  
 quæ



quæ hunc radium continuant, potest in aquam descendere. Porro aquam laxis partibus raram, porosamque admodum quomodo talis radius penetret, qui petierit, parum philosophicè visus fuerit dubitare de re in qua nulla subest difficultas: ni philosophicum sit, iis quæ sensus captum fugiunt, assensum denegare, Quid dico sensum fugiunt? Imò sensus maximè hoc capit, qui horum igniculorum, vel partium aeris seriem ad aquæ motum, vltro citroque commotam videt.

## ARTIC. IV.

*Cur radius oculi moueatur in aqua non in aere?*

**Q**uid sensui accommodatius? Aqua densius elementum mota hoc igneum vel ærium veluti filum tenuissimum secum trahit. aer longè rarior, ob partium laxitatem, distantiamque ab inuicem his ignibus intactis transit. Quid sensui conformius? Non se contingunt partes aeris, imo longè distant ab inuicem; multo longiùs hi igniculi. Quidni alia aliis relictis possint transire?

Secus est in aqua in qua veluti in speculo cogunt se radij, vt plures simul sint: vnde & maiorem reddunt rei effigiem. Quippe res quæ fuerit in fundo vasis, maior apparet vase aqua pleno quàm vacuo. Ergo hinc quoque causa ducitur perspicua, cur huic radio iam densiori, nimirum, ex pluribus radiis composito non cedat aqua longè densior aere, sed eum secum trahat quoquo uersum.

Quin ob eandem causam, forte vêtus vehemētior, dum aerem multum cogit, facit nō leuem visionis mutationem quam etiam sensus percipiat, sæpius



nimirum eiusmodi radiis interruptis. *Qua de re pluribus in calce.*

## ARTIC. V.

*Quo à prima origine radiorum oculi causa deducitur.*

**I**Gnis ille qui è corde, vel aliunde in cerebrum erumpens ibique exquisitè elaboratus à natura in visus ministerium secernitur, inde in nervos opticos se recipiens dum ab oculi humoribus, ac tunicis impeditur, quo minùs affatim auolet; quicquid est subtilissimum eius, veluti eruptione facta, ex illis angustiis longè sese promittit, spacium quærens. Quod manifestum est in oculis felis & noctuæ. Hunc autem ignem etsi admodum subtilem ne purum existima, sed naturam quandam iam ex multis compositam, & in qua iam fiat pugna contrariorum. Ergo qua ratione arteriarum fit motus ille reciprocus calido scilicet sese dilatante, vicissimque frigido reprimente, atque contrahente, eadem prorsus fit radiorum ex oculo ad aliquam lōgitudinem eiectio, calido sese promouente, ac reciproca eorundem à frigido reductio. Id tamen ita intelligendum est, vt qua proportione radij oculares sanguinis illius qui arteriam mouet subtilitatem excedunt, eadem mensura motus radiorum eiusmodi, pulsionem illam arteriæ velocitate exuperet: itaut, cum radij illi tali sanguine sint millecuplo exiliores, motus quoque illorum reciprocus, arteriæ reciprocationem millecupla velocitate anteeat. Liceat enim nobis de re subtilissima, scilicet de visione, subtiliter philosophari. Neque enim hic quicquam redar-



redarguas præter subtilitatem, sed qualem profectò hæc materia requirit.

Quod si dixeris motum illum arteriæ à calido profectum retundi ab arteriæ limitibus, in quos sanguis ille illisus repercutiatur: dicā eodem modo, lineam illam quam erumpens radius pellit, ab obiecto identidem repelli, à qua & radius qui eā ciebat vicissim in oculū reflectatur, eandē subito repulsurus. Atque ita continuat hæc mutua aeris, ac radij repercussio. haud secus atque ab aduersis ripis a lterna sit fluctuum reiectio.

## ARTIC. VI.

*Quo ex his patet quomodo ventus visionem non impediat.*

**P**orro tanta velocitate fit hæc motus reciprocatio, vt instantanea hæc actio iudicetur. Inde fit, vt flante vento, priusquam tantillum dimoueat-  
tur aër, ictu radij linea illa aeris obiectum sæpius pepulerit, vicissimque ab ea radius fuerit in oculū retrusus. Vbi verò aër à vento pulsus non nihil dimotus est, nihil impedit, quominus radius eiaculatus ex oculo in eā aëris lineam quæ obiecta est, impingens, ab eadem, vt prius celerrimè reiciatur in oculū. Atque ita consequenter, vt inde clara sit ratio, cur ventus non obsit visioni, nisi oculo sit obuersus. Quin flante aduersus radium vento, etsi visus minuatur, non tamen necesse est tolli visionem. Enimuerò tametsi magnam aëris partem commotam repellere sit laboriosum, minimā tamen istiusmodi particulam mouere nil impedit. Præsertim cum actus radij sit millecuple velocior



motu venti contrarij. Etenim quicquid sit ventus qui moueat eam aeris lineam aduersus radium nō pellit eā, nisi qua parte & qua latitudine eā tāgit. In eadem ergo latitudine hinc radius, inde vētus eam aëris lineam vltro citroque pellunt, pars inquā vēri eiusdē qua linea illa latitudinis, ac proinde radio non latior. In eadem autem latitudine obuersus oculi radius eam tangens tanto potētior est, ac fortior ea parte venti quanto est celerior.

Erit quoque hoc longè facilius si memineris quæ libro de motu ex Empedocle, & veritate ipsa docuimus, motum scilicet non esse continuū, sed inter minutos motus intercedere minutas celsationes. Hanc veritatem demonstrationes euidentissimæ euicerunt, Ergo quamuis moto aëre actus oculi impediretur, cessante motu, in illa minuta quiete actus oculi sæpius repetitus visionem sufficienter efficeret.

Sed vt huius actionis celeritatem aliquatenus percipias considera motus cœlestis velocitatem centies millecuplo maiorem quam sit rapidissimi venti pernitas. Quippe nullus ventus quantumuis rapidus diei naturalis curriculo terreum globum permensus sit; quo tempore cœlestis motus percurrit spatiū centies millecuplo amplius. Quid impedit quominus actus radij ocularis motu cœlesti sit velocior, vel saltem æquè celer? Quoties ergo in eiusmodi morulis quibus aër cessat moueri à vento, talis reciprocatio peragatur?

Verūm ne sit illa quies quæ motum interrumpat, qualem tamen esse necessarium demonstrauimus, tametsi, inquā, motus esset cōtinuus, ostendimus quomodo motus aëris à vento visionem non impe-



impediret. Atque id ita clarum fecimus, vt sit captu facillimum; ita rationi consentaneum ostendimus, vt nullum examen reformidet.

## ARTIC. VII.

*Quomodo plures eandem rem videre queant.*

**R**Eputanda est mente summa illa Naturę subtilitas, quę sicubi mirabilis est, maximè agnoscenda est vbi de visione agitur. Itaut in ea particula quā sensus minimā rectur, radij oculares, seu tenuissimæ illæ aëris lineæ mille, vel fortè decies mille particulas inueniant, quarum quisque radius diuersam attingat. Quin hoc experientia, sensusq; docet, si consideres quantam quędam specula rem repræsentent. Quod demonstrauius fieri, quia plures radij ex oculo in eam deferuntur. Si per speculum ardens rem aliquam minutissimam, imo punctum aliquod impressum in charta videas, iudicabis vicecuplo latius. Quid causæ subesse putas? Quia vicecuplo plures radij in illud feruntur, quorum quisque propriam partem tangit. Quod si plures essent radij maius quoque hoc punctum redderent oculo, quoniā plures illius puncti partes tangerent. Ergo vides, cū sine speculo punctum illud cernis, te minimum quid illius videre quod tamen tantum oculo tuo depingitur.

Nil itaque iam erit mirum, si plures eandem rem videāt, nō quidē secūdū omnes eius partes. Mitto quod vnus dūtaxat eodē tēpore rem eādē possit perfectè intueri, is scilicet qui sit proximus, atq; è regione positus: reliqui omnes qui vel remotiores, vel ex obliquo spectāt, rem minùs videāt, quoad vel magis recedūt, vel magis deflexa acie obliquā intuetur. Mitto perniciosissimā oculi actionē, qua fit, vt



si mille idem punctum successivè, atque ordine viderent, singuli se continuè idipsum videre existimarent. Peto hoc ab illa quam supra retulimus, Experientia. Si in gyrum torqueas duos baculos transuersos, rotæ speciem referent oculo deluso, qui immoti crucis habent formam. Celeritas nimirum motus obstat, ne oculus extremorum capiat distantiam. Quî ergo possimus capere distantiam quæ sit inter visionē & eius cessationē?

## ARTIC. IIX.

*Cur plurium res diuersas spectantium radij transuersi inuicem non impediunt.*

**E**Ædem causæ cauent quominus plurium res varias intuentium radij transuersi alij alios impediunt. Primo quia tanta est horum radiorum tenuitas, vt vix possint inuicem impedire. Secundo si millies deflexus radius, semel feratur in obiectū, ita vt millesimus quisq; radij ictus re visibilem tægat, propter summā agēdi velocitatem, mea visio continuata videatur. Tertiò non est necesse, vt semper eandem particulam cernam, sed ab hac deflexus radius, satis est, si in proximam feratur. Non enim continuè res eadem apparet æqualiter, licet leuiusculam hancce mutationem visus nō aduertat. Quarto hæc visionis interruptio plerumque manifesta est. Cernimus enim Cælo sereno, atque æstuante, contra oppositum montem luminis iactationem identidem repetitam, ita vt aër per saltus ascēdere videatur. Simile quid contingit, quoties in rem luminosam oculos figimus. Imo vix vllam rem attentè cernas, quæ non appareat



reat moueri sine intermissione. Adde iam rei eiusdem mutationem multifariam visui apparentem. Aliam videt iuuenis, aliam senex, aliam manè, aliā meridiè, aliam obscuro cœlo, aliam lucido, aliam rectè, aliam obliquè: pluribûsque aliis modis fit visionis euidens mutatio. Adeo vt inde liceat colligere, singulis ferè momentis posse variari eiusdem rei visionem, ita tamen debiliter, vt oculum fugiat.


Hęc sunt quę rationi consentanea demonstrant non repugnare quominus radij qui ex oculo feruntur, obiectum conueniant quantum sufficit ad visionem.

## ARTIC. IX.

*Conclusio.*

**S**atis erat probasse eum radium esse corporeū, & congruere rationi & experientię, si minutissima corpuscula ab aere raro non mouerentur. Neque solum experientię ipsi, argumentis que ab ea ductis satisfacimus, quod respondentis erat officium. Sed eiusdem experientię manu, indissolubilibus rationum modis Aduersarios constrinximus, nostramque, ac Veterum sententiam certissimam fecimus, radiorum motu in aqua manifestū reddente eos esse corporeos. Cuius experimenti, rationis que vim nulla proteruia possit effugere. Cæterum demonstrare quomodo fiat, vt his radiis intactis, aër transeat humani ingenij vires transcendere videbatur. Conati tamen sumus huius probabilem aliquam facere declarationem: Talem fecimus quę cuius æquo iudici sufficiat. Pendantur dicta & sufficit.





## INTENTIO V.

Quid sint illi radij visiles, & an ignei sint.

### ARTIC. I.

*Quo rationes vtrique ponuntur.*

**N**unc videndum est, an quod diximus verum sit, id scilicet quod ex oculis profilit esse igneum, ex cuius probatione, magis dictorum veritas elucescat. Prius tamen audienda sunt quædam argumenta quibus freti Aristoteles cum suis Platonem, Galenum, & alios refutant qui & instrumentum visus, & radios visiles igneos asseuerant. De quo lubet audire doctissimi Laurentij lib. 11. suæ anat. q. 3. relationem. De oculorum, inquit, natura certant Platonici, & Peripatetici. Plato in Timæo quia visionem putat fieri luminis emissionem, oculum vult esse naturæ igneæ. sunt, inquit, oculi participes ignis illius qui non vrit. sed illuminando suauiter diem inuehit mundo. Est autem apud Platonicos ignis triplex, lucens vrens lucens non vrens, vrens non lucens. Platonis sententiam sequutus videtur Galenus 10. de usu partium, & 7. de Placitis Hippocratis, & Platonis: Oculum enim organum appellat lucidum, & solarem animalis particulam. Platoniorum rationes sunt eiusmodi, Quorundam animalium oculi noctu coruscant, ut noctuarum & felium. Quibusdam ira flagrantibus ardent oculi. Quin etiam dum torquetur oculus, ignis, & fulgoris speciem prodit; & in tenebris fricatus oculus micat. Scribit Aristoteles Antiphonti propriam effigiem perpetuo obuersari solitam. De Tiberio Cæsare multa narrat Plinius.



Pūnius ii. naturalis historia Galen. 7. de placitis Hipp. & Platon. memorat accidisse cuidam per multas noctes ante cecitatis infelicitatem, ut copiosum lumen ab oculis exiens viderit. Præterea igneos esse oculos hæc demonstrant, quia agiles sunt & mobiles valde, mobilitas autem à calore. Pellucidi sunt, & figura pyramidalis, maximè spiritales: quia in instanti operantur. Adde quod nobilissimo sensorio nobilissimum debeatur elementum, eiusmodi autem est ignis. Quin etiam tales sunt sensus, quales sunt res illi subiectæ: at color ignea est naturæ; definit enim Plato colorem flammam à singulis corporibus manantem. Postremò nunquam rigent oculi, ut ceteræ partes, ignei ergo sunt. Aristoteles contra, & Peripatetici omnes oculum aqueum esse contendunt: legite quæ contra Platonicos scripsit idem Aristoteles. lib. de sensu & sensili. Nos postrema, inquit Laurentius, sententia assentimur potius. hoc voluit diuinus Hippocrates libello de locis in homine, ἢ δὲ ὤφθης (inquit) τὸ ὑπὸ τῷ ὕδατι ὡς κερὰ λυγρὰ ὑπὸ τρέφεται, id est, visus à cerebri humido alitur. Hoc denique conuincit anatome & tota oculi compositio. Nam princeps oculi pars, quæ primò visionem edit, tota est glacialis, eadem vitreo humori immergitur, & anteriore parte humorem habet aqueum propugnaculi instar. Quod si lædatur, aut vulneretur oculus, quicquid ab eo effluit, aqueum est. Sunt qui Aristotelem Platoni ita conciliare student, ut dicant in oculo duo spectari quæ visionem edant, spiritum visibilem lucidissimum, a cerebro per neruos opticos influentem & crystallinum humorem: ratione spiritus ac luminis interni, nec non obiecti luminosi igneum esse oculum volunt: aqueum verò ratione crystallini. verum admitenda non videtur talis distinctio: ita enim sensorium omne igneum esset, quia habent omnia sensuum organa spiritus suos animales eiusdem naturæ, tenuitas, & fulgoris. Non enim animalis spiritus variæ sunt species, ut alij ad visum, alij ad auditum sint destinati.



Præstat igitur cum Aristotele, & veritate ipsa simpliciter affirmare visionis organum aqueum esse.

## ARTIC. II.

*Quo Laurentij rationes refutantur.*

**H**Æc sunt quæ ex tanto viro visum est referre, ut ex eorum quæ clarissima putat, refutatione, pateat, quantam viris alioquin acutissimis sua principia suffundant caliginem. Præstat, inquam, non cum Aristotele, sed cum Carpentario, post Platonem, Pythagoram, Galenum, aliosque plurimos, imo & cum veritate ipsa, duplicem illam in oculo naturam agnoscere. Ergo inquit Laurentius, omne sensorium esset igneum. Esto, quid inde? Mittamus tamen in præsentem ceterorum sensuum spiritus, quos pro certo habeo esse igneos, de ocularibus sermo est, quos quibus rationibus negat esse igneos? Nullus prorsus. Quorsum enim illa humorum aqueorum in oculo recensio, atque probatio ex anatome? hæc ignorabat Galenus: hæc Plato? Quid Hippocratis autoritas, quod oculus humido nutriatur? Non legerat Galenus? Ignorabat Galenus oculum humido nutriri? Norat igitur Galenus, norat Plato, norant antiqui, quod Laurentius, etsi doctissimus, sequutus Aristotelem scire non potuit: Norant, inquam, ad continendos illos spiritus igneos subtilissimos, ne confertim erumperent, necessarium fuisse plurimum humidum frigidum. Quod cum supra manifestum fecerimus uniuersæ naturæ testimonio non necesse est repetere. Porro ex his quàm facile sit non modo aduersariorum argumenta diluere, sed multarum mutationum



tionum in visu causas reddere, quibus radios oculares & corporeos, & igneos esse liqueat, sequitur ut demonstremus.

## ARTIC. III.

*Quæ ex hac doctrina pulchræ quæstiones solvuntur.*

**C**ur diutius in aprico morati, ubi se in locum obscurum recipiunt, non vident? Cur idem coniungit iis qui longo tempore carcere tenebroso detenti lucem non viderunt? Cur hi non nunquam luce priuantur? Non peto quam horum Peripatetici causam assignent. Tu Lector causam veram ut inuestiges, considera quomodo vel vita, vel alicuius membri, seu facultatis functione priuetur homo, integris licet organis. eodem pacto priuatur videndi beneficio. Duabus autem ex causis contingit animal vel prorsus interire, vel alicuius membri seu facultatis exercitio intercludi; vitalium scilicet spirituum profusione, vel eorundem strangulatione; si de vita agatur; si tamen de partis seu facultatis alicuius functione læsa fermo fiat. sufficit viæ obstructio, quæ tales spiritus intercludat.

Iisdem de causis vel caligat, vel excæcatur oculus. In tenebris per longum tempus versato frigidus oculorum humor loci humiditate corroboratus, immotis illis visibilibus igniculis poros viasque omnes sui concretione occlusit. Maior tamen oculi humiditas loco humidiori, sed lucido non id præstitisset. Quid ita? Quia igniculi oculares luminoso loco exilientes poros retinent apertos, in tenebris minimè.

Profusione verò eiusmodi radiorum accidit



cæcitas illi, qui, vt Galenus cōmemorat, per multas noctes ante cæcitatis infælicitatem, copiosum lumen ab oculis exiens viderit.

Ex quibus non est obscurum, cur post commotionem in loco luminoso, quemque Sol irradiat, repenti in vmbrosum conuersi nihil videamus. Quam huius causam ferunt Peripatetici? Repentinam scilicet ab altero contrariorum, in alterum mutationem. Contra: similiter ergo ex vmbroso in luminosum prodeuntes caligarent, quod falsum est. Cur ergo potius qui ex lucido in vmbrosum migrant? Minutis scilicet spiritibus à loco lucido? At si ibidem perstes, licet noua etiam spirituum fiat perditio, videbis tamen, cur non loco obscuro? Quia fortè aer impedit obscurior. Contrarium docent oculi senum, qui cum paucos habeant spiritus, melius vmbroso vident, lucido caligant, lucemque auersantur.

Ergo pauciores spiritus in oculis senum non obstant quominus videant loco vmbroso, quoniam minutis spiritibus minuitur humor, continens, porique fiunt laxiores; vnde fit vt nihilominus spiritus illi profiliant. Iuuâtque locus vmbrosus ne nimia fiat alioquin spirituum eiusmodi profusio. Secus est in iis qui ex lucido loco migrant in opacum, quibus spiritus pauciores factos comprimit humor copiosus, quo prorsus modo, à Sole, fiunt humorum fluxiones. Et quemadmodum iuuenis ille qui Alexandrum mutatis equis hostes persequentem, per multa passuum millia pedes comitatus, vbi iunctus Alexandro strenuè dimicasset, fuis hostibus, nullo accepto vulnere, paulo post in Alexandri sinu efflauit animam, frigidò



gido nimirum facile suffocante, atque extinguente quicquid ex tanta spirituum profusione superesset. Haud aliter facta, loco lucido, magna radiorum ocularium iactura, frigidus oculorum humor loco obscuro, quod superest radiorum constringit, nec patitur exire, donec paulatim auti rursus exitum moliuntur.

## ARTIC. IV.

*Cur oculi videndo fatigentur. sententia Laurentij refellitur.*

**H**Inc facile est causam reddere, cur oculi videndo fatigentur, si quam huius causam terant Peripatetici, paucis viderimus. Laurentius lib. II. q. I. respondet fatigari oculum non impressione specierum, sed ex vi & conatu quem facultas adhibet. Sed enim cur maiorem vim adhibet videndo niuem quam carbonem, ut longè citius fatigetur? Cur etiam à lucidis & albis læditur visio, & plerumque contingit cæcitas? Quoniam, inquit, *allecti similitudine quadam visiles spiritus, tanto impetu erumpunt, ut ex violenta irruptione crystallini humoris, substantiam, aut rhagoidem, aut aliquid simile dirumpi, vel alterari oporteat.*

Audio verba, rationem expecto, non modò cur oculus videndo fatigetur, sed cur senes à lucerna, noctua à lumine, omnes ferè à Solis radiis aciem reflectant? Itane spirituum visibilium impetus in rem visibilem efficit, ut organum visus rem abhorreat? Spirituum appetitu stomachus cibum non refugit, sed rem quam appetunt ardentius cōplectitur, atq; ita de cæteris quid causæ fue-



rit, cur contra naturam, oculi adhorreant, id in quod spiritus visiles appetitu prouunt? Spiritus, inquit, lucidis, ob similitudinem delectantur, ergo maximè luce Solis, Cur igitur eam refugit oculus non modo noctuæ, sed ferè cuiusuis animalis; Sed illa eruptione spirituum ex oculo, qua dicit lædi oculum, non omnes spiritus prouperunt, alioquin non amplius videret. Qui reliqui sunt eiusdem Naturæ sunt cum illis qui auolant. Quidni ergo rei lucidæ specie propter similitudinem delectantur? Cur contra, oculi eam auersantur?

Mitto quod vanum sit, id quod putat Laurentius spiritus scilicet oculares corporeos quidem similes esse speciebus visilibus quas dicunt spirituales & incorporeas. Quæ similitudo corporei cum incorporeo? Sed si similes albo. Ergo dissimiles nigro, ergo contrarium colorem auersabuntur si spiritus. Ergo & oculi quod falsum est. Quid quod oculus non prosequitur obiectum nisi quatenus sentit? non sentit autem nisi quatenus ab ipso afficitur, non afficitur nisi per aërem intermedium, in illo vero aere nondum est illa similitudo quam spiritus oculares prosequantur: etenim, vt docet Piccolominæus nondum est in aere species obiecti, sed vis quædam quæ agit & in oculo talem insculpit imaginem. Ergo secundum istos est in oculo res illa cuius similitudine delectantur spiritus oculares: Cur igitur quod domi habent, foris quærant? Cur exiliant, vt inueniant in aere quod non est, relinquant vbi est?

Sed esto talis in aere species. Parietis dextri aut sinistri quem non respiciam, species erit in eadem



dem parte aeris mihi ob oculos positi; quidni ad eam speciem candidissimam transuolant oculorum spiritus? Quid; in aere tenebroso estne aliqua similitudo qua oculares radij delectentur? Ecce stanti in loco obscurissimo ex quo per aërem opacum, corpus lucidum, vel candidum in lumine positum contemplemur, oculi læduntur. Sane quod oculum proximè afficit, & quod oculus sentit est in illo aere tenebroso. Estne in illis cenebris quicquam simile spiritibus ocularibus quod propterea per tenebras sequantur?

Cur igitur lædatur oculus, ab eo læditur quod vim infert, & quidem à corpore læditur. Læsiō enim talis fit tactiōe, utique rei corporeæ. Quod cum viderent alioquin necessarium, ut vitarent, in hæc absurda ruerunt imprudentes vel inuiti.

## ARTIC. V.

*Quo vera huius causa explicatur.*

**A**ccipe igitur causam cur oculus videndo fatigetur, Cur oculus debilis lucem abhorreat, maximè Solis; Cur lucida, & candida visum lædant. Radius oculi corporeus quidē, & igneus retruditur à re visibili, vel etiam à lucis aduersæ radio corporeo. Is intro actus quo maiori vi repercutitur, eo magis dilatat, vel disrumpit *crystallinum humorem, aut rhagoidem, aut aliquid simile*, ut cum Laurentio loquar. Hinc est, ut alba & lucida, quoniam vehementiùs repercutiunt, magis offendant. Cæterum quomodo fiat talis percussio breui dicemus.



Hinc etiam aperta ducitur ratio eius quod ipsi quærent, si visio fiat per radiorum emissionem, quæ fiat ut senes qui pauciores habent radios, rem à longè videant meliùs quàm propè. Causa est quia radius dum à re visibili proxima validius retorquetur in oculum, magis eum lædit, iam humoribus, tunicisque senio labefactatis. De noctuarum, & filium oculis noctu coruscantibus, & tamen debilem visum habentibus suo tempore dicemus.

## ARTIC. VI.


*Conclusio.*

**F**ortè quis arguat hunc nostrum laborem, ut vanum, in refutanda Laurentij sententia, quippe quæ cum eo fundamento nitatur, quod visio fiat receptione specierum ab obiecto manantium, iam luculentissimè demonstrato, fieri per radiorum emissionem ex oculo, ea demonstratione necessariò corruerit. Quod enim probare nobis erat propositum, eam scilicet visus læsionem fieri per radiorum visum repercussionem, corporalem, facile concesserit, qui, quod extra dubium posuimus, viderit, emissionem nempe radiorum fieri visionem. Neque frustra sudarit in fingendis radiis spiritalibus & incorporeis, atque in illis Chymericis intentionibus, qui cognouerit posse dari radios corporeos, & veros, quibus admissis nullam difficultatem, nedum impedimentum doctrina de visione patiatur. Qui enim considerarit modum visionis facillimum, atque clarissimum quem per actionem eiusmodi radiorum captu facillimam, ac Naturæ maximè consen-



consentaneam aperuimus. Quàmque viam omnem is modus contentioni intercludat, Certè qui hoc perpenderit, nequaquam res fuviles, & commentitias, meraſque nugas, quas nec intelligere poſſit, contra ſenſum, contra experientiam, contra rationem tueri conabitur. Hac feceramus, & rem hanc extra dubium poſueramus: Quid igitur ultra, moleſtis diſputationibus Lectoris animum laſſauimus? Scilicet vt Veritas iam victrix errori victo inſultet, pluriùmque rationum impetu iacentem veluti premat, & quaſi pedibus conculcet. Adde quod veriſſima illa quæ ex Antiquis reſtituimus rerum Naturalium principia non abſre fuit, quemadmodum in omnibus, ita tota hac de viſione ſpeculatione, Naturæ teſtimonio cõprobare. Quæcumq; enim de viſione docuimus fidẽ perhibet illis demõſtrationib., quib. libro ſecũdo de materia probauimus, cõpoſiti naturalis partes igneas, ab ambientibus frigidis contineri, atq; coerceri. Ergo vt in reliquis, ita hac in materia de viſione videre eſt noſtram doctri-  
nam adeo conſentientem, vt hęc de viſu doctrina noſtra inferat principia, & illis poſitis hanc doctrinam oſtendere, ac tueri tam tibi ſit in  
procliui, quam imber eſt dum pluit,  
vt ſic cum Plauto liceat con-  
cludere.





# INTENTIO VI.

De colore.

ARTIC. I.

*Argumentum.*

**V**T tractationi de visu Colophonem adde-  
remus, visum est opera pretium, doctri-  
nam de coloribus adiungere, sine qua nemo per-  
fectam naturæ visus cognitionem assequatur; nec  
satis videat, quomodo visio fiat, per oclarium  
radiorum factam ab obiecto repercussionem. A-  
ristotelis, ac Peripateticorum hac de re imagi-  
narias illas species, atque intentiones repetere es-  
set otiosum: Inter quos tamen quidam, relicto A-  
ristotele, ad veritatem propius accesserunt, vt illi  
quos supra recensuimus, Auicenna, Auempace  
Liconensis, & plures alij. Hi nempe dixerunt co-  
lores in tenebris non actu, sed solum potestate es-  
se colores: idque congruenter opinioni Veterum  
quàm eleganter retulit Lucret. lib. 2.

*Præterea quoniam nequeunt sine luce colores*

*Esse, neque in luce existunt primordia rerum,*

*Scire licet quam sint nullo velata colore,*

*Qualis enim cæcis poterit color esse tenebris?*

Quod ergo illi voluerunt, explicaturi, colorém  
que imprimi in oculo per radij oclaris repulsio-  
nem ostensuri: Primò quæremus, quot modis va-  
riari possit ea repulsio. Secundò eiusmodi radiorū  
reflexionibus generari fluxos illos colores qui va-  
riis in reb. apparent, demonstrabimus. Tertiò inde  
inferentes colorum fluxorum diuersitatē ex diuer-



sa eiusmodi reiectione radiorum fieri, quomodo id fiat, & quid lumen ad hoc conferat, declarabimus. Quartò dubiorum plurium solutione rem magis ac magis illustrabimus.

## ARTIC. II.

*Quot ex causis radij ocularis reflexio varietur.*

**V**T ocularium radiorum maior sit vel minor reflectio, tribus potissimum ex causis posse contingere comperio. Prima est vis maior, vel minor in obiecto quæ magis vel minus repercutiat. Secunda est vis radij validior, vel infirmior; prout liberior est vel magis impedita. Tertia est situs diuersitas in parte quæ radium excipit; secundum quem situm diuersum habet respectum ad oculū, vnde maior vel minor sit in eam actio, ac per consequens maior vel minor eiusdem radij ab ea parte repulsio.

Propter primam causam res quæuis magis splendet qua parte luci obiecta est. Splendor autem quiddam alboris habet; vnde pictores eum illito albo repræsentant. Hinc est quod idem albedini, & splendori conueniat, nempe visum disgregare. Constat autem fulgorem eiusmodi in oculo sentiari ex vehementiore radij qui ex ea parte resilit actione.

Ex quo colligo albedinis sensationem, visusque per eam disgregationem ex maiori radiorum oculariū repercussione, per maiore rei virtutem fieri. Quæ verò superficies minus repellit, eam reddere colorem obscuriorem; donec quæ minimam



vim habet, minimamque facit sensationem, atricoloris author est in oculo.

Propter secundam causam, ocularis scilicet radij debilitatem res longè distantes non modo minores videntur (cuius causam præcedenti tractatu assignauimus) sed obscuriores apparèt. Etenim idem est, vel debilem esse radium ocularem, vel debiliter ab obiecto repelli. Nam siue radius infirmiter allidat ad rem visibilem, siue ab eadem languidè retundatur, æqualem infert oculo æqualis percussio passionem. Ex quo licet idem quod superius inferre, maiorem scilicet radij percussionem re offerre oculo clariorem, & magis ad album tendentem, minorem verò reflexionem rem oculo reddere obscuriorem, magisque atritatis participem.

Propter tertiam conditionem res quæuis, quæuis luminaria vndique eam illustrent, diuersum habet diuersis partibus colorem, prout habet oculus ad eas partes respectum differentem. Quod ipsum videre est in figuris quæ in acumen vel conum expositæ extra corpus aliquod prominēt, cæteris enim partibus laterariis nigrescentibus, in quas nimirum radij oculares obliquum habēt tactum, pars illa eminens quæ recta radios excipit, fulget, vel fulgoris quiddam præ se fert. Quia scilicet radij recti, vt valentius re percutiunt, validius quoque repulsi maiorem inferunt oculo sensationem. Quemadmodum ignis ad murum accensus magis calefacit è regione positum, quàm ex obliquo statem. Non assimilis est ratio oculi radium aduersus obiectum pellentis, & eius qui faste vel stipite parieti innixus repellit eum qui se à tergo premit. Si enim stipes parieti aduerso directè appellatur, maiorem



iorem vim habet ad repellendum, quam si obliquè in eam mittatur, Quippe obliquus minus firmiter parieti hæret, minoremque habet resistantiam. Ita radius in rem aduersam recta contendens, validius ab ea repercussus, magis commouet oculum, quàm si obliquè eam appetens, fixam in ea cuspidem non habeat. Hæc item experientia, atque hæc causa confirmat quod diximus ex maiori radij ocularis repercussione, clariorem, ex minori obsecuriorem in oculo formari colorem.

## ARTIC. III.

*Quo prædicta confirmantur colorum testimonio qui in aere, nube, aliisque meteoris apparent.*

**S**I quæras à nostris philosophis, quid sint illi speciosissimi, aspectuque iucundissimi, qui nubi imprimuntur Iridis colores, multorumque aliorum meteororum picturæ, quæ quàm faciliè apparèt, tã faciliè euanesçunt: Itẽ quid sit illa pulcherrima, gratissimãq; in collo colubæ, & cauda pavonis colorum variatio tã subitanea, nihil aliud norunt respondere, quàm esse spiritales actiones. Verùm hoc merum effugiũ, merasque ignoratiæ latebras intercluserunt illę euidentissimæ demonstrationes quibus per radiorum oculariũ promissionẽ cõuictũ est, fieri visionẽ. Quin ipsemet Aristoteles horum nullã potuit reddere causã probabilẽ, nisi sibi repugnãs in priscorum pedibus iret sètetiã. Quid de Iridis coloribus senserit, ita refert Scaliger exerc. 80. art. 4. in Card. Mutatorum verò colorum rationẽ aliã Philosophus excogitauit. Quippe, ait, oculi vim maximè valere in aspectu supremi arcus Iridis interioris, qui eã ob causã puniceus videatur. Quãobrem eodẽ modo videri ab oculo vegeto proximã superioris arcus, supremũ verò caruleũ. Propterea quod ibi vis oculi defessa sit: sicut & cum ab it in innum circulum



*interioris.* Ecce ut varietatem colorum Iridis ex valentiori, & infirmiori oculi actione deducit Aristoteles. Quid Scaliger? *Quæ, inquit, rationes cum omnino ab oculo, non autem à re ipsa pendeant, atque idcirco repugnent placitis ipsius philosophi: alia mox quærenda erunt.* Frustra profectò alia quærenda quàm illa maior, & minor radij ocularis vel repullio, vel extensio, vel alia commotio: siue ab oculo, siue ab obiecto diuersitatis huius causa procedat. Neque solam hanc causam putamus, maiorem scilicet minoremque nubium distantiam: hæc enim causa vna est: possunt verò esse aliæ duæ ex parte nubis: Altera respectu Solis à quo maiorem, aut minorem propter situm, nubes nata potentiam validius, vel imbecillius radiū oculi reflectat. Altera respectu oculi cui quædā nubes rectius opponitur, quædam obliquius; vnde radius ocularis in illas firmitus, vel infirmius tēditur; ut magis vel minus ab illa repellatur. Et hæc de Iride sufficiāt, in quā tres illæ causæ, de quibus præcedēti articulo possunt cōcurrere.

In collo verò, columbæ, & cauda pauonis, hæc variatio colorum à duabus postremis causis petenda est. motu enim variatur respectus & ad oculū, & ad lucem: vnde gemina illa ex causa partes magis vel minus fulgent; maiori scilicet, vel minori radiorum reiectione quam faciunt.

Vnde verò cæruleus color qui cælo sereno sursum intuenti apparet? Singulariter enim hunc ab obiecto non procedere superius demonstratū est; vimque talem quæ oculo colorē hunc imprimat, non ab externo petendam, quando quidem viæ longitudine vis illa languesceret, nedū cresceret; sed ab ipso oculo deriuandam, cuius radius progressu

re-



retardetur, ac impediatur quod eget explicatione.

Quemadmodum superius ostendimus accenso igne necesse esse, ut aer condensetur, plurimarum scilicet aeris partium unaquæque nonnihil de suo spatio perdente, donec leui complurium iactura is ignis spatium nanciscitur. Ita radium oculo vibrante, lineæ aeris quam pellit radius, in longissimum spatium motio producat: dum tamen singulæ illius lineæ partes nonnihil suæ raritatis deperdunt, ac paululum contrahuntur, quo longius ea linea crescit, eo minor fit motus, donec finem accipit hæc linea, ac motus. Cum enim partes sequentes non moueantur, nisi ut locus fiat præcedentibus. Quâto minor est locum requirunt præcedentes, eo minus pelluntur sequentes. Sed hoc est facile.

Ergo si longè producto radio quid occurrat, quoniam minor est vis eius atque pulsio, minor erit repulsio, minorque oculi passio, ac proinde color erit obscurior, ut dictum est. Quoniam verò incidunt illæ lineæ in frequentes Solis radios qui ipsas transuersim findunt, quo propius oculum illa fit occurso, eo maior fit in oculo sensio, eoque color fulgentior. Contingit autem ex innumeris illis radiis qui ex oculo exiliunt, alios propius, alios remotius, ac remotius in eiusmodi radios Solis incidere. Qui dum diuersos imprimunt, oculo colores, ex illa diuersitate exurgit hic color ceruleus, qui color est ex plurimis, diuersissimisque compositus.

Hinc est, ut propter easdem causas res remotæ potissimum cælo sereno ad ceruleum colorem tendere videantur, unde & pictores eas ferè ceruleo colore repræsentant.



## ARTIC. IV.

*Quo ex precedentibus ad colorum fixorum naturam  
venitur.*

**H**Æc cum sint perspicua, nos quasi manu ducunt ad fixorum colorum naturæ contemplationem. Neque enim aliud est discrimen inter colores permanentes, & fluxos illos, quam quia fugitivi illi Iridis, cæterorumque meteororū colores pereant abscedentibus rebus quæ talem in oculum edebant actionem: hi verò constent, cōstāte scilicet re quæ hos radios remittit. Abeunt enim radij Solares, abeunt & res quæ illis impregnatae talem in oculum nostrum faciunt reflexionē. Res autem quæ stabilem habet colorem, fixa est, fixa que vis illa quæ ex eius superficie visus radios, seu illas lineas aerias repellit.

Sed ut rem penitus scrutemur. Quid difficultatis erit in natura, si quantam vim habet lapis, v. g. ad pilam retundendam tantam cogitemus inesse minutissimis particulis superficiei corporis cuiusvis densi, ad percutiendos tenuissimos id genus igniculos, quos Prisci dicunt à radiis oculari-  
bus moueri, vel ad repellendas illas aeris lineas quas promouet radius ocularis, ut diximus.

Pila si in rem molliorem incidat, minùs, si in duriores validius, si in tympani extremitatem pelliceam, vel simile quid impingat, ab interno aere reperiens validissimè reicietur. Quid mirū, si superficiei huius, & superficiei illius partes diuersam habeant vim ad repellendos id genus radios, prout hæc pars plus habet ignei, aut aerij quam illa.

Itaque quod in folle & similibus obseruamus,  
quæ



quæ nec repellunt, nec repelluntur, nisi quantum aere distenduntur, id ipsum de his minutissimis superficiei particulis intelligendum est, quæ licet habeant natium spiritum, non tamen sufficienter eo imprægnantur, ni superueniente spiritu quem lucis radius immittit, maior fiat spirituum in illa parte compressio, ac propterea maior radij ocularis repulsio. Quod si spiritu indigena satis intumescat illæ partes, noctu etiam videbuntur repulso sufficienter radio oculari. Hæc sufficerent nialia rationes suppeterent, quas non erit inutile proponere. Sic enim magis patebit natura visionis.

Picolominæus lib. de sensu visus cap. 6. color, inquit, est actus perspicui terminati ex eius lucidior conditione, tanquam flos emicans. Quid sit flos ille declarat Plato in Timæo cum colorem vocat flammulam ex corpore manantem. Sunt quidem in rei particulis igniculi, veluti flores earum qui in ea delitescunt, donec adueniente radio lucis, qui quempiam eorum excitat, forasque educat, veluti in complexum ruentem vicini igniculi in consortium cientur. Neque enim opinor necesse esse, ut singuli lucis radij singulis igniculis euocandis ordinentur, sed ad vnum lucis igniculum, plures in circuitu flammulas ex re visibili proflire posse non obscurum est. Porro in aliis partibus vel naturis plures, in aliis verò pauciores sunt ignes eiusmodi, diuersæ quoque naturæ ac virtutis, ut quamuis pauciores, ac rariore, validius tamen radium ocularem retorqueant. Hinc doctrinæ valdè cōsonat experiētia, qua videmus res subalbidas si cōterātur, lōgè cādidiore euadere plurib⁹ nimirū igniculis talicōtritione solutis. Cōtra verò res



madidas nigriores euadere, liquore scilicet eiusmodi igniculorum actionem impediante.

Nec fuerit à ratione alienum, si plurimos in aëre igniculos eiusmodi agnoscamus qui ad flammulae internae eruptionem se coniungant, unusquisque sui simile atque homogeneous sectantes. Quicquid sit, fuerit satis, si quomodo igniculus ille internus qui veluti rei flos est, ad radij luminaris compellationem prodeat, agnouerimus, & qui veluti extinctus erat, iam accensus intumescat, ut oculi radium valeat repellere rursus ablato lumine in suum terminum concessurus. Quamuis quaedam sint corpora quae validissimos habeant ignes eiusmodi, ita ut nocte etiam seipsis micantes visum moueant. Non enim egent, ut ab adueniente radio lucis excitentur.

#### A R T I C. V.

*Quo querundam dubiorum solutio rem magis explicat.*

Vnde fit, ut res aliae licet aequae densae ut politae, ac leuigatae non aequaliter radium deflectunt ac speculum; non enim aequè rem representant. Ergo quod speculum densum sit & laeue non sufficit ad radiorum in aliud obiectum deflectionem, sed alia causa subest inquirenda. Nimirum haec est, in aliis rebus et si densis & laeuibz sunt illae flammulae quae ad radium lucis excitatae oculi radium reflectunt in oculum: speculum autem talis est naturae, ut eiusmodi flammulas paucas emitat: unde radius ocularis ab occurso rei laeuis in aliam partem deflectitur.

Hoc ut melius intelligatur, & quomodo talis flammula radium reiiciat in oculum, percipiatur.

Notan-



Notandum, illam radij ocularis continuationem non ex aere puro fieri, sed qui plurimo igne permixtus sit. Extremum igitur illius lineæ quatenus igne participat, iungit se igni illi qui veluti flos ex re visibili procedit: atque ibi linea terminatur; Tolle illam flammulam ex obiecto manantem, ut lineæ illius quod igneum est non inueniat cui adhæreat; linea illa continuabitur: & quia nequit recta pergere; motus ille continuabitur in obliquum.

Porro esse quandā ocularis radij cum illa flammula connexionem, vel inde licet arguere; Quod ad aquæ motum oculus moueatur; maximè verò si ea turbida sit. Memini fluvium turbidum satísq; rapidum traicienti mihi accidisse, ut fluxu illo meos oculos abripiente periclitatus sim, nec euasissem ni oculis in ripam fixis hanc volutionem stitissem. Id utique non fiebat sine radij extremi, cum aqua, coniunctione. Et quidem potius turbida quam limpida. Quippe in terrestri illa plurimùmque limum vehenti plus inuenit radius cui adhæreat, quàm in clara & pura.

Nec tamen satis est, ut talis fiat radij ocularis ac flammulæ illius connexio; nisi adsit & aliud: scilicet ut illud lineæ extremum cum re coniunctum nequeat plicari: alioquin; quemadmodum virgæ qua quid pellere intendas, si extremum sit flexile, ac facilè plicetur, nulla fiet pulsio, nec repulsio; eundem in modum, si extremum lineæ visualis facile huc aut illuc deflectitur: Quod fit quoties ad illius corporis superficiem ut minùs amicam, tum aer, tum alia corpuscula minus contendunt.



## ARTIC. VI.

*Quo soluitur dubium de coloribus quos vocant  
spiritales.*

**V**Nde fit vt radij solares plerumque rerum quas prætereunt illuminant, muro, vel alia re proxima imprimant imaginem? Quid est hæc imago si non est spiritalis? Accipe. In illum murum quem intueris densissimi Solis radij coincidunt. Iam oculi tui radij in eandem muri partem ex obliquo concurrant. Quid fiet? Pars radiorum ocularium in reflexas Solis cuspides impingunt, atque ab illis reflectuntur in oculum qui propterea quiddam lucidum videt. Pars verò incurrunt in angulos quos radiorum Solarium reflexio facit. Illi radij oculares non inde in oculum repelluntur, sed suam lineam lineam continuant. Deflexam tamen. Neque enim vltius recta possunt progredi. Quânam illorum linea deflectitur? Quam nempè ducit radius Solaris cui ocularis quisque est contiguus. Etenim inter illos radios Solis ab illa re procedentes minuta sunt spatia per quæ totidem radij oculares in eos angulos illisi in rem ipsam deduci possint, cuius repellentis speciem visui effingant. Itaque à muro mei radij suum cursum deflectentes quem inter radios Solis continuant, eorum ductu, veniunt ad vitrum rubrum per quod Solis radij transierunt. A quo quidem vitro reiecti mei radij eodem quo processerunt itinere in oculum meum reducuntur, eaque passione sensum coloris rubri illi impertiunt.

Simile quiddam est in eo colore quo scyphus vino plenus pannum tingit. Enimverò, vt de ampulla



pulla aquæ plena dictum est, radij lucis quantumvis reflexi & languidi per scyphum vini transeuntes cogunt se, vt iam sint validiores: vnde in medio scypho quiddam apparet valde lucidum. Inde in quam panni partem illi radij feruntur, si mei radij coeant; eadem qua prius ratione, ab lucis radiis in vinum deducuntur; à quo repulsi, eodem quo prodierunt tramite oculum repetentes vini speciem ea repulsione illi repræsentant.

Ad quorum veritatem nihil aliud necessarium est, nisi vt quæ in maioribus sensus percipit, in his minutissimis, ac sanè subtilissimis intellectus concipiat. Quid enim noui si aqua riuuli deflexi ductum sequatur? Hi radij lucis à vitro in murum procedentes atque inde deflexi, multos inter se relinquunt veluti tubos, per quos oculorum radij sese insinuantes ad vitrum pergant, à quo in oculum reflectantur. Illa inquam spacia inter radios lucis relictæ velut tubi quidam sunt ocularium radioꝝ ducendis ordinibus accommodati. Porro inter radios Solares dari talia spacia non dubitarit; qui radios illos à speculo quod subeunt, in angustum cogi cognouerit. Distabant ergo prius ab inuicem, qui longè propius conuerunt. Cæterum quomodo per illa spacia fiat radij ocularis deductio, mera mora est reperere. sic namque, per illa spacia, linea, de qua sæpius actum est, continuatio. Difficiliora fortè sunt hæc, Quia subtiliora, nempe de re subtilissima.



## ARTIC. VII.

*De dubiis quibusdam qua ex oculo oriuntur.*

**H**oc tanto maiorem attentionem meretur, quanto magis ad rem medicam pertinet, cui prorsus necessaria est causarum cognitio, propter quas videndi facultas adeo diuersa sit. Ad vitandam prolixitatem. Sit ignis ille lucidus ex oculo prodiens idem quod aqua ex tubo per minuta foramina prosiliens. Si aqua vi descendat, licet sint plurima eiusmodi foramina longè quoquouersū iaculabitur. Eodem modo si abundauerit ille spiritus ocularis, exeat licet per plurimos poros, validus tamen erit ipsius exitus; Proinde quia fortiter erumpit, validamque facit pulsionem; res longinquas repræsentabit: Et quia plurimus est, plurimisque poris egreditur, vt radios faciat quamplurimos, res vicinas valde distinctè demonstrabit. At quemadmodum de aqua, si spiritus modicus fuerit, & pari oculorum tenues sed pauciores longè quidem promittet radios, sed paucos; idcirco res & remotas & vicinas videbit, minus tamen distinctè, quia paucioribus radiis. Sin modicus ille spiritus p multos eiusmodi meatus tenues exierit, nō quidē longè prodibit, nec iactus eius erit validus. Ideoque, quia crebri, rem propinquā distinctè videbunt, remotam minimè. Quod si multus fuerit ignis ille vel spiritus, parique multi & largi, licet ignis magna in copia effluat, non tamen vehemens erit ipsius iaculatio.

Atque vt ab hoc ultimo incipiamus. Hinc patet cur felis, & noctuæ oculi micent, Scilicet ignis qui quidem copiosus ex illis prodit, cum per ampliorē

rem



rem porum transeat, non in longam lineam protenditur, sed prope oculum multus remanens, sui speciem intuentibus ingerit.

Atque hinc causa petenda est cur interdiu minus videant, Solisque fugiant lucem. Fit namque pororum largiorum maior etiam dilatatio. Quoties lux valentiùs hos ignes repercutit. Quantum enim iuuat visionem ignis copia, si valida sint instrumenta, tantum nocet, si infirma. Propter quam infirmitatem, pororum scilicet nimiam relaxationem senum oculi caligant, nec lucem ferunt. Differunt tamen à noctuis quod noctu non videant, ut illæ. Vnde hoc? Non habent illum ignem quem noctuæ.

Sed inde nascitur aliud dubium. Si enim multum habeant ignis, videntur minus noctu visura hæc animantia. Sequela videtur, à simili seu potius eadem causa. Debet enim esse proportio inter vim radij, & illam flamulam quæ ipsum repellit. Alioquin si radius sit nimis potens, ita ut non reflectatur, visio non est futura. Hinc est quod qui visu pollent, si oculos libro admoueant, non possint legere, radiis scilicet ocularibus vim obiecti vincentibus; ita ut nulla fiat repercussio. Secus de illis qui visu sunt debili. Hi enim oculis minimum à libro distantibus melius vident, dum radij debiles etiam ab obiecto repelluntur.

Hanc ipsam iudicaui esse causam, Cur ego cum interdiu & remota videam & propinqua distinctè cernam, crepusculo longè minùs discernam vicina quam alij qui visu sunt multò hebetiori. Vincit enim virtus radij languidum illum ignem qui



tunc superest; si res sit vicina; sin feratur in remotam, eam pro temporis ratione satis videt. At qui hebetiorem habent oculum, dum infirmi illi rerum igniculi languidos ipsorum spiritus sufficienter repellunt, passionem, ac sensationem inferunt quæ visio vocatur.

Hæc igitur fuit causa dubitandi. Si validior radius flammulam seu igniculum rei debiliorem vincit, ut nulla fiat radij repercussio, nec vlla visio, videtur noctua noctu non visura, quippe quæ plurimam habens ignei, validos debeat habere radios. Facilis est responsio ex iis quæ principio posuimus. Ostendimus enim etsi copiosum habeat ignem noctua, nihilominus propter laxitatem pororum quibus exit, radios nec longos nec validos facere.

Verum, cum non satis sit, oculorum radios esse debiles, sed requiratur color actus, scilicet eiusmodi igniculi vel flammulæ ex obiecto micantes qui tenues ac infirmos id genus radios repercutiant.

Cum etiam tales igniculi debeant à luce excitari; Quænam lux in loco prorsus opaco excitat illos igniculos per quos felis in densissimis tenebris res videt? facilis quoque ratio. Oculi scilicet felis sunt instar candelæ, dum ignem sufficientem emittunt, ut res vicinas illuminent. Sed instatur, Quidni igitur, tantus ignis sistit flammulam rei quam excitat? quomodo inquam ab illa tantus ignis repercutitur ut fiat visio? Ecce tertio causam repetimus. Ignis ille multus quidem, sed propter nimiam pororum laxitatem non impetu exiliens nec longam faciens iaculationem, ab igne obiecti  
quem



quem excitat facilè repercutitur.

Possemus tamen dicere, id quod non fuerit à ratione alienum, nocte quamvis tenebrosa eos rei igniculos non nihil agere, ut radium oculi valde debilem possint sustinere ac repellere; Lumenque quod eos igniculos potentiores reddat, esse necessarium duntaxat illis animantibus, quorum radij fortiores maiorem in obiecto volunt resistentiam.

Id inquam fortè possit propter aliqua animantia non abs re dici. Non tamen videtur feli congruere, cuius oculorum nocturnus fulgor satis præ se fert causam quæ rem videndam lumine necessario impertiat, ut dictum est.



# METEOROLOGICORVM

## LIBER.

### *Propositio.*



R A C T A T V M de Cælo, ni doctrina de visu occasionem nata obrepisset, Meteorologica sequebantur. hac ideo submotâ, non ulterius se reiici passa sunt. Siquid in præcedentibus



attentione ac studio dignum inuenisti, Lector amice: nihil minus ex his tua patientia reportabit. Nec tamen, opinor, multum sudabis, quando laborem, si rectè iudico, præsens oblectatio superabit. A cælis ergo, veluti Phaeton in mare demergimur, verùm Deo dante, quod non illi contigit, emerfuri, si prius Deo duce causam falsuginis Peripateticis ignotam, notam fecerimus, si æstus maris multiplicemque eius reciprocationem obierimus, si fontes, ac flumina ex origine sua deduxerimus. In quibus non plura pollicemur quam videbis. Tunc de pluuia, de niue, grandine, ventis, aliisque meteoris aeriis, qua poterimus facilitate, tractabimus.



## MEDITATIO I.

De causis falsuginis maris.

### ARTIC. I.

*Quo rei difficultas proponitur.*

**G**Rauissima huius rei difficultas quam multorum Philosophorum animos torserit, videre est non solum ex Aristotele meteorolog. Quo loco varias hac de re Vetustiorum sententias refert; sed ex iis qui Aristotelem professi, nec tamen in eius, hac de materia, sensu tuti in varias abiire sententias. Nec leuem esse dubitandi causam ostendit proposita, si tamen magis enucleata fuerit, Aristotelis sententia. Hic enim non  
alias



alias agnoscens aquas maris ab iis quæ sunt in fluuiis, ex quibus mare constitui rectè censet; aquas marinas ex natura sua salvas esse negat; sed aduentitia salugine asserit imprægnatas. Quod etsi aduersissimum mundi æternitati quam posuit, nihil tamen in præsentiarum moratis magis animus est, quam assignauit causam falsedinis, cum eius conferre principiis.

Causam autem asserit halituum cum siccorum, tum humidorum syncrasiam. Sed vbi fiat hæc halituum coniunctio adeo est Peripateticis obscurum, ut vnus Scaliger Aristotelem hac de re favorabiliter exponens ipsum suo cultro quem in Antiquos acuit, iugularit. Quo piaculo non se contaminasset, per summam imprudentiam; si Veteres illos quos ab Aristotele magis despectos ac derisos, quam refutatos imprudens tueretur, prudenter sequi voluisset.

Conimbricenses verò non paucos, nec obscuri nominis Philosophos sequuti, cū videre nequeant, quomodo modicas illas exhalationes quas quotidie mare recipit; immensa illa aquarum dulcium moles non ocys obruisset; ut in lacubus, & fluuiis videmus, si mare dulce creatum fuisset: volunt mare hanc falsedinem à principio habuisse confertim, quam tamen conseruet quotidianus eiusmodi exhalationum reditus. Sed quoniam vbi minimè debebant, Aristotelem deseruerunt, in eos primum, pro Aristotele animaduertemus; deinde in alios, atque in ipsum Aristotelem tela conuertemus: atque ex his Vetustiorum principiis, quam Aristoteles nequiuit inuenire, causam apertam reddemus.



*Quo ex precedentibus ad colorum fixorum naturam  
venitur.*

**H**Æc cum sint perspicua, nos quasi manu ducunt ad fixorum colorum naturæ contemplationem. Neque enim aliud est discrimen inter colores permanentes, & fluxos illos, quam quia fugitivi illi Iridis, cæterorumque meteororū colores pereant abscedentibus rebus quæ talem in oculum edebant actionem: hi verò constent, cōstāte scilicet re quæ hos radios remittit. Abeunt enim radij Solares, abeunt & res quæ illis impregnatae talem in oculum nostrum faciunt reflexionē. Res autem quæ stabilem habet colorem, fixa est, fixa que vis illa quæ ex eius superficie visus radios, seu illas lineas aerias repellit.

Sed ut rem penitus scrutemur. Quid difficultatis erit in natura, si quantam vim habet lapis, v. g. ad pilam retundendam tantam cogitemus inelle minutissimis particulis superficiei corporis cuiusvis densi, ad percutiendos tenuissimos id genus igniculos, quos Prisci dicunt à radiis oculari- bus moveri, vel ad repellendas illas aeris lineas quas promouet radius ocularis, ut diximus.

Pila si in rem molliorem incidat, minùs, si in duriores validius, si in tympani extremitatem pelliceam, vel simile quid impingat, ab interno aere percussa validissimè reicietur. Quid mirū, si superficiei huius, & superficiei illius partes diuersam habeant vim ad repellendos id genus radios, prout hæc pars plus habet ignei, aut aerij quam illa.

Itaque quod in folle & similibus obseruamus,  
quæ



quæ nec repellunt, nec repelluntur, nisi quantum aere distenduntur, id ipsum de his minutissimis superficiei particulis intelligendum est, quæ licet habeant natium spiritum, non tamen sufficienter eo imprægnantur, ni superueniente spiritu quem lucis radius immittit, maior fiat spirituum in illa parte compressio, ac propterea maior radij ocularis repulsio. Quod si spiritu indigena satis intumescât illæ partes, noctu etiam videbuntur repulso sufficienter radio oculari. Hæc sufficerent nialia rationes suppeterent, quas non erit inutile proponere. Sic enim magis patebit natura visionis.

Picolominæus lib. de sensu visus cap. 6. color, inquit, est actus perspicui terminati ex eius lucidior conditione, tanquam flos emicans. Quid sit flos ille declarat Plato in Timæo cum colorem vocat flammulam ex corpore manantem. Sunt quidem in rei particulis igniculi, veluti flores earum qui in ea delitescunt, donec adueniente radio lucis, qui quempiam eorum excitat, forasque educat, veluti in complexum ruentem vicini igniculi in consortium cientur. Neque enim opinor necesse esse, ut singuli lucis radij singulis igniculis euocandis ordinentur, sed ad vnum lucis igniculum, plures in circuitu flammulas ex re visibili proflire posse non obscurum est. Porro in aliis partibus vel naturis plures, in aliis verò pauciores sunt ignes eiusmodi, diuersæ quoque naturæ ac virtutis, ut quamuis pauciores, ac rariore, validius tamen radium ocularem retor queant. Hinc doctrinæ valdè cōsonat experiētia, qua videmus res subalbidas si cōterātur, lōgè cādidiores euadere plurib' nimirū igniculis talicōtritione solutis. Cōtra verò res



madidas nigriores euadere, liquore scilicet eiusmodi igniculorum actionem impediante.

Nec fuerit à ratione alienum, si plurimos in aëre igniculos eiusmodi agnoscamus qui ad flammulae internae eruptionem se coniungant, unusquisque sui simile atque homogeneous sectantes. Quicquid sit, fuerit satis, si quomodo igniculus ille internus qui veluti rei flos est, ad radij luminaris compellationem prodeat, agnouerimus, & qui veluti extinctus erat, iam accensus intumescat, ut oculi radium valeat repellere rursus ablato lumine in suum terminum concessurus. Quamuis quaedam sint corpora quae validissimos habeant ignes eiusmodi, ita ut nocte etiam seipsis micantes visum moueant. Non enim egent, ut ab adueniente radio lucis excitentur.

#### A R T I C. V.

*Quo quorundam dubiorum solutio rem magis explicat.*

**V**nde fit, ut res aliae licet aequae densae ut politae, ac leuigatae non aequaliter radium deflectunt ac speculum; non enim aequè rem repraesentant. Ergo quod speculum densum sit & laeve non sufficit ad radiorum in aliud obiectum deflectionem, sed alia causa subest inquirenda. Nimirum haec est, in aliis rebus etsi densis & laevibus sunt illae flammulae quae ad radium lucis excitatae oculi radium reflectunt in oculum: speculum autem talis est naturae, ut eiusmodi flammulas paucas emitat: unde radius ocularis ab occurso rei laevis in aliam partem deflectitur.

Hoc ut melius intelligatur, & quomodo talis flammula radium reiciat in oculum, percipiatur.

Notandum.



Notandum, illam radij ocularis continuationem non ex aere puro fieri, sed qui plurimo igne permixtus sit. Extremum igitur illius lineæ quatenus igne participat, iungit se igni illi qui veluti flos ex re visibili procedit: atque ibi linea terminatur; Tolle illam flammulam ex obiecto manantem, ut lineæ illius quod igneum est non inueniat cui adhæreat; linea illa continuabitur: & quia nequit recta pergere; motus ille continuabitur in obliquum.

Porro esse quandā ocularis radij cum illa flammula connexionem, vel inde licet arguere; Quod ad aquæ motum oculus moueatur; maximè verò si ea turbida sit. Memini fluvium turbidum satísq; rapidam traicienti mihi accidisse, ut fluxu illo meos oculos abripiente periclitatus sim, nec euasissem ni oculis in ripam fixis hanc volutionem stitissem. Id utique non fiebat sine radij extremi, cum aqua, coniunctione. Et quidem potius turbida quam limpida. Quippe in terrestri illa plurimùmque limum vehenti plus inuenit radius cui adhæreat, quàm in clara & pura.

Nec tamen satis est, ut talis fiat radij ocularis ac flammulæ illius connexio; nisi adsit & aliud: scilicet ut illud lineæ extremum cum re coniunctum nequeat plicari: alioquin; quemadmodū virgæ qua quid pellere intendas, si extremum sit flexile, ac facilè plicetur, nulla fiet pulsio, nec repulsio; eundem in modum, si extremum lineæ visualis facile huc aut illuc deflectitur: Quod fit quoties ad illius corporis superficiem ut minùs amicam, tum aer, tum alia corpuscula minus contendunt.



## ARTIC. VI.

*Quo soluitur dubium de coloribus quos vocant  
spiritaes.*

**V**Nde fit vt radij solares plerumque rerum quas prætereuntes illuminant, muro, vel alia re proxima imprimant imaginem? Quid est hæc imago si non est spiritalis? Accipe. In illum murum quem intueris densissimi Solis radij coincidunt. Iam oculi tui radij in eandem muri partem ex obliquo concurrant. Quid fiet? Pars radiorum ocularium in reflexas Solis cuspides impingunt, atque ab illis reflectuntur in oculum qui propterea quiddam lucidum videt. Pars verò incurrunt in angulos quos radiorum Solarium reflexio facit. Illi radij oculares non inde in oculum repelluntur, sed suam lineam lineam continuant. Deflexam tamen. Neque enim vltius recta possunt progredi. Quânam illorum linea deflectitur? Qua nempe ducit radius Solaris cui ocularis quisque est contiguus. Etenim inter illos radios Solis ab illa re procedentes minuta sunt spatia per quæ totidem radij oculares in eos angulos illisi in rem ipsam deduci possint, cuius repellentis speciem visui effingant. Itaque à muro mei radij suum cursum deflectentes quem inter radios Solis continuant, eorum ductu, veniunt ad vitrum rubrum per quod Solis radij transierunt. A quo quidem vitro reiecti mei radij eodem quo processerunt itinere in oculum meum reducuntur, eaque passione sensum coloris rubri illi impertiunt.

Simile quiddam est in eo colore quo scyphus vino plenus pannum tingit. Enimverò, vt de ampulla



pulla aquæ plena dictum est, radij lucis quantumvis reflexi & languidi per scyphum vini transeuntes cogunt se, vt iam sint validiores: vnde in medio scypho quiddam apparet valde lucidum. Inde in quam panni partem illi radij feruntur, si mei radij coeant; eadem qua prius ratione, ab lucis radiis in vinum deducuntur; à quo repulsi, eodem quo prodierunt tramite oculum repetentes vini speciem ea repulsione illi repræsentant.

Ad quorum veritatem nihil aliud necessarium est, nisi vt quæ in maioribus sensus percipit, in his minutissimis, ac sanè subtilissimis intellectus concipiat. Quid enim noui si aqua riuuli deflexi ductum sequatur? Hi radij lucis à vitro in murum procedentes atque inde deflexi, multos inter se relinquunt veluti tubos, per quos oculorum radij sese insinuantes ad vitrum pergant, à quo in oculum reflectantur. Illa inquam spacia inter radios lucis relictæ velut tubi quidam sunt ocularium radiorum ducendis ordinibus accommodati. Porro inter radios Solares dari talia spacia non dubitarit; qui radios illos à speculo quod subeunt, in angustum cogi cognouerit. Distabant ergo prius ab inuicem, qui longè propius coierunt. Cæterum quomodo per illa spacia fiat radij ocularis deductio, mera mora est repetere. sic namque, per illa spacia, linea, de qua sæpius actum est, continuatio. Difficiliora fortè sunt hæc, Quia subtiliora, nempe de re subtilissima.



## ARTIC. VII.

*De dubiis quibusdam quæ ex oculo oriuntur.*

**H**Oc tanto maiorem attentionem meretur, quanto magis ad rem medicam pertinet, cui prorsus necessaria est causarum cognitio, propter quas videndi facultas adeo diuersa sit. Ad vitandam prolixitatem. Sit ignis ille lucidus ex oculo prodiens idem quod aqua ex tubo per minuta foramina profiliens. Si aqua vi descendat, licet sint plurima eiusmodi foramina longè quoquouersū iaculabitur. Eodem modo si abundauerit ille spiritus ocularis, exeat licet per plurimos poros, validus tamen erit ipsius exitus; Proinde quia fortiter erumpit, validamque facit pulsionem; res longinquas repræsentabit: Et quia plurimus est, plurimisque poris egreditur, ut radios faciat quamplurimos, res vicinas valde distinctè demonstrabit. At quemadmodum de aqua, si spiritus modicus fuerit, & pari oculorum tenues sed pauciores longè quidem promittet radios, sed paucos; idcirco res & remotas & vicinas videbit, minus tamen distinctè, quia paucioribus radiis. Sin modicus ille spiritus per multos eiusmodi meatus tenues exierit, nō quidē longè prodibit, nec iactus eius erit validus. Ideoque, quia crebri, rem propinquā distinctè videbunt, remotam minimè. Quod si multus fuerit ignis ille vel spiritus, parique multi & largi, licet ignis magna in copia effluat, non tamen vehemens erit ipsius iaculatio.

Atque ut ab hoc ultimo incipiamus. Hinc patet cur felis, & noctuæ oculi micent, Scilicet ignis qui quidem copiosus ex illis prodit, cum per ampliorē

rem



rem porum transeat, non in longam lineam protenditur, sed prope oculum multus remanens, sui speciem intuentibus ingerit.

Atque hinc causa petenda est cur interdiu minus videant, Solisque fugiant lucem. Fit namque pororum largiorum maior etiam dilatatio. Quoties lux valentiùs hos ignes repercutit. Quantum enim iuuat visionem ignis copia, si valida sint instrumenta, tantum nocet, si infirma. Propter quam infirmitatem, pororum scilicet nimiam relaxationem senum oculi caligant, nec lucem ferunt. Differunt tamen à noctuis quod noctu non videant, ut illæ. Vnde hoc? Non habent illum ignem quem noctuæ.

Sed inde nascitur aliud dubium. Si enim multum habeant ignis, videntur minus noctu visura hæc animantia. Sequela videtur, à simili seu potius eadem causa. Debet enim esse proportio inter vim radij, & illam flamulam quæ ipsum repellit. Alioquin si radius sit nimis potens, ita ut non reflectatur, visio non est futura. Hinc est quod qui visu pollent, si oculos libro admoueant, non possint legere, radiis scilicet ocularibus vim obiecti vincentibus; ita ut nulla fiat repercussio. Secus de illis qui visu sunt debili. Hi enim oculis minimum à libro distantibus melius vident, dum radij debiles etiam ab obiecto repelluntur.

Hanc ipsam iudicaui esse causam, Cur ego cum interdiu & remota videam & propinqua distinctè cernam, crepusculo longè minus discernam vicina quam alij qui visu sunt multò hebetiori. Vincit enim virtus radij languidum illum ignem qui



tunc superest; si res sit vicina; sin feratur in remotam, eam pro temporis ratione satis videt. At qui hebetiorem habent oculum, dum infirmi illi rerum igniculi languidos ipsorum spiritus sufficienter repellunt, passionem, ac sensationem inferunt quæ visio vocatur.

Hæc igitur fuit causa dubitandi. Si validior radius flammulam seu igniculum rei debiliorem vincit, ut nulla fiat radij repercussio, nec vlla visio, videtur noctua noctu non visura, quippe quæ plurimum habens ignei, validos debeat habere radios. Facilis est responsio ex iis quæ principio posuimus. Ostendimus enim etsi copiosum habeat ignem noctua, nihilominus propter laxitatem pororum quibus exit, radios nec longos nec validos facere.

Verum, cum non satis sit, oculorum radios esse debiles, sed requiratur color actus, scilicet eiusmodi igniculi vel flammulæ ex obiecto micantes qui tenues ac infirmos id genus radios repercutiant.

Cum etiam tales igniculi debeant à luce excitari; Quænam lux in loco prorsus opaco excitat illos igniculos per quos felis in densissimis tenebris res videt? facilis quoque ratio. Oculi scilicet felis sunt instar candelæ, dum ignem sufficientem emittunt, ut res vicinas illuminent. Sed instatur, Quidni igitur tantus ignis sinit flammulam rei quam excitat? quomodo inquam ab illa tantus ignis repercutitur ut fiat visio? Ecce tertio causam repetimus. Ignis ille multus quidem, sed propter nimiam pororum laxitatem non impetu exiliens nec longam faciens iaculationem, ab igne obiecti quem



quem excitat facilè repercutitur.

Possemus tamen dicere, id quod non fuerit à ratione alienum, nocte quamvis tenebrosa eos rei igniculos non nihil agere, ut radium oculi valde debilem possint sustinere ac repellere; Luménque quod eos igniculos potentiores reddat, esse necessarium duntaxat illis animantibus, quorum radij fortiores maiorem in obiecto volunt resisténtiam.

Id inquam fortè possit propter aliqua animantia non abs re dici. Non tamen videtur feli congruere, cuius oculorum nocturnus fulgor satis præ se fert causam quæ rem videndam lumine necessario impertiat, ut dictum est.



# METEOROLOGICORVM

## LIBER.

### *Propositio.*



R A C T A T V M de Cælo, ni doctrina de visu occasionem nata obrepisset, Meteorologica sequebantur. hac ideo submotâ, non ulterius se reiici passa sunt. Siquid in præcedentibus



alias agnoscens aquas maris ab iis quæ sunt in fluuiis, ex quibus mare constitui rectè censet; aquas marinas ex natura sua salvas esse negat; sed aduentitia falsugine asserit imprægnatas. Quod etsi aduersissimum mundi æternitati quam posuit, nihil tamen in præsentiarum moratis magis animus est, quam assignavit causam salædinis, cum eius conferre principiis.

Causam autem asserit halituum cum siccorum, tum humidorum syncrasiam. Sed ubi fiat hæc halituum coniunctio adeo est Peripateticis obscurum, ut vnus Scaliger Aristotelem hac de re fauorabiliter exponens ipsum suo cultro quem in Antiquos acuit, iugularit. Quo piaculo non se contaminasset, per summam imprudentiam; si Veteres illos quos ab Aristotele magis despectos ac derisos, quam refutatos imprudens tueretur, prudenter sequi voluisset.

Conimbricenses verò non paucos, nec obscuri nominis Philosophos sequuti, cū videre nequeant, quomodo modicas illas exhalationes quas quotidie mare recipit; immensa illa aquarum dulcium moles non ocyùs obruisset; ut in lacubus, & fluuiis videmus, si mare dulce creatum fuisset: volunt mare hanc salædinem à principio habuisse conferre, quam tamen conseruet quotidianus eiusmodi exhalationum reditus. Sed quoniam ubi minimè debebant, Aristotelem deseruerunt, in eos primum, pro Aristotele animaduertemus; deinde in alios, atque in ipsum Aristotelem tela conuertemus: atque ex his Vetustiorum principiis, quam Aristoteles nequiuit inuenire, causam apertam reddemus.



## ARTIC. II.

*Quo Conimbricensium sententia refellitur.*

**P**Onemus igitur ea quæ certissima nemini dubia esse possunt, ex quibus sequelæ necessitudine Veritatem ab iis extorquebimus. Norunt omnes immensam Salis copiam vndique quotannis ex marinis aquis erui. Et id certum. Certum quoque, si tantum salis adderetur, quantum detrahitur, quod eius falsilago cresceret. Certum etiam est, cum tantum auferatur salis, non minui maris falsedinem. Locum nimirum ablati salis suppleant exhalationes, vel alia materia quam quotidie mare recipit. Ex quo sequitur, quod, cum illæ reparent quod exhaustum est, si nihil demeretur salis, per eas pondus salis augeretur. Hoc inquam est necessarium. Reparant quod aufertur, ergo augerent, si nihil auferretur. Itaque si continuato illo halituum, vel alius materiæ prouentu ad sexcentos annos nil salis detraheretur, quanto falsius mare euaderet? Nonne duplo quàm est, vt minimum?

Ex his certissimis, clarissimisque ita procedo. Ponunt Conimbricenses mare salsum à principio. Supponitur quoque ex sacris paginis, vix ad tempus diluuij homines propagatos, qui quod exhalationes ministrant, pondus annum salis consumerent. Rursus illis à diluuiò absorptis, cum multo plures annos contracto nimirum humanæ vitæ curriculo, humani generis restitutio plenaria differretur; fuisse tamen continuas exhalationes quæ salem, vt nunc, augerent, quem nemo tamen tunc vel pauci in suum vsum conferrent. Quantum igitur, nemine vel paucis vtentibus, ex hoc annuo salis ad-



lis additamento, crescere debuit maris falsilago? An ad duplum ipsius auctio sufficiat? Mare, inquit, confertim salsum fuit ab initio, & ut nunc est. Sed eius salsedo ad duplum creuit ex sale quotidie crescente quem tot sæculis nemo consumpsit. Ergo iam duplo falsius quàm sit; innatam scilicet, retinet falsuginem, & tantundem habet acquisitæ.

## ARTIC. III.

*Quo Conimbricensium rationes refelluntur.*

**N**Ec mirum, si eorum claudicent argumenta quæ tam longè, nempe à finibus maris deduxerunt. Quod nauigationi magis falsugo maris cõueniat, variâsque ab ea commoditates, mortales accipiant. Quod piscium marinorum naturæ falsugo sit accommoda, qui in aqua dulci viuere non possint. Esse autè nunc pisces marinos eiusdè naturæ cum illis qui fuerunt ab initio: ut si præsentibus aqua salsa necessaria sit, fuerit & Primigenis. Postremo maris falsuginem necessariam fuisse ad eius arcendam putredinem. hæc illi.

Quid? hominum vsui necessaria fuit maris salsedo? Quorum? qui non erant? nauigassent qui non erant? Quando putant cepisse nauigationem? Profectò maris falsugo hoc annuo salis accessu sufficienter creuerat. Pisces inquit marini, cum sint eiusdem cum prioribus naturæ, in aqua dulci moriuntur. Age. Franci, vnde fit ut in Pedemontio, ob aeris insolentiam, tam facilè intereant? Si in eo nati illi assueuissent, nunquid ut indigenæ facilè ferrent? Vnde fit, ut qui Roma Neapolim æstiuo tempore migrant, licet itinere nocturno, ibi breui tempore mortem obeant? Ad hunc scilicet mo-



dum pisces marini salugini assueti, & ex ea nutriti in aqua dulci non viuunt. Post extremū frigus conduceret extremus calor? non omnis natura ab vno extremo ad alterum subitam abhorret mutationē? Nec maioris est momenti argumentum quod ex putredine aquarum petunt, ad quam impediendā dicunt necessariam fuisse maris ab ortu saluginē. Cū ipsius non modo fluxus, & refluxus; sed vehementissimæ iactationes id facile vindicent à putredine. Est tamen illud quod principio protulimus fortissimum aduersus Aristotelem ipsorum argumentum, quodque nemo soluet qui Aristotelem non deserat. Quid scilicet potuerunt hæ exhalationes contra molem immensam aquarum dulcium? Si enim eam vim exhalationes à calore Solis tam breui tempore acceperunt, retusam ab aeris frigore, hæc aquarum immensitas subito non absorpsit? Hæc, inquam, rectè Conimbricenses ex Aristotelicis principiis aduersus Aristotelem intulerunt.

#### ARTIC. IV.

*Quo Aristotelis sententia ac Scaligeri expositio expenditur.*

**S**Ed mentem Aristotelis accuratiùs ex eius scriptis dispiciamus. *Quæ igitur, inquit, falsitudinis causa narrantur rationem videntur effugere. Nos autem eodem quo priùs sumpto initio dicamus. Cum enim halitum esse duplicem alterum humidum, alterum siccum positum sit, eum eiusmodi affectuum principium esse arbitrari oportere constat. Ecce ut utrumque halitū humidum & siccum saluginis asserit materiam. Quomodo verò id fiat, inferiùs exponit. Quin imo & omnem arida Telluris halitum esse eiusmodi*



eiusmodi, putandum est, ea enim hanc ingentem halituum copiam suppeditat. Cum autem halitus rapidus, cum arido permistus (ut diximus) in nubem & aquam cogitur, necessario accidit, ut semper quedam non parua huiusce facultatis portio intercipiatur, & rursum pariter cum pluuia deorsum feratur, idque semper fiat ordine quodam, quantum fieri potest, ut quæ apud nos sunt ordinem participant. Vnde igitur in aquam salitudo proueniat, dictum est. Hæc Aristoteles. Cuius sententiam ita declarat Scaliger exercitatione 42. Quod pluuia non sentiatur salsa, & in mari salsa fiat: id euenit, quia non est exusta sicca illa enaporationis materia. Haud sanè satis nacta temporis, & rarior, & in regione frigidior. Quod ab igne non idem in lebetis aqua efficiatur, causa est aquæ exiguitas, quæ non crassescit, sed resoluitur. Paucissima enim terra partes. Hæc Scaliger non dissentanea illis quæ superius de illo citauimus libro primo de materia. In quibus & nubem, & pluuiam, & niuem, & similia mista asserit, quæ parua cum re dissoluantur, ut de misto ex vino & aqua monstrauerat. In quo quemadmodum aquæ, & vini naturam substituisse assererat, ita de pluuia facile admittebat; ut quod hoc loco exponit, partes quasdam habeat adustas, quæ humidis, frigidisque euaporatis calidæ appareant. Hoc, inquam, non dissentaneum rationi: verum aduersissimum Aristoteli qui nullam admittit partium differentiam. Nec particulam tenuissimam halitus calidi & sicci, in magna copia aquæ frigidæ & humidæ seruari posse opinatur. Quin hoc ipso nomine Veterum expungit sententiam. Sed eum audiamus. At verò, inquit, & hisce qui salisuginis causam terra tribuunt (eam enim dum ammiscetur, nidos habere sapes, aiunt, adeo ut ab omnibus coniecta mare salsum ob adustionem reddat) non ita flumina ipsa salsa esse, absurdum



existit. Quî enim fieri potest, vt eiusmodi terra mistio effectum adeo euidentem, conspicuûmque efficere in tanta aquarum multitudine queat, in quaque autem parte nequeat? Constat autem mare totum fluuiatilem aquam esse, nihil enim à fluuiis differre, nisi quod salsum sit, videtur. quod idem eis contingit in eo loco in quem confluunt vniuersi.

Iam verò quid clarius quàm quod inde sequitur? Aristoteles absurdum putat id quod non potuerit tam euidentem conspicuûmque affectum illum, nempe saluginem fluminibus indere, eum a quarum multitudini in mari impertiri: quanto magis id quod in lebete, imò in guttula pluuiæ suam saluginem non manifestet, illam in mari ostendere?

Scio quidem Scaligeri rationem in se non ineptam, id scilicet euenire, quia non est exusta illa sicca evaporationis materia, haud sanè satis nacta temporis, & rarior, & in regione frigidiori. Haud inquam, in se inepta est illa ratio. Sed profectò pro Aristotele ineptissima; Quod eadem ratio contra Aristotelem Veterum sententiæ patrocinetur. Fluuios non esse salcos, quod illa saluginis materia nondum exusta sit. Haud sanè satis nacta temporis, & rarior, & in regione frigidiori. Quam rationem si admittit Aristoteles, quid possit aduersus hanc Veterum sententiam? Quam si respuit, quid illam suæ prætendit Scaliger? Tuebitur ne Aristotelis opinionem ea ratione quam nullam Aristoteles ipse iudicauit? Sapor, inquit Aristoteles, qui non percipitur in paucioribus aquis, in ingenti aquarum multitudine non cognoscetur. Contra Scaliger, etiam si non modo in flumine, sed in lebete, sed in gutta aquæ, sapor



sapor ille non percipiatur, in mari tamen deprehendetur. Quam igitur circumspectè Scaliger, non solum ut qua ratione tueretur Aristotelis mentem, multo magis eadem Veterum sententiam ab Aristotelis calumnia vindicet, Verùm per ipsam Aristotelis evertat fundamenta in mixto diversitatem partium negantis?

Sed ignoscendum est tanto viro, si pro Aristotele excogitavit aliquid quod à ratione non abhorreret, ut Aristotelem quamvis repugnantem à Conimbricensium telis defenderet. Si enim illa potentia quam in pluvia agnoscit, sit tantum adventitia, ut vult Aristoteles, quamque materia halitus sicci brevi tempore à Sole acceperit, adeo iam à frigore retusa, ut ne tantillum feriat gustum; non subitò ab immensarum aquarum frigore extincta est? Mare enim non est calidum nisi à falsugine. Si igitur non erat falsum natura, erat frigidum; ad quod frigus quid fictitia illa halituum potuit potentia?

Rectè igitur satis & piè Scaliger Aristotelis misertus amentiam, hanc mentem illi affingit, de qua ne quidem per somnium ille cogitavit. Ut scilicet contra sua principia, pro sua sententia tamen approbaret, quod in Veteribus improbabat. Partes nempe illas siccas, & calidas, neque in pluvia, neque in mari interire, sed propriam ubique naturam conseruantes exucto humido & frigido, tandem vim diutius sepultam expedire, atque exercere. Hæc quidem non abs re, verùm Aristoteli prorsus contraria.



## ARTIC. V.

*Quo alia quorundam ineptia reteguntur.*

**A**Vdiui quosdam dicentes non ex pluuiâ, sed ex halitibus è fundo maris à Sole excitatis hanc iâlsilaginem confici. Quod Aristoteli quem defendere volebant, prorsus aduersatur. *Cùm autem, inquit, halitus vapidus cum arido permistus, vt diximus, in nubem & aquam cogitur, necessariò accidit, vt semper quadam non parua huiusce facultatis portio interceptiatur, & rursus pariter cum pluuiâ deorsum feratur.* Hos igitur halitus aridos vult Aristoteles cum pluuiâ deferri, non ex imo maris excitari. Sed quam aptè illi exhalationes siccas educunt? Loqui ibi Aristotelem propriè cum de eiusmodi halitibus agit, nemo nisi ridiculus negabit; cum ibidem Aristoteles Empedoclem carpat, quod causam falsitudinis vocans sudorem, sit metaphoricè, & impropriè locutus. Loquebatur ergo propriè Aristoteles, cum halitus siccos Salismateriam asseruit. Quis autem nescit halitus eiusmodi Aristoteli ex terra adusta prolici? Adusserit Sol terram mari substratam? Quonam euaserint pisces? Cur non potius ex piscibus adustis mare hunc saporem contraxisse dicunt?

Audiui quendam magnum philosophum, philosophiæ professorem mihi familiarem, qui diceret falsuginem sola aquæ dulcis coctione fieri; vel saltem inde falsedinis partem venire. Parum hoc falsè, etsi de sale. Nam per illam aquam dulcem, vel intelligebat aquam pluuialem mistam ex halitibus siccis cum vapidis. Et ita nihil differt ab opinione Scaligeri, quam Aristotelis  
menti



menti aduersissimam ostendimus. vel intelligit aquam purā. Et sic aduersatur ipsimet Aristoteli qui 4. meteorologicorum cap. 6. dicit solam aquam ex humidorum genere nō spissari. Sed quomodo spissetur illa aqua ex qua quantum Sol proleſcet, tantum in eam nouæ continuè influat? Si in ollā igni appositam aquæ limpidæ plenam tantum indesinenter frigida incurreret, vt non posset decreſcere craſſiōne redderetur?

Vt igitur ad mentem Aristotelis reuertamur, qui ex pluuiā mare salsum fieri vult: absurdū tamē putat saporem illum sentiri in mari qui se in minori aquæ parte sentiendum non dederit; necessariò fatēdum est pluuiam illam falsam esse quæ mare salsum reddat. Alioquin se ipsum quo Antiquos impetit, telo confoderit; vt vel cæco patet. Ecquis autē expertus est falsam esse pluuiam quæ in mare decidit? Salsane quæ insulas irrigat maris ambitu conclusas? Sanè præ falsugine quam quotidie recipe-rent insulæ, crescerent in salis montes. In quibus si nugamur, iudicet lector æquus, an doctrina Aristotelis, eiūsque aduersus Antiquos argumenta has nugas trahant vinculis consequentiæ?

Cardani verò ex montibus Salis hanc maris falsitudinem deriuantis crassa est subtilitas: Quod ex annui Salis extractione montes illi consumerētur: vel si aliunde repararentur (vt de monte in India quem Oromenum vocat, Plinius scribit, ex cuius sale renascente maiorem quæstum rex faciat, quam ex Auri fodinis) sanè relinquitur hoc primum querendum, ex qua nempe materia sal ille repateretur. Et hæc erat prima quæstio.



## ARTIC. VI.

*Quo Empedoclis sententia exponitur.*

**R**isit Aristoteles Empedoclem vt poëticè loquutum, cum salis materiam vocauit terræ sudorem. Verùm si naturam sudoris, ortumq; eius contemplemur; non adeo videbitur impropria locutio. Primum sudoris sapor salus est vt plurimum. Prouenit autem ex materia crassa cum tenui è corpore per poros beneficio caloris euecta ad superficiem corporis; vbi, tenui in sublime rapta, crassior à frigido cogitur, quæ sudor vocatur. Eiusmodi verò vel non absimili materia terram abundare, salis nitri extrahendi ratio manifestat, quod ex cauernis potissimum locisque similibus opacis, atque squalentibus eruitur. Quin hunc in modum humores putrescentes faciliè salsum contrahunt saporem. Porro magnam esse vicinitatem inter salem nitrum & communem inde patet, quod in eo coquendo ni caueatur, totum nitrum, in merum salem faceßat, igne scilicet quo imprægnatur auolante. Quæ quidem causa est, cur in locis apricis nitrum non inueniatur soluto nimirum illo igne qui crassiori materie fuerat instar vehiculi. Crassior tamen illa restat materia quæ nihil aliud est quam sal verum. Quam faciliè autem sudorem calor naturalis promouet è corpore animalis: tam facile internus ille ignis, calorque naturalis hanc materiam ad terræ superficiem euehit: quam propterea Empedocles vocauit terræ sudorem non impropriè; eamque salis materiam & ipse & alij quos Aristoteles ibidem redarguit, existimarunt.

ARTIC.



## ARTIC. VII.

*Quo Empedoclis sententia cum Aristotelis opinione secundam Scaligeri mentem comparatur.*

Viduum est in præcedentibus quomodo sententia Aristotelis, prout eam Scaliger exponebat, & sua principia, & suas aduersus Antiquos rationes expugnabat. Verum supponimus, hanc fuisse Aristotelis mentem quam gratis ei affingit Scaliger; eamque sic acceptam cum Empedoclis aliorumque sententia comparamus. Inter quas eadem est differentia in materiae saluginis assignatione, quæ inter sudorem cuti corporis adhaerentem, & tenues illas partes quæ sursum auolant, his crassioribus relictis.

Aristoteles cum sectatoribus vult illud tenuissimum quod ascendens in meteorum cum humido iungitur fieri salis materiam. Empedocles verò illud quod crassius superficiem terræ relinquitur. Vtrum sit & Rationi, & experientiæ magis consentaneum, videre, est operæ pretium. Ab Experimentis incipiam quæ per artem distillatoriam demonstrant quasdam corporum solutorum partes tenuissimas statim in sublime ferri, ita ut in aquam conuersæ, si rursus, ac sæpius igni admoveantur, toties in altum abducantur. Quasdam verò sublidere, ita ut quoties aquam vel alium liquorem affundas eo euaporato substantiam eandem sed puriorem inuenias. Iam ad rem. Aristoteles ponit illos habitus siccos de genere primorum. Quandoquidem quas agnoscit exhalationes pro talis materia, eas sursum rapiasserit, ita ut in ignem facile



commutentur. Experientia verò probat salem esse de genere secundorum; cum si centies salem affusa aqua leniter coquas, eundem quem prius recipias, nec vnquam sublime petat. Quā expectas rationis sententiam nisi salem qui ignis calori moderato nō cedit. non esse materiam illam quæ Solis lōgè minorem igneo calorem tam facile sursum comitata est? Vrgeat vlteriùs ratio. Quæcumque à Sole, vel igne attollūtur, lapsa, facile ab iisdem rursus rapi, & sursum trahi solent. vt omnium inductione constat. Ergo eę exhalationes, vbi cū pluuiā deciderint, promptiùs cum eadem aqua iterum, atque iterum poterunt ascendere. Quod ita confirmatur. Quia nulla est ratio cur potiùs halitus vapidus denuo & sæpius eundem ascēsum repetat, quam aridus, qui cum corpus pluuiæ cōponit. Sicut enim attollitur vapidus à sole ita & siccus; Quorū in pluuiā coeuntium, & recidentium ille alter nēpe humidus rursus & sæpius à Sole attollitur. Quidni pariter & siccus? Sed quid opus longiori contentione; Cum rerum vniuersarum consensus comprobet eas naturas quæ à Sole vel igne sublime fieri solent, eandem ad ascensum facilitatem, quoties deuolutæ sunt, retinere? Vt inde manifestum sit, naturam ad ascendendum promptissimam qualis est halitus, non conuerti in salem, cuius natura subsistit ignem sustinens. Ac propterea longè conformius esse rationi, si asseramus cum Empedocle, materiam Salis esse terræ sudorem, seu illam partem crassiusculam, quæ cum tenui in terræ superficiem abducta, ibidem abs tenui sursum auolante deseritur, vt sudor. Sed huius rei veritas clarior fiet dicēdis.

ARTIC.



## ARTIC. VIII.

*Quo fœluginis natura, modũque quo mare fœlsum fit,  
aperitur.*

**O**ptimus ille est processus in caularum naturalium inuestigatione quo per artis contemplationem, ad viam naturæ contendimus: siquidem ars naturam imitatur. Inter autem artificiales operationes, nullæ propiũs ad naturales accedunt quam Chymicæ. Quin ipsamet natura earum author est, licet adiuta ab arte: quemadmodum natura in corpore humano purgationem, morbiq̃ue expulsionem molitur, licet id artis beneficio faciliũs assequatur. Ars igitur hæc Chymica nos quasi manu ducet ad hanc mirabilem naturæ operationem, nobisq̃ue ob oculos ponet id in quo quærendo tam multi laborarunt. Chymici ex rei cuiusvis cineribus aquæ ministerio sœlem extrahunt; qui aqua euaporata subsidit.

Non aliter inquam natura sœlem marinum conficit. Chymicus est Sol qui terram adurens ex eius veluti cineribus hanc salis elicit materiam, aquarum pluuiarum vi, quibuscum in fluuios, atque inde in mare vecta, aquis rursum à Sole sublatis, vel etiam aliorum abeuntibus, sœsam suam naturam manifestat. Sol enim, hanc materiam iuuat vt in summum terræ succedat, eamq̃ue ibi adustione sua à massa terrestri soluit; quam aqua veluti factio lixiuio cum cineribus secum rapit.

Sed fiet hoc clariis solutione dubiorum.



## ARTIC. IX.

*Quo aduersa argumenta diluuntur.*

**P**Rimum est quod non sentiarur sal in aquis illis. huius solutionem audiuius ex Scaligero, licet contra Aristotelem. Sed vt ratio fiat clarior. dilue pugillum salis in aquæ dulcis modio vno vel pluribus, salisne saporem senties: Si tamen eam lympham calore modico educas; salem tuum tandem inuenies, & quem in tanta vi aquæ nō sentiebas, gustabis aqua solutum. Eundem in modum qui exiguus est sal ad tantam aquarum copiam, non gustu percipitur; vbi verò in Oceanum deuecti laterices sursum rursus à Solis calore euecti sunt, vel aliorum, vt dictum est, abierunt (nā quātum aquæ ingreditur, cum mare non crescat, tantum exire necesse est) sal ille aquis dulcibus expeditus in eo quasi communi Salis horreo, manet reconditus. En tibi quod aduersus Conimbricenses clatum fecimus. Quomodo cum mare à principio dulce esset, quotidiano salis prouentu quem aquæ exhalaturæ secum trahebant, maris non crescentis paulatim falsedo creuerit. Donec salem iam copiosum homines sufficienter propagati in suū vsum usurpare ceperunt, quotidiana Salis vectura restaurādum.

Dubia denique illa, cur scilicet tanta dulcium aquarum multitudo aduenientem illum salem non vicerit, ac in suam naturam mutarit, valent quidem aduersus Aristotelem, eiusq; doctrinam euertunt; quòd qui contrarium infirmius in naturam contrarij longè fortioris mutari doceat, nō possit ostendere. Cur modicæ illæ pluuiæ ab immēsi Pelagi frigore non



re non victæ sint, atque in aquarum dulcium naturam mutant. Quæ argumenta, illa Priscum nostraque despuit assertio, dum eas particulas non ita destrui posse freta experimento quotidiano, constanter tenet. Quod denique lacus & stagna, & fluij falsi non euadant, ratio ex dictis manifesta est. Quia tantum aquæ quotidie ingreditur, vt minima pars à Sole absorbeatur: Atque vt sal ingreditur, sic cum eadem aqua fluente egreditur.


Cæterum & aqua stagnorum, & lacuum magis accedit ad falsuginem quam fluiatilis, quod non æquè fluxa. Quin plures dantur lacus falsi, propter rationes, pro maris falsugine adductas. Si enim non effluat eorum aqua: sed quantum influit, tantum sol auferat; nil impedit eos falsos esse, pro copia salis quam aquæ subeuntes secum trahunt.

Quin quod diximus de aquis stagnorum ad falsuginem accedentibus. experiētia didicerunt nostrates in eo tractu Lotharingiæ qui à Sale vocatur *le Saulnois*, patria mihi charissima. Memini enim me patris mei, cuius mihi suauissima recordatio, comitem, in quædam nostra prædia, quæ præaltis arundinibus consita erant, ab illo sæpius audiuisse. Quæ cernis hic quasi arboribus sata, prata optima fuerunt, in quibus pro hisce arundinibus vidi herbam mollem, ac tenuem. Aquis autem ex stagno Lindrensi refluentibus putrefacta gleba has arundines pro fœno tenui produxit. Cæterum est stagnum illud vastum admodum: cuius aquæ primò non erant noxiæ; donec tractu temporis falsugine contracta, steriles reddunt valles; quoque uersum fluij ab illo deducti restagnant.

Sed satis iam multa de falsuginis materia,



quæ idcirco hunc in locum contulimus; vt Aristotelis errore conuicto; eius præcipuam causam sciremus illam quam de misto tenuit sententiam; deque partium eius interitu. Cum enim capere non posset quomodo modicum Salis in tam vasto aquarum fluuiatiliū pondere naturam propriam seruaret, ea commentus est quibus nullus suorum colorem potest dare; quin qua parte Aristotelem sustinere volunt, illum obterant: Antiquisque aduersus ipsum arma ministrent; confirmantes eorum sententiam quam Aristoteli destruere maximè animus erat.



## INTENTIO II.

### De æstu maris.

#### ARTIC. I.

*Quo æstus maris natura, causaq; ex Scaligero explicantur.*

**A**cturus de maris motu verbis Scaligeri exercit. 52. in Cardanum utar. Fortasse magis conducebat ad opinionem bonæ existimationis silentium, quam audacia. Nam quod vbiq; clamare soleo, nos nihil scire; maximè conuenit huic disquisitioni quæ maris tractat motum. Animi tamen gratia exerceamus nos; idque sine culpa sanè, quemadmodum & sine ambitione. Nuge multe, multa temeritas, multa superstitiones, multa ineptiæ, inter quas & nostræ. Haud temerè expetimus scire à quo moueatur. Nam certis,  
stans



statifq; temporibus agitur progressionibus, atq; regressionibus. Igitur à certo motore. Interno an externo? Solus gravitatis motus internum habet motorem, formam: iste autem cum sit ex contrariis compositus motibus, ipseque in se diuersus, atque etiam cessans: si est ab interno principio, iam mare animal est. Sola namque anima, quanquam ne ea quidem omnis, multiplex motor est. Quod si animal non est, extrinsecus ei motus accidit hic. An verò hic omnis? ita dico omnis, idest segnior, ocyor, procursus, recursus? Hæc Scaliger. Deinde varietatem illius motus secundum diuersa loca præfatus, ita pergit, Quibus ex observationibus colligi potest, Oceani, recursum duodecima semper hora terminari. Quocirca omnes illæ causæ sunt inuestigandæ. Prima reciprocationis: secunda varietatis: tertia celeritatis: quarta cessationis: quinta priuationis: sexta contrarietatis. Est enim recursio, cum retro legit decursum spatium. Varietas, quia non iisdem horis decursio finitur. Celeritas, propterea quod segnior in quibusdam locis. Cessatio, ubi neutrum fit. Priuatio, quoniam certis, uti diximus locis currit, nec recurrit. Contrarietas, velut in nouilunio, & plenilunio incrementum. His ita constitutis, dicendum est. Mare Luna sequi motum diurnum, idest syderis ipsius corpus, quæ vehitur quotidiana reuolutione. Hæc sunt quæ ex tanto viro visum est præsupponere, eiusque de motu maris sententiam, quæ est communior proponere, ut quàm à vero aberret, ostendamus.



## ARTIC. II.

*Quo Scaligeri sententia refutatur.*

**E**Rror huius sententiæ liquebit in examine rationum Scaligeri, responsionumque, quibus quæstiones quasdam soluere conatur. Prima quæstio erat, cur fiat, vt tot horas, nempe sex ducatur à Luna mare? Ita respondet. Cæli dimidium cum semper extet, in duos id quadrantes diuidi, necesse est, propter cæli punctum medium, quod ab utroque finitoris puncto distat æqualiter vtrinque. Nulla enim aliæ duæ lineæ ad illum vnum punctum perducì possunt inter se æquales. Quare necessariò diuiditur ibi in duas partes hemisphærium. Atque hæc est causa quare & ad ipsum, & ab ipso scilicet verticali fiant mutationes. Cetera namque omnes lineæ ad quoduis punctum à finitore ductæ inæquales inter se sunt. Si enim aqua sequitur, sequetur vsque ad summum, summum autem *μεταπάνω*. Incipit autem à finitore, & in ipso desinit. quia hoc tanto cælo tegitur terræ tanta pars, quantam terminat quaquauersum visus. At totum semicælum duodecim cum sit horarum, ad eius dimidium Oceani motus temporis illius dimidium explebit ob incrementum, ad summum illud punctum, alterum dimidium exhauriet, ad declinationem. Hæc ille.

Huiusce commentileuitatem nequeo satis de-  
mirari, vt aquæ maris à finitore ad punctum ver-  
ticale Lunam sequantur. Enimvero punctum il-  
lud quod hemisphærium æqualiter diuidit, cum  
respectu nostri dicatur; vbique est æqualiter. Nec  
vlla pars cæli est cui non æquè punctum illud fi-  
nitoris diuisium attribuatur. Quin vbi mare inci-

pit



pit decurrere, quod decursus eius initium Scaliger vocat finitorem, respectu ipsius maris incipientis moueri est medium cœli, & quocunque, motu suo pergit, vbique æqualiter medium cœli dici potest. ita vt vbi definit currere non magis sit cœli summitas, quàm vbi incepit: Ac proinde vana sit Scaligeri ratio, mare scilicet ibi cessare, quia ad summitatem peruenit. Vbique enim est cœli summitas, & punctum illud verticale.

Sed si mare sequitur Lunam suos amores, vt ait, cur ibi cessat ipsius amor? cur non pergit vltèriùs? An quia littora cursum eius siliunt? Si hæc sit causa, non quia ad punctum verticale peruenit. Sed si littora ipsius frænant impetum, cur non saltem ibi consistit? cûrve retrocedendo fugit suos amores? Quoniam, inquit repercussum à littore se recipit in locum naturalem nempe profundiorum. At contrarium videtur, mare nempe humilius est iuxta litus quàm circa medium. Quod nautæ experiuntur se à littoribus recedentes ascendere; vt propterea dicantur ire in altum. Mare igitur ab amorum suorum prosecutione recurrens, dum se in medium contrahit, non descendit, sed ascendit. Vnde hoc? Vel sanè si mare quod priùs erat altum in medio, si recurrens descendit ad medium iam factum humilius; debuit Scaliger causam afferre vnde hæc procedat maris demissio. Prius enim in medio erat altius.

Sed cur retrogressum tam citò recurrit, vt in Etripo vbi septies in die dicitur refluere? Verùm esto mane sequatur Lunam præsentem vsque ad meridiem: à meridie verò vsq; ad noctem sese in suum locum reducat. Sub noctem Luna quæ manè



præsens eraterit prorsus opposita atque remotissima, ita ut mare si desiderio illius duceretur, deberet, cursu in Orientem verso illi obviam ire. Cur haud secus atq; matutinis horis voluitur in Occidentem? Sequiturne ibi Lunam suos amores? Quin potius eos fugere videtur, cum ab illis recedit. Ita ut potius naturalis esset maris Africani æstus in Orientem sese voluentis, cuius rei causam Scaliger tribuit littoris depressioni, atque angustis. Similiter, inquam, quodlibet mare deberet Lunæ venienti occurrere, ut recursum eam comitaretur, diutiusque ea frueretur. Quid quod Luna quotidie tardius oritur? æstus maris expectatne ipsius ortum? Ergo quotidie tardius fiet hic motus.

Quam verò rationem urget aduersus Cardanum, qui aquas à Sole duci putabat, ipsi pariter officit Scaligero, Si, inquit Scaliger, Sole agerentur, non Luna, haud vnquam fieret æstuum intermissio. Non enim patitur à Luna Sol, At in Luna quadris cessat cursus. Contrà quæro ego, si à Luna fiat hic æstus, cur cesset Lunæ quadris? Tuncne impotentior Luna quam nouilunio? At nouiluniis crementa fieri ad Indi fluuij littus, author est ipsemet. Cur non crescente Luna crescit & illud? Quam causam attulerit eius quod ipse refert, In Calicutio mari crementa fieri pleniluniis, contrà ad Indi fluminis littus nouiluniis? Hæc ergo sententia, quæ mare ab Luna ferri, ac referri docet, & si communior, nullam speciem veritatis habere mihi visa est.

ARTIC.



## ARTIC. III.

*De Picolominæi, aliorumq; sententiâ.*

**Q**uid Picolominæus? sic habet libro meteororum cap. 20. Loquendo verò de altero motu Maris, qui aestus dicitur, & refluxus, hic profectò cum sit inflatio, ac elatio quedam Aqua, & contractio, ex alio proximo principio, quam ex halitu, & spiritu quodam prodire non potest, quia cum aqua, & ei iuncta Terra sit commixtus: hinc qui hunc aestum accuratè seruant, percipiunt à fundo, & infima Aquæ parte initium sumere, ac inde per alias extendi, atque eleuari eiusmodi spiritus, cum maximè producantur à Sole, maximè etiam cum eo connexionem habent, & sympathiam, & propterea putandum est, præsertim à Solis radiis excitari, regulam tamen, & ordinem recipere à Luna, quia cum humore aqueo sunt iuncti, aded ut ad hunc motum producendum conspiret motus diurnus primi Mobilis, & conspiret Sol suis radiis eo motu reuolutus, conspiret Luna sua proprietate connexa cum humore, conspirent spiritus effusi per aerem commixti cum aqua, & iuncti cum terra. Propterea non quia illi halitus à Luna excalescant, vel refrigerentur, ita excitantur, sed quia sua conditione cum eo sunt iuncti, sympathiamque habent, & quia moto neruo moventur, iuncta cum eo, & exiguo facta permutatione in principio, fit maxima in pendentibus ex eo, & ided iure optimo, elatio & excitatio eorum spirituum sequitur, & amulatur, pro facultate, motum suorum principiorum, & præsertim Lune. Est igitur aestus Maris elatio, & contractio aquarum eius, proximè pendens ex commotione spirituum permixtorum cum aqua, & sequentium, & amulantium, pro facultate Motum diurnum receptum in Luna, tanquam



*principium eorum, ob consensionem quam habent cum eo, initium suscipiens à parte infima aquæ, vt pro viribus in motu cum Vniuerso conformetur.*

Hæc Picolominæus partim rationi consentanea, partim repugnantia. Quod enim illius fluxus, refluxusque magis regimen Lunæ tribuat, id rationes prædictæ falsi euincunt, vt clarius ex dicendis elucescet.

## ARTICVLVS V.

*Cur mare sit elatius in medio quam iuxta littus?*

**C**ausæ æstus maris explicatio præmittit aliis causæ notitiam, Cur scilicet mare circa medium magis, quàm iuxta littus extollatur. Cuius ratio facilis erit, si quæ verissima Picolominæus mox docuit de halitibus, ac spiritibus calidis, quibus mare grauidatur, memoria recolamus. Addamus quæ in corpore animali docet Experientia, frigore scilicet hyberno, partes calidiores intro se recipere, ac sese quasi in centrū cogere, vt propterea hyeme animantia melius concoquant quàm æstate. Id autem in aliis obseruare facile est, ex quo & terræ motus, & fulguris, & tonitruui, & compluriū in aëre inflammationum causa petenda est, vt suo loco explicabitur. Quantū verò præsentī quæstioni satis est, consideremus flumina vndique aquam frigidam in mare aduehere, quæ aqua circa littus potissimum sese diffundat. Hinc spiritus illi atque halitus, partesque calidæ sese subducentes, haud secus atque hyemali rigore calidæ animalis partes inum petunt, vndique in medium mare se contrahant: vbi propter congregationem vim nactæ maiorem



maiolem rarefactione fui mare inflent: quod tamē ibi copfistat, nec facilē ad littus sese diffundat, ob amicitiam partium, quæ vt magis vniantur appetunt figuram globosam. Vnde fit, vt in scypho, vel alio vase aqua superemineat, antequam effluat. Hæc, inquam, luculenta est elationis maris in medio ratio, quæque vix quisquam excogitauerit meliorem.

## ARTIC. VI.

*Vera causa motus maris explicatio.*

**H**Æc intellecta ianuam referant ad eruendā quam quærimus veritatem. Facile namque iam fuerit cuius, quomodo materia illa calida in medium mare continuē fluens, viribus auctis, incalcescat, haud secus atque in animali accenditur febrilis materia.

Quam verò falsum sit illud Scaligeri fundamentum, non posse mare habere principium sui motus internum, ni sit animal, docent cū alia quamplurima, tum in primis vix in cupa sponte feruentes, vinumque in dolio bulliens, ex cuius motu concepta feruore, ad notitiam causæ motus marini traducimur. Mare enim quodam horum halituum, spirituumque feruore intumescens extendit sese, & in Occidentem, Orientemque, ac pariter in omnes partes sese diffundit. Atque hinc est, vt parte hac occiduum cursum tenente, illa ortium petat. Facta autem illo motu dissolutione talium spirituum ex parte, mare à littoribus percussū se contrahit.



*Cur statis temporibus motus ille fiat?*

**E**X consideratione febrium intermittentium, facile est fixi huius tēporis quo maris motus recurrit causam rimari. Quemadmodū enim post accessionem febris exhalato, atque exspirato calore, atque adeò igne, qui corpus durante febre depopulabatur, in sequentem, vel alterum, vel tertium diem certum, tamen accessio differtur, dum nouū ardoris fomitem denuò concocta materia suppetet, ita per frequentem æstum euaporata magna parte materiæ quæ hunc motum citabat, reliqua supprimitur à frigore domināte, donec post æqualem tēporis circuitū, hæc materia continuis prouētibz in æquale pondus aucta, similes exerit vires prioribus, similemque motum ciet. Et sicut copia, qualitasque materiæ efficit, vt tandiu duret febris accessio, ita pro ratione materiæ illius calidæ, proutque natura, certi dies ipsius euaporationi destinantur, quibus hic æstus continuat.

## ARTIC. VIII.

*Vnde fiat hæc motus reciprocatio?*

**C**Æterū in illa maris agitatione contingit tria euenire quæ huius caloris vim retundat. Primum est, quod plurimæ harū partium calidatū dissipentur, vnde reliquæ fiant debiliores: alterum est, quod hæ partes, quæ coactæ dū sese explicaret aquarū pondus quoquouersum pepulerant, iā dispersæ vicissim vincuntur à frigido à quo alternatæ aquæ condensatæ sese in priorem locū cōtrahunt.

Quæ



Quæ enim partes igneæ sui congregatione accenduntur (vis namque congregata maior) dissipatæ eadem languescunt victæ à frigidis. Tertium est littorum percussio qua fit, vt aquæ repulsæ facilius eas exhalationes, spiritusque reprimant, atque facta compressione sese in locum reducant.

Simile quiddam euenit in arteriæ pulsu reciproco; cuius diastole fit à partibus calidis igneisque ex corde sese quoquouersum diffundentibus, frigidâsque pellere conantibus: Systole verò fit frigidarum virtute quæ calidas illas debilitatas vicissim repellunt sui contractione. Porro calidæ infirmantur ea diductione, tum quia plures earum abscedunt per transpirationem; tum quia reliquæ disgregatæ facilius à frigidis reprimuntur, tum quia ab extremitatibus repelluntur.

Demum quemadmodum materia quam cor continuè recipit, nouas calori repulso suggerit vires, vt identidem pulsum illum repetat (ni enim aliunde accipit, corpore ipso tanquam pabulo vititur ille ignis:) ferè similem in modum materia illa calida in mari per recursum à frigidis partibus in vnum congregata, addita quoque vi spirituum quos ex Sole, cæterisque astris, Aere, Terra, atque vndique Natura suppeditat, præcedentem motum repetit, ac sese dilatans rursus, vt prius aquas maris in extrema quoquouersum agit.

Magna, fateor, est disparitas, eo quod in animali nexus, proportioque frigoris, & calidi per totam vitam hunc pulsum, ac repulsum continuet. In mari verò propter magnam inæqualitatem hæc motus reciprocatio, pugnaque calidi & frigidi



paucis diebus terminetur. Quapropter commodior erit similitudo quam induximus vuarum vel musti in cupa feruentium, in quibus licet inanimatis, motus ille quandam seruat reciprocationem. Videas enim bullas sese extollentes, atque identidem subsidentes; rursus surgentes, ac vicissim sese deprimentes. Et quidem ob easdem causas, quas & in maris, & in arteriæ motu reciproco notauimus. Per bullas namque aliquid spirituum calidorum exit, vnde quod superest caloris à frigore paruo negotio vincitur. Hinc fit vt res illa recidat, iterum, iterumque reparato feruore surrectura. Propter eandem causam mare, etiam si à nullo littore pelleretur, attamen contrahens sese retrocederet, licet non fortè pari celeritate.

## ARTIC. IX.

*Cur mare pluribus locis non aestuet?*

**Q**Uod in flumine cernimus cuius aqua per alueum capacem segnis, per angustum eadem rapida est, id ipsum de maris aestu putandum. Illud namque aquarum maris incrementum per vastissimum æquor dispersum vix animaduertitur, quod tamen angustiis contractum iam celerius currit, longumque facit progressum. Hinc est quod qui mari Mediterraneo valdè obscurus est aestus, freto Adriatico sit validus.

Sed & æquali seruato spacio, motus tamen processu fit vehementior: cuius cape rationem. Sit locus in quo motus incipit: Pars illa prima aquæ quæ rarefit, parum mouetur sui extensione. Secunda motu primæ pellitur, & itidem quantum  
illa



illa tantundem hæc sui rarefactione, ac dilatatione procedit. Quarta item, & quinta, & reliquæ. Semper enim pars sequens præcedentium omnium impulsu fertur, & internis halitibus inflata ulterius progreditur. Quod ergo accidit in charta multis plicis contracta, si illæ simul explicentur, ut parte posteriore fere immota, anterior valde protendatur, hoc ipsum in maris motu fieri necessarium est, ut processu fiat velocior.

Videntur & aliæ causæ non omittendæ, propter quas nullus fiat maris æstus certis locis. Hæ potissimum sunt calor & frigus nimium. Quippe quæadmodum spiritus animalis functio duobus modis cessat, vel dissipatione, quæ fit nimia pororum dilatatione, vel strangulatione, quæ nimiam compressionem consequitur, ita materia illa calida vel nimio loci frigore impedita, vel Solis radiis resoluta, æstus causa nulla restat. Hinc est, ut, referente Piccolomineo, sub Æquatore, ubi maxime viget calor, mare nullum æstum pati dicatur. Enimvero spiritus illi, atque halitus sunt æstus materia, atque causa, modo tamen neque nimium comprimentur, neque præ vi nimia victores ruptis aquæ vinculis auolent.

## ARTIC. X.

*Cur alicubi eodem semper cursu feratur Oceanus?*

**E**odem semper cursu fertur Oceanus ex Oriente in Occidentem iuxta Pariam, inquit Scaliger sub octavo parallelo Australi iacet insula Maidegasca cum ingens, tum opulenta. Ad quæ viginti diebus circiter ex Moabar India perueniunt mercatores. Atq; ij aquali ventorum ve-



*reditum comparare nequeant celeriores, quàm qui tribus mensibus perficiatur. Id propterea fit quod semper ex Oriente in Occidentem perpetuus est Oceani cursus. Hæc ille.*

Causam tamen non tangit quæ mihi talis visa est. Vt mare illic sit altius, atque propendens; aqualque fluminum quas undique recipit plurimas in mare vastum quod sit inferius fluxu continuo ducat, ibidem (quod omnibus fluminum aquis contingit in mare vectis) à Sole attrahendas, vel aliorum abituras, ut dicetur.

## ARTIC. XI.

*De septeno Euripi refluxu.*

**Q**UOD Euripus septenum dietim refluxum patiat, causa hæc videtur. Citò propter freti naturam æstus maris accipit, quem refringunt, ac reperiunt angustia, dum tamen adhuc maris continuat cursus qui quidem aquas ab illis faucibus reiecit iterum, ac tertio urget, & sæpius. Quandiu itaque cursus maris continuat, resiliens illas aquas toties compellit. Fortè tamen aliquid certius diceremus, si modum illius recursus nosceremus, alioquin facti non satis cogniti, nequaquam causam compertam habuerimus.

## ARTIC. XII.

*Cur alibi pleniluniis, alibi nouiluniis æstus fiant?*

**N**ON parum hic mouendus restat lapis, Cur alibi pleniluniis, alibi nouiluniis mare moueatur.



ueatur. Attende quam possumus rationem expedire. Debet effectalis inter vtrumque locum respectus, atque proportio, vt vnde plenilunio motus oritur, fluxus feratur ad eum locum, vel prope eum locum ex quo vicissim nouilunio motus maris cietur. Quod autem videmus in fluuiis, vt spumas ad littus fluenti vis amendet: quod item in corpore, vt æstus sanguinis quicquid in ea massa impurius est in venarum extrema emittat, id de eo maris impetu cogitandum est, qui fit plenilunio. Halituum illorum qui motum eiusmodi concitant, veluti fæces, vel materiam non satis concoctam, vi fluctus in extremum illud eiici, prope locum illum vnde nouilunio motus vicissim oriatur. Quin hoc ipsum docet febris, atque aliorum morborum vis, quæ sæpe corruptos humores qui morbum accendunt in extremas corporis partes propellit. Quid facturos? rursus in partem obsessam vires suas exerturos. Quippe ibidem incalescentes sese exacuunt, ac partem inflammant. Simile quiddam subit de his fæcibus cogitare, quæ cum sint commotionis maris veluti quoddam fermentum in illas partes reiectæ iungunt se cum aliis eiusdem naturæ, ibique lapsu temporis ab ingredientibus spiritibus vim sufficientem nactæ mare fermentant, vt nouilunio in motus feratur reciprocos. Quod verò motus ille qui plenilunio fit, operatus est, vt fæces illas huc inde compelleret; id ipsum alternatim nouilunio refert motus contrarius, vt hinc eò fæces similes reducat, idem prorsus plenilunio sequenti, auctis viribus, præstituras.



*Conclusio questionis.*

**A**Ntequam disputationem concludamus, liceat paulisper digredi in medicos, quos erroridem, qui philosophos in æstus maris scrutinio, fefellit in febrium continuarum, morborumque acutorum æstus examine; morbi scilicet incrementum in septimum diem Lunæ tribuentes. Quod si morbis Solis contingeret qui nouilunio nati ad primam Lunæ quadram, accretionem sumunt, id veri aliquam similitudinem haberet. Verum cum id incrementum æquè conueniat morbis eiusdem Naturæ quocunque tempore oriantur, qua mente doceant morbum qui biduo ante plenilunium ortus ad septimum diem sese exauit, Lunæ sequi Naturam, atque moderamen. Cur non decresciente Luna, simul decrescit? vel cur illa decresciente augeri continuat? Ea enim vis est in fluxionis Lunaris, ut quæ ab illa mutationem accipiunt, simul cum illa mutantur. Alioquin prorsus à ratione alienum est, morbum quæpiam accretionis suæ causam, regulamque, à Luna decresciente accipere. Id verò septenario dierum numero veritas adscribit, quod temporis spatium materiæ concoctio requirit. Quod de medicina paucis contractum æquam vim habet in eos qui causam æstus maris Lunæ acceptam ferunt. Hoc si verum sit, Cur non vbique plenilunio cum maximè valet, hunc motum concitet? Cur alibi plenilunium, alibi nouilunium has maris ciet commotiones? Si motus hic à Luna regitur, quæ sit, ut Lunam aduersam terra regente, nihilomi-



hilominus fiat idem æstus ac fluxus maris, qui fiebat Luna supernè in mare influente? Sed frustra fuerit, ac molestum, quæ dicta sunt repetere, quibus eandem causam quam aliorum complurium naturæ effectuum opificem monstrabimus, huius quoque maris cursus, ac recursus effectricem ostendimus. Maximè verò id docuit morborum materia quæ & certum ad concoctionem tempus requirit, & stas, fixisque temporibus sæpius inflammatur. Non tamen parum huc conferet perpetuum montis Ætnæ in Sicilia incendium, si unde fiat, quibusque alatur, considerabimus.


## ARTIC. XIV.

*De causa montis Ætnæ incendiij.*

**I**Dcirco prædictis adiicimus Siculi illius montis iuge incendium, quoniam materia quæ cōtinuum illi inflammationi ministrat alimentum cum ex aqua procedat, non dubiam nostræ sententiæ facit fidem, quòd idem sit ignis qui ex mari vicino, subterraneis ductibus, euadens, illic inflammatur, & qui ab aquis in mari detentus tantos in eo motus citet. Sed audire lubet quæ paucis Iustinus, at philosophicè prorsus de huius incendiij causa protulit, lib. 4. histor. cap. 1. *Accedunt, inquit, vicini, & perpetui Ætnæ montis ignes, & insularum Æolidum, veluti ipsis vndis alatur incendium. Neque enim in tam angustis terminis aliter durare tot sæculis tantus ignis potuisset, nisi humoris nutrimentis aleretur. Paucis interiectis id ipsum explicat. Eadē causa etiā Ætnæ montis perpetuos ignes facit. Nam aquarum ille cōcursus, raptum secum spiritum in imū fundum trahit, atque ibi suffocatū tandiu tenet, donec per spiramenta terra d. ffu-*



*sus nutrimenta ignis incendat. Rectè Iustinus quæ per illos spiritus materiam igni idoneam intelligit. Hanc enim materiam sub ima montis illius fundamenta intrusam paulatim deserit humor, ab indigena calore pulsus, donec siccata hæc materies inflamminatur. Hac ratione plerique lacus bitumen alunt. Frigido nimirum humido calidum conseruante ne exspiret vt iam sæpius iterauimus. Hoc, inquam, est calidum quod aquis conclusum, auctis viribus, statuto tempore, eas mouet, donec eodem dissipato, atque auolante, illæ in pristinum alueum reuertuntur. Hactenus de motu maris;*



## INTENTIO III.

De ortu fluminum, ac fontium.

### ARTIC. I.

*Aristotelis sententia ex Picolomineo.*

**P**icolomineus libro meteororum cap. 16. Dicamus, inquit, cum Aristotele in terra partibus à centro distantioribus, & præsertim, in montibus, à Sole magna ex parte eleuatis, & conseruatis, constantibus ex impuriore, & rariore terra, meatus, voragines, antra & cauitates varias reperiri, in quibus vaporum magna copia includitur, qui partim sunt geniti ex aere illo, qui attrahitur, dum meatus oriuntur, ne detur vacuum qui mox à frigore terræ condensantur, partim producuntur intra terram à radijs Solis, quorum vis effunditur, & meat etiam per terra cauitates, ex huiusmodi vaporibus, deinde magis à frigore condensatis, aqua gignitur, non secus ac gignatur in media aeris regione, & gignitur diuisa in exiguas partes in va-



in variis montium cauitatibus, quæ mox descendens in loco aliquo communi congregatur, ex quo ortum ducit fons qui per continuatam illam partium aqua generati nem, & congregationem conseruatur, & fluuiū parit continenter fluentem, pro cuius accretione etiā conducunt pluentes aqua, illæ tamen præter essentiam fluuij indicari debent. &c.

## ARTIC. II.

*Quo contraria sententia à Scaligero probatur.*

**I**llam sententiam etsi Aristotelis Peripateticorumque communē, multi tamē cum Theologi, tum Philosophi grauissimi damnant, ab aquis maris cæcis ductibus per terram sparsis fontes surgere affirmantes. Hanc sententiā secutus Scaliger eam probat exerc. 46. contra Card. Cui Scaligero hac parte subscribentes præcipua eius argumenta ab experientia ducta proferemus rati ea plurimum ponderis habere. Quæro, inquit. Quibus nature principijs fluuij descendunt ex altissimis montibus. Iugum est luculentissimum in summis Alpibus Salassorum, Cenisio par, aut etiā fortasse altius. Ex eo Isara fluuius, qui dicitur Artus ab indigenis, in Galliam. Durias altrinssecus in Italiam præcipitatur. Deinde quibusdam interiectis. Quærendum sese offert, quid in summa Cenisij planicie faciat lacum illum, cūque viuis purum scatebris. Vidimus enim, videntque Muliones quotidie. Idēque si nescis Truttas fert. At ei campo summo, celsissimo, latissimo, planissimo nihil imminet. Talem quanquam pusillum habet ager cui Defesso nomen est, haud ita procul à rusculo nostro, in montis summi vertice, quo nullus ibi, circumque locus altior assurgit. Nec longius ab hoc, alterū non maiorem, quem Cranā vocant. Vtrinque valles: ad altera latera colles humiles. Pecora, atque armenta quotidie potant: aqua nunquam deficiunt. Nixes eo liquantur nullæ. Pluuia non largiores, aut crebriores



crebriores, quàm aliis in locis. Nèque est vnde per deuexa demittantur, quæ in eo tanquam in sinu colligi queant. Iugitamenque supremum est supercilium. Hæc inquam, p'uri-  
bus in locis clara experientia magni est momenti ad astruendam fontium ex mari per subterraneos ductus originem.

### ARTIC. III.

*Quo occurritur obiectioni à salugine maris petita.*

**F**Acilè autem refellit obiectionē à maris salugine deductam. Percolatur, inquit, quemadmodum philosophus docet in secundo Meteororū: sicut manifestum, atque quotidiano experimento in littoribus Africa, iuxta mare è scrobe facta dulces hauriunt. Et quidem motum, vt nautæ aquam salinam per arenam transmittentes dulcem faciant. Quod verò quis obiiciat, Cur ergo potius hoc in monte quàm in illo fiant scatebre, æquè facessit negotium illis qui asserunt ex aere atque vaporibus condensatis fontes oriri. Ridiculū verò dicere quod motus aquæ sub terram eam concuteret, quæ non concutit aquæ ductum. Cum etiam mare flumina cūcta recipiat, ineptum est putare mare fluminibus non suffecturum. Nā & quas in nubes emittit, aquas mare easdē lapsas pluuiis per flumina recuperat, vt quæ eò confluunt cum ex imbribus, tum ex fluitis, possint pluuiis, & fluminibus sufficere.

Quod verò flumina crescant & decrescāt, id fit pluuiarū, & solutarū nimirū ratione Denique prudentissimus ille rerū omnium Architectus eos subterraneos aquæ ductus tam doctè coaptauit oneri ferendo



ferendo, atque seruando, vt omni nos metu liberet. Hæc rectè Scaliger, licèt paulò pluribus.

## ARTIC. IV.

*Quo Scaligeri sententia de ascensu aquarum refellitur.*

**E**Rrat nihilominus meo quidè iudicio, cùm causam quærens ascensionis aquarum (si quipem longè altius assurgunt quam sit mare, vnde ortæ dicuntur) eam conatur demonstrare per ascensum aquæ vasis iniecto saxo. Etenim si quemadmodum saxum in vas iniectum efficit, vt aqua per tubos hinc inde ascendat: ita pondus maris causa esset cur aquæ per meatus occultos terrâ subeuntes tali pondere pressæ ascenderent: sequeretur pariratione factò tubo curuo qui labro capaci aquam maris labentem accipiens rursus per alterum extremum eam sursum duceret, aquam ascensuram, quantum tubus ille duceret. Non enim minus mare in eum canalem præceps pondere suo lapsam aquam premeret ad ascensum, quam premit aquas illas quæ cuniculis terram subeunt. Nō tamen dubito quin consequens illud experientia doctura sit falsissimū. Neque enim per talē tubum in mare immissum aquæ multò altius quàm mare tollerentur.

Adde quod similitudo quam affert Scaliger saxi in aquam demissi non congruit. Neque enim aqua maris præcipitatur in eos ductus terrestres, quemadmodum fingit de saxo, sed quemadmodū saxum per aquam descendit, ita mare per eos meatus. At saxum ita descendens non cogeret aquam per tubū ascendere. Ergo neque mare tali descensu aquā dulcē redditā sublimē aget. Quid dico, mare



illos subterraneos canales subire non magno impetu ruens? Quin debet colari vt dulcescat, ergo per meatus valdè angustos quosque sensim transeat. Ergo ibi vis maris sistitur, ac frangitur, vt nequaquam premat aquam iam factam potabilem, vbicunque eandem edulcoretur.

Alia quoque grauis est difficultas in illa maris colatione, quam non opinor animaduertisse Scaligerum, quamque suo loco propositam, Deo dante, resoluemus.

### A R T I C. V.

#### *Quomodo aqua marina surgant in fontes.*

**Q**Vo igitur vehiculo scandunt aquæ maris factæ subterraneæ, si quidem id Scaliger ignorauit? Id non debuit esse obscurum ei qui viderat aquam igne submisso per euaporationem ascendere, eandemque rursus obice facto condensatam, pristina forma recepta recidere. Est enim in visceribus terræ penetralibus ignis intestinus qui vt mineralia, metalla, aliâque permulta cōcoquit, ita aquam subiens eandem sursum vehit in vapores, qui si petreum retinaculum inueniant, in aquâ resoluti quærunt exitû. Quò plures autem atque copiosiores stillæ eiusmodi ex pluribus locis in vnum confluxerint, eò vberior fit scaturigo.

Ad scaturiginē ergo requiritur vt ascensus vaporū ab imo sit facilis, alioquin si impeditus, resoluti identidē cadunt, haud secus ac in olla videmus fumos ab operculo retentos, resolutosque recidere. Necessē est præterea, vt ij vapores in altū euecti ditissime, atque densitate loci cohibeantur. Ob

primam



primam causam, terra pinguis quod tenacior, ac densior minus scaturit fontibus, sed puteis apta. Ob secundā, solū arenosum minus aptū fonticulis, nisi aliunde descendant. Quod verò saxosum est ac prædurum in summitate, quia inferius arenosum, vel plures, ac faciles habet hiatus, ac spiracula, id solum aquarum scatebris opportunum.

## ARTIC. VI.

*Quo Scaligeri rationes in contrarium solvuntur.*

**R**ationes autem Scaligeri aduersus Aristotelem prout ponuntur, cum æquè hanc doctrinam petere videantur, sunt examinandæ. Cum decuplum inquit, ut aiunt, ut ego quidem reor amplio-rem quoque oporteat esse aerem, ad aquæ certam magnitudinem conficiendam, non inuenio sub terra spatium. Præterea tanto aere consumpto, subitus eueniret vacuum. Aut per quæ tandem foramina tantum ex hoc aere superiori descenderet, ed, ac subiret? Id an Aristotelē premat videbimus. Nos verò etsi non dicamus fontes fieri ex aere in aquā conuerso, sed ex vaporibus qui infernè ascendunt, ut dictum est, videmur tamen eandē difficultatem pati. Quis namque possit inueniri spatiū tantorum vaporū capax? Respondeo non esse difficile conceptu, quomodo cum plurimis in locis fiat hæc vaporū resolutio in aquā, hæc solutio paulatim fiat, ideoque vapores paulatim ascendāt, ut non necesse sit tantā eorū copiam affatim surgere, nec iis condensatis dari vacuū, cū quantū desatur in aquā superius, tantū infernus aquæ alueus cōtinuè subministret, qui præcedentium locum occupent. Nec



video quodnam hac in re Scaliger inuenerit obstaculum.

## ARTIC. VII.

*Quo aduersus Aristotele earum rationum vis expenditur.*

**I**lle tamen rationes si magis vrgeantur, Aristotelicos comprimunt. Quæro unde fiat, ut vel aer vel vapores supernè venientes terra cōclusi in humorem conuertantur? An à frigore loci? At hyberno tempore cāuitates illæ exaltuāt, nec minùs ex illis aquæ succedunt. Non tamen à frigore loci quid intepet. Sed si experientiæ credendum est, docet nos ars distillatoria, tegmine illo quod vapores coerceat valde calido, & ut manus cōtactum non admittat, vapores tamen cogi in aquam abeunte scilicet per poros angustissimos igne à quo vehiebantur. Sic frigus non cogit vapores, sed retinaculum. Ergo neque illic frigus est quod vel aerem, vel vapores coerceat: Verum dum corporis circumstantis densitas obsistit vaporū ascēsu; igne per angustias euadente, humidū illud restans cogitur in aquæ speciē. Neque aliud quàm quod experientia cōprobatū est, inferim⁹, nimirū virtute corporis obtegētis fieri talē vaporū cōpressionē.

Hoc iā posito, quod est verissimū, quæro pro Scaligero à Peripateticis, quā succedat cōtinuus ille aer & vapor qui in aquam conuertatur. Vel enim corpus illud ambiens rarum est, atque aeri peruium; vel densum, & compactū. Si primū. Ergo quā facilè superne subibit aer & vapor, tam facilè euadet, nec causa erit cur in aquā cōmutetur. Si secūdū ergo per corpus densum non poterit superne

aer



aer aut vapor descendere, ut aeris vel vaporis in aquam conuersi locum suppleat, sitque noua aquæ futuræ materia.

Sed esto alicunde aer ille subeat, atque in illos alueos se condat. Quid necesse est eum in aquam conuerti? Non frigus, ut diximus, in causa est, cum locus ille hyberno tempore incalescat, ex quo tamen aquæ fluunt abundantiores, ut & puteorum aqua tunc altior est, & calidior. Ergo loci frigiditas non facit hanc aeris in aquâ commutationem.

Estne iam aliquis pertinacior, qui contra rationem & experientiam contendat aerem subterraneum à frigore comprimi, atque in humorem facessere? Quæram, quidni aer ipse qui hybernis rigoribus frigidissimus nos ambit, in lympham commutetur? Eadem, inquam, causa cur non eisdem producit effectus? Sed iam plus satis demonstraui-  
mus superiùs, aerem in aquam mutari non posse.

#### ARTIC. VII.

*Quo id ipsum aliis rationibus confirmatur.*

**S**I ex aere subterraneo fontes fiunt, ergo & putei saltem qui longè distant à fluuiis. Enimvero gratis puteorum, & fontium origo diuersa statuatur. Quæ ergo sit ut in montibus putei altius fodiendi sint, quàm in vallibus? Memini, Romæ ubi rari sunt fontes qui non arte vehantur aliunde vidisse me in monte Cælio in cœnobio D. Antonij puteū altæ profūditatis, ex quo propterea assiduus ingētis rotæ gyris quā hausturus ingrediebatur aqua copiosa trahebatur. In aliis locis asinorū ministerio similes rotæ voluūtur, ob altitudinē puteorū necessariā. Neq; verisimile est paucos fōtes



quæ montium lateribus defluunt esse in causa. Quid quod fontes illi deberent aquam puteorum minuere. Non autem sunt aquæ puteorum in montibus pauciores, sed profundiores.

Hoc ipsum refellit eos qui ex pluuiis in alucos subterraneos receptis fontes ortos putant. Cum enim eadem sit puteorum & fontium origo. Cur si supernè puteorum venit materia, in montibus putei tam altè fodiuntur? Cur altius terrâ subeat aqua pluuialis in eo loco quàm in planitie nulla est ratio verisimilis. Sed ea exempla quæ principio ex Scaligero protulimus plus satis euincunt fluuios ab aqua pluuiali ortum non ducere. Aeris verò commutatione in aquam fieri, & præsens & præcedentia argumenta falsum esse demonstrarunt: ita ut statuendum sit & puteorum & fontium perenniū materiā è mari per ductus subterraneos deriuari.

### ARTIC. VIII.

*Quo tollitur difficultas ex maris transmissione orta.*

**S**ED superest non parua nec dissimulanda difficultas, quomodo aquæ maris licet ita colata, salia tandè non remaneant. Etenim si semper per eundem arenæ cumulum aqua salia traiciatur, tandem arena contracta falsugine, tantum abest ut falsam transfusione dulcoret, quin contra dulcem saliat. Quidni similiter assidua transmissio salis, tanta falsugine locum quem præterit afficit, ut tandem salia etiā colata perseueret? Hæc opinor difficultatē Scaliger nō aduertit. Quicquid sit, aquæ puteorū iuxta mare fossorum probant, id non fieri.

*Quod*



Quod quia constat; causa quaerenda est, ac dubium istud soluendum.

Quod reddit aquam maris salis non accidenis est, sed substantia salis, vt tractatu de maris falsugine clarum fecimus, Per arenam igitur quæ in fundo maris copiosissima est aqua maris transmissa, pondus illud salis deponit. Rursus vehenti maris agitatione arena quoqueuersum iacta, salem excutit, ac demum præda relicta subsidit, aquæ salis colationi, dulcorationique vt prius oportuna.

## ARTIC. IX.

*Quomodo fiant fontes dulces in mari.*

**H**inc putem & natos fontes dulces qui in mari medio scaturiunt. Quod in alueos qui in mari sunt, aqua maris, vt dictum est colata potabilisq; reddita de loco superiore fluat. Quoniam verò vbi recipiuntur, mare demissius est quam illic vnde quasi colo transfusæ excesserunt; aquæ illuc collapsæ rursus ex illo alveo tantum ascendentes quantum descenderunt mare subeunt, magno quidem impetu præ copia sursum tendentes. Porro qua virtute flumina non pauca lacus quosdam sine aquarum confusione traiciunt; eadem aquæ dulcis copia per salis erumpit, vtriusque scilicet conatu consentiente; dū & dulcis excessum molitur, & salis facile viam præbet ei, quā vt aduersam; vel extraneā; vltro expellere, ac veluti enomere conatur. Sed nec in hoc quicquā noui est; cū naturale sit leuioribus vt grauiora transcendant, sic nempe oleum aquæ innatat. Aquam verò dulcem salis leuiorē quis ignorat? Quid ergo mirū si sursum erumpit? hoc de fontibus maris viliū est obiter annotare:



## .ARTIC. X.

*Conclusio.*

**C**Æterum vt hunc tractatum finiamus, cum experientia doceat puteorum qui non longè à fluminibus distant aquas, incremento nimirum à flumine accepto, cum illo pariter crescere, & decrescere, si id conuenit fluminibus fluentibus, quanto magis aquis coactis, exitumque per cuniculos molientibus? Certum est quoque quo vastiores fuerint amnes, eò longiùs hinc inde suffusionem vndarum suarum promouere. Maris autem immensam vastitatem flumini cuius comparatam quis neget vniuersam terram submissis aquis potius perfundere, quam id flumen exiguam terræ particulam? Quippe ad mensuram tunici non solum rami, sed radices expanduntur. Mare est veluti truncus sursum tanquam ramos materiam nubibus promittens, radices verò sunt aquæ per vniuersam terram suffusæ.



## I N T E N T I O   I V .

De meteoris aeriis.

## ARTIC. I.

*De pluuia, Aristoteles à se discrepans.*

**A**bsolutis quæ de motibus, ac mutationibus quæ ab spiritibus igneis cum in aquis, tum in terra fiunt, dicenda videbatur; de iis quæ in aere, quàm



quàm compendiosè poterimus dicturi, à pluviae generatione ordiemur. In qua ab Aristotele non discrepantes dicimus haud secus ac vapores qui ex aqua ascendant, vitro vel simili corpore obiecto condensatos in aquam reuerti; similiter, vapores à Sole in aerem sublatos, frigoreque mediae regionis aeris compressos pristinam aquae speciem resumere.

Lectorem tamen monitum volumus; Aristotelem hac in re Veteres secutū sibi ipsi pro more suo dissentire; cū docet hanc vaporis in pluuiam compressionem fieri per partis calidae discessum, ut calido sublato reliquū à frigore condensetur. hoc, inquam, destruit mixtionis ipsius naturam, qua vult mixti partes omnes esse eiusdem generis. hic verò admittit in vapore partes alias calidas, alias frigidas. Alioquin, quodnam est illud calidum quo abeūte reliquū cogitur in pluuiam? Si totus vapor vnius, eiusdemque est naturae, cur potius hae partes calidae dicuntur quā illae? fiuntne tunc calidae? Cur aliae calidae, aliae fiunt frigidae? Quidni omnes calidae, vel omnes frigidae? Cur potius hae quā illae calescunt? Quod frigus erat dispersum per totum vaporem, relicto subiecto se ex illis in has partes recipit? Cur potius in has quā in illas, si quidem omnes erant eiusdem naturae? Non totus hac parte Aristoteles factus est Empedocles?

## ARTIC. II.

*An statim atque vapores condensati sunt, necessario cadunt in pluuiam?*

**N**on parum habet difficultatis quod affirmat Aristoteles; vapores statim atque cōcreti sunt



cadere, nec tantisper ibi consistere: cum videamus boreali Cælo, ac frigidissimo, nubes diu suspensas, vt neque plueri, neque ningere possit; soleâtque vulgo dici, nequit ningere præ frigore; cum è contrario, australi tempestate, cæloq; calidiore, statim nubes soluantur in pluuiam. Siccine vapores nubium Australi tempore, atque aere minus frigido citius condensantur? vel negésne flante Aquilone aerem superiorem niuib; grauidum frigidiorē esse? Si profectò stes in montium sublimium iugis, sensus hanc litem dirimat. Cur enim quæ ad nos venit pluuia, illic recepta nix est, nisi quia regio illa est frigidior? Videtur ergo citiùs ibi vapor concretus, quam Cælo mitiore; cum tamen tardius cadat & nix & pluuia. Cælo enim rigido nubes densæ diutius suspenduntur, ita vt vulgus dicat non posse ningere præ frigore.

Quidquid sit hac de re quam articulo sequenti resoluemus: Mihi sanè videtur quam facile amnes ferunt naues oneratas, tam facilè aerem vehere nubes illas etiamsi iam in aquam resolutas: Causa verò cur aqua sic maneat suspensa diutius duplex esse altera ab ipsa aqua, altera ab aere.

Etenim aqua etsi descensum appetit, propter mutuum amorem partium, quemadmodum de vino ægre dolium relinquente dictum est; non vult descendere nisi affatim proruat: aer autem sustinens validè resistit, nolens tantum hiatus, tantamque sui ferre diuisionem. Hinc fit vt quo frigidior est aer sustinens, eò diutius aquæ illius moles suspendatur, donec paulatim nubem descendentem aer inferior, infirmiorque ferre non valens aliquid de pondere demittat in particulas dispersum, ne nimia



ne nimia fiat ipsius diductio, vt dictum est: reliquam verò nubem continuè pellit vltcrius.

Porro hanc Aeris vim nobis ostendit Aquila quæ propter corporis molem, laborat volans in conualle, sublime verò euecta facillimè. Nempe sicut nauigia graua aqua humiliori difficiliùs, segniùsque cientur, quæ alto mari citissimè, parem in modum, quam corporis Aquilæ grauitatem aer hic inferior, paucùsque circa terram sustinere nequibat, vbi in altum sublata est, tanta moles aeris, quæ inter ipsam & terram interiacet, gerit facillimè, adeo vt alis exporrectis, sine labore, vel motu suspensa quiescat, nec possit descendere, nisi contractis aliis, capiteque prono veluti propra findat aerem.

Sed imber saxeus qualem sæpius cecidisse memoriæ proditum est; aliaque idgenus multa quæ apud Picolominæum videas, rem faciunt minimè dubiâ. Quæ saxa ingentia è terra in sublime vecta fuisse fides nō capit, ex terrea potius materia, illuc vaporibus, halitibùsque translata coaluisse, quemadmodum fulmen, & alia multa, conceptu facilius est. Subitam autem fuisse tantorum, quanta visa sunt, saxorum concretionem, nemo sanus crediderit, sed ex materia iam densa, iamque graui, paulatim coaluisse, & induruisse. Concludamus ergo aerem altum graua vehere, ac proinde nubem in aquam concretam subito cadere non esse necesse. Id inquam valdè est probabile.

## ARTIC. III.

*De niue.*

**D**E niue autem quid censeamus? Cuius forma instar lanæ carminatæ nobis argumento est,



non in nube congelatam fuisse, sed cadendo sensim ab aeris frigore hanc figuram contraxisse. Ergone propterea minus frigida regio illa nubis ex qua decidit? Videtur enim vel minus frigida in qua non congelata sit; vel sanè statim atque in pluuiam coacta est, descendisse, neque congelationem expectasse; ac proinde falsum quod dicebamus; scilicet niuis materiam iam ex vaporibus in aquam mutatam, diutius in nube consistere; aere scilicet frigido eius descensum morante. Quid ad hæc?

Non minus frigidum locum nubis vnde niues exeunt, diutiusque aquam factam ibi stare, nec tamen à tanto frigore congelari. Causa in promptu est, Quoniam æquale frigus facile guttam aquæ dispersam gelat, non fluuium, nec vllam fluuij partem. Pari ratione quandiu simul aqua illa coniuncta est, ac veluti fluuium quædã facit in aere resistit frigori; vbi verò guttatim stillat breui singulæ guttæ à frigore condensantur, formamque niuis accipiunt.

#### ARTIC. IV.

*De grandine, Aristotelis opinio refellitur.*

**N**ON est par iudiciũ de grãdine. Ideo audiendus hac de re Aristoteles quasi mylta naturæ arcanum quiddam, abstrusumq; ab intimis occultissimæ philosophiæ penetralibus rimatus. Vult enim ille 1. meteo. c. 12. per magnum miraculum grandinem à calore concretam. Quod probat exemplo. *Accole Ponti, inquit, cum supra glaciem domunculas extruunt, quo piscium venationi incumbant (venantur enim inter scissa glacie) aquam calidam arundinibus circumfundunt, quo celerius duretur in gelu. Hæc Aristoteles causam grandinis monstraturus. Inde enim*



enim infert grandinem, cum descendit, à calore aeris circundantis durari. Quod ut confirmet, gravissimè peccans in Experientiam quæ excellissimorum montium iuga diutius grandine operta demonstrat, negat grandinem in montibus cadere. videlicet aere illius regionis nondum satis feruente ad grandinis durationem. falsa omnia, & delirio proxima: Præter exemplum illud ab incolis Ponti deductum, sed in perniciem Aristotelicæ de grandinis formatione, sententiæ.

Quid incolæ Ponti? Calefaciunt aquam ut citius daretur in gelu. Quid Aristoteles? frigefacit aquam, quæ scilicet sit in nube ex vaporibus refrigeratis, ut cadens à calore aeris cōgeletur. Quam conformiter exemplo quod producit? Vel nunquid ipse Author est vapores nubis à frigore solui in pluuiam? frigidam ergo pluuiam; frigidamque aquam quæ lapsu à calore densetur in grandinem. Cum contrà, aqua calefiat, ut citius à frigore congeletur.

## ARTIC. V.

*Quo vera eius causa redditur.*

**C**onsistamus igitur in Experientia quam citat Aristoteles, atque inde naturam grandinis, modumque generationis eius venemur. Calefit aqua congelanda Eundem in modum vapores cogelandi, ac durandi, cum ex se calidi sint, magis ac magis ab aere astuante, ascensu calefiunt. Hinc quemadmodum aqua calida citius à frigore duratur in gelu. Vapores illi feruidi statim atque in regionem Aeris frigidam veniunt, ab illius frigore non modo coguntur, sed cōgelantur. Congelantur, in-



quam, guttæ, antequàm in vnum confluant. Quod ex illarum figura licet coniecere, nec tamen cadūt illico. Per tempus enim in aere sublimi tantòque ponderi ferendo sufficienti morantur. Enimverò propter æsum infimæ regionis frigus altius recedit in quod necesse est, vapores illos pertingere, antequam comprimantur.

Huius rei causam vacat altius inuestigare: ad quod recolatur illud in omni ferè natura perpetuum, quod, de calore animali, frigore hyberno se in intima condenti, protulimus. Similiter ignis plurimus qui in aqua calida, atque in vapore calido inest, ab ambiente frigore circumseptus, atque exire impeditus condit sese, atque aduersùm frigus stipat. Hinc fit, vt (quod Aristoteles in problematis citat) aqua calida tardiùs loco frigido quam calido refrigeretur, frigore scilicet externo exitum illius ignis præcludente.

Victus tandem ignis, atque ibi manere coactus quid agit? resistit aquæ sese comprimenti; in eamque renititur pro viribus. Quid tum euenit? vt frigore extrinsecus aquam cogente, igne verò intrinsecus renitente, atque in aduersum premente aqua maximè stringatur, ac duretur, in angustam nimirum circumferentiam coacta.

Porro quantum ad duritiem conferat spirituum inflatio, testantur membra tumore durata, quibus si quid applicet quod poros leniter laxet, elapsis illis spiritibus, membra subitò mollescunt. Sed quid opus membrum aliud citare, quàm nobile illud licèt pudèdū, cuius putulâtia ad opus nobilissimum, iucundissimūq. natura abutitur? vnde provenit ipsius in tentigine durities, nisi ex spirituum inflatione?



Inflatione? Quibus effusis, quàm citò languescit? Quin Aristoteles quærens, cur semen quod calidū crassum est, refrigeratum lique scat, causam affert spiritus illos, quibus semen intumescens durius erat, destitutum verò fatiscit. Quæ quidē doctrina in pluribus aliis non parū confert medico.

Sed longiūs quàm putabamus, nostra excurrit disputatio. Notetur in præsentī hoc vnum sæpius vsui futurum; ignem internum frigori externo resistentem rem ipsam magis densare, atque indurare. Atque hanc ob causam, aquam calidam citiūs in gelu durescere, vaporesque calidos, & multo igne grauidos citiūs in grandinem concre scere. Cæterum esse ignem in glacie, sed valdè impeditum, & constrictum, probat cristallus ex qua veluti è silice ignis excutitur. Christallum autem fieri ex glacie nemo ignorat.

## ARTIC. VI.

*De rore & pruina.*

**E**tsi qua parte Aristoteles ait, roris & pruinae eandem esse materiam, differreque tantum in eo quod frigus moderatum rorem, validum pruina facit, rationem nobis sequutus videtur; quā tamen causam illorum asserit defectum caloris nō valentis vaporem superiūs tollere, qui propterea citò compressus recidat, non possumus in eius ire sententiam. Gratis enim videtur dictum, minus inesse caloris rori quàm pluuiæ; & ni fallor, experientia contrarium, quæ contra plus inesse caloris rori quàm aquæ pluuiali comprobatur. Causam ergo à frigore petendam existimaui mus; vt quoties aere inferiore frigidior vapores excitantur, citò reso-



lati, vel in rore, vel in pruinam concrecant. Quoties verò calidiore, liberiorem transitum nacti in nubes abeant.

Causam superius attulimus, quare Cælo sereno magis frigeamus; quam paucis referre non erit in-tempestivum. In causa sunt corpuscula illa frigida quæ sereno Cælo absque impedimento ad nos facilius transeunt. Post Solis nocturnum à nobis recessum ea corpuscula potissimum ex parte Boreali Solaribus radiis successura venire par est; in quâ scilicet partem à Sole maximè remotam Sol ea depellit. Atque hinc est quod flatus Borealis sit frigidior, quippe qui hæc corpuscula frigida secum vehit. Aquilone igitur mediocriter flante; ne præ nimio spiritu vapores dispergat; aduectæ ad nos circa Terram naturæ illæ frigidæ ascensum vaporibus denegant, quos compressos in rorem aut pruinam conuertunt. Aduerso verò Austri flatu ea corpora repellente; vel etiam Cæli constitutione quæ hunc ventum inducit, ea corpora remouente, nocturnum Aeris frigus mitigatur; quo fit, vt vapores excitati liberius in nubes euadant. Neque enim putandum Austrum nobis pluuiosum tantum quia nubes ad nos deducit; sed quia materiæ nubium eleuandæ est opportunus.

Hinc est quòd eo flante experimur vapores qui alioquin in rorem resoluendi erant, solo sicco in nubes ascendisse. Itaque & pruinæ rorisque causam attulimus, & cur Aquilo nubibus cogendis aduersetur demonstrauius. Variæ tamen causæ, pro regionis Natura, atque situ, ea corpora vel aduehant, vel repellunt.

ART.



## ARTIC. VII.

*De nebula.*

**P**icolominæus meteor. cap. 14. nebulam sic definit. *Nebula est vapor copiosus & densus. infimam aeris regionem obumbrans quæ est vel residuum precedentis nubis, vel initium sequentis.* De ultima specie verba facturus dico, cum frigus Aeris non infimū sinit vapores paulo altius ferri; fieri nebulā. Si quæras quī fiat, ut alias nebula in nubem feratur, quod signum est pluviæ, alias descendens serenitatis sit nuncia, ex illo hanc esse discriminis causam; Si frigida illa corpuscula de quibus egimus, in aerē superiorem eleuata validè congregatis illis vaporibus resistant, eos in guttulas minutim coactos descendere; sin minùs impedian, ascendere. Magni ad vtrumque esse momenti Solis accessum, qui si frigida illa corpora repellat, transitu aperto, vapores ascendere. Sin minus valeat; vapores illos citius cogere, ac depellere, nedum ad ascendendum iuuare. Ratio hæc est. Quoniam radij Solares cum sint igniculi, ut ex Antiquis diximus, id clariùs probaturi, dum ex aduersum corporibus illis frigidis vim inferunt, ea verò resistunt; sit maior viæ compressio, atque coarctatio. Hinc accidit, quod in partis inflammatae refrigerio vnguentum ex calidis, frigidisque partibus constans efficit. Calida enim partes poros diducentes ignem ad se proliciunt; frigida verò reliquum partis offensæ motum sedant. Non absimili, inquam, ratione; vaporum constructione radij Solares igneam vaporum materiam ad se trahunt, frigus verò reliquam materiam condensat. Quomodo etiam Sol validus possit eos



vapores depellere, patebit ex proximè dicendis.

# ARTIC. VIII.

*Cur sub Zona quæ vocatur torrida, singulis diebus pluat.*

**A**d miratione plenum est quod ferūt de Natura illius Zonæ quam Antiqui torridam vocabant, rati ob Solis viciniam, eam igne torreri perpetuo, ac propterea inhabitabilem. Experientia verò nostri sæculi demonstrās quàm vani sint hominum sensus, eam temperatissimam testata est: si tamen verum est quod de ea scribit Richomius Iesuita libro de miraculis: cuius relationi innixus, illius nitar inuenire rationem: fert ille, pluuiam tenuem vna aut altera hora ante meridiem, dietim incipientem, tres, circiter horas ita continuare, vt viatores cogantur sub tectum se recipere. Ita humectatum aerem, terramque iam declinantes Solis radios temperare, reliquo tempore, cum iam remoti sunt innoxios.

Causam diutius scrutato mihi hæc exciderunt, nec præter rationem futura, nec auribus Philosophicis indigna; si tamen vera sint quæ ille refert. Facile est captu, quomodo reliqui diei calor hanc pluuiam sugat, nocturnum verò frigus (noctes enim sunt semper duodecim horarum) vapores co-gens, partem eorum in rorem conuertat, reliquis qui altius vecti sunt, aduentum Solis expectantibus; ad quos Sol ortus magnam continuò copiam tollit aliorum ex residuo præcedentis pluuiæ, fluuiisque erutorum. Suspensos autem in aere hosce vapores qua ratione Sol rectà in eos radiorum suorum iacula vibrans cogat descendere, docent eiusdem



eiusdem radij, dum in caminum ingressi fumorū prohibent ascensum. Quin ob eandem causam flamma æstiuo calore segnius ascendit, igniculis scilicet illis qui per aerem sparsi sunt, dum premi refugiunt, arduum flammæ iter reddentibus. Sic itaque facile est intelligere, quomodo Sol rectà, & perpendiculariter in hos vapores iaculans eos deprimat, sed in pluuiam solutos. Accidit nempe ibi quod in manu adusta, si eam igni admoueas. Quippe ignis manus dilatans poros, exitum pandit igni intus fruenti : quo egresso manus refrigeratur. Eundem in modum vaporum igne interno, vi radiorum Solis exitum nacto aqueæ vaporum partes suapte natura condensantur, atque defluunt.

Hoc declarat distillatio quæ fit per descensum, cum scilicet ollæ, vel alius vasis orificio pannus coaptatus flores appositos sustinet, quibus adiacet vas aliud prunas ferens. Prunarum enim igniculi per vasis subiecti poros, flores substratos subeunt: atque haud secus ac si infernè in eos ascenderent, crebri succum resoluunt ; nitentes verò cum illo ascendere, cum à vase obiecto, tum ab aliis ignibus continuè demissis impediuntur : Pluribus autem supernè ad ipsos ingredientibus tandem soluitur, ac rumpitur illud quo vinciebantur aqueum impedimentum, quod ipsimet igniculi coniuncti, dum spacium liberum volunt, comprimunt, deorsumque præcipitant. Hac similitudine videre est sub æquatore matutinos Solis radios aquam subire, tandemque congregatos eam sursum ferre; ab aliis verò radiis continuè deorsum confertim reuertibus, viamque præcludentibus, ac vaporum gremium subeuntibus priores solui; ab iisque omni-



bus coniunctis, aqueam naturam licet sponte sese cogentem, citius tamen densari ac deorsum pelli.

Dicimus ergo non solum à frigore, sed ab omni causa cōprimente vapores in aquā cogi. Quod Zabarella ostēdit exēplo capituli vitrei in quod vapores recepti soluuntur in aquam, cum tamen adeo non sit frigidū quin interdum calor manus contactum fugiat. Quid: ergone propterea nostra superior disputatio irrita est? quæ præsupponere videbatur vaporum condensationem fieri à frigido? Minimè id quidem. Sed tantum dicebamus quod verum est, citius à frigidiorē quàm à minus frigido vapores cogi. Quod probant panni aqua frigida madentes, qui eiusmodi vitreis capitulis ad vaporum refrigerium apponuntur. Imò vasa aquæ plena per quæ tubi traiecti hos spiritus ducunt, ut refrigerati citius, vberiusque in liquorem comprimantur. Alia autem est ratio radiorum Solis magna vi perpendiculariter in vapores vibratorum, quorum efficaciam similitudine distillationis per descensum utcunque adumbravimus.

## ARTIC. IX.

### *De tonitru ac fulgure.*

**S**atis liquet tonitru nihil aliud esse quam fragorem editum ab igne vi magna ex nube rupta erumpente. Fulgur verò seu coruscationem quæ peritringit oculos esse eiusdem ignis lucem subitam. Cum autem simul fragor, ac fulgur edantur, fulgur citius oculos, quàm tonitru aures ferit. Quod visus celerius suum obiectum tangat quàm auditus. Quod videre est in



eo qui securi arborem cedit : Eminus enim intuens , antè ferientem vides , quàm sonum audias.

Huius autem inflammationis causa eadem est quæ aliorum quæ in aere fiunt : Quam vt intelligamus , reuocanda est illa per frigus hybernæ caloris animalis in intimas partes receptio. Magnum hoc naturæ arcanum crebro in operibus naturæ suspiciendum. Quo igitur hic calor modo se condit , quoque spiritus , & halitus calidi ab aquis frigidis pressi se in medium maris recipiant : eodem plurima ignis copia quam halitus sicci humidique continent in locum frigidiorum appulsa , regionis , atque aquæ ambientis frigore pellente , in medium vndique contendit. Haud secus , atque pulueris agitati cribro , partes subtiliores per crassiores facilè transmissæ ima petunt , maiusculis superiora tenentibus. Pari modo cum in illa compressione inter partes terreas & aqueas quantumvis pressas , propter figuram earum , detur aliquod interstitium , per id facilè subeunt igniculi ob incredibilem eorum tenuitatem ; pulsi que ab externo magis , ac magis penetrant. Atque hunc in modum vndique in interiora congregati ; vimque summam coniunctione adepti , vt se rarefaciant , spatiumque sibi debitum acquirant , magno impetu , fragorè que erumpunt , facto ingenti nubis hiatu.

Hæc est vera inflammatio , quæ à frigore fit per antiperistalticam naturam , Peripateticis incognita. Hic verus modus quo omnes illi ignes qui per aera videntur , cū illuc per particulas euolarint , à frigore congregati , vimque congregatione nacti inflammant.



tur, accensique fulgore visus aciem perstringunt.

Quoniam verò duo ad tonitrum concurrunt necessaria, materia ignea plurima, locique constitutio frigida, fit vt deficiente materia, hybernum tempus minùs sit tonitruui oportunum, aere verò minùs frigido, æstate vigente minùs etiam tonitrua audiantur: crebro verò inualescente vere, & æstate ineunte, quemadmodum & ipsamet declinante, autumnno quoque fragores fiunt eiusmodi. Quod tunc temporis hæ exhalationes igneæ suppetant, aerisque superioris frigus sufficiat.

Propter has rationes locis calidioribus (quod Romæ vidi) præter finem Autumni, & fortè principium veris, magna pars hyemis est magis tonitruis obnoxia quam vllum aliud anni tempus. Hoc enim puto me recordari.

## A R T I C. X.

### *De turbine, & procella.*

**Q**Uod autem accidit ligno viridi, vt ob nimiam humidi coniunctionem igni iniectus abeat in fumos; contingit ferè & his halitibus quos ex ventre nubis exilire diximus: si enim minùs digesti, concoctique fuerint, quàm vt ignis terreum, aqueumque indumentum possit exuere; inuoluti eo veluti fumi erumpunt. Sed quia ignis internus horum halituum qui motum talem ciet, atque extra nubem salit, remotus ab illo calidissimo nubis ventre in quo fulmen aliæque calidissima coguntur, subitò vires perdit. Compressus totus ille halitus cum à nube tum ab aere magna vi deorsum excutitur, ac pro diuersitate materiæ vna ex tribus species procellæ oritur:

Si



Si humidior fuerit, magnâque ex parte aquea, exprello igne fit aqua quæ velocissimè cadens in terram producit imbrem, Græci ὀμβρον vocant pluuiam vehementem, quæ per metaphoram procella aquea dici potest. Sin habitus ille siccior fuerit, non tamen satis concoctus, ut ignis internus possit accendi, magna vi eùm à nube, tùm ab aere deiectus in terram, ab eaque repulsus, arbores, domos, aliâque corpora auellit. Diciturque ventus ille turbo, Græcis τὺρβαν. Quod si materia illa fuerit magis terrestris, sed ita concocta, atque exsiccata, ut ignis internus facile possit exilire, erumpens quidem ignis accenditur, sed ob terreæ materiæ coniunctæ grauitatem totus deorsum à nube depellitur, fitq; veluti ventus igneus, Græcis πῦρσιν, quasi incensor. Comburit enim nonnunquam syluas, aliaque obuia non sine ingenti spectantium terrore. Nihil fortè prohibet hunc ignem absque terreæ materiæ pondere, quamuis leuem vi nubis, aerisque deorsum detrudi, licet contrarium sit verisimilius. Nubis agitatio quæ fit à ventis contrariis hinc inde concurrentibus impropriè procella nuncupatur.

## ARTIC. XI.

*De ventis.*

**M**ISSIS variis multorum sententiis, venio ad Aristotelem qui materiam ventorum halitum siccum existimat, quam opinionem tuetur Picolominæus lib. meteor. cap. 21. hanc tamen obiectionem inter alias facit. *Adhuc instabit aliquis,*



quoniam, ut dicebatur, pituita in nobis flatus gignit, pituita autem humidos, non siccos parit halitus. Insuper, Vitruvius loco supra relato experientia ostendere nititur, ventum fieri per actionem caloris in humorem, Percipimus enim vasa Aenea aqua semiplena, desuper praeclata ore angusto, ignique apposita, statim quod aqua feruere incipit, emittere per angustum os magno impetu flatum quasi ventum: quod etiam percipimus fieri in cadis vini, dum vina recentia ebulliunt: ad hac dico primò agitationem, & motum variis quidem halitibus competere posse, non tamen omnem esse ventum: sed agitationem magnam, vehementem & in aere factam quæ per halitus efficitur magis tenues & mobiles; Adde secundo, Aristotelem inspexisse id quod accidit, ut plurimum, nam ut plurimum ventus fit per spiritum tenuem, & siccum à calore excitatum, euenire tamen potest, ut etiam fiat per vaporem humidum, vel dum precalefactus, per angusta loca exitum querit, vel dum à frigido aliquo corpore cui occurrit repellitur, id tamen nunquam fit sine mixtione cum aliquo spiritu sicco, & tenui, hinc iure venti dicuntur spirare, & spiritus nuncupantur. Hæc ille, quæ paucioribus, & sine contentione dici potuissent, si & Vitruvius, & Piccolominæus nosse potuissent eundem esse spiritum qui & halitum siccum, & humidum seu vaporem efficiat, ignem scilicet ipsum omnium turbarum authorem, qui cum materia sicca coniunctus siccum halitum, cum humida vaporem constituat. Hinc fieri ut cum vtrius iungatur flatum possit excitare, diversosque effectus producere. Ut si cum sicca copulatus, siccus sit, atque res obuias exsiccans, si cum humida, humidus eas humectet. Quæ experientia docet.



## ARTIC. XII.

*De causa diuersitatis ventorum.*

**M** Illis breuitatis studio multis quæ hanc in rem à Peripateticis variè dicuntur, Quicquid visum est meliusculum in illis proferam ex Picolominæo cap. 22. Dico, inquit, pro motu Ventorum varia conspirare, ex quibus consurgit completa causa motus eorum. Nam conspirat mutua actio caloris, & frigoris, quæ variorum motuum est origo, vt legitur in lib. de motu animalium. Conspirat Sol, qui suis radiis excitat, & dissoluit ventos, hinc vigente summo frigore, & summo calore, venti non spirant, Conspirat motus Cali: cum enim Celum moueatur in orbem, reddit quodammodo singula elementa præter terram, procliuia ad eundem motum, secundum naturam totius, Conspirat proximius media Regio Aeris, quæ partim suo frigore halitus calidos, & siccos à se repellit deorsum, partim sua reuolutione impedit multorum halituum ascensum, & motum rectum, Conspirat Terra, quæ cum repulso spiritui transitum prohibeat, est causa vt in obliquum moueatur, ventus enim illuc non tendit, vnde exitus ei non patet. Demum conspirat propria conditio spirituum, qui cum ex parte dominantis sint Aerij, Aer est huius conditionis, vt recepto aliunde principio motus, ex se deinde eo motu moueatur, vt docet philosophus in 4. de Calo. & 8. Physicor. &c.

Hic audio multa non contemnenda quidem, licet ea non examinem, non audio quod expectabam. Quare venti ex tã diuersis partib. flēt, vt pro differentiâ plagæ vnde venit flatus, alij quatuor, alij duodecim, alij viginti octo notauerint. Quid ad tantam ventorū discrepantiā motus vel Solis, vel



Cæli, vel elementorum quæ si mouentur ad cæli motum, ab Oriente perpetuo in Occidentem voluuntur; Debuerit igitur venti cursus esse vniformis, quemadmodum & cælorum & astrorum. Condoneat igitur lector nostræ curiositati, & si quid in re obscurissima à nobis excogitatum fuerit, quod à Ratione non abhorreat, ne indignum putet, quod inter multas multorum magni nominis nugas, locum aliquem obtineat.

Reuocetur memoria eorum quæ ex Antiquorum philosophia, atque ex ipsa veritate diximus, de spiritibus illis igneis, qui à Sole cæterisque Astris mittantur quos radios nominamus, & corpusculorum frigidorum quæ à radiis Solaribus pulsa vicissim eos pellunt, Quam enim aeris partem alteræ occupant, eadem ab alteris deseritur, non sine repugnantia. Quomodo verò hæc cum aere stabulentur non est quod quærant qui plurimis vaporibus aerem confusum esse profitentur.

Constat ex superioribus, nec magna id egebat probatione, quomodo ea corpuscula frigida aerem condensantia transitum halitibus sursum denegent. Ostendimus quoque, idque ab experientia radiorum Solis fumos camini deorsum delicientium, flammæque ascensum pigriorem reddentium, quomodo radij Solares dum spatium amplum voluunt, idem halitibus afferant impedimentum. Neque hoc de radiis Solis tantum, sed de aliorum astrorum, pro cuiusque facultate putandum est.

Præsuppono quoque vt clara quæ Piccolominiæ docuit, aere hosce halitus repellente, terraque transitum deorsum negante, necessario motum  
eorum



eorum fieri in orbem. Liquet etiam motum orbicularem in vnam partem captum illac facillimè continuari, vt qua cæperit halitus, reiectus tendere, illac iugiter sequatur, donec resolutus fuerit. Quippe motus aer in vnam partem non modò facile cedit halitui pulso, atque pellenti; sed etiam rapit secum nouum halitum, ex cuius cessione crescit ventus haud secus atque flumen ex riuulorum coniunctione vt docet Aristoteles. Clarum quoque est quo magis acceditur ad Solem eò potentiores esse radios Solis. Contra quo magis ad Polos, eo validiora esse frigida corpuscula.

Manifestum etiam à parte potentiori halitum pelli in contrariam. Ita vt si versus Polum halitus surgat, à corpusculis illis repressus non ad Polum tendat, sed ad Austrum. Si enim versus Polum contèderet, peteret quod fugit, angustias arctiores. Similiter si versus Austrum halitus oriatur, à Solis vel aliorum astrorum radiis percussus non vltèrius aduersus eos in Austrum tendet, sed illam compressionem fugiens, in aduersam partem se proripiet. Considera iam motum Solis, aliorumque Astrorum ab Oriente in Occidentem.

Si halitus illi à quibus ventus habet principium sint oppositi Soli venienti, vel aliis Astris quæ halitus possint depellere, Sole vel Astris aliis halitum illum antrosum pellentibus, motus fiet ab Oriente in Occidentem, flabitque ab Oriente. Sin Sol vel aliæ stellæ occiduae halitum à Tergo habuerint, is in Orientem repulsus. flatum faciet ab Occidente. Si verò Sol aliaque Astra transeuntia halitum dextrum habuerint, eum repellent in contrariam partem, plagam scilicet Septentrio-



nalem. Quod si à Septentrione surrexerit talis habitus, clarum est, quomodo versus Austrum fiat illius repercussio, frigida namque illa corpora repellunt. At grauis instat quæstio, cur non solum rectà à Septentrione, à Meridie, ab Occasu, ab Ortus flatus veniant, sed multi alij sint venti collaterales. Ergo cū ex Aristotele, vêtus sit veluti fluuius in Aere, fluuij natura nobis hâc causâ declarabit.

Fluuius igitur antequam creuerit, paruo obstaculo facilè declinatur in quamuis partem, quod obstaculum vbi multum auctum fuerit, etsi non nihilex ea parte vndas reflectat, statim tamen cum reliquo vasti fluminis pondere, cursum pristinum recipiunt. Idem puta de vento qui tenuis in ortu, si v. c. rectà à Septentrione veniat, obiecto monte, vel alicuius astri influxu facilè in dextram, aut sinistram partem declinatur, vt iam fluctus ille sit collateralis. Qui quidē flatus, vbi halituum copia in immensum creuerit, nullo potest obice ab itinere capto dimoueri, sed tantūm densior factus per illas angustias fertur impetu vehementiori. Hinc sibila illa. & stridores, mugitusque ventorum, quoties ædificio, vel monte transuerso, vel astro aliquo à latere influēte, amnis ille halituum cogitur sese contrahere. Quin sicut montes celsi hinc inde flatum eiusmodi contrahunt: ita supernè hinc inde Astrorum influxus multo magis eum potest comprimere. Qualis quidem astrorum influxio ventum non longè ab ortu suo adhuc tenuem facilè in hanc aut illam partem deflexisset, successu verò veluti in ingens mare auctum, etsi ab vno latere possit contrahere, tam vasti tamen æquoris impetum non potest aliò detorquere.

ARTIC.



## ARTIC. XIII.

*Quare Terra viscera, fontiumque scaturigines, ac putei calidiores hyeme, aestate sint frigidiores.*

**H**Anc quaestionem huic loco visum est addere. Cur qui fontes, putei, locaque subterrena hybernis frigoribus fumant præ calore, æstiuis caloribus valdè refrigescant. Toletus in lib. I. de Generat. cap. 7. quaest. 14. ita nititur hunc nodum soluere. *Partes, inquit, terra frigida impedita à calore extrinseco tempore æstatis fortius agunt in interiores, ad quas se conuertunt, & sic infrigidant magis aquas: & hoc admodum est notandum: est enim generale in multis, vt dicetur in libris Meteororum, hæc illè. Etsi dicit hoc valde notandum, tamen cernit vir acutus, quàm parum consultè frigus illud terreum terga vertens hosti fortissimo Instanti aduersus alteram partem vim dirigat. Quomodo partes illæ frigidiores terræ, dum impediuntur ab exteriori calore se conuertunt ad interiores? Mutantne locum? An quia agunt in illas? Quidni potius caloris violentiæ resistunt? Sed hoc videns absonum Toletus in aliud labitur. Alia, inquit, præterea ratio probabilior & verior, antiperistasis istius propriè dicta est, quod initia actionis, antequam superetur vnum contrarium ab altero fortiori, per aliquam particulam temporis se defendit, & suam ad se virtutem actiuam conuertit, se vniēs & suam virtutem ad sui defensionem, ne pereat, aut ladeatur ab altero, & ita in seipsum conuertit actionē se forti-*



*ficans, ex naturali inquam appetitu suæ conseruationis: & ita aqua frigida apposita Soli in æstate per aliquam temporis partem, antequàm à Sole superetur, frigesit magis. Hæc ille.*

Sanè non capio quomodo frigus terræ, v. c. æstate suam virtutem ad se conuertat. Potestne defendere sese nisi in contrarium pugnet? Antea pugnabátne aliter aduersus calorem? Vel egressumne erat æstate è subiecto, tanquam ex arce, vt veluti campo aperto cum hoste cominus pugnaret. Quod si frigus non exierat, nec iam aliter cum illo calore congreditur quam priùs; quomodo suam virtutem ad se conuertit.

*Caterum cur aqua frigida Soli apposita principio magis frigescat, causam explicauimus, vbi de manu rigente igni admota loquebamur. Radij scilicèt Solis aquam ingressi, quia magis eam comprimunt, principio magis frigefaciunt, donec victores aquæ diductione sui sensum imprimunt. Quin circumstantes Solis radij principio magis condensant aquam, vt ex paulo antè dictis videre est.*

## ARTIC. II.

*Quo vera causa exponitur.*

**V**Estigiis autem naturæ quæ hætenus pressimus insistenti, quam facilis, brevisque est ad huius rei cognitionem trames? AEstiuo tempore radiis Solaribus qui ad nos accesserunt, aerem occupantibus, fugata illa frigida corpuscula sese in terram condunt: vnde quid expectabas,



expectabas, nisi ut eam aquasque internas refrigerarent? At hyberno frigore aerem obtinente, quomodo quicquid ignium est in terræ superficie se in intimum abdat, te docuit calor animalis eodem tempore se introrsum cogens, cuius rationem iam sæpius explicatam prudens omitto.

Est & alia causa, interni scilicet ignis retentione facile expiret: propter quam causam videmus hyberno rigore finum equinum valde calidum fumare, cuius calor æstate breuior, ac minor est.

## ARTIC. III.

*Vnde illud calidum quod ex imis terræ visceribus ingiter ascendit.*

**V**ERUM hæc secunda causa difficultatem annexam habet non exiguam, quæ, opinor, Toletum non latuit. Vnde enim procedat illud calidum quod terræ intimum diximus à frigore ambiente coerceri ne auolet? Non à Terra quippe quæ sua natura est frigidissima; non à sulphure, vel bitumine, vel similibus quorum alioquin aqua recipiens spiritus saporem contraheret. Et quamvis dicatur terra mixta, ac propterea potentia calida: requiritur aliquid quod actu calidam efficiat: Potentia verò calidam à frigore calefieri qui dicat, non minus ineptus sit quam si glaciem calidam asserat, quæ quidem aqua erat, calida non actu, sed potentia, quidni frigus calidam actu fecerit?



Ab Astris factâ calidam dicant? quando? Si hyberno tempore. Quidni potius Aer Astris vicinior incalescit? Cur potius terrę intima quam quę Astrorum influxus facilius recipiunt? Supremę partes quę stellarum, cœli quę patent viribus hyeme congelantur, infimę ad quas impossibile est vires cœlorum hoc modo pertransire, eo tempore magis æstuant. Si æstate vigente hunc calorem excitatum putent; Contra tunc temporis Terrę intima rigebant. imo antra, & speluncę non altè defossę frigide erant admodum. Itaque Terra Aestate non altè fuit calefacta; itaut, quamuis, quod nos docuimus, concederent, fuisse in illa terrę superficie corpuscula calida, quę proinde loco migrare cum possent, hyeme urgente se altiùs in terram condidissent, non possent plus spacij quàm prius occupare, nec plus utique Terrę calefacere. Vnde igitur tantus ille Terrę calor, qui in altissimis Terrę penetralibus, profundissimisque eius partibus aurum, argentum, & metalla reliqua concoquit; qui nitrum sulphur, bitumen tanto imprægnat incendio; qui alumini, qui vitriolo, qui arsenico, qui cæteris mineralibus eiusmodi, vim adeo causticam impressit; Qui halitus cum siccos tum vapidos gignit, atque ex imis Terrę visceribus sublime vehit? Et quidem hæc omnia quouis tempore fieri compertum est: cum tamen neque bruma Calor Cœlestis Terram gelidam subeat, neque æstu, Solis calor Terram penetret, ut videre est.

Ergone hunc ignem subterraneum indigenam asseramus? At cum tantum huius ignis indefinenter ascendat, ni quantum deperit, tantum noui accedat,



cedat, tandem ex toto consumatur, necesse est. Vnde ergo reparatur? Prorsus ex alto redeat qui altum conscendit, oportet. Verum quibus anfractibus sinus illos subterraneos subeat, nostri philosophi non aduertunt. Quid nos dicamus? Idem nimirum quod superius de materia quæ montis *Ætnæ* incendium continuat, id inquam de materia huius calidi per vniuersam terram dispersi vicaria censendum est: spiritus scilicet illos esse quos aqua maris per cæcos illos ductus sub Terram secum vehit. Quippe facile est spiritus illos ab *Astris* demissos maris sinum facilem quem propterea calefaciunt, penetrare: non sanè immensam molis *Terreæ* duritiem veluti terebrare, *Solis* *Astrorumque* reliquorum radij rectà Terram petentes, pauci superficiem eius penetrant maximam partem ab *Terra* repercussi aerem accendunt. Quos verò in vastissimum illud æquor iaculantur, pauci cum aqua in vapores futuros nubibus materiam sursum volant, maxima tamen ex parte cum immenso illo aquarum pōdere successu temporis sub Terram disperguntur: ex quibus & in mari & in *Terra* tam mira generantur. Ergo & hæc veritas confirmat veritatem illius quæ multorum est, nostræ sententiæ: fontes & flumina ex mari per meatus subterraneos deriuantis. Quod ni verum sit, non est dare viam, aut modum quo tale calidum in *Terra* generetur.



## ARTIC. IV.

*Cur diuersis terra partibus diuersa nascentur.*

**H**Oc admissio, in promptu est, quo pacto diuersæ Telluris partes tam diuersa suoptè ingenio producant: dum varios aquæ ductus varij spiritus & in natura & in quantitate sequuntur, vnde varia formari sit necessum. Quoniam verò præcedentium sequentes seriem non deserunt, vt tractatu de influxibus sub finem docebamus, similisque simili necessaria consecutione coniungitur, sit vt in easdem partes similes spiritus conueniant: ac proinde iisdem in locis similia nascentur continuè.

Nisi fortè aqua alios meatus sibi cauans horum spirituum impetum aliò direxerit; Tunc enim contingit partes illas terræ nouis rebus creandis idoneas fieri, vnde & aurum quibusdam in locis fossione reperitur, in quibus olim auri nihil erat.

Cuius rei quam causam attulerint illi qui eandem Terram cum videant, Solemque & astra cætera, eosdem quos olim gyros sequi, easdemque Terræ partes afficere; hanc certissimam naturæ viam non viderunt? Arcanum sanè philosophorum auribus dignissimum.

Sed hætenus de meteoris, cum de metallorum, reliquorumque metallorum formatione vltetius inquirere, ad aliam partem pertineat. Quæ verò de meteoris omisimus, ex dictis facile erit concipere.



Si hæc prima pars quam à me preces  
amicorum extorserunt, Lectori placue-  
rit, & eam amplio rem, & plura alia suo  
tempore accipiet.

FINIS.





quoniam, ut dicebatur, pituita in nobis flatus gignit, pituita autem humidos, non siccos parit halitus. Insuper, Vitruuius loco supra relato experientia ostendere nititur, ventum fieri per actionem caloris in humorem, Percipimus enim vasa Aenea aqua semiplena, desuper praeclata ore angusto, ignique apposita, statim quod aqua feruere incipit, emitte-  
re per angustum os magno impetu flatum quasi ventum: quod etiam percipimus fieri in cadis vini, dum vina recentia ebulliunt: ad haec dico primò agitationem, & motum variis quidem halitibus competere posse, non tamen omnem esse ventum: sed agitationem magnam, vehementem & in aere factam quae per halitus efficitur magis tenuis & mobiles; Adde secundo, Aristotelem inspexisse id quod accidit, ut plurimum, nam ut plurimum ventus fit per spiritum tenuem, & siccum à calore excitatum, euenire tamen potest, ut etiam fiat per vaporem humidum, vel dum praecalefactus, per angusta loca exitum quarit, vel dum à frigido aliquo corpore cui occurrit repellitur, id tamen nunquam fit sine mixtione cum aliquo spiritu sicco, & tenui, hinc iure venti dicuntur spirare, & spiritus nuncupantur. Haec ille, quæ paucioribus, & sine contentione dici potuissent, si & Vitruuius, & Piccolominæus nosse potuissent eundem esse spiritum qui & halitum siccum, & humidum seu vaporem efficiat, ignem scilicet ipsum omnium turbarum authorem, qui cum materia sicca coniunctus siccum halitum, cum humida vaporem constituat. Hinc fieri ut cum vtrauis iungatur flatum possit excitare, diuersosque effectus producere. Ut si cum sicca copulatus, siccus sit, atque res obuias exsiccans, sin cum humida, humidus eas humectet. Quæ experientia docet.



## ARTIC. XII.

*De causa diuersitatis ventorum.*

**M** Illis breuitatis studio multis quæ hanc in rem à Peripateticis variè dicuntur, Quicquid visum est meliusculum in illis proferam ex Picolominæo cap. 22. Dico, inquit, pro motu Ventorum varia conspirare, ex quibus consurgit completa causa motus eorum. Nam conspirat mutua actio caloris, & frigoris, quæ variorum motuum est origo, vt legitur in lib. de motu animalium. Conspirat Sol, qui suis radiis excitat, & dissoluit ventos, hinc vigente summo frigore, & summo calore, venti non spirant, Conspirat motus Cali: cum enim Calum moueatur in orbem, reddit quodammodo singula elementa præter terram, proclidia ad eundem motum, secundum naturam totius, Conspirat proximius media Regio Aeris, quæ partim suo frigore halitus calidos, & siccos à se repellit deorsum, partim sua reuolutione impedit matorum halituum ascensum, & motum rectum, Conspirat Terra, quæ cum repulso spiritui transitum prohibeat, est causa vt in obliquum moueatur, ventus enim illuc non tendit, vnde exitus ei non patet. Demum conspirat propria conditio spirituum, qui cum ex parte dominantis sint Aerij, Aer est huius conditionis, vt recepto aliunde principio motus, ex se deinde eo motu moueatur, vt docet philosophus in 4. de Calo. & 8. Physicor. Sec.

Hic audio multa non contemnenda quidem, licet ea non examinem, non audio quod expectabam. Quare venti ex tã diuersis partib. flēt, vt pro differētiā plagæ vnde venit flatus, alij quatuor, alij duodecim, alij viginti octo notauerint. Quid ad tantam ventorū discrepantiā motus vel Solis, vel



Cæli, vel elementorum quæ si mouentur ad cæli motum, ab Oriente perpetuo in Occidentem voluuntur; Debuerit igitur venti cursus esse vniformis, quemadmodum & cælorum & astrorum. Condonet igitur lector nostræ curiositati, & si quid in re obscurissima à nobis excogitatum fuerit, quod à Ratione non abhorreat, ne indignum putet, quod inter multas multorum magni nominis nugas, locum aliquem obtineat.

Reuocetur memoria eorum quæ ex Antiquorum philosophia, atque ex ipsa veritate diximus, de spiritibus illis igneis, qui à Sole cæterisque Astris mittantur quos radios nominamus, & corpusculorum frigidorum quæ à radiis Solaribus pulsa vicissim eos pellunt, Quam enim aeris partem alteræ occupant, eadem ab alteris deseritur, non sine repugnantia. Quomodo verò hæc cum aere stabulentur non est quod quærant qui plurimis vaporibus aerem confusum esse profitentur.

Constat ex superioribus, nec magna id egebat probatione, quomodo ea corpuscula frigida aerem condensantia transitum halitibus sursum denegent. Ostendimus quoque, idque ab experientia radiorum Solis fumos camini deorsum delicientium, flammæque ascensum pigriorem reddentium, quomodo radij Solares dum spatium amplum voluunt, idem halitibus afferant impedimentum. Neque hoc de radiis Solis tantum, sed de aliorum astrorum, pro cuiusque facultate putandum est.

Præsuppono quoque vt clara quæ Piccolominiæ docuit, aere hosce halitus repellente, terraq; transitum deorsum negante, necessariò motum  
eorum



eorum fieri in orbem. Liquet etiam motum orbicularem in vnam partem captum illac facillimè continuari, vt qua cæperit halitus, reiectus tendere, illac iugiter sequatur, donec resolutus fuerit. Quippe motus aer in vnam partem non modò facile cedit halitui pulso, atque pellenti; sed etiam rapit secum nouum halitum, ex cuius cessione crescit ventus haud secus atque flumen ex riuulorum coniunctione vt docet Aristoteles. Clarum quoque est quo magis acceditur ad Solem eò potentiores esse radios Solis. Contra quo magis ad Polos, eo validiora esse frigida corpuscula.

Manifestum etiam à parte potentiori halitum pelli in contrariam. Ita vt si versus Polum halitus surgat, à corpusculis illis repressus non ad Polum tendat, sed ad Austrum. Si enim versus Polum contèderet, peteret quod fugit, angustias arctiores. Similiter si versus Austrum halitus oriatur, à Solis vel aliorum astrorum radiis percussus non vltèrius aduersus eos in Austrum tendet, sed illam compressionem fugiens, in aduersam partem se proripiet. Considera iam motum Solis, aliorumque Astrorum ab Oriente in Occidentem.

Si halitus illi à quibus ventus habet principium sint oppositi Soli venienti, vel aliis Astris quæ halitus possint depellere, Sole vel Astris aliis halitum illum antrosum pellentibus, motus fiet ab Oriente in Occidentem, flabitque ab Oriente. Sin Sol vel alix stellæ occiduae halitum à Tergo habuerint, is in Orientem repulsus, flatum faciet ab Occidente. Si verò Sol aliaque Astra transeuntia halitum dextrum habuerint, eum repellent in contrariam partem, plagam scilicet Septentrio-



nalem. Quod si à Septentrione surrexerit talis habitus, clarum est, quomodo versus Austrum fiat illius repercussio, frigida namque illa corpora repellunt. At grauis instat quæstio, cur non solum rectà à Septentrione, à Meridie, ab Occasu, ab Ortu flatus veniant, sed multi alij sint venti collaterales. Ergo cū ex Aristotele, vêtus sit veluti fluuius in Aere, fluuij natura nobis hâc causâ declarabit.

Fluuius igitur antequam creuerit, paruo obstaculo facilè declinatur in quamuis partem, quod obstaculum vbi multum auctum fuerit, etsi non-nihilex ea parte vndas reflectat, statim tamen cum reliquo vasti fluminis pondere, cursum pristinum recipiunt. Idem puta de vento qui tenuis in ortu, si v. c. rectà à Septentrione veniat, obiecto monte, vel alicuius astri influxu facilè in dextram, aut sinistram partem declinatur, vt iam fluctus ille sit collateralis. Qui quidē flatus, vbi halituum copia in immensum creuerit, nullo potest obice ab itinere cæpto dimoueri, sed tantùm densior factus per illas angustias fertur impetu vehementiori. Hinc sibila illa. & stridores, mugitusque ventorum, quoties ædificio, vel monte transuerso, vel astro aliquo à latere influēte, amnis ille halituum cogitur sese contrahere. Quin sicut montes celsi hinc inde flatum eiusmodi contrahunt: ita supernè hinc inde Astrorum influxus multo magis eum potest comprimere. Qualis quidem astrorum influxio ventum non longè ab ortu suo adhuc tenuem facilè in hanc aut illam partem deflexisset, successu verò veluti in ingens mare auctum, etsi ab vno latere possit contrahere, tam vasti tamen æquoris impetum non potest aliò detorquere.

ARTIC.



## ARTIC. XIII.

*Quare Terræ viscera, fontiumque scaturigines, ac putei calidiores hyeme, aestate sint frigidiores.*

**H**Anc questionem huic loco visum est addere. Cur qui fontes, putei, locaque subterrena hybernis frigoribus fumant præ calore, æstiuis caloribus valdè refrigerant. Toletus in lib. 1. de Generat. cap. 7. quæst. 14. ita nititur hunc nodum soluere. *Partes, inquit, terræ frigida impedita à calore extrinseco tempore æstatis fortius agunt in interiores, ad quas se conuertunt, & sic infrigidant magis aquas: & hoc admodum est notandum: est enim generale in multis, ut dicetur in libris Meteororum, hæc illè. Etsi dicit hoc valde notandum, tamen cernit vir acutus, quàm parum consultè frigus illud terreum terga vertens hosti fortissimo Instanti aduersus alteram partem vim dirigat. Quomodo partes illæ frigidiores terræ, dum impediuntur ab exteriori calore se conuertunt ad interiores? Mutantne locum? An quia agunt in illas? Quidni potius caloris violentiæ resistunt? Sed hoc videns absolum Toletus in aliud labitur. Alia, inquit, præterea ratio probabilior & verior, antiperistasis istius propriè dicta est, quod initia actionis, antequam superetur vnum contrarium ab altero fortiori, per aliquam particulam temporis se defendit, & suam ad se virtutem actiuam conuertit, se uniēs & suam virtutem ad sui defensionem, ne pereat, aut leda-  
tur ab altero, & ita in seipsum conuertit actionē se forti-*



*ficans, ex naturali inquam appetitu suæ conseruationis: & ita aqua frigida apposita Soli in æstate per aliquam temporis partem, antequàm à Sole superetur, frigesit magis. Hæc ille.*

Sanè non capio quomodo frigus terræ, v. c. æstate suam virtutem ad se conuertat. Potestne defendere se nisi in contrarium pugnet? Antea pugnabátne aliter aduersus calorem? Vel egressumne erat æstate è subiecto, tanquam ex arce, vt veluti campo aperto cum hoste cominus pugnaret. Quod si frigus non exierat, nec iam aliter cum illo calore concreditur quam priùs; quomodo suam virtutem ad se conuertit.

*Caterum cur aqua frigida Soli apposita principio magis frigescat, causam explicauimus, vbi de manu rigente igni admota loquebamur. Radij scilicèt Solis aquam ingressi, quia magis eam comprimunt, principio magis frigefaciunt, donec victores aquæ diductione sui sensum imprimunt. Quin circumstantes Solis radij principio magis condensant aquam, vt ex paulo antè dictis videre est.*

## ARTIC. II.

*Quo vera causa exponitur.*

**V**Estigiis autem naturæ quæ hætenus presimus insistenti, quam facilis, breuisque est ad huius rei cognitionem trames? AEstiuo tempore radiis Solaribus qui ad nos accesserunt, aerem occupantibus, fugata illa frigida corpuscula sese in terram condunt: vnde quid expectabas,



expectabas, nisi ut eam aquasque internas refrigerarent? At hyberno frigore aerem obtinente, quomodo quicquid ignium est in terræ superficie se in intimum abdat, te docuit calor animalis eodem tempore se introsum cogens, cuius rationem iam sæpius explicatam prudens omitto.

Est & alia causa, interni scilicet ignis retentione facile expiret: propter quam causam videmus hyberno rigore finum equinum valde calidum fumare, cuius calor æstate breuior, ac minor est.

## ARTIC. III.

*Vnde illud calidum quod ex imis terræ visceribus ingiter ascendit.*

**V**ERUM hæc secunda causa difficultatem annexam habet non exiguam, quæ, opinor, Toletum non latuit. Vnde enim procedat illud calidum quod terræ intimum diximus à frigore ambiente coerceri ne auolet? Non à Terra quippe quæ sua natura est frigidissima; non à sulphure, vel bitumine, vel similibus quorum alioquin aqua recipiens spiritus saporem contraheret. Et quamvis dicatur terra mixta, ac propterea potentia calida: requiritur aliquid quod actu calidam efficiat: Potentia verò calidam à frigore calefieri qui dicat, non minus ineptus sit quam si glaciem calidam asserat, quæ quidem aqua erat, calida non actu, sed potentia, quidni frigus calidam actu fecerit?



Ab Astris facta calidam dicant? quando? Si hyberno tempore. Quidni potius Aer Astris vicinior incalescit? Cur potius terre intima quam quæ Astrorum influxus facilius recipiunt? Supremæ partes quæ stellarum, cœli quæ patent viribus hyeme congelantur, infimæ ad quas impossibile est vires cœlorum hoc modo pertransire, eo tempore magis æstuant. Si æstate vigente hunc calorem excitatum putent; Contra tunc temporis Terræ intima rigebant. imo antra, & speluncæ non altè defossæ frigide erant admodum. Itaque Terra Aestate non altè fuit calefacta; itaut, quamuis, quod nos docuimus, concederent, fuisse in illa terræ superficie corpuscula calida, quæ proinde loco migrare cum possent, hyeme urgente se altiùs in terram condidissent, non possent plus spacij quàm prius occupare, nec plus utique Terræ calefacere. Vnde igitur tantus ille Terræ calor, qui in altissimis Terræ penetralibus, profundissimisque eius partibus aurum, argentum, &c, metalla reliqua concoquit; qui nitrum sulphur, bitumen tanto imprægnat incendio: qui alumini, qui vitriolo, qui arsenico, qui cæteris mineralibus eiusmodi, vim adeo causticam impressit; Qui halitus cum siccos tum vapidos gignit, atque ex imis Terræ visceribus sublime vehit? Et quidem hæc omnia quouis tempore fieri compertum est: cum tamen neque bruma Calor Cœlestis Terram gelidam subeat, neque æstu, Solis calor Terram penetret, ut videre est.

Ergone hunc ignem subterraneum indigenam asseramus? At cum tantum huius ignis indefinenter ascendat, ni quantum deperit, tantum noui accedat,



cedat, tandem ex toto consumatur, necesse est. Vnde ergo repatur? Prorsus ex alto redeat qui altum conscendit, oportet. Verum quibus anfractibus sinus illos subterraneos subeat, nostri philosophi non aduertunt. Quid nos dicamus? Idem nimirum quod superius de materia quæ montis *Ætnæ* incendium continuat, id inquam de materia huius calidi per vniuersam terram dispersi vicaria censendum est: spiritus scilicet illos esse quos aqua maris per cæcos illos ductus sub Terram secum vehit. Quippe facilè est spiritus illos ab Astris demissos maris sinum facilem quem propterea calefaciunt; penetrare: non sanè immensam molis *Terræ* duritiem, veluti terebrare, *Solis* Astrorumque reliquorum radij rectà Terram petentes, pauci superficiem eius penetrant maximam partem ab *Terra* repercussi aerem accendunt. Quos verò in vastissimum illud æquor iaculantur, pauci cum aqua in vapores futuros nubibus materiam sursum volant, maxima tamen ex parte cum immenso illo aquarum pōdere successu temporis sub *Terram* disperguntur: ex quibus & in mari & in *Terra* tam mira generantur. Ergo & hæc veritas confirmat veritatem illius quæ multorum est, nostræ sententiæ: fontes & flumina ex mari per meatus subterraneos deriuantis. Quod ni verum sit, non est dare viam, aut modum quo tale calidum in *Terra* generetur.



Si hæc prima pars quam à me preces  
amicorum extorserunt, Lectori placue-  
rit, & eam ampliorem, & plura alia suo  
tempore accipiet.

FINIS.

















# INDEX RERVM QVAE IN HOC OPERE continentur.

## A.

**A**bsurda quæ Aristoteles frustra in veterū disciplina notare conatus est in illum meritò retorquentur 66

Absurda quæ Aristotelis sententiam sequuntur præludio tanguntur 18. & sequent.

## ACCIDENS.

Accidens an possit producere substantiam 166. & 169

Accidens nullum agit nisi in virtute suæ substantiæ 194. 170

Accidens nullum cognoscit ibidem.

## ACCRETIO.

Accretio quomodo fiat 320. 435. 451

Accretione non quælibet pars eius quod augetur sit maior contra Aristotelem 330

## ACERVVS.

Aceruus tritici si aquâ madeat cur concipit calorem 98. 104

Idem de aceruo fœni ibid.

## ACTIO.

Actio 430. & seq.

Quorum in quænam sit actio 432

Actio alius in aliud quot modis sit 434

Actio est suppositi non caloris 20. 170

Actione eadem cœli cur tam diuersa in eadem terræ parte suâ sponte generantur 24

## ADEPS.

Adeps frigidus & calidus 23

Adeps igneus cur sit concoctu difficilis 88. senescens cur calidior 89

Adipis natura 82. diuersæ hæc de re sententiæ ibid.

Adipis materia nec tota calida nec tota frigida 83

Aristotelis sententia refutatur ibid.

Adipis vera natura 84

Adipis effecta eius naturam probant 88

Adeps quomodo generetur circa cor 91. Non est propriè adeps ibid.

Adipis quandam similitudinem cur oues, boues, & similia habent in pectore 91

Adeps cur in aëre grauior in aqua leuior 360. & seq.

Adnatorum cum corpore consensus 262

Æternæ incendij causa 663

## AER.

Aer, ignis, aqua habent poros 543

Aer per nares emissus cur calidus 64

Aer cur ore diducto efflatus calidus, cōpresso frigidus 115



# I N D E X.

**Aer** flabello motus cur refrige-  
scat 113

**Aer** qui aquæ euaporantis lo-  
cum supplet aliunde venit  
145

**Aer** an in suâ spherâ grauis 351

**Aer** non videtur 543

**Aer** cur deprimit nauem 356

**Aer** cur aquâ humidior 474

**Aere** sudo cur frigus acrius  
quàm nubilo 468

**Aer** decuplo rarior aquâ est am-  
plius 669

**Aer** frigidissimus cur diutius  
nubes sustineat quàm calidus  
676

**Aeris** mediæ regionis frigus  
æstate altius se recipit ob æ-  
stus inferioris 680

**Aeria** & aquea cur motu rare-  
fiant 355

**Aere** plenus fellis cur celerius  
descendat quàm vacuus 352

## A L B E D O.

**Albedo** cur visum disgreget 617

**Alba** si conterantur cur fiant al-  
biora 613

**Alexandrum** equitum Iuuenis  
quidam diu sequutus post  
strenuum conflictum illæsus  
in sinu eius efflat animam  
610

**Anaxagoræ** sententiam non fi-  
deliter retulit Aristoteles in  
pluribus. vide forma

**Ambusta** cur frigori exposita  
ingrauescant 45

## A N I M A.

**Anima** rationalis sentiens &  
vegetans in homine reipsa  
differunt 160

**Animâ** esse causam instrumen-  
talem. Antiqui putauerunt,

Aristoteles principalem 161

Antiqui eam in certâ propor-  
tione consistere dixerunt ibi.

**Animæ** ortus quis ex Aristotele  
162

**Animam** in solo corde ponit  
Aristoteles 203

**Anima** rationalis brutos cor-  
poris affectus minime produ-  
cit 256

**Anima** transit de parte in par-  
tem secundum Zabarellam  
277

**Anima** non mouetur per se,  
sed per accidens 276

**Animam** ad informandas agge-  
neratas partes transire non  
per motum, sed quodam alio  
modo nobis occulto vult Za-  
barella 179

**Animam** spiritalem educi è ma-  
teriâ absurdum est 282

**Animæ** fluxum Zabarella con-  
tra seipsum conuincit 284

**Anima** eadem in talpa vel ra-  
mo exciso quæ fuerat ante  
284. fuerat prius animæ pars,  
nunc fit anima tota 285

**Anima** catuli an fuerit pars a-  
nimæ parentis 167. 168

**Animas** omnium salicum quæ  
à primâ prodierunt actu fuisse  
in prima salice necessariû  
est ni anima per partes fiat &  
pereat 266. & sequentibus

**Animæ** in serpente tot sunt  
partes in quot partes potest  
serpens secari 289

**Anima** non modo ex pluribus  
compo-



# I N D E X.

rōponitur, sed vna eius pars  
 ab aliā potest separari 292  
 Anima in decretionē & accre-  
 tione sequitur fluentem ma-  
 teriam 292 & præcedentibus  
 Animæ vegetantis fluxum ar-  
 gumenta probantia refutan-  
 tur 294  
 Anima vegetans quæ est har-  
 monia vt perseueret quæ re-  
 quiruntur 296  
 Animam vegetantem non esse  
 vnum actum 300 & sequent.  
 Animam vegetantem nihil a-  
 liud esse quàm debitam par-  
 tium harmoniam 303  
 Animæ vegetantis essentia non  
 est indiuidua 294  
 Anima sentiens an fluat vt ve-  
 getans 307  
 Anima neque agit neque pati-  
 tur, sed est ratio agendi &  
 patiendi 307  
 Anima mundi quid 309  
 Anima mundi 333  
 Anima mundi est spiritus vni-  
 uersi 335  
 Animæ mundi & naturæ discri-  
 men 341

## A N I M A L I A.

Animalia valde calida minimè  
 pingua 84  
 Animalia cum nutriantur vnde  
 fit vt abeant in interitum 506  
 Animalia cur quorundam me-  
 moriam diu retineant 299  
 Animal quod vinum demergi-  
 tur cur mortuū supernatat 363

## A P P E T I T V S.

Appetita magis citiùs fastidi-  
 mus 457

Appetitus quid 255  
 Appetitus naturalis quid 19  
 Appetitus materiæ Aristoteli-  
 cæ nullus ibid.

## A Q V A.

Aquæ calidæ euaporatio pro-  
 bat diuersas in ipsâ naturas 73  
 Aquæ calidæ partes esse diuer-  
 sas ex principiis Aristotelis  
 euincitur 69  
 Aqua sibi ipsi renititur ex Ari-  
 stotele ibid.  
 Aquæ vapores nō esse aerem 73  
 Aqua ardens quomodo ex rolis  
 eliciatur 94  
 Aqua calida elicit partes quas  
 nequit ignis affando 96  
 Aqua calida cur corrugat ma-  
 nus 98  
 Aqua an igni contraria 447  
 Aqua sola non spissatur 641  
 Aqua maris vt ascendat ad fon-  
 tes refellitur Scaligeri sen-  
 tentia 667 causa ostenditur  
 668  
 Aqua calida cur in gelu con-  
 crescat citiùs 681  
 Aqua quæuis potest quoduis  
 quantumuis densum vas  
 transire 145 & sequentibus

Arcus curuatus cur se reflectat  
 376. 379

Aristotelis error cum Peripate-  
 ticorum errore cōparatur 257

## A R S.

Ars requirit materiā idoneam 2  
 Ars etsi nescia reddit tan. ē sciē-  
 tem artificem non natura 192

## A R T I F I C I A L E.

Artificialia vim suam naturæ  
 debent partim arti 2



# I N D E X.

Artificialia excludit hæc tra-  
ctatio naturalium ibid.

Arteriæ pulsus reciprocus 657

## A S T R V M.

Astra ut calorem emittant 527.

An motu & lumine 518

Astrorum calorem argumenta  
quæ impetunt diluuntur 532

Astrorum influxus quem senti-  
mus an proximè ab astris ve-  
niam, an paulatim ad nos de-  
scendat 552

Astrorum vis quomodo nascenti-  
bus hominibus imprima-  
tur 561

Astra quos mittunt spiritus,  
quot modis prodesse aut ob-  
esse possunt 563

Astra fixa cum errabundis quot  
modis consentiant 564

Astra, vide Stellæ.

Astrologorum discrepantes de  
orbibus cœlestibus sententiæ  
481

Attractio quomodo fiat 444

## A V R V M.

Auræ liquefcenti si gallinæ  
carnes misceantur ab illis  
rapitur 98

Aurum cur citius in aquâ de-  
scendit quàm argentum in  
æquali pondere 362

## B.

**B**alsamum naturæ quid  
437. 439

Baculus foramini impa-  
ctus si torqueatur cur potius  
iuxta foramen cui commit-  
titur frangatur 380

Borealis flatus cur frigidior 682

Cur nubibus cogendis sit

aduersus

Bufones arefacti

ibid.

434

## C.

## C O E L V M.

**C**Oelum 476

De cœlorum orbibus  
cœlestibus Aristotelis  
sententia 477

Cœli nomine quid Moses in-  
tellexit cum dixit in princi-  
pio &c. 335

Cœlo sensusne conueniunt 485

Cœlum vndecimum excogita-  
tum ob motum trepidatio-  
nis. 494

Cœlum an quiescat terrâ re-  
uolutâ continuè 495. 496

Cœli de motu Copernici sen-  
tentia ibid.

Cœli naturam qualem puta-  
runt veteres defenditur 507

Exponitur eorum opinio 512

Cœli materia quas pugnas in-  
ter Peripateticos excitauit  
508

Cœlum an mixtum 510

Cœlum an mutabile ibid.

Cœlum ut conseruet cœtera  
corpora, vicissimque ab iis  
conseruetur 511

Cœli materia 513

Cœlum cur ab igne non patia-  
tur 513. 514

Cœlorum influxus 527

Cœlo sereno cur frigus acrius  
468

## C A L I D V M.

Calidum in aqua quid sit 71

Calidæ partes à frigidis am-  
biuntur 91. & præcedentibus

Calidū actu quot modis fiat 92  
Calidi



# I N D E X.

Calidi retentioni necessarium  
est frigidum ambiens ibid.  
Calidum fit contritione par-  
tium 95  
Calidum quod ex terræ visce-  
ribus iugiter ascendit vn-  
de 697  
Calidum idem vnde reparatur  
698

## C A L O R.

Caloris natura ex Platonis sen-  
tentiâ 62. 431  
Calor non intenditur ex Scali-  
gero 71  
Calor in aquâ cuius virtute a-  
git 68  
Calor vehemens cur continuo  
sequitur vulnus aut contu-  
sionem 95  
Calor quomodo cerebrum re-  
frigeret 120. 121  
Calor quid secundum Aristo-  
telem eiusque refutatio 460  
Calor quis concoctioni requi-  
ratur 461  
Calor tactu quomodo fiat 470  
Calor ab astris vt procedat 527.  
Aristotelis sententia refuta-  
tur ibid.

## C A L X.

Calx cur ad aquæ infusionem  
feruet 98. & seq.  
Calci superest aliquid humidi  
102  
Capillorum à capite ortus 262  
Connexio 263  
Caput hominis nonnihil viuit  
abscissum 289  
Caro non est eadem numero  
in homine sene quæ fuit in  
in eodem Iuene 272

Carcere tenebroso detenti diu-  
tius qui sit vt nonnunquam  
luce priuentur 609  
Causa vniuersalis quomodo  
singula sine formis particula-  
ribus moueat 256  
Cerebri consensus cum testi-  
bus 122

## C E S S A T I O.

Cessatio naturalis vnde 3  
Cessatio tot modis quot motus  
ibidem  
Coaguli natura 445  
Coitus species Epilepsiæ 123

## C O L O R.

Color 616. quid sit ibidem item  
623  
Color cœruleus qui cœlo sere-  
no videtur 576  
Colores fluxi vnde 616  
Colores Iridis aliorumque me-  
teorum quid 619  
Colorum variatio quæ fit in  
collo columbæ, Item in cau-  
da pauonis ibid.  
Colores fixi 622  
Colorum fixorum & fluxorum  
discrimen ibid.  
Colores quos vocant spirita-  
les 626  
Cometa 478

## C O M P O S I T V M.

Compositum nihil aliud est  
quàm partes coniunctæ 154

## C O N C O C T I O.

Concoctio quid 450. quomodo  
fiat ibid.  
Concoquens vis ibid. An ea vis  
aliud est quam calor ele-  
mentaris 451  
Cōcoctionis præcipitatio vnde



Ab Astris facta calidam dicant? quando? Si hyberno tempore. Quidni potius Aer Astris vicinior incalescit? Cur potius terre intima quam quæ Astrorum influxus facilius recipiunt? Supremæ partes quæ stellarum, cœlique patent viribus hyeme congelantur, infimæ ad quas impossibile est vires cœlorum hoc modo pertransire, eo tempore magis æstuant. Si æstate vigente hunc calorem excitatum putent; Contra tunc temporis Terræ intima rigebant. imo antra, & speluncæ non altè defossæ frigide erant admodum. Itaque Terra Aestate non altè fuit calefacta; itaut, quamuis, quod nos docuimus, concederent, fuisse in illa terræ superficie corpuscula calida, quæ proinde loco migrare cum possent, hyeme vigente se altiùs in terram condidissent, non possent plus spacij quàm prius occupare, nec plus utique Terræ calefacere. Vnde igitur tantus ille Terræ calor, qui in altissimis Terræ penetralibus, profundissimisque eius partibus aurum, argentum, & c. metalla reliqua concoquit; qui nitrum sulphur, bitumen tanto imprægnat incendio: qui alumini, qui vitriolo, qui arsenico, qui cæteris mineralibus eiusmodi, vim adeo causticam impressit; Qui halitus cum siccos tum vapidos gignit, atque ex imis Terræ visceribus sublime vehit? Et quidem hæc omnia quouis tempore fieri compertum est: cum tamen neque bruma Calor Cœlestis Terram gelidam subeat, neque æstu, Solis calor Terram penetret, ut videre est.

Ergone hunc ignem subterraneum indigenam asseramus? At cum tantum huius ignis indefinenter ascendat, ni quantum deperit, tantum noui accedat,



cedat, tandem ex toto consumatur, necesse est. Vnde ergo reparatur? Prorsus ex alto redeat qui altum conscendit, oportet. Verum quibus anfractibus sinus illos subterraneos subeat, nostri philosophi non aduertunt. Quid nos dicamus? Idem nimirum quod superius de materia quæ montis *Ætnæ* incendium continuat, id inquam de materia huius calidi per vniuersam terram dispersi vicaria censendum est: spiritus scilicet illos esse quos aqua maris per cæcos illos ductus sub Terram secum vehit. Quippe facilè est spiritus illos ab Astris demissos maris sinum facilem quem propterea calefaciunt; penetrare: non sanè immensam molis *Terræ* duritiem, veluti terebrare, *Solis* Astrorumque reliquorum radij rectà Terram petentes, pauci superficiem eius penetrant maximam partem ab Terra repercussi aerem accendunt. Quos verò in vastissimum illud æquor iaculantur, pauci cum aqua in vapores futuros nubibus materiam sursum volant, maxima tamen ex parte cum immenso illo aquarum pōdere successu temporis sub Terram disperguntur: ex quibus & in mari & in Terra tam mira generantur. Ergo & hæc veritas confirmat veritatem illius quæ multorum est, nostræ sententiæ: fontes & flumina ex mari per meatus subterraneos deriuantis. Quod ni verum sit, non est dare viam, aut modum quo tale calidum in Terra generetur.



Si hæc prima pars quam à me preces  
amicorum extorserunt, Lectori placue-  
rit, & eam ampliorem, & plura alia suo  
tempore accipiet.

FINIS.

















# INDEX RERVM QVÆ IN HOC OPERE continentur.

A.

**A**bsurda quæ Aristoteles frustra in veterū disciplina notare conatus est in illum meritò retorquentur 66

Absurda quæ Aristotelis sententiam sequuntur præludio tanguntur 18. & sequent.

## ACCIDENS.

Accidens an possit producere substantiam 166. & 169

Accidens nullum agit nisi in virtute suæ substantiæ 194. 170

Accidens nullum cognoscit ibidem.

## ACCRETIO.

Accretio quomodo fiat 320. 435. 451

Accretione non quælibet pars eius quod augetur fit maior contra Aristotelem 330

## ACERVVS.

Aceruus tritici si aquâ madeat cur concipit calorem 98. 104

Idem de acervo fœni ibid.

## ACTIO.

Actio 430. & seq.

Quorum in quænam sit actio 432

Actio alius in aliud quot modis fit 434

Actio est suppositi non caloris 20. 170

Actione eadem cœli cur tam diuersa in eadem terræ parte suâ sponte generantur 24

## ADEPS.

Adeps frigidus & calidus 23

Adeps igneus cur sit concoctu difficilis 88. senescens cur calidior 89

Adipis natura 82. diuersæ hæc de re sententiæ ibid.

Adipis materia nec tota calida nec tota frigida 83

Aristotelis sententia refutatur ibid.

Adipis veta natura 84

Adipis effecta eius naturam probant 88

Adeps quomodo generetur circa cor 91. Non est propriè adeps ibid.

Adipis quandam similitudinem cur oues, boues, & similia habent in pectore 91

Adeps cur in aëre grauior in aqua leuior 360. & seq.

Adnatorum cum corpore consensus 262

Ætænæ incendij causa 663

## AER.

Aer, ignis, aqua habent poros 543

Aer per nares emissus cur calidus 64

Aer cur ore diducto efflatus calidus, cōpresso frigidus 115

YY



# I N D E X.

**Aer** flabello motus cur refrige-  
scat. 113

**Aer** qui aquæ euaporantis lo-  
cum supplet aliunde venit  
145

**Aer** an in suâ spherâ grauis 351

**Aer** non videtur 543

**Aer** cur deprimit nauem 356

**Aer** cur aquâ humidior 474

**Aere** sudo cur frigus acrius  
quàm nubilo 468

**Aer** decuplo rarior aquâ est am-  
plius 669

**Aer** frigidissimus cur diutius  
nubes sustineat quàm calidus  
676

**Aeris** mediæ regionis frigus  
æstate altius se recipit ob æ-  
stum inferioris 680

**Aeria** & aquea cur motu rare-  
fiant 355

**Aere** plenus fellis cur celerius  
descendat quàm vacuus 352

## A L B E D O.

**Albedo** cur visum disgreget 617

**Alba** si conterantur cur fiant al-  
biora 623

**Alexandrum** equitum Iuuenis  
quidam diu sequutus post  
strenuum conflictum illæsus  
in sinu eius efflat animam  
610

**Anaxagoræ** sententiam non fi-  
deliter retulit Aristoteles in  
pluribus. vide forma

**Ambusta** cur frigori exposita  
ingrauescant 45

## A N I M A.

**Anima** rationalis sentiens &  
vegetans in homine reipsa  
differunt 160

**Animâ** esse causam instrumen-  
talem. Antiqui putauerunt,  
Aristoteles principalem 161

Antiqui eam in certâ propor-  
tione consistere dixerunt ibi.

**Animæ** ortus quis ex Aristotele  
162

**Animam** in solo corde ponit  
Aristoteles 203

**Anima** rationalis brutos cor-  
poris affectus minimè produ-  
cit 256

**Anima** transit de parte in par-  
tem secundum Zabarellam  
277

**Anima** non mouetur per se,  
sed per accidens 276

**Animam** ad informandas agge-  
neratas partes transire non  
per motum, sed quodam alio  
modo nobis occulto vult Za-  
barella 279

**Animam** spiritalem educi è ma-  
teriâ absurdum est 282

**Animæ** fluxum Zabarella con-  
tra seipsum conuincit 284

**Anima** eadem in talpa vel ra-  
mo exciso quæ fuerat ante  
284. fuerat prius animæ pars,  
nunc fit anima tota 285

**Anima** catuli an fuerit pars a-  
nimæ parentis 167. 168

**Animas** omnium salicum quæ  
à primâ prodierunt actu fuis-  
se in primâ salice necessariū  
est ni anima per partes fiat &  
pereat 266. & sequentibus

**Animæ** in serpente tot sunt  
partes in quot partes potest  
serpens secari 289

**Anima** non modò ex pluribus  
compo-



# I N D E X.

rōponitur, sed vna eius pars  
 ab aliā potest separari 292  
 Anima in decreatione & accre-  
 tione sequitur fluentem ma-  
 teriam 292 & præcedentibus  
 Animæ vegetantis fluxum ar-  
 gumenta probantia refutan-  
 tur 294  
 Anima vegetans quæ est har-  
 monia vt perseueret quæ re-  
 quiruntur 296  
 Animam vegetantem non esse  
 vnum actum 300 & sequent.  
 Animam vegetantem nihil a-  
 liud esse quàm debitam par-  
 tium harmoniam 303  
 Animæ vegetantis essentia non  
 est indiuidua 294  
 Anima sentiens an fluat vt ve-  
 getans 307  
 Anima neque agit neque pati-  
 tur, sed est ratio agendi &  
 patiendi 307  
 Anima mundi quid 309  
 Anima mundi 333  
 Anima mundi est spiritus vni-  
 uersi 335  
 Animæ mundi & naturæ disci-  
 men 341

## A N I M A L I A.

Animalia valde calida minimè  
 pingua 84  
 Animalia cum nutriantur vnde  
 fit vt abeant in interitum 506  
 Animalia cur quorundam me-  
 moriam diu retineant 299  
 Animal quod vinum demergi-  
 tur cur mortuū supernatat 363

## A P P E T I T V S.

Appetita magis citiùs fastidi-  
 mus 457

Appetitus quid 255  
 Appetitus naturalis quid 19  
 Appetitus materiæ Aristoteli-  
 cæ nullus ibid.

## A Q V A.

Aquæ calidæ euaporatio pro-  
 bat diuersas in ipsâ naturas 73  
 Aquæ calidæ partes esse diuer-  
 sas ex principiis Aristotelis  
 euincitur 69  
 Aqua sibiipsi renititur ex Ari-  
 stotele ibid.  
 Aquæ vapores nō esse aerem 73  
 Aqua ardens quomodo ex rolis  
 eliciatur 94  
 Aqua calida elicit partes quas  
 nequit ignis affando 96  
 Aqua calida cur corrugat ma-  
 nus 98  
 Aqua an igni contraria 447  
 Aqua sola non spissatur 641  
 Aqua maris vt ascendat ad fon-  
 tes refellitur Scaligeri sen-  
 tentia 667 causa ostenditur  
 668  
 Aqua calida cur in gelu con-  
 crescat citiùs 681  
 Aqua quæuis potest quoduis  
 quantumuis densum vas  
 transire 145 & sequentibus

Arcus curuatus cur se reflectat  
 376.379

Aristotelis error cum Peripate-  
 ticorum errore cōparatur 257

## A R S.

Ars requirit materiā idoneam 2  
 Ars etsi nescia reddit tan ē sciē-  
 tem artificem non natura 192

## A R T I F I C I A L E.

Artificialia vim suam naturæ  
 debent partim arti 2



# I N D E X.

Artificialia excludit hæc tra-  
ctatio naturalium ibid.

Arteriæ pulsus reciprocus 657  
**A S T R V M.**

Astra ut calorem emittant 527.

An motu & lumine 528

Astrorum calorem argumenta  
quæ impetunt diluuntur 532

Astrorum influxus quem senti-  
mus an proximè ab astris ve-  
niam, an paulatim ad nos de-  
scendat 552

Astrorum vis quomodo nascenti-  
bus hominibus imprima-  
tur 561

Astra quos mittunt spiritus,  
quot modis prodesse aut ob-  
esse possunt 563

Astra fixa cum errabundis quot  
modis consentiant 564

Astra, vide Stellæ.

Astrologorum discrepantes de  
orbibus cœlestibus sententiæ  
481

Attractio quomodo fiat 444  
**A V R V M.**

Auræ liquefcenti si gallinæ  
carnes misceantur ab illis  
rapitur 98

Aurum cur citius in aquâ de-  
scendit quàm argentum in  
æquali pondere 362

B.

**B**alsamum naturæ quid  
437. 439

Baculus foramini impa-  
ctus si torqueatur cur potius  
iuxta foramen cui commit-  
titur frangatur 380

Borealis flatus cur frigidior 682

Cur nubibus cogendis sit

aduersus

ibid.

Bufones arefacti

434

C.

**C O E L V M.**

**C**œlum 476

De cœlorum orbibus  
cœlestibus Aristotelis  
sententia 477

Cœli nomine quid Moses in-  
tellexit cum dixit in princi-  
pio &c. 335

Cœlo sensusne conueniunt 485

Cœlum vndecimum excogita-  
tum ob motum trepidatio-  
nis. 494

Cœlum an quiescat terrâ re-  
uolutâ continuè 495. 496

Cœli de motu Copernici sen-  
tentia 495. 496. 497. 498. 499. 500. 501. 502. 503. 504. 505. 506. 507. 508. 509. 510. 511. 512. 513. 514. 515. 516. 517. 518. 519. 520. 521. 522. 523. 524. 525. 526. 527. 528. 529. 530. 531. 532. 533. 534. 535. 536. 537. 538. 539. 540. 541. 542. 543. 544. 545. 546. 547. 548. 549. 550. 551. 552. 553. 554. 555. 556. 557. 558. 559. 560. 561. 562. 563. 564. 565. 566. 567. 568. 569. 570. 571. 572. 573. 574. 575. 576. 577. 578. 579. 580. 581. 582. 583. 584. 585. 586. 587. 588. 589. 590. 591. 592. 593. 594. 595. 596. 597. 598. 599. 600. 601. 602. 603. 604. 605. 606. 607. 608. 609. 610. 611. 612. 613. 614. 615. 616. 617. 618. 619. 620. 621. 622. 623. 624. 625. 626. 627. 628. 629. 630. 631. 632. 633. 634. 635. 636. 637. 638. 639. 640. 641. 642. 643. 644. 645. 646. 647. 648. 649. 650. 651. 652. 653. 654. 655. 656. 657. 658. 659. 660. 661. 662. 663. 664. 665. 666. 667. 668. 669. 670. 671. 672. 673. 674. 675. 676. 677. 678. 679. 680. 681. 682. 683. 684. 685. 686. 687. 688. 689. 690. 691. 692. 693. 694. 695. 696. 697. 698. 699. 700. 701. 702. 703. 704. 705. 706. 707. 708. 709. 710. 711. 712. 713. 714. 715. 716. 717. 718. 719. 720. 721. 722. 723. 724. 725. 726. 727. 728. 729. 730. 731. 732. 733. 734. 735. 736. 737. 738. 739. 740. 741. 742. 743. 744. 745. 746. 747. 748. 749. 750. 751. 752. 753. 754. 755. 756. 757. 758. 759. 760. 761. 762. 763. 764. 765. 766. 767. 768. 769. 770. 771. 772. 773. 774. 775. 776. 777. 778. 779. 780. 781. 782. 783. 784. 785. 786. 787. 788. 789. 790. 791. 792. 793. 794. 795. 796. 797. 798. 799. 800. 801. 802. 803. 804. 805. 806. 807. 808. 809. 810. 811. 812. 813. 814. 815. 816. 817. 818. 819. 820. 821. 822. 823. 824. 825. 826. 827. 828. 829. 830. 831. 832. 833. 834. 835. 836. 837. 838. 839. 840. 841. 842. 843. 844. 845. 846. 847. 848. 849. 850. 851. 852. 853. 854. 855. 856. 857. 858. 859. 860. 861. 862. 863. 864. 865. 866. 867. 868. 869. 870. 871. 872. 873. 874. 875. 876. 877. 878. 879. 880. 881. 882. 883. 884. 885. 886. 887. 888. 889. 890. 891. 892. 893. 894. 895. 896. 897. 898. 899. 900. 901. 902. 903. 904. 905. 906. 907. 908. 909. 910. 911. 912. 913. 914. 915. 916. 917. 918. 919. 920. 921. 922. 923. 924. 925. 926. 927. 928. 929. 930. 931. 932. 933. 934. 935. 936. 937. 938. 939. 940. 941. 942. 943. 944. 945. 946. 947. 948. 949. 950. 951. 952. 953. 954. 955. 956. 957. 958. 959. 960. 961. 962. 963. 964. 965. 966. 967. 968. 969. 970. 971. 972. 973. 974. 975. 976. 977. 978. 979. 980. 981. 982. 983. 984. 985. 986. 987. 988. 989. 990. 991. 992. 993. 994. 995. 996. 997. 998. 999. 1000. 1001. 1002. 1003. 1004. 1005. 1006. 1007. 1008. 1009. 1010. 1011. 1012. 1013. 1014. 1015. 1016. 1017. 1018. 1019. 1020. 1021. 1022. 1023. 1024. 1025. 1026. 1027. 1028. 1029. 1030. 1031. 1032. 1033. 1034. 1035. 1036. 1037. 1038. 1039. 1040. 1041. 1042. 1043. 1044. 1045. 1046. 1047. 1048. 1049. 1050. 1051. 1052. 1053. 1054. 1055. 1056. 1057. 1058. 1059. 1060. 1061. 1062. 1063. 1064. 1065. 1066. 1067. 1068. 1069. 1070. 1071. 1072. 1073. 1074. 1075. 1076. 1077. 1078. 1079. 1080. 1081. 1082. 1083. 1084. 1085. 1086. 1087. 1088. 1089. 1090. 1091. 1092. 1093. 1094. 1095. 1096. 1097. 1098. 1099. 1100. 1101. 1102. 1103. 1104. 1105. 1106. 1107. 1108. 1109. 1110. 1111. 1112. 1113. 1114. 1115. 1116. 1117. 1118. 1119. 1120. 1121. 1122. 1123. 1124. 1125. 1126. 1127. 1128. 1129. 1130. 1131. 1132. 1133. 1134. 1135. 1136. 1137. 1138. 1139. 1140. 1141. 1142. 1143. 1144. 1145. 1146. 1147. 1148. 1149. 1150. 1151. 1152. 1153. 1154. 1155. 1156. 1157. 1158. 1159. 1160. 1161. 1162. 1163. 1164. 1165. 1166. 1167. 1168. 1169. 1170. 1171. 1172. 1173. 1174. 1175. 1176. 1177. 1178. 1179. 1180. 1181. 1182. 1183. 1184. 1185. 1186. 1187. 1188. 1189. 1190. 1191. 1192. 1193. 1194. 1195. 1196. 1197. 1198. 1199. 1200. 1201. 1202. 1203. 1204. 1205. 1206. 1207. 1208. 1209. 1210. 1211. 1212. 1213. 1214. 1215. 1216. 1217. 1218. 1219. 1220. 1221. 1222. 1223. 1224. 1225. 1226. 1227. 1228. 1229. 1230. 1231. 1232. 1233. 1234. 1235. 1236. 1237. 1238. 1239. 1240. 1241. 1242. 1243. 1244. 1245. 1246. 1247. 1248. 1249. 1250. 1251. 1252. 1253. 1254. 1255. 1256. 1257. 1258. 1259. 1260. 1261. 1262. 1263. 1264. 1265. 1266. 1267. 1268. 1269. 1270. 1271. 1272. 1273. 1274. 1275. 1276. 1277. 1278. 1279. 1280. 1281. 1282. 1283. 1284. 1285. 1286. 1287. 1288. 1289. 1290. 1291. 1292. 1293. 1294. 1295. 1296. 1297. 1298. 1299. 1300. 1301. 1302. 1303. 1304. 1305. 1306. 1307. 1308. 1309. 1310. 1311. 1312. 1313. 1314. 1315. 1316. 1317. 1318. 1319. 1320. 1321. 1322. 1323. 1324. 1325. 1326. 1327. 1328. 1329. 1330. 1331. 1332. 1333. 1334. 1335. 1336. 1337. 1338. 1339. 1340. 1341. 1342. 1343. 1344. 1345. 1346. 1347. 1348. 1349. 1350. 1351. 1352. 1353. 1354. 1355. 1356. 1357. 1358. 1359. 1360. 1361. 1362. 1363. 1364. 1365. 1366. 1367. 1368. 1369. 1370. 1371. 1372. 1373. 1374. 1375. 1376. 1377. 1378. 1379. 1380. 1381. 1382. 1383. 1384. 1385. 1386. 1387. 1388. 1389. 1390. 1391. 1392. 1393. 1394. 1395. 1396. 1397. 1398. 1399. 1400. 1401. 1402. 1403. 1404. 1405. 1406. 1407. 1408. 1409. 1410. 1411. 1412. 1413. 1414. 1415. 1416. 1417. 1418. 1419. 1420. 1421. 1422. 1423. 1424. 1425. 1426. 1427. 1428. 1429. 1430. 1431. 1432. 1433. 1434. 1435. 1436. 1437. 1438. 1439. 1440. 1441. 1442. 1443. 1444. 1445. 1446. 1447. 1448. 1449. 1450. 1451. 1452. 1453. 1454. 1455. 1456. 1457. 1458. 1459. 1460. 1461. 1462. 1463. 1464. 1465. 1466. 1467. 1468. 1469. 1470. 1471. 1472. 1473. 1474. 1475. 1476. 1477. 1478. 1479. 1480. 1481. 1482. 1483. 1484. 1485. 1486. 1487. 1488. 1489. 1490. 1491. 1492. 1493. 1494. 1495. 1496. 1497. 1498. 1499. 1500. 1501. 1502. 1503. 1504. 1505. 1506. 1507. 1508. 1509. 1510. 1511. 1512. 1513. 1514. 1515. 1516. 1517. 1518. 1519. 1520. 1521. 1522. 1523. 1524. 1525. 1526. 1527. 1528. 1529. 1530. 1531. 1532. 1533. 1534. 1535. 1536. 1537. 1538. 1539. 1540. 1541. 1542. 1543. 1544. 1545. 1546. 1547. 1548. 1549. 1550. 1551. 1552. 1553. 1554. 1555. 1556. 1557. 1558. 1559. 1560. 1561. 1562. 1563. 1564. 1565. 1566. 1567. 1568. 1569. 1570. 1571. 1572. 1573. 1574. 1575. 1576. 1577. 1578. 1579. 1580. 1581. 1582. 1583. 1584. 1585. 1586. 1587. 1588. 1589. 1590. 1591. 1592. 1593. 1594. 1595. 1596. 1597. 1598. 1599. 1600. 1601. 1602. 1603. 1604. 1605. 1606. 1607. 1608. 1609. 1610. 1611. 1612. 1613. 1614. 1615. 1616. 1617. 1618. 1619. 1620. 1621. 1622. 1623. 1624. 1625. 1626. 1627. 1628. 1629. 1630. 1631. 1632. 1633. 1634. 1635. 1636. 1637. 1638. 1639. 1640. 1641. 1642. 1643. 1644. 1645. 1646. 1647. 1648. 1649. 1650. 1651. 1652. 1653. 1654. 1655. 1656. 1657. 1658. 1659. 1660. 1661. 1662. 1663. 1664. 1665. 1666. 1667. 1668. 1669. 1670. 1671. 1672. 1673. 1674. 1675. 1676. 1677. 1678. 1679. 1680. 1681. 1682. 1683. 1684. 1685. 1686. 1687. 1688. 1689. 1690. 1691. 1692. 1693. 1694. 1695. 1696. 1697. 1698. 1699. 1700. 1701. 1702. 1703. 1704. 1705. 1706. 1707. 1708. 1709. 1710. 1711. 1712. 1713. 1714. 1715. 1716. 1717. 1718. 1719. 1720. 1721. 1722. 1723. 1724. 1725. 1726. 1727. 1728. 1729. 1730. 1731. 1732. 1733. 1734. 1735. 1736. 1737. 1738. 1739. 1740. 1741. 1742. 1743. 1744. 1745. 1746. 1747. 1748. 1749. 1750. 1751. 1752. 1753. 1754. 1755. 1756. 1757. 1758. 1759. 1760. 1761. 1762. 1763. 1764. 1765. 1766. 1767. 1768. 1769. 1770. 1771. 1772. 1773. 1774. 1775. 1776. 1777. 1778. 1779. 1780. 1781. 1782. 1783. 1784. 1785. 1786. 1787. 1788. 1789. 1790. 1791. 1792. 1793. 1794. 1795. 1796. 1797. 1798. 1799. 1800. 1801. 1802. 1803. 1804. 1805. 1806. 1807. 1808. 1809. 1810. 1811. 1812. 1813. 1814. 1815. 1816. 1817. 1818. 1819. 1820. 1821. 1822. 1823. 1824. 1825. 1826. 1827. 1828. 1829. 1830. 1831. 1832. 1833. 1834. 1835. 1836. 1837. 1838. 1839. 1840. 1841. 1842. 1843. 1844. 1845. 1846. 1847. 1848. 1849. 1850. 1851. 1852. 1853. 1854. 1855. 1856. 1857. 1858. 1859. 1860. 1861. 1862. 1863. 1864. 1865. 1866. 1867. 1868. 1869. 1870. 1871. 1872. 1873. 1874. 1875. 1876. 1877. 1878. 1879. 1880. 1881. 1882. 1883. 1884. 1885. 1886. 1887. 1888. 1889. 1890. 1891. 1892. 1893. 1894. 1895. 1896. 1897. 1898. 1899. 1900. 1901. 1902. 1903. 1904. 1905. 1906. 1907. 1908. 1909. 1910. 1911. 1912. 1913. 1914. 1915. 1916. 1917. 1918. 1919. 1920. 1921. 1922. 1923. 1924. 1925. 1926. 1927. 1928. 1929. 1930. 1931. 1932. 1933. 1934. 1935. 1936. 1937. 1938. 1939. 1940. 1941. 1942. 1943. 1944. 1945. 1946. 1947. 1948. 1949. 1950. 1951. 1952. 1953. 1954. 1955. 1956. 1957. 1958. 1959. 1960. 1961. 1962. 1963. 1964. 1965. 1966. 1967. 1968. 1969. 1970. 1971. 1972. 1973. 1974. 1975. 1976. 1977. 1978. 1979. 1980. 1981. 1982. 1983. 1984. 1985. 1986. 1987. 1988. 1989. 1990. 1991. 1992. 1993. 1994. 1995. 1996. 1997. 1998. 1999. 2000. 2001. 2002. 2003. 2004. 2005. 2006. 2007. 2008. 2009. 2010. 2011. 2012. 2013. 2014. 2015. 2016. 2017. 2018. 2019. 2020. 2021. 2022. 2023. 2024. 2025. 2026. 2027. 2028. 2029. 2030. 2031. 2032. 2033. 2034. 2035. 2036. 2037. 2038. 2039. 2040. 2041. 2042. 2043. 2044. 2045. 2046. 2047. 2048. 2049. 2050. 2051. 2052. 2053. 2054. 2055. 2056. 2057. 2058. 2059. 2060. 2061. 2062. 2063. 2064. 2065. 2066. 2067. 2068. 2069. 2070. 2071. 2072. 2073. 2074. 2075. 2076. 2077. 2078. 2079. 2080. 2081. 2082. 2083. 2084. 2085. 2086. 2087. 2088. 2089. 2090. 2091. 2092. 2093. 2094. 2095. 2096. 2097. 2098. 2099. 2100. 2101. 2102. 2103. 2104. 2105. 2106. 2107. 2108. 2109. 2110. 2111. 2112. 2113. 2114. 2115. 2116. 2117. 2118. 2119. 2120. 2121. 2122. 2123. 2124. 2125. 2126. 2127. 2128. 2129. 2130. 2131. 2132. 2133. 2134. 2135. 2136. 2137. 2138. 2139. 2140. 2141. 2142. 2143. 2144. 2145. 2146. 2147. 2148. 2149. 2150. 2151. 2152. 2153. 2154. 2155. 2156. 2157. 2158. 2159. 2160. 2161. 2162. 2163. 2164. 2165. 2166. 2167. 2168. 2169. 2170. 2171. 2172. 2173. 2174. 2175. 2176. 2177. 2178. 2179. 2180. 2181. 2182. 2183. 2184. 2185. 2186. 2187. 2188. 2189. 2190. 2191. 2192. 2193. 2194. 2195. 2196. 2197. 2198. 2199. 2200. 2201. 2202. 2203. 2204. 2205. 2206. 2207. 2208. 2209. 2210. 2211. 2212. 2213. 2214. 2215. 2216. 2217. 2218. 2219. 2220. 2221. 2222. 2223. 2224. 2225. 2226. 2227. 2228. 2229. 2230. 2231. 2232. 2233. 2234. 2235. 2236. 2237. 2238. 2239. 2240. 2241. 2242. 2243. 2244. 2245. 2246. 2247. 2248. 2249. 2250. 2251. 2252. 2253. 2254. 2255. 2256. 2257. 2258. 2259. 2260. 2261. 2262. 2263. 2264. 2265. 2266. 2267. 2268. 2269. 2270. 2271. 2272. 2273. 2274. 2275. 2276. 2277. 2278. 2279. 2280. 2281. 2282. 2283. 2284. 2285. 2286. 2287. 2288. 2289. 2290. 2291. 2292. 2293. 2294. 2295. 2296. 2297. 2298. 2299. 2300. 2301. 2302. 2303. 2304. 2305. 2306. 2307. 2308. 2309. 2310. 2311. 2312. 2313. 2314. 2315. 2316. 2317. 2318. 2319. 2320. 2321. 2322. 2323. 2324. 2325. 2326. 2327. 2328. 2329. 2330. 2331. 2332. 2333. 2334. 2335. 2336. 2337. 2338. 2339. 2340.



# INDEX.

Calidi retentioni necessarium  
est frigidum ambiens ibid.  
Calidum fit contritione par-  
tium 95  
Calidum quod ex terræ visce-  
ribus iugiter ascendit vn-  
de 697  
Calidum idem vnde reparatur  
698

## CALOR.

Caloris natura ex Platonis sen-  
tentiâ 62.431  
Calor non intenditur ex Scali-  
gero 71  
Calor in aquâ cuius virtute a-  
git 68  
Calor vehemens cur continuo  
sequitur vulnus aut contu-  
sionem 95  
Calor quomodo cerebrum re-  
frigeret 120.121  
Calor quid secundum Aristote-  
lem eiusque refutatio 460  
Calor quis concoctioni requi-  
ratur 461  
Calor tactu quomodo fiat 470  
Calor ab astris vt procedat 527.  
Aristotelis sententia refuta-  
tur ibid.

## CALX.

Calx cur ad aquæ infusionem  
feruet 98. & seq.  
Calci superest aliquid humidi  
102  
Capillorum à capite ortus 262  
Connexio 263  
Caput hominis nonnihil viuit  
abscissum 289  
Caro non est eadem numero  
in homine sene quæ fuit in  
in eodem Iuene 272

Carcere tenebroso derenti diu-  
tius qui sit vt nonnunquam  
luce priuentur 609  
Causa vniuersalis quomodo  
singula sine formis particula-  
ribus moueat 256  
Cerebri consensus cum testi-  
bus 123

## CESSATIO.

Cessatio naturalis vnde 3  
Cessatio tot modis quot motus  
ibidem  
Coaguli natura 445  
Coitus species Epilepsiæ 123

## COLOR.

Color 616. quid sit ibidem item  
623  
Color cœruleus qui cœlo sere-  
no videtur 576  
Colores fluxi vnde 616  
Colores Iridis aliorumque me-  
teorum quid 619  
Colorum variatio quæ fit in  
collo columbæ, Item in cau-  
da pauonis ibid.  
Colores fixi 622  
Colorum fixorum & fluxorum  
discrimen ibid.  
Colores quos vocant spirita-  
les 626  
Cometa 478

## COMPOSITVM.

Compositum nihil aliud est  
quàm partes coniunctæ 154

## CONCOCTIO.

Concoctio quid 450. quomodo  
fiat ibid.  
Concoquens vis ibid. An ea vis  
aliud est quam calor ele-  
mentaris 451  
Cōcoctionis præcipitatio vnde



# I N D E X.

461

Concoctioni quis calor requiritur ibid.

Concordi ex pugna quomodo fiat attractio, retentio, concoctio & expulsio 320

Conseruationem sui maxime appetit res quæuis naturalis

19

## CONTIGVVM.

Contigua sunt ne illa quorum extrema sunt simul 407

Contingentes partes non possunt propius ad inuicem accedere 324

Contactus cur reddit membra calidiora 470

## CONTINVVM.

Continua suntne illa quorum extrema sunt vnum 407

Continui partes an dentur Individuæ 399

Continui partes omnes Deus distincte nouit 403. Aristotelis argumenta contraria diluuntur & in ipsum retorquentur 407

Continuum quoduis est quoque contiguū non contrā 324

## CONTRARIVM.

Contrariorum natura 446

Contrarium quot modis agit in alterum 459

Contraria contrariorum diminutione vel interitu infirmari vt vult Aristoteles est contra naturam ibid.

Conuersio nutrimenti in rei naturam quid 10

Cordis regio cur non pinguis

84.85.86

## CORPVVS.

Corporis humani descriptio 216

Corporis parte abscissa animæ pars abscinditur 292. & præcedentibus

Corpus nullum quod aliquam inflexionem nō admittat 377

Corpuscula frigida in aere 682

## CORRVPTIO.

Corruptio vnus vt sit generatio alterius ex Aristotele 6 De qua corruptione & generatione intelligatur ibid.

Corruptio simpliciter dicta quid ibid.

Corruptio quotuplex ibid.

Corruptio secundum quid ib.

Corruptio & generatio secundum quid non sunt reciproæ ibid.

Ex corruptione nihil de nouo generatur secundū veteres 11

Corruptionem sui forma Aristotelis subiectūque molitur 19

Crementum morbi in septimum diem an recte lunæ tribuatur 662

Ex crystallo veluti è silice ignis excutitur 681

D.

## DEMOCRITVS.

Democriti sententiam Aristoteles Platonis cæterorumque placitis anteponit & laudat 12

Democritus & Leucippus teste Aristotele ex suis principiis possunt omnium reddere rationem 12

Democriti doctrina communis erat



# I N D E X.

erat temporibus Aristotelis  
ibid.

Democritus quomodo differt à  
 Platone circa principia 13

Democriti sententia de a-  
tomorum concursu fortuito  
explicatur atque cōprobatur  
317

Democriti sententia de vacuo  
exponitur, eiusq; error si quis  
sit cum Aristotelis errore  
comparatur 339

## D E N S I T A S.

Densitas & raritas quid Aristo-  
teli 221. densitate & raritate  
tali admissa sequitur dari va-  
cuum 322

Densari est ex magno paruum  
feri ibid.

Descendunt alia aliis celerius  
quare 358

## D E V S.

Deus an ita res ipsas moueat  
ut ad hunc motum eius præ-  
sentia requiratur 198. Aristo-  
telis hac de re sententia ib.  
& seq.

Deum ultimo supremoq; cælo  
cōcludit Aristoteles 201. & seq.

Deum regi & duci ineptè com-  
parat 202. Refutatur hæc sen-  
tentia 204. & seq.

Deus an intimus naturalia di-  
rigat 190 & præcedentibus.

Id sit luculentum corporis  
humani fabricæ considera-  
tione 216

Deus an ita in omnibus opere-  
tur ut res ipsæ nihilominus  
agant tanquam causæ princi-  
pales 221. & seq. Antiquorum

Platonisq; hac de re sententia  
224. Plures Peripareticorū cū  
veterib. sentiūt cōtra Arist. 247

Deus veluti art. sex res natura-  
les tanquam instrumenta  
mouet 224. & seq.

Deus quomodo singula sine  
particularibus formis mo-  
ueat ut causa vniuersalis 256

Deus omnibus rebus assistens  
motūque eis, dans causa  
est in mundo vnitatis 267

Diductio partium in rebus dē-  
sissimis obseruatur 376

## D I S P O S I T I O.

Dispositio materiæ ad formam  
necessaria 7

Dispositio talis impugnatur 21.  
22. 23. Item 40. 41

## D I S T A N T I A.

Distantia cur reddit res obscu-  
riores 618

Distantia cur cælo sereno red-  
dit res veluti cæruleas 621

Distillatio per descensus 685

Diuersitas operationum, affe-  
ctūque in animalibus in-  
dem quomodo ex diuersita-  
te instrumentorū procedat 255

Diuisio rei non fit in partes  
quas non habeat actu 328

Diutius loco lucido morati cur  
ubi in locum vmbrosū se  
recipiunt non vident 609

E.

## E F F E C T V S.

**E**ffectus non tantum præ-  
sens, sed sequens probat  
causam fuisse præsentem 64

## E L E M E N T V M.

Elementorū in cōposito reman-



# I N D E X.

- mentium cognitio clavis est  
 ad naturalem scientiam 25  
**E**lementa an alia in aliorum  
 substantiam conuertantur  
 337 In non fieri ibidem & se-  
 quentibus Argumenta Ari-  
 stotelis refelluntur 140  
 Elementorum singulorum na-  
 tura, officium causæque 312  
 & sequentibus  
 Elementa quid actione inten-  
 dant 314  
 Elementa ut sunt instrumenta  
 naturæ ad compositi natura-  
 lis constructionem 315  
 Elementorum finis duplex ibi.  
 Elementa ut contra naturam  
 sunt in composito 318  
 Elementa qua ratione ad com-  
 positionem rei concurrant  
 319  
 Elementa quomodo sunt in  
 mixto 334  
 Elementi simplicis pars mota  
 quæ sit, quæ pars mouens i-  
 gnorant Peripatetici 344  
 Elementorum appetitus quo-  
 duplex 434  
 Elychnium cur lucernæ impo-  
 nitur 89. non ut sit ignis pa-  
 bulum ibid.  
 Emissione radiorum sit visio  
 577  
**EMPEDOCLES.**  
 Empedoclis de principiis ma-  
 terialibus sententia 13  
 Empedoclis de mixto senten-  
 tiam malè redarguit Aristo-  
 teles 39  
 Empedocles rectè litem & ani-  
 citiam principia rerum po-  
 suit 322  
 Empedoclis de motu sententia  
 399.410  
 Empedoclis de causâ falsugi-  
 nis maris sententia exponitur  
 642  
 Empedoclis sententia & Ari-  
 stotelis comparantur 643  
 Epicycli 482  
 Esus & potus vnde voluptatem  
 pariant 457  
 Euripi refluxus 660  
 Extinctio ignis vnde 447  
 Exuvias cur quorannis serpens  
 & vipera deponunt 437  

## F

**F**ames quid 457  
 Febris recursus determina-  
 tus quare 656  
 Felis oculi cur micent 628  
 Fernelij de causa efficiente for-  
 mæ sententia 174. & sequen-  
 tibus  

## FERRVM.

 Ferrum candens aquâ extin-  
 ctum cur sit durius 103  
 Ferrum marti comparatum ie-  
 cori non parùm familiare  
 522  
 Ferrum cur magnetis contactu  
 in septentrionem tendat 565  
 Cur à magnete trahatur 567  

## FINIS.

 Finis gratiâ quod agit non te-  
 mere sed ordinatè agit. 186  
 Finem incertum an quid agere  
 possit sine cognitione 187  

## FIRMAMENTVM.

 Firmamenti natura 517  
 Firma-



# I N D E X.

Firmamentum ferri supra polos zodiaci autumant. 493

Firmamentum an motu obliquo ad nos vertatur 492

## F L A M M A.

Flamma vasta cur flammulam extinguat 447

flamma æstiuo tempore cur se-  
gnius ascendat 685

## F L A T V S.

Flatus cur ore presso frigidus  
diducto calidus exit 24.63

Flatus per mares cur semper  
calidus 64

## F L V M I N A.

Fluminum ac fontium ortus  
664. Aristotelis sententia ibi.

Flumina ex mari per fontium  
meatus oriri 665.699

## F L V X V S.

Fluxus aquæ natura 427

Fluxus humanæ naturæ 248. &  
sequentibus

Fuxum rerum omnium Plato  
qualem agnouit 270

Fluxus formæ rei continuus  
269. & sequent. Peripateti-  
corum hac de re sententia  
270

Fluxum formæ continuum quæ  
rationes probant eas frustra  
conatur soluere Zabarella  
274

Fluxus probat formā non esse  
substantiam 275

Fluxum formæ contra se con-  
uincit Zabarella 284

Fluxus formæ confirmatur 288

## F O E T V S.

Fœtus cur plerumque genitori  
similis 178

Fœtus formationis causam  
quā agnoscit Aristoteles 164

Fœtus quo vinculo secundinis  
adhæreat 263

Fœtus formationis causam Ga-  
lenus se ignorare fatetur 183

Folliculus aere plenus cur ve-  
locius descendat quā va-  
cuum 352

## F O N T E S.

Fontium ortus 664 Aristotelis  
sententia ibid.

Fontes per cæcos meatus ex  
mari venire 665.699

Fontium aqua quidni falsa 666

Fontis origo quot requirat 668

Fontium materiam non esse  
aerem 670 & sequent.

Fontes dulces in mari 673

Fontes cur hyeme calidiores,  
æstate frigidiores 695

Fractio fieri non potest nisi  
paulatim factā partium di-  
ductione 377

## F O R M A.

In pluribus vide anima

Formæ substantialis nomine  
quid intelligatur 303

Formam qualem putarit Ari-  
stoteles & cur talem putarit  
305

Formæ ratio in quo ponatur ab  
Aristotele 162

Forma substantiua secundum  
Aristotelem quid s. dat esse  
rei & agere ibid. est tēpora-  
nea unicuiq; rei destinata 6

Forma intereunte res interit 5

Forma Aristotelica causa suæ  
corruptionis 18. & sequent.

Formam inesse materiæ poten-



# I N D E X.

- |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                              |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                      |
|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| <p>tia quid 149</p> <p>Forma ut educatur è potentiâ<br/>materiæ ignorant Peripate-<br/>tici 150</p> <p>Fernelius negat 174 &amp; sequent.</p> <p>Forma fieri nequit 158. A quo<br/>fiat 159</p> <p>Formarum gradus ibid.</p> <p>Forma quomodo, à quo, &amp; ex<br/>quo fiat facile est veteribus<br/>ostendere 161</p> <p>Formæ &amp; potentiarum ratio in<br/>proportionem 455. &amp; præce-<br/>dentibus</p> <p>Forma à quo fiat ex Aristotele,<br/>eius sententia expenditur 178</p> <p>Formam substantiuam rationes<br/>quæ probant refutantur 245</p> <p>Ex iis veritas contraria copiose<br/>illustratur 248</p> <p>Forma substantiua si insit sin-<br/>gulis compositis diuersa insit<br/>necesse est singulis partibus<br/>compositi 249</p> <p>Forma si eadem cur tam diuer-<br/>sos edat effectus 250</p> <p>Formæ diuersitatem arguunt<br/>diuersa diuersis ætatibus stu-<br/>dia 253</p> <p>Forma substantiua non proba-<br/>tur ex eo quòd similis simile<br/>procreet 257</p> <p>Formæ particularis actio non<br/>requiritur ad plurimum tum a-<br/>nimalium tum stirpium pro-<br/>ductionem 258</p> <p>Forma hominis an producat<br/>pediculos 259</p> <p>Formam substantiuam compo-<br/>siti an arguat partium vincu-<br/>lum atque symmetria &amp; sym-</p> | <p>pathia 261</p> <p>Formam mixti in cadauere re-<br/>manere eandem probat Za-<br/>barella, imò in diuersis parti-<br/>bus diuersam 261</p> <p>Formarum elementorum &amp; a-<br/>liorum corporum differentia<br/>260</p> <p>Forma substantialis non cõne-<br/>ctit capillum cum cute, vn-<br/>guem cum digito, adnatum<br/>cum corpore, viscum cum ar-<br/>bore, surculum cum trunco<br/>&amp;c. 262 263 264. 265</p> <p>Forma rei continuè fluit per<br/>partes 269. 270. Peripatetico-<br/>rum hac de re proponuntur<br/>271. Platonis sententia 270</p> <p>Forma materialis non est à suâ<br/>materiâ separabilis 272</p> <p>Forma in totâ materiâ ibidem<br/>Sententia priori contraria<br/>273</p> <p>Formam continuè fluere quæ<br/>probant rationes frustra co-<br/>natur solvere Zabarella 274</p> <p>Forma rami producti an erat<br/>in arbore 275</p> <p>Forma quæ fluit non est sub-<br/>stantia 275</p> <p>Formarum aliarum ab animâ<br/>nullus fit transitus de parte<br/>in partem 277</p> <p>Formæ fluxum contra seipsum<br/>Zabarella conuincit 284</p> <p>Formæ pars abscinditur corpo-<br/>ris parte abscissâ 292</p> <p>Formæ fluxum probantia argu-<br/>menta quàm malè refuten-<br/>tur 294</p> |
|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|

F R I G V S.



# INDEX.

## FRIGVS.

- Frigus** quid secundum Aristotelem 460  
**Frigore** quod res sensum afficiat non est solâ partium calidarum absentia 92  
**Frigore** condensante subtiliores partes intimum rei penetrant 686  
**Frigoris & compressionis** natura 469  
**Frigidum** quomodo ex æquo omnia congregat 464  
**Frigidissimæ herbæ** longè plus calidi in se continent quàm cineres 93  
**Frigida** gustu contritione partium fiunt calida 94  
**Fruges** contactu cur putrescant 470  
**Fulgur** 686. cur citiùs videatur quàm tonitru auditur ib.

## G

## GENERATIO.

- G**eneratio vnde 319  
**G**eneratio & corruptio duplex 6  
**G**eneratio aduenientis quomodo corruptio præcedentis ibid.  
**G**eneratio simpliciter dicta quid ibid.  
**G**eneratio & corruptio secundum quid non sunt reciproca ibid.  
**Glaciei** inesse ignem 680. 681  
**GRANDO.**  
**Grando** 678. Aristotelis opinio ibid. refellitur

**Grandinis** vera causa 679

## GRAVIA.

- Grauium** motus cur successu fiat velocior 347 & sequentib. vera eius causa datur 353  
**Graua** non solum ab interno principio feruntur, sed ab externo, maximè ab aere ambiente 353. & præcedentibus  
**Gustu** acria vnde 107

## H

## HARMONIA.

- H**armonia partium diuersarum est anima vegetans 294  
**Harmonia** illa vt perseueret quid requiratur 296

## HERBÆ.

- Herbæ** calidæ in aquis locisque frigidis crescunt 22. 24. 87  
**Herbæ** frigidissimæ longè plus calidi in se continent quàm cineres 93  
**Hippocratis** de misto sententia 31

- Homines** quàm naturâ diuersi 251 & sequentibus, vide ibi notanda

## HVMIDVM.

- Humidum** est cæterorum vinculum 465. 102  
**Humidum** quid 473  
**Humidi** in compositione officium 474  
**Humidum** cur non possit stare cum summè frigido ibid.  
**Humidi** plures partes cur strangulant calidum quod paucae fouissent ibid.  
**Humido** frigido simile attrahenti



# • I N D E X.

calidum expromitur 98  
**H**umores putrescentes facile  
 contrahunt saporem falsum  
 462  
 Hyberno tempore cur minùs  
 tonet 688  
 Hydrargyrum vt frigidum &  
 calidum 88

## I.

### I G N I S.

**I**gnem calore & lumine per-  
 dito condensatum adhuc  
 seruari ex peripateticorum  
 doctrinâ demonstratur 57  
 Ignis forma quando non agit  
 quomodo esse possit 64  
 Ignis cur in mixto non leuis  
 66  
 Ignis author turbarum & ven-  
 torum 690 & hoc siue cum  
 materiâ siccâ siue humidâ ib.  
 Igneæ partes quò sunt abun-  
 dantiores interius eò copio-  
 sius habent frigidum exte-  
 rius 92 & præcedentibus.  
 Ignis cur non erumpit è pulue-  
 re tormentari & similibus  
 109 ib. vide plura iucunda.  
 Ignis nomine quid Plato in-  
 tellexit cum dixit In princi-  
 pio creauit Deus ignem &  
 terram 335  
 Ignis an sit aque contrarius 447  
 Ignis extinctio vnde ib.  
 Ignis nonnisi auctus & multi-  
 plicatus partem relinquit vt  
 abeat 470  
 Ignis introrsum se recipit e-  
 tiam nullo pellente extrinse-

cùs 472  
 Ignis extimus cur requiratur ad  
 intimum ciendum 472  
 Ignis implet vastissimum illud  
 spatium planetarum 517  
 Ignis aliâque corpuscula à cœ-  
 lis in terram & à terrâ in cœ-  
 los regrediuntur 515  
 Ignem ex oculis copiosum ex-  
 euntem vidit quidam per  
 multas noctes ante cæcitatis  
 infortunium 607 Causam  
 vide 609  
 Ignorans cum quis sit ex docto  
 nihil generatur 7  
 Imber quid 689  
 Indiuisibilia sunt in re quam-  
 uis non omnino à continuo  
 realiter distincta 400 vide i-  
 bi & sequentibus multa de  
 partibus indiuiduis  
 Infirmius à firmiori trahitur 103  
 Inflammati res quasdam alias  
 minimè vnde 108  
 Inflationis rerum causa 680  
 Inflecti aliquantulum potest  
 quodlibet corpus 377.395

### I N F L V X V S.

Influxus cœlorum 527  
 Influxus quem ab astris senti-  
 mus an proximè ab astris ve-  
 nit, an paulatim ab illis ad  
 nos accessit 552  
 Influxus variij cælestium 559  
 Influxuum varietas vnde 560  
 Influxus astrorum in homi-  
 nem nascentem vnde 561  
 Integra quædam cur aquæ in-  
 natant, quæ in partes diuisa  
 subsidunt 364  
 Intelligente an orbem quæq;  
 suum



# INDEX.

suum forment 478.486  
 Interitus rei unde 455  
 Internum motus statûsque rerum  
 quærimus principium 3  
 Intimum rerum principium 1  
 Iridis aliorûmque meteororum  
 colores quid 619  
 Iupiter cur calidus humidus  
 521.522

## L.

### LACVS.

**L**acus cur non falsi 647  
 Lacus falsi ib.  
 Lacuum & stagnorum aqua cur  
 magis accedit ad falsedinem  
 ibid.  
 Leuigata & polita omnia quid-  
 ni æqualiter ac speculum  
 rem repræsentent 624  
 Laurentij de oculi naturâ sen-  
 tentia ponitur & refuta-  
 tur 606 & sequentibus  
 Lebetis aqua feruente pleni  
 cur fundum manu illæsa tra-  
 ctari possit 146

### LINÆA.

Linearum recessus à centro ad  
 circumferentiam an sit con-  
 tinuus 385  
 Lineam rectam à quolibet pun-  
 cto ad quodlibet posse duci  
 an sit verum 417  
 Liquidum duplex & ex iis rur-  
 sus duplex ibid.

### LOCVS.

Locus quid 368  
 Loco obscuro videmus longius  
 & melius quare 589  
 Loco luminoso diutius morati

cur si in ymbra se reci-  
 piunt non vident 609  
 Lotio manuum cur lotium pro-  
 uocet 122  
 Lucida & alba cur oculum læ-  
 dunt 611.617  
 Lumbricorum puluis cur lum-  
 bricos enecat 434

### LVMEN.

Luminis natura: Aristotelis sen-  
 tentia 538  
 Lumen an calefaciat 530  
 Lumen an rarefaciat 531  
 Veterum de naturâ Luminis o-  
 pinio 540 Impugnatur 541  
 Refelluntur argumenta quæ  
 veteres impetunt 542  
 Lumen solis an momento fera-  
 tur ab oriente in occiden-  
 tem 544  
 Lumen cur à vento non impe-  
 ditur si est corpus 545  
 Lumen quomodo vitrum pe-  
 netret ibi.  
 Lumen an momento à sole ad  
 nos deferatur 547  
 Lumen quomodo dilatetur ex  
 corpore lucido 557  
 Lumen ad quid necessariû 587  
 Luminis iactationem cælo æ-  
 stuante identidem repetitam  
 cur videamus 604  
 Lumen copiosum ab oculis  
 exiens vidit quidam per mul-  
 tas noctes ante cæcitatis in-  
 fortunium 607 causam vide  
 609

### LVNA.

Lunæ sphaera est veluti cere-  
 brum 523  
 Lunæ natura ibidem



# I N D E X.

Luna habet cum argento simi-  
litudinem ibid.

M.

**M** Adida videntur nigriora  
623.624

M A G N E S.

Magnetis natura 565

Magnetis contactu cur ferrum  
in septentrionem tendat ibi.

Magnes cur ferrum attrahit 567

Mala contactu cur putrescant  
470

Manus rigida cur igni admota  
magis doleat 469

M A R E.

Maris falsuginis causæ 632

Maris aquæ non aliæ quàm flu-  
mina 633.638

Maris aquæ non falsæ ex natu-  
râ suâ 633

Mare an falsum à principio 633.

& sequen. Conimbricensium

sententia refellitur 634. Ari-

stotelis sententia refutatur

636. & seq. An ex halitibus è

fundo maris, excitatis 640.

An ex montibus salis veniat

hæc maris falsedo 641

Mare quomodo falsum reddi-  
tur 645

Maris æstus 648. Eius natura,  
causæque ex Scaligero ibid.

Maris æstus an causa ad Lunam  
pertineat 650. & seq.

Maris æstus causæ explicatio  
655

Mare sui motus habet inter-  
num principium, nec tamen  
est animal ibid.

Motus ille cur statis fiat tem-  
poribus 656

Motus illius reciprocatio ibid.

Mare cur pluribus locis non æ-  
stuet 658

Maris æstus à calore & frigore  
nimio impeditur 659

Mare cur alicubi semper eodẽ  
cursu feratur ibid.

Maris æstus cur alibi plenilu-  
nio, alibi novilunio fiat 660

Mare cur elatius in medio  
quàm iuxta littus 654

Maris aquæ transmissæ quidni  
falsæ remaneant, difficultas  
maior quàm putetur 672

Mare quomodo fontes habeat  
dulces 673

Maris aqua ut ascendat ad fon-  
tes refellitur Scaligeri sen-  
tentia 667. causa vera osten-  
ditur 668

Martis natura 521.522

M A T E R I A.

Materia rerum naturalium quæ  
secundum Aristotelem 4.5. & seq.

Materia grecis ύλη. i. sylua cur 5

Materia primum rerum principium ib.

Materia interitus expers om-  
nes formas successivè subit 6

Materia iners, omnisque actio-  
nis inops ibid. & 8

Materia ad patiendum idonea  
ibid. sine formâ subsistere  
non potest ibid.

Materia non est eadem nume-  
ro in omnibus 7

Materia in se considerata ea-  
dem est specie in omnibus  
ex Aristotele ibid.

Materia prima quæ intelliga-  
tur ibid.

Materia secunda tertia quar-  
ta



# I N D E X.

ta	ibid.
Materia quæuis non ad quamuis formam idonea	ibid.
Materia primæ cognitio medico vtilissima	8
Materia prima secundum veteres quæ sit 8. & seq. Item	26
Materia veterum actiua	21
Materia cœli quas pugnas inter Peripateticos excitauit	458
Materia ignis & aquæ ex carne productorum non alia est quàm quæ prima erat sub formâ carnis	32
Materiam primam quomodo Aristoteles demonstret	131
Materia primâ euersâ forma substantialis euertitur	132
Materia diuersitas in generatione dat ingenij diuersitatem	180
Materia eadem si ageret eadem accidentia produceret, ergo & forma eadem iisdem erit accidentibus impregnata	250
Materia compositi fuit continuè	272
Materia rei mortuæ an magis sit organisata quàm in ortu primo fuit	452. & seq.
Matutino tempore cur frigus acrius	466
Medicamenti vis in quo consistat	444

## M E M B R V M.

Membra cur contactu fiant calidiora	470
Membrum amputatum naturaliter animam suam reci-	

net	291
Membrum quodlibet amputatum cur non ita	297

## M E T A L L V M.

Metalli modica particula cur citius in aquâ subsidit quàm ligni mala moles	367
Metallorum fusorum coagulatione	472
Metalla quomodo calida & frigida 88. Cur in montibus frigidis nascantur	ibid.
Metallum fusum cur ad aquæ asperginem ei aculatur	103
Meteorologica	631
Meteora aerea	674
Micatio stellarum vnde	588
Minutissima quòd neque transitum sibi faciliè faciant nec multum ab aere ambiente pellantur quid sequatur	367

## M I S T V M.

Mistum ex aqua & vino quomodo dissoluatur 17. Misti ex auro & argento eadem ratio 27. sunt vnum continuatione solâ	ibid.
Mistum quid secundum Aristotelem	19
Mistum quale veteres agnouerunt	31
Misti rationem quærentes Peripatetici in quatuor diuiduntur sententias 33. Plurimi ex illis in veterum castra transierunt	32. 33
Mistum nihil aliud est quàm elementorum remanentium debita compositio 35. 36. 37. & sequentibus	



# I N D E X.

Mistum quodlibet vt in suas  
partes resoluitur 36

Misti elementa impediuntur  
quo minus agant 37

Misti ex qualibet particulâ nō  
educi quatuor elementa sed  
minutissimas eius partes in  
diuersas diuersorum elemē-  
torum partes resolui 37.38

Misti partes esse reipsâ dissimi-  
les 40.41.42.43

Misti partibus humidis abeun-  
tibus quod superest siccum  
remanet 43. Item calidis ab-  
euntibus reliquæ frigida ap-  
parent ibid.

Misti partium diuersitas est  
substantiua 49

Mistum probantia argumenta  
ponuntur 53

Mistum qui astruunt quot in  
sententias diuiduntur 52

Misti partes continuæ licet à  
primâ formâ non recedant  
55.56

Misti motus quomodo contra  
naturam 65. Mistionis locus  
vbi 510

Misti formam in cadauere re-  
manere eandem probat Za-  
barella, imò in diuersis par-  
tibus diuersam 261

Mobilis primi velocitatem cur  
orbes alij non sequantur  
477

## M O N S.

Mons remotissimus cur monti  
longè viciniori videatur con-  
tiguus 586

Mons salis in India 641

Montis Ætnæ incendij causa

663

## M O R B V S.

Morbi clementum in septimū  
diem an rectè Lunæ tribua-  
tur 662

Morborum curatio non parum  
requirit astrorum observa-  
tionem 563

Mortuam rem cur nihil possit  
restituere 452

## M O T V S.

Motus partes an dentur indiui-  
duæ 399. Platonis aliorum-  
que hac de re sententia affir-  
mat ibid.

Motus quàm multiplex 435

Motus proiectorum causa, Ari-  
stotelis sententia 376. Eam  
refutat Scaliger 371. Vera cau-  
sa redditur 373

Motus partium rotæ centro  
proximæ an continuus 395.  
410

Motus stellarum multiplex  
489

Motus stellarum duplex refu-  
tatur 490

Motus trepidationis 493. vete-  
rum de illo sententia 495

Motus trepidationis cui ascri-  
bendus 497

Motus totius quid 477

Motus planetarum quid ibid.

Motus 346. Motus grauium cur  
successu velocior 347.348  
vera causa eius 353

Motus orbicularis coëptus cur  
facillimè continuatur 693

Motum descensu cur alia aliis  
habeant celeriores 358

Motus auri per aquam cur sit  
velocior



# I N D E X.

velocior descensu quàm ar-  
 genti in æquali pondere 362  
 Motus cur aëria & aqua ma-  
 gis rarefacit 355  
 Motus cur causa caloris 111  
 Motus cur æstium refrigerat  
 calorem 114  
 Motus orbem condensat 117  
 Motus in misto quomodo con-  
 tra naturam 65  
 Motus animalis duplex ibid.  
 Motu vnico locali fiunt rerum  
 omnium mutationes 430.343  
 Mota pars & mouens quæ sint  
 in elemento ignorant Peri-  
 patetici 344

## M V N D V S.

Mundi anima quid 309  
 Mundi partium vnitas vnde  
 266  
 Mundi partium vinculū quod-  
 nam 340  
 Mundi animæ nomine quid  
 Plato intellexerit ibid.  
 Mundum totum seruatis omni-  
 bus partibus posse per Dei  
 potentiam sub grani milij  
 quantitatem reduci, sunt qui  
 nugentur 326  
 Mundi regimen exercitui malè  
 comparat Aristoteles 202

## M V T A T I O.

Mutationes rerum naturalium  
 quoduplices 3  
 Mutationes rerum quomodo  
 fiant secundum veteres 9.10  
 Mutatio substantialis à formâ

simili ad formam similem est  
 impossibilis 285

## N

N Arcotica vnde 124

## N A T V R A.

Naturæ nomine quid intelli-  
 gatur 1  
 Naturalia quæ ibid.  
 Naturam non cognitione vti  
 malè docet Aristoteles 49  
 Naturam cum arte malè com-  
 parauit Aristoteles 191.192  
 De naturæ moderamine dubi-  
 tat Aristoteles 193  
 Natura corporis humani archi-  
 tecta sapientissima 194. cor-  
 pore composito quo abicit 197  
 Naturam nullus artifex potest  
 imitari 196  
 Natura an cognitione præsentia  
 agat 184  
 Theologorum & Peripatetico-  
 rum communis hac de re  
 sententia 185  
 Naturam modò doctam, modò  
 indoctam cur vocat Hippo-  
 crates 186  
 Naturæ opus intelligentiæ non  
 errantis opus est 188  
 Natura an à Deo præsentia diri-  
 gatur 187.188.189  
 Aristotelis sententia excutitur  
 ac refellitur 190  
 Natura quomodo agat, & Deus  
 per naturam, Aristotelis sen-  
 tentia ex eius scriptis eruitur  
 201. & sequentib.  
 Similitudines quibus id expli-  
 cat impugnatur. ib. Antiquo-  
 rum hac de re sententia 214



## INDEX.

Naturæ subtilitatem vide 15.

16.17

Naturæ subtilitati comparata  
subtilissima quæque sūt cras-  
sissima. 17

Natura quid 309. & sequentib.

Naturam diuersimodè vsurpa-  
uimus. ibidem.

Naturæ ratio in certis regulis  
posita est. 310

Naturæ instrumenta quæ. 311

Naturæ & artis penes instru-  
menta differentia. ibidem.

Naturæ author quomodo in  
compositi structurâ elemen-  
tis veluti instrumentis vta-  
tur. 315. & sequentibus.

Naturam ex bello genitâ quo  
sensu dixerit Heraclitus. 319

Natura abhorret à vacuo. 339

Naturæ & animæ mundi disci-  
men. 341

Natura nihil agit frustra. 343

Naturalis facultas cur agendo  
debilitetur. 458. & præceden-  
tibus.

### NAVIS.

Navis cur remigio pulsa cel-  
sante motore aliquandiu fe-  
ratur. 355

Navis ab aëre deprimitur. 356

Nebula 483. cur aliàs in nubem  
feratur, aliàs minimè. ibid.

Nexus & consensus partium  
causa. 266

Nexus partium totius orbis  
causa ibidem. vide vincu-  
lum

### NITRUM.

Nitrum vnde vim suam acce-  
perit. 22

Nitrum igne maiori degene-  
rat in salem cōmunem. ibid.  
vnde etuitur ibidem

Nitrum nec in aqua nec in fri-  
gore vim perdit ibidem in  
salem conuertitur 90

Nix 677

Noctu cur res quædam viden-  
tur 623. 624

### NOCTIVA.

Noctua cur lucem non fert 611

Noctux oculi cur micent 628

Cur interdiu minùs videat 629

Nubes cur Boreali cælo ac fri-  
gidissimo diu suspensæ fe-  
rantur 676

Nutritio & accretio quomodo  
fiat 320

O

**O**bscuro ex loco videmus  
longius & melius quare  
589

Obstructio viæ qua spiritus ar-  
centur sufficit ad facultatis  
priuationem 609

### OCVLVS.

Oculus cuius sit naturæ 606

Oculus cur cernat rem vbi est  
587

Oculo cur plurimùm humidū  
insit 608

Oculi cur maximè agiles 607

Cur nunquam rigent ibid.  
Oculum



# INDEX.

Oculum magna ex parte igneū

608

Oculum aqueum volunt Peripatetici

607

Ocul. vidēdo cur fatigetur

611

Cur à lucidis & albis potius ibidem &

617

Oculi lēſio non poteſt eſſe niſi à corpore 613 & præcedentibus

Oculi læſionis vera cauſa explicatur

613

Oculus cur moueatur ad aquæ motum

625

Oculi felis & noctuæ cur micent

628

## OLEVM.

Oleā ſenſcentia cur calidiora

89

Oleum quod principio ardorem compēſcit, cur tandem augeſt inflammationem ibid.

Oleo cur imponitur Elychniū ibidem

Omnia fecit Deus in pondere, numero & menſurā

313

Opticorum omnium de viſione ſententia

577

## ORBIS.

Orbes plures cæleſtes an dentur

478

Orbes alij concentrici, alij excentrici

481

Orbes concentrici

77.79.&

482

Orbes excentricos qui admittunt triginta tres orbes aſſerunt

ibidem

Orbium cæleſtium pluralitas impugnatur

482

P

## PAPAUER.

Papauer vt frigidum & calidum 23. Item 90. eius ſuccus flammam concipit ibidem.

Papauer cur ſoporiferum & narcoticum

314

## PARS.

Partes miſti ſunt diſſimiles

40

Partibus ſiccis & maxime terreis inſunt fluidæ

81

Partes item ſunt fuſiles ex quibus ſunt olea

ibidem

Partibus in fluidis ſunt aliæ firmæ & ſtabiles

ibidem

Partes an dentur minimè

399

Plato aliſque id aſſerunt ibid.

Partium diductio in rebus denſiſſimis obſeruatur

376

Partium diuerſitas ex quibus totum reſultat

73

Pars quæuis arboris inſita cur non tam facile coaleſcat atque ſurculus exiguus

297

Pediculi intercutis vulgo Cirbini dicti anatomia 15. & ſequentibus.

## PERIPATETICI.

Peripateticorū pertinacia

260

Peripatetici ineptè cauſam aſſignant cur res calidæ ſaſpent ambuſta

44

Peripateticorum rationes pro forma ſubſtantiæ reſurra-

tur

245. & ſequentibus

Peripatetici ſuis pro forma rationibus antiquorum a-

ſtruunt veritatem

254

Pinguis cur magis vtunt quàm ignis

97



# INDEX.

Pisces marini cur in aqua dulci  
moriuntur 603

Pituita quomodo incalescat 25

## PLANETA.

Planetarum motus qui 477  
Planetae quæ ibid.

Planetae an moueantur in cœlo  
ut aues in aëre vel pisces in  
mari 483

Affirmatiua refutatur 484  
refutationis iaciuntur fun-  
damenta 485

Affirmatiua probabilis ostendi-  
tur 487

Planetarum natura 518

Planetarum natura diuersa 520

Planetae voluntur ut rotæ 519

## PLATO.

Platonis de principiis materia-  
libus sententia 13. quomo-  
do differt à Democrito ibid.

Quid de misto senserit 32

Plato omnia in fluxu continuo  
ponit 427

Plato quid nomine animæ  
mundi intelligit 340

Plurium res diuersas spectan-  
tium cur radij transuersi alij  
alios non impediunt, & quo-  
modo plures eandem rem  
possint videre 603

## PLUVIA.

Pluvia 674

Aristoteles de pluvia à seipso  
discrepat 675

Pluvia an cadat cum primum  
vapores densati 675

Pluuiæ laxæ causa 677

Polita & leuigata omnia quid-

ni æqualiter ac speculum  
rem repræsentant 624

Ponti accolæ quomodo aquam  
indurent 678

## PRINCIPIUM.

Principia rerum naturalium  
quæ posuerit Aristoteles 4.5.  
6.7.8

In principiis periculosissime  
peccatur 8

Principia Aristotelis omnibus  
veteribus contraria 4

Principium rerum omnium cur  
alij terram, alij aquam, alij  
aërem putauerunt 24

Principium internum aliud à  
materia veteres agnouerunt  
9.11

Principium actiuum in re na-  
turali quid sit, difficile est  
determinare 182

Prisci, vide Veteres

## PRIVATIO.

Privatio quid ex Aristotele 4

Privatio vnum ex tribus prin-  
cipiis rerum naturalium ex  
Aristotele 8

Privatio perit formam aduenien-  
te ibid.

Privatio non est merum nihil  
ibidem

Procella quid 688

Eius tres sunt species ibid.

Proportio quid possit 514

Pruina 681

Puer à cerua educatus miræ  
pernicietatis euasit 179

Pullus cur hyberno tempore  
fiat 176

## PVN-



# I N D E X.

## PUNCTVM.

Punctorum naturam tactum, & alia vide 412. & sequentib.

Puncto à quolibet ad quodlibet an recta linea duci possit 417

Puncta an actu dentur 425

## PUTEVS.

Putei cur æstate frigidiores hyeme calidiores 695

Puteo ex initio cur stellæ interdiu videantur 580

Pyrausta igne nutritur 514

## Q

## QUALITAS.

Qualitatum non est intensio, sed accretio vt quantitatis ex Scaligero 71

Qualitates omnes vnde manent 430. & 434. & sequentibus.

## QUANTITAS.

Quantitas an possit minui non deperditâ substantiâ 326. & sequentib.

Quantitas est ratio diuidui, & quò plus habet res quantitatis, eò magis est diuidua 327. & sequentib.

## QUIES.

Quies naturalis vnde 3

Quies tot modis quot motus. ibid.

## R

## RADIUS.

Radius ocularis, si spiritalis, cur in aquâ moueatur 595

Radij cùm solares tum oculares corporei 597

Radiatorum emissionem fit visio 577

Radiatorum oculariû natura 589

Radij cùm solares tum oculares cur per vitrum non transiunt obliquum 590

Radius ocularis cur facillimè aquam subeat 598

Radius ocularis cur moueatur in aquâ non in aëre 599

Radiatorum oculi prima causa 600

Radij ocularis motus est reciprocus vt in arteriâ 600

Radij plurium res diuersas spectantium cum transuersi sint, cur alij alios non impediunt 604

Radij visiles quid sint, & an ignei 606

Argumenta in contrarium. ib.

Radij ocularis reflexio quot ex causis varietur 617

Radij minor repulsio reddit colorem obscuriorem 617

Radij ocularis continuatio ex quo fiat 597. 625

Radij solares in caminum ingressi impediunt fumum ascensum 685

Rami excisi anima eadem quæ fuerat prius 284. fuerat prius animæ pars nunc est anima tota 285

## RARITAS.

Raritas & densitas quid Aristoteli 321

Tali datâ raritate & densitate sequitur dari vacuum 322



# INDEX.

Rarefieri est ex paruo magnum  
fieri ibid.

Rarefactam rem quænam sub-  
stantia subeat 333

Reactio quid 449

Remota cur minora videantur  
586

Remotissimus mons cur vici-  
niori videatur contiguus ibi.

## RES.

Res aliæ naturales, aliæ artifi-  
ciales 2

Res naturales variis motibus  
obnoxia ibid.

Res quævis naturalis pro sui  
conseruatione laborat 19

Restaurantium natura 444  
restaurantium & purgantium  
differentia 445

## RHEVMA.

Rheuma vnde 119

Rheumatis materia quæ à fri-  
gido exprimitur, an à calido  
liquefiat 120

Causæ variæ ponuntur ibid.

## ROTA.

Rotæ partes centro proximæ  
an continuè moueantur 395

Rotæ radij partes non omnes  
simul mouentur ibid.

quo ordine mouentur 396

## S

## SAL.

**S**ales in aqua dissoluti vim  
suam retinent 22

Salis natura quæ 643. & sequen-  
tibus

Sal cur in fluuiis non sentitur  
646

Salis nitri ortus 642

## SALSVGO.

Salsuginis maris causæ 632

Quam causam affert Aristote-  
les 633

Salsum mare an ab initio 633.

& sequentib. Conimbricen-  
sium sententia refellitur 634.

Aristotelis de salsedine maris  
sententia, ac Scaligeri expo-  
sitio expenditur 636. & se-  
quentibus

Salsugo maris an ex halitibus è  
fundo maris excitatis 640. An  
ex montibus salis 641

Salsuginis causam cur terræ su-  
dorem vocarit Empedocles  
642

Salsuginis natura, modusque  
quo mare salsum redditur  
645

Salsi quidni euadant lacus &  
stagna 647

Salsugini propinquior aqua  
stagnorum & lacuum quàm  
fluuiorum ibid.

## SATVRNVS.

Saturnus cur frigidus & siccus  
521

Saturni regio est veluti lien  
qui adiacet stomacho scilicet  
cælo 523

## SCALIGER.

Scaliger malè causam assignat  
cur aër efflatus calidus aut  
frigidus exeat 115

Scaligeri de causa salsuginis  
maris refutatur sententia  
636. & sequentib.

Scaligeri sententia de anima  
seminis refutatur 167

Scaligeri de natura corporis  
humani formatrice senten-  
tia



# I N D E X.

tia 193. refutatur 195  
 Scaligeri sententia de causa æ-  
 flus maris refutatur 650  
 Scaligeri sententia de ascensu  
 aquarum maris refellitur 667  
 Scaligeri de ortu fontium opi-  
 nio contra Aristotelem 665  
 Scaliger dissentit ab Aristotele  
 in ratione misti 28.29.30. sibi  
 ipsi hac in re contradicit 30  
 Scaliger refutat Aristotelis ar-  
 gumentum cōtra seipsum 55  
 Scaliger malè assignat causam  
 cur motus sit causa caloris  
 III. & sequentib.  
 Scaliger de calce disputans ad-  
 mittit quod ipse & reliqui  
 cum Aristotele in veterum  
 doctrinā maximè reprehē-  
 dunt 57  
 Scaligeri positionibus quid sit  
 calidum in aquā ostēditur 71  
 Scaligeri de calce sententia  
 exagitur 99  
 Scaligeri de causa reflexus ra-  
 dij à speculo sententia refu-  
 tatur 590  
 Scammonij vis ad bilem pur-  
 gandam vnde 444  
 Scaturigo quot requirat 668  
 Scorpius cur parti quam punxit  
 attritus venenum trahit 434  
 Scyphus plenus vino cur map-  
 pam rubore fictitio tingit 626  
**S E M E N.**  
 Semina rerum omniū in terra,  
 aqua, & aëre sunt dispersa 24  
 Semen an habeat animam 162  
 Seminis potentia à quo redu-  
 catur in actum 163  
 Semen agit per se absente ma-

re 164  
 Peripatetici hac in re contradi-  
 cunt Aristoteli 168. diuersæ  
 eorum sententiæ ibid.  
 Seminis ratio in quo cōsistat 19  
 Semen agit virtute propriā 170  
 Semen quod calidum crassum  
 est cur refrigeratū liquefit 681  
**S E N I V M.**  
 Senium vnde 451  
 Senes cur à lucerna oculos a-  
 uertant 611.629  
 A senio cur non datur regressus  
 453  
 In senectute cur substantia a-  
 missa non reparetur vt in iu-  
 uentute 455  
**S E N S V S.**  
 Sensum minoris qualitatis cur  
 sensus maioris tollat 44  
 Sensus non fallitur cū ignem  
 abstrusum non sentimus 76  
 Sensus iudicat de actione i-  
 gnis, non de præsentia ibid.  
 Sensorio nobilissimo nobilissi-  
 mum debetur elementū 607  
 Septimum in diem quod febris  
 soleat acui an rectè lunæ tri-  
 buatur 662  
**S E R P E N S.**  
 Serpentis caput amputatum  
 parti quam punxit illisum &  
 affrictum venenum cur tra-  
 hit 434.439  
 Serpentis pinguedo ibid.  
 Serpentis & viperæ puluis 436  
 Serpentis & viperæ carnes ca-  
 pite & caudā exectis salu-  
 berrimæ ibid.  
 Serpentes cur quotannis exu-  
 uias deponant 437



# INDEX.

Serpentis frigiditas manifesta  
ibid.

Serpentis veneni causa duplex  
ibid.

Serpentis humidum si attrahit  
venenum quidni est venena-  
tum 440

Siccum quid 473

## SIMILE.

Simile quod à simili generetur  
non arguit formam substan-  
tialem sed similitudinem o-  
stendit materiæ 258

Simile similis consortio dele-  
ctatur 352

Simile disunctionem abhorret  
à simili 352

Simile expellit Heterogeneum  
ibid. Item 356. 357

Simile agit in simile 432

## SOL.

Solis natura 522. & sequentibus  
Sol cordi familiaris 522 respon-  
det auro ibid.

Solis actio cur æstate poten-  
tior 533. 534

Solis radij cur per ampullam  
aquâ plenam transeuntes stu-  
pam oppositam vrant 535

Sol eodémne instanti quo or-  
tus est apparet nostris oculis  
547

Solis radij quomodo successivè  
& longo temporis tractu ad  
nos descendant 553. 554. 555

Solis radij per vitrum rubrum  
transeuntes cur muro proxi-  
mo ruboris imprimunt ima-  
ginem 626

Solstitio brumali cur sole ad  
nos accedente frigus fit ve-

hementius 467

## SOLVTIO.

Solutio violenta quomodo fiat  
à calore externo 96

Solutio partium per consensum  
quid ibid.

Solutio partium quotupliciter  
fiat 93

Soluit aqua calida partes quas  
nequit ignis assando 96. solu-  
tiones alias vide consequen-  
ter

## SOMMVS.

Somni causa quæ 122

Somnus cur horis pomeridianis  
nos inuadit ibid.

Somnus post coitum 123

Somnum cur papauer inducit  
ibid.

## SPECIES.

Species visibiles agitantur 570  
& sequentibus

Species rerum omnium an sint  
simul in qualibet aeris parti-  
culâ 572

Species cum sit spiritalis quid-  
ni per quoduis corpus tran-  
sit 574

Species visibilis spiritalis vti-  
que si ab obiecto prodit cur  
in aqua mota mouetur 595

Si ab aqua mota mouetur quid-  
ui ab aere 596

## SPECVLVM.

Speculo quid inest quod vide-  
tur 575

Specularibus oblongis cur visio  
tam procul feratur 578

Specilla cur recteent oculos  
579

Speculum vrens quomodo res  
repræ-



# I N D E X.

- repræsentet res est mirabilis  
580. causa talis repræsentationis 581. & sequentibus
- Speculum rotundum cur rem parvam refert 586
- Speculum cur res repræsentet 587. 588
- Speculo quæ illita materia requiritur ad radium reflectendum 590. In speculo præter densitatem & leuitatem materiæ aliquid inest necessarium 614
- ## S P H Æ R A.
- Sphæræ cælestes quot secundum Aristotelem 473
- Sphæræ cuiuslibet additus suus motor ibid.
- Sphæræ plures an dentur 478
- Sphærarum pluralitas impugnetur 482
- ## S P I R I T V S.
- Spiritus Stoicorum quid 333 & sequentibus
- Spiritus ille est veluti elementorum omnium forma communis 334
- Spiritus hunc argumenta quæ impugnant refelluntur 336
- Spiritus hic est omnium mundi partium nexus ibid.
- Spiritus hic quid maximè intendit 342
- Spiritus hunc doctrina quæ docet cum Aristotelicâ comparatur 342
- Spiritus emissionis pars quælibet infirmatur 499
- Spiritus hæc emissio vnde ibid.
- Spiritus nimia profusio vel eorundem strangulatio inducit facultatis vel etiam vitæ priuationem 609 659
- Spiritus sensorij ignis 608
- Splendor quiddam alboris habet 617
- Splendet magis res quæuis quâ parte luci obiecta est ibid.
- Spongiæ partes cur proprias possint accedere 324
- ## S T E L L A.
- Stellarum motus multiplex 489
- Stellarum motus duplex refutatur 490
- Stellarum natura secundum plures ex antiquis 502
- Stellæ an sint animantia ibid.
- Stellæ quomodo quidam veterum nutriripotauerunt 503
- Stellæ si nutritione egerent an essent interitui obnoxie 505
- Stellæ cui micant 558
- Struthij venter ferrum coracoquens 514
- Strybii malignitas in quo consistit 442
- Subtilitatem naturæ vide 15 16. 17
- Subtiliores partes frigore densante intimum petunt 687
- ## S V D O R.
- Sudoris natura 642
- Sudorem terræ cur Empedocles vocarit causam saluginis ibid.
- Sudor ut generet 87
- Sulphur cur accensum prunas extinguit 90



T.

TACTVS.

**T**actus vnde parit voluptatem 457

TERRA.

Terra alia aliis rebus ferendis apta 259

Terra omnium mater & nutrix 314

Terra omnium minimè efficax, communis ædificij veluti saxa & lateres ibid.

Terra & terrestria omnia cur proiecta celerius moueantur 373

Terra naturæ balsamo imprægnata 457

Terra pinguis cur puteis, non fontibus apta, neque arenosa, saxosa fontibus aptior 669

Terræ viscera cur æstate frigidiora, hyeme calidiora 695

Terræ ex visceribus calidum illud iugiter ascendens vnde 697 calidum illud vnde reparatur 698

Terræ supremæ partes hyeme congelantur 698

Terra vnde habet quæcunque ex se gignit 699

Terræ diuersis partibus cur diuersa generentur 700

Tonitru 666 cur minùs hyberno frigore minùs quoque æstivo calore audiatur 688

Trepidationis motus 493 cui ascribendus 497

Trunci & surculi insiti consensus & connexio vnde

264

Turbo quid

688

V.

VACVVM.

Vacuum dari probatur suppositâ densatione & rarefactione qualis in scholis intelligitur 322

Vacuum sic dari conuincit Scalligeri argumentum 325

Vacuum vt viter Toleti euasio ibid. vide consequenter eius refutationem

Vacuum cur & quale admiscit Democritus 339

VAPORES.

Vapores in quos aqua soluitur non esse aerem 73

Vapores an cum primùm densati sunt cadat pluuia 675

Vasi imo aquâ pleno res quæ infuerit cur maior videatur quàm vase vacuo 599

VECTIS.

Vectium vsus ad res graues facile submouendas 378

Vectis vel baculus foramini impactus si torqueatur cur potius iuxta foramen cui committitur frangatur 380 vide ibi plura

VENENVM.

Venenorum & deleteriorum vis vnde 433

Veneni viperæ causa duplex 437

Veneni natura in quo sita sit 440

Ventriculi vis vnde cibum conco



# INDEX.

concoquendo debilitatur

450 456

## VENTVS.

Ventus quid 689

Ventorum diuersitatis causa 691

Ventus cur lucernam extinguit

447

Ventus igneus 686

Ventus cur visionem non impedit. 601

Ventus visionem facit aliquam visionis mutationem 599

## VETERES.

Veteres quam primam rerum materiam agnouerunt 81 & sequentibus

Veteres quomodo ex materia prima res fieri voluerunt. ibidem quomodo concordant 254

Veteres principium internum diuersum à materia voluerunt 9

Quodnam sit illud principium

Veterum de primis rerum principiis conciliatio 12 & 13

Veterum quāti sit authoritas 222

Veteres Deum rebus omnibus intimum agnouerunt 214

Veteres vnde elementorum variorum complexionem mutationemque rimati 254

Vinculum similitum quodnā 465

## VINVM.

Vinum cur difficile à stomacho vincatur 89

Vinū cur pleno dolio non fluat nisi aeraliunde ingrediatur 365

Vinum in quo vipera mortua sit præsentissimum aduersus lepram remedium 437

## VIPERA.

Viperæ & serpentis puluis 436

Eorum exenteratorum carnes capite & cauda exectis saluberrima ibidem

Exuias cur quotannis depolant 437

Viperæ veneni causa duplex ibidem

Viscus an arbor 262. Cur ab arbore nutriatur 25

## VISIO, VISVS.

Visio 569. quomodo fiat Aristotelis veterum sententia ibidem Peripateticorum sententia excutitur 570

Visio an fiat receptione 570

Visio sit emissione radiorū 577

Visionis causam inuestigans Aristoteles cogitur ex veterū principiis procedere 588

Videmus melius & longius stantes in aere obscuro modo nebulæ non impediunt 593. 597

Visio quomodo fiat 589

Visio quod exeat ex oculo quod in via tantam longitudinem protendatur ibidem

Videtur maior res quæ inest vasi imo si aqua lymphida impleatur 599

Videre eandem rem quæ plures queant 603

Visionis interruptio plerumque perspicua 604

Videmus eandem rem alias aliam 605

Visus quomodo fiat priua-



T.

TACTVS.

**T**actus vnde parit voluptatem 457

TERRA.

Terra alia aliis rebus ferendis apta 259  
 Terra omnium mater & nutrix 314  
 Terra omnium minimè efficax, communis ædificij veluti saxa & lateres ibid.  
 Terra & terrestria omnia cur proiecta celerius moueantur 373  
 Terra naturæ balsamo imprægnata 457  
 Terra pinguis cur puteis, non fontibus apta, neque arenosa, saxosa fontibus aptior 669  
 Terræ viscera cur æstate frigidiora, hyeme calidiora 695  
 Terræ ex visceribus calidum illud iugiter ascendens vnde 697 calidum illud vnde reparatur 698  
 Terræ supremæ partes hyeme congelantur 698  
 Terra vnde habet quæcunque ex se gignit 699  
 Terræ diuersis partibus cur diuersa generentur 700  
 Tonitru 666 cur minùs hyberno frigore minùs quoque æstiuo calore audiatur 688  
 Trepidationis motus 493 cui ascribendus 497  
 Trunci & surculi insiti consensu & connexio vnde

264

Turbo quid

688

V.

VACVVM.

Vacuum dari probatur suppositâ densatione & rarefactione qualis in scholis intelligitur 322  
 Vacuum sic dari conuincit Scalligeri argumentum 325  
 Vacuum vt vitet Toleti euasio ibid. vide consequenter eius refutationem  
 Vacuum cur & quale admisc Democritus 339

VAPORES.

Vapores in quos aqua soluitur non esse aerem 73  
 Vapores an cum primùm densati sunt cadat pluuia 675  
 Vasi imo aquâ pleno res quæ infuerit cur maior videatur quàm vase vacuo 599

VECTIS.

Vectium vsus ad res graues facile submouendas 378  
 Vectis vel baculus foramini impactus si torqueatur cur potius iuxta foramen cui committitur frangatur 380 vide ibi plura

VENENVM.

Venenorum & deleteriorum vis vnde 433  
 Veneni viperæ causa duplex 437  
 Veneni natura in quo sita sit 440  
 Ventriculi vis vnde cibum conco



# INDEX.

concoquendo debilitatur

450 456

## VENTVS.

Ventus quid 689

Ventorum diuersitatis causa 691

Ventus cur lucernam extinguit

447

Ventus igneus 686

Ventus cur visionem non impedit.

601

Ventus visionem facit aliquam visionis mutationem 599

## VETERES.

Veteres quam primam rerum materiam agnouerunt 81 & sequentibus

Veteres quomodo ex materia prima res fieri voluerunt. ibidem quomodo concordant

254

Veteres principium internum diuersum à materia voluerunt 9

Quodnam sit illud principium Veterum de primis rerum principiiis conciliatio 12 & 13

Veterum quāti sit authoritas 222

Veteres Deum rebus omnibus intimum agnouerunt 214

Veteres vnde elementorum variorum complexionem mutationemque rimati 254

Vinculum similitum quodnā 465

## VINVM.

Vinum cur difficile à stomacho vincatur 89

Vinū cur pleno dolio non fluat nisi acri aliunde ingrediatur 365

Vinum in quo vipera mortua sit præsentissimum aduersus lepram remedium 437

## VIPERA.

Viperæ & serpentis puluis 436

Eorum exenteratorum carnes capite & cauda exectis saluberrima ibidem

Exuvias cur quotannis depolant 437

Viperæ veneni causa duplex ibidem

Viscus an arbor 262. Cur ab arbore nutriatur 25

## VISIO, VISVS.

Visio 569. quomodo fiat Aristotelis veterum sententia ibidem Peripateticorum sententia excutitur 570

Visio an fiat receptione 570

Visio sit emissione radiorū 577

Visionis causam inuestigans Aristoteles cogitur ex veterū principiiis procedere 588

Videmus melius & longius stantes in aere obscuro modo nebulæ non impediunt 593. 597

Visio quomodo fiat 589

Visio quod exeat ex oculo quod in via tantam longitudinem protendatur ibidem

Videtur maior res quæ inest vasi imo si aqua limpida impletur 599

Videre eandem rem quæ plures queant 603

Visionis interruptio plerumque perspicua 604

Videmus eandem rem alias aliam 605

Visus quomodo fiat priua-



# I N D E X.

rio	609
Videntur quædam noctu, cur	623
Vifus facultatis diuerfitas vn-	de
	628
Vitam propriè non habet mē-	
brum absciffum licet animā	
ad tempus retineat	296
Vitrum calidum cur ad frigida	
aquæ infuſionem frangitur	103
Viuit nonnihil aliquando ca-	
put hominis abſciſſum	289
Vnguētum ex calidis & frigi-	
dis conſtans	683
Vnguium à digitis ortus.	262
connexio	263
Vnitasmundi vnde	266
Vux cōtactu cur putreſcāt	470
Z.	

## Z A B A R E L L A.

**Z** Abarella fruſtra conatur  
ſoluere rationes quæ

formam continuè fluere	
conuincunt	274. Eas rationes
fatetur inuictas	275. 276. Ex
falſorum ſuppoſitione falſum	
conſequens cogitur admitte-	
re	280
Zabarella pro nobis contra ſei-	
piſum diſputat ac ſe conuin-	
cit	284
Zabarellæ argumenta fluxum	
animæ vegetantis negantia	
refutantur	294
Zabarellæ ſententia de motu	
grauium ponitur & refuta-	
tur	347. & ſeq.
Zabarellæ ſententia cur alia a-	
liis celerius deſcendant, eiuf-	
que refutatio	360
Zenonis de partibus indiuiduis	
argumentum	403
Zeuxis pictor eximius	216
Zonâ ſub torridâ cur ſingulis	
diebus pluât	684

# F I N I S.













